

ჯენიჲ ჳოტოჲილანი

*

ქედის
ნეიეჲი
ქეჲი

*

• ნიჲნი ეჲოჲი •

თარგმნეს
ნათელა ლორთქიფანიძემ
და
დიანა თათარაშვილმა

პერის დაბრუნებამდე რამდენიმე დღით ადრე უმაღლესი სასამართლოს ადვოკატის, მაქს ბერნარდის ბინაზე დილაადრიან მოიყარეს თავი ფინანსისტებმა. ისინი წინათაც შეიკრიბნენ, რათა განეხილათ საკითხი, თუ რამდენად შესაძლებელია იუტლანდიის დასავლეთ სანაპიროზე ღია პორტის შექმნა.

ამ შეხვედრაზე ივენიც მოვიდა, თუმცა მეტად ნაღვლიანი კი იყო. სანამ ფანჯარასთან მდგარი დანარჩენი ბატონები გაცხოველებულ მას-ლაათში იყვნენ, ოთახში დადიოდა და ნერვიულად ფურცლავდა მაგი-დაზე დალაგებულ გაზეთებსა და წიგნებს.

ივენს მეტისმეტად აწუხებდა ის ამბავი, რომ ბერეგრაფი და პერი ერთმანეთისათვის ვერ შეეხვედრებინა. რა თქმა უნდა, ფიქრადაც არ მოსვლია, პერი მაშინვე დამთანხმდება შერიგებაზეო, მაგრამ საპასუხო წერილში იგი ისე იხსენიებდა პოლკოვნიკს, ივენს ყოველგვარი იმედი გადაუწყდა. ყველა წერილში, რაც იტალიიდან გამოაგზავნა, პერს მე-ტად ავღებული ტონი ჰქონდა. ახლაც იმავე ტონით ნახევარ გვერდზე ჩამოეწერა ირონიული შენიშვნები პოლკოვნიკის მისამართით და ურჩევდა — მწვანე ფერით შეღებულ პოლკოვნიკი და მაცხოვრის ეკლე-სიის სამრეკლოზე გამოკიდეთ, „რათა ყველა დააფრთხოსო“.

მაგრამ ივენი იმ დროს ყურს უყრუებდა გონებამახვილობის ასეთ მარგალიტებს, მით უფრო, რომ ამ ენამახვილობას გულწრფელობა არ ეტყობოდა. ივენს ვერ გაეგო, პერი თავის პროექტს და მის ბედს ასე გულგრილად რად ეკიდებოდა. როცა ივენმა აცნობა სასიხარულო ამ-ბავი — მაქს ბერნარდმა წყალობა მოიღო, შენს მხარდაჭერას აპირებსო და გამოთქვა იმედი, ალბათ შევძლებ თავი მოვეუყარო ხალხს, ვინც დიდ თანხებს ფლობსო, პერმა მოკლედ უპასუხა:

„კაცი ვინმე გარდამოვიდოდა იერუსალიმით იერიქოდ, და ავაზაკნი დაესხნეს“.

შემოუსხდნენ მაგიდას, სადაც გაშლილი იყო ნახაზები, რუკები, ხარჯთაღრიცხვები და ა. შ.; მაქს ბერნარდმა გახსნა სხდომა და განაცხადა: სამწუხაროდ, ბატონმა სალამონმა ვერ შესძლო პოლკოვნიკ ბერეგრავსა და ბატონ სიდენიუსს შორის თანხმობის ჩამოგდება და ამიტომ პოლკოვნიკის თანამშრომლობის იმედი ჭერჭერობით არ უნდა გვექონდეს. მაშასადამე, აქ შეკრებილმა ხალხმა უფრო გადამჭრელი პოზიცია უნდა დაიკავოს ამ საკითხში, რათა საბოლოოდ გადაწყვიტონ, ვინ შევაიმ საზოგადოების გამგეობის შემადგენლობაში, ამიერიდან რომ უნდა ჩამოვყალიბოთო.

ბერნარდის შემდეგ სიტყვა ივენმა აიღო. მან შეახსენა დამსწრეთ, უკვე წინა შეხვედრაზე. თავს ნება მიეცეო, ეჭვი შემეტანა, რომ გენიალური პროექტის ახალგაზრდა შემქმნელი და ძველი სკოლის ინჟინერი ურთიერთთანამშრომლობას შესძლებენო. ამიტომ, დაბეჯითებით გთხოვთ, ჩემი პოლკოვნიკთან მოლაპარაკების ფუჰად ჩავლის გამო დაწყებული საქმის რწმენას ნუ დაკარგავთო. პირადად მე, ამბობდა ივენი, დარწმუნებული ვარ, რომ პროექტის განსაკუთრებული მნიშვნელობა დრომოკმული, შურიანი ავტორიტეტების დაუხმარებლადაც თავისთავად გასაგები გახდება ფართო წრეებისათვის, საკმარისია მხოლოდ ენერგიულად მოვკიდოთ საქმეს ხელი და, თუ განცხადებებს საკმაოდ გამოვაქვეყნებთ, ან იქნებ რაიმე სხვა გზითაც — პრესაც მხარს დაგვიჭერსო.

მაქს ბერნარდმა ამაზე უპასუხა, მე სავსებით მჯერა პრესის უდიდესი გავლენა, მაგრამ სულაც არ ვარ დარწმუნებული, რომ ფართო საზოგადოებას საგნებზე საღად მსჯელობის უნარი შესწევსო. მისმა სიტყვებმა ყველა გააცინა. შემდეგ ბერნარდმა თქვა, არ ვიზიარებ ივენის შეხედულებას შექმნილ მდგომარეობაზე და, ასე მგონია, სასურველ ურთიერთ თანამშრომლობას ვერ მივაღწევთო. თუმცა პოლკოვნიკი ბერეგრაივი აშკარად შეგვეპირდა თავის მხრივ ხელის შეწყობას და მხოლოდ ერთი საკმარად გონივრული და უბრალო მოთხოვნა წამოგვიყენა, მაგრამ სწორედ ის პირობა, აქამდე არ შესრულებულაო. ამიტომაც მე, მაქს ბერნარდი, გირჩევთ მივმართოთ სიდენიუსს უფრო კონკრეტულად ჩამოყალიბებული მოთხოვნით და წინადადება მივცეთ, რაც შეიძლება

მალე მოუღოს ბოლო წმინდა პირადულ უთანხმოებას პოლკოვნიკ ბერეგრავეთანო.

ივენი, რაც კი შეეძლო, თავს იცავდა. მან ხაზი გაუსვა იმ ამბავს, რომ ეს საქმე სრულიადაც არ ეხება პირად მტრობას. კონფლიქტი აქ გაცილებით ღრმაა. ეს კიდეც ერთი ამოხეთქვაა ძველთაძველი დავისა უფროს და უმცროს თაობებს შორის. პოლკოვნიკი ბერეგრავე და ბატონი სილენიუსი სხვადასხვა შეხედულებისანი არიან, როგორც ინჟინრებიც და როგორც ადამიანებიც და ამას აღარაფერი მოეულება.

მაქს ბერნარდმა სიტყვა შეაწყვეტინა. თქვა, აქ დამსწრე ბატონებს სრულიადაც არა სურთ ღრმად გაერკვნენ თეორიულ ამბებში, რადგან ეს არავისთვის არ არის საჭირო, ყველა დარწმუნებულია, პოლკოვნიკი ბერეგრავე სწორედ ის ადამიანია, ვისაც ძალუძს წამოწყებას საჭირო მხარდაჭერა გაუწიოს და რამდენადაც უკვე ამაზე თანხმობა განაცხადა, ყველა საღად მოაზროვნე ადამიანისთვის ნათელი უნდა იყოს, როგორ მოიქცეს კაცი ასეთ შემთხვევაშიო.

ყველა დაეთანხმა მაქს ბერნარდის აზრს. და, რადგან ამით საკითხი გადაწყვეტილად ითვლებოდა, დამსწრენი აქციების კურსისა და ფულადი ბაზრის მდგომარეობის განხილვაზე გადავიდნენ.

ბოლოს მაქს ბერნარდმა განაცხადა. ამიერიდან საზოგადოება დაარსებულად ითვლება და სასურველია შესაფერისი განცხადება რაც შეიძლება მალე დაიბეჭდოს პრესაშიო. მიუხედავად იმისა, რომ ყველა დამსწრემ (გარდა მას ბერნარდის რწმუნებულის ბანკირ გერლოვისა და ახალგაზრდა სტივენსონისა, ბერნარდის დამქაში რომ იყო) აზრი გამოთქვა, მოვლენებს წინ ნუ გავუსწრებთო, უკვე მეორე დილით კოპენჰაგენის გაზეთების უმრავლესობამ თავიანთ სტატიებში შეაქვეს პერის პროექტი და მრავალისაღმქმელი სათაურიც კი მისცეს: „გრანდიოზული საერთო ეროვნული წამოწყება.“

პერის სახელი სტატიაში არ იყო ნახსენები, თავად სტატიაც საკმაოდ ზერელედ იყო დაწერილი და იწყებოდა სიტყვებით „ბირჟაზე ხმები დადის“... მაგრამ უკვე ერთი დღის შემდეგ იგივე გაზეთები იტყობინებოდნენ, რომ პროექტს მხარი დაუჭირა „რიგმა ცნობილ ბირთა და დიდად პატივცემულმა საფინანსო დაწესებულებებმა.“

მაქს ბერნარდმა იჩქარა საზოგადოების ყურადღება მიეპყრო პროექტისადმი, თუმცა თავიდანვე თითქმის არა სწამდა რა მისი და მაშინვე დაივიწყებდა, როგორც კი ეს პროექტი თავის საქმეს გააკეთებდა. ბერ-

ნარდს მხოლოდ ერთი მიზანი ჰქონდა: იმედოვნებდა, ამ გზით ჩანასახშივე ჩაეხშო კოპენჰაგენის პროექტი, ამიტომაც არ დაუსახელა გაზეთებს პერის სახელი, სურდა, რაც შეიძლება მეტ ხანს დაეფარა, თუ სახელდობრ რომედუ გეგმაზე იყო ლაპარაკი. ყოველივე ამასთან ერთად, მას სრულიად არ სწამდა პერის, როგორც დამპყრობისა, რაკი საერთოდ დანიის სასულიერო პირთა შთამომავლობა დიდად არ ეპიტნავენოდა. მხოლოდ ერთხელ-ნახა პერი სალამონებთან, ივენი მაშინ ყოველნაირად ცდილობდა, ისინი ერთმანეთისათვის შეეხვედრებინა, მაგრამ მაქსი ხელად მიხვდა, რომ ეს მყვირალა და თვითკმაყოფილი ახალგაზრდა, სემინარისტს რომ ჰგავდა, იმ მასალისაგან არ იყო შექმნილი, მას რომ სკირდებოდა.

ბერნარდი კიდევაც აპირებდა, თუ საჭირო იქნებოდა, პერისთვის გვერდი აეკლო და უფრო დამთმობი კაცით შეეცვალა იგი; უკვე მხედველობაშიც ჰყავდა ასეთი კაცი, — ვინმე ინჟინერი სტეინერი, ვინაც ახლახან პროვინციულ გაზეთში დასავლეთ იუტლანდიის ღია პორტის სხვა პროექტი გამოაქვეყნა. თუმცა პროექტი აშკარად ნასესხები იყო, რომ პირდაპირ არა ვთქვათ მოტაცებულაც კი პერისგან, ცალკეულ დეტალებში სრულიად დამოუკიდებელი გახლდათ და ყოველ შემთხვევაში, მისთვის განკუთვნილი როლის შესასრულებლად მშვენივრად გამოდგებოდა.

* * *

ქარიანი და ნოტიო გაზაფხულის მიუხედავად, სალამონების ოჯახი მაისის პირველ რიცხვებში უკვე სკოვბაკენში გადაბარგდა.

იაკობას გულისთვის აჩქარდნენ ასე: იაკობამ მოისურვა, რაც შეიძლება ადრე გადასულიყო აგარაკზე. სოფლის სიჩუმეც იზიდავდა, სუფთა ჰაერიც და ისიც, რომ ხანგრძლივად სეირნობას შესძლებდა.

წინათ იაკობა, მიუხედავად იმისა, რომ ბევრ რამეს იტკივებდა, არასოდეს არ ზრუნავდა თავის ჯანმრთელობაზე, რადგან განკუთრებისა არ სჯეროდა, ახლა კი თავს მეტისმეტად ფრთხილად ექცეოდა. ქალმა ცხოვრების მიზანი მოიპოვა და იმედი გაუჩნდა, იქნებ ჩემი საბრალო სუსტი სხეულიც ოდესმე გაჯანსაღდესო.

იმ მრავალრიცხოვან წიგნებსა და ჟურნალებს შორის, რაც მაგიდაზე დაეზინებოდა. ახლა იპოვიდით სამედიცინო შრომებსა და ჟურნალებს

პიგიენის საკითხებზე, ამ საკითხებს იაკობა გულმოდგინედ სწავლობდა. ქალი გმირულად ცდილობდა სპარტანულად გაკაეებუიყო: ყინულივით ცივ წყალს ივლებდა ტანზე და ბევრს დადიოდა ფეხით. ჯერ კიდევ კოპენჰაგენში დაიწყო დილდილობით სეირნობა. ცუდ ამინდშიაც კი გაისეირნებდა ხოლმე ლანჰენლინიემდე და მერე უკან ბრუნდებოდა, ეს კი დიდად სიამოვნებდათ ბრედჰადელ ნაცნობებს: ისინი ფანჯარებს მიეკრობოდნენ და უცქეროდნენ, სრულ ცხრა საათზე იაკობა რომ წინ ჩამოუვლიდათ. ქალი განზომილი ნაბიჯებით დადიოდა, ხელში გაშლილი ქოლგა ეჭირა.

მაგრამ, რაც არ უნდა ელონა, არაფერი გამოდიოდა. ყველა ხედავდა, რომ იაკობა დღითიდღე დნებოდა. ღრმა სევდა სტანჯავდა. ბოლო ღროს ადამიანთა დანახვაც არ შეეძლო. ღამეებიც მარადისობასავით უსასრულონი გახლდათ. ბუზის გაბზუილებაც კი ძილს უტეხდა.

თუმცა ცუდ ხასიათზე იშვიათად იყო. არც პერისადმი მიწერილ წერილებში ჩიოდა რამეს და არც თავად მას არ ეტყობოდა არაფერი. ყველაზე უფრო მძიმე წუთებშიაც კი იმედებით იყო აღსავსე. ბავშვობიდანვე ისე შეჩვეოდა სნეულებას, კარგა ხანია ავადმყოფობა აღარავითარ გავლენას აღარ ახდენდა მის სულიერ მდგომარეობაზე. სამაგიეროდ, სხვა იდუმალი საზრუნავი სტანჯავდა.

იაკობა დღითი დღე უფრო და უფრო რწმუნდებოდა, რომ ორსულად იყო. ახალმა ნიშნებმა განუმტკიცეს ეს ეჭვი, თუმცა, როცა დედამ საჩოთირო კითხვები დაუსვა, კეთილგონიერმა იაკობამ არაფერი გაუმხილა. პერისადმი მიწერილ ბარათებშიც ქალს სიტყვა არ დასცდენია. ამაზე, მით უფრო, რომ დარწმუნებით ჯერ არაფრის თქმა არ შეეძლო, რადგან მისი ორგანიზმი მანამდეც მოშლილი იყო ზოგჯერ.

მომავალ დედობაზე რომ ჩაფიქრდებოდა ხოლმე, ეშინოდა, ეჭვი ეპარებოდა, ეყოფოდა თუ არა ძალა, რომ შვილი ეშობა. ზოგჯერ ამაზე ფიქრი იაკობას შემოდგომის მზის სხივებივით ნაზი და სევდიანი სიხარულით უვსებდა გულს. მაგრამ, საერთოდ, ორსულობა გაცილებით ნაკლებად აწუხებდა, ვიდრე მოსალოდნელი იყო. ყოველთვის, როცა კი თავის მდგომარეობა გაახსენდებოდა, ფიქრებს მაშინვე პერის მიაპყრობდა. უფრო მეტად ეჭვიანობა სტანჯავდა, ვერაფრით ვერ ამოვგდო გულიდან ეჭვი.

მას შემდეგ, რაც პერის შინ გამოძახება გადაწყდა, იაკობა განუწყვეტილად მღელვარებაში იყო. ივენმა ბევრჯერ სთხოვა, მაგრამ ერთი

სიტყვითაც არ შეცდილა, პერზე გავლენა მოეხდინა, თუმცა თავად იაკობასაც ვერ გაეგო, რად ჩარჩა პერი ამდენხანს რომში, იმ ქალაქში, თავდაპირველად სულ რომ არ შედიოდა მის მარშრუტში და სადაც მას, პროფესიონალური თვალთახედვით, არაფერი ჰქონდა გასაკეთებელი. თუ იმისათვის შეყოვნდა, პერი ასე იწერებოდა, რომ ბიუსტის დამთავრებას ელოდა, ეს იაკობას, სხვა რომ არაფერი, შეუწყნარებელ თავქარიანობად მიაჩნდა.

თანაც, ბოლო დღეებში, ქალმა ორი მეტისმეტად უთავბოლო წერილი მიიღო პერისაგან, წერილები მშრალად კი არ იყო დაწერილი, პირიქით, ალერსიანად, მაგრამ ამ ბარათებმა იაკობა სერიოზულად ჩააფიქრა. თუმცა, როგორც კი მოვიდა ტელეგრამა, პერის მალე შინ დაბრუნებას რომ იუწყებოდა, ყოველგვარი შიში გაუქრა. მარტო რომ დარჩენილიყო, იაკობა ტყეში წავიდა, ქალმა თავის სიცოცხლეში პირველად ინანა, ღმერთი რატომ არ მწამსო და არ იცოდა მადლი ვისთვის მიეზლო, ვინ განედიდებინა.

იმ დღეს, პერს რომ ელოდნენ, იაკობა უთენია ადგა და ისე მშვიდად და მოთმინებით შეუდგა ჩაცმას, უძლიერესი სულიერი განცდების დროს რომ იცოდა ხოლმე. სადგურში წასვლამდე რამდენიმე საათით ადრე ქალი უკვე მზად იყო. პერი დილის ჩქარი მატარებლით უნდა ჩამოსულიყო და ეშინოდა არ დაგვიანებოდა.

ბოლო დღეებში კარგი ამინდი დადგა. დილით, იაკობა მატარებლის დასახვედრად რომ მიდიოდა, მზე ისე ბრწყინავდა, როგორც ზაფხულში იცის.

პერმა ამ დროს უკვე მშობლიურ მიწაზე შემოაბიჯა, — მატარებელს ის ზელანდიაში მოჰყავდა. ერთთავად ყოყმანში იყო. რომიდან წამოსვლისას მტკიცედ ჰქონდა გადაწყვეტილი, ჩაეშალა თავისი და იაკობას ნიშნობა, მაგრამ ამ გადაწყვეტილების შეტყობინება ვერ გაბედა; ამიტომაც, სანამ ნივთებს ალაგებდა და გასამგზავრებლად ემზადებოდა, ძალიან ღელავდა. ერთი ფიქრი ისიც იფიქრა, გზად მიუნხენში ან ბერლინში შევჩერდები და ცოტა გონს მოვიკრებო.

მაგრამ რაც უფრო მიიწევდა ჩრდილოეთისკენ, მით უფრო ეფლობოდა მოგონებებში. ტყით დაფარული მთების დანახვამ, სულ რამდენიმე თვის წინ მისი და იაკობას სიყვარულის სამოთხისებური თავშესაფარი რომ იყო, განსაკუთრებით გაუღვიძა მოგონებები. როცა მატარებელმა ალპებს გადაუარა, პერმა მთელი ღამე კუპეს ფანჯარასთან

გაატარა მთვარით განათებულ ფერდობების ცქერაში. იცნო მწვერვალ-
დათოვლილა ტყიანი ქედი, ის და იაკობა შორიდან რომ ხედავდნენ
სეირნობის დროს... და გული ძალიან დაუმძიმდა.

პერი თავისთვის განსჯაში იყო. ჰეშმარიტი სიღენიუსის შეუცნობე-
ლი პირმოთენობით ცდილობდა თავისი სისუსტე პრაქტიკული ხასიათის
მოსაზრებებით გაემართლებია. პერი თავის თავს ეკითხებოდა: გო-
ნიერულია თუ არა ამ კავშირის გაწყვეტა ახლა, როცა სწორედ ამას
შეუძლია ფასდაუდებელი სამსახური გამიწიოს იმ ბრძოლებში, წინ
უეპველად რომ მელისო? შევძლებ თუ არა „პო“ და „არას“ კარგად
აწონ-დაწონის შემდეგ უარი ვთქვა სალამონების ოჯახის მხრივ მუდმივ
მხარდაპერაზო? ეს კი ერთადერთი მოსაზრებაა, რითაც უნდა ხელ-
მძღვანელობდეს ახლა პერი. წინ ელის ბრძოლა სრულ გამარჯვებამდე:
ან სრულ დამარცხებამდე. დიდი ხანია, ხელები ექავება ბრძოლის და-
საწყებად. როცა ფაბრიკებით ახმაურებულ გერმანულ ქალაქებს ჩა-
მოუარა, სადაც უზარმაზარი სადგურებია და საქარხნო მიწებიც
ტყესავით მოსჩანს, პერი მოუთმენლობამ აიტანა, მგზნებარე წყურვილ-
მა, რაც შეიძლება მალე შესდგომოდა მუშაობას რომში დიდხანს უსაქ-
მურად ყოფნის შემდეგ. მერე რითილა გავიმართლებ თავს, — ასე
მსჯელობდა საკუთარ თავთან — თუ განსაცდელში ჩავაგდებ, ან თუნ-
დაც რისკის ქვეშ დავაყენებ მთელი ჩემი ცხოვრების საქმეს ვინმე
სანდომიანი ქალის გამო?

პერს დრო სამყოფად ჰქონდა ასეთი ფიქრებისათვის — თითქმის სან-
დღეს დაატარებდა მატარებელი ევროპაში. იგი არ შეჩერებულა არც
შიუნხენში, არც ბერლინში. პერი მოერია თავს. ჯერჯერობით უნდა
ვრიდოს ყველაფერს, რასაც შეუძლია გადადოს მისი საქმის წარმატება.
ან გაართულოს საბოლოო გამარჯვება. ახლა ყველაფერი საქმეს უნდა
მოუტანოს მსხვერპლად, ყველაფერი, სიყვარულის სიხარულიც კი. სულ
ერთია, პერისთვის, არის თუ არა იაკობა ის ქალი, ვინც მას სჭირდე-
ბა, — ახლა გონიერული ის იქნება, უარი არ თქვას ერთხელ გაკეთე-
ბულ არჩევანზე. ოჯახური ბედნიერება სულაც არ აღარდებს პერს.
ადამიანები, ვისაც ბედმა დიდი საქმე მიანდო, მეფის შთამომავალთა
მსგავსად, ჩვეულებრივ ობივატელურ კანონებს არ ექვემდებარებიან,
მათ პირადი გრძნობები უმაღლეს მიზნებს უნდა დაუმორჩილონ.

მატარებელი უკვე შევიდა კოპენჰაგენის სადგურის თაღში, პერი

კი ჯერ ისევ ყოყმანით იტანჯებოდა. მაგრამ ამ დროს მთლად მოულოდნელი ამბავი მოხდა.

იაკობა რომ დაინახა — ქალი პლატფორმაზე იდგა და მის წინ გასრიალებული ვაგონების ფანჯრებში თვალებით პერს ეძებდა, — უეცარი გარდატეხა მოხდა პერსში, გულზე თბილი ტალღა მოაწვა. უნებურად თავი გამოყო ფანჯრიდან და შლიაპა დაუქნია ქალს.

უნდა ითქვას, იაკობა დღეს მშვენივრად გამოიყურებოდა. ახალი განიერფარფლებიანი საზაფხულო შლიაპა ეხურა და ძალიან უხდებოდა. მღელვარებისა და სიგრილისაგან ლოყები ასწითლებოდა. აბრეშუმის მაქმანის წამოსასხამიანი ბაცი ფერის მსუბუქი კაბა ლამაზად შემოსალტვოდა წერწეტ ტანზე... ყოველივე ამან ფრიალ აამა პერის თავმომწონეობას — ეს კი თავიდათავი გრძნობა გახლდათ იმ რთულ გრძნობებს შორის, მას რომ იაკობასთან აკავშირებდა.

პერი ვაგონიდან გადმოხტა და თუმცა ბაქანზე ბევრი ხალხი იყო, მაშინვე ხელი გაუყარა ქალს, არც კი უფიქრია, რომ მათი ნიშნობა ჯერ საიდუმლოდ ითვლებოდა; ხელგაყრილებმა გაიარეს მოსაცდელი დარბაზი. პერი გაოცებისაგან გაოგნებული იყო, იაკობას რომ ასე გაახალგაზრდავებულს და გალამაზებულს ხედავდა. ქალი ახლა უფრო ნაკლებადაც ჰგავდა ებრაელს, ვიდრე პერს ნანისთან შეხვედრის შემდეგ ეჩვენებოდა.

იაკობა სიხარულისაგან კრინტსაც ვერ სძრავდა, მაგრამ მზერას ვერ აცილებდა ვაჟის სახეს და როცა ხალხში გზას მიიკვლევდნენ, ქალს ისე უცემდა გული, პერს, ხელგაყრილი რომ მიჰყავდა იაკობა, ქალის გულის ცემა ესმოდა. პერი ღიმილით ჩასცქეროდა თვალებში ქალს. თვალებიც იწვევდნენ ბევრ ნაზ მოგონებას. ვაჟმა თავისკენ მიიზიდა ქალის ნიდაყვი და ჩასჩურჩულა: „ჩემო კარგო“...

მერე დახურულ კარეტაში ჩასხდნენ. იაკობა მკერდზე მიეკრო ვაჟს და პერს ყოველგვარი ყოყმანი თავიდან ამოუვარდა. კარეტა სწრაფად მიჰქროდა და გონს მოსვლა ვერც კი მოასწრეს, რომ უკვე ოტელის წინ გაჩერდა.

ვიდრე პერი ნომერს შეუკვეთავდა, იაკობა კარეტაში უცდიდა და სასწრაფოდ ლამაზდებოდა მგზავრობის შემდეგ; მერე იმავე კარეტით აგარაკზე წავიდნენ. გადაწყვიტეს, მატარებელს შელეოდნენ — ძალიან ბევრი სათქმელი დაგროვებოდათ და გარეშეთა ყურებს ერიდებოდნენ

სანაპიროს გზაზე რომ გავიდნენ, შეჩერდნენ და კარეტას თავი გადახადეს. შუადღის მზე აცხუნებდა, ჰაერი არ იძროდა.

პერი ღრმად სუნთქავდა. მთელი მისი არსება, ეჭვით ხანგრძლივი ტანჯვის შემდეგ, თავისუფლების ნეტარმა გრძნობამ მოიცვა, გული კი იაკობასადმი მადლიერების გრძნობით ჰქონდა სავსე: რაკი ქალი ახლა ასე ლამაზი იყო და ასე გაუხარდა მისი ჩამოსვლა, ამით პერი მთლად გამართლებული გახლდათ. სასიამოვნო იყო იმის შეგრძნება, რომ სიცოცხლის გზა უშეცდომოდ იყო მიგნებული და არც ისე დიდი ძალის დატანება დასჭირდა თავისთვის, როგორც წარმოდგინა, რათა საკუთარ სინდისთან საბოლოოდ მორიგებულიყო. მერე რაოდენ სასიამოვნო იყო იმის შეგრძნება, რომ შენ ისევ შინ ხარ და ირგვლივ მშობლიური ლაპარაკი გესმის! იაკობას ხელი პერს ხელში ედო. გაშლილი ფოთლების, ყურეში აფრიანი გემების დანახვამ პერი დაამშვიდა, რომელიღაც ვილის თავზე მოფარფატე დროშას რომ თვალი მოჰკრა, მაშინ კი მთლად აუჩვილდა გული.

— ღმერთო, ჩვენი ძველი დანებროგი! — წამოიძახა მან.

მაგრამ ამ დროს იაკობამ დიურინგები ახსენა.

— ისინი მხოლოდ გუშინ დაბრუნდნენ. მთელი ქვეყანა შემოიარეს. შენ ხომ შეხვდი მათ იტალიაში. როგორ გგონია, რა დამოკიდებულება აქვთ ერთმანეთთან?

— როგორ დამოკიდებულებაში არიან? აბა, საიდან მეცოდინება?

— მე ვფიქრობ, უკვე მოაბეზრებდნენ ერთმანეთს თავს. ყოველ შემთხვევაში, ნანი უწინდელივით ისევ კუნტრუშაა. დღეს მოვა სადილად. ამბობდა, მოხარული ვიქნები, პერთან საუბრით იტალიური შთაბეჭდილებები აღვიდგინო.

პერმა ისე მოისმინა ეს ამბავი, იაკობასათვის სახეში არ შეუხვდია: ბოლო სიტყვებზე გაღიმებაც კი სცადა, მაგრამ თქმით არაფერი თქვა და მარჯვედ გამოცვალა საუბრის თემა.

ნანი მართლაც მოვიდა სადილად, უფრო სწორად — ნახევარი საათი იყო გასული, რაც ყველანი მაგიდას მიუსხდნენ, ნანი რომ გამოჩნდა და ყავისთვის არც დაუცდია, ისე გაქრა, — სადღაც სტუმრად მიეჩქარებოდა. ყველაფერზე ეტყობოდა, რომ მშვენიერ გუნებაზე გახლდათ, ყვავილებიან ყვითელ კაბასა და ალისფერ — წითელ აბრეშუმის ესპანურ მანტილიაში თვალისმომჭრელად ლამაზი ჩანდა.

თუმცა კრიტიციზმმა, რითაც წინასწარ შეიარაღდა პერი, მაინც შეს-

ძლო მასში ნაკლოვანების ჰოენა. პერს განსაკუთრებით აუტანლად ის მოეჩვენა, რომ ნანის შეეძლო შეუსვენებლად ელაქლაქა. იქ, რომში, ნანის კოპენჰაგენური გამოთქმა პერს სამშობლოს ახსენებდა, აქ კი აღიზიანებდა. პერმა სიამოვნებით შენიშნა, რომ ნანი ვულგარული ქალი იყო.

და მაინც, ნანი რომ წავიდა, შვებით ამოისუნთქა. სანამ ის მაგიდასთან იჯდა, პერს დიდი ძალის დატანება უხდებოდა თავისთვის, რათა მშვიდად ყოფილიყო და იაკობასთან თავი არ გაეცა.

მაგრამ ვერც ნანის წასვლის მერე დაკმაყოფილდა. თუმცა ვერ იტყოდა ცუდად შემხვდნენო (ფილიპ სალამონმა ბრძანა, ამ საზეიმო მოვლენასთან დაკავშირებით მაგიდაზე შამპანიურიც კი მოეტანათ), დაბრუნების სიხარული მალე ჩაუქრა და ოდნავ სევდიანი გრძნობა დაუტოვა რალაციის დაკარგვის თუ სიცარიელისა — თავადაც ვერ გავო რისი.

პერს მოაგონდა, რომ ეს განწყობილება ახალი არ იყო მისთვის. თუმცა სტუმრად ყოფნა მომავალ სიმამრთან მოსწონდა, მაინც მთლად ისე ვერ გრძნობდა აქ თავს, როგორც შინ. სალამონების ცხოვრების ნირი, ოჯახის წევრების ურთიერთდამოკიდებულება, მისთვის უაღრესად უცხო იყო. მათი ცხოვრების წმინდა ებრაული, ან ძველადქმურნი ნირი კი არ აფრთხობდა მას (სალამონების ოჯახი და მათი ნაცნობები საერთოდ არ გამოირჩეოდნენ ამით). უფრო მეტად მეტისმეტად თანამედროვე, სახლის მეტისმეტად გავერობულებული ტონი ზოგჯერ ისე მოქმედებდა მასზე, თითქოს ცივი წყალი გადაასხესო. ნასადილევს ჩვეულებისამებრ ახლომახლო ვილებში მცხოვრებმა ამ ოჯახის მეგობრებმა (უმთავრესად ებრაელებმა) რომ შეიყარეს თავი, პერს უეცრად მოეჩვენა, თითქოს კვლავ საზღვარგარეთ იყო.

პერი და იაკობა ბალში ჩავიდნენ. ხელიხელგაყრილები დასეირნობდნენ ხეივანში წყლის პირად, აქ ნაკლებად იყო მოსალოდნელი სტუმრებთან შეხვედრა.

თუმცა იაკობას სულაც აღარ სჭირდებოდა, ყველას დამალვოდა. ამ დღეებში სკოვაკენში სტუმრების დიდი მიღება უნდა გამართულიყო ნანისა და დიურინგის შეუღლების გამო და იაკობამ იცოდა, რომ მშობლებს უნდოდათ ესარგებლათ შემთხვევით, რათა ბარემ მისი დანიშნავს საჯაროდ გამოეცხადებინათ. განსაკუთრებით დაჟინებით ამას მოითხოვდა დედა, პირდაპირ ამბობდა კიდევ, დიდი ცოდვა არ იქნებო-

და, თქვენც გეფიქრათ ქორწილზეო. სწორედ ამიტომ წაიყვანა იაკობამ პერი ბალში. უნდოდა მოლაპარაკებოდა ამის თაობაზე და თან თავისი ორსულობის ამბავიც გაემჟღავნებინა პერისათვის. ქალი უკვე დარწმუნდა, რომ ნამდვილად ორსულად იყო.

მაგრამ ლაპარაკი იაკობას უცბად არ დაუწყია, ჯერ პერთან ერთად ვაჟის მხარზე თავდაყრდნობილი ბილიჯზე დასეირნობდა და წამდაუწუმ უშვერდა ტუჩებს საკოცნელად. პერი მის მგზნებარე ალერსს, ცოტა არ იყოს, მოკრძალებით ჰასუხობდა. მიხვდა, რომ ნანის მიმართ ჯერაც არ იყო გულგრილი. ყოველთვის, როცა კი იაკობას ტუჩები პერის ტუჩებს ეხებოდა, ნანის ჩრდილი დგებოდა მათ შორის და აკრთობდა პერს.

იაკობას ძალაუნებურად გადაედო პერის თავშეკავებულობა და გადაწყვიტა ჯერ არ ეთქვა არაფერი, მით უფრო, რომ სულაც არ ჰქონდა წარმოდგენილი, როგორ შეხვდებოდა ამ ამბავს პერი. ბოლოს საერთოდ გადაწყვიტა დალოდებოდა უფრო ხელსაყრელ მომენტს, როცა კვლავ მთლად ერთმანეთისა იქნებოდნენ.

იაკობა შეჩერდა, გულზე პერის ხელი მიიღო და სთხოვა, ხვალ დღისით ნურსად წახვალ, მე თვითონ მოვალ შენთან სასტუმროშიო.

ჯერ იყო და პერმა თავი ისე დაიჭირა, თითქოს ვერ მიხვდა, რაზე იყო ლაპარაკი:

— ვაი რომ, ეს შეუძლებელია ძვირფასო, მე ივენის პირით შევპირდი მაქს ბერნარდს, ათი საათისთვის მოვალ თქვენთან შეხვედრაზე-მეთქი. დროა, საქმეს მოვკიდო ხელი!

— მაშინ, დილით კი არა, ცოტა მოგვიანებით მოვალ. როცა გეცლება.

— არა, ასე არ შეიძლება. აქ ფრთხილად უნდა ვიყოთ.

იაკობამ გაკვირვებით შეხვდა. ამას რომ ამბობდა, პერმა ისე ჩაიციინა, იაკობამ შეურაცხყოფილად იგრძნო თავი.

ქალმა გზა განაგრძო და შეწყვეტილი საუბარი აღარ განუახლებია. ხეივანი ჩათავდა, პერი და იაკობა ნაპირზე გავიდნენ. აქ, წყლის პირას, სოკურას ქვეშ სკამი იდგა. მზე ის იყო ჩავიდა, ცაზე ვარდისფერი ღრუბლები გაწოლილიყო. ზუნდი ლითონივით ბზინავდა. კუნძულ ვენის ქვიშიანი ნაპირები პრიალებდა. დიურეხავენინდან მოდიოდა შეუწყვეტელი ხმაური, ქარის ჩადგომის შემდეგაც კარგა ხანს რომ იმის ხოლმე ტყეში. თუ ამ ხმაურს არ ჩავთვლით, ირგვლივ სიჩუმე

იღვა. პერსა და იაკობას მკაფიოდ ესმოდათ შორეული ნავის ნიჭბიბის თქაფანი.

არასასიამოვნო შეკითხვები რომ თავიდან აეცდინა, პერმა დაიწყო წკალში კენჭების სროლა. ბავშვობაში ძალიან ოსტატურად ისროდა ხოლმე კენჭებს წყალში და რომ ნახა, ამდენი ხნის მერეც არ დაეიწყებოდა, გაუხარდა. იაკობა წინ წაწვდილიყო და ხელისგულეებზე ნიკაადაბჯენილი უთვალთვალებდა. პერი ყოველი მარჯვე სროლის შემდეგ მისკენ მობრუნდებოდა ხოლმე, აქაოდა, მომიწონეო, იაკობა უღიმოდა და თავს უქნევდა. მაგრამ როგორც კი პერი მიბრუნდებოდა, ქალს მაშინვე სერიოზული და ჩაფიქრებული უხდებოდა სახე.

— ხედავ?.. რვა ჭავლია! — ზეიმობდა პერი.

ის ძალიან გაერთო თავისი საქმით, გულდაგულ არჩევდა შესაფერის კენჭებს. ბოლოს, უფრო მარჯვედ რომ ესროლა, სერთუკიც გაიხადა. დაბრუნების სიხარული, ადამიანებთან შეხვედრამ რომ გაუქარვა, ხელახლა დაუბრუნდა ამ უკაცრიელ ნაპირზე. ქვიშიან ნაპირს მიხეთქებული ტალღების მსუბუქი შხაპუნი, უჩინარი ნავის ნიჭბების ყრუ თქაფანი, ზურგს უკან ტყის განუწყვეტელი შრიალი — ყველაფერი, ყველაფერი ელამუნებოდა სმენას და პერის გულს სიხარულით ავსებდა. მას არაფერი უთქვამს იაკობასთვის, მაგრამ ეჩვენებოდა, რომ ეს ბგერები ერთმანეთს ერწყმოდნენ საყვარელ, მშობლიურ სიტყვებად: „კეთილი იყოს შენი მობრძანება“, ეს კი პერს ძალიან ენატრებოდა.

* * *

პერი და ივენი შეთანხმდნენ, მეორე დღით შეეველო ივენს სასტუმროში და ერთად წასულიყვნენ მაქს ბერნარდთან, სადაც სხვა დაინტერესებული პირებიც უნდა გამოცხადებულიყვნენ. მგზავრობით დაღლილი, დღის მრავალი ურთიერთსაწინააღმდეგო შთაბეჭდილებებით მოქანცული პერი ადრე გამოემშვიდობა სკოვბაქენს, შინ მოსვლისთანავე დაწვა, გულიანად დაიძინა და მხოლოდ ტრამვაის ზარმა გაძოადვიდა.

როგორც კი ოდნავ გონს შოვიდა და მოისაზრა სად იყო და რა მნიშვნელოვანი საქმეები ელოდა, ძილი მაშინვე გაუფრთხა და საჩქაროდ ადგა. თუმცა, იმ უცნობი საქმოსნებისადმი, ვისაც ახლა ყველაფერში უნდა მინდობოდა, ვისთვისაც უნდა დაეთმო თავისი „მე“-ს

რაღაც ნაწილი, არამეგობრულად გახლდათ განწყობილი, მიიხილეს აეტახა სურვილს, მუშაობას შესდგომოდა. პერი იმედოვნებდა, რომ თავისი აქ ყოფნით გაბედულს გახდიდა მერყევ მებირაყეებს, სულ რომ არ გააჩნდათ ფანტაზია, უფრო ნათელ წარმოდგენას შეუქმნიდა მათ, თუ რა ამოცანების წინაშე იდგნენ.

პერი პირის გასაპარსად ფანჯრის ალათაზე სარკეს ჰკიდებდა, შემთხვევით სასტუმროს წინა მოედანს გადახედა და ქვემოთ გავლილი ხალხი რომ დაინახა, ფუნჯი ხელში გაუშეშდა: ეს იყო ეგრეთწოდებული სენის ბაზარი, — უსწორმასწორო ფორმის გრძელი მოედანი, — ამ მოედანს რომ დაინახავდი, მაშინვე შეატყობდი, რა ხელშიშვებული იყო მთელი ქალაქი. სახელდახელოდ აგებულ „პალაცობს“ შორის, სტრლით სულ რომ არ განსხვავდებოდნენ თანამედროვე ევროპულ კაფეებისაგან, ეყარა მიწა, რასაც საუკუნოვანი, დატოტვილი ხეივნის ნაწილი შერჩენოდა. ამ მთლად სოფლურ პეიზაჟს ემატებოდა ქარის წისქვილიც, რომლის ფრთებიც ყოველ შემოტრიალებაზე ქვაფენილს ჩრდილად ეფინებოდა.

ღამით ნაწვიმი, ჯერ ისევ სველი და ჭუჭყიანი დიდი მოედანი მზის შუქს გაეჩახჩახებინა. ხმაურიანი დილა იყო, ის დრო, როცა მალაზიებით, სკოლებით და მოდური სახელოსნოებით მდიდარი ქალაქის ცენტრი გარეუბნის მოსახლეობას იზიდავს. ხალხის ნაკადი ვესტერბრუზე მიედინებოდა და ტალახში დაგებული ქვაფენილის გასწვრივ ორ რიგად ტოტდებოდა.

„ღანიელი. ხალხი!.. ჩემი ძვირფასი სიღენიუსები!“ — გაიფიქრა პერმა და გაუღიმა ამ ჯუჯა ხალხს (მალლიდან ასე ჩანდნენ), რომელთაგანც ყოველი კაცი თავისი ნაცნობი ეგონა, ხოლო ყველანი ტყუპებით ჰგავდნენ ერთმანეთს.

პერი ჩაფიქრდა.

ამგვარად, შეუძლია ხელი მოკიდოს თავისი დიადი გარდამქმნელი გეგმის შესრულებას. როგორღაც ძნელი წარმოსადგენი კია. მრავალი წლის ეჭვების, ფიქრის, ხანგრძლივი მზადების და ამო იმედების შემდეგ ბოლოს და ბოლოს, დღეს, თოთხმეტ მაისს დაიდება პირველი ქვა იმ ახალი სამეფოს საძირკველზე, ბავშვობაში, თეთრმეტი წლის ბიჭის აზრების ქაოსში რომ იბადებოდა. ფანჯრის ქვეშ კი მიედინება ბრბო, ვისაც ეჭვიც კი არაფრისა აქვს — ნედლი მასალა მომავალი და-

ნინსათვის, მკვდარი თიხა, საიდანაც მან ღმერთის მსგავსად უნდა გამოძეწოს თავისნაირი, თავისივე მსგავსი და სიცოცხლე ჩაბეროს.

პერმა ისევ გაიღიმა და ლოყები შეისაპნა: „ახლა ზედებოდა, რომ ყოველივე ამაში სიგიჟეც ერია, მაგრამ სიგიჟე არ აშინებდა. პირიქით, სასიამოვნო და დამამშვიდებელიც კი იყო იმის შეგნება, რომ შენშიც არის გიჟი, — ვის შესახებაც ჯერ კიდევ რომში ლაპარაკობდა პატარა, ცხოვრებისეული სიბრძნით დამძიმებული მხატვარი, — სწორედ ის, ურომლისოდაც ვერც ერთი ადამიანი ვერ შესძლებდა თუნდაც სულ მცირე მნიშვნელობის გამარჯვების მოპოვებას თავისივე მსგავსებზე.“

როგორც კი ჰარსვას მორჩა, პერმა დაურეკა მოსამსახურე ქალს; მან ახალი გაზეთები და დილის ყავა მოართვა. პერს შიოდა, ნამდვილი დანიური საკმელებით გაწყობილი სუფრის დანახვამ კი მაღა გაუღიზიანა. რაოდენ გემრიელი ეჩვენა შავი პურიც და მარილიანი კარაქიც, რამდენიმე თვე იყო, მსგავსი რამ არ ეგემა.

პერს დიდი ხანია ასე გემრიელად არ უქამია. სამაგიეროდ, გაზეთები ფრიად დაუდევრად გადაათვალიერა. ქვეყნის საშინაო მდგომარეობა ნაკლებად აინტერესებდა, ხოლო კარგა ხანია ჩვეულებად ჰქონდა, რომ სტატიები თეატრზე, ლიტერატურაზე და გამოფენებზე — არ წაეკითხა.

უეცრად თითქოს პერს ვიღაცამ ხელი ჰკრა, წამში სახეც გაუქვეავდა: მისი მზერა შემთხვევით მოხვდა განცხადებას, სადაც ნახსენები იყო მისი დის, სიგნეს სახელი: „მუსიკის გაკვეთილები დამწყებთათვის“, — ასე იწყებოდა განცხადება; სიგნეს სახელს ქვეშ ნაჩვენები იყო მისამართი, სადაც ვესტერბრუს რაიონში, ერთერთ ვიწრო ქუჩაზე, ჰამლე კუნგევის დასაწყისში.

იტალიაში ცხოვრებისას პერს მთლად გადაავიწყდა თავისი ოჯახი. თუმცა ერთი-ორჯერ (ისევე, როგორც დრეზაჰში) შუალამისას გაეღვიძა, თითქოს ვიღაცამ უბიძგაო და ეს ნიშნავდა, რომ დაესიზმრა, თითქოს ისევ პასტორის სახლში ცხოვრობდა; ცხადში კი ბოლო თვეების განმავლობაში ერთხელაც არ გახსენებია თავისიანები. როგორც ქაბუკობაში იცოდა ხოლმე, ახლაც განგებ გული აარიდა ამ მოგონებებს; მაგრამ ახლა შეწინააღმდეგების სურვილით ან მტრობის გრძნობით კი არ მოსვლია ეს, არა, უბრალოდ მიხვდა, რამდენად აუცილებელი იყო მისთვის ახლა (და რა აუცილებელი იყო წინათ) ყოველგვარი ოჯახური ბორკილებისაგან განთავისუფლება, რათა უფრო საიმედოდ

შენარჩუნებინა თავისი დამოუკიდებლობა. პერი ცდილობდა თავი იმით ემართლებინა, რომ მისდევდა ქრისტეს მცნებას: თავი ანებებდა მამას შენსა და დედას შენსა და მიჰყვებოდა შინაგან ძახილს სულისა, რათა დაადგე სრულყოფის გზასო.

პერს თვალი ვერ მოეწყვიტა პატარა განცხადებისათვის. მოაგონდა, რომ ჯერ კიდევ მამის დასაფლავებაზე იყო ლაპარაკი, ტყულების გულისთვის აპრილის დასაწყისში საცხოვრებლად კოპენჰაგენში გადასულიყვნენ.

ერთი მათგანი კოპენჰაგენის მეაფთიაქესთან მოეწყო სამუშაოდ, მეორე კი — წიგნის სავაჭროში; ახლა, როგორც ჩანს, თითქმის მთელი ოჯახი აქ გადმობარგებულა.

ამ დროს კარზე დააკაკუნეს და ნომერში ზარბაზნის ყუმბარასავით შემოვარდა ილიაში ვეებერთელა პორტფელამოჩრილი ივენი.

ივენმა ყვავილები და იაკობას მოკითხვა გადასცა პერს. საკუთარი ინიციატივით მშობლებისაგან მოკითხვაც დაურთო, რათა ამითი ეგრძნობინებინა, მოხუცები ძალიან გახარებული არიან შენი ჩამოსვლითო, თუმცა ივენი სულაც არ აზვიადებდა არაფერს. ფილიპ სალამონი ფრიად ნასიამოვნები და გაოცებული იყო პერის ასე შეცვლით.

— ახლა კი საქმეს მივხედოთ! — მოუთმენლად შეაწყვეტინა ივენს პერმა და სკამიდან წამოხტა. ის ჯერ ისევ უსერთუქოდ იყო და ფოსტლები ეცვა.

— საქმეს მივხედოთ, საქმეს! — ნაღვლიანად გაიმეორა ივენმაც და სავარძელზე მიეგდო. ცალი ხელი კისერზე ისე მიედო, თითქოს უცბად საყელომ წაუჭირა ყელშიო. ივენმა არ იცოდა საიდან დაეწყო, როგორ გაეცნო პერისთვის საქმის ვითარება და როგორ მოემზადებინა ის მოთხოვნისათვის, მოსალოდნელ შეხვედრაზე რომ უეჭველად წაუთმენებდნენ.

დრო რომ მოეგო, პერს იმის ხელახლა მოყოლა დაუწყო, რაც უკვე მიწერილი ჰქონდა წერილში... ეს იყო პირველი შეხვედრის ამბები და პროექტის თაობაზე გამოთქმული სხვადასხვა მოსაზრებანი.

პერი დროდადრო რაიმე შენიშვნას ჩაიბურღლუნებდა ხოლმე. ის ხელახლა დადგა სარკის წინ, გულმოდგინედ იკრავდა ჰალსტუხს და მაინცა და მაინც დიდ ყურადღებას არ აქცევდა ივენს. ფიქრებით დედასთან იყო. ვერ დაეჯერებინა, რომ დედა ამავე ქალაქში ცხოვრობდა — და იქნებ სადმე ახლოსაც კი, სულ რაღაც ათასიოდე ნაბიჯზე.

ივენმა ცოტა ხანს იყუჩა და მერე მეტისმეტად საბრალო ხმით პერს უთხრა:

... — ნება მომეცი ერთი შეკითხვა მოგცე.

... — აბა, თქვი...

— მითხარი... როგორ... აი როგორ... მე მინდა გკითხო, შეურიგდები ბერეგრავს?

... პერი ნელა შემობრუნდა მისკენ. ჭერ იყო და არ იცოდა გაბრაზებულიყო თუ ყველაფერი ხუმრობაში ჩაეტარებინა. მერე ხუმრობა არჩია.

— მომისმინე, ჩემო პატარავ, — მიუგო მან და ხელახლა მიბრუნდა სარკისკენ. — მგონი, თქვენ ყველანი ცოტა შეიშალებთ მაგ ბებრუხანაზე. თავად ჩაგიშვდათ თავში, რომ მაგას ვერ შეეღვეით. ჰოდა, მოკითხვა გადაეცით ჩემი სახელით და უთხარით, შეაყოლოს... მხოლოდ, გეთაყვა, ნუ გეშინია: როცა ძალლი ყეფს, მას ეშინია კბენისა.

— რა თქმა უნდა... ცოტათი... ცხადია, შენ მართალი ხარ, — მიუგო ივენმა. — თავისთავად... თუ ასე ვიმსჯელებთ... სისულელეა მისი მხარდაჭერისთვის გადაწყვეტი მნიშვნელობის მინიჭება. მაგრამ მეორეს მხრივ, რამდენადაც ჩვენს ძვირფას თანამოაზრეებს ვერ გადაარწმუნებ, რომ ბერეგრავმა ამ საქმეში აუცილებლად უნდა მიიღოს მონაწილეობა და რაკი თავად მოინდომა ჩვენი წამოწყებისათვის დახმარების გაწევა... ერთის პირობით, მაშასადამე...

— რა მაშასადამე?

— არაფერი, მე უბრალოდ ვფიქრობდი... — ივენი დაიღრჩია; თითქოს ჭვალი დაადგა; — მე უბრალოდ ვფიქრობდი, საქმის სასარგებლოდ... შენ რომ დაგვეთანხმებოდით ასეთ... ასეთ დათმობაზე, რომელსაც ის... მოითხოვს...

— ყველაფერი სისულელეა, ჩემო კარგო. შენ უბრალოდ არ გესმის, რას ამბობ. ახლა მე თვითონ მექნება საქმე იმ შენს თანამოაზრეებთან: ვიმედოვნებ, ისინი ისეთი სულელები არ აღმოჩნდებიან, ვერ მიხვდნენ, რომ მე არ მინდა და არც შემიძლია დავეთანხმო, ვინმემ გამიწიოს მეურვეობა.

— ამას არც არაფერს ამბობს, ჩემო ძვირფასო! მათ მხოლოდ ფართო საზოგადოებისათვის სჭირდებოდათ მისი სახელი. მე შემიძლია შეგპირდე, რომ ბერეგრავი აღერსიანად მიგიღებს: მას შემდეგ, რაც გაზეთებმა გამოაქვეყნეს ცნობა შენი პროექტის თაობაზე, მღელვარებით

საგან კვერცხის მდებელი ქათამივით აქეთ-იქით აწყდებდა. ბიძაჩემმა მითხრა.

— რას დავეძებ. კმარა, აღარ მსურს მის შესახებ რაიმე მოვისმინო.

— ერთი სიტყვაც მომისმინე, ხომ იცი, საერთოდ ყოველნაირად ვუქერ მხარს შენს მისწრაფებას, იყო დამოუკიდებელი. მაგრამ ამჟამად — გთხოვ, მაპატიო, — ამჟამად შენ არა ხარ სწორი. განსაკუთრებით იმაში, რაც მაქს ბერნარდს ეხება.

ამ სახელის ხსენებისას პერს მთლად გაუწყდა მოთმინება. შემოუბრუნდა ივენს და მკვახელ უთხრა:

— მომეშვი მაგ თქვენი ბერნარდით! ბოლოს და ბოლოს საქმეს მე ვწყვეტ, ეშმაკმა დალახვროს, შენ ნურათფერზე ნუ ზრუნავ. ახლა კი წავიდეთ.

როდესაც ნახევარი საათის შემდეგ ისინი მაქს ბერნარდის ელვგანტურ, პარიზულ ყაიდაზე მოწყობილ კაბინეტში შევიდნენ, იქ უძვეველას მოეყარა თავი ბანკირ გერლოვის და თვით სახლის პატრონის გარდა. კაბინეტის ერთერთ მალალ ფანჯარასთან შეგროვილნი პერს მებირჟეებისთვის დამახასიათებელი ცივი ქედმალლობით შეხვდნენ.

პერს წამით ხაქციელი წაუხდინა ამან. ასეთ შეხვედრას არ მოელოდა. იმისი უფრო ეშინოდა, რომ იქ შეკრებილნი მეტრისმეტად დადნებოდნენ თავაზიანობით, რაკი მისი პროექტით გამდიდრებას იმედოვნებდნენ. ამის მაგიერ კი მათ მისალმებაზე ძლივს უპასუხეს. თანაც „ყოფილმა მიწათმფლობელმა“ ფრიად უცერემონიოდ მიაშტერა თავისი თეთრწამწამებიანი გოჭის თვალები და მისალმებისას ჯიბეებიდან ხელებიც არ ამოუღია.

პერმა ერთი კი ახედ-ჩახედა, მერე მიუბრუნდა ივენს, გაცნობის ცერემონიალს რომ მეთაურობდა, და უთხრა:

— ამ ბატონის სახელი კარგად ვერ გავიგონე.

— ბატონი ნერეხავე, — ჩასჩურჩულა ივენმა და წონასწორობა ერთი ფეხიდან მეორეზე გადაიტანა, მთლად თავზარდაცემული იყო მეგობრის გამომწვევი ქცევით იმ ადამიანების მიმართ, ვისზედაც მისი ბედი იყო დამოკიდებული.

— ჰო, მაშ ასე, — გაჰიანურებით თქვა პერმა, თავდაც მიაშტერდა მიწათმფლობელს და ვიდრე წამოჭარხლებულმა ნერეხავემ, თან რომ ზიზლით რაღაცას ბუზღუნებდა, ზურგი არ შეაქცია, თვალიც არ მოუშო-

რები. თუმცა ნერეხავემ ხელები ჯიბეებიდან მაინც ამოიღო და სერთუქის კალთებს ქვეშ ზურგზე შემოიწყო.

ეს ამბავი სულ უბრალოდ აიხსნებოდა. ეს ბატონები მეტისმეტად შიშობდნენ, გონივრულად თუ მოვიქვით, ჩვენი სახელით რომ დავპირდით მხარი დაგვეჭირა ავანტიურისათვის, რაც ისედაც არა გვწამს და მხოლოდ მაქს ბერნარდისადმი ურყევი რწმენის ხათრით მოვკიდეთ ხელით. ბევრ პერს მოხერხებულ გაიძვერად თვლიდა, აი, მესმის მოხერხება, — თვით მაქს ბერნარდი მოატყუა. ახლა მხოლოდ ერთი საწუხარი ჰქონდათ — როგორმე ისე ლამაზად გამოძვერალიყვნენ ამ ამბიდან, მაქს ბერნარდი არ განერისხებინათ.

ამ დროს მეზობელი ოთახიდან თვითონ მაქს ბერნარდი გამოვიდა ბანკირ გერლოვის თანხლებით. ყველანი ოთახის შუაში მდგარ დიდ მაგიდას შემოუსხდნენ, რის შემდეგაც ნელა, ფრთხილად შეუდგნენ მოლაპარაკებას. თუმცა პირველად საუბარი ჩამოვარდა ისეთ საგნებზე, რომელთაც თითქმის არავითარი დამოკიდებულება არა ჰქონდათ პერის პრეექტთან. ზოგმა ადრე შეწყვეტილი ლაპარაკი განაახლა, ზოგი მისთვის წინტერესო საქმებზე მასლაათობდა, მსჯელობდნენ ბირჟის ახალ ამბებზე, ერთმანეთს ყველანაირ კორებს უზიარებდნენ, ახალგაზრდა სივერტსენმა თავის მეზობელს ანეკდოტებიც კი უამბო ერთერთ პოპულარულ კომენპაგენელ მსახიობ ქალზე.

მაქს ბერნარდი იძულებული იყო რამდენჯერმე დაეკაქუნებინა სახაზავი მაგიდაზე, რათა შეკრებილთათვის მოეწოდებინა, რაც შეიძლება მალე გადასულიყვნენ საქმეზე.

— ამგვარად, ბატონებო, ჩვენ ვიმყოფებით ერთნაგის ყურეში. აბა, უცადოთ და ყველას მიერ ხოტბამესხმული ჩრდილოეთის ზღვა აქციებზე ვაქციოთ! — დაიწყო მან ხუმრობის ტონით. ასეთი ტონით იწყებდა მუდამ ყველაზე მნიშვნელოვან მოლაპარაკებასაც კი.

ივენი ისე წრიალებდა, თითქოს ნაკვერცხლებზე იჯდა. ფარულად, ნაღვლიანად გახედავდა ხოლმე სიძეს. პერი სკამის ზურგზე გადაწოლილიყო და სახის გამომეტყველებაზე ეტყობოდა, კარგს არაფერს აპირებდა. ჯერჯერობით ზოგჯერ დასმულ შეკითხვებზე პასუხს იძლეოდა, თუმცა ძალიან მოკლედ და უცხვირპიროდ კი პასუხობდა და თან ბრაზისაგან ცახცახებდა. ჯერ იყო და, ცდილობდა ქედმაღლურად შეხვედროდა იმას, რაც აქ ხდებოდა. თავს ჩასჩინებდა, აბა, სხვას რას უნდა მოველოდე ადამიანებისაგან, ვისაც აშკარად მხოლოდ მოგება აინტე-

რეესებთო. მაგრამ დიდხანს თავის შეკავება არ შეეძლო. გარდა ამისა, ჯერ კიდევ ვერ მოსულიყო გონს მას შემდეგ, რაც გაიგო, რომ მისიანები კოპენჰაგენში გადმოსულიყვნენ საცხოვრებლად. თუმცა ამაზე ფიქრით თავს არ იმტვრევდა, მაინც რალაცნაირი შეუცნობელი გრძნობა სტანჯავდა და ეს გრძნობა კიდევ უფრო აღიზიანებდა. ძალიან უნდოდა ამდგარიყო და წასულიყო აქედან.

პერი ხედავდა, რა შემწყნარებლურად, დაუდევრად და უაზროდ ლაპარაკობდნენ ეს ბირჟის ზვიგენები იმ საქმეზე, ამდენი წლების განმავლობაში რომ მთელი მისი გულის ზრახვებს ეუფლებოდა და მთელი მისი ცხოვრების აზრს შეადგენდა და ეჩვენებოდა, თითქოს ისინი თვით მას ენოსავენდნენ და სინჯავდნენ.

პერი ვერ ამჩნევდა, რომ მაგიდის იმ ბოლოდან, სადაც სავარძლის სახელურზე დაყრდნობილ მაქს ბერნარდს ლამაზ თეთრ ხელზე შავთმიანი თავი დაებჯინა, ჩაცობით, ყურადღებით უმზერდნენ. თვალბეჭემ მოლურჯო ჩრდილი ჩაწოლოდა, მძიმე, შეშუპებული ქუთუთოები ჩვეულებისამებრ ნახევრად ჩამოსწოდა ისე, რომ ვერავინ ხედავდა, საით იყურებოდა მაქს ბერნარდი; ის კი მხოლოდ პერს უმზერდა.

ბერნარდის ყურადღება კრიჰაშეკრულ პერს და მის მაღალ, გამობერილ შუბლზე ამობურცულ ძარღვებს მიეპყრო, რადგან სწორედ ბერნარდს უთქვამს ხშირად, ჩემს ანდერძში პრემიას დავუნიშნავ იმას, ვისაც ცოტათი მაინც სხვანაირი თავი აღმოაჩნდება დანიის ნაციად წოდებულ მრგვალთავიანთა გროვაშიო.

ბერნარდი განაცვიფრა პერის თვალსაჩინო და მთლად ევროპულმა გარეგნობამ, სრულიად რომ არ შეესაბამებოდა ფილიპ სალამონის სახლში პირველი შეხვედრის შედეგად შექმნილ მის შთაბეჭდილებას. მაშინ მას პერი სემინარიელის და მუქთახორის არასასურველ ნარევად მოეჩვენა. ნუთუ ასე შეცდა? ნუთუ დანიის სამღვდელოებამ გამოწკლისის სახით ნამღვილი მამაკაცი წარმოშვა?

შეურიგებლობა, რასაც პერი ბერეგრავის მიმართ იჩენდა, ახლასულ სხვაგვარად წარმოუდგა თვალწინ და პირველად ჩაუფიქრდა: ღირს.კი, ამ საქმეში გაერიოს? არაფერი ისე არ აშინებდა ბერნარდს, როგორც აღამიანები, რომელთა ნებას ვერ დაიმორჩილებდა.

რაკი ასე თუ ისე ორაზროვანი მდგომარეობა ჰქონდა, ბერნარდი მტერს და მეტოქეს ხედავდა ყველა იმათში, ვისაც მის წინაშე ქედის მოხრა არ სურდა და რაც უფრო მეტად აკვირდებოდა პერს, მით უფრო

ნათელი ხდებოდა მისთვის, რომ ეს საშიში ადამიანი იყო და რაც შეიძლება მალე უნდა გაეუვნებლებინა, ან საერთოდ ჩამოეშორებინა გზიდან.

აქი ჰყავდა კიდევ შესაფერისი კანდიდატურა — გაიძვერა ინჟინერი სტეინერი; და რაკი თავად ასეთი წინდახედულება გამოიჩინა, პროექტთან დაკავშირებით ერთხელაც არ უხსენებია პრესაში პერის სახელი, შეიძლებოდა ისე შეეცვალა ისინი, ვერაფერიც ვერ გაეგოთ.

ამასობაში სიტყვა ჩამოვარდა იმაზე, თუ როგორ მიედწიათ პრესის მხარდაჭერისათვის. ბანკირმა გერლოვმა მამობრივი ტონით განაცხადა, რომ პერი დაუყოვნებლივ უნდა მისულიყო როგორც დედაქალაქის, ისე რამდენიმე პროვინციული გაზეთის რედაქციაში. მან ჩამოთვალა მსხვილი გამომცემლობების სახელები და ურჩია წინასწარ უზრუნველყო აუცილებელი უფლებამოსილება, რათა გაზეთებს თანხას შეჰპირებოდა განცხადებებისათვის. „ზოგან ამას ძალიან მწყალობლობით ეკიდებიან“, — გაიხუმრა მან.

ჰერმა თავი ისე დაიჭირა, ვითომ არაფერი გაუგონია და ზურგიც კი შეაქცია.

ამ დროს სიტყვა მაქს ბერნარდმა აიღო. ის სავესებით დაეთანხმა თავის მეგობრის წინადადებას და, გარდა ამისა, დააყენა საკითხი პოლკოვნიკ ბერეგრავის შესახებ. ჩვეული ზუმარა ტონით მან პერს მიმართა:

— ძალიან არასასიამოვნო ამბავია, თუ თქვენ და პოლკოვნიკი, თუ დაუფერებთ ხმებს, ოდესღაც თმებში ეცით ერთმანეთს, ცხადია, პირდაპირი გაგებით არა, რადგან პოლკოვნიკი, ისევე, როგორც პოლკოვნიკების უმრავლესობა, ვაი რომ, — მელოტია.

ყველამ გაიღიმა; ახალგაზრდა სივერტსენმა ვირივით ჩაიყროყინა, პერს კი ტუჩები გაუთეთრდა.

— როგორც უკვე ვთქვი, ეს ძალიან არასასიამოვნოა, — განაგრძო მაქს ბერნარდმა, — რადგან პოლკოვნიკი ბერეგრავი ერთერთი ჩვენი მეტად ჰატიცემული სპეციალისტთაგანია და შეეძლო საქმისთვის მაქსიმუმი სარგებლობის მოტანა, თუ აღარ გავიხსენებთ, რომ ის მეტად უხერხული, მე ვიტყვოდი — საშიში მოწინააღმდეგეა. თქვენთვის, ალბათ, ცნობილია, რომ ჩვენ უკვე მივალწიეთ მუშაობაში მონაწილეობაზე პოლკოვნიკის თანხმობას იმ პირობით, თუ თქვენს შორის კონტაქტის დამყარებაში პირველ ნაბიჯს სწორედ თქვენ გადადგამდით. თუ

გავითვალისწინებთ მის ასაკს და საზოგადოებრივ მდგომარეობას, ამ მოთხოვნაზე ვერ ვიტყვით — მეტი სმეტიაო.

ყველამ პერს მიაპყრო მზერა, რადგან იგი ისე იქცეოდა, დამსწრენი თუმცა არ ამქლავებდნენ, იბნეოდნენ კი. პერს დიდხანს არ დაუყოვნებია პასუხი.

— მე გადაჭრით უარს ვაცხადებ ყოველგვარ მეურვეობაზე, — დაიწყო მან, — გეგმა ყოველგვარი დახმარების გარეშე დავამუშავე და მომავალშიც არ მსურს შევიძინო თანამშრომლები.

ივენს ოხვრა აღმოხდა, დანარჩენებიც მთლად თავზარდაცემულები იყვნენ: მეტი სმეტად გაოცდნენ, რომ აღმოჩნდა ადამიანი, თანაც ახალგაზრდა და ყველასთვის უცნობი კაცი, ვინც გაბედა და აშკარად წინ აღუდგა მაქს ბერნარდის განზრახვას. თავად მაქს ბერნარდსაც კინაღამ პირზე შეაშრა ხუმრობა. მაგრამ ბერნარდმა შეინარჩუნა ტონი და რათა პერს ამ უტაქტობის გამოსწორებაში დახმარებოდა, ღიმილით უთხრა:

— ბატონი სიდენიუსი, როგორც ჩანს დღეს მარცხენა ფეხზეა ამდგარი! — მერე პერს მიუბრუნდა და დაუმატა: — როგორ შეგიძლიათ ასე მოუტევებლად მოექცეთ მოხუც, პატივცემულ ადამიანს, ომის ვეტერანს და სამშობლოს დამცველს? ასეთი ადამიანები ხომ ამბორის ღირსნი არიან!

რაკი თავისი მოვალეობა კარგად ახსოვდა, ბატონმა სივერტსენმა ყურთასმენის წამლები ხმით გადიხარხარა, მაგრამ უცბად შენიშნა, რომ სხვები სერიოზულად ისხდნენ, ამიტომ ჩაჩუმდა და ხველა აიტეხა. ახლა კი პერმა მთლად დაკარგა გონი, მაგიდას მუშტი დაჰკრა და გაფითრებული წამოვარდა.

— მე მინდა შევახსენო დამსწრე ბატონებს, რომ მე ვკირდები მათ და არა ისინი მე. ამიტომაც მიმაჩნია, რომ პირობები უნდა წამოვაყენო მე, და არა თქვენ ან ვინმე სხვამ.

იქ მყოფთ ენა ჩაუვარდათ. პერი დაჯდა. ყველას თვალეები მაქს ბერნარდისთვის მიეპყრო, მაგრამ ის წინანდებურად თავქვეშხელამოდებული და ნახევრად თვალედახუჭული იჯდა. გაფითრებულ სახეზე ავის-მაუწყებელი, გაყინული გამომეტყველება აესახა, ასეთი გამომეტყველება ჰქონდა მუდამ, როცა ვინმესთვის გუნებაში სიკვდილის განაჩენი გამოჰქონდა. მან მოასწრო, გერლოვისთვის თვალით ენიშნებინა. გერლოვმა ხელები მაგიდაზე დააწყო, ხოლო დიდი მძიმე თავი ისე ჩამოეკიდა გულზე, თითქოს დამჯდარი თვლემდა, სინამდვილეში კი ყუ-

რადღებად იქცა და თანხმობის ნიშნად, ოღნავ შესამჩნევი თავის დაყვრით გადაწყვიტა პერის ბედი.

— ამგვარად, თქვენ განზრახული გაქვთ, — კარგად გათამაშებული გულგრილობით დაიწყო მაქს ბერნარდმა, — არ წახვიდეთ იმ დათმობებზე, რასაც მოითხოვს პოლკოვნიკი ბერეგრავი, და, მაშასადამე, ჩვენც...

— დიახ, ასე მაქვს განზრახული.

— ეს თქვენი საბოლოო პასუხია?

— დიახ, საბოლოო.

— მაშ ასე, ბატონებო, მეტი სალაპარაკო აღარაფერი გვაქვს. რაკი ჩვენს წინადადებას არ ღებულობენ, ჩვენც ხელებს ვიბანთ. მე მგონი არ შეეცდები თუ ვიტყვი, რომ ჩვენ წინათაც არ მოვკიდებივართ განსაკუთრებული აღფრთოვანებით ამ საქმეს, ამიტომაც ძალიან არ უნდა ვიდარდოთ ეს სამწუხარო შედეგები.

თქვა ეს მაქს ბერნარდმა და ადგა. მას მიპყვენენ დანარჩენებიც; შეებით ამოისუნთქეს, რაკი ასე მოულოდნელად და ადვილად განთავისუფლდნენ ამ, მათი შეხედულებით, მკედრადშობილი პროექტისაგან. მხოლოდ ცოტანილა იყვნენ უკმაყოფილონი საქმის ასეთი სწრაფი დასასრულით. ყველაზე მეტად გულს აკლდა მიწის მფლობელ ნერეხავეს, ვისზედაც პერმა დიდი შთაბეჭდილება მოახდინა. პერი საჩქაროდ გამოეთხოვა ყველას და ივენის თანხლებით ტყვიასავით გავარდა ოთახიდან, ნერეხავემ მას თავისი ღორის თვალების მზერა გააყოლა.

პერმა კარი გაიხურა თუ არა, მაქს ბერნარდი ხელახლა აღაპარაკდა:

— საჭიროდ არ მიმაჩნია დაგიწყოთ დარწმუნება, რომ სრულიადაც არ ვაპირებ ღია პორტის პროექტზე უარის თქმას. იმასაც გაცნობებთ, რომ უახლოეს მომავალში ხელს მოვკიდებთ სხვა, — მე ასე მგონია — გაცილებით გონივრულ პროექტს. მაშ ასე, მალე შეხვედრამდე, ბატონებო.

* * *

ამ დროს იაკობა სკოვბაკენში სეირნობდა. ქალი უგუნებოდ იყო. ბოლო დღეების დაძაბულობამ, პერთან შეხვედრამდე დარჩენილ საათებს რომ ითვლიდა და ძალიან გადაღალა, ახლა უწია. თვით შეხვედ-

რამაც გაცილებით უფრო მეტად ატკინა გული, ვიდრე ამაში თავის თავს უტყუდებოდა.

იაკობას არ ასვენებდა იმის ფიქრი, რომ პერი ძალიან გამოიცვალა. ის უფრო თავდაპირველი გამხდარიყო, დარბაისელი, მაგრამ ამ ცვლილებაში, ასე რომ გაახარა მოხუცი სალამონები, იაკობა მხოლოდ დაანადგურებდა იმიტომ, რომ ეს აგონებდა იტალიიდან მოწერილ ბოლოდროინდელ წერილების უცნაურ ტონს. თუ თავდაპირველი ახალი მანერა მხოლოდ ხელოვნური სითამამე იყო, იაკობა ამას ადვილად მოერეოდა, ვინაიდან ასეთი სითამამე პერს სრულიად არ ამშვენებდა. იაკობას უყვარდა ის გაუთლელი დათვი, როგორც იყო პერი მათი გაცნობის დროს, როგორც იყო ამ ორი თვის წინ ლაუპენვალდში. ყოველთვის, როცა კი ისინი ერთად იყვნენ ხალხში, იაკობა იდუმალი თრთოლვით ელოდა, აი, ახლა ითავხედებს პერი, ან ვინმეს აწყენინებს, აი ახლა, მაგრამ ქალი თავისი სურვილით იტანჯებოდა და არ უნდოდა ამაზე უარი ეთქვა. მას თითქოს ეშინოდა, რომ თუ ადამიანები ღირსეულად დააფასებდნენ პერს, აღარ ეყვარებოდა ეს კაცი. ვიდრე იაკობა თავისი ნაღვლიანი ფიქრებით იყო გართული, ივენი დაბრუნდა. იაკობა და დედამისი ხეივანში ისხდნენ, როცა მათთან ილღიაში განუყრელპორტფელამოჩრილი ივენი შემოვარდა და მაქს ბერნარდთან შეხვედრის შედეგები აუწყა.

ივენს რომ მოუსმინა, იაკობამ გაიცინა. მომხდარი ამბავი მოულოდნელად ყოველივე იმის მგზნებარე პროტესტად მოეჩვენა, რაზედაც თავად ფიქრობდა, ხოლო დარეტიანებული დედისა და თითქმის ატირებული ძმის დანახვაზე კმაყოფილებაც კი იგრძნო. ახლა ქალმა ხელახლა შეიცნო პერში თავისი წინანდელი ველური.

მაგრამ სიხარული დიდხანს არ გაგრძელებულა, მალე იაკობაც მოიღუპა. როდესაც კარგად დაუფიქრდა და ივენისგანაც მოისმინა, რა მოუფიქრებლად და უგუნურად მოიქცა პერი, იაკობა უფრო მეტად გაბრაზდა, ვიდრე ივენი და დედამისი, და პერის გამო სირცხვილით დაიწვა. იმდენად იმაზე კი არ ფიქრობდა, რა მოელოდა ახლა პერს — და, მაშასადამე, მასაც, თუმცა მომავალში ხელახლა ცარიელი იმედებით ცხოვრების პერსპექტივა მის მდგომარეობაში სულაც არ იყო სახარბიელო, რამდენადაც იმაზე ბრაზობდა, ასე გულგრილად რად მოეკიდა პერი მამაჩემისა და განსაკუთრებით ივენის ზრუნვას მისდამიო.

ნასადილევს პერმა ტელეგრამა გამოგზავნა, თქვენთან მოსვლას ვაპირებო. იაკობამ მის შესახებ დრად ტყით გასწია. პერმა შორიდანვე სიცილით დაუყვირა:

— გაიგე ახალი ამბავი? მე ხომ, ქრისტეს მსგავსად, ტაძრიდან გავაძევე მეწვრილმანეები.

იაკობა კილევ უფრო მეტად განაწყენდა, თუმცა ქალი შესანიშნავად მიხვდა, რომ ამით პერს სურდა თავისი დარცხვენა დაეფარა. პერი რომ მოხვეოდა და კოცნით შეეჩერებინა ქალის ბაგეთაგან გადმომსკდარ საყვედურთა ნიაღვარი, — ო, მაშინ იაკობა იმწუთსვე აპატიებდა ყველაფერს და მის მკერდზე გაიქარვებდა ნაღველს. მაგრამ პერი სულაც არ მოქცეულა ასე. მან მაშინვე წაიკითხა იაკობას სახეზე საყვედური და, თუმცა თვითონაც, ცოტა არ იყოს, ნაწყენი იყო იმ მოლაპარაკებათა სამწუხარო შედეგებით, რაზედაც ამდენ იმედს ამყარებდა, იაკობას მუნჯური გაკიცხვა არასამართლიანად ეჩვენა და უფრო განაწყენდა. პერი მოელოდა, რომ ეს ქალი მაინც გაუგებდა და მიხვდებოდა მის მიერ ბიჩუის მოსაქმეთა გამოწვევის მნიშვნელობის ფასს, რადგან იაკობა მუდამ ვაცხარებით ლაპარაკობდა ხოლმე ამ უსინდისო გამომძალველებზე და აღშფოთებული იყო იმით, რომ მაქს ბერნარდის მსგავს კაცს შეუძლია გახდეს თანამედროვე საზოგადოების ერთერთი ბურჯთაგანი.

მაგრამ პირველივე მარცხის შემდეგ აღმოჩნდა, რომ თურმე არც იაკობა ყოფილა არაფრით სხვებზე უკეთესიო, ნაღვლიანად გაიფიქრა პერმა. მასშიც ცოცხლობს ვაჭრული სული და შესაფერის შემთხვევას ელის, რათა მისი სიამაყე დასძლიოს. ებრაელებსაც ჰყავთ თავიანთი კერპები: ყველაზე თავისუფლად მოაზროვნენიც კი მათ შორის ოქროს ელარუნის წინაშე ბრმად იხრიან ქედს და მუდამ მის მონებად დარჩებიან.

ტყის პირს მიუახლოვდნენ. დაღლილობის მიუხედავად იაკობას არ უნდოდა მაშინვე შინ წასულიყო და ხის ქვეშ სკამზე ჩამოჯდა. ის გაიწია და კაბა ისე შეიკეცა, თითქოს პერი დასაჯდომად მიიპატიო. მაგრამ პერი არ დაჯდა, ბოლთას სცემდა სკამის წინ, თითების ბოლოები ელიეტის ჯიბეში ჩაეყო და ცდილობდა აეხსნა მიზეზი, რამაც აიძულა მოქცეულიყო სწორედ ასე და არა სხვანაირად. იაკობა სკამის ზურგს გადააწვა და ხელი ზედ ჩამოდო: ის თვალს აყოლებდა პერის თვითეულ მოძრაობას და ფიქრობდა, ასე რამ გამოცვალაო. „ნეტა რა დაემართა?“ ფიქრობდა ქალი და მის გამომცდელ შავ თვალეებში პირველად გაიელ-

ვა უნდობლობის ჩრდილმა. ხომ არ დაუმალა პერმა იაკობას რაიმე, რითაც მისი უცნაური თავშეუკავებლობა აიხსნებოდა? იქნებ მის გუშინდელ გულჩახვეულობას და დღევანდელ გულფიცხობას ერთი და იგივე საფუძველი უდევს?.. თანაც, მისი ბოლოდროინდელი იტალიური წერილები?.. რატომ ფიქრობდა პერი ასე დიდხანს შინ დაბრუნებაზე?

იაკობამ ხელი გადაისვა მოღუშულ შუბლზე, თითქოს ცდილობდა სევდიანი ფიქრები განედევნა. არ უნდოდა პერზე რაიმეში ეჭვი შეეტანა.

— ყველაზე მეტად ივენი მეცოდება, — თქვა მან და ოდნავ იბრუნა პირი პერისკენ. — გული გეტკინება, ისე იყო მოწადინებული, მგონი ამაზე მეტად მაშინაც არ გაირჩებოდა, მის საკუთარ მომავალს რომ ეხებოდეს საქმე.

ჯერ იყო და პერს არ უნდოდა ეპასუხა იაკობასათვის. მას თანდათან ნერვებს უშლიდა ივენის დამსახურებებზე გამუდმებული ლაპარაკი, რაკი თავად დიდ მნიშვნელობას არ აძლევდა ამას.

— სამწუხაროა, სამწუხარო. მართლაც ძალიან მებრალება შენი ძმა... მაგრამ რას იზამ. ივენი თავიდანვე უნდა მიხვედრილიყო, რომ ასეთ ხალხთან არ შეეხებოდნენ.

— აკი თავად აღჭურვე ამ უფლებით.

— ჰო, მაგრამ მე იმათ არ ვიცნობდი. ერთი გენახა მათი მეშჩანური ქედმაღლობა. ყველას ისეთი სახე ჰქონდა, თითქოს უდიდეს პატივს მდებდნენ თავიანთი თანხმობით, რომ ჩემს პროექტზე ხელი მოეთხოვ. თუ ახალი დროის ადამიანები სწორედ ასეთები არიან, მაშინ ვაინა გავყრივართ და ვუის შევყრივართ.

— ახლა რას აპირებ? — ჰკითხა იაკობამ მცირე ღუმილის შემდეგ.

— ბევრს არაფერს: განვაგრძობ დაწყებულ საქმეს. დავამტკიცებ, დავწერ, ავტებს განგაშს, ვიღრე ხალხი არ გამოიგებს. მარტო ბირჯის ზვიგენებს ხომ არ უნდა ველაპარაკო. აბა, ერთი წარმოიდგინე, ისე გათავხედდნენ, მირჩიეს კიდევ, ფეხქვეშ გაეგე გაზეთის რედაქტორებსო! ამაზე რაღას იტყვი? დიურინგისთანა მჯღაბნელების წინაშე უნდა დამემცირებინა თავი!

— მერე რა მოხდა?

პერი უეცრად შეჩერდა და დაუფარავი გაკვირვებით შეხედა ქალს.

— შენ მგონი მოგწონს კიდევაც ეს ამბავი?

— თუ ეს საქმეს არგებდა, თანაც ეჭვი არ მეპარება, რომ ნამდვილად არგებდა, რატომ არ შეიძლებოდა რედაქციებში მისულიყავი?

— შენ სერიოზულად ფიქრობ ასე? არა, დღეს ნამდვილად მაოცებ.

— მე ვფიქრობ, როცა კაცს რაიმეში დახმარება სჭირდება და სურს დაეხმარონ, სულაც არ იქნება მისი ქცევა სულელური, თუ აღიარებს იმათ უფლებებს, ვისაც ნამდვილად ეკუთვნის ეს უფლებანი და არ ჩაეძიება, როგორ და რა გზით მოიპოვა ამ ხალხმა ის.

— მაპატიე, გეთყვია, მაგრამ მე სხვა აზრისა ვარ ადამიანის მოვალეობებზე თავისი თავის მიმართ. საერთოდ არ მესმის, რატომ არის ნაკლებად სამარცხვინო ოქროს სხეულაკისადმი თაყვანისცემა, ვიდრე ჯვარცმისადმი? დღევანდელი ამბის მერე კი ისე მეზიზღება ყოველგვარი საქმიანი მაქინაციები, რომ საექვეთა მალე გამიაროს ამ ზიზღმა.

იაკობამ არაფერი უპასუხა, ქალს ის სტანჯავდა, რომ პერი მხოლოდ იმაზე ფიქრობდა, როგორ გაემართლებინა თავი. იაკობას უნდოდა, პერს შეეწყვიტა თავისმართლება, ქალის თვალში ეს მხოლოდ თავის დაძვრენა, მხოლოდ თვითდარწმუნების გაშმაგებული ცდა იყო.

მაგრამ პერი არ ჩუმდებოდა. იაკობას მხრივ აშკარა გაიციხვა, უარი მისგან, რომ კარგად გაეგო მიზეზები, რამაც პერი აიძულა აჯანყებულ იყო, დაბოლოს თავისივე უმწეობა, უუნარობა, აეხსნა იაკობასთვის და საკუთარი თავისათვის შინაგანი მოტივები, რამაც აიძულა სწორედ ასე მოქცეულიყო, — ყოველივე ეს ერთად აღებული პერს საბრძოლველად აქეზებდა.

— პირდაპირ გულს მიჩვილებს შენი აღფრთოვანება მაქს ბერნარდით და მისი დამქაშებით. შენ არ იყავი ასეთი. იმედია, ეს დღევანდელ მოვლენათა შედეგი არ არის?

— ვთქვათ, დღევანდელი ამბავი უბრალოდ არ გამიგია, — მიუგო იაკობამ მშვიდად, მაგრამ მეტად სერიოზულად, — უპირველეს ყოვლისა, საერთოდ არ მაგონდება როდის გამომიხატავს აღფრთოვანება, მით უფრო მაქს ბერნარდით, თუმცა, მგონია, ის კაცი უფრო უკეთესია, ვიდრე რეპუტაცია აქვს. შემთხვევით გავიგე, რომ თურმე საიდუმლოდ ქველმოქმედებას ეწევა და რამდენიმე კოპენჰაგენელ ღარიბ ებრაულ ოჯახს ეხმარება.

— ალბათ, იმიტომ, რომ გამოისყიდოს ბოროტება, ასობით ოჯახისათვის რომ მიუყენებია მთელ ქვეყანაზე. ალბათ, ერთი და ორი დღეობული კაცის ბედი არ აწევს სინდისზე.

— ჰო, ის ხომ მეომარი კაცია. ამბობენ, თითქოს ერთხელ უთქვამს კიდეც: „ომი — ეს ჩემი ხელობაა“. დაუნდობელი და უღმობელია,

ხოლო დროდადრო — სასტიკი. ამიტომაც, თავის დროზე სერიოზულად მაფიქრებდა, სულ უფრო და უფრო რომ იზრდებოდა მისი ძლიერება, ამაში მართალი ხარ. მაგრამ, შესაძლოა ვერ ვუგებდი, ან საერთოდ საკმაოდ ვერ ვაფასებდი ასეთ ადამიანებს. იქნებ სწორედ ასეთი ადამიანები სჭირდება ქვეყანას, სადაც თანდათან მიავიწყდათ, როგორია ნამდვილი, ნებისყოფიანი ადამიანი.

— ახ, ესე იგი, ეს კაცი საერთოდ იდეალი ყოფილა და ყველა ჩვენთაგანის ჭკუის მასწავლებელი?

— შესაძლოა. ყოველ შემთხვევაში — დამპყრობი კი არის. რაღაცით ჰგავს კეისარს.

— აბა, ერთი თქვი, რამდენი თვითმკვლელობა მოხდა, როგორც ამბობენ, მისი დანაშაულით?

— ეს სულელური მითქმა-მოთქმა იყო.

— მაგრამ, შენ ხომ უნდა აღიარო...

— მერე რა, ასეც რომ იყოს? სწორედ ის ხმაური, მულამ რომ ატყდება ხოლმე, როცა ბერნარდი იყენებს თავის ძალას, რათა უვნებელი გახადოს მორიგი მოწინააღმდეგე, ან დააწინაუროს თანამებრძოლი, ნათლად ამტკიცებს, რა ძნელი გასაგებია ჩვენი საზოგადოებისათვის ის ფაქტი, რომ, თუ ლებულობ მიზანს, უნდა მიიღო საშუალებებიც და არ ეკინკლაო დაუსრულებლად საკუთარ თავს და სხვებსაც.

პერმა უსიტყვოდ შეხედა იაკობას. ქალის ნათქვამმა სულ სხვანაირად იმოქმედა, ვიდრე მას უნდოდა, ან ფიქრობდა.

— ხედავ, რა მარჯვე ხარ! — უთხრა ქალს და ძლივს შეიკავა თავი, რომ უხეშად არ მოქცეულიყო. მას უნდოდა იაკობასთვის ეთქვა, თუ მართლაც იმ იდეებით ხელმძღვანელობა დამპყირდა, ასე თავგამოდებით რომ მიქადაგებ, მაშინ დღეს ჩვენი ერთად საუბარი უკანასკნელიაო. მაგრამ პერმა მხოლოდ ის უთხრა, ამ საკითხში შენგან არაფერი მესწავლებაო. პერს შეუძლია დაარწმუნოს იაკობა, რომ თავის მხრივ ბევრჯერ ჰქონდა შემთხვევა, აეწონა მიზანი და საშუალებანი, და თანაც დღევანდელზე უფრო მნიშვნელოვან საკითხებში. საერთოდ კი იაკობას მიერ წამოყენებულ ლებულებებზე საკამათო არაფერია, პერს მხოლოდ ის აკვირვებს, როგორ შეუძლია იაკობას დაიცვას მაქს ბერნარდის მსგავსი გაიძვერა ადამიანი, ვისი ქვენა გრძნობებიც მხოლოდ ერთი რამისკენ არის მიმართული: მოიკლას ძალაუფლების იაფფასიანი წყურვილი. ანუ, უკეთ რომ ვთქვათ, გაისქელოს ჯიბე; აბა როგორ უნდა

დაიცვას გაიძვერა, ვინც ყოველი თავისი საქციელით მხოლოდ იმას ამტკიცებს, რომ მავნე და ბილწი ადამიანია... აქ პერს უნდოდა ეთქვა „ებრაელი“-ო, მაგრამ დროზე შეიკავა თავი და თქვა: „ბირჟის ყაჩაღიო.“

— თუმცა, დასაშვებად მიმაჩნია, — დაუმატა მან, მხრები აიჩეჩა და პირი იბრუნა, — დასაშვებად მიმაჩნია, რომ შენში არსებობს ბუნებრივი წინაპრობა იმისათვის, რათა დაიცვა ასეთი ადამიანები. მე კი ეს, სამწუხაროდ, არ გამაჩნია.

იაკობამ ერთი კი ახედა, მაგრამ დუმილი არჩია და ხელახლა აარიდა თვალი.

— მაგრამ, როგორც თავიდანვე ვამბობდი, — განაგრძო პერმა, — მთელი ეს ისტორია ამდენ ხმაურად არ ღირს. შენ მას მეტისმეტად სერიოზულ ამბად იღებ. საერთოდ, კონტურებისადმი საბედისწერო სისუსტე აღმოგაჩნდა.

— კონტურებისადმი კი არა, პერ, კონტურებისადმი.

— გეთაყვა, დღეს მაინც ნუ დაატან ჭკუას ძალას.

— მაშინ, კეთილი ინებე და, თქვეი როგორც წესია. ისლა გაკლია, ორთოგრაფიის დარგში იკისრო გარდაქმნები.

ასე გაგრძელდა, ერთ შეურაცხმყოფელ სიტყვას მეორე მოჰყვა, ვიდრე იაკობამ უცბად თვალეზზე ხელი არ აიფარა და თავს არ მოერიო. არა, არა! მას არ სურს რამეში დაეჭვდეს პერზე. ყურს არ დაუგდებს ექვიანობის ხმას. არ სურს იფიქროს საშიშროებაზე.

იაკობა ადგა, ხელეზით თავი აუწია პერს და აიძულა მისთვის თვალეზში შეეხედა.

— პერ, — უთხრა მან, — აბა, როგორ არ გრცხვენია? ის არა სჯობს მაკოცო? დავივიწყეთ მწარე სიტყვები, რაც ერთმანეთს ვუთხარით. თუ გინდა თქვეი, რომ ყველაფერში მე ვიყავი დამნაშავე, ოლონდ ისევე კარგი ვახდი. მოდი, შევპირდეთ ერთმანეთს, რომ ასეთი რამ აღარასოდეს აღარ დაგვემართება, კარგი? მამ დავიფიცოთ!

პერი მაშინვე მოლბა. ამ ბოლო დროს მასზე ძალიან ჭრიდა ტკბილი სიტყვები.

— მართალი ხარ. სულელურად ვიქცევი, მაგრამ, მე ვიმედოვნებდი, რომ შენ მაინც უსათუოდ მომიწონებდი საქციელს. ვიცი, ახლა უფრო მეტად დამპირდება შენი მხარდაჭერა და გაგება, ვიდრე წინათ.

— ამაზე არასოდეს არ გეტყვი უარს, — უთხრა იაკობამ.
შერიგება მათ ხანგრძლივი კოცნით დაამოწმეს.

* * *

სადილზე სკოვბაკენში ფრიად უგუნებო განწყობილება სუფევდა. ფილიპ სალამონმა ჯერ კიდევ ქალაქში გაიგო, რითაც დამთავრდა საქმე და სუფრაზე კრინტიც არ დაუძრავს. საერთოდ ამ დღეს სიტყვა-ძუნწობდნენ, მხოლოდ პატარების მხიარული ლაქლაქი ანელებდა ცოცხალი საერთო დამაბულობას.

პერი შეიარაღებული იჭდა, სახეზე საბრძოლო მზადყოფნა ეწერა. იმის მიხედვით, თუ როგორ მიიღეს მომხდარი ამბავი ივენმა და იაკობამ, პერი მიხვდა, რომ მოხუცები მოითხოვდნენ ახსნა-განმარტებებს და იქნებ თავიანთი უფლებებიც მიეთითებინათ, რაკი ბოლო დროს პერი მათ ხარჯზე ცხოვრობდა. ამიტომ თხიზლად იყო და მტკიცედ ჰქონდა გადაწყვეტილი, არაფერს ჩაერია თავის საქმეში.

მაგრამ თავდაცვა არ დასჭირებია: ფილიპ სალამონმა, ვისაც ერთხელ და სამუდამოდ ჩამოყალიბებული ჰქონდა თავისი შეხედულება თვით პერზეც და მის გარდამქმნელ იდეებზეც, საბედნიეროდ თავი შეიკავა ცდუნებისაგან, წაეკითხა პერისათვის პატარა ლექცია იმის შესახებ, რა მიაჩნიათ დასაშვებად საქმიან სამყაროში და რა არა. მომავალ სიღებრსაც კი არ დაუძრავს კრინტი მომხდარ ამბავზე. ნასადილევს იაკობა და პერი ბაღში ჩავიდნენ. ხელგაყრილები მიდიოდნენ, მაგრამ მიუხედავად იმისა, რომ ტყეში შერიგდნენ, წინანდებურად ახლოს ველარ იყვნენ ერთმანეთთან. იმის შიშით, რაიმე არ წამოსცდენოდათ ისეთი, რის გამოც ხელახლა კამათი ატყდებოდა, თავიანთ ნამდვილ აზრებს ფარავდნენ და ყოველად უმნიშვნელო ამბებზე ლაპარაკობდნენ. ამიტომაც იაკობას ვერაფრით ვერ აქედლებინა თავი, ლაპარაკი ნიშნობის შესახებ ჩამოეგდო და მით უფრო — ელიარებინა თავისი მდგომარეობა; პერს, თავის მხრივ, ვერაფრით ვერ მოეყოლა თავისი ოჯახის კოპენჰაგენში გადმოსვლის ამბავი, თუმცა ეს მოვლენა, მიუხედავად იმისა, რომ საღელვებელი სხვაც ბევრი ჰქონდა, თავიდან ვერ ამოეგდო.

თანაც პერს ეშინოდა, სკოვბაკენში ნანო არ გამოჩენილიყო: სუფრაზე ამბობდნენ, ნანი ხვალინდელი სტუმრების ხათრით შეიძლება სა-

დამოთი ჩამოვიდეს და ღამე აქ გაატაროს. ამიტომაც პერი სახლიდან მოღწეულ ხმებს აყურადებდა და ძალიან ცდილობდა, როგორმე იაკობას არ შეენიშნა მისი მღელვარება. მერე ისინი წყლის მასობლად ჩამოსხდნენ ერთ მყუდრო სკამზე. ამავე დროს და ამავე სკამზე ისხდნენ ისინი გუშინ, მაგრამ დღეს ირგვლივ ყველაფერი სულ სხვანაირად გამოიყურებოდა. ჩრდილოეთით მკაფიოდ ისახებოდა სრუტის ორივე ნაპირი. კუნძული ვენი ისე ნათლად იყო გამოკვეთილი, ჩანდა, როგორ ეხეთქებოდა ტალღები მზით განათებულ ქვიშიან ნაპირებს. ქარი დასავლეთიდან უბერავდა და ზელანდიის სანაპიროს გასწვრივ წყალ-წყნარი ჩანდა, ხოლო სანაპიროს მეჩჩეებში მთლად სარკესავით იყო და მასში ირგვლივ მდებარე ვილების ბაღები და საბანაო ბოგირები ირეკლებოდა. სამაგიეროდ, მოშორებით, სიღრმეში თეთრქოჩორა მუქი-ლურჯი ტალღები დასეირნობდნენ. იქ რამდენიმე აფრაჩამოშვებული ნავი ტრიალებდა. პატარა მწვანე საბარგო გემი დაუღალავად მიცოცავდა სრუტეებში და ხმაჩახლეჩილი საყვირით აფრთხობდა ნავეებს. შავი სქელი კვამლი, ღრუბელივით რომ მობურვოდა გემს, მისი სხავეებს ნთქავდა და წყალზე გრძელ მუქ ჩრდილს აყენებდა.

ამ საზღაპრო ზღვის პეიზაჟის დანახვისას პერს უნებლიედ ფრიტიოფი გაახსენდა. ის ფიქრით ბერლინში გადავიდა, სადაც მყუდრო სამიკიტნოში ლაიპციჰერშტრასეზე მხიარულ საღამოებს ატარებდა ხოლმე მამაგ მხატვართან და მის გადარეულ ხელოვან თანამომძიებებთან ერთად.

პერი თვითონაც ვერ გეტყვოდათ, რა იზიდავდა ამ ადამიანებისაკენ და რატომ ნაღვლობდა მათზე ახლა. ამ კაცს პერი თვლიდა საშუალო ნიჰის მასხარად, ამიტომაც ფრიტიოფის დიდი და ამაღელვებელი ხელოვნება მისთვის მიუღწეველი იყო. სრულიადაც არ ეამებოდა, რომ ფრიტიოფის მეგობრებმა მათ შორის მსგავსება აღმოაჩინეს და ნათესავებადაც კი სთვლიდნენ.

მხოლოდ ბუნდოვნად ხვდებოდა პერი, რომ მას, იაკობას და სალამონების მთელი ოჯახის შეხედულებათა გაყინული ცალმხრივობის და ურყევი შეზღუდულობის საპირისპიროდ, სწორედ ეს ყბადაღებული მერყეობა იზიდავდა, სწორედ ის იზიდავდა, რომ ფრიტიოფი მოსაზრებებითაც და საქციელითაც თავისნება კაცი იყო. სკოვბაჟენში ყველა ცხოვრებისეულ შემთხვევაზე წინასწარ იყო გამზადებული განსჯა მტკიცე, განსაზღვრულ, ის კი არა და, გაყინულ ფორმითაც. ეს კი სწორედ რომ შეესაბამებოდა ნათელ, ღამაზად მოწყობილ, მაგრამ გულისთვის არა-

ფრისმთქმელ ოთახების სულს, მაშინ, როდესაც ფრიტიოფს შეეძლო დღეს ახალი, გუშინდელის სრულიად საწინააღმდეგო შეხედულება გამოეთქვა და ისეთივე დარწმუნებით და უფრო მეტი გატაცებითაც კი დაეცვა თავისი აზრები.

სალამონების ოჯახი, მიუხედავად იმისა, რომ, ცოტა არ იყოს, ექსტრავაგანტურობისადმი მიისწრაფოდა, მუდამ მტკიცედ მისდევდა ცხოვრების იმ მხარეს, რომელსაც კეთილგონიერი ეწოდება, მაშინ, როდესაც ფრიტიოფის მოხეტიალე სულმა გადასერა ყოფიერების ყველა გზა და გზაჯვარედინი, ბევრჯერ დამარცხებულა მის როგორც ნათელ, ისე ჩრდილოვან მხარეებზე, რათა თვით ამ თავის დაუცხრომლობაში მოეპოვებინა ბედნიერება.

ბოლოს პერმა ახსენა ფრიტიოფი, იაკობამ კი თქვა, რამდენიმე ხნის წინ ესტერპაღზე შემხვდაო.

— მაშ ფრიტიოფი აქ არის? — უეცარი აღფრთოვანებით შესძახა პერმა. — აკი შემოდგომაზე ამბობდა, ესპანეთში წასვლას და სამუდამოდ იქ დარჩენას ვაპირებო. მას ხომ სძულს დანია და „ახალ იუდეველს“ ეძახის.

— მას რომ ყური უგდოს კაცმა, საერთოდ უარს არ იტყვის, მოიაროს მსოფლიოს ყველა ქვეყანა და დაბინავდეს თვითეულ მათგანში, თავად კი ეშინია ერთი. დღის სავალზე მეტი გზით მოშორდეს კოპენჰაგენს. შენ, ალბათ, არც იცი, რომ ფრიტიოფი ხელახლა პროგრესის აღტაცებული მომხრე გახდა და რევოლუციონური სიტყვებითაც კი გამოდის.

— რას მეუბნები?

— მას შემდეგ, რაც გერმანელებმა შეაქვეს, ფრიტიოფი ჩვენთანაც ხელახლა შემოვიდა მოდაში. მაგრამ ანტისემიტიზმი მას უკვალოდ გაუქრა. ამას წინათ მარკუს ლევიმ იყიდა მისგან სურათები თავისი კოლექციისთვის, მგონია ოცი ათასი კრონის საფასური, ისე რომ, ახლა ფრიტიოფის პირისაგან კაცი ინდუსტრიის განვითარების წყალობით მოტანილ ებრაელთა საყოჩაღისა და სიკეთის ქების გარდა ვერაფერს გაიგონებ.

პერმა ხმამაღლა გადაიხარხარა.

— კი, ეს ფრიტიოფს ჰგავს! შემოდგომაზე ბერლინში შემხვდა და მიუხედავად იმისა, რომ მუდამ ყოყორბს, სულიერად შევეთვისე, მაგ-

რამ ძალიან მიჭირს გამოვარკვიო, სად იწყება ფრიტიოფში ადამიანი და მთავრდება კომედიანტი, ჩხუბისთავი, პოზიორი.

— კაცმა რომ თქვას, ადამიანი მასში არსად არ იწყება, ის თავიდან ფეხებამდე მხატვარია.

— ღიახ, შესაძლოა სწორედ აქ იმალება გამოცანა. ასეა თუ ისე, კრიტიოფი არაჩვეულებრივი მოვლენაა. მაგონდება ერთი სადამონეტარხსენებულ „ქებაში“. მაშინ ფრიტიოფმა თავისი სურათი გაყიდა და ამ საბაბით შამპანურს ალევინებდა ვილაც შემთხვევით ადამიანთა მთელ ჯგროს, მანამ კი მთელი დღე ქალაქში იხეტიალა. როცა უკვე დაღამდა, მეპატრონემ უარი გვითხრა მომსახურებაზე. ფრიტიოფი გააფთრდა. ჩემს დღეში არ დამავიწყდება ეს დიდებული სანახაობა. ფრიტიოფმა ჩაიყო ჯიბეში ხელი და მთელ დარბაზში მოაპნია ერთი მუჭა თქროს ფული. საშინელი აურზაური ატყდა, მერე ფული აკრიფეს და ძალით წაიყვანეთ შინ. მაგრამ სწორედ აქ იწყება ყველაზე საინტერესო ამბავი. შემდეგ შევიტყვე მეპატრონისაგან, რომ მეორე დილით მასთან მისულა მთლად ფხიზელი ფრიტიოფი და ფრიად საიდუმლოდ დაინტერესებულა, ხომ არავის უპოვნია დილით დალაგების დროს ოცკრონიანიო. სწორედ ამდენი ფული მაკლია, თქროს ფულების იატაკზე მოპნევის დროს კი აშკარად დავინახე, ერთი ცალი საფურთხებლის ქვეშ შევარდაო. მართალი გითხრა, ფული სწორედ იქ იპოვნეს. მოკლედ რომ ვთქვათ, თუმცა გარეგნულად ფრიტიოფს ისე ეტყობოდა, ვერ აზროვნებდა და რაც ძალი და ღონე ჰქონდა შმაგობდა, თურმე წუთითაც არ დავიწყებია დათვლა და თვითეულ კაპიკს უთვალთვალებდა. აბა, რას მეტყვი ამაზე? იქნებ იფიქრო, თავი მთვრალად მოაჩვენა მხოლოდო. მაგრამ ასე არ არის. ამ კაცში თითქოს ათეული ადამიანი ცხოვრობს და ყველა სხვადასხვანაირია. იქნებ ასეთებია მარტო ფრიტიოფი კი არა, სხვებიც, — ყოველ შემთხვევაში, ჩვენებულები, ჩრდილოეთელები.

იაკობამ ხმა არ გასცა. ჯერ კიდევ პერის ბერლინში ცხოვრების დროს სწყინდა მისი აშკარა გატაცება ფრიტიოფით, რადგან ფრიტიოფი იაკობას სულელად და არამზადა კაცად მიაჩნდა, ტრაგიკომიკურ ფალსტაფად, ვინც ხელგაშლილმა ბუნებამ, თითქოს დასაციინად, შემოქმედებითი ნიჭით დააჩილდოვა. იაკობა აღიარებდა ფრიტიოფის ტალანტსაც და შეუდარებელ ოსტატობასაც, მაგრამ ტალანტს პირადი ნაკლის გამართლებად არ თვლიდა: პირიქით, ფიქრობდა, რომ თვალსა-

ჩინო ნიჭი კაცს მოვალეობას აკისრებს, და ის შემწყნარებლობა, ადამიანები რომ ფრიტიოფის მიმართ იჩენენ, აკნინებს ხელოვნების ჰემ-მარიტ სიდიადეს და ამცირებს მას.

როგორც წინააღმდეგობა, პერი დღესაც ადრე გამოეთხოვა სკოზაქენს; ის დაიღალა. იაკობა არც ცდილა მის დარჩენას. ნანი ჯერ არ ჩანდა, მაგრამ შეიძლება ბოლო მატარებლით მოსულიყო, ამიტომაც პერი წინასწარ გაქრა.

მაგრამ ვიდრე კოპენჰაგენამდე მიადგებოდა, დაღამდა კიდევ. სენის ბაზარზე ბინდი ჩამოწვა, ქუჩები წყვილიად მოიცვა. ერთის მხრივ ახალი, თითქოს თვალწარმტაცად მორთული კაფეს ჩამწყკრივებული ფანჯრები ბრწყინავდა, მეორეს მხრივ — ფერმკრთალ ცის ფონზე აჩრდილივით ტორტმანებდა ქარის წისქვილი. თუ ქვემოდან შეხედავდით, დიდ, ზონზროხა ჯაღოქარს მოგაგონებდათ, თითქოს ხელებგამოღილი რომ წყევლიდა ახალ ქალაქს.

პერი მაშინვე არ წავიდა შინ. მიუხედავად იმისა, რომ დაღლილი იყო, აპყვა სურვილს, მთელი დღე რომ იმალებოდა მის ფიქრებსა და საზრუნავს მიღმა და მხოლოდ მოხერხებულ მომენტს ელოდა, დაუფლებოდა პერს. ნელა, თითქოს უნებლიედ ჩაიარა მან სადამოხანს გამოცობილი ვესტერბრუჰადე, ფანჯრების ორი მწყკრივი რომ ევლემბოდა ირგვლივ.

ბაჰერსტრადეს მახლობლად ვესტერბრუჰადედან გადაუხვია და ჰამლე კუნგევეის მოსაზღვრე წყნარ უბნებში შევიდა. და აი უკვე მიადგია იმ ქუჩის კუთხეს, სადაც დედამისი ცხოვრობდა.

იქნებ ვინმე ოჯახის წევრთაგანი შემოყროდა და, რომ არ ეცნოთ, პერმა პალტოს საყულო აიწია, შლიაპა შუბლზე ჩამოიფხატა. თუმცა, სულიერი არ ჩანდა. ჯერ ქუჩის იმ მხარეს წავიდა, სადაც მათი სახლი უნდა ყოფილიყო, ხოლო როცა იპოვა სახლი — მეორე მხარეს გადავიდა და ჩრდილში მიიმალა.

აქედან კარგად დაათვალიერა ოთხსართულიანი უშნო შენობა, არაფრით რომ არ გამოირჩეოდა სხვებისაგან და პატარა-პატარა, სამოთხოთახიან ბინებად იყოფოდა. მისმა მზერამ მაშინვე გადაურბინა შესასვლელის მარცხნივ მდებარე მეორე სართულის ფანჯრებს, მაგრამ საღებავით მოწუწული ფანჯრების მინების მეტი ვერაფერი დაინახა. ალბათ კარგად ვერ გაიგო რაიმე. მეორე სართულის ბინაში აშკარად არავინ ცხოვრობდა — იქ რემონტი ჰქონდათ. მერე პერმა მოისაზრა

კიბე საით იქნებოდა და მიხვდა, რომ კარი, გაზეთში გამოქვეყნებული განცხადების თანახმად „მარცხნივ“ რომ უნდა ყოფილიყო, ქუჩიდან გახედვისას სადარბაზოს მარჯვნივ უნდა აღმოჩენილიყო.

იქ, საითაც პერის მზერამ გადაინაცვლა, ერთ ფანჯარაში სუსტი მუქი მოჩანდა. გვერდით, მეზობელ ოთახში, ფარდები არ იყო ჩამოშვებული და ჭერზე სინათლის ვიწრო ზოლი ეცემოდა, — ესე იგი, განათებული ოთახის კარი მჭიდროდ არ იყო მიხურული. მაგრამ ტყუილად ცდილობდა პერი, დაენახა კიდევ სხვა რამ, რაიმე წერილმანი, ურომლისოდაც კვლავ ვერ შეგუებოდა იმის ფიქრს, რომ დედამისი ნამდვილად ამ უცხო სახლში ცხოვრობდა.

უეცრად ფანჯრის რაფაზე ყვავილის ქოთნებს შორის პერმა შენიშნა ერთი ნაცნობი საგანი და მის დანახვაზე გული შეუქანდა. მან იცნო დედამისის პატარა, მრგვალი ძაფების კოლოფი, ბავშვობიდან რომ ახსოვდა, მაგრამ მაშინ საშინლად დიდი ეჩვენებოდა.

ერთი წუთის შემდეგ ფარდის უკან ვილაცის ჩრდილმა გაიელვა.

„იქნებ დედაა“, — გაიფიქრა პერმა და უცბად ლამის სიცივემ შეაშიგძივა.

რამდენიმე წუთის შემდეგ იმავე ჩრდილმა გაიელვა, მაგრამ ისე სწრაფად და ბუნდოვნად, რომ პერმა ისიც კი ვერ გაარკვია, ვინ იყო — კაცი თუ ქალი. ამ დროს რომელიღაც ძალზე მხიარული კომპანიის აურზაური მოესმა და პერი იქიდან წავიდა.

ნელ-ნელა დაბრუნდა პერი ქალაქში იმავე გზით.

მაგრამ სასტუმროს რომ მიუახლოვდა, მიუხედავად იმისა, საშინლად დაღლილი იყო, უეცრად ძალიან დაეზარა შეუჩვეველ უცხო ოთახში დაბრუნება. ისეთი შიში იგრძნო სიმარტოვისა, კარბშივე სწრაფად მობრუნდა და მოედნის ბოლოში მდებარე კაფესკენ გაეშურა. იქ პერმა ერთი ტოლჩა ლუდი შეუკვთა, კუთხეში მიიკუნჭა და შეეცადა გონი მოეკრიბა.

მხოლოდ ახლა, როცა საბოლოოდ აწონ-დაწონა მთელი დღის მოვლენები, ახლა, როცა მყვირალა ფრაზებით ვერ უპასუხებდა კითხვას, როგორ მოქცეულიყო, პერმა შეიგნო, რა სიძნელეებიც გაუმზადა მან თავის თავს. ისიც კი აღიარა, რომ იაკობამ და მისმა შინაურებმა ტყუილად არ მიიტანეს მომხდარი ამბავი ასე ახლოს გულთან. პერს ხელახლა გამოეცალა ფეხქვეშ ნიადაგი, მის ირგვლივ კვლავ დაცარიელდა გარემო და გამოსავალი არ ჩანდა, თუმცა ერთი იმედი კი იყო — პოლ-

კონიკი ბერეგრაკი. უკიდურესი აუტოლებლობის შემთხვევაში მეორე გამოსავალიც არსებობდა — გონებასუსტი ბარონესა.

სხვაგვარად რომ ვთქვათ, ან დიურინგის და მის მსგავსთა მაგვარაღ მსხვერპლად უნდა მოიტანოს დამოუკიდებლობა, უკუაგდოს საკუთარი „მე“, საჭურისად ემსახუროს ბრბოს, ან შეგირდად დაუდგეს მაქს ბერნარდს, შეგნებულად ამოიღოს ნიშანში მსხვერპლი და გულგრილად ევლიფოს ის. იაკობა ამაშიც მართალია. მესამე გზა არ არსებობს. „თუ მიზანს იღებ. მაიღე საშუალებებიც“.

რას იზამ — ეგონა, სამყაროს დამპყრობის რაღაში გამოდგებოდა და არ გამოდგა, ვერ აიძულა საკუთარი თავი, რომ დიდი ბედნიერების საფასური გადაეხადა. ანუ — უფრო სწორად რომ ვთქვათ — დიდებას და ძალაუფლებას ის მოუვიდა, რაც სხვა დანარჩენ განსაკუთრებით განდიდებულ ცხოვრებისეულ სიხარულსა და საცთუნებლებს: მიახლოებისას მათ პერის თვალში მიმზიდველობა დაკარგეს, ძალიან ძვირად უჯდებოდა.

პერს გაახსენდა სხვა ადამიანი... განსვენებული ნირგორი. როგორ თქვა სიკვდილს წინ თავის წინასწარმეტყველურ სიტყვაში?

მაგრამ ამ დროს გაიღო მინის კარი და კაფეში ორი მეტრი სიმაღლის ჭადრაქწერიანი აყლაყულა შემოვიდა. ბაცი ფერის პალტო ეცვა და მხარზე მახვილივით გადაედო ჯოხი. ფრიტიოფი იყო!

სიხარულისაგან პერმა კინაღამ მთელი დარბაზის გასაგონად დაუძახა, მაგრამ ის იყო უნდა წამომდგარიყო, რათა ფრიტიოფსაც დაენახა ის, უეცრად გადაიფიქრა და აღარ ამდგარა თავისი ადგილიდან. გაზეთიც კი აიღო ხელში და სანამ ფრიტიოფი მეზობელ დარბაზში გავილდა, გაზეთმოფარებული იჯდა.

პერს შერცხვა და იმიტომ დაიძალა, იფიქრა, ფრიტიოფი საკუთარ წარმატებებს რომ მიამბობს, მწყალობლურად ჩემი გეგმების ბედითაც დაინტერესდებო, ეს კი სულაც არ ეამებოდა, რადგან ბერლინში კამათის დროს მან, პერმა დაუდევრად დაიტრაბახა, ჩემმა იღებმა დიდი ინტერესი გამოიწვია და კომპეტენტურ წრეებში მათზე დიდ იმედებს ამყარებენო.

ახლა პერისთვის გასაგები გახდა, რომ აღარ შეეძლო დარჩენილიყო კოპენჰაგენში, სადაც ყოველ ნაბიჯზე ემუქრებოდა ასეთივე შეხვედრები; ნამდვილად არ შეიძლებოდა. პერი ფიქრობდა მომავალ დღესასწაულზე, ხვალ სკოებაკენში რომ უნდა შემდგარიყო. ამ დღესასწაულზე

სალამონებმა მთელი ნათესაობა და ნაცნობობა მოიწვიეს. ამის გახსენებამ პერი შეაძრწუნა. ასეთ დროს იაკობას მშობლებთან ყოველდღიური შეხვედრა ვაი რომ ვერ მიანიჭებს განსაკუთრებულ სიამოვნებას და, საერთოდ, აღარაფერი ესაქმება აქ. ბრძოლა, რომლის დაწყებამან განიზრახა, ახალი პოლემიკური ბროშურის, ან რიგი საგაზეთო სტატიების გამოქვეყნებით, უფრო უკეთესად შეიძლებოდა საზღვარგარეთიდან. თანაც ნანის ამბავიც... დედასაც, თითქოს განგებ, სწორედ ახლა მოუხდა კოპენჰაგენში გადმოსვლა.

უქველად უნდა გაემგზავროს აქედან, და რაც შეიძლება მალე. ხვალვე მოელაპარაკება იაკობას. ისედაც არ აპირებდა აქ დაყოვნებას.

პერმა შესვა თავისი ლუდი და გავიდა ახმაურებულ და გაჩახჩახებულ კაფედან. დიდ მოედანზე რომ გამოვიდა, სადაც კაცი არ ჰქაზნებდა, პერმა უნებლიედ შეხედა ძველ წისკვილს და თავისდა უნებურად წამით შუა მოედანზე შეჩერდა — შეიპყრო სევდამ, თითქოს სიძველის ამ აჩრდილიდან რომ გამოდიოდა.

მერე ნელა გასწია სასტუმროსაკენ.

თ ა ვ ი XVII

ფილიპ სალამონი ხშირად არ მართავდა თავისთან წვეულებებს, მაგრამ თუ გამართავდა — ძალიან ხელგაშლილობდა. ოჯახური ზეიმების უცვლელი განმკარგულებელი ივენი ასეთ დროს კარგა ხნით ადრე ადგენდა პროგრამას და მშობლებს აჩვენებდა ხოლმე დასამტკიცებლად; ივენი მუდამ იგონებდა რაიმე სიურპრიზს. მისთვის რომ გეკითხათ, ამაზე იყო დამოკიდებული მთელი წარმატება; ზოგჯერ ეს გახლდათ ყვავილების არაჩვეულებრივად მდიდრული მორთულობა, ზოგჯერ კი მოულოდნელი იდეა, დესერტს ან ცეკვას რომ შეეხებოდა, თუ ნამდვილი მეჯლისის გამართვას აპირებდნენ.

ამჯერად ივენმა ყოველგვარ ზომას გადაამეტა. მას იმედი ჰქონდა, რომ ეს დღესასწაული გარდა შინდაბრუნებული ნეფე-დედოფლის ზეიმისა, პერის გრანდიოზული გეგმის ტრიუმფიც იქნებოდა და გადაწყვიტა მთელი ბაღი გაეჩირადლებინა და შუშუნებიც გაეშვა, მაგრამ ამაზე ფილიპ სალამონი გადაჭრით წინ აღუდგა. ივენს მხოლოდ იმის ნება დართეს, რომ ნაპირის გასწვრივ ხეებზე ფარნები ჩამოეკიდა; ეს კი,

მისი ფიქრით, არაჩვეულებრივად ეფექტური იქნებოდა. ერთი გრანდიოზული სურპრიზიც შემოინახა ივენმა, რომელსაც *le clou*¹ დაარქვა. ოთახების სადღესასწაულოდ მორთვა არც კი დაემთავრებინათ, ხოლო ოჯახის წევრები თავიანთ საწოლ ოთახებში ჩასაცმელად ჩაკეტილიყვნენ, პერა რომ მოვიდა სკოვაკენში. მას დაავიწყდა წინასწარ ეკითხა, რომელ საათზე დაიწყებოდა ზეიმი და ერთი საათით ადრე გამოცხადდა.

პერი წინასწარვე საშინლად ცუდ გუნებაზე იყო. წინა ღამით შინ კვიან დაბრუნებულს თავის ნომერში მაგიდაზე ქაღალდის დიდი რულონი დახვდა: მაქს ბერნარდს დაებრუნებინა ყველა ნახაზი და ხარჯთაღრიცხვა, ერთ დროს ივენმა რომ მისცა. იმის მიუხედავად, რომ დაღლილი იყო, პერმა ამ შუალამისას შიშითა და ცნობისმოყვარეობით გაშალა რულონი და თავი შეიქცია ამ გაყვითლებული ფურცლების შესწავლით, დიდი ხანია ხელში რომ აღარ სჭეროდა. გაირბინა ერთმა წუთმა, მეორემ და პერი მთლად გაიტაცა ამ საქმემ. მთელი პროექტი უკანასკნელი წლების განმავლობაში მხოლოდ იმითმ აინტერესებდა, ბუნდოვანი იდუა რომ იყო, ახლა კი ამ ნახევრადდავიწყებული ანგარიშების, მზარუნველი ხელით შესრულებული რაბების, ხიდების წამწეების, ჭებირების ნახაზების, გულმოდგინედ ამოწერილი ციფრების მწკრივების და თავსატეხი დიაგრამების --- მისი ჰაბუკობის წლების გაბედულ ოცნებათა ნაყოფის დანახვისას ასლებურად წარმოუდგა.

პერი გაოცებული იყო. საკუთარი თავისადმი პატივისცემა იგრძნო. რა მდიდარი აზრი იყო! რა გაქანება! თვითეული ფურცლის გადაშლისას უფრო და უფრო ალტაცებული იყო საკუთარი თავით, მაგრამ... ამავე დროს უფრო და უფრო რწმუნდებოდა იმაში, რაც იღუმლად სწამდა — ის წინანდებული პერი აღარ იყო.

პერს უკანასკნელი ნახაზი ეჭირა და ნაღელიან ფიქრებში ჩაფლულიყო. მოაგონდა ერთიციცქნა ოთახი ნიუბოდერში, ჰაბუკობის წლების ღარიბული კაბინეტი, სადაც მხიარულად სტვენდა სახატავ დაფაზე დახრილი, თუმცა ზოგჯერ პურის ფულიც არ ჰქონდა. ამის მოგონებაზე სევდიანად გაახსენდა ის დრო, ღარიბი რომ იყო და საოცრად სიცოცხლისმოყვარე, ღამღამობით სინდისის ქენჯნა რომ არ აწუხებდა და დღისით აღმართულ ჰაეროვან კოშკებს არ უნგრევდა; ხოლო წარმა-

¹ ლურსმანი (ფრანგ.).

ტებას თუ ვერ მიაღწევდა რაიმეში, ეს უფრო მეტად აქეზებდა, რათა განეგრძო დაწყებული საქმე, უფრო აამპარტავნებდა, რად არ მცნობენ და არ მათვსებენო; ის დრო, როცა მიუხედავად იმისა, რომ შიმშილობდა, ვალეზი ჰქონდა და დაკერებული შარვალიც ეცვა — ყოველ ღამე მეფედ წვებოდა და დილით კი ღმერთად დგებოდა.

დილით პერი ხელახლა ჩაუჭია ნახაზებს. მაგრამ კარგად რომ გადაათვალიერა, წინანდელი აღფრთოვანება, ცოტა არ იყოს, გაუნელდა. მოგზაურობის დროს შეძენილ გამოცდილების საფუძველზე ადვილად ეპოვა სუსტი ადგილები თუ მცდარი დებულებები პროექტში და ამ აღმოჩენამ შეაწუხა. რწმენა საკუთარი თავისადმი, ბოლო დროს რომ ამდენი დარტყმა იგემა, მთლად შეერყა. მთელი დღე შინ გაატარა, ცახ-ცახებდა სურვილით — ყველაფერი შეეცვალა და შეესწორებინა. საბოლოოდ მან პროექტში ქვა ქვაზე არ დატოვა, მაგრამ მიუხედავად იმისა, რომ თავს ძალას ატანდა — ერთი ახალი და კარგი აზრიც კი არ დაბადებია. დღეს არ უგრძვნია ჩხვლეტა თავში და თითის წვერებში, მუდამ რომ იცოდა ხოლმე ნახაზებზე მუშაობისას, თუ ახალი აზრები ებადებოდა.

პირველად იყო, რომ უმწეობის შეგრძნება დაეუფლა და სიკვდილის შიშის მსგავსმა შიშმა აიტანა.

დაღვრემილი პერი მოუთმენლად ზომავდა ნაბიჯით ტერასას და ოცნებობდა, ნეტავი აქედან გამაქრო და სადმე შორს დამსვარო. გარეგნულად პერი ფრიად მოხდენილი და ელეგანტური გახლდათ. თეთრი ატლასის ყილეტზე მოდური ფრაკი ეცვა და იაკობას ნაჩუქარი ორი ბრილიანტის საკინძით დამშვენებული გულისპირიცი ეკეთა. მანქანით შეკრეჭილი თმა შავი ხავერდით მქრქალად უბრწყინავდა, უკან კი, ახალი ევროპული მოდის მიხედვით, კეთა და კისერი აპარსული ჰქონდა. პატარა ულვაშები ოფიცრულ ყაიდაზე ზემოთ აეგრინა, ხოლო წვერი, რაკი საზღვარგარეთ მოგზაურობისას განუწყვეტლივ იმოკლებდა, მხოლოდ პატარა სოლისებურად შერჩენოდა ქვედა ტუჩს ქვემოთ.

უცებ დარბაზში აბრეშუმის შრიალი გაისმა. პერი მობრუნდა და ნანი დაინახა. ქალი კარებში იდგა, ოდნავ წინ წაწვდილიყო და ტერასას ათვალიერებდა.

ნანიმ შესანიშნავად იცოდა, რომ პერი უკვე აქ იყო. თავისი ოთახის ფანჯრიდან დაინახა, როგორ შემოვიდა იგი ჰიშქარში და საჩქაროდ მოირთო, რათა სხვებზე ადრე ჩასულიყო ძირს. ქალი დარბაზში რამ-

დენიმე წუთის წინ შევიდა, მაგრამ ჯერ თანჯარასთან იდგა, ჩუმად ათვალთვარებდა პერს და ვერ ბედავდა მისვლას;—წინანდებურად ეშინოდა მისი.

ბოლოს ნანიმ გაიხედა ტერასაზე, ვითომ ძალიან დაბნეულმა დაუკრა თავი პერს და მაშინვე მიიმალა, თითქოს ის ვერ იპოვა, ეინც უნდოდა.

პერი შეჩერდა და თვალი გააყოლა ქალს. მასაც დაეუფლა უცნაური გაუბედობა. მთელი დღე ერთხელაც არ გახსენებია ნანი.

ცოტა ფიქრის შემდეგ პერი ნანის დაედევნა. გადაწყვიტა, ბოლოსდაბოლოს გამოერკვია, რა ურთიერთობაში იყო ამ ქალთან.

— რაიმეს ხომ არ ეძებდით? იქნებ შემიძლია დაგეხმაროთ?

— არა, გმადლობთ, — მიუგო ნანიმ და თავი ისე მოაჩვენა, თითქოს მართლაც ეძებდა რამეს. — არ ვიცი, სად წავიღე ჩემი ხელთათმანი. მაგრამ არა უშავს, უკვე გამოვართვი იაკობას ხელთათმანი. მგონი დროზე მოვედით.

— კი, უკვე ერთი საათია მე აქ ვარ.

— ახ, საბრალო, — თქვა ქალმა და გაშიშვლებულ მხარს ზემოდან თანაგრძნობით გახედა.

პერი წამით შეეყოყმანდა, მერე კი გაბედულად მივიდა ნანისთან. თავი დაუკრა, დამცინავი თავაზიანობით შესთავაზა ხელი და უთხრა:

— აბა, რაკი სტუმრებმა უკვე იწყეს თავის მოყრა, გავბედავ და უმორჩილესად გთხოვთ...

ნანიმ შიშით შეავლო მას თვალი და თავი ისე დაიჭირა, თითქოს მის სიტყვებში რაღაც ფარულ აზრს ხედავდა. მერე მარაო ისე გაშალა; ათთქოს ძალიან მოქანცული იყო, შეთავაზებულნი ხელი ისე მიიღო, თითქოს არ სურდა ეჭვებს აპყოლოდა, განზე გაიხედა და უთხრა:

— თქვენ მართალი ხართ. მოდით ისე დავიჭიროთ თავი, ვითომც ჩვენ უკვე შეუღდექით მხიარულებას.

— მოწყალეო დედოფალო, მე მგონია, თქვენ დღეს უგუნებოდ ბრძანდებით, — უთხრა პერმა, როცა მეზობელ ოთახში შევიდნენ, ეს განხლდათ როკოკოს სტილის კაბინეტი. — ხომ არაფერი გეწყინათ?

— სრულიადაც არა. მე მხოლოდ ის მინდა, რომ რაც შეიძლება, ჩქარა გავიდეს ეს საძაგელი დღე.

— რად გინდათ მერე ეს?

— ვერ ვიტან წვეულებებს.

— ნუთუ? თქვენ მე მანცვიფრებთ. წინათ არ იყავით ასეთი.

— შესაძლოა. მაგრამ ახლა, მართლაც სხვანაირი გავხდი. მე ხომ გათხოვილი ქალი ვარ. მოხედვას ვერ მოასწრებ, რომ უკვე ბებია ხარ აღამიანი.

— არა, ამ წოდების მისაღებად საჭიროა წინასწარ შეასრულოთ ზოგიერთი ფორმალბანი. ხომ არ გინდათ ჩამოესხდეთ? — პერი აბრე-შუმგადაკრული პატარა ტახტის წინ შედგა და ნანის მასზე მიუთითა. — ან იქნებ გეშინიათ, სტუმრების მოსვლამდე კაბა არ დაგეკმუჭვნოთ? — დაუმატა მან, რაკი ქალს ყოყმანი შენიშნა.

პერს ერთხელ კიდევ აებნა თავგზა გამოხედვით, რომელიც აგრძნობინებდა, თითქოს პერის სიტყვებში კადნიერი ნართაული იმალებოდა. ნანიმ არაფერი უპასუხა, ისე ჩამოჯდა კუთხეში და კაბის ქვედატანი მთელ ტახტზე გაფინა.

— განა სასაცილო არ არის, — ჰკითხა პერმა და საკმაოდ მოურიდებლად მოიკალათა ქალის გვერდით, — და უცნაურიც, რომ ჩვენ სულ რაღაც რვა დღის წინ რომში დავშორდით ერთმანეთს?

— რა არის აქ უცნაური?

— განა ისეთი გრძნობა არ გებადებათ, თითქოს იმ წუთიდან, როცა ჩვენ ერთმანეთს „ნახვამდის“ ვუთხარით, მთელმა მარადისობამ განვლო? გახსოვთ რომი... და რომის სადგური?

ნანიმ ისეთი სახე მიიღო, თითქოს სრულიად ვერ ხვდებოდა ვერაფერს, ერთ სიტყვასაც და უარის ნიშნად თავი გაიქნია.

— მე არც მიფიქრია მაგაზე.

— მართლა არ გიფიქრიათ?

— რა თქმა უნდა. საერთოდ რომი სულაც არ მომწონებია.

— ნუთუ? ვინც თქვენ იქ გნახათ, ამას არაფრით არ იტყვოდა.

— არ იტყვოდა? შესაძლოა, შესაძლოა.

— მოკლედ რომ ვთქვათ, გიხარიათ შინ დაბრუნება?

— მიხარია? — ნანიმ პირი იბრუნა, რაღაცნაირად დაღლილად და მორჩილად აიჩეჩა მხრები. — ჩემი აზრით ყველგან ერთნაირად საზიზღარი სამყოფია. ყველაზე მეტად კი შინ.

პერმა გადაიხარხარა.

— თქვენთან დღეს პირდაპირ შეუძლებელია ლაპარაკი. ნეტა ვინ...

— ჰო, მაშ რისი თქმა მინდოდა? — მოჩვენებითი მღელვარებით

შეაწყვეტინა ნანიმ. — თქვენ კი შესანიშნავად გრძნობდით თავს რომში. მე მეგონა, აღფრთოვანებულიც კი იყავით.

— ცოტათი კი. მაგრამ პატიოსნად ვალიარებ: მას შემდეგ, რაც თქვენ და, ცხადია, თქვენი მეუღლე რომიდან წახვედით, ჩემთვის ისე მომხიბვლელი აღარ იყო იქ ყოფნა. რამდენიმე დღის შემდეგ მეც ხომ წამოვედი იქიდან.

ამის გაგონებაზე ნანი გაჩუმდა, თავის მარაოს მიაშტერდა და ტუჩებზე ხელოვნურმა სევდიანმა ღიმილმა გადაუარა. მერე ქალმა ნელა მიაპყრო პერს თავისი მომხიბლავი თვალები და ისეთი ნაზი და მრავალმნიშვნელოვანი მზერით დააჯილდოვა, პერსზე რომ მუნჯური ალერსივით მოქმედებდა.

ახლა კი პერი მართლა შეშფოთდა. ნანიმ ხელახლა თავბრუ დაასხა მას. ქალი დღეს სანაქებოდ გარჯილიყო, რათა თავისი სილამაზისათვის გამოეწურა ყველაფერი შესაძლებელი თუ შეუძლებელი. თავისი საყვარელი თვალისმომკრელი მოყვითალო-ოქროსფერი კაბა ეცვა, ასე რომ შეენოდა მის აღმოსავლური ტიპის სახეს და შავ თმას; თმა მალა აევარცხნა და ნამდვილი იაპონელი ქალივით კუს ბაკნის მალალი საყვარცხლით საქოჩრებზე დაემაგრებინა. ზომაზე მეტად გაშიშვლებულ მკერდზე ორი მუქი წითელი ვარდი მიეზნია.

პერი რაც შეეძლო თავს იკავებდა, თავხედურად რომ არ მოქცეულიყო. ნანიმ ეს მაშინვე შენიშნა და თავდაცვითი პოზიცია დაიკავა, რადგან თავის იმედი არ ჰქონდა. ქალი გრძნობდა, რომ ორივენი უფრო და უფრო რისკიანად თამაშობდნენ, მაგრამ ეს ახლა სულ არ აკრთობდა ნანის. პირიქით — სასიამოვნოდაც კი უღიტინებდა ნერვებზე. თუმცა, განსაკუთრებულ საშიშროებას ვერ ხედავდა. დროდადრო კი აიტანდა ხოლმე დაუძლეველი სურვილი — პერს კისერზე მოხვეოდა და ჩაჰკონებოდა მის ალისფერ ბაგეებს, მაგრამ თავს ნებას არ აძლევდა. მეტისმეტად პატივს სცემდა საკუთარი უპირატესობის გრძნობას. თავშიც არ მოსვლია იმის ფიქრი, რომ სერიოზულად ელაღატა დიურინგისთვის. მას შეეძლო რამდენჯერაც უნდოდა გაბრაზებულიყო ქმარზე, როცა მისი ქმარი ნამდვილად ან მოჩვენებითად იჩენდა გულგრილობას მისდამი, თუ უნდოდა არ შეუშინდებოდა და პირშიაც მიახლიდა ამას, მაგრამ დიურინგის საზოგადოებრივ მდგომარეობას დიდად აფასებდა და ამიტომ თავისი ცხოვრების რისკზე არ წავილოდა.

გული სიამაყით ევისებოდა, რაკი ხედავდა, როგორ ელაქუცებოდა

დიურინგს მთელი დედაქალაქი, მინისტრებიდან დაწყებული და პოპულარული მომღერალი ქალებით დამთავრებული; ნანი ბევრი რამის მიღწევას აპირებდა ასეთი კაცის ცოლის კვალობაზე.

ძველებური თამაში პერთან მან იმიტომ განაახლა, რომ ფარულად სხვა რამ ედო გულში. ამისათვის მეტად საფუძვლიანი და დამაჯერებელი მიზეზები ჰქონდა. ნანიმ გამოცდილებით იცოდა, რომ თუ მამაკაცი მასზე მეტისმეტად დიდ ძალას მოიპოვებდა, მაშინ როგორმე უფსკრულის პირას უნდა გაეტყუებია, მთლად თავბრუ დაეხვია მისთვის და მაშინვე გაუვლიდა გატაცება; ამით მოიკლავდა ჟინს და მერე შეეძლო დამშვიდებით ეთვალთვალა მამაკაცის გულის ლევისათვის.

ნანი და პერი მოსამსახურე ქალებმა დააფრთხეს, კაბინეტის დასალაგებლად რომ შემოვიდნენ. პერმა ნანისაგან განზე გაიწია და ლაპარაკი უმნიშვნელო საგნებზე ჩამოავდო.

მოსამსახურეები ოთახიდან არც კი გასულიყვნენ, რომ ნანიმ უცებ გაიხსენა;

— იაკობა სადღა დაიკარგა? ხომ იცის, რომ მოხვედით! მე რომ მასთან შევედი, თითქმის მზად იყო.

პერს ხმა არ გაუღია. არაფრით არ უნდოდა ამაზე ლაპარაკი.

ნანი კი თავისას არ იშლიდა;

— აღფრთოვანდებით მის დანახვაზე. ძალიან უხდება თავისი ახალი კაბა. თქვენ ხომ არ ურჩიეთ იაკობას მისი ჩაცმა?

— მე? ა-არა — ჩაიბურტყუნა პერმა და უნებლიედ გაწითლდა.

— აჰ, არა! იაკობამ ჭერ კიდევ თქვენს ჩამოსვლამდე შეუკვეთა ის კაბა, მაგრამ, ცხადია, თქვენს გემოვნებას შეუხამა ალბათ, განა თქვენთვის არაფერი უთქვამს?

— არა, რაღაც არ მაგონდება.

— მაშასადამე, სიურპრიზი გელით.

პერმა ამაზეც არაფერი თქვა. უცებ თავის ფიქრებმა წაიღო, მაგრამ ნანისთვის მჭევრმეტყველური მზერა არ მოუშორებია. მისმა მემამულე და დამპყრობლურმა ბუნებამ ამ მომხიბვლელი ქალის დანახვაზე უეცრად გამოიღვიძა. ცუდ გუნებაზე იყო და საკუთარი თავით უკმაყოფილო, ამ განწყობის გაქარვებას ცდილობდა და სწორედ ამან აფიქრებინა, ახალ სარისკო თავგადასავალში ჩაბმა. ისე მიეტანა ნანის, როგორც ნარკოტიკს, იმედი ჰქონდა, ის დაუბრუნებდა სულიერ წონასწორობას. პერი მიხვდა, რომ მხოლოდ ნანის შეეძლო დაეთრო თავდა-

ვიწყების იმ მაგარი სასმელით, ასე ძალიან რომ სწყუროდა ახლა. იაკობასთვის შეიძლებოდა არც გაეწია ანგარიში იმ უმაღლესი მიზნის ზათრით, რომ ხელახლა მოიპოვებდა ძალას მუშაობისა და ბრძოლისათვის. როცა იაკობა თავის კანონიერ მეუღლედ აირჩია, პერმა მეფის ევარის პირთა მსგავსად, თავისი ვალი მოიხადა და პოლიტიკური მოსაზრებანი წინა პლანზე წამოსწია: სამაგიეროდ, მერე, მეფის ევარის ხალხთა მსგავსადვე, პერს ნება აქვს მეტისმეტად ერთგული არ იქნეს ამ ცოლ-ქმრობისა. უფრო მეტიც, თავად იაკობამ უბიძგა პერს ამისკენ. „ეინც მიზანს იღებს, საშუალებაც უნდა მიიღოსო“, — აჟი ასე თქვა მან.

მოსამსახურეები რომ წავიდნენ, პერი კვლავ ნანისკენ მიიწია: ლაპარაკი ჩამოაგდო რომზე, მათ გამოთხოვებაზე და თავხედურად ჩამოსდო ხელი ნანის უკან სავარძლის ზურგზე. ამ დროს იგივე ამბავი განმეორდა, რაც რომში იანიკულზე გასეირნების დროს: პერის მოულოდნელმა შეტევამ ნანის წაართვა საკუთარი თავის რწმენა და შეშინებულმა ქალმა გვერდზე გაიწია.

თანაც პერის შეხედვამ ქალს ერთი უსიამოვნო სიზმარი მოაგონა, იტალიიდან შინ დაბრუნების დროს რომ ნახა... ეს იყო ერთერთი იმ შიშივე და უხამს სიზმართაგანი, რისი ნახვის მერეც ნანის მუდამ საშინლად სტიოდა ხოლმე თავი დილ-დილაობით. ნანიმ მაშინ ზოოლოგიური ბალი ნახა სიზმარში. ზოოპარკში მას დიდი, თვალისმომჭრელი ყვითელი ვეფხვი მოეწონა. ვეფხვი მიუტოცდა ქალს ლოგინთან და თავისი რბილი თათებით დაუწყყო თამაში და ალერსი. ბოლოს მთელი სიმძიმით დაეცა მკერდზე და მის გამოხედვაში ნანიმ უეცრად შეიცნო პერის ჯიუტი და ჩაციებული მზერა.

— ხომ გახსოვთ, მატარებლის დაძვრისას თქვენი თაიგულიდან რომ ვარდი გადმოვარდა? — ჰკითხა პერმა — მე ეს ავადღე, შევინახე და დღემდე მაქვს.

— დმერთო ჩემო! რა შესანახი იყო!

— მაშ როგორ? ნუ დაგავიწყდებათ, რომ ის ვარდი ასეთ მშვენიერ აქლებს დაუვარდა.

პერმა არც კი იცოდა, რომ ამაზე უკეთეს ქათინაურს ვერ ეტყოდა ნანის. ხელები ნანის სადარდელი გახლდათ. უსამართლობა იქნებოდა გეტქვათ, ამ ქალს ულამაზო ხელები აქვსო, მაგრამ არ შეიძლებოდა ნანის გულში, საკუთარს თავის წინაშე არ ეღიარებინა, რომ ოდნავ მოკლე თითები ჰქონდა.

— თქვენი ქათინაურები იაკობასთვის შემოინახეთ, — მოუჭრა ქალმა და ხელახლა შეიცვალა პოზა, ამოდ კი ცდილობდა ვაჟის მზერისთვის თავის არიდებას.

— რაღა? — ჰკითხა პერმა და თავდავიწყებით გადავიდა შეტევაზე — ნუთუ ცოდოა მომზიბლავ ქალს უთხრა, მომზიბლავი ხარო? დე, ნუთუ, ძვირფასო ცოლის დავ, უნდა დაგიფაროთ, რომ თქვენ ყველაზე ლამაზ და ყველაზე სახიფათო ქალად მიმაჩნისართ ყველა ქალთა შორის, ვისაც კი ოდესმე შეგხვედრივარ? მერე რად უნდა დაგიმალოთ? თავადაც შესანიშნავად იცით... ახალგაზრდობის გამო მე ოდესღაც ძალზე გაბედულ გეგმებს ვაწყობდი... თქვენ უსათუოდ შემჩნეული გექნებათ ეს. მოდიოთ, ნუ გავექქავთ ძველ ცოდვებს. თქვენ მე უარმყავით. რა უნდა მექნა, ბედს უნდა შევრიგებოდი. თქვენ მეტისმეტად ლამაზი იყავით ჩემთვის.

ნანის ვარდისფერი სახე ცოტა არ იყოს, გაუფითრდა. პერმა ნელ-ნელა დაახევიანა ნანის დივანის ბოლოსაკენ, კუთხეში მიკუნჭული ქალი ისეთი თვალეზით უყურებდა ვაჟს, თითქოს ჰიპნოზი გაუკეთესო.

მაგრამ პერმა უეცრად გადაწყვიტა ზედმეტად არ აჩქარებულყო. მას მოეჩვენა და ნამდვილადაც ასე იყო, რომ ნანის თვალეზში ზიზღმა გაიელვა, და შეძრწუნებულმა წარმოიდგინა, ალბათ როგორ დამთავრდებოდა ყოველივე, თუ შეტევა ჩაეფუშებოდა.

მაგრამ ამ დროს ნანი თავად ჩამოეკიდა კისერზე და მგზნებარედ აკოცა შიგ ტუჩებში.

ყოველივე ეს ერთ წამს გრძელდებოდა. ვერც მოასწრო პერმა გონს მოსვლა, რომ ნანი დივანიდან წამოვარდა და ფანჯარასთან მიიბინა. ფანჯრის წინ ზურგით დადგა პერისკენ და ხელეები სახეზე მიიფარა, თითქოს ის-ის იყო სილა გაარტყეს.

ამ დროს ვესტიბიულიდან ივენის მბრძანებლური ხმა მოისმა, მერე კი ივენმა მომართული თოჯინასავით სწრაფად გაიბინა ოთახი. სარდალივით, არმიას რომ მწყობარში აყენებს გადამწყვეტი დარტყმისათვის, გრივალევით ჩაიქროლა თავისი შტაბის — ლივრეაში გამოწყობილი ორი დაქირავებული მსახურის და განიერხალათიანი დეკორატორის თანხლებით.

ივენმა შენიშნა ნანი და პერი, მათ ეტყობოდათ, სულაც არ ადარდებდათ დღესასწაულის პროგრამა და კაბინეტში განცალკევებულიყვნენ. ივენმა ნაბიჯი შეანელა.

— მიღება სალონში იქნება, — აუწყა მან და გაქროლდა; თანაშემწეები ხითხითებდნენ და მის ზურგს უკან ერთმანეთს თვალს უკრავდნენ. არც ნანი განძრეულა, არც პერი. მერე პერი აღგა, ჯერ კიდევ ვერ მოსულიყო გონს.

პერის ფეხის ნაბიჯების ხმა რომ გაიგო, ნანი მისკენ მობრუნდა და მზერით შეაჩერა. საწყალი და დარცხვენილი მზერა ჰქონდა ნანის, თუმცა ამ მზერით კატეგორიულად უკრძალავდა ვაჟს ახლო მისვლას. როცა დარბაზიდან ხმები მოისმა, ნანი შიშით გაფითრდა, თავი დახარა და სწრაფად ჩაურბინა პერს გვერდით.

კარებში ქალი შეჩერდა, შეხედა ვაჟს, თვალებამდე აიფარა მარაო და ჩუმად უთხრა:

— თუ გაგიბედავთ და ვინმესთვის თუნდაც ერთი სიტყვა გითქვამთ თქვენი ქცევის თაობაზე, მაშინ...

— მაშინ რა?.. მაშინ რა, ნანი? — მოუთმენლად ჰკითხა პერმა.

— მაშინ, — ქალის ხავერდოვანი თვალები ბევრ რამეს პირდებოდნენ პერს, — მაშინ ჩვენ არაფრის გულისთვის აღარ გავხდებით ნამდვილი მეგობრები.

ნანიმ მარაო დაკეცა და გაქრა.



ხმები, პერი და ნანი რომ დააფრთხო, ფილიპ სალამონს და მის ცოლს ეკუთვნოდა. მოხუცები ხელგაყრილნი დასეირნობდნენ დარბაზში; თავის ლეას ცქერით დამტკბარი ბრძენი და გამოცდილი საქმოსანი აღტაცებით დნებოდა. ლეას მშვენიერი არსებობით გაწყობილი მოწითალო-ღვინისფერი ძვირფასი კაბა ეცვა. კაბინეტიდან გამომავალი პერის დანახვისას სალამონს ღიმილი სახეზე შეაშრა.

გაახსენდა, რომ თავისი ქალიშვილის ამ, მისი აზრით, არაკაცზე დანიშნვის საჯაროდ გამოცხადების მძიმე მოვალეობა წინ ედო. ჯერ კიდევ გუშინ აპირებდა ამის თაობაზე მოლაპარაკებას, მაგრამ როცა მაქს ბერნარდთან მისი გმირობის ამბავი გაიგო, გამბედაობა აღარ ეყო ლაპარაკის დასაწყებად. ახლა მოხუცს ისევ ის გრძნობა აწუხებდა. თავი ვერაფრით ვერ აიძულა, რომ მომავალი სიძისათვის ხელი გაეწოდებინა, თუმცა პერსაც ისეთი სახე ჰქონდა, სალამონი ამას მაინც ვერ გადაწყვეტდა.

ხელახლა გრიგალივით ჩაიჭროლა ივენმა, ამჯერად სურდა გაეგო, შინაურებმა ყველამ მოიყარა თავი თუ არა. პირველი კარეტა უკვე გაჩერდა სადარბაზო კართან, მაგრამ სანამ ეს მოხდებოდა, თეთრებში გამოწყობილი უმცროსი ბავშვები მოცვივდნენ. მოვიდა როზალიაც — იაკობა კი ჯერ არსად ჩანდა. მორთვამ დააბრკოლა. რაკი თავის მორთულობას არასოდეს ყურადღებას არ აქცევდა, ისე უშნოდ მოირგო კორსაჟი, რომ ველარაფერი გააწყო და იძულებული გახდა დასახმარებლად მოსამსახურე ქალისთვის ეხმო.

სანამ იაკობა ძირს ჩავიდოდა, სტუმართა თითქმის ნახევარი მოსული იყო.

ნანი პერთან ახლოს ყოფნას ცდილობდა, რათა მისი სახის გამომეტყველებისათვის თვალყური ედევნებინა იმ მომენტში, როცა პერი იაკობას დაინახავდა. თავის მიერ ესოდენ მარჯვედ ჩადებული მინის აფეთქებამ ნანის უდიდესი სიამოვნება მიანიჭა: იაკობას დანახვაზე პერი ბრაზისაგან გაფითრდა.

ქალს სამწუხაროდ საკმაოდ ფართოდეკოლტიანი კაბა შეეკერა, თუმცა ასეთი ფასონი სულ არ უხდებოდა. ისე აღფრთოვანებით ელოდა საქმროს და ღრეზაკში მასთან შეხვედრის ისეთი ტკბილი მოგონებები ჰქონდა, უნებლიედ გადადგა მოუფიქრებელი ნაბიჯი და სწორედ სუსტ ადგილზე დაადგა პერს ფეხი. პერმა შენიშნა, რომ ვილაც ბატონებმა იაკობას გამოჩენისას ჩაიციინეს და პირველად მისკენ გახედვაც კი არ სურდა.

ამასობაში ყველა ახალი სტუმარი დარბაზში დიდი ვესტიბიულიდან შემოდიოდა, სადაც მათ მოსამსახურენი და საგანგებოდ დაქირავებული ლაქიები გახდაში შევლოდნენ.

ნოხებით მოფენილ სადარბაზო კართან კარეტა კარეტაზე მოდიოდა, ხოლო სანაპიროს გასწვრივ დაქირავებულ და საკუთარ ეკიპაჟთა გრძელი მწკრივი გაჰიმულიყო, ნელ-ნელა მოდიოდნენ, ყოველ ნაბიჯზე ჩერდებოდნენ და ისე უახლოვდებოდნენ ვილას.

დარბაზში და მის მოსაზღვრე ორ სადარბაზო ოთახში ასამდე კაცი შეგროვდა.

ძირითადად საფინანსო სამყაროს წარმომადგენლები იყვნენ. ამას კაცი ქალების მორთულობებით და მათი ბრილიანტების მიხედვით მიხვდებოდა, მაგრამ სტუმართა შორის უნივერსიტეტის პროფესორები, ექიმები, მხატვრები და მწერლებიც ერია. თავისდაჭერის მანერაში,

საუბარში, ისევე როგორც ქალების კაბების ყაიდაში, იგრძნობოდა ევროპული თავისუფლების უქვევლი გავლენა ცრუ შეხედულებებზე. ახალგაზრდა ქალთა უმრავლესობა მთლად სამეჯლისოდ იყო გამოწყობილი, რადგან უნდა ეცეკვათ, მაგრამ უფრო ხანდაზმულებსაც, განსაკუთრებით ებრაელ ქალებს, თავიანთ მკერავთა დახმარებით გმირულად გამოეფინათ საჩვენებლად სწორედ იმდენი სიტურფე, რამდენიც მოდის მოთხოვნილებით და თავყრილობის ხასიათით იყო ნებადართული.

ღია პორტის შექმნის ჩაშლილი აქციონერული საზოგადოების ყველა წევრი მოპატივებული იყო სალამონებთან, მაგრამ უმრავლესობამ უარი განაცხადა; ამას, კაცმა რომ თქვას, ივენიც მოელოდა, რადგან წინა დღის მოვლენებს ითვალისწინებდა. გამოცხადდა მხოლოდ სამსახურიდან გადამდგარი მიწათმოქმედი ბატონი ნერეხავე, რომლის სოფლურმა შეხედულებამ, კისერზე ჩამობმულმა დიდმა ოქროს ჯაჭვმა და ორმაგლანჩიანმა ჩექმებმა ელეგანტური საზოგადოება დიდად დაინტერესა.

ივენმა შემთხვევით თვალი მოჰკრა, რომ ნერეხავე ცნობილი მაღალი საზოგადოების წევრ, უმაღლესი სასამართლოს ადვოკატ ხასელაგერთან ერთად მოვიდა და ამ მოულოდნელმა მეზობლობამ მეტისმეტად გააკვირვა, თუმცა, მშვენივრად იცოდა, რომ ნერეხავეს დანიის ადვოკატურის გამოჩენილ წარმომადგენლებთან ჰქონდა კავშირი. ივენს მაშინვე გაუელვა აზრმა, ალბათ ამათ რაღაც განზრახვა აქვთ პერისადმიო. მას გაახსენდა, რომ ნერეხავემ დიდი უკმაყოფილება გამოთქვა მოლაპარაკებათა უეცარი ჩაშლის გამო; რაც შეეხება ადვოკატს, იგი ახალგაზრდა და გაბედულ საქმოსანთა იმ კატეგორიას ეკუთვნოდა, ვინც ყველაფერში მაქს ბერნარდის მაგალითს მისდევდნენ. ამიტომაც ბუნებრივი იყო კაცს ევარაუდა, რომ ერთ-ერთი მათგანი მოხიბლა იდემ, დაებოლოებინა საქმე, რომლის დაბოლოებაშიაც თვით პატრონიც კი უძლური აღმოჩნდა. თუმცა ხასელაგერს არ გააჩნდა თვისებები, რამაც მაქს ბერნარდს ძალა მისცა, ერთი უპრინციპო კაცი იყო, მაგრამ ისეთ ელეგანტური გარეგნობა ჰქონდა და საზოგადოებაში ისეთი თავდაქერის უნარი გააჩნდა, აიძულა დედაქალაქი ალაპარაკებულიყო მასზე, როგორც დიდი მომავლის მქონე ადამიანზე.

ჩვეულებრივ სტუმრებთან — ეგრეთწოდებულ „ყოველკვირულთაგან“ — ივენმა შენიშნა არონ იზრაელი და ლიტერატურათმცოდნე

და ციტატების დიდი მოყვარული კანდიდატი ბალინგი, ვისი ხარბი გონებაც მოგაგონებდათ ფარაონის მქლე ძროხებს, თავიანთი ამხანაგები რომ შეჰამეს და გასუქებით კი არ გასუქდნენ. არონ იზრაველი, ნერვიული და გაუბედავი ადამიანი, კუთხეში მიყუჟულიყო, მაგრამ მრავალრიცხოვანმა მეგობრებმა მაინც მაშინვე იპოვეს. ბალინგს, პირიქით, ყველაზე თვალსაჩინო ადგილი დაეკავებინა — კარის წირთხლს მიყრდნობოდა, მაგრამ მიუხედავად იმისა, რომ უზომოდ დიდი ტანისა იყო, გადმოკარკლული თვალები ჰქონდა და ფრიად საინტერესო კატარალური ფერმკრთალი ფერიც ედო სახეზე, იგივე ხვედრი რგებოდა, რაც მის ლიტერატურულ ცდებს — შეუმჩნეველი დარჩენილიყო. როზალიამაც კი, თავის დროზე ასე ნასიამოვნები რომ იყო ბალინგის არშიყობით, ამხანაგთან ხელგადახვეულმა ისე ჩაუარა, არც შეუმჩნევია. ისე კი დიდი ქალივით გამოპრანჭულ ამ პატარა, გამხდარ გოგონას, თექვსმეტი წლისაც რომ არ იყო ჯერ, მეტად მახვილი თვალები ჰქონდა.

სამაგიეროდ პერი გახდა დაჟინებული ყურადღების საგანი, უფრო მეტად დიდი ყურადღებისა, ვიდრე თავად სურდა.

პერის დაჟნთული ტანი და გარუჯული სახე ძალიან გამოირჩეოდა ამ სახლში მჯდომარეთა გამოყვითლებულ სახეებს შორის, ვინც მთელ თავის ცხოვრებას ოთხკედელს შუა ატარებდა. თანაც ბევრმა იცოდა, რა დამოკიდებულება ჰქონდა პერს სალამონების ოჯახთან, ხოლო ნახვით კი ერთხელაც არ ენახათ. ვისაც მისი ან მისი წიგნის ამბავისათვის მოეკრა ყური, განცვიფრებული იყო, რა ახალგაზრდა არი-
სო. გარდა ამისა, ისინი ელოდნენ, რომ ვინმე გამხდარ პოეტს ნახავდნენ, ეს კაცი კი მეომარს და აღმომჩენს გავდა და ეს ძალიან უკვირდათ.

მაგრამ არავინ იქცევედა ისეთ დიდ ყურადღებას, როგორც დოქტორი ნათანი. ნათანი ყათარზე იდგა აღფრთოვანებულ ქალთა და მამაკაცთა გროვით გარსშემორტყმული, მხიარულად იცინოდნენ და საერთოდ იქაურობას იკლებდნენ. ეს საზოგადოება ცდილობდა დოქტორ ნათანისთვის თავისი აზრი ეთქმევინებინა ახლახან გამოსულ, მაგრამ უკვე გამაჟურებული პოემის თაობაზე, რომლის სათაურიც იყო „იაკობის ბრძოლა“. მისი ავტორი პოულ ბერგერი გახლდათ — ახალგაზრდა ფერმკრთალსახიანი პოეტი, ოდესღაც სალამონების სახლის ხშირი

სტუმარი, ერთერთი, ნანის მრავალრიცხოვან და უიმედო მოტრფი-
ლეთაგან.

უკანასკნელ დრომდე ბერგერი, როგორც პოეტი, თავისუფლად მო-
აზროვნეთა პლეადას ეკუთვნოდა, დოქტორ ნათანიხ გარშემო რომ
დაჯგუფდა და მის ავტორიტეტს ეფარებოდა. ბერგერის ლექსებში
ვლინდებოდა, რომ ავტორს ენის ნაზი შეგრძნების უნარი ჰქონდა, რაც
თვით ენეკოლდსენსაც კი ამშვენებდა, მაგრამ ამ ლექსებში მალე თავი
იჩინა იმან, რომ ავტორს არ გააჩნდა საკუთარი სახე. ეს კი გულდასა-
წყვეტი და საშიში იყო. თავისი დამრიგებლისაგან ბერგერმა ისწავლა,
როგორ ეწვალა მოთმინებით თვითეულ რითმზე რომელიმე ეპითეტის
გამოსათქმელად. პატარა კრებულებში, წლიდან წლამდე უფრო და
უფრო რომ თხელდებოდნენ, ბერგერი პოეტური ფორმით თავიდან
ყვებოდა თავისი ყრმობის სევდიან ისტორიას, ამასთან მისი ლექსები,
იმდროინდელ პოეტურ ნაწარმოებთა უმრავლესობის მსგავსად, ანე-
მიური რომანტიკისა და სისხლსავსე ნატურალიზმის საოცარ ნარევს
წარმოადგენდა, ხოლო ტონით კი ეს შფოთიანი ბორკვა გახლდათ სევ-
დიან გოდებასა და ისტერიულ ღმერთთან ბრძოლას შორის. ეს იმით
დამთავრდა, რომ ერთი წლის წინ ბერგერმა გამოსცა წიგნი, რომელსაც
მისი მეგობრები და კეთილისმსურველებიც კი ვერ შეაქებდნენ. ამის
ატანა უკვე მის სუსტ ძალებს აღარ შეეძლო. ბერგერი უეცრად გაქრა
კოპენჰაგენიდან და კარგა ხანს არავინ არაფერი იცოდა მასზე. მერე ხმა
გავრცელდა, თითქოს იუტლანდიის პატარა სოფლისათვის შეეფარები-
ნა თავი, ცხოვრობდა კარჩაკეტილად ღარიბულ სახლში, კავშირი ჰქონ-
და გაწყვეტილი ირგვლივ სამყაროსთან და ღლედალამ თავის ბედზე
ფიქრობდა. სწორედ იქიდან გამოგზავნა მან ხმაურის ამტეხი წიგნი,
რომლის წინასიტყვაობაშიც საჯაროდ დაგმო თავისი მშფოთვარე წარ-
სული და მთელ ქვეყანას აუწყა, მძიმე სულიერი ბრძოლის შემდეგ
ბედნიერება და სიმშვიდე ქრისტიანულ მორჩილებასა და თვინიერება-
ში მოვიპოვეო.

აღრინდელ მეგობრებს არ სჯეროდათ მისი მოქცევის გულწრფელო-
ბა, მაშინ როდესაც დოქტორი ნათანი თავის მხრივ ამტკიცებდა, ამგვა-
რი მისწრაფება ღვთის მოსაობისადმი. სავსებით შესაძლოა წარმოიშვას
ავტორის შელახული თავმოყვარობისაგან, შურისძიების სურვილიდან
თუ დაუკმაყოფილებელი ვნებიდანო. უფრო მეტიც, მისი აზრით, ასე-
თი გარდაქმნის ისტორია ტრიუერიც კია, — აქ დოქტორმა ნათანმა სა-

ყოველთაო აღტაცება გამოიწვია იმით, რომ დაიწყო თავისი აზრის მტკიცება მთელი რიგი ჭკუისსასწავლი მაგალითების მოყვანით, რაც აღებული იყო ეკლესიის მამათა აღიარებებიდან და გრუნდტვიგიდანაც კი.

თვით პოემა ყველაზე უკეთესად ამტკიცებდა ავტორის სულში და მის ოსტატობაში მომხდარ გარდატეხის მნიშვნელობას. დიდტანიანი წიგნის თვითეული გვერდი მოწმობდა სულის ძრწოლაზე, გრძნობის უჩვეულო ძალაზე და გრძნობათა სიღრმეზე, რაც პოეტური გულწრფელობით და ძალით იყო გადმოცემული. ათი სიმღერა, რომლითაც პოემა შედგებოდა, ერთმანეთის მიყოლებით შლიდა სევდიან სურათებს და მკითხველს წარმოუდგებოდა იუტლანდიის უდაბური და პირქუში პეიზაჟები, ხალხის ერთფეროვანი და უსიხარულო ცხოვრება, პოეტის ცხოვრებად რომ იქცა. ყველაფერი ეს უწვრილმანეს დეტალებამდე სწორად იყო ასახული და გამაჰკვალული უხილავი სამყაროს შინაგანი შუქით.

ყველაზე უფრო საოცრად ის ეჩვენებოდა ხალხს, რომ ბერგერმა, აქამდე რომ მხოლოდ თავისი სულის სიმების უმწეო გადაქექა შეეძლო, დაკარგული ბავშვური რწმენის მოპოვებასთან ერთად თავისი საკუთარი ხმა — ნამდვილი მამაკაცის ხმაც იპოვა, თვით გულიდან ამოსული ხმა, წყვდიადით მოსილი და ლითონისებური შინაგანი ხმა... მიწისქვეშა სამეფოს ხმა.

მაგრამ ამ დროს ხალხი აფუსფუსდა, მსახურებმა სასადილოს კარი გააღეს და სტუმრები მაგიდის გარშემო შემოსხდომას შეუდგნენ.

* * *

ვიდრე მაგიდას მოუჯდებოდა, ფილიპ სალამონმა ივენის საშუალებით გააგებინა პერს, რომ მომენტი ნიშნობის გამოსაცხადებლად შესათერისად მიაჩნდა. იაკობას წინასწარ მოლაპარაკებოდა ამის თაობაზე და რადგან ქალმა არაფერი არ უპასუხა, მისი დუმილი თანხმობის ნიშნად ჩაეთვალა. სინამდვილეში კი იაკობას მისი ნათქვამი არც გაუგია. ერთი აზრი აკვიატებოდა: რად გამოიცვალა მისდამი პერი.

ამოცანა ძალიან მალე ამოიხსნა: თუმცა პერი გულმოდგინედ დასტრიალებდა თავს ბოთლებს, თავისი მღელვარების დაფარვა მანც ვერ შესძლო. მაგიდის იქით ნანი იჯდა და ვილაც პერისთვის უცნობ მამა-

კაცთან ერთობოდა. გვერდით, რა თქმა უნდა, ქმარი უჯდა, მაგრამ ნანის დროზე ეზრუნა და მეორე გვერდით ერთერთი თავისი თაყვანისმცემელთაგანი, ამ შემთხვევაში კავალერიის ყოფილი ოფიცერი, ხოლო ახლა სადაზღვევო საზოგადოების აგენტი ხანსენ-ივერსენი მოესვა. სწორედ მას ემასლაათებოდა ნანი.

დროდადრო ნანი ლოყით ნაზად ეხუტებოდა ქმრის მხარს — აშკარად მისი დაშოშმინება ჰქონდა განზრახული. მაგრამ დიურინგს, როგორც ჩანდა, მეუღლისადმი არავითარი პრეტენზიები არა ჰქონდა და მის სინაზეს შემწყნარებლური თვალის ჩაკერით პასუხობდა.

დიურინგი ისეთი მიუხვედრელი კი არ გახლდათ, როგორც ნანის ეგონა, — უბრალოდ, მან იცოდა, რომ ნანი თავის თავისუფლებას ბოროტად არ გამოიყენებდა, იდუმალად არ გადააბიჯებდა ქმრის მიერ დადგენილ საზღვრებს. ნანის ბუნება ახლოს რომ შეისწავლა (განსაკუთრებით როცა დიურინგმა სრული სიმშვიდის მოსაპოვებლად გააღიზიანა ნანის პატივმოყვარეობა და ქალის წინაშე გადაშალა თვალისმომკრელი პერსპექტივები, სადაც სასახლეთა დარბაზები მონაწილეობდნენ), მტკიცედ ირწმუნა, რომ ნანის სკანდალის ხანებისაც კი შეეშინდებოდა. რაც არ უნდა დიდი ყოფილიყო ცთუნება, ნანი მაინც ისე მოიქცეოდა, თითქოს მაღაზიაში იყო და რაიმე ნივთი მოსწონდა. დაიწყებდა მის ხელში ტრიალს და სინჯავს, მაგრამ როგორც კი ლაპარაკი ჩამოვარდებოდა იმაზე, რომ ფული თავად მან უნდა გადაიხადოს, მშვილად უჯანვე დადებდა.

ნანის ერთხელაც აღარ შეუხედია პერისთვის. ტყუილად ელოდა პერი, რომ წამით მაინც მოავლებდა თვალს ნანი დასამშვიდებლად. ქალს ის სულაც არაფრად არ ჩაუგდია.

პერი ფიქრობდა, ივერსენტან ფლირტი იქნებ წმინდა თვალთმაქცობა და შენიღბვა იყოსო, მაგრამ ეს სრულიადაც ვერ ანუგეშებდა! ამითა ნანი ძირშივე სპობდა აზრს, ბევრჯერ რომ გაუელვა პერს თავში რომში მათი განშორების შემდეგ, თითქოს ქალის მხრივ აქ სერიოზული გრძნობა იყო ჩარეული. ამ აღმოჩენამ ძალიან გააცვივა მისი დამპყრობლური ენება. თანაც, ეტყობოდა, ნანიც გულთ მხიარულობდა და ამან პერი ნამდვილად განარისხა.

თუმცა, რისხვისთვის სხვა მიზეზიც მოიძებნა.

ახალდაქორწინებულთა სადღეგრძელო რომ წარმოთქვა ფილიპ სელამონმა, მეორედ ადგა ნიშნობის გამოსაცხადებლად. მოხუცი შეეცა-

და შეძლებისდაგვარად მოკლედ მოეკრა, მაგრამ მიუხედავად ამისა — თუმცა ბევრმა დამსწრემ დიდი ხანია ყველაფერი იცოდა — ფილიპის სიტყვებმა გამოაცოცხლა საზოგადოება.

პერმა ჭიქა აიღო ხელში და წამოდგა, რათა ეპასუხა მოლოცვებზე, და თუმცა მისი სახელის მეტი ირგვლივ არა ისმოდა რა, მოსვენებას არ აძლევდა იმის ფიქრი, რომ ამდენი ზმაური ატყდა იაკობას მოძავალი ქმრის, ფილიპ სოლამონის მომავალ სიძის და არა თავად პერ სიდენიუსის გამო. ამ აზრმა გაუღვიძა სიდენიუსისეური თავმოყვარეობა და ვერაერთად ნაზი გრძობები ვერ აღუძრა შეკრებილთაღმი. პერმა ახლა უფრო მწვავედ შეიგრძნო ვიდრე ოდესმე, რომ თავისი ოჯახისაგან მემკვიდრეობით მიეღო სიძულელი ამ ბედნიერი ადამიანებისაღმი, თავიანთი სიამოვნებისთვის რომ ცხოვრობენ და თანაც თავს კარგ საზოგადოებას უწოდებენ. ასეულ ხმათა გუგუნნი, შიგადაშიგ უცხოური ლაპარაკი რომ ისმოდა, პერს თუთიყუშების რატრატს აგონებდა. დიდი ხანია წავიდა დრო, როცა მას სიმდიდრის ბრწყინვალეობა აბრმავებდა. საუცხოო ყვავილები, რითაც მაგიდა იყო მორთული (მისი ანგარიშით მრავალი ასეული კრონი იყო მათზე დახარჯული), ვერცხლის ჭურჭელი, მოხდენილი სუფრის მოწყობილობა, ლივრებში გამოწყობილი ლაქონები და თევზების განუწყვეტელი ელვა — ყოველივე ეს, პერის აზრით, მხოლოდ წმინდა ებრაულ ბაქიაობას ადასტურებდა.

ნანის სიცილმა უკვე ყველა ხმა დაფარა და ამით შეგულისანებულმა პერმა გადაწყვიტა ჭავრი იაკობაზე ამოეყარა, ამიტომ პირში მიახალა ქალს, ეს თქვენი წვეულება ახირებული ამბავია და არც ვარგაო.

იაკობას ხმა არ გაუღია. იმ წუთიდან, რაც თავის დაზე ეჭვი აიღო, საერთოდ არ ელაპარაკებოდა პერს.

ნანის აშკარა გატაცება გადამდგარი კავალერისტით იაკობას ვერ მოატყუებდა. კარგად ჰყავდა შესწავლილი თავისი და და იცოდა, რომ მას სასიყვარულო გართობის დროს განსაკუთრებულ სიამოვნებას თავის გამომერთებლების ეჭვიანობა ჰგვრიდა. იცოდა, რომ ნანი მხდალი იყო და იმის შიშით, თავის გრძობათა ტყვეობაში არ აღმოჩენილიყო, თავის ირგვლივ თავყანისმცემელთა საიმედო დაცვას ქმნიდა.

თუმცა იაკობა ვერ ზღვებოდა, რომ საქმე ასე შორს იყო წასული. სამაგიეროდ კარგად ესმოდა, რომ ნათესაური გრძობა ნანისთვის დაბრკოლებას არ წარმოადგენდა. ნანი შეგნებულადაც კი შეეცდებოდა, თავის ქსელში სწორედ დის საქმრო გააბას. მხოლოდ ახლა გაახსენდა

იაკობას, რომიდან დაბრუნების შემდეგ დაუყოვნებლივ რომ მოუყვა პერთან თავისი შეხვედრის ამბავს, ნანის თვალებში დაფარული ზეიმი უკრთოდა.

მაგრამ იაკობამ არც მოქმედებით გასცა თავისი თავი, არც სიტყვით. განსაკუთრებული თავის დაქერის წყალობით, სუსტი ჯანმრთელობის გამო ბევრგვარიდანვე რომ განუფითარდა, დამშვიდებით თამაშობდა ბედნიერი საპატარძლოს როლს. თუმცა ყველა ბგერა და ფერი იაკობამდე ისე აღწევდა, თითქოს სქელ ნისლში იჯდა და ასე ეგონა, იტაკი ერყვოდა ფეხებქვეშ, როგორც გემზე ძლიერი შტორმის დროს, იაკობას ვერავენ ვერაფერს შეამჩნევდა გარდა იმისა, რომ დაღლილი გამოიყურებოდა და ჩვეულებრივზე უფრო ფერმკრთალი ჩანდა. მხოლოდ პერის წინაშე არ შეეძლო თვალთმაქცობა. ყოველთვის, როცა კი პერი გამოეღაპარაკებოდა, იაკობა პირს იბრუნებდა ხოლმე. მას სტანჯავდა პერის ხმა. პერის სახელო რომ შეეხებოდა მის ხელს, იაკობას ჟრუანტელი უვლიდა ტანში.

საბედნიეროდ ბევრი დრო არ ჰქონდა ფიქრისთვის. ვერ ასწრებდა სევდიან ფიქრებში ჩაფლულიყო, რომ ვინმე ნათესავი ან ნაცნობთაგანი გამოეღაპარაკებოდა, რათა დაეღია მისი და მისი საქმროს სადღეგრძელო. მერე ასეთივე სადღეგრძელოთი მიმართა მათ ნანიმ და ამ დროს მთელი საღამოს განმავლობაში პირველად შეხედა პერს. ისე უბოდიშოდ შეხედა, პერი კანკალმა აიტანა. ნანიმ თავი დაუქნია, გაუღიმა ორივეს და ასწია თავისი ჭიქა:

— თქვენი ჯანმრთელობისა იყოს, ძვირფასო სიძვე!.. გილოცავ, იაკობა!

„აი თავხედი დედაკაცი!“ — გაიფიქრა პერმა. მთლად წამოენთო და რაც შეეძლო, ცდილობდა ნანის მზერისათვის თვალი აერიდებინა.

იაკობამ, პირიქით, ფრიად დამშვიდებით მიიტანა ჭიქა ტუჩებთან, თუმცა არ დაუღევია. იმის შიშით, დის თვალებში ზეიმი არ წაეკითხა, თავის დაკვრაზეც კი უპასუხა.

ამასობაში პერი და მისი ნოვატორული იდეები მაგიდაზე საუბრის ძირითად თემად იქცა, განსაკუთრებით იმათ შორის, ვინც მისგან შორს იჯდა. ყველაზე ყურადღებით ახალ სიძეს ქალები ათვალისწინებდნენ. რაკი მკაცრი და კუშტი შესახედაობა ჰქონდა და ძალიან თავშეკავებით პასუხობდა მეტად მეგობრულ სადღეგრძელოებსაც კი, ხალხის პატი-

ვასცემამ უფრო იმატა მის მიმართ, თუმცა მისმა ვაჟკაცურმა გარეგნობამ თავიდანვე პატივისცემა გამოიწვია.

— დიახ, ეს სიღენიუსები — მტკიცე ხასიათის ადამიანები არიან, — წარმოთქვა ვიღაცამ ფილიპ სალამონის მახლობლად, მაგრამ მან თავი ისე დაიჭირა, თითქოს არაფერი გაუგონია, თუმცა ეს სიტყვები აშკარად მისი მისამართით იყო ნათქვამი.

სამაგიეროდ აღმოჩნდა სტუმართა შორის მეორე ადამიანი — ხანშიშესული, მოხრილი, ჭალარაწვერიანი ბატონი (ისიც მაგიდის თავში იჯდა), ვიხედაც ამ სიტყვებმა ძლიერი შთაბეჭდილება მოახდინა. ეს განლდათ ცნობილი მრჩეველი ერიკსენი, ქალაქის ერთერთი მდიდართან, იქნებ ყველაზე მდიდარიც, თანაც დიდი გაქანების ფილანთროპი. ჯერ კიდევ მანამდე, სანამ მაგიდას მიუხდებოდნენ, ადვოკატი ხასელაგერი ელაპარაკა მას პერზე და შეეცადა დაეინტერესებინა მისი გეგმებით, რაკი მრჩეველმა მანამდე არაფერი იცოდა მათ შესახებ, ან იქნებ მხოლოდ ყური მოეკრა. ამიტომაც ახლა გამომცდელი თვალით ათვალიერებდა პერს და ყურადღებით უსმენდა ყოველივეს, რასაც სტუმრები ამ ახალგაზრდა კაცზე და მის პატივცემულ ოჯახზე ამბობდნენ.

ჩაროზის დროს ფილიპ სალამონი მესამედ წამოდგა ჭიქით ხელში. ამიტომ კი არ ავდექიო — განაცხადა მან და შეკრებილნი დიდად გაამხიარულა ამ სიტყვებით, — რათა კიდევ ერთი ქალიშვილი გამეთხოვებინა, არამედ იმიტომ, რომ წარომეთქვა დოქტორ ნათანის სადღეგრძელო და აღმენიშნა მისი საზღვარგარეთ ხანგრძლივი მოგზაურობიდან დაბრუნება, რაკი საბედნიეროდ ამის მერე მას უფრო მეტად შეუყვარდა მშობლიური მხარე და მისი ახალგაზრდობაო. სადღეგრძელო ძალიან მოეწონათ, ბევრი სტუმარი, მათ შორის ქალებიც, წამოხტა და დოქტორის ირგვლივ შეგროვდნენ, რომ ჭიქა ჭიქაზე მიეჭახუნებინათ მისთვის.

— სულ არ გამოცვლილა, — ისმოდა მაგიდის გარშემო. — არა, არა კი შეჭალარავევია, მაგრამ არა უშავს, ეს სულაც არ აბერებს.

როგორ გამოიყურებოდა, კაცმა რომ თქვას, ეს კაცი, ვისაც ესოდენ ბერს აქებდნენ და ასე გაათრებიტაც სდევნიდნენ, ვინც ყველაზე პეტი იშრომა დანიის მომავლისათვის, ის, ვინც თავისი ორატორული და მწერლური შემოქმედებით საფუძველი ჩაუყარა სულიერ აღმავლობას, რომლის ბადალსაც დანიამი რეფორმაციის დროიდან არ იცნობდნენ?

ნათანი გახლდათ ტანდაბალი კაცი. ულამაზოს ეძახდნენ, ყოველ

შემთხვევაში, სახის უსწორმასწორო ნაკეთები კი ჰქონდა, — თუმცა ხათანის გარეგნობაზე მსჯელობა ძნელი საქმე იყო, რადგან მისი სახე გამუდმებით იცვლებოდა, რაკი ყოველ შინაგან კულისწადილს მეტად თავშეუთქავებელი მიმიკით გამოხატავდა, რასაც, რაც უფრო დრო გადიოდა, შეგნებულად თანდათან ბოროტად იყენებდა. ყველაზე ლამაზი ის მაშინ მოჩანდა, როცა სხვას უსმენდა, მაშინ ნათანის სახეს გამოაცოცხლებდა ხოლმე მისი ხასიათისათვის დამახასიათებელი გრძნობები — ხელოვნების სიყვარული და გატაცებული, დაუცხრომელი ცოდნის წყურვილი. მაგრამ დღევანდელი დღის მსგავს თავყრილობაში ეს გამომეტყველება მის სახეზე ხშირად ჩნდებოდა, რადგან აქ აქვობინებდა თავად ელაპარაკა. მოსმენის ბრწყინვალე ჩვევასთან ერთად ნათანს ხანშიშესულობამდე შემორჩა თითქმის ქალიშვილური ლაქლაქის სიყვარული, დროდადრო რომ ჩვეულებრივ ავეყობას მოგაგონებდათ და გესლიც ერია შიგ. სწორედ ეს თავშეუთქაველობა უჩენდა უფრო მეტ არაკეთილმოსურნეს და მტერს, ვიდრე ეგონა — თანდათან ჩამოშორდნენ ახლო მეგობრები და მოკავშირეებიც კი, რადგან ის შეურაცხყოფდა მათ ჩრდილოეთურ წარმოდგენას მამაკაცურ ღირსებაზე. ნათანის ბუნება იმდენად უცხო იყო, იმდენად არ ექვემდებარებოდა ნაციონალურ დანიურ ხასიათთან შეპირისპირებას, რომ ძალაუვნებურად იძულებული ხდებოდა მუდამ კონფლიქტებში ჩაბმულიყო, მით უფრო გარდუვალი იყო ეს კონფლიქტები, რომ სხვა ებრაელ მწერლებისაგან განსხვავებით, ვინც მასზე ადრე გამოვიდა დანიურ ლიტერატურაში, ნათანი არც იმას ცდილობდა, რომ შეგუებოდა მისთვის უცხო ზნე-ჩვეულებებს და პირობებს, არც იმას, რომ ინტერესი გამოეწვია ბრბოს ჩამოშორებით და ჭეშმარიტად ფარისევლურად განეცხადებინა: „რაში ნეკითხებითო“. მან ერთხელ და სამუდამოდ იწამა თავისი ხელშეუვალი უფლება, ყოფილიყო ერის მქადაგებელი. მან ადრე გაიგო, რომ მოწოდებული იყო, ერის ცხოვრებაში თვალსაჩინო როლი შეესრულებინა და რომ სწორედ თავისი უცხო წარმოშობა მისცემდა საშუალებას, შორიდან განეხილა დანიის ცხოვრება და პირუთვნელად ემსჯელო მასზე.

თანაც ნათანს ისეთი აზრთა წყობა გააჩნდა, რაც ტიპიური არ იყო დანიელისა ან გერმანელისათვის. ის აღიზარდა რომის კულტურაზე, ხოლო რაკი ჰაბუტობიდანვე ქედს უხრიდა ფრანგულ დახვეწილობას და გარეგნულ ელევანტურობაშიც კი ეტყობოდა ეს, თანამემამულეთ,

უფრო მეტად კი მეცნიერების მოღვაწეებს, ერთგვარ უნდობლობას უნერგავდა. ნათანის ყველაზე უფრო გააფთრებული მოწინააღმდეგენი დაჭფუნდნენ უნივერსიტეტის კედლებში. ლამაზად დავარცხნილი თმა, თვალისმომპრელად თეთრი გულისპირი, სათუთი გარეგნობა — სწორედ ასეთი შესახედობისა უნდა ყოფილიყო ძველი ყაიდის პროფესორ-ღვთისმეტყველთა შეხედულებით შარლატანი.

მაგრამ მხოლოდ ამით არ აიხსნებოდა, მის შემოქმედებას რომ ასეთი გასაოცარი, ნამდვილად გამანადგურებელი გასაქანი ჰქონდა. თუმცა ჭეშმარიტად ბრწყინვალე ნიჭის პატრონი გახლდათ, მაინც არ იყო ისეთი, ვისაც ადამიანები ჩვეულებრივ „გენიოსს“ უწოდებენ, მას არ ჰქონდა შემოქმედის სული, აღმოჩენად ვერ მიიჩნევდით. დანიის ისეთ თვითმყოფ მოაზროვნეებთან შედარებით, როგორებიც გრუნდტიეგი ან კიერკეგორი არიან, მას ორიგინალობა აკლდა. მეტისმეტად მერყევი იყო, რათა დამოუკიდებელი მსოფლმხედველობა გამოემუშაებინა და უფრო მეტად სიცოცხლისმოყვარე და განებივრებული, რათა ობობასავით დაბეჭითებით მოექსოვა თავისი საკუთარი ინდივიდუალური შინაარსი, უფრო ნაკლები ნიჭით დაჯილდოვებულ პიროვნებებსაც კი ზოგჯერ არაჩვეულებრივი აღმოჩენების მოხდენაში რომ ეხმარება. დაუღალავი ძიებანი მას უფრო გამრჩელ ფუტკარს ამგავსებდნენ, მოწმენდილ ღღებშიც და ავდარშიც ადამიანის სულის აყვავებულ მდგომარეობებზე რომ დაფრინავს და როგორც კი ხორთუმს თავლით აივსებს, აუცილებლად თავის სკაში ბრუნდება. თითქოს ასეული თვალი ჰქონდა, ისე ასწრებდა, მისწვდომოდა ყველა დროის და ხალხების ლიტერატურას და შეუცდომელი ინსტინქტით კრებდა იქედან ყოველივეს, რასაც შეეძლო ინტერესი გამოეწვია მის სამშობლოში, მერე კი ამ საფუძველზე ჭკვიანურად, ოსტატურად ამზადებდა ელექსირს. ეს ელექსირი ზოგჯერ მწარე იყო, ზოგჯერ კი ტკბილი და ცხარე სურნელოვანი და დანიის ახალგაზრდობას ახალ ძალებს მატებდა. ადამიანის სულის საუკუნოვანი ისტორია ნათანს შეეძლო დრამის დაძაბულობით და სიღრმით გადმოეცა რამდენიმე გვერდზე, ყველაზე უფრო დახლართული ფილოსოფიური მსჯელობანი ისე ოსტატურად გაეშუქებინა, რომ მტკნარი სულელიც კი მიხვდებოდა, რაზე იყო ლაპარაკი.

პოპულარიზატორის დიდი ხელოვნება ხსნიდა გამოცანას, თუ რატომ მოიპოვა ნათანმა ძალაუფლება ახალგაზრდობის აზროვნებაზე. ის იპყრობდა გონებას არა მარტო თავისი ძალებით, დიდი სამსახური გა-

უწია ნათანს ეროვნული ხასიათის იმ თვისებამ, ჯერ რომ არავის არ გამოეყენებინა წარუმატებლად და რასაც თავად ებრძოდა გააფთრებით. ეს გახლდათ დანიური ზანტი სიმშვიდე. არასოდეს წინათ მოსწავლე ახალგაზრდობას არ ჰქონია შესაძლებლობა ასე ადვილად და ცოცხლად შეეძინა ცოდნა. ადამიანს შეეძლო დივანზე გადაწოლილიყო; გრძელი ყალიონი გაეჩარა კბილებში, ამ დროს კი თვალწინ ცოცხლებივით დაუდგებოდნენ ლიტერატურის უდიდესი შემომქმედნი, და მათი ნაწარმოებების შინაარსი ისე ნათლად გადაეცემოდა, თითქოს თავად წაეკითხოს და გაეაზროს ყოველივე, რაც, უნდა ითქვას, დოქტორ ნათანის სტატიების გაცნობის შემდეგ ბევრს სრულიად ზედმეტად ეჩვენებოდა. ნათანის გამოტანილ განაჩენებს და მის მსჯელობებს ყველა შეუსიტყველად ლებულობდა, რადგან ყოველ ადამიანს თავისი საკუთარი ეგონა. ადამიანები იმსჯელებოდნენ მისი ღრმა პირადი გრძობებით და განწყობილებებით, იზიარებდნენ მის აღმოსავლურად მგზნებარე სიმპათიას თუ ანტიპათიას და გრძობდნენ, რა ჯადოქრულად მდიდრდებოდა მათი შინაგანი სამყარო. უნივერსიტეტის ახალგაზრდობა არასოდეს არ ყოფილა ასე გაბედული და თავისუფლების სურვილით ატაცებული. ყველაზე ხელიდან წასულნი, გაჭირვებით რომ აზროვნებდნენ — გლახობიდან გამოსული სტუდენტები — დიად აღსრულებათა წყურვილით იწვოდნენ, როცა ნათანის შრომათა კითხვით გართულნი რამდენიმე საათს დივანზე მიწოლილნი ყალიონის ხელახლა დასატენად წამოდგებოდნენ ხოლმე.

მაგრამ ყველაფერი წამიერი აგზნებით თავდებოდა, უფრო სერიოზული დასასრული ამ ამბავს არ ჰქონდა და ხშირად უკუცემა უფრო ძლიერი გამოდიოდა, ვიდრე გასროლა. პოულ ბერგერი ერთადერთი არ გახლდათ მათ შორის, ვისაც ნათანით გატაცებაც და სულის საბრძოლო ნათლობაც რელიგიურ აღორძინების სამზადისად ექცა. სხვაგვარად არც შეიძლებოდა. გონება რომ სულიერ ცხოვრებაში იღვიძებდა და მთელი სერიოზულობით სიღრმისაკენ მიისწრაფვოდა, რელიგიის გარდა სხვა დამუშავებულ ნიდაგს ვერ პოულობდა. მხოლოდ აქ შეეძლო გაედგა ფესვი. მთელი კულტურა ასე თუ ისე ეკლესიასთან იყო დაკავშირებული და იქ, სადაც ზერელება თავდებოდა, ან შუასაუკუნეობრიობა ჩნდებოდა ან — სიცარიელე.

ამიტომაც ნათანის გავლენა შეიძლებოდა ყველაზე უკეთესად მის მოწინააღმდეგეებზე გამოგვეკვლია. მან შესძლო ბევრი მათგანის ნაშ-

დვილი გატაცება, ფანტასტიკურად აგზნება, რაც ამოღო სურდა თავის! მომხრეებში გამოეწვია. დედაქალაქში რელიგიისადმი დაბრუნება ისე ძლიერად არ იგრძნობოდა—ყველა მოაზროვნე მეტიმეტად დაკავებულ იყო საქმიანი ცხოვრების მჩქეფარე აღორძინებით. სამაგიეროდ პროვინციაში, განსაკუთრებით სოფელში, რელიგიისადმი მისწრაფება უფრო და უფრო იკიდებდა ფეხს და პასტორის კარმიდამოსა და უმალესი სახალხო სკოლების ირგვლივ იყრიდა თავს, როგორც ჯარი თავისი ციხე-სიმაგრის გარშემო.

* * *

როცა მაგიდიდან ყველა აიშალა, პერმა და იაკობამ დარბაზის ერთ-ერთ კუთხეში მოაწყეს თავისებური მიღება. აქ ის-ის იყო აანთეს ბროლის დიდი ჭალი.

მისალოცად და ხელის ჩამოსართმევად ერთ-ერთი პირველთაგანს მივიდა მიწათმოქმედი ნერეხავე. ეშმაკმა იუტლანდელმა ყველაზე უფრო გულითად და რაკრაკა „რ“-ს მიაგნო თავის კილოში და ამ კილოთი უღრმესი სინანული გამოთქვა იმ ინცინდენტის გამო, გუშინ რომ ჰქონდა ადგილი მაქს ბერნარდთან. მან დაარწმუნა პერი, რომ ის, ნერეხავე, თავის მხრივ, არავითარ შემთხვევაში არ არის თანახმა „სიტუაციის“ ასეთი შეფასებისა.

მისი სიტყვები პერის ერთ ყურში შედიოდა და მეორედან გამოდიოდა. ის თვალს არ აშორებდა დარბაზის მოპირდაპირე კუთხეში მდგარ ნანის, ირგვლივ მჭიდრო რგოლად შემოხვეულ თავყანის-მცემლებთან რომ კეკლუცობდა. თუმცა პერმა მტკიცედ გადაწყვიტა, მეტი აღარ ეფიქრა მასზე, თვალი მაინც ვერ მოეწყვიტა ამ ქალისათვის. მან დაინახა, როგორ მოიტანა კავალერისტმა ივერსენმა ვესტიბიულიდან ყარყუმის წამოსასხამი და ნება-ნება, ნაზად წამოახურა ქალს მხრებზე, როგორ უნდოდა აუცილებლად თვითონ შეეკრა წამოსასხამის დუგებები, რის ნებაც, ცხადია, ნანიმ არ მისცა და თითებზედაც კი დაარტყა, მაგრამ იმწუთსვე მშვიდად მიიღო შემოთავაზებული ხელი და ბალისაკენ გაემართა, სადაც უკვე შეკრებილიყო რამდენიმე ახალგაზრდა, რომ ნორვეგიულ ხეივანში შეესვათ ყავა.

მიწათმოქმედი ნერეხავე კი ლაპარაკს არ ათავებდა და პერი ბოლოს მიხვდა, რომ ნერეხავე ცდილობდა გუშინდელი დღის ამბებზე აელა-

პარაკებინა, რათა მომავლის გეგმები დაეტყუებინა მისთვის, პერს არ სურდა ეჩვენებინა ნერეხავესთვის, რომ მას არავითარი გეგმები არ ჰქონდა და ამიტომ ძალზე თავშეკავებულად და სიტყუაძუნწად პასუხობდა, ამან კი მხოლოდ გააღიზიანა იუტლანდიელის ცნობისმოყვარეობა და ისიც თავს არ იზოგავდა, ცდილობდა როგორმე თავისისათვის მიეღწია.

ბოლოს, როგორც იქნა, ნერეხავე მოეშვა პერს, მაგრამ საიდანღაც მის ადგილას იაკობასთან მდგარ მომლოცავთა ჯგუფიდან მაშინვე გაჩნდა სხვა მოსაუბრე. ამჯერად ეს არონ იზრაელი გახლდათ, პატარა, მორიდებული და უშნო თვალტანადი კაცი, კაბინეტის მეცნიერი, მიაშიტად აღფრთოვანებული რომ იყო ხოლმე ყოველივე იმით, რაც თავად არ გაეგებოდა, განსაკუთრებით კი პრაქტიკული მოღვაწეობით. ის უკვე კარგა ხანია უტრიალებდა პერს და ხელსაყრელ მომენტს ელოდა, მოსულიყო და ისე მიელოცა მისთვის, არავისთვის ხელი არ შეეშალა. თავისი დიდი ხნის მოთმენის გასამრჯელოდ ხელი ჩაჰკიდა პერს, თავის ხელებს შორის მოიქცია მისი ხელი და დიდხანს არ გაუშვია.

— ...მე მინდოდა, ბატონო სიდენიუს, მესარგებლა შემთხვევით და გულითადი მადლობა გადამეხადა თქვენთვის თქვენი ბროშურის გამო, ზამთარში, რომ გამოვიდა. ეს მართლაც ბომბის აფეთქება გახლდათ. თავისებური ტერორისტული აქტი, თუმცა კაცობრიობის საკეთილდღეოდ ნამოქმედარი კი იყო. კარგად მესმის, რომ სრულიად არ გაინტერესებთ ჩემასთან საქმეში ჩაუხედავი კაცის აზრი თქვენი წიგნის შესახებ, მაგრამ მაინც არ შემოიძლია თავი შევიკავო და უნდა გითხრათ, რომ მიუხედავად რიგი მეტისმეტად მაგარი გამოთქმებისა, რაც, ექვს გარეშეა ბევრს დააფრთხობს, ძალზე გამახარა ამ წიგნმა.

პერმა გაუხედავად შეხედა პატარა კაცს. თუმცა სტუმართაგან ის ერთადერთი არ გახლდათ, ვინც ქათინაურები უთხრა წიგნის თაობაზე, მაგრამ სხვების ქებას უბრალოდ მაღალი წრის ადამიანთა თავაზიანობად თვლიდა, მაშინ, როცა არონ იზრაელის გულწრფელობაში ექვი არ ეპარებოდა. გარდა ამისა, ბევრი სმენოდა ამ თავმდაბალ მეცნიერზე, სიმართლის მგზნებარე მძებნელზე, მის იდეურ მისწრაფებებზე. ეს პირველი შემთხვევა არ იყო, რომ არონ იზრაელი დიდ ინტერესს იჩენდა პერისადმი და მისი მოწინავე იდეებისადმი.

პერმა უპასუხა — და ნამდვილად ესეც ფიქრობდა — საერთოდ მიკვირს, როგორ ჩაგივარდათ ხელში ბროშურაო. მას ხომ წარმატება არ

რგებია. უურნალებს სიტყვაც არ დასცდენიათ მასზე, ხოლო გაზეთები მისი გამოსვლის დღეებში გაჭედული იყო ტივოლის ბალის სხვა ადგილზე გადატანის ახლახან წამოჭრილი გეგმით.

— განსაკუთრებული ყურადღება მიუპატივებ, — მიუგო არონ იზრაელმა, — კინალამ წამძლია ცდუნებამ, რომ თქვენთვის მომეწერა ამის თაობაზე. თქვენ, მე ვფიქრობ, იცით, რომ გეყავს ხალხი, ვინც გაახარა და შთააგონა ადამიანის შემოქმედებითი შესაძლებლობების ამალგებულმა და გაბედულმა თქვენმა რწმენამ, ბუნების მომავალი დამორჩილების თქვენმა იდეამ. დიახ, დიახ, სწორედ რომ შთააგონა. ეს სიტყვა შემთხვევით არ მიხმარია. ჩემი აზრით, თქვენი წიგნი ნამდვილად განმანათლებელ ლიტერატურას ეკუთვნის, ჩემზე მან გაზაფხულის ქარი; შთაბეჭდილება დატოვა, მსუბუქ თავბრუს რომ ახვევს კაცს, მაგრამ სამაგიეროდ მაღლიანი სიგრილით რომ არის გაქვნილი. სულითა და გულით მსურს, ჩვენმა მშვენიერმა ახალგაზრდობამ ღირსეულად დააფასოს თქვენი ბუნების სახარება, ვინაიდან ახალგაზრდობა საბუნებისმეტყველო მეცნიერებებს რატომღაც უგულვებელყოფს და ამიტომაც უტყდება ასე ადვილად გული ცხოვრებაზე.

პერი გაწითლდა და ფრთხილად გაითავისუფლა ხელი.

აი ასე იყო მუდამ. მიუხედავად იმისა, რომ თავდაჯერებული გახლდათ და დიდებაზე და პატივზე ოცნებობდა, როგორც კი ვინმე შეაქებდა, მეტისმეტად ირცხვენდა ხოლმე. გარდა ამისა, პერი ახლა, ბუნებრივია, ამჯობინებდა, არ წამოეწყო თავის პროექტზე სერიოზული მსჯელობა და ამიტომაც გადაწყვიტა შეეცვალა სასაუბრო თემა.

მაგრამ არონ იზრაელი ძალიან გაიტაცა ლაპარაკმა. მან საუბარი ჩამოაგდო ნათანზე, ვის შემოქმედებაზეც პერი თავის წიგნში ფრიალ უგელეხელყოფით მსჯელობდა, რადგან ამ წიგნის წერის დროს ყველა სახის ესთეტი სძულდა. არონ იზრაელმა თქვა, თუმცა უაღრესად პატივს ვსცემ დოქტორ ნათანს, არ შემოძლია არ დავეთანხმო პერს, რომ საბუნებისმეტყველო და ტექნიკურ მეცნიერებებში ცოდნის უქმარისობა ფრიალ სერიოზული ნაკლია, რასაც შეუძლია საბედისწერო როლი ითამაშოს დანიის ახალგაზრდობის იმ ნაწილისთვის, ვისი სულისჩამდგმელიც ნათანია. გაცილებით უკეთესი იქნებოდა, ნათანი ცდილიყო ცხოვრებისაკენ უფრო მეტად მოქმედებისმოყვარული ადამიანისთვის მოეწოდებინა და ნაკლებად — სიმშვენიერის თავყვანისმცემლებისათვის. აუცილებელია შესაძლებლობის ფარგლებში სწრაფად ანაზღაურდეს

დანაკარგი; ჩვენი დროის ამოცანათა შორის შესაძლოა უდიდესი ამოცანის ამოსახსნელად „მომავლის სახელმწიფოს“ ავტორს — ეს პირფერობით არ არის ნათქვამი — გააჩნია, როგორც ჩანს, არაჩვეულებრივი უნარი. მზარდი თაობა ჯერ კიდევ ელის თავის მომავალ ბელადს, ადამიანს, ვისაც მისი ვალეიტების უნარი შესწევს. ტახტი ცარიელია, მხოლოდ ის არის საჭირო, რომ მეფური სისხლის რჩეული მოიძებნოს...

არონ იზრაელი იძულებული იყო გაჩუმებულიყო. დარბაზში მოულოდნელად სიჩუმე ჩამოვარდა. ვიღაც ფუმფულაქოჩრიანი ბატონი დიდ როიალს მიუჯდა და კლავიშებს დასცხო, ხოლო ივენმა, სპილენძის გროშინივით რომ ბრწყინაედა, პიანისტთან მაღალი, მკერდაფუებული ქალი მიიყვანა.

ეს გახლდათ სწორედ ის სიურპრიზი, ივენი რომ le cloa-ს უწოდებდა. ქალბატონმა — სამეფო ოპერის ცნობილმა მომღერალმა ქალმა — გულმოწყალედ განაცხადა თანხმობა, მიეღო მოწვევა დღევანდელ საღამოზე, რომ როცა მაგიდიდან აღგებოდნენ (რა თქმა უნდა, ფრიად დიდ ჰონორარს შეპირდნენ) ემღერა ორი სიმღერა და ერთიც — „ბის-ზე“, რის პატივიც — ეს მშვენივრად იცოდა დამსწრეთა უმრავლესობამ — დღემდე მხოლოდ ყველაზე მდიდარი და განთქმული არისტოკრატული ოჯახების ხვედრი გახლდათ.

პერს არაფერი გაეგებოდა კამერული სიმღერისა და შეეცადა გაპარულიყო. კარგად ხედავდა, რომ მშვენივრად მიიპარებოდა კედელ-კედელ ზოგიერთი სტუმარი — იხინი, ვისაც მოსაწვევი ოთახის სიმყუდროვე იზიდავდა. მაგრამ პერი ძალიან შორს იჯდა გასასვლელიდან. ვერ მოასწრო კარამდე მისვლა, რომ დარბაზში პათეტიკური კვიილო გაისმა, რასაც მაშინვე მიყურებული პიანისიმო მოჰყვა თან. ამან აიძულა პერი შეჩერებულიყო და თავი დამარცხებულად ეგრძნო.

სიმღერას პერი თითქმის არ უსმენდა, მას ყურებში ჯერ კიდევ უქლერდა არონ იზრაელის სიტყვები და თავბრუ ეხვეოდა. ნუთუ ბედის ხელი არ ურევია ამაში, რომ სწორედ ახლა, როცა პერი თავის თავს რჩეულად აღარ თვლიდა, ასეთი აღფრთოვანებული ნდობით დააჯილდოვეს? პერს ძარღვებში სისხლი გაეყინა, ამ უცნაურმა პატარა კაცმა წინასწარმეტყველურად ცარიელი ტახტი რომ ახსენა. დიდი ხნის მივიწყებული, ჭბატუკობის წლების ყველაზე ამაყი ოცნება ამ სიტყვების შემდეგ კვლავ დაუბრუნდა პერს, ვით შეშინებული არწივი თავის ბუდეს.

პერი მხოლოდ მაშინ გამოერკვა ფიქრებიდან, როცა სიმღერა შეწყდა და ირგვლივ, ივენის თვალთ ნიშნებისთანავე, სეტყვასავით წამოვიდა ტაში. გამოერკვა თუ არა, ნანი გაახსენდა, ჯერ კიდევ რომ არ დაბრუნებულყო თავის კავალერიანად. „ალბათ მოწყენილები არ იქნებიან“, — დაღვრემით გაიფიქრა პერმა და საოცრად მოუნდა ბაღში ჩასვლა და იქაურობის დათვალიერება, ნახვა, თუ რას აკეთებდნენ ისინი სიბნელეში.

ქარში პერი ძია ჰენრიხს შეეჯახა. დღევანდელი ზეიმის გამო ბებერ პრანჭიას თმა საგულდაგულოდ დაეყენებინა და, ყველას შესაშურად, ჰალსტუხში თავისი ცრუბრილიანტიანი ქინძისთავი გაერქო, მეფის ნაბოძვარივით რომ ბრწყინავდა.

პერს უნდოდა ჰენრიხისთვის გვერდი აეველო. უცხოეთიდან დაბრუნების მერე ის ცდილობდა თვალში არ მოხვედროდა სალამონების ოჯახის ამ ბოროტ დემონს. ჰენრიხი წინანდებურად მის წინაშე მამისა და მწყალობელის როლს თამაშობდა, მაგრამ ნიშნობის გამოცხადებამდე პერს ყველაფერი უნდა აეტანა, რადგან მისი მწარე ენისა ეშინოდა.

ძია ჰენრიხმა იქვე გააჩერა პერი და იღუმალის თვალისჩაკვრით გვერდზე გაიხმო.

— სხვათა შორის, ძვირფასო მეგობარო, ერთი სიტყვა უნდა გითხრათ, მაგრამ უპირველეს ყოვლისა, მიიღეთ ჩემგან უმოწინებულესი compliments¹. ყველაფერი ისე კარგად გამოდის, უკეთესი რომ არ იქნება.

— მაპატიეთ, რაზე ამბობთ? — ჰკითხა პერმა და შეეცადა გაბრაზება დაეფარა.

— როგორ თუ რაზე?.. ახ, მაშ ასეა, არა! თქვენ ჩემს წინაშეც კი კომედისს გათამაშებას აპირებთ? ნუ ირჯებით, ჩემო კარგო, — ღმერთმა ხომ იცის, რომ კარგად გიცნობთ. მაგრამ ნუ შეკრთებით და ნურც გამოხვალთ თქვენი როლიდან, იქნებ ყველაფერზე ჰკვიანური ასე მოქცევა იყოს. უნდა მოგახსენოთ, რომ თქვენი სერიოზული შესახედლობა უდიდეს შთაბეჭდილებას ახდენს. ღმერთო ჩემო, როგორ შემაქცივინეთ თავი! ყველა ერთხმად გაიძახის, რომ თქვენ ნამდვილი მამაკაცი ხართ. სიცილით მოკვდება კაცი ასევე განაგრძეთ, გეთაყვა. ყველა

¹ მოლოცვა (ფრანგ.).

მოატყუეთ. ყველას თვალი აუხვიეთ. ილაზღანდარეთ, რომ სულ ცოტათი მაინც შევძლო თქვენი პატივისცემა!

პერმა ზიზლით შეხედა პატარა მახინჯს: მას აშკარად ზომაზე მეტი გადაეკრა და თვალეში ბასილისკოსავით უციმციმებდა სიბოროტე.

სალამონების ოჯახში გამართული წვეულებების დროს ცრუ დირექტორს მუდამ ნაღველა ექცეოდა ხოლმე, რადგან ერთ სტუმარსაც არ სურდა, მასთან საერთო რამ ჰქონოდა. ყველაზე მეტი ზიზლით კი მას მებირეყები ეპყრობოდნენ.

— რაზე მელაპარაკებით? — ჰკითხა პერმა. — თუ რაიმეს თქვა გსურთ, ჩქარა თქვიო.

— თქვენი მორჩილი მსახური ვარ! უმორჩილესი! თქვენთან ლაპარაკისას უნებლიედ მაგონდება პიესა, ოდესღაც რომ სამეფო თეატრის სცენაზე ვნახე... ძალზე ბრიყვული პიესა გახლდათ რაინდების შესახებ, რითმებითა და სისულელეებით აღსავსე. ჰოდა, იქ ერთი ახალგაზრდა კაცი მონაწილეობდა, სრული არარაობა, უფიცი ვინმე, მაგრამ პირს გააღებდა თუ არა, ყველა ჰკუთხე იშლებოდა. ქალები კისერზე ეკიდებოდნენ, თვით მეფეც აღტაცებისაგან გაგიჟდა და თავის მინისტრად დანიშნა იგი. თურმე საქმე ის იყო, რომ რალაც ნივთი ჰქონდა, რასაც საიდუმლოდ თან დაატარებდა და სწორედ ის ნივთი იზიდავდა მისკენ გულებს. თქვენ, ჩემო კარგო, ალბათ იმ ახალგაზრდის ბეჭედი გერგოთ მემკვიდრეობით, ჰა? თავად რა აზრისა ხართ ამაზე? ვერ მოასწრო მოგზაურობიდან ჩამოსვლა, რომ უკვე ჩხუბი ატეხა, თანაც ისეთი ჩხუბი, მხოლოდ სირცხვილით თუ დავიწვებით და ის არის. დღეს მიუხედავად ამისა, მაინც გმირია და კარიერას იქმნის. თუმცა, თქვენ, უპატივცემულესო, ცხადია, გგონიათ, რომ ეს ასეც უნდა იყოს.

„ურთიგო არ იქნებოდა ხმა გამეკმენდინებინა“, — გაიფიქრა პერმა, მაგრამ აქ ფრიად სასერიო იდეა დაებადა თავში. არ ღირს, დაე ბრაზობდეს ძია. დაე ჰენრიხი მისი კარის მასხარად დარჩეს. რაკი ასე გულწრფელად არაკეთილისმოსურნეა მის მიმართ, ეს პერს ბევრ სასიამოვნო წუთს მოჰკვრის ამ ხმაურიან მასკარადში, ცხოვრება რომ ეწოდება.

ამიტომაც პერმა მფარველურად დაადო ხელი ბამბადაგებულ მხარზე ბებერ მაიმუნს და უთხრა:

— ეგრე იყოს, უსაყვარლესო ძია. თუ თქვენ კიდევ გსურთ რაიმე მითხრათ, ბარემ ამოალაგეთ, მაგრამ ჩქარა, მეჩქარება.

— მაშინ მომისმინეთ. იცით, თუ არა თქვენ, რომ მათ უნდათ ისარგებლონ თქვენი სახელით და ახალ საზოგადოებას მოუყარონ თავი? ხომ იცნობთ ამ სოფელს, ამ ბღენძს, ღღეს რომ ჩვენს საღამოს ესწრება აყროლებულ ჩექმებში გამოწყობილი — მას ნერეხავეს ეძახიან. მე დავინახე, რომ თქვენ გელაპარაკებოდით. განა ვერაფერი შენიშნეთ?

— ვერა, განსაკუთრებული ვერაფერი.

— რა თქმა უნდა, ვერაფერი. მაგრამ საქმე სწორედ ასეა. მან და იმ აყლაყულა ქარაფშუტამ — ადვოკატმა ხასელაგერმა უკვე გაუშვეს საცეცები. მე თვითონ ვუთვალთვალედი. ახლახან დავინახე, როგორ ელაპარაკებოდნენ ამაზე ორივენი იმ სულელ სახელმწიფო მრჩეველ ერიკსენს. ისინი, რაც შეუძლიათ ელოლიავებიან რაინდს, პატრიოტს ეძახიან და ყველაფერი ეს იმიტომ ხდება, რომ მას შეუძლია ცრემლები გადმოყაროს, როგორც კი მოისმენს ლაყბობას ნაციონალურ აღორძინებაზე, სამშობლოსადმი სიყვარულზე ან სულიერ აღმავლობაზე... ეგ გიჟი, ეგა!.. მე მაშინვე მივხვდი, რომ ისინი ენას თქვენზე იქავედნენ და იქვე ახლოს მივიკუნჭე, რათა მათი ლაპარაკისთვის ყური მომეკრა. ჩემი აზრით, თევენი ანკესს წამოეგო. სახელმწიფო მრჩეველი ყურადღებით უსმენდა. მათ ის აშკარად მოამზადეს. ამიტომაც გიცხადებთ: არ ჩაიღინოთ სისულელები. ნუ დაკარგავთ ღროს, ჩაებლაუჭეთ ფრჩხილებით, ასეთი მარჯვე შემთხვევა ძნელად თუ მოგეცემათ კვლავ.

პირველად პერმა არაფერი უპასუხა. სხვათა დაკვირვებებს დიდად არ ენდობოდა, მაგრამ არონ იზრაელთან შთამაგონებელი საუბრის შემდეგ ძია ჰენრიხის სიტყვებმა მასზე საკმაოდ დიდი შთაბეჭდილება მოახდინა.

— სულ ეს გინდოდით გეთქვათ? — ჰკითხა მან.

— არა, ჯერ ყველაფერი არ მითქვამს.

— მაშასადამე, დაგრჩათ რაიმე?

— დიახ... მაგრამ თქვენ ძნელად თუ მიხვდებით, რაზეა ლაპარაკი — უთხრა ჰენრიხმა თვალის ჩაკვრით და გრძელი პაუზა გააკეთა, რათა პერის ცნობისმოყვარეობა გაეღიზიანებინა. — იცით, ვინ შემხვდა ღღეს ვიმელსკაფტზე სეირნობისას? პოლკოვნიკი ბერეგრავი.

ამ სახელის გაგონებაზე პერი შეკრთა.

— მაშასადამე, ელაპარაკეთ მას?

— ცხადია, ველაპარაკე.

— და, ალბათ, მოუყევით რაც მოხდა გუშინ მაქს ბერნარდთან?

— ცხადია.

— მერე, რა თქვა?

— უკვე ყველაფერი იცოდა.

— მაშ, ასე. ვისგან იცოდა მერე?

— ეს კი არ უთქვამს ჩემთვის. მაგრამ მერე თავად მივხვდი. ორი სიტყვა წამოსცდა ნერეხავეზე და მეც შემეკითხა — ისე, რომ იცოდეთ, სხვათა შორის, — ვიცნობ თუ არა და რას წარმოადგენს ის. ის კი — გაიძევა! — გუშინვე ყოფილა პოლკოვნიკთან და რა გინდა, რომ არ უთქვამს. მე თქვენ გიმეორებთ: პოლკოვნიკმა ყველაფერი იცოდა, რაც მაქსთან მოხდა. და წარმოიდგინეთ — მოეწონა თქვენი ქცევა. ღმერთმა დამსაჯოს, თუ ვტყუოდე! ალტაცებისაგან გონს ვერ მოსულიყო, რომ თქვენ გაბედეთ და მაქსს მთელი სიმართლე თვალწინ გადაუშალეთ. პოლკოვნიკი სიამოვნებით დადგებოდა ყველა ჩვენი ახალგაზრდა ებრაელი მყვირალას სახრჩობელაზე ჩამოკიდების საცქერლად — ღმერთო ლოცვა-კურთხევას ნუ მოაკლებ ამისათვის. „ასეთი ყმაწვილის წინაშე, — თქვა მან, — მზად ვარ ქუდი მოვიხადო“... მე მაშინვე მივხვდი, რომ ტყუილად არ მეუბნებოდა ამას. აშკარად ვარაუდობდა, რომ მის სიტყვებს თქვენ გადმოგცემდით. უნდა თავი მოგიქონოთ, გაიგეთ? იმედი აქვს, რომ შეთანხმებას მიაღწევს. „ეს კაცი მე მომწონს, — თქვა მან. — ახლა ჩვენი საკუთარი, ძალ-ღონით სავსე დანიელი ახალგაზრდობა თავის ადგილს მოითხოვს მზის ქვეშ, მერე ის გააძევებს ყველანაირ უცხოურ ბრბოს, ვისაც კი ჩვენს ქვეყანაში გამრავლების ნება მისცეს“. ასე თქვა, სიტყვა-სიტყვით. სასაცილოა, არა? მერე რა კარგად არის ნათქვამი!

თავის ფიქრებში ჩაფლულმა პერმა არაფერი უპასუხა.

— აბა, ამის მერე როგორ არ უნდა გიწოდოთ ბედის ნებიერი? რაც უფრო მეტ სისულელეებს სჩადინართ, მით უფრო დიდი წარმატება გაქვთ!..

მათ ახლო მდგომმა სტუმრებმა, ჩუმად იყავითო, გააფრთხილეს ისინი. მომღერალმა ქალმა ნოტის მეორე ფურცელი აიღო და დარბაზში ისეთი სიჩუმე ჩამოვარდა, როგორც ეკლესიაში.

პერმა ბოლოს და ბოლოს თავი დაიხსნა ჰენრიხისაგან და დარბაზიდან გასხლტა. მან გაიარა სასტუმრო ოთახი და ვესტიბიულში გავიდა. ღია კარი ბიბლიოთეკაში გადიოდა, ხოლო მისი გავლით — საბილიარდოში. ამჟამად ორივე ოთახი პაპიროსის მოსაწვევი იყო. ბიბლიოთეკი-

დან, სადაც მეტად ახმაურებულ ბატონთა ჯგუფი გაცხოველებულ მას-
ლაათში იყო, ჰავანის სიგარების ბოლი მოიზღაზნებოდა. ვესტიბიულ-
ში მდგარი პერი მწვევლებს ვერ ხედავდა, მაგრამ მათი ხმები მუსიკას
ფარავდა.

უეცრად, ბიბლიოთეკის ღია კართან მისვლამდე, პერი შეჩერდა.
მან გაიგონა, რომ ვილაცამ მისი სახელი წარმოთქვა. პერს გული
აუძგერდა, ლოყები წამოენთო, ახლოს მივიდა და ყური მიუგდო. თურ-
მე მასზე კამათობდნენ, მისი პროექტის განსჯაში იყვნენ. ორი მოკამა-
თე გატაცებით ირწმუნებოდა, არ შეიძლება კოპენჰაგენის ინტერესები
შევბლალთ ქვეყნის ინტერესების გამო. მესამე — ძლიერ მყვირალა
ხმა რომ ჰქონდა — ეპასუხებოდა, პირადად მე აღნიშნულ პროექტში
სწორედ ადგილუფროსობაზე გადაჭრილი უარი მიზიდავს, ადგილუფ-
როსობამ უკვე მიაყენა ქვეყანას აუნაზღაურებელი ზარალი და ევრო-
პულ საქმიან ცენტრებს გაცილებით უფრო მეტად დააშორა ის, ვიდრე
ამას გეოგრაფიული მდებარეობა აიძულებდაო.

პერს მეტის მოსმენა არ უნდოდა. ნელა მობრუნდა და ისევ ცა-
რიელ სასტუმროსაკენ გაეშურა. აქ ცოტახანს ჩაფიქრებული იდგა
ფანჯარასთან და გასცქეროდა სასოფლო გზას, ტყეს და ჭერ კიდეე ჩა-
უმქრალ ცას.

აი, ბოლოს დაუდგა დრო! მან გაიფიქრა (პერს ირონიულად გაეღი-
მა ამაზე), რომ ახლანდელი მდგომარეობა ზუსტად შეესაბამება ჩემს
ძველ ანგარიშებს, სადაც ვითვალსწინებდი იმ მოვლენის შესაძლო
ეფექტს, ამ საღამოს რომ მოხდაო. მართლაც, ნიშნობის გამოცხადებამ
განამტკიცა და გაამაგრა მისი „ბედნიერება“. პერმა დიდების მოლოქერი-
ლი ეკლიანი გვირგვინის დასაუფლებლად ოფიციალური ნებართვა
მიიღო.

დარბაზში ხელახლა სეტყვასავით წამოვიდა ტაში და ყველაფერი
ამოძრავდა — სტუმრებმა დაიწყეს შინ წასვლა. პერს თავბრუ ეხვეოდა
სიციხისაგან, სუნამოების გულისამრევი სუნისაგან, ამიტომაც არ სურ-
და ბრბოში არეულიყო. უცებ რალაც გადაწყვიტა, დაბრუნდა ვესტი-
ბიულში, ტანსაცმელით სავსე საკიდზე თავისი პალტო და ქუდი მო-
ძებნა და გზაზე გამოვიდა.

ზაფხულივით თბილი საღამო იყო. მარცხნივ ტყე შრიალებდა,
მარჯვნივ სრუტე გაწოლილიყო და მის მალლა ბოლივით ამოდიოდა
ნისლი. პერი რამდენჯერმე შეჩერდა და ღრმად ჩაისუნთქა საღამოს

ნამიანი ჰაერი, გაიგრილა გახურებული სხეული. ქული ისევ ეპირა ხელში, ხოლო გრძელი პალტო სიჩქარეში მბრებზე წამოეხურა და მხატვრის ლაბადასავით უფრიალებდა.

პერი ფიქრობდა, დროა ხელახლა სერიოზულად მოვიდო ხელი პროექტის დამუშავებასო. ახლა კი აუცილებლად შესძლებს უნაკლოდ მუშაობას.

დილიდანვე ვერ აეწყო მისი საქმე, ალბათ, ამის მიზეზი ცუდ გუნებაზე რომ გახლდათ, ის იყო. ხვალ ყველაფერი გაცილებით უკეთესად იქნება.

მოსახვევში, წყალთან, პერი შეჩერდა, მის თვალწინ, სიბნელეში ძიმაველ ნაპირებს შორის სრუტის გლუვი სწორი ზედაპირი იყო გადაშლილი, მაღლა კი უღრუბლო ცა გადაჭიმულიყო.

პერი რამდენიმე წუთს გაუნძრევლად იდგა, წყალცემის მსუბუქ შხაპუნს აყურადებდა და კვლავ ისევ, როგორც დაბრუნების დღეს, იაკობასთან ერთად რომ იჯდა აქ, წყლის ერთფეროვანმა შხაპუნმა, ღრმა სიჩუმეში მარადისობის ალერსიანი ტიტინივით რომ ჩაესმოდა, უცნაურად აღაფრთოვანა.

ვარსკვლავებიც თითქოს თავიანთი, იღუმალი ცხოვრებით ცხოვრობდნენ, განსაკუთრებით ერთი, პატარა და ძალიან კაშკაშა, პირდაპირ კუნძულ ვენის თავზე ისე ალერსიანად ციმციმებდა, თითქოს იცნო პერი და უნდოდა რაღაც მოეგონებინა მისთვის. „ნუთუ დაგავიწყდი? — თითქოს ეკითხებოდა ის. — განა არ გახსოვს?.. დიდი ხნის წინათ... ძალიან დიდი ხნის წინათ... აქედან შორს, შორს... სამყაროს სივრცეში..“

პერი გამოაფხიზლა ბორბლების რახრახმა — ქალაქიდან ნაქეიფარი მოაგარაკენი ბრუნდებოდნენ. ამ დროს მან დაინახა სინათლის უცნაური თამაში, რამაც ჭერ გააოცა, ხოლო მერე კიდევაც შეაშინა; მაგრამ პერი მალე მიხვდა, რომ ეს ივენის მანათობელი ბურთები იყო, სარკისებურ სიგლუვეზე ასახვისას ცეცხლოვან სვეტებს რომ ჰკავდა. ოდნავ ზემოთ ხეებში პერმა გაარჩია განათებული ვილა. და ამ ზაფხულის საღამოს სიჩუმეში ყოველივე ამან გაახსენა გაბრწყინებული ზღაპრული სასახლე, სადაც ფერიები ცხოვრობენ.

უცებ მოაგონდა, რომ ბალში ნანის და მისი კავალერის საპოვნელად წამოვიდა. აქ კი არც მოგონებია ქალი. პერს ეს სულაც არ სწყინდა. „დაე, მისი იყოს“, — გაიფიქრა მან. ასე გამოეთხოვა ნანის და სიყვარულის ყოველგვარ მღელვარებას.

სამყაროს უსაზღვრო სივრცის წინაშე ადამიანთა სასიყვარულო ფუნქციის საცოდაობად და უხამსობად მოეჩვენა და ახლა ზიზღსაც კი ჰგვრიდა.

პერმა ცოტა კიდევ გაიარა. ახლა სიჩუმის ნაცვლად ირგვლივ ხმაურმა გამოაცოცხლა არემარე — აქ იწყებოდა სააგარაკო დაბა, ხოლო კარგმა ამინდმა დაბის მცხოვრებლები შენობებიდან ბალებში და აივნებზე გამოიტყუა.

პერს კი სიჩუმე სურდა. მობრუნდა და ნელა წაყიალდა უკანვე.

იმ აგარაკის გვერდით ჩავლისას, მუსიკა რომ ისმოდა, პერი უნებლიედ შეჩერდა და გადაიხედა ეკლიან მესერს იქით, ბალს რომ გზისგან ყოფდა. იქ, ძველი ბალის სიღრმეში ჩალისსახურავეიანი პატარა სახლი რომ შეყუჟულიყო, ახალგაზრდები მხიარულობდნენ.

იქაც, როგორც ჩანდა, რაღაც ოჯახურ ზეიმს აღნიშნავდნენ, მაგრამ როგორ არ წააგავდა ეს თავშეყრილობა იმას, პერმა რომ ახლახან მიიტოვა. აქაც ყველა ქალს ბაცი ფერის კაბა ეცვა, მაგრამ უფრო სადად შეეკერილი. ამ კაბებს არ ეტყობოდა, რომ მათი პატრონები — მაღალი წრის ხალხივით, პირობითობას ანგარიშს არ უწევდნენ; გართობითაც თავიანთი საკუთარი ძველი, უბრალო თამაშით — დამალობანათი ერთობოდნენ. ერთ-ერთი სტუდენტი ხის ქვეშ ჩამოჯდა, თვალებზე თავისი თეთრი ქუდი ჩამოიფხატა და დაიწყო თვლა, დანარჩენები კი ჩუმად გაიპარნენ მდელაზე და ბუჩქებს უკან დაიმალენ. აივნის ღია კარიდან ჩანდა გაწყობილი სუფრა და კბილებში ყალიონგაჩრილი ორი მოხუცი ბატონი. ერთერთს არახჩინი ეხურა, რაც სრულყოფდა ბიურგერული წესიერების, სისადავის და სიმყუდროვის საერთო შთაბეჭდილებას. სწორედ ამ კარიდან ისმოდა მუსიკა, რამაც მიიპყრო პერის ყურადღება, — ძველი, გაბზარული ბგერები საცოდავი ისეთივე მოშლილი ფორტეპიანოსი, მშობლიურ სახლში მისი და სიგნე რომ უკრავდა. პერს არ შეეძლო აულეღვებლად მოესმინა ეს ხმები.

სახლის უკნიდან ორი ხელგადახვეული ქალიშვილი გამოვიდა. აივნის კიბეებზე მეოცნებე პოზაში ჩამოსხდნენ და ტკბებოდნენ ვარსკვლავებით მოჭედილი ცით; მათ დამალობანას თამაშით აქოშინებული რამდენიმე ქალიც მიუჯდა და ნელ-ნელა კიბეებზე თეთრებში გამოწყობილთა მთელი გუნდი მოგროვდა. ყველანი ცას შესცქეროდნენ და ცხვირსახოცებით ინიავებდნენ.

— ოჰ, ნეტა ერთი ვარსკვლავი მოწყდებოდეს, — ინატრა ერთმა.

— მერე რას ჩაუთქვამდი? — ჰკითხა მეორემ.

— არაფრით არ ვიტყვი.

— მეც არ მეტყვიოთ, ფრიოკენ იენსენ? — ჰკითხა სტუდენტმა; სხვა დანარჩენ კაცებთან ერთად ის პირდაპირ კორღზე იჯდა სახლის წინ.

— არ ვიცი... ცხადია, თუ თქვენ შემპირდებით, რომ არავის ეტყვიოთ...

— ვფიცავ! — წამოიძახა ვაჟმა და თითებგაშლილი ხელი გულზე დაიდო. — მაშ ასე, რა გინდოდათ გესურვათ?

— მე მინდოდა მესურვა, რომ... რომ ხვალ ფაფა არ დამწვოდა.

იფეთქა სიცილ-ხარხარმა და დამსწრეთა ტაშმა. —

მაგრამ ამ დროს ვილაცამ თქვა:

— მოდი, ვიმღეროთ რამე!

— კი, შვილებო, იმღერეთ, — თქვა დედაბერმა, სწორედ ამ სიტყვებზე რომ გამოჩნდა კარში. — თქვენ იმღერეთ, ჩვენ კი ამასობაში ტკბილედ უნდა მოგიტანთ.

პერს არც შეუშინებია, განმარტოებული წყვილი რომ უთვალთვალეზდა, ეს წყვილი კვლავ დახეტილობდა ბაღში და გულმოდგინედ ეძებდა ბნელ ბილიკებს. უცებ მის წინ მესერის მეორე მხარეს მამაკაცის ფიგურა აღიმართა; მოსულმა ქუდი მოიხადა და ირონიული თავაზიანობით დაინტერესდა, ვის ელოდა პერი.

რალა უნდა ექნა, პერი იძულებული გახდა წასულიყო.

მაგრამ, ასიოდ ნაბიჯი რომ გაიარა, შეჩერდა და ხელახლა მიუგდო ყური. ბაღში სიმღერა დაიწყეს, მან იცნო ნაცნობი სიმღერის სიტყვები და მელოდია — მას ხშირად მღეროდნენ მისი ძმები და დები სუფთა ჰაერზე, ზაფხულში:

მინდვრად სიმშვიდე და სიწყნარა,¹
ეშვება ღამის ფარდა ცახცახით,
ღრუბლებს უცინის ლალი შთვარე და
სადღაც ვარსკვლავი ვარსკვლავს გასძახის,

პერი სულგანაბული იდგა. ეგონა, არასოდეს მომისმენია ასეთი კარგი ხმებიო. იქნებ ამის მიზეზი ზაფხულის მშვიდი საღამო იყო. სიშორის მიუხედავად პერი მკაფიოდ არჩევდა თითოეულ სიტყვას, თითოეულ ბგერას. თითქმის ზებუნებრივი ამბავი იყო ეს. ეჩვენებოდა,

¹ ლექსები თარგმნა ირ. არაბულმა.

თითქოს თვით მიწა მღეროდა მის გარშემო და გზაც მღეროდა მის ფეხ-
ქვეშ, თითქოს გუნდი ჩამალულიყო მიწის ქვეშ.

გულს ჩაეხვიე მისი ლავარდი,
ზღვათა სივრცენი დავსერე ჩქარად,
ზღვათა ნაპირის შორეულ დარაქს. —
ვაქებ პოეტის მუზას მარადის.

პერმა თვალები დახუჭა, გული მწვავე ტკივილმა დაუსერა. ამ სიმ-
ღერამ გამოაცოცხლა მისი სულის იღუმელი კუნჭულები.

ცაზე, მიწაზე — ერთიან ყველგან
ღეთიური მადლი გამდგარა მუღმივ.
გული კი, გული სხვაგვარად ფეთქავს, —
მას შესვენება არ უნდა წუთით.

• • •

ამასობაში სკოლაკენში ცეკვები დაიწყო, თუმცა მხოლოდ ახალ-
გაზრდებს არ ეშინოდათ გახურებული ცეკვებისა, ისე კარგად იყვნენ
სტუმრები ნასადილევი. უფრო ხანშიშესულნი ოთახებში წავიდ-წამო-
ვიდნენ, ან დარბაზის კედლის ჩაყოლებით ჩამოსხდნენ და მოცეკვავეებს
უყურებდნენ.

კონცერტით დამცხრალი სტუმრები კვლავ გამოცოცხლდნენ, როცა
მუსიკის ხმა გაისმა, ხოლო მოსაწევებში მაგარი სასმელები მიართვეს.

კაბინეტში გრივადივით ჩაიქროლა დოქტორმა ნათანმა, საცეკვაო
დარბაზისკენ მიიჩქაროდა, დღევანდელი წვეულების ორი ყველაზე
ახალგაზრდა და ლამაზი ქალი მიჰყავდა ხელგაყრილი. ეს შესანიშნავი
ადამიანი არსად არ იყო ისეთი დიდი აღტაცების ღირსი, როგორც მა-
ღალი საზოგადოების წვეულებებზე. რა ნაჭაფიც არ უნდა ყოფილი-
ყო — დღისით თუ ღამით, — მაშინაც კი, როცა მის კაბინეტში გათენე-
ბამდე არ ქრებოდა ლამაზი, — ნათანი დალლას ვერ გრძნობდა და წმინ-
და ჭაბუკური აღგზნებით და გატაცებით მხიარულობდა. ხელოვნურად
თავის გამხნეება და აღგზნება სულაც არ ჭირდებოდა. ადამიანებისადმი
გულახდილ და ღრმა სიძულვილს, დოქტორმა წლების განმავლობაში
რომ შეიძინა, არ შეეძლო დაეძლია მასში სიცოცხლის სიყვარული. გა-
ჩირალდებული დარბაზები, ლამაზი ქალები, ღიმილი და ყვავილები

მუდამ სიხარულის მღელვარებით უყვებდნენ გულს. სადაც და როდესაც არ უნდა დაგენახათ დოქტორი ნათანი, მუდამ ნახავდით მოლაპარაკეს, მასთან მოსაუბრეს რომ რაიმეს უხსნიდა და უმტკიცებდა. ისევე როგორც ლიტერატურაში, საზოგადოებაშიც დოქტორი ნამდვილი ჯადოქარი და გულების დამპყრობი გახლდათ. თუმცა კადნიერი ქედმაღლობა არ აკლდა, ნათანი ამავე დროს ყოველნაირად ცდილობდა ცუდი შთაბეჭდილება არ მოეხდინა. ისიც კი აწუხებდა, რა აზრისა იყო მასზე ყველაზე არაარაობა სტუდენტიც კი. თავის შრომებში მას შეეძლო ყოველნაირად დაეცინა ცხოვრებისა და საყოფაცხოვრებო ფუსფუსისთვის, მაგრამ საკმარისი იყო პირისპირ შეჯახებოდა ცხოვრებას, ის მაშინვე ეუფლებოდა ნათანს. ყოფიერების ყველაზე ნაკლებად მიმზიდველი მხარეებიც კი იზიდავდნენ მას, იმდენად უხვი და მრავალმხრივი ბუნების კაცი გახლდათ ეს ქალაქის მკვიდრი, დედაქალაქის გულში რომ დაიბადა და რიყეზე რომ გაიზარდა. ასე იზარდება ხოლმე სამხრეთის ქვიან ნიადაგზე ალისფერყვავილებიანი კაქტუსი.

სწორედ სიცოცხლის ეს მჩქეფარე, მღელვარე სიყვარული ხდიდა ნათანს არაჩვეულებრივ მოვლენად ისეთი ჩამორჩენილი გლეხური ქვეყნისათვის, როგორც დანიაა. თანამედროვეობის ლიტერატურულ ორკესტრში, სადაც ყველა ინსტრუმენტის ხმა ისმოდა, საშინელი სამსჯავროს ბუკიდან დაწყებული, საბაზრო დაფდაფებით და ეკლესიის ზარების ღვთისმღოშიში რეკვით გათავებული, ნათანის ხმა ჟღერდა, როგორც თვით ბუნების ხმა, ერთსა და იმავე დროს რომ იზიდავდა და აშინებდა კიდეც კაცს. როცა ჭაღარა, თხისწვერა დოქტორმა ორ ახალგაზრდა წამოწითლებულ ქალიშვილთან ერთად კოჭლობით ჩაიქროლა საცეკვაო დარბაზისკენ, ის წააგავდა პანის, ტყეთა დიდი ღმერთის ცოცხალ განსახიერებას. ახალგაზრდობის თვალში ის მართლაც პანი იყო და ჯადოქარული სალამური ექირა ხელში. მან თავისი თამაშით მარადიული სიჭაბუკის წყაროსკენ სულით დაცემულნიც კი გაიტაცა და რამდენიმე წამში ცეკვაში მოუქნელი და ენაბრგვილი დანიელებიც ჩააბა.

დარბაზში მაყურებელთა შორის იაკობაც იყო. ის ისევ ძველ ადგილზე იჯდა, რადგან მუსიკა და ცეკვები სიამოვნებდა — ამით საშუალება ჰქონდა არაფერზე არ ეფიქრა. გვერდით კანდიდატი ბალინგი უჯდა და პოულ ბერგერზე ელაპარაკებოდა.

იაკობა თითქმის არ უსმენდა მას, მზერით მოუსვენრად ეძებდა

პერს, მაგრამ პერი არსად ჩანდა, მაშინ როცა ნანის ოქროსფერ-ყვითელი კაბა მოცეკვავეთა შორის ხან სად გამოკრთებოდა, ხან სად. იაკობამ გადაწყვიტა, პერი ალბათ მოსაწევ ოთახში ჩარჩაო და მხოლოდ ერთ რამ სურდა — რაც შეიძლება დიდხანს დარჩენილიყო იქ. ეშინოდა, რომ ის მოვიდოდა და საცეკვაოდ გამოიწვევდა. და თუ პერი შერიგებას ეცდებოდა, თვითონაც ვერ შეიკავებდა თავს.

თუმცა აწოწილი ლიტერატორი, გვერდით რომ ეჯდა, სულაც ვერ ამჩნევდა, იაკობა რომ სულ სხვაგან იყო ფიქრებით. ბალინგი, როგორც ყოველთვის, ახლაც ძალიან დაბნეული იყო, ყოველ წუთს ჩუმდებოდა და თავს აქეთ-იქით იქნევდა — ირგვლივ მყოფთა ლაპარაკს აყურადებდა. ბალინგი ახალგაზრდა დანიელთა თაობის იმ რიცხვს ეკუთვნოდა, ვინც თავდაპირველად წესიერიც იყო და გულთბილიც. მერე კი დოქტორ ნათანის ზეგავლენით, ლომივით გაბედულებები გახდნენ, მაგრამ მალე შეიგნეს თავიანთი შეცდომები, თუმცა ვერ გამოიჩინეს საკმაო სიმამაცე, აშკარად ეღიარებინათ ეს, თუ აღარაფერს ვიტყვით იმაზე, რომ პოულ ბერგერსავით მტერთა ბანაკში იუდის დიდება მოიხვეჭეს. ასეთი ადამიანები პროგრესის ძლევაგამოსილი არმიის რიგებში გამოუვლენელ დეზერტირებს ჰგვანან; შიშის გამო ისინი არმიის დროშას მიჰყვებიან, მაგრამ გულში ყოველი მისი დამარცხება უხარიათ.

რაკი, ცოტა არ იყოს, საკუთარი პატიოსნების მსხვერპლი იყო, ბალინგს თავი ტრაგიკულ ფიგურად წარმოედგინა და როცა კარებში გამარჯვებულთა ბელადი ნათანი გამოჩნდა თავისი ქალებით, ბრაზით წამოენთო.

მოცეკვავეთა შორის ხელახლა გამოჩნდა ბაიადერის ოქროსფერ-ტანსაცმლიანი ნანი. პერს ეძებდა, ამოდ იყურებოდა აქეთ-იქით და ვერ გაეგო, სად შეიძლებოდა წასულიყო. თუმცა ძალიან გამომწვევად ექირა თავი, მაგრამ მთელი საღამო გონს ვერ მოსულიყო კაბინეტში მომხდარი სცენის გამო. მისი აღრინდელი ქცევა ერთ მიზანს ემსახურებოდა მხოლოდ: თავგზა აებნია პერისთვის და თავადაც დაევიწყებინა ყველაფერი, მაგრამ ახლა იმისი ფიქრი სტანჯავდა, რომ მეტისმეტი მომივიდა და, პერი, ალბათ შურისძიების მიზნით ყველგან ილაპარაკებს მომხდარ ამბავზეო.

ამასობაში პერიც დაბრუნდა. ვესტიბიულში პალტოს გახდისას ხალხით გაქვდილი მოსაწევი ოთახის ღია კარს გახედა და შემთხვევით ცნობილ მეზობრეთა წრეში მჭდარი დიურინგი დაინახა.

თავის დროზე დიურინგმა სახელი შეიქმნა საზოგადოებრივი აზრის წინააღმდეგ გამოსვლებით, მერე კი, თავისი მოხერხების წყალობით, ნირი იცვალა და უფრო ხელსაყრელად სწორედ იმის ლაპარაკი და წერა ჩათვალა, რისი მოსმენაც ხალხს და, განსაკუთრებით მებირჩვეებს ყველაზე მეტად უნდოდათ. მისი მგზავრობის ჩანაწერებს საფრანგეთის და იტალიის საფინანსო ცხოვრების შესახებ წარმართება ხვდა საქმიან წრეებში და დიურინგს ძალზე მცოდნე კაცის რეპუტაცია მოუპოვა. თავის ჩანაწერებში ის აღიღებდა დანიის ვაჭრობის სოლიდურობას და რიგიანობას, რითაც მკვეთრად განსხვავდებოდა საზღვარგარეთულისაგან. და ერთხმად იქნა აღიარებული, რომ დიურინგს აქვს ყველა საფუძველი, დიდ ეკონომიურ გაზეთს ხელმძღვანელობდესო.

სტატიებში ისე სერიოზულად ეკიდებოდა საქმეს, ისეთ პასუხისმგებლობის გრძნობას ამჟღავნებდა, რაც ძნელი მოსალოდნელი იყო „ფალკენეს“ ყოფილ თეატრალურ რეცენზენტისაგან, ამიტომაც მისი დანიშვნა მთავარი რედაქტორის პოსტზე, რამაც პირველად გააფთრებული თავდასხმები გამოიწვია, ახლა ყველას მიაჩნდა იმის დამამტკიცებელ საბუთად, თუ რა გენიალური უნარი ჰქონდა მაქს ბერნარდს საჭირო ხალხის შერჩევასა და მათთვის ყველაზე შესაფერისი ადგილის მიჩენაში.

პერს უნდოდა მწვევლებს შეერთებოდა, იქნებ გაეფანტა დარდიანი ფიქრები და ერთ ჭიქა ვისკის ისეთ გუნებაზე დაეყენებინა, ამ ვითარებას უფრო რომ შეესაბამებოდა. მაგრამ, როგორც კი დაინახა თავყანისმცემელებით გარშემორტყმული პრესის მეფე, მაშინვე დაეკარგა გარემოებასთან შეგუების ყოველგვარი სურვილი, მობრუნდა და წავიდა.

სახეზე პერს ჭერ ისევ ეტყობოდა, სხვა, უფრო ბედნიერი სამყაროდან რომ შემოვიდა; მაგრამ, როცა ხალხით სავსე დახუთული ოთახები ჩაიარა და აპილპილებული სახეები და მარაოების გამწარებული ქნევა დაინახა, კვლავ მოიღუშა. ესეც არ იყოს, ჭადვბის კაშკაშა სინათლე თვალს სჭრიდა. სოფლის საღამოს სიჩუმიდან დიდი საზოგადოების ხმაურში და ღრიანცელში გადასვლამ მთლად გააბრუა. ასე ეგონა, ზეძალოვანძაბვიანი ელექტრომანქანის გულში მოვხვდიო.

დარბაზის კარში პერი შეჩერდა და მოცეკვავეებს შეხედა. ახლა უფრო ბევრი ცეკვადა. ზოგიერთ ხანშიშესულსაც ვაღაწეყვიტა ფეხების გამართვა.

უეცრად თბილი ტალღა მოაწვა პერს გულზე. ამ ახმაურებულ ფუს-

ფუსში იაკობა დაინახა. ქალი მოპირდაპირე კედელთან იმავე ადგილზე იჯდა, ერთი საათის წინ რომ დატოვა. დიახ, გაიფიქრა პერმა, მხოლოდ მის გვერდით შევძლებ თავი მშვიდად ვიგრძნო. ბნელმა, არასანდო ინსტინქტმა კი არა, თვით სიცოცხლის ნებამ აიძულა პერი, იაკობა ამოერჩია ჯერ კიდევ ღიდი ხნით ადრე, ვიდრე ის შესძლებდა მთლიანად დაღრმავებულად დაეფასებინა ქალი.

პერი განაცვიფრა იმან, რომ ამ ფუსფუსში იაკობაც უცხო მოჩანდა. ეტყობა, მას არც უტყვევია: მარაო და ხელთათმანები ახლაც მუხლებზე ელაგა ქალს.

ზეშთაგონებასავით წარმოუდგა პერს ეს სანახაობა. არადროს წინათ ასეთი ძალით არ შეუგრძენია, რამდენად ღრმა იყო მათი შინაგანი კავშირი, არ ესმოდა, რომ იაკობას სიყვარული იყო ჯერჯერობით ერთადერთი საიმედო მონაპოვარი, თავგადასავალთა სამეფოში ბედნიერების გამოდევნებამ რომ მოუტანა.

აძიერიდან პერი შესძლებს ღირსეულად დააფასოს თავისი საუბრე. თითქოს აისის ათინათი დაეცა პერს, იაკობას თხელ, ჰკვიანურ, ფერმკრთალ სახეს და მძიმეკუთუთობიან თვალებს, ენერგიულ, თუმცა აუწყერლად ქალურ პირს უტყვად რომ უქვერეტდა. მისი ავბედითი კაბაც კი ახლა პერს გულს უჩვილებდა სწორედ იმიტომ, რომ ქალს ის ეცვა, რაც არ უხდებოდა.

პერს სურდა რაც შეიძლება მალე მიეღწია იაკობასთან, მაგრამ ამ დროს მოიბრინა თავის კავალერთან ხელგაყრილმა და ცეკვით გახურებულმა ნანიმ.

— სად დაიკარგეთ, თქვე საძაგელო? ყველა ქალი მხოლოდ იმაზე ოცნებობს, რომ საქმროსთან იცეკვოს, ეს კი, უყურეთ ერთი, იმალება! მართალი უნდა გითხრათ, თავხედურად იქცევით.

პერმა ცივად შეხედა.

— ძალიან ვწუხებარ, მაგრამ იაკობა დაიღალა, ამიტომ აღარც მე ვიცეკვებ დღეს.

უთხრა ეს პერმა და ზურგი შეაქცია, ნანიმ კი თავისი გააფთრების დასაფარად გადაინახარა.

— წავიდეთ, რაიმე ცივი სასმელი დავლიოთ, — თქვა მან და წავიდა კავალერიანად. — ეს რა უხეში ვინმე იშოვა ჩემმა დამ. აბა რას იტყვით ამაზე?

იაკობამ კარებშივე თვალი მოჰკრა პერს და, თუმცა პირი იქით იბ-

რუნა, მაინც არ შეეძლო არ დაენახა პატარა სცენა, პერსა და ნანის შორის რომ გათამაშდა. ასლა, როცა პერი ასე ჩქარობდა მისკენ, იაკობა მიხვდა, რომ საბოლოო განხეთქილების მოწმე გახდა.

პერმა მეგობრულად დაუკრა იაკობას თავი და სკამზე ჩამოჯდა, რომლიდანაც ახლახან ადგა კანდიდატი ბალინგი, მერე ახლოს მიიწია ქალისაკენ და ხელზე, იაკობას სავარძლის სახელურზე რომ ედო, ხელი მოუჭირა. იაკობასაც არ წაურთმევეია ხელი. უბრალოდ ვერ შესძლო წართმევა — ისე დაიმორჩილა პატიების ამ მუნჯურმა ვედრებამ. მაგრამ არც მის ხელისმოჭერაზე პასუხის გაცემა შეეძლო ისევე, როგორც არ შეეძლო თავი აეძულებინა, მისთვის თვალეში შეეხედა. ამას კი პერი ექვსგარეშეა, ელოდა. ამაყ იაკობას მეტისმეტად სტანჯავდა იმის შეგნება, რომ არ შეეძლო პერის ალერსისთვის გაეძლო.

— რა ცივი ხელები გაქვს, — უთხრა პერმა. — ალბათ შეგცივდა. მოგიტანო შალი?

— არა, მთბილა.

— კარიდან ხომ არ უბერავს?

— არა, არა მგონია.

— მაგრამ მაინც, იქნებ გინდა...

— არა, არა, არაფერი არ მინდა.

— კარგი, როგორც გსურს, მეგობარო!

ხმა იაკობას დაქანცული ჰქონდა, პასუხებზე ეტყობოდა, გაღიზიანებული იყო, მაგრამ პერი ამას ვერ ამჩნევდა. იაკობას თითებზე ხელით მოუალერსა და მისი ხელი გულზე მიიდო. თანაც უფრო ახლოს მიიწია ქალთან და ახლა მხრებითაც მიენდვნენ ერთმანეთს. იაკობას უნდოდა ხელი გაენთავისუფლებინა, მაგრამ პერმა დაიჭირა და ისეთივე ხმით ჩასჩურჩულა, იმ სამახსოვრო ღამეებში რომ ელაპარაკებოდა ხოლმე, რითაც დიდად ააღელვა ქალი.

— ჩემო მეგობარო, ძვირფასო მეგობარო — და ცოტა ხნის შემდეგ დაუმატა: — უკვე იცეკვე?

ქალმა უარყოფის ნიშნად თავი გააქნია.

— მაშ გინდა, იცეკვო?

— არა, სრულიადაც არა... ძალიან დავიღალე, — დაუმატა ქალმა მცირე დუმილის შემდეგ, იმის შიშით, რომ პერი სხვანაირად ახსნიდა მის უარს.

— მაშ, აი, რა მინდა შემოგთავაზო. დღეს მშვენიერი ამინდია. არც ცივა. ზაფხული გეგონება. მოდი, ბაღში გავისეირნოთ?

იაკობა ხმას არ იღებდა. პერმა განაგრძო:

— მე მგონია, სუფთა ჰაერზე მომჭობინდები. თან სათქმელიც მაქვს შენთვის.

ქალმა მთელი საღამოს განმავლობაში პირველად შეხედა მას. თუმცა კი ფიქრებით შორს იყო ამ დროს, მაგრამ პერის გულწრფელი და თბილი ტონი არ გამოაპარვია.

იაკობა აღვა. პერმა წამოსასხამი მოუტანა ქალს, თავისთვის კი პალტო წამოიღო. ბალისაყენ გაემართნენ.

ტერასაზე, სადაც მოცეკვავენი გასაგრილებლად გამოდიოდნენ, მხიარულება სუფევდა.

სტუმრები შეგროვილიყვნენ მაგიდების ირგვლივ; მაგიდაზე გამაგრებელი სასმელები, ნაყინი და ყოველგვარი ტკბილეული ელაგა. აქ, ღია ცის ქვეშ, ნანიც გახლდათ თავისი კავალერით. ის-ის იყო ხილის ნაყინი უნდა მიერთმია, რომ ხელიხელგაყრილმა პერმა და იაკობამ გვერდით ჩაუარეს და მარმარილოს კიბეზე დაეშვნენ.

„ახლა კი ყველაფერს დაუკაკლავს“ — გაუელვა ნანის თავში. მაშინ სიძულვილის და გულატეხილობისაგან ქალს ტუჩები გაუფითრდა.

ნანიმ მიატოვა შეუქმელი ნაყინი და დარბაზში დაბრუნდა, „არა! — კვლავ ფიქრობდა ნანი, პარტნიორთან ერთად რომ ცეკვავდა. — იაკობა დიდხანს ვერ გაიხარებს. ამაზე მე ვიზრუნებ. რახან ბრძოლაა, ბრძოლა იყოს.“

პერმა და იაკობამ გაიარეს ბაღი და წყლის პირას მყუდრო სკამზე ჩამოსხდნენ. აქ ისხდნენ ხოლმე ისინი ჩვეულებრივად, როცა უნდოდათ ხელი არავის შეეშალა მათთვის. ახლა ირგვლივ არავინ იყო და იაკობას წინააღმდეგობა აღარ გაუწევია: როცა პერმა მხრებზე ხელი მოხვია, ქალიც მიენდო და თავი გულზე მიაყრდნო.

ისხდნენ თავიანთთვის წყნარად. მათ ფეხებთან ხმაურობდა მთვლემარე ტალღები და ივენის მანათობელი ბურთების ანაბზინი წყალში ისე ნაწილ-ნაწილ ირეკლებოდა, გეგონებოდა, ოქროს თევზები დაცურავენო.

— ხომ არ გცივა? — ჰკითხა პერმა და უფრო ჩაფუთნა ბეწვის წამოსასხამში.

— არა, არა, სრულიადაც არა, — მიუგო ქალმა კვლავ გულნატკენად.

თითქოს ამ სკამზევე დაწყებული გუშინდელი საუბრის გაგრძელება ყოფილიყო, პერმა უამბო, როგორ მივიდა სტუმრებზე დაკვირვების შედეგად იმ დასკვნამდე, რომ სამამულიშვილო პროგრესისტები გადაგვარებას იწყებენ, ყოველ შემთხვევაში, იმ ალტაცებისაგან, ისინი რომ წინათ იწვევდნენ, კვალიც აღარ დარჩენილა. პერი მთლიანად უნდა დაეთანხმოს იაკობას იმაზე, რასაც წერდა, ან ეუბნებოდა: საზოგადოება, სადაც დიურინგის მსგავსებს წამყვანი როლის თამაში შეუძლიათ. საკუთარ განაჩენს უნდა მოაწეროს ხელი. პერისთვის ნათელია, რომ თუ დანიაში კიდევ შეიძლება პროგრესისა და თავისუფალ იდეათა ზეიმის იმედი ჰქონდეს კაცს, ამისათვის სცენაზე სხვა ძალები უნდა გამოვიდნენ — ადამიანები სრული ამ სიტყვის მნიშვნელობით, ღრმა და კეთილშობილი ბუნების ხალხი, ვისი სასიცოცხლო მიზანიც ფულზე ყოველდღიური გამოდევნებით, ქალებით ან ჩინ-მედლებით არ შემოიფარგლება.

პერი ამ თავის შეხედულებებს მისთვის დამახასიათებელი მკვერ-მეტყველებით ყვებოდა. მაგრამ იაკობა თითქმის არც უსმენდა. ყველა სერიოზული და მგრძობიარე სიტყვა ფოთოლთა შრიალივით ჩაესმოდა.

სამაგიეროდ, როცა პერმა თავისი სიტყვის დასასრულს საბოლოო შერიგების ნიშნად კოცნა სთხოვა, მაშინვე გაიგონა, ხელად ასწია თავი და ისე გაუწოდა ტუჩები, თითქოს წყურვილით დამბრჩევალი ადამიანი იყო, წყლის დაღვეის მეტი სხვა რომ აღარა ახსოვს რა.

თ ა მ ი XVIII

მეორე დღით რომ გამოიღვიძა, პერმა თავი უქეიფოდ იგრძნო ჩვეულებისამებრ ბევრი ეწრიალა ლოგინში, საბანი გადახდოდა და ძალიან გაცივებულიყო.

წამოჯდომა რომ სცადა, რაღაცამ მტკივნეულად უჩხელიტა მკერდში და შიშით გული შეეკუმშა. ის უკვე იცნობდა ამ ტკივილს. ბევრჯერ შეუწუხებია მოგზაურობის დროს, განსაკუთრებით დუნაის დელტაზე ნავით დამქანცავი გადასვლისას. რაკი უცხოეთის ექიმებს ცოტა არ იყოს, არ ენდობოდა და, რაც მთავარია, ეშინოდა, ვაითუ რამე ცუდი მკირს და პირდაპირ პირში მომახალონო, აქამდე რჩევა არავისთვის
6. პენრიკ პონტოპიანი

უკითხავს. ახლა კი დრო იყო, თავის ჯანმრთელობაზე სერიოზულად ეფიქრა. პერმა დაუბრუნა მოსამსახურე ქალს და სთხოვა მოეწვია ცნობილი სპეციალისტი, კოპენჰაგენის ერთ-ერთი საავადმყოფოს მთავარი ექიმი.

ექიმი მხოლოდ რამდენიმე საათის შემდეგ მოვიდა და ეს რამდენიმე საათის მარტოდმარტო ლოდინი პერს სავსებით ეყო, წარმოედგინა, რითქოს ეს შეტევები, რაც დრო გადის თანდათან უფრო და უფრო რომ სტანჯავს, სიკვდილის წინამორბედაა.

მერე, ასე ადრე უნდა მოკვდეს? ჯერ ხომ მხოლოდ ოცდაოთხი წლისაა. ჯერ ხომ თავისი ცხოვრების მთავარი საქმე არ დაუხრულე-ბია — ის კი არა და, არც დაუწყია. როგორც უაზრო და ულოლიკოა თვით ცხოვრება, ისევე უაზრო და ულოლიკოა ახლა სიკვდილი.

დიდი ხანია გავიდა ის დრო, როცა პერი უდარდელად ხარჯავდა თავის ჯანმრთელობას და სიკვდილს ეჭიბრებოდა, რადგან მტკიცედ იყო დარწმუნებული, არ შეიძლება მოგვედეთ. ქვეყანა მას ვერ შეეღწეოდა, მისი ნიჭი და ძალები სამშობლოს აყვავებას ესაჭიროებოდა.. ახლა პერს ესმოდა, რომ ბუნება საკმაოდ მდიდარია და შეუძლია ასე თუ ისე იმფლანგველოს. მასზე გაცილებით უფრო დიდი ტალანტები ჩავიდნენ საფლავში ისე, რომ გამოვლენა ვერ მოასწრეს. სიკვდილი ნებართვას არავის სთხოვს. მზე ერთნაირად უნათებს მართალსაც და დამნაშავესაც და სიკვდილს განუყრელად მიჰყავს რჩეულნი და არარჩეულნი, არ უწევს ანგარიშს, საჩვენებლობა მოაქვთ მათ თუ არა.

თუმცა არარსებობაზე ფიქრი პერს ახლა იმდენად ვერ აშინებდა, როგორც წინათ. სიკვდილის განაჩენის მოლოდინში მდიდრულ ლოჯინში რომ იწვა და ჭრელი აბრეშუმის საბანი ეხურა, პერი ახლა უფრო მშვიდი და მტკიცე გახლდათ. ზოგჯერ ისე გაუწყდებოდა ქანცი, რომ არავითარ ტკივილს არ გრძნობდა, მაგრამ თითქმის ეგუებოდა სიცოცხლიდან წასვლის და ამითი უაზრო შრომისა და საზრუნავისაგან გათავისუფლების ფიქრს. ფანჯრებს ქვეშ მოედანზე ფორნების რაბრახე, ტრამვაის უდარუნი, სულელ და თავხედ საქმოსნებთან მოსალოდნელი მოლაპარაკებანი — ყოველივე ეს ასეთ წუთებში გამოუთქმელ ზიზღს ჰგვრდა.

მაგრამ გადიოდა საათები და პერს უფრო და უფრო უჭირდა შიმთან ბრძოლა. მარტოდმარტო ვარ მიტოვებულიო, ამის ფიქრი გულს

უკლავდა და ცივ ოფლს ასხამდა. რა საშინელებაა, ალბათ სრულ მართობაში სიკვდილი უწყერია!

დარდიანი ფიქრების გასათანტავად მას უნდოდა კითხვა დაეწყო. სწორედ გუშინ გახსნა მოგზაურობიდან ჩამოტანილი წიგნები, უფრო მეტად დიდი და ძვირფასი გამოცემები ჩამოიტანა, ტექნიკის საკითხებს რომ ეხებოდა, მაგრამ მათ შორის ზოგადი ხასიათის რამდენიმე წიგნიც იყო, ზამთარში ღრეზაკში და მოგვიანებით რომში ყოფნისას რომ შეიძინა.

მან ცალკე გადადო ბერძენ და რომაელ ფილოსოფოსთა რჩეული ნაწარმოებების ერთტომეული გერმანულ ენაზე. ამ წიგნმა ერთხელ უკვე ასიაშოვნა, ავად რომ იყო.

მაგრამ ის-ის იყო წიგნის შინაარსმა გაიტაცა, რომ ექიმიც მოვიდა. ეს გახლდათ პატარა, თეთრწვერა კაცი; ბევრი არ ულაპარაკია, ლოგინის გვერდით სკამზე ჩამოჯდა. ჯერ ფორმალურად დაჰკითხა პერი, მერე კი, აშკარად არ ენდო მის ნათქვამს და შეუდგა გასინჯვას. გულმკერდი რომ გაუსინჯა, განაცხადა:

— ფილტვების დაავადებასთან ხომ არ გვაქვს საქმე? ამჟამად მე არა მაქვს საფუძველი, ასე ვიფიქრო. მკედლის საბერველივით ფილტვების პატრონი ხართ... სად გტკივთ?

პერმა უჩვენა მარჯვენა გვერდი, ბოლო ნექნს ცოტა ქვემოთ.

— აი აქ? მოითმინეთ, თქვენ ხომ პირველად ასე მითხარით, მარცხენა მხართან მტკივათ?

— ხან როგორ, ხან როგორ.

— ჰმ, ჰმ, აი, ასე, როცა გაჭერთ ძალიან გტკივთ?

— არა, არ ვიტყვოდი.

— განსაკუთრებულს არაფერს ამჩნევთ?

— არა.

— იქნებ ახლა საერთოდ აღარაფერი გტკივთ?

პერი გამოუტყდა, მტანჯველმა ტკივილმა, გულ-მკერდი რომ გამიკავა, ახლა მართლაც გამიარაო. მას კვლავ შეეძლო ღრმად ჩასუნთქვა ისე, რომ გვერდში ჩხვლეტა არ ეგრძნო.

ექიმმა არაფერი უპასუხა და დაუწყო ტანის ქვედა ნაწილის და ფეხების სინჯვა.

— მაშ ასე, ფილტვები წესრიგში გაქვთ, — უთხრა პერს გასინჯვის შემდეგ, — მათ გამოცვლას, ყოველ შემთხვევაში, მე არ გირჩევთ. აი,

კუნთები კი მოდუნებული გაქვთ. გულიც, ცუდი არ იქნებოდა, უფრო მაგირი რომ გქონოდათ. მითხარით ერთი, როგორ ატარებთ ჩვეულებრივად დღეს, ვარჯიშობთ, თუ არა? იღებთ თუ არა ღილით შხაპს? ეს აქვენთვის შეტად აუცილებელია. საწონებიცა უნდა ივარჯიშოთ. არაფერი სჯობს ღილით უზმოზე წყვილი, ოთხკილოგრამიანი გირით ვარჯიშს. უნდა აიძულოთ თქვენი უპატივეცემულესი სისხლი, უფრო სწრაფად მიმოიქცეს; სხვა რამით დაავადებული არა ხართ, მაგრამ თქვენს ასაკში ესეც საკმარისია. რამდენიმე დღე იწეკით. ნერვები დაიმშვიდეთ. საერთოდ კი გირჩევდით უფრო მეტად გედევნებინათ თვალ-ყურით თქვენი ჯანმრთელობისათვის, რადგან, მიუხედავად იმისა, რომ მაგარი აგებულებისა ხართ, ცოტა არ იყოს, მიღრეკილება გაქვთ რ...რ., როგორ გამოვხატო, რაც შეიძლება ლამაზად — აი, ამ პატარა ამბებიანადმი, როგორც დილანდელი ტყვიელი გახლდათ. ეს ყოველივე ადვილი ასახსნელია. მაშ ასე: ჯერ ერთი, სამი-ოთხი დღის განმავლობაში მატარებელში ჯანჯლარებლით, სადაც წესიერად არც კი იკვებებოდით ალბათ, არც გეძინათ; მერე, დაბრუნებისთანავე, როგორც თავად მითხარით, მაშინვე საქმეებს შესდგომიხართ, ფუსფუსს, მაღალი საზოგადოების ცხოვრებას — აი, ესეც საკმარისი ახსნა ამ ამბებისა, როცა საქმე გვაქვს ფაფებით გამოკვებილ სამამულიშვილო თაობასთან, თუმცა ის ითვლება სწორედ ძალ-ღონის ნიმუშად.

ბოლო სიტყვები რომ თქვა, ექიმს პატარა, ოდნავ ელამ თვალებში ჰოროტა ღიმილი აუთამაშდა, მაგრამ პერს ეს არ შეუნიშნავს. საერთოდ თითქმის არც უსმენდა ექიმს. როგორც კი _დარწმუნდა, რომ თავის სხეულში ტუბერკულოზის ბაცილებს არ ატარებდა, მაშინვე თავი გაცილებით უკეთესად იგრძნო და მხოლოდ ის უნდოდა, რაც შეიძლება მალე გათავისუფლებულიყო ამ აუტანელი მოლაქლაქისაგან.

ექიმის წასვლის შემდეგ პერი მაშინვე ადგა. გამხნევებულმა ღილით გაიარ-გამოიარა ოთახში, მერე ჩაიცვა, ძალიან მაღიანად ისადილა და საწერ მაგიდას მიუჯდა. ხელახლა გაედვიდა მუშაობის წყურვილი. პერმა ამოალაგა თავისი ნახაზები, საზომი ხელსაწყოები, ცხრილები და სხვა მოწყობილობა. თავის გამხნევებალა აკლდა. სრული სვლით წინ!

როცა სამუშაოდ ყველაფერი მოამზადა, უეცრად წააწყდა იმ წიგნს, ექიმის მოსვლის წინ რომ კითხულობდა. მაშინ ის ნახაზებს შორის ჩადო, ახლა კი, გვერდით რომ გადადო, ვერ გაუძლო ცდუნებას და ჩაიხედდა. დანიშნული ჰქონდა, სადაც შეჩერდა. ეს იყო სოკრატეს გულითა-

დი საუბარი თავის მოსწავლეებთან სიკვდილის შესახებ, პლატონის ჩანაწერები დიდი დამრიგებლის სიკვდილით დასჯამდე ცოტა ხნით ადრე. პერის მზერა მოხედა იმ სტრიქონებს, სადაც სოკრატე ადამიანის სხეულს ამსგავსებს მძიმე, წებოვან ცომს, რაც შემოკრული აქვს სულს და სწორედ ეს მიზეზია, რომ ადამიანი მთლიანად ვერასოდეს ვერ ეუფლება თავისი მისწრაფების საგანს, თუ არ ჩათვლით ქვენა გრძნობებს და უხეშ მიზნებს.

„რადგან სხეული ათა საზრუნავს გვიჩენს, ის გვავენებს ვნებებით და ბინძური ზრახვებით, შიშით, მღელვარებით და ფუსფუსით... სიმღადრის გამოკიდება ყველა სიბოროტეთა წყაროა, მაგრამ ფულიც ნხოლოდ სხეულისთვის გვინდა, მასზე საზრუნავად. დაეუშვათ, გავასათუთეთ ჩვენი სხეული და ახლა გვსურს, ამაღლებული აზრები დაგვეუფლოს — სულ ერთია, სხეული გვიშლის ფიქრს, წარმოშობს მოუსვენრობას და ძრწოლას, თავგზას გვიბნევს, რის გამოც ვერ ვხედავთ ჭეშმარიტებას... ჩვენს ცხოვრებაში შემეცნებას მხოლოდ მაშინ ვუახლოვდებით, როცა არ ვფიქრობთ ჩვენს სხეულზე და მას არ ვუთმობთ უფრო მეტ ყურადღებას, ვიდრე საჭიროა საარსებო მოთხოვნილებათათვის, — ე. ი. როცა არ ვაქლევთ მას საშუალებას, დაეუფლოს ჩვენს განზრახვებს...“

პერს წიგნი ხელიდან გაუვარდა. რამდენიმე წუთს ჩაფიქრებული. წარბებშეჭმუხვნილი იჯდა და წინ იყურებოდა.

„საკვირველია, — გაიფიქრა მან, — ქრისტეს დაბადებამდე ოთხასი წლით ადრე ნათქვამი ეს სიტყვები თითქოს ქრისტიანობის შესახებ რომელიღაც თანამედროვე ტრაქტატიდან არის ამოღებული!“

პერმა ბოლომდე ჩაიკითხა ეს გვერდი, გადაშალა, მეორე გვერდიც წაიკითხა, მერე კიდევ წაიკითხა ერთი გვერდი... და უკვე ველარ მოშორდა. ზებუნებრივ ძალებთან ეს ღრმა აზრით აღსავსე ფანტაზიის თამაში მისი სხეულის ფარულ კუნჭულებში შეიჭრა და ააღელვანულადე კარგა ხნის გასული იყო, პერი რომ თავის ნახაზებს და ანგარიშებს დაუბრუნდა.

მაგრამ გუშინდელივით, დღესაც ვერ მუშაობდა კარგად. მიუხედავად იმისა, რომ რაც შეეძლო ცდილობდა, პერი თავს ვერ უყრიდა აზრებს. და ეს დაემართა მას — ადამიანს, დღემდე სუფთა ქალაქის ფურცელს გულგრილად რომ ვერ უცქერდა; ადამიანს, ვისთვისაც მთავარი სიძნელე იმაში მდგომარეობდა, რომ უჭირდა ამოერჩია საჭირო

აზრი აზრთა მთელი გროვიდან, მუშაობის განმავლობაში რომ თავში უფუთუფუთებდა. ახლა კი საერთოდ არ შეეძლო საქმის საკეთებლად განწყობილიყო. მოვლენები, მასთან რომ არავითარი დამოკიდებულება არ ჰქონდა — ქუჩიდან გაგონილი ხმა ან ზარი ღერეფანში — მის ყურადღებას იპყრობდა და ხელს უშლიდა მუშაობაში.

დღესაც საქმე გუშინდელივით დასრულდა: პერმა ავადმყოფური აღზნებით გადაწყვიტა, ჩემი პროექტი უვარგისიაო, სახეზე ხელები აიფარა და უიმედო სასოწარკვეთილებას მიეცა.

მაგრამ ამ დროს პროფესორი პფეფერკორნი გაახსენდა, ძალიან რომ დაინტერესდა მისით პერის გერმანიაში ყოფნის დროს.

თავის დროზე პფეფერკორნის თხოვნით პერმა გაუგზავნა თავისი იდეების წერილობითი შინაარსი. მადლიერმა პროფესორმა ვრცელი ბატონით უპასუხა. პერმა მოძებნა ის უსტარი ქალაქებში.

„...რაც შეეხება თქვენს ჰიდრაულიკურ მოტორს, ამაზე აზრი ძალიან ფრთხილად უნდა გამოვთქვა. თქვენ დაადექით მთლად უვეალ გზას და სავსებით ბუნებრივია, რომ პირველ ნაბიჯებს ჯერ კიდევ ვერ დგამთ შტაიკედ

თუმცა, მგონი, ჩვენი შეხვედრის დროს გითხარით, რომ ამერიკელებმა უკვე აწარმოეს რალაც ცდები ამ მიმართებით, და რომ ისინი მიისწრაფვიან ამ ჰემმარიტად დიდი და მაცდუნებელი მიზნის მისაღწევად — ადამიანის ნებას დაუმორჩილონ ოკეანის გამოუღვეელი ძალა. ის, რომ თქვენც გაგიტაცათ ასეთივე იდეამ, მხოლოდ პატივს გდებთ, მაგრამ შეუძლია თუ არა თქვენს მიერ არჩეულ გზას სასურველ მიზნამდე მიყვანა, ამაზე მე, როგორც ზემოთ უკვე გითხარით, ვდუმვარ; სამაგიეროდ, ქარის ძრავის რეგულირების სისტემის ყურადღებით გაცნობის შედეგად გაბედულად შემძლია ვთქვა, რომ ეს მეტისმეტად ბედნიერი აზრია. ბერკეტისა და საპირწონეს გამოყენების იდეა ძალიან მომწონს. თქვენს მიერ მითითებული საშუალებებიც ყოველმხრივ მოსაწონია. მაგრამ, ვფიქრობ, თავადაც არ მიგაჩნიათ, რომ უკვე შესძელით საბოლოო და უცვლელი გადაწყვეტა იმ დიდი და სერიოზული პრობლემათა, რომელსაც უდიდესი მნიშვნელობა აქვს წყლის ენერგიით ღარიბ ყველა ქვეყნისათვის და, პირველ რიგში — ვაკე რელიეფის მქონე ქვეყნებისთვის. ტექნიკის გარდა არც ერთი სხვა დარგისთვის ასე ზედგამოჭრილი არ არის ის წესი, რომ საბოლოო გამარჯვების მიღწევა შეიძლება მთელ რიგ პატარ-პატარა გაუმჯობესებათა შედეგად და თქვენ

ნამდვილად არ დაკმაყოფილებით მღწეულთ. მე მომავალშიც. თუკი პირობები შემიწყობს ხელს, ვაპირებ უდიდესი ინტერესით ვადევნო თვალყური თქვენს განვითარებას და ყველაზე მეტ იმედს ამავე დარგში თქვენს შემდგომ ცდათა შედეგებზე ვამყარებ. არაჩვეულებრივი ნიჭი რომ გაგაჩნიათ, თავადვე კარგად იცით და ბევრ რამეს მიაღწევთ განსაკუთრებით მაშინ, თუ შემდეგში საგნის მთლიანად აღქმის თქვენს იშვიათ უნარს დეტალში უფრო ღრმად ჩაწვდომასაც დაუმატებთ, რასაც ახალგაზრდობა უგულვებელყოფს ხოლმე და რაც სინამდვილეში ჰეშმარიტად ღრმა და სწორი დასკვნების საფუძველს წარმოადგენს. თუ მეხსიერება არ მალატობს, თქვენ მოგზაურობის დროს აპირებდით წველით ჩრდილოეთ ამერიკასაც. ამ აზრს მხოლოდ მივესალმები. უფრო მეტად იქ, ვიდრე სადმე სხვაგან, შესძლებთ წმინდა პრაქტიკული აზრით გაიმდიდროთ ცოდნა. მე მხედველობაში მაქვს არა მხოლოდ ტექნიკა, — ჩვენ ხომ ახალი სამყაროს მოსწავლენი გავხდით; მთელ რიგ სხვა დარგებშიც. ამ დიად აღმოჩენათა ქვეყანაში თქვენ უპირველეს ყოვლისა, მიხედვით, თვით უმნიშვნელო საშუალებათა შემწეობით როგორ შეიძლება მიაღწიოს ადამიანმა ბრწყინვალე შედეგებს“.

ძველი, თითქმის მივიწყებული წერილი...

მისი მიღება პერს თითქმის არც კი გახარებია — მაინცდამაინც მამებლად არ მოეჩვენა; სამაგიეროდ როგორ გაამხნევა ახლა! პერმა მაშინვე გადაწყვიტა, დაუყოვნებლივ აეხსნა ღუზა და თავისი საგანმანათლებლო მოგზაურობა განეგრძო. პერმა გადაწყვიტა თავისი საქმეები ხელახლა ივენისთვის მიენდო და მისთვის დაეკისრებინა ყველა და ყველანაირი მოლაპარაკებების წარმოება. პერი კი ამასობაში ჩუმად წავა, და ამჯერად პირდაპირ ამერიკაში, არ ღირს ხელახლა აპყვეს წარჩინებული საზოგადოების საცდუნებლებს.

სალამოს პერი სკოვაკენისკენ გაემართა, რათა ყველაფერზე მოლაპარაკებოდა იაკობას. პერი რომ მოვიდა, იაკობა ბაღში იყო. ქალი ხეივნის მახლობლად მზით განათებულ სკამზე იჯდა. ტერაპიდანვე მოესმა პერის ხმა, მაგრამ არც განძრეულა და არც კრინტი დაუძრავს, რათა თავისი იქ ყოფნა გაემყლავნებინა. როცა პერმა მოძებნა, იაკობამ მას საკოცნელად ლოყა მიუშვირა, თუმცა პერი ტუჩებს ეძებდა. იაკობას არ შეეძლო მადლობა გადაეხადა ყვავილებისათვის, პერმა რომ მოუტანა, — სწორედ იმიტომ, რომ პერი ასე აშკარად ელოდა მადლობას.

მთელი დღე იაკობამ თვლემით მძიმედ შეპყრობილი ადამიანებით გაატარა და ამაოდ ცდილობდა მომხდარი ამბის დავიწყებას. მას მუდამ უყვარდა სიცხადე, მაგრამ ახლა, პერის მიმართ, პირველად უღალატა საკუთარ თავს, განზრახ დახუჭა თვალი, რადგან სიმართლე ბედნიერების დამსხვრევას უქადდა. იმ ადამიანის მსგავსად, ტკბილი სიზმრის დროს რომ ეღვიძება და გვერდს იცვლის, რათა სიზმარი ბოლომდე ნახოს, იაკობა გამწარებით იტყუებდა თავს.

პერმა ვერ აიძულა თავი ეთქვა იაკობასთვის, რომ ისინი ისევ უნდა დაშორებულ იყვნენ. თვით გამგზავრების გადაწყვეტილებაც ადვილად არ უჯდებოდა. პერი დაღალა მოხეტიალე ცხოვრებამ, ხოლო იმის გამო, რომ უცხო ენებზე ლაპარაკი უჭირდა — მხოლოდ გერმანული იცოდა ასე თუ ისე — უფრო მეტად არ უნდოდა არსად წასვლა. თანაც, იაკობას დატოვებაც უმძიმდა, განსაკუთრებით ახლა, როცა ასეთ გულწრფელ დამოკიდებულებას მიაღწიეს ერთმანეთთან და ხელახლა მოიპოვეს ერთმანეთი. მაგრამ, რას იზამ, რახან საჭიროა, მაშასადამე უნდა წავიდეს.

თავდაპირველად პერი მეტად გართული იყო საკუთარი ფიქრებით და იაკობაში მომხდარი ცვლილება ვერ შენიშნა. მაგრამ, როცა მის გვერდით იჯდა და იმას ფიქრობდა, რანაირად ვაცნობო ფრთხილად ჩემი გადაწყვეტილებათ, თვალი მოჰკრა, რომ იაკობა სწრაფად იმენდდა ლოყას, თითქოს ბუხს იგერიებდა; პერს არ გამოპარვია, რომ ქალმა ცრემლი მოიწმინდა.

პერი თავზარდაცემული იყო. თავის დღეში არ ენახა იაკობას ცრემლი.

— ძვირფასო, — ჰკითხა მან, — რა მოგივიდა? მოხდა რამე თუ?

— არა, არა, არაფერი... უბრალოდ ნერვები ამეშალა, — უთხრა იაკობამ და მოიშორა მისი ხელი, რაკი პერმა მოხვევა დაუპირა.

— ავად ხომ არა ხარ?

— რა თქმა უნდა, არა. ხომ გითხარი, ყურადღების მიქცევად არ ღირს-მეთქი. მოდი, გავიაროთ. შემცივდა თითქოს.

პერი მაშინვე წამოვარდა (მისი თავაზიანობა დღეს პირდაპირ სტანჯავდა იაკობას) და ნელა გაჰყვინნა ნაპირს. მხოლოდ ახლა შენიშნა პერმა, როგორი ავადმყოფური და ნატანჯი შესახედაობა ჰქონდა იაკობას და თავის გადაწყვეტილებაზე ხელის აღება დააპირა.

უეცრად ამ დარდიან გუნებაზე პერს ბრწყინვალე თვალისმომკრელმა იდეამ გაუელვა თავში. როგორც ღრუბლებში გამოღწეულ ერთადერთი მზის სხივი ცვლის ირგვლივ ყველაფერს, ისე გაანათა ან აზრმა თვალისწამში მისი არსება. ხომ შეიძლება იაკობაც თან წაიყვანოს? დაუყოვნებლივ შეუღლდებიან და იაკობა ისე წაპყვება პერს. სულ არ დასჭირდება დაემალოს ან ღმერთს, ან ხალხს. რატომ ადრე ვერ მოიფიქრა ეს. მგზავრობის სიძნელეები, სასტუმროების აურზაური, მარტოობა — ყოველივე, რაც ასე აშინებდა — ახლა სიხარულს და ზეიმს პირდებოდა. პერმა გამოცდილებით იცოდა. რა უმაგალითო თანამგზავრი იქნებოდა იაკობა — უშიშარი, არამომთხოვნი, დედასავე: მზრუნველი და თანაც რამდენიმე უცხოურ ენაზე თავისუფლად მოლაპარაკე.

— იაკობა! იაკობა! — პერი ბალის ბილიკის შუა დადგა და ვიდრე ქალი მოახერხებდა და ხელს შეუშლიდა, მაგრად მოეხვია. მერე კი უამბო ყოველივე, რაც გუშინდელი დღის შემდეგ განიცადა და მოიფიქრა და რა გეგმებიც დაებადა მათი მომავლის შესახებ.

იაკობა დიღხანს ღუმდა პერის მხარზე თავდაყრდნობილი ბედნიერ ბურანში, ტუჩები და ლოყები მღელვარებისაგან გასთეთრებოდა. მან შესანიშნავად იცოდა, რომ არც სურდა და არც შეეძლო პერთან ერთად წასვლა. ამ მდგომარეობაში მყოფისათვის უგუნურობა იქნებოდა ასე შორს გამგზავრება. პერი ვარაუდობდა სულ ცოტა ნახევარწლით წასვლას, რადგან ამაზე მცირე ვადა უაზროდ ეჩვენებოდა. მაშასადამე, იაკობა მხოლოდ მძიმე ტვირთად უნდა დასწოლოდა.

— მაგრამ შენ არაფერს მპასუხობ, — უთხრა პერმა, თავიანთ საყვარელ ადგილას რომ გავიდნენ წყალთან, საიდანაც მოჩანდა ზუნდიც და მზით განათებული შვედეთის ნაპირიც. — არ მოგწონს ჩემი წინადადება?

— არც კი ვიცი, რა გითხრა, — მიუგო იაკობამ. ქალი წინ წახრილი იჯდა, განზე იყურებოდა და ცალ ხელზე დაყრდნობილიყო — მეორეს პერი არ უშვებდა ხელიდან. — მე მესმის, რომ შენ აუცილებლად უნდა წახვიდე. თავადაც ვფიქრობდი ამაზე... და მაინც, ძვირფასო, ატლანტის ოკეანის გავლა მე არ შემიძლია!

— მერე რატომ? რაკი მე შენთან ვარ, სრულიად დამშვიდებულად უნდა იყო. მე ძალიან ვიზრუნებ შენზე. იქნებ უბრალოდ ზღვაზე მოგზაურობის გეშინია?

— ჰო, ესეც არის. ასე, რომ უმჯობესია შინ დავრჩე და დავგლოდო. მაგრამ თუ საჭიროდ მიგაჩნია შენს წასვლამდე ჩვენი შეუღლება, ამაზე თანახმა ვარ. ეს გონივრული იქნება სხვადასხვა გარემოებათა გამო.

— და ვერც კი მოვასწრებთ წესიერად ცოლ-ქმარი გავხდეთ, რომ ისევ უნდა დავშორდეთ? ხომ არ ხუმრობ? ეს საშინლად გულქვეა საქციელი იქნებოდა. მე პირდაპირ ვერა გცნობ, იაკობა. საიდან მოგდის ასეთი აზრები? შენ არ შეგიძლია ასე იფიქრო, ხომ მართალს ვამბობ?

ქალმა მდუმარედ დაუქნია თავი.

— მე არა მჭერა შენი, იაკობა. ამ ბოლო დროს ძალიან უცნაური გახდი. რას მიმაღავე?

— არაფერს, ჩემო მეგობარო, — მიუგო ქალმა და პერის ხელს აღელვებით მოუჭირა ხელი. ახლა უფრო არ შეეძლო იაკობას სიმართლის გამხელა, ვიდრე ოდესმე. პერის ხასიათის თაობაზე ილუზიებს ველარ აგებდა და შიშობდა, რომ თუ პერი მის მდგომარეობას გაიგებდა, დაუყოვნებლივ გადადებდა ამ მოგზაურობას ამ საბაბით და იქნებ სულაც უარი ეთქვა. ამის მიზეზი რომ თვითონ ყოფილიყო, ეს იაკობას არ უნდოდა. ქალს შესანიშნავად ესმოდა, რა ღიად მნიშვნელოვანი იყო პერისთვის ამერიკაში გამგზავრება და ეს იაკობას ახლა ყველაფერზე მეტად აინტერესებდა. წინათ მას შეეძლო მხოლოდ მისი სიყვარულით დაკმაყოფილებულიყო, ახლა კი აღარ ელოდა, რომ პერის სიყვარული სრულ ბედნიერებას მიანიჭებდა და უნებლიედ სხვა რამეში ეძებდა ამის საზღაურს იმ ზომით, რა ზომითაც იკლო მისმა სიყვარულმა.

— მომისმინე. — შეაწყვეტინა ბოლოს ქალმა პერს, ჯერ კიდევ რომ ცდილობდა მის დათანხმებას. — მე სხვა აზრი მაქვს. შენ შეგიძლია წახვიდე ინგლისის გავლით, მაშინ მეც წამოგყვები. ერთ კვირას ლონდონში გავატარებთ, ერთ კვირას სადმე სოფელში ან სანაპიროზე ლივერპულში კი დავშორდებით ერთმანეთს. აბა, რას იტყვი ამაზე?

— ცხადია, სულ არაარაობას ესა სჯობს. იმედი ვიქონიოთ, რომ ლივერპულამდე გონს მოხვალ.

— ნუ გექნება მაგის იმედი. და პირველ რიგში ისევ შენი გულისთვის! იმაზედაც იფიქრე, რომ როცა დაბრუნდები, ჩვენ სასტუმროში ველარ ვიცხოვრებთ. საკუთარი ბინა უნდა შევიძინოთ. ამაზე კი მე უნდა ვიფაციფუტო შენს ჩამოსვლამდე.

— კი, ეს გონივრულია. შენ მართალი ხარ, იაკობა, მართალი; რო-

გორც ყოველთვის. ჩემო საყვარელო მეგობარო, მე წინასწარ მიხარია ჩემი დაბრუნებას.. რა სასიხარულოა, ჩვენი სახლი რომ გვექნება... დაე, ნუ იქნება ძალიან მდიდრული, ხომ მართალია? სადმე ქალაქს გარეთ, ბუნების წილში, ტყესა და სანაპიროს რომ გადასცქეროდეს. როგორ მოგწონს? ჩვენ ორნი ვიქნებით იქ, მხოლოდ ჩვენ ორნი!

გრძნობამორეულმა პერმა ხელახლა მიიზიდა იაკობა, ქალმა კი ვაჟის მხარზე დახარა თავი და თვალები დახუჭა.

— შეხედე, — განაგრძო პერმა, — არსებითად, რა აჩარაობა და უმნიშვნელოა ყოველივე იმ სიკეთესთან შედარებით, ასე ვთქვათ, ყველასათვის რომ საერთოა — ღარიბებისთვისაც და მდიდრებისთვისაც — და რომლებიც ყოფიერებიდან თავისთავად ისევე აღმოცენდებიან, როგორც ნაყოფი ხეზე. არა, ფასეულობათა განაწილებაში რაღაც აშკარად ვერ არის რიგზე თანამედროვე საზოგადოებაშიც კი. კიდევ კარგი, რომ დროზე მივხვდი ამას, თორემ სულ მთლად ჭანჭრობაში ჩავიფლობოდი.

იაკობა ისევ აღელდა. თუმცა პერი არსებითად მის საკუთარ სიტყვებს იმეორებდა — უფრო სწორად, სწორედ იმიტომ, რომ ქალი ოდესღაც ოცნებობდა, ეს სიტყვები პერის პირიდან მოესმინა, — ახლა შეშინდა. ამ ხნის განმავლობაში იაკობა თვითონაც ძალიან გამოიცვალა. ყველაზე მეტად მას ამ ბოლო დროს ეგრეთ წოდებულ „სასიცოცხლო ფასეულობებზე“ შეეცვალა შეხედულებანი.

— მე მგონია, არასწორად აფასებ გარემოებას, — უთხრა იაკობამ და ხმაში უჩვეულო სიმკაცრე დაეტყუა.

— მაშ კარგად მიმოიხედე ირგვლივ და მერე შეეცადე დაამტკიცო. რომ ანგარება, დიდებისმოყვარულობა, სისასტიკე, უფლებისმოყვარეობა არ წარმოადგენენ ისეთივე ქვაკუთხედებს, როგორც წინათ.

— რად არ უნდა იყვნენ ისინი ქვაკუთხედები?

— შენ მეკითხები, რატომ?

— დიახ, სწორედ რომ რატომ? თუკი მსგავსი თვისებები შეადგენენ იმ მამოძრავებელ ძალებს, კაცობრიობა რომ წინ მიჰყავს? ამიტომაც არ უნდა განვსაჯოთ ისინი ისე მკაცრად, როგორც ჩვენ გვსურს.

პერმა გაიცინა. მან იაკობას სიტყვები ხუმრობად ჩათვალა.

— ხომ არ გგონია, რომ ისინი ქების ღირსნი არიან?

— არ ვიცი, არ ვიცი. მაგრამ მხოლოდ მათზე ხომ არ არის დამოკიდებული კაცობრიობის სიკეთე?

მხოლოდ ახლა მიხვდა პერი ქალის ტონის მიხედვით, რომ იაკობამას სერიოზულად ამბობდა. მაგრამ არ უნდოდა იაკობასთან ჩხუბი მოსვლოდა და ამიტომ ყველაფერი ხუმრობაში ჩაატარა.

— რაც არ უნდა ვთქვა, დღეს შენ აუცილებლად საწინააღმდეგოს მეტყვი, თუნდაც ისე არ ფიქრობდე.

იაკობა გაჩუმდა, არც მას სურდა კამათის გაგრძელება.

ვამგზავრების გეგმები დააწყეს და მარშრუტიც განიხილეს.

* * *

ომი, მაქს ბერნარდი რომ დიურინგის გაზეთის „ბორგერბლადეტის“ მხარდაჭერით კოპენჰაგენის ღია პორტის მომხრეთა წინააღმდეგ ეწეოდა, ამ დღეებში ყველასათვის მოულოდნელად დამთავრდა. ბერნარდმა შესძლო თავისი მტრების წონასწორობიდან გამოყვანა. მართლაც, მათ მეტად სარისკო საქმე წამოიწყეს, რომელიც დიდ დაბანდებებს მოითხოვდა, ხოლო „ბორგერბლადეტის“ ავტორიტეტი ბირჟის საქმოსნებს შორის, თუმცა ამას არავინ მოელოდა, ახალი რედაქტორის ხელში დღითიდღე იზრდებოდა. სხვა გაზეთებიც, ასე თუ ისე მაქს ბერნარდის ქვეშევრდომები, მთელი ძალით ცდილობდნენ მათი იდეებისადმი უნდობლობა დაეთესათ. რათა საბოლოო დამარცხება არ განეცადათ სააქციონერო საზოგადოების მომავალ დამფუძნებელ კრებებზე, მსხვილმა საქმოსნებმა გადაწყვიტეს თავიანი ეცათ საქულველი ადვოკატისთვის და გამგეობაში მისთვის პოსტი შეეთავაზებინათ.

სწორედ ასეთი გამოსავლისკენ იყო მიმართული მაქს ბერნარდის მთელი ტაქტიკა, ამიტომაც მან თვალის დაუხამხამებლად მიიღო პოსტინი დღეებში შემდგარ ჭაიუბილეო ბანკეტზე მაქს ბერნარდი საზეიმოდ შეურიგდა თავის ძველ მტერს, ბანკის ოდესღაც ყოვლისშემძლე დირექტორს. ეს ამბავი საჯაროდ მოხდა, რაკი დირექტორმა დემონსტრაციულად მოითხოვა, რომ მაქს ბერნარდს პატივი დაედო მისთვის და მასთან ერთად დაეღია, — ამ ღირსშესანიშნავი მოვლენის თაობაზე მეორე დღეს დაწერილებით იუწყებოდა ქალაქის ყველა გაზეთი, ხოლო „ბორგერბლადეტმა“ ასეთი სათაურიანი სტატიაც კი მოათავსა: „ისტორიული მომენტი“.

მიღწეულ გამარჯვებას მაქს ბერნარდისთვის უდიდესი მნიშვნელობა ჰქონდა. მან მოახერხა ერთხელ და სამუდამოდ დაემტკიცებინა საზო-

გადოებისთვის, რომ ვერსად ვერ შეეღწევიან, რომ უმსხვილესი ბირჟის საქმოსნები ნაბიჯსაც ვერ გადადგამენ მისი მხარდაჭერის გარეშე. ივენს კინალამ გული წაუვიდა, გასაშტერებელი ახალი ამბავი რომ გაიგო. მან გადაწყვიტა, ახლა პერის ჩანაფიქრების განხორციელების ყოველგვარი იმედი კარგახნით დაკარგულიაო. გამძვინვარებული ივენის ისტერიულად გაჰყვიროდა, გამცემლები და მოფარებულში ჩამსხდარი პეკლელები არიანო.

პერი მხოლოდ მხრებს იჩიჩდა.

— ხომ გეუბნებოდი, — უთხრა მან იაკობას. ქალსაც აწუხებდა საქმის ასეთი შემობრუნება. — ახლა ხომ ნათელია შენთვის, რომ შენი ბატონი მაქსი მეტისმეტად გაიძვერა და მე უბრალოდ ბედმა შემიბრალა, რომ ამ სუბიექტის ანკესზე არ წამოვეგე, თორემ გასულელებული დავრჩებოდი... არა, არა, კიდევ ერთხელ ვამტყიცებ, რომ ძლიერი მოძრაობაა საჭირო, რათა ეს მღრღნელები საზოგადოებრივი ცხოვრებიდან ამოიფხვრან. თუ არა და თვით მცნება პატიოსნება წაიბილწება.

იაკობას შეაუჩუოლა, მაგრამ არ შეპასუხებია. ძველი კამათის განახლებას ჯერ აზრი არ ჰქონდა. მთელ იმედს ქალი ახლა პერის ამერიკაში წასვლაზე ამყარებდა, გარდა ამისა, ის ცდილობდა თავი შეეკავებინა და არ ყოფილიყო პერისადმი კრიტიკულ დამოკიდებულებაში, რაკი მტკიცედ გადაწყვიტა, წინანდებურად ჰყვარებოდა იგი.

მაგრამ ძალიან მალე გამოიჩვენა, რომ ივენი მეტისმეტად პირქუშად უყურებდა მომავალს. მაქს ბერნარდის ახალმა გამარჯვებამ დიდი გამოცოცხლება გამოიწვია მის მოშურნეთა და ფარულ მტრებს შორის. ამათ შორის უკანასკნელი ადგილი არ ეკავა მიწათმფლობელ ნერეხაევს, ვისაც მიაჩნდა, ბერნარდმა გამოიდაო. ადვოკატ ზასელაგერის მსგავსად ის უცებ ძალზე დაინტერესდა პერის პროექტით; ამ ორს თავისი ინიციატივით ულაპარაკოდ შეუერთდა ბერეგრავიც.

სამართლიანობის გრძობამ და პატრიოტიზმმა მოხუცში წყენას სძლია. ებრაელებისადმი ძველი სიძულვილი კვლავ აენტო მასში, რადგან ძველი მებრძოლესთვის ნაციონალიზმი მეორე რელიგიად იქცა. ყოველი ებრაელი, აქ დაბადებულიც კი, მას ნახევრად ასიმილირებულ გერმანულად ეჩვენებოდა, ვინც ფარული სიმშათით იყო განწყობილი დანიის ძველისძველ მტრისადმი. პოლკოვნიკი ღრმად დარწმუნებული იყო — თუმცა, არც თუ უსაფუძვლოდ, — რომ კომუნისტებში ებრაული წარმოშობის ყველა ბითუმად მოვაჭრენი გერმანულ ფირმათა აგენტები

არჩან და რომ სწორედ ჰამბურგისა და ბერლინის ებრაული ბანკების ფულებით მოხდა დედაქალაქის გარდაქმნა არქიტექტურის უკანასკნელი სიტყვის მიხედვით. გერმანიის მილიონებმა. პროვინციამდე შეაღწიეს, შეიჭრნენ მდიდარ გლეხთა მეურნეობებში და აქედან, შიგნიდან, ფარული გზებით აგრძელებენ ზარბაზნების დახმარებით დაწყებულ დაპყრობას ქვეყნისა. ამიტომაც პერის პროექტში მას განსაკუთრებით ის გარემოება იზიდავდა, რომ აღნიშნული პროექტი, უპირველეს ყოვლისა, წარმოადგენდა იმის მტკიცების ცდას, რომ დანია თავისი ძლიერი მეზობლისაგან ეკონომიურად დამოუკიდებელი ქვეყანაა, მაშინ, როცა კოპენჰაგენის პორტს, რომელსაც ვიწრო და წვრილი ფარვატერი გააჩნია, არაფრით, მისი აზრით, არ შეუძლია ყველა ერთა გემების მიზიდვა.

აი, რატომ გადაწყვიტა ბერეგრავმა, თავად გადაედგა პირველი ნაბიჯები შერიგებისაკენ. მას უნდოდა დაევიწყებინა ძველი ანგარიშები, ხოლო ქედმაღლობამ, პერმა რომ უკანასკნელი შეხვედრისას, ერთ წლის წინათ გამოიჩინა, მხოლოდ შეაგულიანა პოლკოვნიკი. მან ირწმუნა, რომ სწორედ პერი იყო მოწოდებული სამშობლოს მხსნელად და თავისებური რელიგიური გულის აჩვილებაც კი იგრძნო იმ აზრის გველებსას, რომ ამ ყმაწვილი კაცის წინასწარმეტყველება ახლა ზედმეწვენით აღსრულდებოდა.

ამ დროს პერი სასტუმროში იყო და გასამგზავრებლად ემზადებოდა. ის განუწყვეტილვ მუშაობდა ნახაზებზეც. იმედოვნებდა, რომ მოასწრებდა ყველაზე უფრო აუცილებელ შესწორებათა შეტანას ნავსადგურის პროექტში მაინც და ამიტომ ძალას არ იზოგავდა. უთენია დგებოდა და თითქმის მთელი დღე შინიდან არ გამოდიოდა. მაგრამ აზრის წინანდელ აღმაფრენას უკვე ვეღარ გრძნობდა. სამუშაო ძლივს დაწელა მიიწვედა წინ. ოღნავი ხმაურიც რომ გაეგონა დერეფნიდან ამ მოედნიდან, ვეღარ მუშაობდა.

ზოგჯერ ლოგარითმების ცხრილის მაგიერ ხელში რაიმე ისტორიული, ან პოპულარული ბროშურა მოხვდებოდა ხოლმე თავისი დრეზაკის ბიბლიოთეკიდან — წიგნები არეული ჰქონდა საწერ მაგიდაზე. პერი ვერ უძლებდა ცდუნებას და იწყებდა ბროშურის გადაფურცვლას. საქმე იმით მთავრდებოდა, რომ პერი ეფლობოდა გარეშე საკითხავ წიგნში, არაფერი საერთო რომ არ ჰქონდა მის პროექტთან. ამაში მას არც ქუ-

ჩის ხმაური უშლიდა ხელს, არც ზარის ხმა, დერეფნიდან რომ მოდი-
ოდა. პერი ვერ ამჩნევდა, როგორ გადიოდა დრო, წიგნში ცხვირჩაყო-
ფილი საათობით იჯდა თავაუწყევლად.

• • •

ერთხელ, დილის ცხრა საათისთვის, პერი თავის საწერ მაგიდას რომ
უჯდა, კარზე დაუკაკუნეს. პერმა მაშინვე იცნო ივენის დაკაკუნება და
საჩქაროდ ქალაღდებს ქვეშ დამალა წიგნი, მის მოსვლამდე რომ
კითხულობდა. პერი ისევ გაიტაცა დრეზაკში ნაყიღმა ერთ-ერთმა პრო-
შურამ. ცოლისძმა რომ ოთახში შემოვარდა, პერი სკამის ზურგზე გადა-
წოლილი იჯდა და დარცხვენით იღიმებოდა იმ კაცივით, ვინც უეტრად
გამოიჭირეს იღუმალ ნაკლში.

— აბა, რა არის ახალი? — ასეთი სიტყვებით შეხვდა ივენს პერი.

— მორიგი მაქინაციები! პირველი კლასის მატყუარობა! აი, ნახე:
ამ სიტყვებით ივენმა პორტფელიდან ამოიღო (ეს პორტფელი თან-
დათან თავისი პატრონის განუყოფელ ნაწილად იქცა) ქალაქის ერთ-
ერთი ნაკლებად მნიშვნელოვანი გაზეთის ახალი ნომერი.

— აი დატკბი!

სათაურით „ახალი ქვეყანა“ გაზეთს მოეთავსებინა ვრცელი მოწი-
ნავე წერილი დანიის ნაოსნობის შესახებ. გაზეთის სიტყვით, მოწინავე
წარმოდგენდა ამონაკრებს ვინმე ინჟინერ სტეინერის სტატიათაგან,
რომლებიც ადრე გამოქვეყნებული იყო პროვინციულ პრესაში და
ედღვნებოდა პროექტის განხილვას, რომლისთვისაც დაბეჭდვით და-
ერკმმათ „სტეინერის პროექტი“, მაშინ როდესაც სინამდვილეში ეს
პროექტი, თუ არ ჩავთვლით რამდენიმე, სრულიად უმნიშვნელო ცვლი-
ლებას, თავიდან ბოლომდე პერს ეკუთვნოდა.

— აბა, რას იტყვი? — ჰკითხა ივენმა და პერს შეხვდა; პერს კითხ-
ვის დროს ფერი დაეკარგა. — ეს ხომ ნამდვილი ძარცვაა! იცნობ ამ
კაცს?

პერმა თავი გააქნია.

— დაუცოვნებლივ უნდა გავიგოთ, ვინ არის, — განაგრძო ივენმა. —
შენ რას აპირებ?

— არაფერს, — მიუგო პერმა წუთიერი ფიქრის შემდეგ და გაზეთი
დაუბრუნა.

— როგორ თუ არაფერს? ჩვენ უნდა გავაუფლებლოთ ეს კაცი. შენ თავი უნდა დაიცვა. შენი უფლებები უნდა შეინარჩუნო.

— თავი დავიცვა? — შეეკითხა პერი და ბრაზით წამოენთო.

— დიახ, დიახ, მაპატიე ასე რომ ვამბობ, მაგრამ შენ უფლება არა ჰქვას ასე განუსჯელად მოეკიდო საქმეს. ეს საშიშია შენთვის. ნუ გავიწყდება, რომ ბევრი მტერი და მოშურნე გყავს, ვისაც მხოლოდ გაახარებს შენი უკანა პლანზე გადაყენება და იმ ადამიანის წამოწევა, ვინც შენი შრომითა და გენიოსობით მოპოვებულ დიდებას მოიმკის.

— არ ღირს! ჩემი თავიდან მოშორება ასე ადვილი არ არის... ასეც რომ მოხდეს, არაუშავს! — ბოლო წინადადება პერმა დაუმატა იმ განწყობილების გავლენით, რომლიდანაც ივენის მოსვლამ გამოიყვანა და ჩრდილმა გადაუარა სახეზე. — მე უკვე მომბეზრდა ამდენნაირ ბრბოსთან ბრძოლა. თუ მუდამ ბრბოსთან გექნება საქმე, ძალაუფლებურად კაცი საკუთარ თავს შეეკითხები, ღირს კი ამად? ჰო, მართლა, ბარემ სხვა რამეზე ვილაპარაკოთ: იცა თუ არა, რომ მე და შენმა დამ გადავწყვიტეთ სულ მალე დავქორწინდეთ?

— ჰო, დედა და მამა კი ამბობდნენ რაღაცას.

— პატიოსნურად რომ გამოგიტყდე, ეს ამბავი ახლა უფრო მეტად მაინტერესებს, ვიდრე მთელი ქვეყნის ყველა გაზეთის ლაყბობა ერთად აღებული. რაკი აქა ხარ, ბარემ მითხარი: ხომ არ იცი, ზუსტად რა ქალღებები და საბუთები უნდა გაფორმდეს, რათა კაცი დაქორწინდეს?

— ნუთუ არაფერი მოგიმზადებია ჯერ? მე კი მეგონა...

— შევცდი, რა თქმა უნდა. დამავიწყდა... უფრო სწორად, — შენ დაგავიწყდა. — მე, ხომ იცი, არ შემიძლია ყველა მოხელესთან ლაპარაკი, ისინი ისე იწვევენ ცხვირს, რომ მოთმინებას ვკარგავ და ყველგან ჩხუბს ვტეხ. ხომ არ იქნები ისეთი თავაზიანი, რომ, რაც საჭიროა ყველაფერი გააკეთო ჩემს მაგიერ? მე, მაგალითად ვიცი, რომ მაგისტრატის რომელიღაც განყოფილებას უნდა მიმართოს კაცმა და უექველად რაღაც ოფიციალური განცხადებაც დაწეროს. ერთი სიტყვით — მთელი ამბავია.

ივენი უკვე დაჩვეული იყო პერის ხელზე მოსამსახურეობას, ამიტომაც ბევრი არ უფიქრია, თხოვნაზე დაეთანხმა. სამაგიეროდ ფიცის პირობა ჩამოართვა, რომ თვალს მიაღვენებდა სტენინერს და მიიღებდა გადაწყვეტ ზომებს, თუ ვინმე საჯაროდ ერთხელ მაინც უწოდებდა ამ საექვო ბატონს პროექტის ავტორს.

მან უკვე ამოიჩარა ილიაში თავისი პორტფელი და კარის სახელურს ხელი წაავლო, მაგრამ ეკლავ მოუბრუნდა პერს, წინანდებურად საწერ მაგიდას რომ უჯდა და უთხრა:

— ჰო, აი კიდევ რა... მითხარი გეთაყვა, თქვენს ოჯახში ხომ არავის ერქვა ქრისტიანა-მარგარეტა? პასტორის ქვრივს?

პერი შეერთა. ასე ერქვა დედამისს.

— არა, — დაბნეულად მიუგო მან — რად მეკითხები?

— ისე, — უპასუხა შემკრთალმა ივენმა. ივენი მუდამ დარცხვენით ელაპარაკებოდა პერს თავის ოჯახზე. — შემთხვევით წაეკითხე „ბერლინგსკე ტიდენდში“ სიკვდილის განცხადება და გვარი სიდენიუსი. აბა, კარგად იყავი. დღისით შეეხვდებით.

პერი ივენის წასვლის შემდეგ რამდენიმე წუთს გაუნძრევლად იჯდა. როცა ბოლოს წამოდგა და ელექტრონის ზარს მისწვდა, თვალთ დაუბნელდა. ამავე დროს სინანულის გრძნობა სტანჯავდა. ესლა აკლდა და სწორედ ახლა!.. ბედი რომ არ გწყალობს კაცს, რა უნდა ქნა!

— მომიტანეთ, გეთაყვა, „ბერლინგსკე ტიდენდის“ დილის გამოშვება, — უთხრა პერმა შემოსულ მოსამსახურე ქალს.

როცა გაზეთი გაშალა და განცხადებათა გრძელ სვეტში შავი ასოებით დაბეჭდილი დედის სახელი წაიკითხა, სახე გაუფითრდა. გაზეთში ეწერა:

„ჩვენმა ძვირფასმა დედამ. ქრისტიანა-მარგარეტა სიდენიუსმა, პასტორ იოჰან სიდენიუსის ქვრივმა, დღეს განისვენა“.

განცხადებას ჰქონდა ხელმოწერა: „დაობლებული შვილები“. ამ სიტყვებს მიაშტერდა პერი. მანამ თვალი არ აუჭრელდა და ასოები არ დაენისლა.

სულ რამდენიმე დღის უკან, ღამით, ის დედის ბინის ფანჯრებს ქვემოთ იღგა; ტანში გააურეოლა იმის გაფიქრებაზე, რომ შესაძლოა, სწორედ იმ ღამით ებრძოდა დედა სიკვდილს. პერმა ხომ დაინახა, რომ სინათლე ენთო და ფანჯრებს იქით ჩრდილები მოძრაობდა.

„კარგი, რაც არის, არის, მაგრამ რა მნიშვნელობა ჰქონდა, კიდევაც რომ შევსულიყავი იქ?“ — ცდილობდა პერი თავისი თავის ნუგეშისცემას. ნამდვილ შერიგებაზე ლაპარაკიც არ შეიძლებოდა, თუ იმ დათმობებზე აღარაფერს ვიტყვით, დედას რომ დაამშვიდებდნენ. იქნებ, უკეთესიც არის, დედას რომ სამოგზაუროდ წასული ეგონა; იქნებ პერისთვისაც ჯობდა, რომ არ იცოდა, რა მდგომარეობაში იყო მშობელი.

ვინ იცის, იქნებ დედის დასამშვიდებლად ყალბი სცენაც გაეთამაშა მის წინაშე, მერე კი ამის მოგონებაზე მულამ სირცხვილი უნდა ეგრძნო. საწყალი დედა! ის ცხოვრების მიერ დაშინებულ ადამიანთა რიცხვს ეკუთვნოდა. ბევრი წელი გაატარა ლოგინზე მიჯაჭვულმა ბნელ ოთახში და ამ წლების განმავლობაში მთლად მზრუნველობად და სევდად იქცა. სიკვდილი ალბათ ნამდვილად ხსნად ეჩვენებოდა.

აზრები რომ კარგად მოეკრიბა, პერმა ოთახში ბოლთის ცემა დაიწყო, არ გახლდათ შეჩვეული ძლიერ მღელვარებას და ინსტინქტურად ეშინოდა მისი. მერე იაკობა გაახსენდა, დანიშნულ დროისთვის სკოვაკენში რომ ელოდა. რა ექნა? პერი გრძნობდა, რომ ვერ შესძლებდა იქ მშვიდად ჯდომას და საუბარს მომავალ მოგზაურობაზე ან სხვა რაიმე საქმეზე; თანაც, სინდისის ქენჯნაც აწუხებდა: პერს ხომ აქამდე არც უთქვამს იაკობასთვის, რომ მისი ოჯახი აქ გადმოსახლებულიყო. პერი მაგიდას მიუჯდა და ნაჩქარევად მისწერა იაკობას რამდენიმე სტრიქონი. სთხოვდა, ნუ დამელოდებიო, მოუცლევლობა მოიმინებზა, როგორც უფრო ყურადსაღები საბაბი. ბოლოს მიაწერა, „ბერლინგსკე ტიდენდედან“ შევიტყვე, დედაჩემი კოპენჰაგენში გარდაცვლილაო.

მერე პერმა მოსამსახურე ქალი იხმო და სთხოვა წერილი შეკრიკის ხელით გაეგზავნა. მერე კვლავ აიტანა მოუსვენრობამ. რამდენჯერმე მიუჯდა მაგიდას, ცდილობდა ემუშავა, მაგრამ ისევ წამოდგა. ერთ ადგილას ვერ გაჩერებულყო, ხოლო ციფრები და გაანგარიშებიანი თავში სულ არ შესდიოდა. თუმცა ხელისგულებს იპერდა თავზე, ცდილობდა მთელი ყურადღება სამუშაოზე გადაეტანა, მაგრამ მისი ფიქრები მხოლოდ ერთსა და იმავეს დასტრიალებდა გარს: დედის სახეს, ბავშვობის მოგონებებს, მწარე გრძნობას იმისას, რომ ჩადენილ დანაშაულს ველარ გამოასწორებდა — ახლა ველარაფერს გაიგებდა დედის უკანასკნელი დღეების შესახებ. ბოლოს ძალიან მოუნდა ელაპარაკა ვინმესთან, ვინც დედამისს იცნობდა.

პერმა მიატოვა სამუშაო, ჩაიცვა, ქუჩაში გამოვიდა და პირველსავე რესტორანში ისაუზმა. მერე შეიარა ქალაქის პარკში, რათა ხალხში ცოტა გული გადაეყოლებინა და სამხედრო ორკესტრისთვის მოესმინა.

როცა სეირნობიდან საღამოთი შინ დაბრუნდა, აცნობეს, ვილაც ქალი გიცდისო. სისხლმა ტალღასავით გადაუარა გულზე: პირველად გაიფიქრა, ალბათ ერთერთმა დამ რაიმე გზით გაიგო ჩემი დაბრუნება.

შეიტყო მისამართი და მოვიდა, რათა დედის სიკვდილის ამბავი მაცნობოსო.

სულაც არ მოსვლია აზრად, თუ იაკობა მოვიდოდა. პერის ფიქრები მისგან შორს იყო და კიდევაც გაბრაზდა, როცა თავის ოთახში შევიდა და მის შესახებდრად ფანჯარასთან მდგარ სკამიდან იაკობა წამოდგა.

გაოცება და გულგატეხილობა ისე ნათლად ეხატებოდა პერს სახეზე, რომ არ შეიძლებოდა იაკობას არ შეემჩნია. მაგრამ ქალი მზად იყო არაალერსიანი მიღებისათვის. კარგად იცნობდა პერს. წინათაც უნახავს აღრენილი, უხეშობით იცავდა მუღამ თავს, გულზე ბოღმა რომ შე-
მოაწვეებოდა.

ქალმა ისიც იცოდა, რა მოქნილობა უნდა გამოეჩინა, საიდან უნდ-
მოეარა, რომ პერი მინდობოდა, რამდენად ძნელი იყო თვით იაკობას-
თვისაც, აეძულებინა პერი, გული გადაეშალა მისთვის, როცა საქმე მის ოჯახს ეხებოდა. იაკობას არაფერი სწყენია, პერთან მივიდა, ორივე ხე-
ლით მოიზიდა მისი თავი და შუბლზე აკოცა.

— გამიგონე, შენი წერილი რომ მივიღე, შინ ველარ გავჩერდო. უეჭველად უნდა მენახე. ძვირფასო, რა კარგად მესმის შენი მწუხარებ-
ბა.

პერმა უნდობლად გახედა მას და რალაც ჩაიბურღლუნა იმის თაობა-
ზე, რომ მისთვის დედა ღიღი ხანია მოკვდა და, მაშასადამე, არსებითად არაფერი შეცვლილა.

— არა, ძვირფასო, ასე იმიტომ ამბობენ, რომ თავი ინუგეშონ. მე კი კარგად მესმის, რაც დაკარგე. რა საჭიროა ამის დამალვა?.. წარმო-
გიდგენია, დედაშენი აქ ცხოვრობდა, კოპენჰაგენში! შენ კი ამის შესა-
ხებ არაფერი გითქვამს! ახ, პერ, პერ, ნუთუ ახლაც უნდა დამიძალო რაი-
მე, როცა ჩვენ ყველაზე მეტად ვჭირდებით ერთმანეთს? თუ, იქნებ.
თავადაც არ იცოდი?

პერმა თავი გაინთავისუფლა იაკობას ხელებიდან და უპასუხა, ყო-
ველთვის ვაპირებდი შენთვის მომეყოლა, მაგრამ როცა კი შევხვდით,
ლაპარაკი სულ სხვა რამეზე გვქონდა ხოლმე, ხოლო მერე მავიწყდებო-
დო.

— მაშ მოდი, ახლა მოვილაპარაკოთ, — უთხრა იაკობამ. — მხოლოდ-
ჯერ დავსხდეთ. ბევრი რამ მაქვს შენთვის საკითხავი.

ქალმა წამოსასხხამი მოიხადა, შლიაპა და ხელთათმანები გვერდზე.
გადადო.

— შენ იცოდი, რომ დედა ავად იყო?

— არაფერი არ ვიცოდი. ჯანმრთელობა კარგა ხანია შერყეული ჰქონდა.

— მერე, არ ეძებდი მას, ან არ ნახულობდი რომელიმე და-ძმას? — ჰკითხა იაკობამ და სავარძლის კუთხეში მიყუყულმა გამომცდელი თვალით შეხედა.

— არა, — მიუგო პერმა და აკანკალებული ხელებით მისი წამოსასხამი კარის წირთლზე ჩამოჰკიდა.

— მაშ როგორ გაიგე, რომ კოპენჰაგენში გადმობარგებულან?

— შემთხვევით წავიკითხე გაზეთში განცხადება იმის შესახებ, რომ ჩემი და მუსიკის გაკვეთილებს აძლევდა. საერთოდ კი ამაზე ლაპარაკი მამის გარდაცვალებისთანავე იყო. მათ უნდოდათ გადმოსულიყვნენ უმცროსი ძმების გამო, რომელთაც აქ სამუშაო იშოვნეს.

პერი სკამზე იაკობასაგან ცოტა მოშორებით ჩამოჯდა. იაკობა ლოყით სახეზე დაეყრდნო და ჩაფიქრებული პირდაპირ იყურებოდა.

მერე ჰკითხა:

— იცი რა? რომ მცოდნოდა დედაშენი ჩემთან ახლოს ცხოვრობდა, უსათუოდ წავიდოდი მის სანახავად. განსაკუთრებით მოგზაურობიდან დაბრუნების შემდეგ, როცა აუტანელ ხიმარტოვეს ვგრძნობდი და ძლიერ მიწოდოდა მეპოვა ადამიანი, ვისთანაც გულს გავიქარებდი შენზე ლაპარაკით. როგორ ფიქრობ, მიმიღებდა?

— არ ვიცი.

— კი, რა თქმა უნდა, მიმიღებდა. მე დარწმუნებული ვარ ამაში... და მჯერა, რომ გავგიგებდა კიდეც.

— ხომ არ დაგავიწყდა, ებერხარდიც რომ ამავე განზრახვით ინახულეს? მერე, გულგატეხილობის მეტი აბა რა მიიღე.

იაკობას მაშინვე არ უპასუხია. იმიტომ კი არა, რომ დაავიწყდა თავისი ვიზიტი ებერხარდთან. მყუდროებას მოკლებულ, აშშ-ში მყოფ და ცარიელ კანტორაში გადატანილი უსიამოვნო სცენა ამ ბოლო დროს ხშირად ახსენდებოდა და აწუხებდა, რადგან უფრო და უფრო ხშირად ამჩნევდა, რომ პერი ძმას ჰვავდა.

— ძმები და დები — სულ სხვა საქმეა, — თქვა მან და უშბლიდან თმის კულულო გადაიწია, ამ მოძრაობით თითქო უნდოდა თავიდან მოეშორებინა აბეზარი ფიქრი. — ჩემი ოჯახიდან ვიცი. მაგრამ მშობელი დედა მულამ გამოგიწვდის ხელს ან თითს მაინც, რაც არ უნდა შორს

იყო მისგან. და მე არ მჯერა, რომ მე და დედაშენი საერთო ენას ვერ გამოვნახავდით, თუმცა იმდენად სხვადასხვანი ვიყავით, რამდენადაც შეიძლება ორი ადამიანი არ ჰგავდეს ერთმანეთს.

— აი, ამაში კი შენ მართალი ხარ.

— გარდა ამისა, დარწმუნებული ვარ, რომ ბოლოს და ბოლოს გავუგებდით ერთმანეთს. იმ მცირე რამიდან, შენ რომ მის შესახებ მიახმებ, ჩემთვის მეტად სასიამოვნო ადამიანის სახე შევიქმენი. თითქოს ვხედავ მას. პატარა ტანის ქალია, ხომ მართალია? თვალებით სულაც არ გგავთ შენ და შენს ძმას... თქვენ უფრო მუქი თვალები გაქვთ, არა? ყველანი, ალბათ, უფრო მამას ჰგავხართ. ლოგინიდან რომ წამოდგებოდა, დედა ჯოხით დადიოდა. ბებიანჩემიც ასე იყო. ალბათ, ამიტომაც მყავს წარმოდგენილი ასე ნათლად დედაშენი. მიუხედავად იმისა, რომ ფიზიკურად სულტი იყო, ძლიერი ნებისყოფა გააჩნდა. რა ამაღლელებელი და შესანიშნავი ამბავია, რომ ეს ქალი წლების განმავლობაში უძღვებოდა ასეთ დიდ ოჯახს, რომ უბედურებამ ხელი არ შეუშალა, ყველაფრისთვის მოეგლო, რომ მისმა მომჭირნებამ შეგინარჩუნათ ქონება. აბა, იფიქრე, როგორია მთელი გროვა პატარა ბავშვების დედისთვის — რვა წლის განმავლობაში ლოგინში იწვეს! თან მამაც, როგორც შენ ამბობ, მძიმე ხასიათის, შეუწყნარებელი კაცი ყოფილა. ეს გასაგებიც არის: თქვენ მუდამ გიჭირდათ. და მიანც, ერთი საჩივარიც კი არ დასცდენია! მე მახსენდება, რა უპასუხა დედაშენმა იმ ადამიანს, ვინც ის შეიცოდა: „მე რუ შემობრალებთ, უმჯობესია შეიბრალოთ ჩემი ქმარი და შვილები“. რა დიდებული პასუხია!

მთელი ამ ტირადის დროს პერი მუხლებზე ნიდაყვდაყრდნობილი იჯდა, ნერვიულად უკაკუნებდა ცალი ხელის თითებს მეორისას და ისე უსმენდა. მერე სწრაფად ადგა და ოთახში გაიარა-გამოიარა.

— კმარა, — შეაწყვეტინა მან იაკობას. — რაც გათავდა, გათავდა. არ ღირს მსჯელობა იმაზე, რაც არ ყოფილა.

პერი ფანჯარასთან მივიდა და მოედანს გახედა; სახლების ჩრდილები საღამოს ჩრდილებივით წაგრძელებულიყვნენ, დაისის მზის სხივებში ციხის ნანგრევებზე ძველი წისქვილი ამართულიყო და ჩამავალ მზეს გამოსათხოვარ საღამს უგზავნიდა.

— შენ მართალი ხარ, — მოგვიანებით გამოეხმაურა იაკობა, — რაც წავიდა, წავიდა... მითხარი მხოლოდ, უარს ხომ არ მეტყვი, დედაშენის

რამდენიმე ძველი წერილი გთხოვო? ჩვენ იშვიათად გვილაპარაკია შენს ოჯახზე, მაგრამ მე მაინც დიდ დაუდევრობად მიმაჩნია, რომ ასე ცოტა რამ ვიცი მის შესახებ.

პირველად პერმა თავი ისე დაიჭირა, თითქოს მისი თხოვნა ვერ გაიგო. როცა იაკობამ თხოვნა გაუმეორა, მოკლედ უპასუხა:

— არა მაქვს არავითარი წერილები.

— რა თქმა უნდა, რა თქმა უნდა, ვიცი, რომ ბოლო წლებში თქვენ მიწერ-მოწერა არ გქონდათ. მაგრამ მე ძველ ამბავზე გეუბნები, როცა პირველად ჩამოხვედი აქ. ხომ გწერდა მაშინ ზოგჯერ, თავად მიაშვებ. მე ბედნიერი ვიქნებოდი, ნება რომ დაგერთო, შენთან ერთად წამეკითხა ის წერილები.

— არაფერი გაეწყობა... მე ისინი არა მაქვს.

— მაშ სად წავიდა?

— სად წავიდა? მაშინვე ვწვავდი.

— აჰ, პერ, პერ, აბა, როგორ ჩაიდინე... — იაკობამ არ დაამთავრა სათქმელი.

პერმა ცხვირსახოცი ამოიღო და სახე გაიწმინდა, თითქოს უცებ დასცხაო, მაგრამ იაკობამ დაინახა, წამწამები რომ გაუბრწყინდა და მიხვდა, პერი ტირიდა და ამის დაფარვა უნდოდა.

იაკობას ჯერ არ ენახა, რომ პერი რომელიმე გრძნობას დამორჩილებოდა; ჯერ იყო და, უნდოდა მისუღიყო მასთან; მოხვეოდა, მაგრამ გონებამ და გამოცდილებამ უკარნახა, რომ არ უნდა მოქცეულიყო ასე, პირიქით, თავი ისე უნდა დაეჭირა, თითქოს ვერაფერი შეამჩნია. გარდა ამისა, პერის მღელვარებამ რაღაც გაურკვეველი შიში აღუძრა და ეჭვიანობაც გაუღვიძა.

ამიტომ იაკობა არ განძრეულა, ვიდრე პერი ფანჯარას არ მოშორდა. მხოლოდ მერე მიუახლოვდა ქალი პერს და ხელი გაუყარა; რამდენიმე წუთს ისინი მღუმარედ სცემდნენ ბოლთას ოთახში.

იაკობა მშვენიერად გრძნობდა, რომ ის ახლა ვისიმე ნუგეშისმცემლად ვერ გამოდგებოდა, — თავად სჭირდებოდა ნუგეში. მოსალოდნელ განშორებაზე რომ ფიქრობდა, გამძლეობა დალატობდა. ის მაინც შესძლებოდა, რომ პერს გამოსტეხოდა. ყოველ დღე სასოწარკვეთით ებრძოდა თავს, არაფერი დასცდენოდა, ასჯერ მაინც მოაგონდებოდა ხოლმე, რამხელა რისკი იქნებოდა, თუ პერს თავის დიდ საიდუმლოებას მანამ გაანდობდა, ვიდრე ატლანტის ოკეანე გაპყოფდა მათ.

მხოლოდ მოსალოდნელი მშობიარობა კი არ უვსებდა შიშით და მოუსვენრობით გულს იაკობას. თანდათან უფრო და უფრო აღელვებდა ფიქრი იმ მითქმა-მოთქმაზე, მის ნაადრევად მომშობიარებისთანავე რომ ატყდებოდა. იაკობა გამოიცვალა პერის დაბრუნების შემდეგ. წინათ ქალი ძალიან ამაყობდა პერის სიყვარულით და ამიტომ სულაც არ წუხებდა, რომ მათი საიდუმლო ურთიერთობა მალე გამჟღავნდებოდა. ახლა, უფრო ფხიზელი თვალით რომ უყურებდა თავის საბედოს, ამაყი ქალი იტანჯებოდა იმისი ფიქრით, რომ მალე ჭორების და ძრახვის საგანი გახდებოდა.

საკუთარი თავის გამო კი არა, უფრო მშობლების ხათრით იაკობამ გადაწყვიტა, პერის გაცილების შემდეგ შინ კი არ დაბრუნებულყო, არამედ სადმე გერმანიაში წასულიყო, იქნებ თავის ბრესლაველ ამხანაგისთვისაც კი მიეკითხებინა და იქ მოემშობიარებინა, მაგრამ როგორც კი გაიხსენებდა, რომ მოსალოდნელ ამბავამდე ჯერ კიდევ ექვს თვეზე მეტი იყო დარჩენილი, სასოწარკვეთილებაში ვარდებოდა. მაინც თვალისდაუხამხამებლად აიტანდა ყველაფერს, ოღონდ პერისადმი ის უსაზღვრო ნდობა შერჩენოდა, ამ ორი თვის წინათ რომ ჰქონდა ტიროლში დაშორებისას. მაგრამ ნანის ამბის მერე იაკობას ყოველგვარი რწმენა გაუქრა და ყველგან საშიშროება ეჩვენებოდა. პერზე ხელის აღებაც ახლა არაფრით არ შეეძლო. თუმცა შესანიშნავად ხედავდა პერის ყველა უარყოფით მხარეს, ახლა ნაკლებად არ უყვარდა ეს კაცი, ვიდრე მაშინ, როცა მის გრძნობაში ერთი წვეთიც კი არ ერია პერის გმობისა. ზოგჯერ ისეთი სევდა აიტანდა პერზე, რომ თავადაც ავადმყოფურად და არანორმალურად მიიჩნდა. ამიტომაც მიეჩვია გრძნობების დამალვას და თავშეკავებულად იქცეოდა მაშინაც კი, როცა პერთან მარტო რჩებოდა. ზოგჯერ კაცს ეგონებოდა, ჭირვეულობსო. ამავე დროს ამ კაცმა იმ ზომამდე დაიპყრო მისი გული, რომ იაკობა ამქვეყნად ყველაფერს აპატიებდა.

უეცრად პერი შედგა და საათს შეხედა.

— შენი საღვურზე წასვლის დრო ხომ არ არის?.. მხოლოდ, გეთაყვა, არ გეგონოს, რომ გაგდებ. მართალი გითხრა, ძალიან მაღლობელი ვარ, რომ მოხვედი. მაგრამ შენ არ გიყვარს გვიან დაბრუნება, ახლა კი უკვე რვა საათია.

იაკობამ შეხედა პერს ისევ ფერწასულ და დაღმეჭილ სახეში.

— შენ რაღას გააკეთებ?

— ვიმუშავებ... შეხედე მაგიდას. როგორც ხედავ, გადაუღებელი საქმეები მელოდება. დროის დაკარგვა არ შეიძლება.

— არა, არა, — თქვა იაკობამ და მაგრად მოეხვია პერს, თითქოს უნდოდა საშიშროებისაგან დაეცვა. — შენი მარტო დარჩენა არ შეიძლება. შენს სიცოცხლეში ერთხელ ხომ შეგიძლია დაისვენო. თანაც. ღირს კი, სამუშაოს ჩაუჯდე? სულ ერთია, თუ აქ მარტო დარჩები, ვერ მოიშორებ დარდიან ფიქრებს.

— მაშ შენ დარჩები ჩემთან?

— არა... დღეს არა... და არც აქ, — გაწითლდა იაკობა, — ძალიან მოუწყობელია აქაურობა, მაგრამ შენ წამოხვალ ჩემთან, გესმის? და იქ დაიძინებ. სტუმრების ოთახები მუდამ მზად გვაქვს და არავის არაფრით არ შეაწუხებ, დედა და მამა კი შენს მდგომარეობაში შევლენ, როცა თავად შეატყობინებ დედაშენის სიკვდილის ამბავს. მოვალეცა ხარ ასე მოიქცე. წამოდი, პერ, წამოდი. ხვალ ჩვენ სასეირნოდ წავალთ ტყეში, შორს, შორს და მთელ დარდს დავივიწყებთ!

ღილით რომ გამოიღვიძეს, მშვენიერი მზიანი ამინდი იდგა. უკვე კარგა გვიანი იყო, ისინი რომ სასადილო ოთახში ჩაიზე ჩავიდნენ, ნაჩქარევად ისაუბრეს და ხელიხელჩაკიდებულები ბაღში გავიდნენ. გუშინ საღამოს ორივეს გვიანობამდე არ მოუხუჭია თვალი. იმის ფიქრი, ამ ნათელ გაზაფხულის ღამეს ერთმანეთთან ასე ახლოს ვართო, მოსვენებას უკარგავდა. ბოლოს სახლში ყველას დაეძინა და ღამის დარჩენილი ნაწილი მათ ერთად გაატარეს. ერთმანეთის გვერდით ეძებდნენ ყოველნაირი საზრუნავისა და დარდისაგან თავდავიწყებას. ახლა სეირნობდნენ მწვანე ბაღში და ნამის წვეთები ტოტებიდან და ფოთლებიდან ეცემოდათ. შუადღემდე, როცა მთელი ოჯახი, ფრუ ლეას გარდა, თავიანთ საქმეებზე მიეშურებოდა, აქ სამოთხისებური სიჩუმე და სიწყნარე იყო გამეფებული. ტყეშიც, სადაც ისინი ბალიდან გავიდნენ, ყველაფერი სულ სხვანაირი იყო, ვიდრე დღისით. როცა გზაზე მტვრის ბუღში ეტლები დაჰქროდნენ და ყოველ სკამზე ვინმე იჯდა. ახლა ტყეში მხოლოდ ჩიტების ვალობა ისმოდა. სეირნობის დროს მხოლოდ ერთი მოხუცი შეხვდათ, ბორბლებიანი სავარძლით მიჰყავდათ. გვერდით რომ ჩაუარეს, მოხუცმა აღერსიანად დაუქინა მათ თავი.

მაგრამ პერი ნელ-ნელა კვლავ აიტანა შფოთმა. ჯერ კიდევ ბაღში სეირნობისას დაბნეული იყო და სულ ის ეკერა პირზე, არა უგვიანეს

ორი საათისა ქალაქში უნდა ვიყო, რადგან ერთ-ერთ დაწესებულებაში, რომელიც მხოლოდ სამ საათამდე მუშაობს, ჩემი პროექტის თაობაზე ცნობები უნდა მივიღო.

მეორე საუზმის შემდეგ პერი მაშინვე წავიდა. ქალაქში ეტლი იქარავა და იმ უწყებისკენ გაემართა, სადაც მისი ძმა ებერხარდი მუშაობდა. პერმა მეეტლეს უბრძანა მოეცადა და თვითონ დიდი, ქუჭყიანი, მღვრიე არხის გასწვრივ წამოჭიმული რუხი ფერის შენობის სადარბაზო კარში მიიმალა.

ამ ერთი წლის განმავლობაში, იაკობას აქ სტუმრობის შემდეგ რომ გავიდა, ებერხარდის მჩქეფარე მოღვაწეობა და დიდად განვითარებული მოვალეობის გრძნობა დაჯილდოებულ იქნა წოდებათა და ხარისხთა უსასრულო კიბეზე კიდევ ერთი პატარა საფეხურით ამალღებით. მის აღრინდელ ადგილზე, იქვე, კართან მდგარ მაღალ საწერ მაგიდასთან ახლა უკვე სხვა იდგა — ახალგაზრდა და დიად სახელმწიფო მექანიზმის ტრადიციათა საიმედო დამცველი; ებერხარდმა კი თავის განკარგულებაში მიიღო ნამდვილი საწერი მაგიდითა და სავარძლით მორთული საკუთარი პატარა კაბინეტი. თუმცა ისევ ის ძველი შავი სერთუკი ეცვა, მეტისმეტად ეიწრო სახელოები რომ ჰქონდა და მრავალი წლის გულმოდგინეობისაგან ნიდაყვებზე და ზურგზე გაპრიალებული იყო. მიუხედავად სამსახურში დაწინაურებისა, არც ჰალსტუხი გამოუცვლია, არც ფეხსაცმელი. პერი რომ შემოვიდა, ებერხარდი მაგიდასთან იჯდა და ფანქარს ისეთი კეთილსინდისიერი გულმოდგინებით თლიდა, როგორც მიღებულია ფანქრების წათლა მხოლოდ სახელმწიფო დაწესებულებებში. მაგრამ ღრიჭოდ დარჩენილი კარიდან წინა ოთახში ნელი ხმით წარმოთქმული თავისი სახელი და გვარი რომ მოესმა, საჩქაროდ დამალა ჯიბის დანა და მაგიდიდან რაღაც მოზრდილი საბუთი აიტაცა.

მერე ღირსეულად გადაწვა სავარძლის ზურგზე, ქალაქი თვალებთან მიიტანა და ასეთ პოზაში ელოდა მნახველის გამოჩენას.

— შემობრძანდით, — მბრძანებლური ხმით თქვა მან, როცა კარზე მოაკაკუნეს და თან ქალაქს ზემოდან გადახედა.

პერის დანახვა ებერხარდს ისე გაუკვირდა, გულგრილად თავის დაქერაც კი ვერ მოასწრო. იმ ადამიანის სახე გაუხდა, მოულოდნელად მოჩვენება რომ გამოეცხადებდა. ნელა წამოდგა. თითქმის ნახევარ წუთს ძმები ჩუმად უცქერდნენ ერთმანეთს.

მხოლოდ ახლა ეცა პერს თვალში, რომ ებერხარდი ძალიან ჰგავდა

განსვენებულ მამას. სწორედ ახლა, როცა მღელვარებისაგან აკანკალე-
ბული ებერხარდი მაგიდაზე ხელდაყრდნობილი იდგა. გაქცევებული
ნაოჭები პირის კუთხეებში, გაპარსული ნიკაპი, ძველმოდური ვიწრო
ქილვაშები, დაწითლებული ქუთუთოები, გაშტერებული ცქერა, გამარ-
თული ზურგი — ყოველივე ეს პერს ისე ცოცხლად აგონებდა მამას,
როგორც ბავშვობაში ენახა.

პერმა კარი მოხურა, რომ საუბარში ხელი არავის შეეშალა და სწო-
რედ კარის პირდაპირ სავარძელში ჩაეშვა. ებერხარდიც დაჯდა.

— ჩემი მოსვლის მიზეზი შენთვის ალბათ გასაგებია, — დაიწყო
პერმა. — გაზეთში წავიკითხე დედის სიკვდილის ამბავი.

— დიახ, — მიუგო ებერხარდმა მცირე ხნის დუმილის შემდეგ აშკა-
რა ძალდატანებით. — გვეგონა, შენ ისევე საზღვარგარეთ იყავი.

— ერთი კვირის წინ დავებრუნდი.

— აჰ, ასეა! მაშასადამე, აქ უკვე დიდი ხანია ხარ. მაგრამ იქნებ არ
იცოდი, რომ დედა კოპენჰაგენში გადმოსახლდა.

— საერთოდ კი ვიცოდი. — უბასუხა პერმა და განზე გაიხედა. მა-
შინვე ის პკითხა ებერხარდს, დიდხანს თუ იყო დედა ავადო.

ებერხარდი პასუხს არ ჩქარობდა. ბოლოს გაბედა და ბევრი ფიქრის
შემდეგ უთხრა, დედა უეცრად და ყველასათვის მოულოდნელად გარ-
დაიცვალაო.

— მადლობა დმერთს, ძალიან არ უტანჯია. ჩვეულებრივი სისუსტის
მეტი თვით უკანასკნელ წუთებამდე არაფერი შეგვიმჩნევია მისთვის.
თუმცა იმას კი ჩიოდა, სუნთქვა მიჭირსო და მოუსვენრადაც ეძინა, მაგ-
რამ ყოველივე ამის ადვილად ახსნა შეიძლებოდა მისი ძველი დაავადე-
ბით, რომელსაც უკვე შევეჩვიეთ. დილით სიგნე თმას ვარცხნიდა,
დედამ, ცოტა არ იყოს, მოუთმენლად სთხოვა სიგნეს აჩქარებულიყო,
ძალიან დავიღალე და მეძინებო. სიგნემ ათიოდე წუთის შემდეგ შეი-
ხედა მასთან, დედას უკვე ლაპარაკი აღარ შეეძლო, მხოლოდ თითქოს
გამოსათხოვებლად გაახილა თვალები რამდენჯერამე და სამუდამოდ გა-
ნისვენა.

ბოლო სიტყვები ებერხარდმა, ცოტა არ იყოს, არეულად წარ-
მოთქვა. როგორც კი პერის დანახვით გამოწვეულმა დაბნეულობამ
გაუარა და პირველი მღელვარებაც დაუცხრა, ებერხარდმა ჩვეულებ-
რივად პერის კოსტუმის მალულად თვალიერება დაიწყო. აღმაცერად,
სწრაფი მზერით ათვალიერებდა პერის სერთუკის აბრეშუმის გადანა-

კაცებს, ხელთათმანებს, წაწვეტებულცხვირიან პარიზულ ფეხსაცმელს და ბრილიანტის საკინძეებს გულისპირზე. მერე კვლავ განაგრძო თხრობა.

— რასაკვირველია, არ შეიძლება ითქვას, რომ ჩვენ სულ არ ვიყავით მომზადებული ასეთი დასასრულისათვის, ეს თავადაც კარგად იცოდა. ძალიან დიდხანს იავადმყოფა. თითქოს სიკვდილის მოახლოების წინათ-გრძნობაც კი ჰქონდა. დედამ დატოვა ზუსტი და დაწერილებითი განკარგულებები დასაფლავებისა და ქონების განაწილების თაობაზე, და გამოსათხოვარი წერილებიც კი დაწერა იმ შეილებისადმი, ვინც მის გვერდით არ იყო. შენთვისაც არის წერილი... და დაბეჭდილი გრავილი. — ბოლო სიტყვები ებერხარდმა ზუსტად გაანგარიშებული პაუზის შემდეგ წარმოთქვა და თანაც სწრაფად შეავლო თვალი პერს, რათა გაეგო, როგორ იმოქმედა მისმა სიტყვებმა. მერე კვლავ განაგრძო:

— ჭრჭერობით ერთიც და მეორეც სიგნესთან ინახება. როგორც უკვე გითხარი, ჩვენ ვფიქრობდით, საზღვარგარეთ იყავი და არც შეეცდილვართ შენთვის მის გამოგზავნას. ახლა კი აღარ ვიცით, როგორ მოვიქცეთ. იქნებ შენ თვითონ მოხვიდე წერილის წასაღებად? ყველანი იქ დაგხვდებით თავმოყრილი. ინგრიდი და თომასიც ჩამოვიდნენ დასაფლავებაზე. გადავწყვიტეთ მამის გვერდით დავსაფლავოთ დედა. კუბოს გემით წავიღებთ. გემი ხვალ ღლისით გადის, მანამ კი გვინდა პატარა ოჯახური ქეღები მოვაწყოთ კუბოსთან, და, რაკი ვიცით, რომ დაბრუნებულხარ, ძალიან გვეწყინება, თუ არ დაესწრები, — მე თამამად შემიძლია მთელი ოჯახის სახელით გითხრა ეს. სალამოთი ჩვენ მატარებლით წავალთ, ასე გადაწყვიტა დედამ სიგნესი და ინგრიდის გამო — ისინი ვერ იტანენ რყევას, დედას კი უნდოდა, ყველა ერთად ეყოფილიყავით. ჩვენ დროზე ჩავალთ და მოვასწრებთ დედის კუბოს დახვედრასაც და ყველაფრის მომზადებას, რაც კი აუცილებელია დასაფლავებისათვის. გემიდან კუბოს პირდაპირ ეკლესიაში მიიტანენ, ხოლო მეორე დღეს შედგება ჩუმი და სადა დაკრძალვა. დედა დაბეჭითებით მოითხოვდა ამას.

პერი დუმდა. არც სიტყვით, არც გამოხედვით არ გაუმჟღავნებია, რა ხდებოდა მის სულში. რამდენიმე წუთის შემდეგ წასვლა დააპირა, ებერხარდმა თითქმის მეგობრულად ჰკითხა:

— თავად როგორღა ხარ? გამგაზვრებას ხომ არ ფიქრობ?

— ვფიქრობ; მალე ამერიკაში მივემგზავრები. საქმეები მაქვს იქ.

გამგზავრებამდე კი ცოლს ვირთავ. როგორც იცი, დანიშნული ვარ ფილიპ სალამონის ქალიშვილზე.

ამჯერად ებერხარდმა არაფერი უპასუხა, უნებლიედ აღმაცერად გახედა პერის ბრილიანტის საკინძეს და მერე თვალები დახარა.

პერი ადგა.

— ჰო დამავიწყდა მეტქვა, — აშკარად ძალდატანებით ჩაილაპარაკა ებერხარდმა. — ქელები ოთხისნახერისთვის დავნიშნეთ, მაშასადამე, თუ გინდა, რომ ყველანი შევიკრიბოთ, მაშინ....

პერმა თავი გაიქნია.

— მე მგონია, მთელი რიგი მოსაზრებებას გამო, სჯობს არ მოვიდე, — მიუგო მან. — კერძოდ, მე არსადარ მინდა წასვლა, თუ ჩემი საცოლეც არ იქნება იქ, ხოლო მისი ქელებზე დასწრება, ვფიქრობ, უადგილოა, თანაც, დარწმუნებული არა ვარ, რომ კარგად მიიღებენ.

ებერხარდმა არ უპასუხა. სახე კვლავ გაეყინა და შეუძლებელი იყო გამოგვეცნოთ, რა ძრწოლამ მოიცივა იმის გაფიქრებაზეც კი, რომ მისი მშობელი დედის კუბოსთან მივა უცხო მალალი წრის ქალი, თანაც ებრაელი.

პერი გამოემშვიდობა და წავიდა.

სადარბაზოში მას ორი ყმაწვილი შეხედა. განზომილი ჯარისკაცური ნაბიჯით მიდიოდნენ, მაგრამ პერის დანახვაზე ფეხი აერიათ და ისე სწრაფად გახტნენ განზე, პერმა უნებლიეთ შეხედა მათ. მან დაინახა ორი პროვინციული, სოფლური გარეგნობის თექვსმეტი წლის ჰაბუკი, გრუნდტივიანიული ტიპის ფართოფარფლებიან ნაბდის შლიაპებიდან გრძელი თმები რომ გამოსჩეჩოდათ.

პერმა მაშინვე იცნო ისინი: მისი უმცროსი ძმები — ტყუპები იყვნენ. ებერხარდთან მიდიოდნენ. მათაც მაშინვე დაეტყუოთ, რომ იცნეს პერი. შეშინებულებმა ერთმანეთს შეხედეს და სირცხვილით წამოენთნენ.

პერმა შეაჩერა ისინი. ისე მორიდებით გასხლტნენ ბიჭები აქეთ-იქით, კაცს გული აუჩუყდებოდა. პერს შერცხვა კიდეც, სულაც არ იყო უსიამოვნების ატეხის გუნებაზე, ხოლო ებერხარდთან შეხვედრამ ვერ დაუტყბრო ახლობლებთან შერიგების მოთხოვნილება და ამით დედის წინაშე როგორმე თავისი დანაშაულის გამოსყიდვის საშუალება.

— გამარჯობათ, — უთხრა მან და ხელი გაუწოდა ყმაწვილებს. ბი-

ქებმა ცოტა იყოყმანეს და მერე მათაც ჩამოართვეს ხელი. — ებერ-ხარდთან მიდიხართ?

— დიახ, — ერთხმად მიუგო ორივემ.

— შე კი სწორედ მისგან გამოვედი. მინდოდა დაწერილებით გამო-მეკითხა დედის გარდაცვალების ამბავი.

ამ სიტყვებზე ქებმა ღუმილით დახარეს თვალები, ხოლო ერთ-ერთი მათგანი ფეხსაცმლის ჰეინტს უსვამდა ქვის იატაკს.

პერმა მათ დარცხვენელ ღიმილში საყვედური წაიკითხა და წარბი შეიკრა, მაგრამ გულში სულაც არ გაჭავრებულა. თუმცა ებერხარდთან საუბრის დროს საამბოხოდ განეწყო და გაბრაზდა კიდევ, მაგრამ ამ ტყუპების დანახვაზე, ესოდენ უბრალოდ რომ განასახიერებდნენ მშობ-ლიური სახლის ბედნიერ სისადავეს და ალაღმართლობას, მთლად გა-უარა სიბრაზემ. ყმაწვილებს ძალზე სოფლური გარეგნობა ჰქონდათ და იქნებ სწორედ ამიტომ პერს ძალიან უნდოდა მიეზიდა მათი თავები და მაგრად დაეკონცა; ძლივს გაუძლო ცდუნებას.

თუმცა პერს გულითადი საუბარი კი სურდა ქმებთან, მაგრამ არ იცოდა, რა ეთქვა მათთვის. ისინი უკარებლებივით იდგნენ და აშკარად ეტყობოდათ, პერის იქ ყოფნა აკრთობდათ.

რა უნდა ექნა, ერთხელ კიდევ ჩამოართვა მათ ხელი, ანიშნა კარე-ტას, კართან რომ უცდიდა, რამდენიმე სიტყვით უთხრა ქმებს, ასე და ასე ვმუშაობო და გამგზავრებას: ვაპირებო და გამოემშვიდობა.

მაგრამ კარეტაში რომ ჩაჯდა, პერს მღელვარება მოერია. იმის მა-გიერ, რომ როგორც იაკობას შეპირდა, სკოვბაკენში დაბრუნებულიყო და სადილისთვის მიესწრო, შინ წავიდა.

დიდ სულიერ მღელვარებაში იყო და იაკობა ვერაფრით ვერ უშვე-ლიდა.

სასტუმროში სადარბაზო ბარათი დაახვედრეს. პერმა წაიკითხა: „კ. ფ. ბერეგრავი, გადამდგარი ინჟინერ-პოლკოვნიკი“.

— თვითონ იყო აქ?

— დიახ, ერთი საათის წინ. ალბათ, რაიმე დაწერა მეორე მხარეს. პერმა ბარათი გადააბრუნა და წაიკითხა. „მოხუცი ვეტერანი ბედნიე-რებასა და წარმატებას გისურვებთ პატრიოტულ ბრძოლაში“.

პერს თავბრუს კი დაეხვია. თითქოს გაქვავდა ბარათით ხელში და სევდიანად გაიღიმა. თუმცა თავად პერს კარგა ხანია დაავიწყდა თავისი ქედმაღლური წინასწარმეტყველება, ახლა ისე იყო აბნეული, პოლკოვ-

ნიკის მოლოცვა მას ღვთიური განგების ხელად მოეჩვენა, რაც ერთხელ კიდევ ამტკიცებდა, რომ ზებუნებრივი, მიუწვდომელი შეთანხმებით იყო შეკრული ბედნიერებასთან.

პერმა საათს შეხედა. კიდევ მოუსწრებდა მატარებელს და სადილს სკოვბაკენში.

— გახსოვს, — უთხრა პერმა იაკობას, როგორც კი მარტონი დარჩნენ, — შენ და ივენი სწორედ პოლკოვნიკ ბერეგრავის გამო მსაყვედურობდით, მაქს ბერნარდთან რად მოიქეცი ასეო. თანაც როგორ მსაყვედურობდით.

— ნუ მელაპარაკები ამაზე, — შეაწყვეტინა შეწუხებულმა იაკობამ.

— არა, ვილაპარაკოთ. აბა, ნახე ერთი. — პერმა გაუწოდა პოლკოვნიკის სადარბაზო ბარათი.

— პოლკოვნიკი შენთან იყო?

— კი. წაიკითხე მეორე მხარეზე აბა, რას იტყვი?

იაკობამ მართლაც არ იცოდა რა ეთქვა. გაბრუებული იყო. თითქმის შეშინებული ღიმილით მხრებზე ხელები დაადო პერს და უთხრა:

— იცი, პერ, შენ პირდაპირ ჯადოქარი ხარ.

* * *

მეორე დილით პერი ნავსადგურში წავიდა და მოძებნა გემი, რომელსაც, მისი ვარაუდით, იუტლანდიაში უნდა წაედო დედის ცხედარი. შტურმანთან საუბრიდან გამოირკვა, რომ მართლაც მორიგებულნი იყვნენ მათი გემით კუბოს წალღებზე, და, გარდა ამისა, გაიგო, რომელ საათისთვის იყო დანიშნული გემის დატვირთვა.

ნავსადგურის პირდაპირ მდებარე შენობის ქვედა სართულში მოთავსებული იყო ღარიბული კაფე. პერმა მაშინვე შენიშნა ის და დანიშნულ საათზე ცოტა ადრე პატარა მაგიდა დაიკავა ფანჯარასთან. მან ერთი ჭიქა ლუდი შეუკვეთა, გაზეით მიიფარა და გულისკანკალით ელოდა კატაფალკის მოსვლას.

ფანჯრის იქით მხიარულმა ზაფხულის წვიმამ დაუშვა. მიუხედავად ამისა, ნავსადგურის წინ მდებარე მოედანზე ტომრებს, კასრებს და ყუთებს შორის სიცოცხლე ჩქეფდა. გემის გასვლამდე სულ ცოტა დრო დარჩა. ყოველი მხრიდან მოდიოდა სავსე საზიდები, თავს იყრიდნენ

ამწე კრანის გარშემო და განტვირთვის ელოდნენ. ჩხარუნებდნენ და ფრუტუნებდნენ ორთქლის ჭალამბრები; უზარმაზარი ყუთები, რკინის კოჭები, ფქვილით სავსე ტომრები, ნავთიანი კასრები ავარდებოდნენ ხოლმე საზიდის ფსკერიდან, წამით ღია ბანთან დაფრინავდნენ, მერე კი გემის უძირო სტომაქში ქრებოდნენ.

ბევრი იწვალეს ვეებერთელა ღორის ჩატვირთვაზე. ორი კაცი ყურებით მიათრევდა ღორს, მესამე კი უკან იდგა და არღანის სახელურივით გულმოდგინედ უტრიალებდა კუდს. მიუხედავად ამისა, ღორს არაფრით არ უნდოდა ადგილიდან დაძვრა. წვიმამ და ფუსფუსმა ყველა მზიარულად განაწყო და ჯიუტი ღორი, ისე რომ ჭყიოდა, თითქოს მიწისა და ცის ყველა ძალას ევედრებოდა, მომეშველეთო, დიდად ამზიარულეზდა ირგვლივმყოფთ. ბოლოს ღორი აიძულეს, გემის კიბეზე ასულიყო, ოთხით გაირბინა და წინაერღოს თავზე გაქრა. მერე ორი მზიდავი ტვირთის შტაბელებს შორის დაეჯახა ერთმანეთს და წაიჩხუბნენ. ვერც ერთი ვერ წასულიყო წინ, ვერც უკან იხევდა და ის იყო ხელჩართულ ბრძოლაზე გადავიდნენ, რომ გამოჩნდა პოლიციელი; მან რამდენიმე კასრი გაავგორა და გასასვლელი გაათავისუფლა.

წვიმა ნელ-ნელა მიწყნარდა, მაგრამ ქალაქის თავზე ძველებურად ჩაშვებულოყო ცა, მის ფონზე კი კრისტიანსხავნის მახლობლად, პაკ-პაუზის წითელი სახურავი ისახებოდა.

უეცრად პერმა დანახა სამგლოვიარო ფორანი, როგორსაც ჩვეულებრივად ქირობენ, თუ მიცვალეზულის სახლიდან ეკლესიაში ან სამლოცველოში გადასვენება უნდათ. კოფოზე მეეტლის გვერდით სამუშაო კოსტუმინი კაცი იჯდა. ფორანი გემის მახლობლად გაჩერდა. მას მოჰყვა კარეტა, საიდანაც გადმოვიდა ოთხი კაცი — პერის ძმები. პირველი ებერხარდი გადმოვიდა. ცილინდრი ეხურა, ზედ კრები შემოეხვია, შემოკეცილი ვიწრო შარვალი ეცვა და ქოლგა ეჭირა; ქოლგა მაშინვე გახსნა, თუმცა წვიმამ უკვე გადაიღო. ებერხარდს მოჰყვა წითელლოყება თომასი, ქორეპისკოპოსი და, ბოლოს, უმცროსი ძმები — ტყუებები.

ჯალამბარი სწორედ უკანასკნელ ფუთებს სწევდა საზიდიდან. როცა საზიდი წავიდა, კატაფალკის მეეტლემ ცხენები დაძვრა, რათა გემთან ახლოს მიეყვანა. მეეტლეს სთხოვეს მოეცადა, სანამ გემზე ახალგაზრდა გაუხენდავ ცხენს აიყვანდნენ. ჯერ ცდილობდნენ, ცხენი კიბეზე აეთრიათ, როგორც წყლან ღორი აიყვანეს და პირველად თითქოს ყველა-

ფერი კარგად მიდიოდა. თუმცა საცოდავი ცხენი შიშისაგან ცახცახებდა და ისე ზაოდა, ნესტოებიდან ვარლისფერი დუქი მოუჩანდა, მაგრამ მაინც აიძულეს წინა ფეხებით დამდგარიყო კიბეზე. სწორედ ამ წუთში ერთერთმა პატარა საბუქსირე გემმა ერთმა იმათაგან, განუწყვეტლივ რომ დატურავდნენ ნავსადგურში წინ და უკან, საუბედუროდ საყვირი მისცა. ცხოველი მთლად გაცოფდა. იძულებული იყვნენ ცხენი მკვდარი ტვირთით აეტანათ გემზე. მოაბრუნეს გემის ონკანის ისარი, ცხოველი კი შეათრიეს მსხვილი ძელებსაგან შეკრულ კაცის სიმაღლე ახორში თუ ბაკში. სწორედ ცხენის სამყოფი ადგილი იყო. ბაკის ზედა კიდეზე გამოშვერილი რკინის მძიმე კოჭებს ქვეშ ჩაჭვები შეუყარეს მერე დაატრიალეს ჯალამბარი და მიწიდან ასხლეტილი ცხენი წამსვე გაქვავდა — ნელა გასრიალდა მტვირთავეების თავებს ზემოთ და გემბანზე დაეშვა.

აურზაურის დროს პერი თვალს არ აშორებდა კატაფალკს. მან საერთოდ ვერ შენიშნა მთელი ეს სცენა, დოყლაპიების მთელი ბრბო რომ მიეზიდა. მხოლოდ ახლა ანიშნეს მეეტლეს და მან წინ წაიწია. ებერნარდი და დანარჩენი ძმები კუბოს მისდევდნენ.

კაცი, ვისაც სამუშაო კოსტუმში ეცვა და კოფოზე იჯდა, უკვე მივიდა ბანთან გადებულ წანწალებთან, იქ ისა და კიდეც რამდენიმე კაცი სამი ნიდაყვის სიგრძე ხის ყუთთან ჯახირობდნენ. ყუთის სახურავზე აღნიშნული იყო, რომ ფრახტის საფასური გადახდილია. საჩქაროდ გააღეს კატაფალკი და გამოჩნდა სადა, ყვავილებით მოურთველი ვიწრო კუბო. ორ მტვირთავს უნდოდა მიშველებოდა, მაგრამ თომასმა არ მიუშვა ისინი. მან ძმებთან ერთად კუბო ღია ყუთში გადაიტანა. ახლა ყუთი თითქმის სავსე იყო. ცარიელი ადგილები ჩალით შეავსეს, ყუთს სახურავი დაახურეს და ჭანჭიკები მოუჭირეს.

ძვირფასტვირთიანი შეუღლებავი და გაურანდავი ყუთი სახიდეზე იდგა და თითქოს არაფრით არ განირჩეოდა სხვა ყუთებისაგან, რომლებითაც სავსე იყო წვიმისაგან დასველებული გემბანი. და როცა კატაფალკი წავიდა, მაშინ ხომ ვერავინ იტყოდა, რომ ამ ფრახტისნიშნებიანმა ფიცრებმა დაფარეს მთელი ჩამქრალი სამყარო იმ ადამიანისა, დედისა, ვისი ცხოვრებაც ბევრი ადამიანის ცხოვრებაზე მდიდარიც იყო. ღრმაც და შინაარსიანიც. მუშებმა ყუთს კავი გამოსდეს და ჯალამბარმა მემანქანის ნიშანზე ყუთი მიწიდან ისევე აავლო, როგორც მანამდე ავდებდა ტომრებს და კასრებს. ყუთი წუთით შედგა ღია ბანთან, მო-

ისმა ყვირილი „მანია“ და იუტანდიელი პასტორის მოხუცი ცოლი რკინის გვარლების ჩხარუნში და ორთქლის შიშინში ლუდის ყუთებს, არყის ბოთლებსა და შაქრის ფხენილის კასრებს შორის მოთავსდა.

პერს, კაფეს ფანჯრიდან რომ უყურებდა ყოველივეს, უფრო და უფრო უფითრდებოდა სახე. ოფიციალტი კარგა ხანია თვალს არ აცილებდა ამ უცნაურ კაცს, ჩუმად რომ იჯდა და ლუდი გემოთიკ კი არ გაუხინჯავს. შეშინებულმა მიირბინა და პერს ჰკითხა:

— ავად ხომ არა ხართ?

პერმა შეშფოთებით შეხედა მას. სულ დავიწყებოდა სად იმყოფებოდა; უეცრად მოეჩვენა, თითქოს მის ფეხქვეშ იატაკი მაღლა აიწია, ხოლო კედლები საცაა თავზე დაეცემოდა.

— მომიტანეთ კონიაკი, — სთხოვა მან ოფიციალტს. ორი სირჩა ზედზედ დალია და ლოყები ოდნავ აუვარდისფერდა. იმ წუთს, როცა დედამისის სხეული ჩვეულებრივი საქონლით საესე ყუთივით ჩამოეკიდა მაღლა, პერის ირგვლივ ყველაფერი დაბნელდა, მერე, თითქოს ელვა გამოკრთა და მან თვალი მოჰკრა უეცრად გაშიშვლებულ სიღრმეს ყოფიერებისა. იქ სევდა და სიცივე, მარადიული ძილით შებოჭილი გულგრილი ყინულოვანი უდაბნო იყო, იმის მსგავსი, ალპებში პირველად ყოფნის დროს რომ ნახა.

როცა პერმა შესძლო და კვლავ შეხედა გემს, იქ უკვე გამალებით ტვირთავდნენ ტომრებსა და კასრებს.

სანაპიროზე ძმები იდგნენ; მათ გვერდით კი ისევ ის კაცი, სამუშაო ხალათი რომ ეცვა. ებერხარდი კეთილსინდისიერად უთვლიდა მას გამოწვდილ ხელში ფულს. ფული რომ მიიღო, მუშამ ცოტა ხანს შეიკადა, ალბათ ფეხის ქირას ელოდა, მაგრამ ვერ მიიღო. ძმები კი წყნარი, განზომილი ნაბიჯით მიჰყვნენ ერთმანეთს.

პერი ისევ იჯდა. არ შეეძლო წასვლა, თუმცა იქ მყოფთა ყურადღება მიიპყრო. უნდოდა, უკანასკნელ წუთამდე ყოფილიყო დედასთან. საშინელება იყო იმის გაფიქრება, რომ დედა მარტოდმარტო დარჩა, ყველასაგან დავიწყებული და მიტოვებული. უეცრად პერს მსხნელმა აზრმა გაუელვა თავში. ის სულაც არ უნდა დაშორდეს დედას ამ ნაპირზე. შეუძლია ისე გაჰყვეს, რომ ვერავინ გაიგოს, საპატიო ყარაულივით იღუმლად თან ახლდეს. ღამით კატეპატს გადასერავს, დილაადრიან კი ფიორდის შესართავთან რომელიმე სადგურზე ჩამოვა გემიდან, მერე

კი, შუადღისას, იუტლანდიის აღმოსავლეთ სანაპიროს უახლოეს რკინიგზის სადგურამდე მივა და საღამომდე კოპენჰაგენში დაბრუნდება. პერმა საათს შეხედა. გემის გასვლამდე ორ საათამდე დრო რჩებოდა, მაშასადამე, ლაპარაკიც ზედმეტი იყო იმაზე, რათა პირადად ეცნობებინა იაკობასთვის — ერთადერთი აღამიანისთვის, ვისაც მართლაც უნდა სცოდნოდა მისი გამგზავრების ამბავი. სხვა გზა არა აქვს, ისევ წერილი უნდა მისწეროს.

მაგრამ, შინ რომ მივიდა და კალამი მელანში ჩააწო, პერისთვის ნათელი გახდა, რა ძნელი იყო ამ სიჩქარეში გასაგებად აეხსნა წერილში თავისი საქციელის მიზეზები. ამიტომაც სატელეგრაფო ბლანკი მოითხოვა და მოკლედ დაწერა რამდენიმე სიტყვა, რაც მთავარი იყო. მერე ჩემოდნის ჩალაგებას შეუდგა. მაგრამ უეცრად გაახსენდა პოლკოვნიკი ბერეგრავი და ფეხსაცმელები გაუშეშდა ხელში.

ალბათ პოლკოვნიკი დღესვე ელის საპასუხო ვიზიტს. ვიზიტის გადადება თუნდაც რამდენიმე დღით უტაქტობა იქნებოდა და გაუფუჭებდა ურთიერთობას კაცთან, ვისაც ახლა შეეძლო დაუფასებელი სამსახური გაეწია მისთვის. სხვა აღარაფერი დარჩენოდა, პოლკოვნიკისთვისაც უნდა მიეწერა. მაშ ასე: „გადაუდებელი გამგზავრების გამო“... ცოტა ხნის შემდეგ პერი უკვე კარეტაში იჯდა და ნავსადგურისკენ მიდიოდა.

ზუნდის გადავლისას უცბად მოიფიქრა, რომ რაკი იუტლანდიაში უნდა ჩასულიყო, შეიძლებოდა კერსხოლმში შეეელო და დაპირებისამებრ მოენახულებინა ბარონესა და ჰოფეჰერმეისტერის მეუღლე. მონატრა ეს ორი მოხუცი მეგობარი, ასე დედობრივად რომ ექცეოდნენ მას, თანაც ფარულად ფრიად პრაქტიკული მნიშვნელობის მოსაზრებებიც ჰქონდა. დანიაში დაბრუნების დღიდან მას სტანჯავდა იმის ფიქრი, რომ მუდამ მომავალ სიმამრზე და სიდედარზე უნდა ყოფილიყო დამოკიდებული. ეს ხალხი კი ძველებურად უცხონი იყვნენ მისთვის. თუმცა ფილიპ საღამონს ერთხელაც კრინტი არ დაუძრავს მათ ფულად ურთიერთობაზე, მიუხედავად ამისა, პერისთვის მეტად არასასიამოვნო იყო, მასზე რომ იყო დამოკიდებული. გარდა ამისა, ამერიკაში წასასვლელად კიდევ დასჭირდებოდა ფულის სესხება, ამაში კი იქნებ ბარონესა გამოსდგომოდა, რაკი ყოველთვის სთავაზობდა პერს, ის კი არა და, ეხვეწებოდა კიდევ — ფულით დაგეხმარებო.

პერის ტელეგრამა სკოვბაქენში რომ მიიტანეს, იაკობა თავის ოთახში იჯდა ზემოთ. ფიქრალაც არ მოსვლია, პერი რას გადაწყვეტდა დღისით და საუზმის შემდეგ საყიდლებზე წავიდა ქალაქში, თანაც ფიქრობდა, პერთან სასტუმროში შევიარო. როცა უთხრეს, პერი შინ არ არისო, იაკობა შეშფოთდა, მაგრამ არც არაფერი დაუბარებია და არც თავისი ბარათი დაუტოვებია. მერე ერთ ხანს ქალაქში იხეტიალა, იქნებ პერს შევხვდეთ. თან ამისაც ეშინოდა, რომ იცოდა, პერს არ სიამოვნებდა ასეთი შემთხვევითი შეხვედრები. ბოლოს წვიმა წამოვიდა და იაკობა იძულებული გახდა შინ დაბრუნებულიყო.

შინაც ვერ პოულობდა ადგილს. ბოლო დროს იაკობა უცნაურმა ფუსფუსმა აიტანა, ხშირად იმას აკეთებდა, რაც სულაც არ სჭირდებოდა. მისი გონება მხოლოდ ინგლისში პერთან ერთად გამგზავრებისთვის მზადებით იყო დაკავებული და უნდოდა თავიდან ამოეგდო ყველაფერი, რასაც პირდაპირი დამოკიდებულება არ ჰქონდა მათ „მეორე საქორწინო მოგზაურობასთან“, როგორც თვითონ ეძახდა გულში, რათა არავითარ საშიშროებას, საზრუნავს ან მღელვარებას ჩრდილი არ მიეყენებინა მათი განახლებული სიახლოვისთვის. იმ ორი მოკლე კვირის განმავლობაში, მათ რომ ერთად უნდა გაატარონ, მხოლოდ სიყვარულით და მხოლოდ სიყვარულისთვის იცოცხლებენ. იაკობას სურს, სანამ შავი ღლეები არ დამდგარა, ბოლომდე დაიცხროს ცხოვრების მხურვალე წყურვილი.

ტელეგრამის მიღებისას იაკობა გაფითრდა. უნებურად აიტანა სედიანმა წინაგრძობამ, მაგრამ წამის მერე უსაფუძვლოდ მოეჩვენა თავისი შეშფოთება. მართალი რომ ითქვას, პერის საქციელში არაჩვეულებრივი არაფერი იყო. იაკობა თავს ირწმუნებდა, პერის მხრივ სრულიად ბუნებრივია და სანაქებოც კი, დედის წინაშე უკანასკნელ ვალს რომ იხდისო. გარდა ამისა, სულ რაღაც ორი დღე გაივლის და კვლავ ერთად ვიქნებითო.

და მაინც, ტელეგრამა კვლავ რომ გადაიკითხა, ხელახლა აიტანა შიშმა. რაც უფრო დაკვირვებით კითხულობდა ძუნწ სტრიქონებს, მით უფრო მეტი ამოიკითხა ხაზებს შორის. ოცი სიტყვიდან თითქმის ყოველ სიტყვაზე კითხვა ებადებოდა: როგორ მოუვიდა პერს თავში ეს

აზრი? ხომ არაეინ ნახა ახლობელთაგანი? რად გამოგზავნა ტელეგრამა სწორედ ბოლო წუთებში? რატომ წავიდა გამოუთხოველად?

იაკობა ხელზე თავდაყრდნობილი იჯდა და ტელეგრამა მუხლებზე დაეარდნოდა. უკვე ბინდებოდა. პატარა ოთახის ყოველი კუთხიდან ბინდი მოცოცავდა და ამიტომ მძიმე წინაგრძნობა უფრო და უფრო ავის მომასწავებელი ეჩვენებოდა.

იაკობა ფიქრობდა, რამდენ რამეს მიმალავს პერი მიუხედავად ჩემი მუდარისა, უფრო მიმდობნი და გულახდილნი ვიყოთო, და რა ცოტა რამ ვიცი იმაზე, თუ რა საზრუნავი, რა გეგმები და განზრახვები აქვსო. ფიქრობდა და თავის თავს ეკითხებოდა: ნეტავ შევძლებ კი ოდესმე ამ გულჩათხრობილობის, მერყეობის და კარჩაკეტილობის გადალახვას, ამდენ ტანჯვას რომ მაყენებსო?

...დარბაზში კი ამ დროს გახურებული მხიარულება იყო. სალამონებთან სტუმრად მოვიდნენ მათ ახლო მდებარე ვილებში მცხოვრები ნაცნობები, ხოლო ნანი, ვისაც ქალაქიდან მუდამ ჩამოჰქონდა უამრავი ახალი ამბავი, საუბარს ხელმძღვანელობდა. ის განუწყვეტილად ხარხარებდა, თუმცა ცოტა არ იყოს ნაძალადევად კი მხიარულობდა, რადგან მეტიხმეტად სწყინდა, პერი რომ არ დახვდა.

მართლაც, ბოლო დროს ამ მხრივ ბედი არ სწყალობდა, რადგან პერი სკოვბაქენში ძალიან არაღეგურაღურად დადიოდა. თუმცა ნანი წინასწარ გულდაგულ ანგარიშობდა, რომ პერის მოსვლა არ გამოპარვოდა, მაგრამ ან პერის წასვლისთანავე მოდიოდა, ან იძულებული იყო წასულიყო მის მოსვლამდე. ბოლოს ნანი პირდაპირ ავად გახდა პერის ნახვის დამტანჯველი სურვილით. შურისძიებაზე უკვე აღარ ფიქრობდა. იაკობას ქევეით დაასკვნა, რომ პერს არაფერი გაენდო ქალისთვის და ამის მერე გამოუტყდა საკუთარ თავს, რომ პირდაპირ შეეყვარებულა მასზე. რაკი გაუი ხმას არ იღებდა, ამ ამბავს მხოლოდ პერის მასზე მზრუნველობას აწერდა და ეს, როგორც ქალს ეგონა, იდუმალ სინაზეზე მეტყველებდა, ამიტომ ვაჟმა მთლად დაიპყრო მისი პატარა გული.

ნანის უკვე აღარ ეშინოდა იმისა, რომ პერის გულისთვის იძულებული გახდებოდა თავისი გათხოვება და მასთან დაკავშირებული პატივმოყვარული ოცნებები განსაცდელში ჩაეგდო. ახლა თავის დასთან გააფთრებულ ბრძოლაში შებმასაც არ შეუშინდებოდა. როცა მათი მომავალი ქორწილის ამბავი შეიტყო, ამან მხოლოდ გააღიზინა მისი

მტაცებლური მისწრაფებანი. ნანის არ სურდა იაკობასთვის ეს მომხიბლავი, ლამაზი, წარმოსადგეგი, ალისფერტუჩებიანი მამაკაცი დაეთმო. ამ ტუჩების შეხების გახსენებისას პირდაპირ ღნებოდა ვენებისაგან.

და აი, დღესაც არ მოვიდა პერი!

მარტო ნანი როდი ელოდა მას მოუთმენლად. ივენიც მოუსვენრად სცემდა ბოლთას ყათარზე და წარამარა დასცქეროდა საათს.

ივენს მეტად მნიშვნელოვანი ახალი ამბავი ჰქონდა პერისთვის სათქმელი. ადვოკატ ხასელაგერისგან მიიღო წერილი, სადაც ადვოკატი სთხოვდა, ეცნობებინა პერის მისამართი, რადგან მიწათმოქმედ ნერეხავესთან და სხვა ბატონებთან ერთად ზვალვე უნდა მისულყვენენ მასთან. ივენს იმედი ჰქონდა, რომ სწორედ ამ დროს აქ ნახავდა პერს; მაგრამ როცა გაიგო, ტელეგრამა გამოგზავნაო, მიხვდა, რომ პერი აქ მოსვლას არ აპირებდა და სადგურისკენ გაეშურა. იქნებ ქალაქში ვიპოვო.

უკვე მთლად დაბნელდა. მნე ქალი გამოვიდა და ბაღში გახასვლელი კარი დაკეტა, მერე მაგიდებზე და კონსოლებზე ანთებული ლამპები დააღაგეს.

იაკობა არ გამოჩენილა. მაშინაც კი არ ჩამოსულა ქვევით, როცა ჩაი მოიტანეს, თუმცა დაჯინებით ეძახდნენ. ნანიმაც გაიგო, პერის ტელეგრამა მოვიდაო და ეს კარგ ნიშნად ჩათვალა. მაშ, ქორწილი ჩაიშალა! მშობლები ცდილობენ ამაზე არ ილაპარაკონ, მაშასადამე, არც მათ სჯერათ, რომ მოსალოდნელი ქორწილი შესდგება.

ერთ ხანს მუსიკით ერთობოდნენ. თერთმეტი საათი რომ გახდა, სტუმრებმა წასვლა იწყეს. მაგრამ ამჯერად ნანი, მიუხედავად იმისა, რომ დიურინგმა კატეგორიულად აუკრძალა, სკოვბაკენში დარჩა ღამის გასათევად, იმედი ჰქონდა, პერი ზვალ დილით მაინც აუცილებლად მოვაო.

ამ დროს ქალაქიდან დაბრუნდა ივენი, სახეზე დაბნეული გამომეტყველება ჰქონდა. სტუმრები რომ დაიშალნენ, ივენმა ნანის და მშობლებს ჰკითხა:

— დღეს იაკობა არ გამოსულა?

— არა, რა მოხდა?

— სიღენიუსი წასულა.

— წასულა? სად?

— სადღაც იუტლანდიაში. სასტუმროში მითხრეს, რამდენიმე დღის შემდეგ დაბრუნდებო.

— ახ, ჰო, დასაფლავებაზე წავიდოდა, — თქვა ფრუ ლეამ. — ალბათ სწორედ ეს აცნობა იაკობას.

— შენ მართალი ხარ, მაგრამ მაინც ძალიან უცნაური ამბავია... ასე სიტყვის უთქმელად წასვლა, და თანაც მაინცდამაინც ახლა, — დაუმატა ივენმა და ოჯახს შეატყობინა, ხასელაგერისგან რომ წერილი მიიღო და პოლკოვნიკმა რომ ვიზიტი გაუქეთა პერს, პერი კი არ მისულა მასთან საპასუხო ვიზიტით.

ფრუ სალამონი თვალებით შეეკითხა ქმარს, მაგრამ ის სდუმდა; ფილიპ სალამონმა წესად შემოიღო, აზრი არ გამოეთქვა თავისი მომავალი სიძის შესახებ. ამიტომაც მხოლოდ თავი გაიქნია და თქვა:

— აბა, შვილებო, ძილის დროა!

* * *

გემი, რომლითაც პერი მიცურავდა, დიდი ხანია უკვე ღია ზღვაში გავიდა.

გოლიათური სარკოფაგივით მისრიალებდა მისი უზარმაზარი შავი კორპუსი თეთრი ღამის ნისლიან ბურუსში ზღვის წყნარ ზედაპირზე, ხოლო კვამლის ბოლქვები სამგლოვიარო კრეპივით ეხვეოდნენ გარს. შევდრუბლიანი ცა მძიმედ დასწოლოდა თავს. მაგრამ აქა-იქ, ღრუბლებში ნაფლეთებში შიშით იჭვრიტებოდნენ ვარსკვლავები, — ანგელოზთა თვალბივით აცილებდნენ ისინი სამგლოვიარო მსვლელობას.

პალტოში გახვეული პერი მარტო იჯდა შუა გემბანზე და წყალს გასცქეროდა. შეეცადა რაც შეიძლება ახლოს ყოფილიყო იმ ადგილთან, სადაც დედის კუბო იდგა.

თანდათანობით ყველა მგზავრმა დაიძინა. დიდი ხანია მიწყვლა ხმები.

კაპიტნის ბოგირზე სწრაფი ნაბიჯებით დადიოდა ვახტზე მდგომი შტურმანი, კიროზე ზუსტად ერთსა და იმავე შუალედებში რეკავდა ქვიშის საათი. სხვა ბგერა დიდ გემზე არ ისმოდა, თუ არ ჩავთვლით მომუშავე მანქანათა განზომილ კაკუნს და ღროღადრო ცეცხლფარეშის ნიჩბის ღრჭიალს.

სამხრეთ-დასავლეთით პორიზონტზე პესელის შუქურა აენთო.

მალე კაპიტნის ბოგირზე და საჭის ბორბალთან ვახტა შეიკვალა; პერმა შენიშნა, რომ შეცვლისას პირველი და მეორე შტურმანი ჩუმად ლაპარაკობდნენ რალაცას.

მერე ირგვლივ ხელახლა გამეფდა სიჩუმე და მყუდროება.

პერს არც უფიქრია ძილზე. უნდოდა, რაც შეიძლება ახლო ყოფილიყო დედასთან. თანაც სულ ერთია, ახლა დაძინებას ვერ შესძლებდა.

...რამდენი ბავშვობის მოგონება წარმოუდგა თვალწინ ამ ღამეს, გაუნძრევლად რომ მიშტერებოდა ზღვის მანათობელ ზედაპირს. აქამდე პერი არც კი ცდილა მკაფიო და დასრულებული წარმოდგენა ჰქონოდა თავის დედაზე. მამის მბრძანებლური პიროვნების წყალობით დედა ლიცოცხლეზე იცოცხლებოდა, იმ არასასიამოვნო გრძნობით იყო დაბნელებული, რითაც პერს მამა აგონდებოდა. ყველაზე უკეთესად პერს დედა ახსოვდა მისი ზანგრძლივი ავადმყოფობის პერიოდში. ჩვეულებრივად, თუ ძილში ან ცხადში მასზე ფიქრობდა (ეს გაცილებით უფრო ხშირად ხდებოდა, ვიდრე თავად გრძნობდა), ყოველთვის ნახევრადბნელ საწოლ ოთახში ლოგინში მწოლარეს წარმოიდგენდა, სადაც ყოველთვის ჩამოშვებული იყო მწვანე ფარდები, ხოლო თვითონ ან რომელიმე ძმა ან და უჭდა ლოგინთან და ავადმყოფ ფეხებს უზელდა. ბოლო დღეებში კი პერს ხშირად აგონდებოდა ის დრო, როცა დედა ჭერ კიდევ მეურნეობას უძღვებოდა, როცა ის დილაობით და ძილის წინ პირს ბანდა უმცროს ბავშვებს, აცმევდა და ხდიდა მათ, უკემსავდა და უკერებდა ტანსაცმელს შუათანებს, გაკვეთილებს უმოწმებდა უფროსებს და მათთან ერთად სწავლობდა ლამაზად წერას; ღამლამობით რომ გრძელი თეთრი პერანგი ეცვა და ბავშვთა ოთახებში დადიოდა — ერთს ბალიშს გაუსწორებდა, მეორეს ყურთუქს აუპენტავდა, ანდა, თუ ვინმე ძილში თვალს გამოაჭყეტდა ან გვერდზე გადაბრუნდებოდა, თავზე საოცრად ნაზ ხელს გადაუსვამდა.

ყველაზე ნათლად პერს ომისდროინდელი დედა მოაგონდა. თერთონ პერი მაშინ ძალიან პატარა იყო და ომის მთელი საშინელება არ ესმოდა, ხოლო ომით გამოწვეული არეულობა და ფუსფუსი მას მხოლოდ ართობდა. მრავალი თვის განმავლობაში ქალაქი გერმანიის ჯარებს ეჭირა, ისინი მუსიკით დააბიჯებდნენ ქუჩებში. თითოეულ პოლკს მაღალი მედლოე მიუძღვოდა. ისინი ყველას დასანახად მწკრივ-

დებოდნენ მანეჯზე ან ბაზრის მოედანზე. პასტორის სახლიც კი მუდამ საესე იყო ჯარისკაცებით, ზოგჯერ ოც კაცამდეც და შვიდი-რვა ცხენიც მოგროვდებოდა ხოლმე. ცხენებს ტორფის ფარდულში ამწყვდევდნენ, დილ-დილობით ბაღში გამოჰყავდათ და ოფიცრის მეთვალყურეობით წმენდნენ. სახლის პატრონებს სულ რამდენიმე ოთახი დაუტოვეს და ბავშვები ყველას ფეხებში ებლანდებოდნენ. პერს ყოველივე ეს ძალიან ართობდა. საჭმელს მათ ბადაგით უკაზმავდნენ, რადგან ცხიმი არ იყო!.. ახლა მოაგონდა პერს, რომ დედა მაშინ ბავშვს ელოდებოდა — მეთორმეტე ბავშვს, მეთორმეტედ ემზადებოდა სიკვდილთან ორთაბრძოლაში შესაბამელად. მაგრამ ეს კიდევ ცოტა იყო. ზოგიერთი ბავშვი ავად გახდა, ხოლო სამი წლის გოგონა საშინელი ტანჯვით მოკვდა. პერს მერე უამბებს, სწორედ იმ წუთში, ჰანოვერსკის პოლკი რომ ქალაქს ტოვებდა, ხოლო მეორე — იკავებდა, გოგონამ დედის მკლავებზე დალია სულიო.

რაღა გასაკვირია, თუ ამის გადამტანი დედა მუდამ ნაღვლიანი იყო? საერთოდაც, უმცროსი თაობა, ვინც გაცილებით წყნარ და მშვიდობიან დროს აღიზარდა, ხშირად უსამართლოდ ჰკიცხავდა იმას, უფროსი თაობა რომ სასოწარკვეთილი იყო და ურწმუნო, ამ თაობამ კი თავის ზურგზე გადაიტანა ომის სიძნელეები და მწუხარება. გასაკვირი ის უფროა, რომ დედა მთლად არ გატეხა ამ შიშზე ამბების გადატანამ. თვით იაკობასაც, ვისაც ბევრი გადაეტანა ცხოვრებაში, ვერ გაეგო, საიდან სესხულობდა პერის დედა ზებუნებრივ ძალებს, რომ ამ უძლური სხეულის პატრონ ქალს ბედის შიშზე დარტყმანი ასე გადაეტანა, ერთი საყვედურიც არ დასცდენოდა.

მართლაც რომ, საიდან? რა შინაგანი ძალა ეხმარებოდა უფროსი თაობის ადამიანებს, გადაეტანათ ცხოვრების გაჭირვება, ომის წლების მღელვარება, სიცოცხლენამკვდარი ომის შემდგომი წლები? გამოეცლოთ ყველა სისხლიანი მოვლენა, რომელთა სიმბოლო ადამიანის გულისმომკვლელი დედათა წამების გზა იყო?

რაც შეეხება თვითონ დედას, ის არასოდეს არ დაფიქრებულა პასუხზე. პერს ახსოვდა სიტყვები, რომელთაც დედა ხშირად იშველიებდა:

თუ რამ შეეკმენი ამ ქვეყანაზე,
ღმერთო, შენით ვარ შოაგონებული.

...პერი სიცივემ შეაკრთო, წამოდგა და დაიწყო სიარული გრძელ-
მთელ გემბანზე გაჭიმულ საფენზე. ფეხები ქვიშიანი ტომრებივით
დაუძძიმდა, ხოლო თავი ლამის განეთქორდა ამ ბოლო დღეების სა-
ზრუნავისაგან. პერმა ველარ შესძლო სიარული და კვლავ დაჯდა.

ამ დროს კაპიტნის ბოგირიდან შტურმანი ჩამოვიდა და პერის შო-
რიახლო დადგა, ეტყობოდა, საუბრის გაბმას აპირებდა. მან პერს მე-
თევზეთა ნავეები დაანახვა, დაშვებული იალქნებით მსუბუქ ფრთონაზე
რომ ქანაობდნენ და აუხსნა, მეთევზეები ქამბალაზე იყვნენ წასული,
ახლა კი უკან მოცურავენ დინების მიხედვით, სამხრეთით კუნძულ
ანხალტის ირგვლივ ქვიშიან მეჩჩებში რომ ჩნდებო.

პერმა მოკლედ უპასუხა: „ღიახ, ღიახ“.

უცებ დედის დატოვებული წერილი და შეკრულა გაახსენდა. აჰ
შეკრულაში, რაღა ლაპარაკი უნდა, ალბათ მამის საათი იღო. პერს ვერ
გადაეწყვიტა ამ წერილის წაკითხვა. მოხარული იქნებოდა, თუ შე-
ოტყობდა, რომ დედას ცოტათი მაინც ესმოდა მისი, მაგრამ ებერხარ-
დის გუშინდელი გამოხედვა კარგს არაფერს უქაღდა.

პერი ხელახლა წამოდგა, მოუსვენრობა სტანჯავდა და ერთ ადგილას
ვერ ჩერდებოდა.

— ისა სჯობდა, დაწოლილიყავით, — უთხრა შტურმანმა და ჭიბებ-
ში ხელებჩაყოფილი მიუახლოვდა. — ძალიან ცივა და გემბანზე აბა რა
გახეტიალვებთ.

შტურმანს ისე უპატივცემლო ტონი ჰქონდა და ისეთი პოზითაც იდ-
გა, პერმა უნებლიედ მუშტები მოკუმია. ის იყო აპირებდა ხმა გაეკმენ-
დინებინა ამ უხეშისათვის, მაგრამ სწორედ ამ დროს მიხვდა, ალბათ
ჩემზე ეჭვობენ, თავის მოკვლას ხომ არ აპირებსო და ვახტის შეცვლი-
სასაც სწორედ ამას ჩურჩულობდნენო.

პერმა არც აცივა, არც აცხელა, შტურმანს ჰკითხა, ხომ არ გგონია,
რომ გემიდან გადახტომას ვაპირებო.

— რახან თავად წამოიწყეთ ამაზე ლაპარაკი, უნდა გამოგიტყდეთ,
რომ ჩვენ ცოტათი ვეჭვობდით, რომ ეს ასეა. ასეთი რამ ხშირად ხდება,
მერე კი ატყდება ხმაური, დაკითხვები და სხვა მსგავსი სისაძაგლეები,
ეს კი, პატიოსნურად უნდა მოგახსენოთ, სულაც არ გვეამება. ამ შე-
მოდგომაზე სწორედ ამ ადგილას ერთი კაცი დაიხრაო.

— ვინ იყო?

— ვილაც ხორსენსელი გემის მგზავრა. ამბობენ, ბედმა ძალიან

უმუხბთლაო. ჩვენ მხოლოდ ქუდს მოვკარით თვალი, სხვას ვერაფერს. წავიდა თევზების გამოსაკვებად.

პერმა უნებლიედ დახარა თვალები, მერე შტურმანს ღამე მშვიდობისა უსურვა და ძირს ჩავიდა. რამდენიმე საათს იხეტიალა დახუთულ კაიუტაში მხვრინავ და მკენესარე ადამიანთა შორის, მაგრამ ძილი არ გაჰკარებია. ფიქრი არ ასვენებდა. გრძნობდა, რომ ამ ღამით მასში დიდი ხნის წინ შემზადებული სულიერი აღორძინება ხდებოდა. ამ ნისლიან ბურუსში თვალწინ ახალი სამყარო დაუდგა, მაგრამ ჯერ ვერ გაარკვია, რომელი გზით წასულიყო იქით. ყოველივე, რაც უკან დარჩა, არარაობას შეუერთდა. მოხუცი დაავადებული ქალის სახით მან ისეთი ძალა იგრძნო, მასთან შედარებით კეისრის სიძლიერე არარაობად და საცოდაობად გამოიყურებოდა. — ეს ძალა და სიდიდე ტანჯვასა, განდევნილობასა და თავგანწირვაში გამოჩნდა.

თავქვეშ ხელებამოდებული პერი ფართოდ გახელილი თვალებით გასცქეროდა ბინდ-ბუნდს და ეშინოდა იმ სულიერი ბრძოლისა, მას რომ მოელოდა. მაგრამ თავს დაჩაგრულად არ გრძნობდა. თავისდა გასაოცრად, არც კი შენატროდა იმ ადამიანებს, ვინც მშვიდად ხვრინავდა მის ირგვლივ იმ ძილის წამლით დაძინებულები, სუფთა სინდისს რომ ეძახიან. პერის სევდა და მონანიება ისეთივე ამაღლებული და სასიხარულო იყო, როგორც მშობიარის ტანჯვა, რაც ქვეყნად ახალი სასოებისა და იმედების, ახალი სიცოცხლის წარმოშობის მომასწავებელია.

ინათა თუ არა, ფიორდის შესართავთან პირველსავე ნავსადგურზე პერი გემიდან გადმოვიდა. ბორცვის მწვერვალთან თვალებით გააცილა გემი — დიდხანს მიდიოდა მდებლობებს შორის დაკლაკნილ ფიორდში. რვა წლის წინათ ამავე გზით წამოვიდა შინიდან ჰაბუკუკური გამბედაობითა და წარბეჭდილი ოცნებებით აღსავსე. მას შემდეგ რვა წელიწადი გავიდა! პერს ხომ მართლაც ბედი სწყალობდა, მან ნამდვილად დაიპყრო სამეფო, რომლის დაპყრობაც უნდოდა და რომლის გვირგვინიც მისთვის იყო შექმნილი.

ნამის წვეთები პერს ცრემლებივით დასხდომოდა წამწამებზე, ის კი სულ სარკოფაგს გასცქეროდა, ყვავილებით დაფარულ მდებლობებს შორის რომ მიცურავდა, მანამ გასცქეროდა, სანამ განთიადის ოქროს ნისლში ციური სამეფოს აჩრდილივით არ მიიშალა.

აღმოსავლეთ იუტლანდიის ერთ-ერთ ყველაზე გულღია კუთხეში. დაბლობ ადგილას დგას დიდი ციხე-დარბაზი, მუქი წითელი კედლებით და ფრონტონის წანაშეკრებით რომ მონასტერს წააგავს. ეს კერასხოლმა გახლავთ. ის მდებარეობს ველის განაპირას, მწვანე ნიაღვარივით რომ მიიკლავება ტყეებითა და სახნავეებით დაფარულ ბორცვებს შორის.

მის ფსკერზე მიედინება წყნარი პატარა მდინარე — ფართო, გლუვი მდინარის საბრალო ნარჩენები, ოდესღაც მთელ ველს რომ ერთი მილის სიგანეზე ფარავდა. ახლა, თუ ძალიან ახლოს არ მიხვედი ნაპირთან, მდინარე საერთოდ არ მოჩანს. მწვანე ვაკე, მასზე აქა-იქ თხრილები და ამოუშრობელი გუბეები გადაგეშლება თვალწინ. კაცი ვერც დაიჭერებს, რომ წარსულში ამ ნაპირებს შორის მალალი ტალღები მოგორავდა. იქ, ლელიანზე, სადაც ახლა გაუბედავად დაფრინავენ ყავისფერი და ნაცრისფერი მგალობელი ჩიტები, ოდესღაც ამაყად დანავარდობდნენ ვერცხლივით ელვარფრთებიანი დიდი ზღვის თოლიები. იქ, სადაც ახლა მიწისმთხრელები და დღიური მუშები მორიდებით იღეჭებიან ქონსა და პურს, ოდესღაც სისხლით მორწყულ გემებიდან ხმელეთზე ბრძოლით დამთვრალი კორსარები გადმოდიოდნენ და ზეიმიტ ეზიდებოდნენ შინისკენ მდიდარ ნადავლს.

ბორცვებზე, სადაც ჭვავის მინდვრებს შორის ახლა ნათელი და მზიარული ჭალები ხმაურობს, ოდესღაც უღრანი ტყეები იყო გადაჭიმული და მთვარიან ცივ ღამეებში იქ მგლები ყმუოდნენ. კარგა ხნის შემდეგაც, როცა დაბლობმა ამოიწია და ფიორდის ძველ ფსკერზე მხვნელმთესველის მშვიდობიანმა გუთანმა გაიარა, ტყე ძველებურად მამაცი და მარჯვე ვაჟკაცების თავშესაფრად დარჩა. აქ კეთდებოდა წარჩინებულ პირთათვის მონადირის ბუკები, როცა ისინი დააგელვებდნენ ცხენებს და უნაგირის ტახტაზე თვით სიკვდილი ეჯდათ, ხოლო სისხლიანი კვალი შიგ ტევრში მისდევდათ. აქ ბობოქრობდა ავდარი — თითქოს ათასხმიანი ღრიალი ავსებდა პაერს და მასში ისმოდა ზღვის ყრუ გრიალის ავისმომასწავებელი გამოძახილი, ადამიანის სულს წმინდა შიშით რომ ავსებდა.

მაგრამ ტყე თანდათანობით გამოდევნილ იქნა ნაყოფიერი მიწებიდან. უიარაღო ახალმოსულებმა აიშენეს სახლები, გააშენეს ბაღები, რათა

განმარტობაში მოემკათ მიწიერი ნაყოფი. ჭვარცმებითა და წმინდანთა ქანდაკებებით მონიშნული გზით მოვიდნენ სამხრეთიდან ადამიანები, გრძელი ტანსაცმელი და შიშველ ფეხებზე სანდლები რომ ეცვათ და მალე პირველმა ზარმა ვიკინგების უძველეს მიწას აუწყა: „მშვიდობა დედამიწაზე, მწყალობლობა — ადამიანებს“. გადიოდა წლები. გლეხის მშვიდობიანი ცული ყოველის მხრიდან ერჭობოდა ტყის სიბნელეში, სადაც არწივთა მიერ მიტოვებულ ბუდეებში ახლა ყვავები ჩხაოდნენ გაიარა საუკუნეებმა. აყვავებული მინდვრებიდან მშობლიური მიწის ნაბოძვარი კაცობრიობის რჩეულ შვილთა საცხოვრებლის ზღურ-ბლიდან ჩაედინა და გომებსა და სასიმიინდეებში გროვდებოდა, კის-რამდე აპიპინებდა მონასტრების ბელლებსა და საწყობებს და მებატო-ნეთა კარმიდამოს ახალი ხორციით და თაფლივით ტკბილი ლუდით, ხო-ლო საბოლოოდ ქონითა და სისხლით ავსებდა ხორცს ბერის ანაფორი-სა და რაინდის მბზინავი აბჯრის ქვეშ. მაგრამ როგორც კი ღვთისმომიშ ბერს ქონი მოერეოდა, მაშინვე ავხორცი ვნებიანი სურვილები ეუფ-ლებოდა. უჩინდებოდა ქორწინების მოთხოვნილება, ოჯახის მამად გახ-დომას თავის წმინდა მოვალეობადაც კი თვლიდა და ფუჭ ოცნებათა უარყოფას და ადამის სხვა შვილებთან ერთად ცხოვრების სიკეთეთა განაწილებას ცდილობდა. ეკლესია დაუნათესავდა ერისკაცებს და მა-შინ სანდლებისაგან და მონაწიეების მკაცრი ტანსაცმლიდან, რაზედაც ქამრად ქერელის ბაგირი ჰქონდათ შემორტყმული, როგორც აბრეშუ-მის ჭიის პარკიდან, გამოძვრა პირველი პასტორი სიდენიუსი, თეთრი ნაოქიანი საყელო რომ ეკეთა და ბავშვების გროვა რომ მოსდევდა უკან.

რაინდიც თანდათან ეგუებოდა მშვიდობიან არსებობას. სასიკეთო კანონი ერთგულად იცავდა მეგვიდრეობით მიღებულ სიმღიღრეს, ხო-ლო თავგადასავლები და მოუხვენარი ცხოვრება დღითი დღე უფრო და უფრო ნაკლებად იზიდავდა. მრისხანე ვიკინგების ჩამომავალი საქონ-ლის ვაჭრად ან მიწათმფლობლად იქცეოდა, ბუმბულებიან შლიაპას იხურავდა და ხავერდის შარვალს იცვამდა. მაღალი, ახოვანი ძალ-ღო-ნით სავსე კაცი თავის იორდას დააჭენებდა და მამულიშვილური ნაყო-ფიერების ცოცხალი განსახიერება გახლდათ.

მათ შორის გვხვდებოდა ბატონ ლავე ესკესენ-ბრუკის მსგავსი ალა-მიანებიც, ვინც ნახევარ იუტლანდიას ედავებოდა და ეჩხუბებოდა, ან ოლუფ პედერსენ-გიულენსტერანივით ცნობილი რაინდები, ვინც ღვიძლმა დებმა ფრუ ელსებამ და ფრიოკენ ლენამაც ვერ აიტანეს და

ვაბორგის ლანდტინგზე დაადანაშაულეს „აეკაცობასა და უსამართლობაში, რაც მათ მიმართ მოიმოქმედა, რაკი სცემდა მათ და მათსავე მსახურთ, ემუქრებოდა ცეცხლმსროლი იარაღით და გაშიშვლებული მახვილით, არბევდა მათ სახლებს და ძალით სტაცებდა მთელ ქონებას“. აი, როგორი ხალხი გახლდათ. მეკობრულ სისხლში გამჭდარი გმირობის სურვილი და დაუმორჩილებელი სული მათ კამეჩურ ქედმაღლობად და თავიანთი ახლობლების აბუჩად აგდების სურვილად გადაუფარდათ.

გვხვდებოდნენ იორგენ არფელდის მსგავსი ადამიანებიც, ვისაც წინაპართა ველური სიშმაგე გამწარებული რელიგიური ფანატიზმით — თავისებური ღვთისმოშიშური საღიზმით შეეცვალა. მან ბრძანა, საიდუმლო სასმენი ლულები მისი ციხე-დარბაზის მიწისქვეშეთიდან საცხოვრებელ ოთახებში გაეყვანათ, რათა სული ეამებინა ნატანჯი ჯადოქრების და ეშმაკის სხვა მსახურთა საშინელი გოდებით, ჩვენი მოწყალე უფლის იესო ქრისტეს სადიდებლად სიკვდილამდე რომ აწამებდნენ ნესტიან და ბნელ მიწისქვეშეთში.



ახლა კი ბორცვებს შორის უდაბნოს ერთფეროვნებაში და სიმყუდროვეში პოხიერი უბილიკო და უგზო ვაკე გაშლილიყო, სადაც არც ხე იდგა, არც სახლი. თუ არა თიბვის დროს, საათობით რომ იართო მდინარის დაკლაკნილი კალაპოტის გასწვრივ, ერთი სულიერი არსებაც კი არ შეგხვდებოდა, ვერავის ხმას ვერ გაიგონებოდა, გარდა წყლის შხაპუნისა და იშვიათად — მატარებლის ბორბლების მწყობრი კაკუნისა, როცა ის შორეულ ხილზე გადის.

აქ ოდესღაც დადიოდნენ აფრიანი გემები — უწინდელი ფლოტის საცოდავი ნარჩენები; რაღაც ათიოდე წლის წინათ ცოტათი მაინც აცოცხლებდნენ მდინარეს, მაგრამ ახლა კვალიც არ დარჩენილა მათი. რამდენიმე კვირას რომ ელოდო, ძლივს დაინახავ გრძელ, ბრტყელცხვირა გემს, რომელიც ტვირთით ისე ღრმად იწევს ქვევით, რომ მატროსები ლატანებით უბიძგებენ ხოლმე დინების წინააღმდეგ და მოაჯირებზე დაცოცავენ, რათა ფეხები არ დაუსველდეთ.

უფრო ხშირად აქ ხალხს შეხვდებით; გრძელი ანკესებით შეიარაღებულნი, ისეთი ფილოსოფიური სიდინჯით სხედან ნაპირზე, ჭეშმარიტ დანიელს რომ შეეფერება და თამბაქოს იღეჭებიან. გვხვდებიან გველ-

თევზაზე მონადირენიც — ხან კაცები, ხან ქალები, წყალში წელამდე. მდგართ ლამიანი მღვრიე ფსკერიდან გველთევზათა ჯგრო ამოჰყავთ.

დაბოლოს, აქ შეიძლება შეხვდეთ მარტოხელა მონადირეს. აქაური მოსახლეობა მას საგანგებოდ უვლის გვერდს. ეს არის აწოწილი, ხმელ-ხმელი და პირქუში სუბიექტი, ჭაობის მაღალი ჩექმები აცვია, სიარულისას თავს მხრებში რგავს და დამფრთხალი შესახედაობა აქვს. მისალმებაზე ჩვეულებრივად არ პასუხობს. სახეზე მკვდრის ფერი ადევს, ცხვირი გაჭყლეტილი აქვს, ხოლო პირი არ უჩანს აბურძგვნილ წვერებში. სწორედ ეს გახლავთ კერსხოლმის მფლობელი ჰოფეჰერმეისტერი ფონ პრანგენი.

სანამ მისი ორი ჭრელი ძალი წკავწკავით ურბენს მდელოს და დროდადრო თქაფუნით იმალება ლელიანში, თავად დინჯად მიაბიჯებს. მოკლე გზით. თოფი მხარზე უქმად უქანავებს, ხელები მონადირის გრძელი ქურთუკის ირიბად გაჭრილ ჯიბეებში ჩაუყვია. ყველა მიხვდება, რომ ეს კაცი სანადიროდ კი არა, უფრო იმისთვის გამოსულა, რათა საკუთარ თავთან და პირქუშ ფიქრებთან განმარტოვდეს.

ველის მცხოვრებნი ხშირად მარჩიელობენ, რაზე შეიძლება ფიქრობდეს ბატონი ჰოფეჰერმეისტერიო. ამ ადამიანის გაგება ყოველთვის უჭირდათ. ამ კაცში ოითქოს ორი სხვადასხვა ადამიანი ცხოვრობდა. ეს გახლდათ მღუმარე ადამიანი, თვალებს რომ არიდებს ხალხს და ზოგჯერ ყბედ თანამოსაუბრედ და ტრაბახა კაცად რომ გადაიქცევა ხოლმე და რას აღარ მიედ-მოედება; მოკლედ, ნამდვილი ბარონი მიუნჰაუზენია. ერთ დროს ეგონათ, ეს კაცი ცოლმა გახადა ასეთი გულჩათხრობილიო, ახლა კი ფიქრობენ, ყველაფრის თავი და თავი მიზეზი დაუსრულებელი დავაა, გამუღმებით რომ აქვს ხოლმე ვინმესთან და თითქმის ყოველთვის რომ აგებსო. იმასაც ამბობდნენ, კუჭის რაღაც დაავადებაც სჭირსო — მართლაც, ხშირად უფრენიათ კაცი კერსხოლმიდან წამლისთვის სადგურის აფთიაქში.

საკვირველია, რომ ჰოფეჰერმეისტერი თავადაც ვერ აგისნიდათ თავისი დაღვრემილობის მიზეზს. მას შეეძლო მშვიდად მჯდარიყო თავისი კაბინეტში და ეცქირა, როგორ იქსაქსებოდა მზეზე ყალიონიდან გამოსული ბოლის რგოლები, რომ უეცრად სევდა აიტანდა და ნათელდღეს უბნელებდა. მაშინ დაიწყებდა ფიქრს იმაზე, თუ რა მოხდა და რაც უფრო მეტს ფიქრობდა, მით უფრო ღრმად ეუფლებოდა სასოწარკვეთილებას.

კერსხოლმის საჯინბოებსა და ბალებს მაშინვე მოედებოდა, ჰოფე-ჰერმეისტერს კვლავ „მოუარაო“ და სადაც არ უნდა გამოჩენილიყო მისი წვივმაღალი ტანი, ყველა ცდილობდა კარგა მანძილით მორიდებოდა. ასეთ წუთებში, მისი ვებებრთელა შავ თვალის ბუდეებისა და ხარივით გახევებული კისრის დანახვაზე, გამბედავ კაცსაც კი შიში აიტანდა ხოლმე.

ჰოფეჰერმეისტერის მეუღლე ჰკვიანი ქალი იყო, ფრიად მოსწონდა თავისი დამოუკიდებლობა და მეუღლის განწყობილებებისთვის ანგარიშის გაწევას არ დაგიდევდათ. ამიტომაც, ჩვეულებრივ, თავი ისე ეპირა, ვითომც აქ არაფერი მომხდარიყოს. ქალმა გამოცდილებით იცოდა, რომ მეუღლეზე ზეგავლინის მოხდენის ყოველი ცდა მხოლოდ აუარესებდა საქმეს. ქმარს კუშტი განწყობილება გარკვეული დროით ეწვეოდა ხოლმე და მერე ისე უკვალოდ და უეცრად უქრებოდა, როგორც მოუვლიდა. საოჯახო ტრაპეზებზე ჰოფეჰერმეისტერი მხოლოდ იმბტომ თუ გააღებდა პირს, რომ მორიგი ლუქმა გადაეყლაპა, საუბარს თვით ჰოფეჰერმეისტერის მეუღლე წარმართავდა და რაკი მეუღლის დაუოკებელი ხანიათის მოღბობას ცდილობდა, სადილად მის საყვარელ კერძებს უკვეთავდა. საქმე ის გახლდათ, რომ ჰოფეჰერმეისტერს ძალიან უყვარდა ქამა და ძალზე შავი სევდაც ვერ უფუჰებდა მადას. ტკბილი ლუდისა და ბრინჯის ფაფის უზარმაზარი ულუფები, ვაშლისსაწებლიანი შემწვარი ხორცი, ჩაშუშულკომბოსტოიანი გულღვიძლის ძეხვი და სხვა სანოვაგე ისე იცლებოდა მის კუჭში, გეგონებოდათ, პასტორის საწყობი იყო.

ქამის შემდეგ ჩვეულებრივ გავიდოდა თავის ოთახში, რომელსაც სასტუმრო ოთახიდან პატარა დარბაზი ჰყოფდა. მაგრამ ჰოფეჰერმეისტერის მეუღლე ძალიან მარკვედ იქცეოდა და ყოველთვის ახერხებდა, რომ მის ქმარს კარი არ ჩაეკეტა და მსახურთა დასანახად არ განცალკევებულიყო.

ქალმა იცოდა, რომ მისი წარსულის და მათი ქორწინების შესახებ ძალიან ხშირად ზედმეტს ლაყბობდნენ. ამასთან ქალს სხვა მიზეზებიც ჰქონდა, რომ ქმართან სრული ნდობის შენარჩუნებას ცდილიყო.

ჰოფეჰერმეისტერის მეუღლე ოცდაათ წელს გადაცილებული ქალი გახლდათ, ბატონ პრანგენის ცოლი რომ გახდა. ამ ქორწინებას ქალის წრეში დასცინეს და გაოცდნენ კიდევ, რადგან პრანგენზე მხოლოდ ის გაეგოთ, რომ ეს კაცი უნიჭო იყო და ახირებული ლაპარაკი იცოდა. ჯერ

კიდევ მაშინ დაინტერესდა ხალხი ამ ქალის წარსულით. ლაპარაკობდნენ, რომ მისმა სილამაზემ ვნებით აანთო ერთი ფრიად მაღალი თანამდებობის პირი, მაგრამ ჰქონდა თუ არა ამ კაცთან ახლო დამოკიდებულება, ეს — ვაი რომ, არავინ იცოდა ხეირიანად. მიუხედავად ამისა, მსმენელები ჭეშმარიტად ტკბებოდნენ სიამოვნებით, ატაცებული მემამულე პრანგენი რომ თავისი მეუღლის სამეფო კარზე გავლენით ტრამბახობდა.

ქალი გათხოვების შემდეგაც ისეთ ცხოვრებას ეწეოდა, ხალხის შითქმა-მოთქმას ბოლო არ უჩანდა. რაკი ხშირად მიემგზავრებოდა ხოლმე ხან კოპენჰაგენში, ხან კი საზღვარგარეთ — წყლებზე, მის სახელს მიწის არისტოკრატიის ხან ერთ წარმომადგენელს უკავშირებდნენ, ხან მეორეს; იმათ სახელს, ვინც მშვენიერი სქესისადმი გულგრილად არ იყო განწყობილი. ეს ქალი მღევარს ისე მოხერხებულად დააყენებდა ცრუ კვალზე, სინამდვილე კვლავ არავინ უწყოდა. მისი ქმარი კი მთლიანად ჩაფლული იყო სადავო საქმეებში და კუჭის მოუწელებლობაზე ფიქრით იყო გართული, ამიტომ, გარდა იშვიათი შემთხვევისა, ცოლზე ეჭვი არ ეპარებოდა.

ახალგაზრდობაში ჰოფეჰერმეისტერის მეუღლე ფრიად თავქარიანულად ეკიდებოდა თავის მეუღლურ ურთიერთობას. ის სწორედ იმიტომაც გათხოვდა პრანგენზე, რომ თავის რომანების დასაფარ თეჯირად ექცია ქმარი. მაშინ ის საკუთარ თავქარიანობას იმით ამართლებდა, რომ ქმარიც არ დაზარალებულა მათი ქორწინებით: ცოლმა უშოვა მას გაცილებით უფრო მაღალი საპატიო წოდება, ვიდრე თავისი წარმოშობით, განათლებითა და შემოსავლით ეკუთვნოდა.

მერე წლებმა თავისი წაიღეს, სისხლი დაუცხრა და ნაგვიანეგმა მონანიებამ ჭეშმარიტად მევახშური პროცენტებით წაუყენა ანგარიში. ხანში შესულობისას ჰოფეჰერმეისტერის მეუღლე მგზნებარედ გაიტაცა რელიგიამ, ქალი მეზობელი მრევლის პასტორის, ვინმე ბლომბერგის გავლენის ქვეშ მოექცა — პასტორი ბლომბერგი არ ეკუთვნოდა დამსჯელი ღმერთის გაშმაგებულ მქადაგებელთა რიცხვს, ასეთები მაშინ ძალიან ხშირად გვხვდებოდნენ და მათ შუასაუკუნეების აღდგენა სურდათ. ბლომბერგი, პირიქით, მეტად უბრალო და ადამიანური მღვდელი იყო, ვერ იტანდა ექსტაზსა და მაღალფარდოვნებას და სულით მხნე ნუგეშისმცემლის ნიმუშს წარმოადგენდა, სანიადგდლეო სახარების

მქადაგებელს, ადამიანისაგან ყოველდღიურ ცხოვრებაში გასაღებ მსხვერპლს არ მოითხოვდა და ამიტომ ბევრი მომხრეც ჰყავდა.

ჰოფეჰერმეისტერის მეუღლე ერთ ვერ აღწერდა, ისე მადლობელი იყო პასტორისა, რაკი მან შედარებით იოლად და უმტკივნეულოდ მოახსენებინა ქალს ცოდვათა ტვირთი. ქალს პირდაპირ შეუყვარდა ესოდენ გულის ამჩუყებლად აუხიარებელი ახლადმოვლენილი ქრისტიანობა. თუმცა ზოგჯერ უჭირდა ლოცვის საათების დაცვა, ხან, უზენაესს რომ მიმართავდა, უცბად ვერ პოულობდა სწორ, ბავშვურად ალალმართალ ტონს, მაგრამ სამაგიეროდ გულმოდგინედ ადევნებდა თვალყურს ყველა საინტერესო მოვლენას, რაც ეკლესიას ეხებოდა. მისი ბინა საესე იყო რელიგიური შინაარსის წიგნებით და ღვთისმეტყველური ქურნალებით, ვიწრო წრეში რელიგიურ პაექრობებშიაც კი მონაწილეობდა და სულ უფრო და უფრო ამკარად გამოდიოდა ბლომბერგის რწმენის მისიონერად.

ქალი შეეცადა თავის ქმარზეც მოეხდინა გავლენა. მიუხედავად იმისა, რომ სულაც არ ეტყობოდა, მეტისმეტად განიცდიდა, ქმარი რომ ასეთი ცვალებადი ხასიათისა ჰყავდა. რელიგიის საკითხებში ბატონი ჰოფეჰერმეისტერი ტვინს არ ანძრევდა, მაგრამ ცოლს იმედი ჰქონდა, რომ დროთა განმავლობაში დასძლევდა მის გულგრილობას, აზიარებდა ქმარს ცოცხალი რწმენის სიხარულს და ამითი დაასაჩუქრებდა იმის სამაგიეროდ, რომ თავად ერთგული ცოლი არ იყო.

* * *

აი ამ სახლში და ამ ადამიანებთან გადაწყვიტა პერმა მოექებნა თავშესაფარი, როცა ღამით ფარულად კატეპატზე გააცილა კუბო ღედის ცხედრით. დილით ადრე პერი გემიდან ფიორდის შესართავთან ჩამოვიდა და შუადღისას, ფიზიკურად და ზნეობრივად დატანჯული, უკვე კერსხოლმს უახლოვდებოდა.

აქ მას საგანგებო გულითადი მიღება ელოდა არა მარტო ჰოფეჰერმეისტერის მეუღლისა და მისი დის, ბარონესასაგან, აქამდე რომ სტუმრად იყო კერსხოლმში, არამედ თვით ოჯახის პატრონისგანაც, რადგან პრანგენმა ის-ის იყო შეიტყო, რომ წარმატებით მოიგო პროცესი ერთი გვისპირა თხრილის თაობაზე. ხშირად არ მთავრდებოდა ასე წარმატე-

ბით მისი ახირება, სამაგიეროდ, როცა ეს ხდებოდა, ჰოფეპერმეისტერი აღფრთოვანებისაგან ჰკუჟას კარგავდა.

რათა პერისტეის მოვლენათა ვითარება გაეცნო, ჰოფეპერმეისტერმა ის თავის ოთახში შეიყვანა, ისარგებლა მოხერხებული შემთხვევით და დაწვრილებით გააცნო მას სამი სხვა პროცესი, რომლებიც აგრეთვე მოიგო თავის ცხოვრებაში და რომელთანაც ერთი, ასე თქვა ჰოფეპერმეისტერმა, იმდენად არაჩვეულებრივი და დაბნეული საქმე იყო, უმაღლესი სასამართლოს სხდომა სამ დღეს მიმდინარეობდა ამ საკითხზე.

პერი ფიქრებით ჯერ ისევ დედის კუბოს დასტრიალებდა და უხაროდა, რომ საშუალება ჰქონდა ხმა არ ამოეღო და ეფიქრა.

ჰოფეპერმეისტერი არ იყო დაჩვეული ასეთ მომთმენ მსმენელებს და საუბრის მერე მეუღლეს უთხრა, შენი ახალგაზრდა მეგობარი ძალიან, ძალიან მომწონსო. სადილის დროს პერმა თავისი მომავალი გამგზავრების შესახებ წამოიწყო ლაპარაკი, ჰოფეპერმეისტერმა თითქმის უფრო მეტი თავგამოდებით, ვიდრე სხვებმა, დაუწყო პერს შეგონება, კარგად დაისვენეთ კერსხოლმში სწორედ ახლა, დიდი ხნის ნანატრი ზაფხული რომ დადგაო.

პერის დაყოლიება სულ არ აღმოჩნდა ძნელი. მით უფრო, რომ კოპენჰაგენისკენ სულ არ მიუწევდა გული. პერი ფიქრობდა, ამაზე უკეთეს ადგილს სად ვიპოვი, რათა გადავლახო სულიერი კრიზისი, რის მოახლოებასაც წინასწარ ვგრძნობ? მას წყნარი, მყუდრო ოთახი მიუჩინეს მთავარი შენობის ფლიგელში, ფანჯრები ბაღში გადიოდა და მაღალი, ხშირფოთლიანი წაბლის ხეების ხეივანი დღის სინათლეს უჩრდილავდა. ოთახის შუაგულში ფხეკისაგან გადათეთრებულ იატაკზე მუხისკვადრატული მაგიდა იდგა, მრგვალი მკერივი ფეხები რომ ჰქონდა, ხოლო მის ირგვლივ კი ოთხი მაღალზურგიანი სკამი. თეჯირს იქით საწოლი იდგა და საიმედოდ იცავდა მაღალი ძველებური ლუმელი, აბჯარში გამოწყობილი რაინდივით რომ ბრწყინავდა კუთხეში. ფანჯრებს შორის იაქთალში წიგნებით სავსე თარო ეკიდა.

ოთახი პერს მაშინვე მოეწონა — აბა, რა შედარება იყო სასტუმროს დანომრილ და ერთფეროვან აპარტამენტებთან, რომლებში საცხოვრებლადაც ასე დიდი ხნით გასწირა ბედმა. მომწვანო ბინდ-ბუნდი კარგად ეხამებოდა პერის განწყობილებას, — სწორედ ასეთი პატარა სამალავი, ასე პერივით განდგომა სჭირდებოდა ახლა მას ყველაფერზე უფრო მე-

ტად. განსაკუთრებით წიგნებმა გაახარა: პერმა მოასწრო და ბევრი წიგნის ყდაზე ქადაგებათა და თეოლოგიის სხვა ნამუშევართა სათაურები წაიკითხა; ამ წიგნებზე გატაცებით უყვებოდა თავის ღროზე ჰოფეპერმისტერის მეუღლე.

პერმა ტელეგრამა გაგზავნა კომენპაგენის სასტუმროში და სთხოვა გამოეგზავნათ ზოგი მისი ნივთი. იაკობას პერმა მისწერა დაწვრილებითი წერილი, სადაც ცდილობდა აეხსნა უეცარი გულისთქმა, რამაც აიძულა დედის ცხედარს გაპყლოდა და აცნობა ქალს, ვისარგებლე ამ შემთხვევით და შევასრულე დიდი ხნის მიცემული პირობა, ვინახულე ჩემი ნაცნობები, იტალიელი თანამგზავრებით. კერსხოლმში დარჩენის თაობაზე პერი ჯერ მხოლოდ იმას სწერდა იაკობას, რომ დასვენება და ახალი მოგზაურობის წინ ძალის მოკრება მჭირდებოდა. პერმა გადაწყვიტა, ზედმეტია დაწვრილებითი ახსნა-განმარტების მიწერა, რადგან იაკობა, სულ ერთია, ერთი წერილით ჩემი საქციელის ნამდვილ მოტივებს ვერ გაიგებსო. ისე რომ, უნდა დაეცადა, სანამ დაწვრილებით გაიგებდა ყოველივეს. რას იზამ, პერი და იაკობა სხვადასხვა სულიერ ნიადაგზე აღმოცენდნენ, აქედან წარმოსდგება სწორედ, რომ მათ ურთიერთობას მუდამ რალაც აკლია. რაც არ უნდა გმირულად დაატანოს თავს ძალა ორივე მხარემ, ნატურათა ასეთი ღრმა განსხვავების გამო შეუძლებელია ჭეშმარიტი სიახლოვე.

სალამოთი, როგორც კი წერილი გააგზავნა, პერი თითქმის მაშინვე დამშვიდდა. მზის ჩასვლისას სასტუმრო ოთახში იჯდა მანდილოსნებთან ერთად და თავს ამ უჩვეულო გარემოში ისე წყნარად და მყუდროდ გრძნობდა, თითქოს საკუთარ სახლში იყო. პერი არც კი ცდილა ამ შთაბეჭდილების მიზეზი აეხსნა. აქ ყველაფერი შეერწყა ერთმანეთს: დაბალი, დაბინდული, მაგრამ ვრცელი ოთახები, მზის უკანასკნელი სხივების ანაბზინი ფანჯრის მიწებზე, თვით ჰაერიც, ცოტა არ იყოს, შმო-რიანი და სამზარეულოს შემხუთველ სუნთან შერეული, — ერთი სიტყვით, ყველაფერი, სწორედ რომ ყველაფერი დედობრივად უაღერსებდა მის გულს.

ჰოფეპერმისტერი ჯერ მათ გვერდით მოთავსდა, მაგრამ უეცრად საშინელი ბრაგაბრუვით წამოვარდა და სიმღერ-სიმღერით გაეშურა: დარბაზი გაიარა და თავის ოთახისკენ გაემართა. ყველა კარი კი ღია დატოვა. მერე მისი ოთახიდან მოისმა ფანჯრის გაღების ხმა, უღრიალი და

კაცუნი. და უცხად მთა და ბარი გააყრუა ვალთორნის საყვირის მოწოდებამ.

იმ სასაცილო ფანტაზიათა შორის, რისი დანხარებითაც ჰოფეჰერმენსტერი გულდაჭერებული იყო ხოლმე, ერთი ფანტაზიაც გახლდათ: ეს კაცი თავის თავს სასულე ინსტრუმენტებზე დაკვრის უბადლო ოსტად თვლიდა. მან ჯერ ნადირობის რამდენიმე ჰანგი ააყვირა, ტყიდან ექო გამოეხმაურა, თითქოს ეს ძველთაძველი წარსულის გამოძახილი იყო, როცა ჰოფეჰერმენსტერის წინაპრები უღრან ტყეში მიძვრებოდნენ და ბალახზე სისხლიანი კვალი მისდევდათ. ნადირობის სიგნალებს მოჰყვა პატრიოტული მარშები, რის შემდეგაც შემსრულებელი აიტანა მელანქოლიურმა მგრძნობელობამ, რაც უბრალო გულთა ჭეშმარიტ პოეზიას წარმოადგენს. ეს პოეზია საზარლად ეღერდა. დასასრულს შესრულებული იქნა მელოდია: „ახ, რა მშვენიერებაა, რომ ერთად მივიღივართ!“ რათა კარგად გადმოეცა გულისამჩვილებელი გულითაღობა ოჯახური კერის საიდებელი ამ ძველებური ჰიმნისა, ჰოფეჰერმენსტერმა ისე ზამაღლა დააყვირა საკრავი, ისე ყალბად უკრავდა და თანაც ისე სვედიან გადასვლებს აკეთებდა, პერი იატაკს ჩააშტერდა, რადგან ეშინოდა, არ გადავიხარხარო. ჰოფეჰერმენსტერის მეუღლემ, პირიქით, ჩაფიქრებულმა ნიკაპი ხელზე დააყრდნო და ნაზი, უწყინარი და უცოდველი ღიმილით იცქირებოდა ფანჯარაში.

ასე სასიამოვნოდ გაატარა რამდენიმე დღე პერმა ოჯახის პატრონთა შორის, ჰოფეჰერმენსტერი საუცხოო გუნებაზე იყო და პერს თავის სამფლობელოს ათვალეირებინებდა. ნასადილევს პერი წარმტაც მიდამოებში ორივე მანდილოსანთან ერთად დასეირნობდა. ხან მარტო იყო, ხან კი მმართველი ახლდა, მასავით ახალგაზრდა კაცი.

მცირე ხანში პერი ჯანზე მოვიდა. სახე ხელახლად ბრინჯაოსფერად გაერუჯა, როგორც მაშინ, იტალიიდან რომ დაბრუნდა, და ეს ძალიან უხდებოდა. სალამონებთან ურთიერთობის თაობაზე პერი ცდილობდა ძალიან ცოტა ელაპარაკა. ეს ჰოფეჰერმენსტერის მეუღლეს არ გამოპარვია და თავადაც აღარათფერი უკითხავს. დედამისზე და ან იმაზე, თუ რამ აიძულა იუტლანდიაში ჩამოსულიყო, პერი ამჯობინებდა არაფერი ეთქვა, რადგან დღემდე არ იცოდა, რას ფიქრობდნენ ეს მანდილოსნები მისი წარმოშობის შესახებ. მაგრამ ძალიან მალე მიხვდა, რომ ჰოფეჰერმენსტერის მეუღლეს უკვე გამოეძიებინა მისი ოჯახური ამბები და

როგორც ჩანდა, ყველაფერი გაეგო პასტორ ბლომბერგისაგან, ვისზე-
დაც ასე მოწიწებით ლაპარაკობდა და ვინც ნამდვილად, პირადად იც-
ნობდა პერის მამას. პერს ძალიან გაუხარდა, ეს არეული საკითხი რომ
გაირკვა და დიდი მადლობელი იყო დიასახლისისა, ამ თემაზე შე-
კითხვებით რომ არ უწყალებდა გულს. ახლა პერს სურდა ასევე ადვი-
ლად მოეგვარებინა მეორე საჩოთირო საქმეც: ფულს დასესხებოდა
მასპინძლებს.

პერი ჯერ აპირებდა ბარონესასთვის ეთხოვა ფული, ამიტომაც ჩა-
მოვიდა აქ, მაგრამ მალე გადაიფიქრა. თუმცა მოხუცმა ქალმა პირველ-
დღესვე ხელახლა შესთავაზა პერს, ყველაფერში გაგიმართავ ხელსო
და თავისი განზრახვაც კი აუწყა, ჩემს მემკვიდრედ უნდა გაგხადოო,
მაგრამ პერს ახლაც იგივე გრძნობა აკაევებდა, რაც რომში: არ უნდოდა
უბედური გონებასუსტი მოხუცი ქალი მიცემული სიტყვით გამოეჭირა.
მას ბარონესასთან მარტო დარჩენისაც კი ეშინოდა, რადგან ქალი მა-
შინვე საშინელი ინტიმური ტონით გაუბამდა ხოლმე ლაპარაკს. ბარო-
ნესა ორ თითზე დაიბჯენდა მაქმანებით მორთულ პატარა თავს და
ფრიად მალაღფარდოვანი სიტყვებით ჩამოაგდებდა საუბარს თავის
განსვენებულ ძმაზე, რასაც ამთავრებდა ჰერცის, კარლ ბაგერის და გან-
საკუთრებით პალუდან მიულერის ლექსების დეკლამაციით; მიულერ-
ის „მოცეკვავე ქალი“ ზეპირად იცოდა და თუ დასჭირდებოდა, ბექ-
დვის ღროს დაშვებულ შეცდომათა სიასაც ჩააჩაკრაკებდა.

პერი იძულებული იყო, ძალაუვნებურად მთელი იმედები ჰოფეჰერ-
მეისტერზე და მის ცოლზე დაემყარებინა. პრანგენტან უფრო თავისუფ-
ლად გრძნობდა თავის, განსაკუთრებით მას შემდეგ, რაც მმართველმა
ჰოფეჰერმეისტერის მეუღლის წარსული უამბო. ამ ნაამბობის შემდეგ
პერი კარგად მიხვდა, რით მიიზიდა ასე ჰოფეჰერმეისტერის მეუღლემ
იტალიაში. მიხვდა ამ ქალის ჩაფიქრებულობისა და მისი შემწყნარებ-
ლობის მიზეზსაც. ეს კი იმაში გამოიხატებოდა, რომ ჰოფეჰერმეისტერ-
ის მეუღლე, საბედნიეროდ, ფრიად მოწყალედ ეკიდებოდა ჩვენი ცოდ-
ვილი სხეულის სისუსტეების გამოძედავენებას.

თუმცა პერს წუთითაც არ ეპარებოდა ეჭვი, ეს ქალი რომ გულ-
წრფელად ღვთისმოშიში იყო. ამიტომაც მისი სულის სხვა კეთილი
თვისებებიც სწამდა და იმედოვნებდა, რომ მისი შემწეობით ჰოფეჰერ-
მეისტერს და აქაურ დიდებულებს თავისი პროექტით დააინტერესებდა.
სულაც არ დაირცხვენდა, ისე მიიღებდა ამ ადამიანებისაგან დახმარე-

ბას, მაშინ, როდესაც ერთხელ და სამუდამოდ გადაწყვიტა, აღარ ეტხოვნა მხარდაჭერა თავისი სიმამრისთვის. ყოველივე, რასაც იაკობას, ალბათ, ქორწილის შემდეგ მზითვად ან სხვა რაიმე საბაბით მისცემენ. იაკობას სრულ განკარგულებაში იქნება. ამიერიდან ველარავინ გაბედვს თქვას, პერი ფილიპ სალამონის ნასუფრალით ცხოვრობსო.

მაგრამ ჭერჭერობით შესაფერისი მომენტი არ ჩაუვარდა, რომ სესხზე ჩამოეგდო საუბარი. ძალიან ბევრი რამ აინტერესებდა პერს საკუთარ თავშიც და გარშემო სამყაროშიც. უპირველეს ყოვლისა ბუნება იზიდავდა. სამი დღის განმავლობაში მხოლოდ იმის თქმა მოახერხა პოფეპერმეისტერის მეუღლისათვის, რომ მსურს პირველ შესაძლებლობისთანავე გავემგზავრო ამერიკაში, რათა იქ შევავსო ჩემი ცოდნაო.

ნამდვილი ზაფხულის ამინდი იდგა, ის დრო იყო, ყველაზე მეტად რომ უხდებოდა ამ ადგილს. ტყეზე და მინდვრებზე ნორჩი ბალახი ბიბინებდა, მდელოები კი ყვავილოვან ხალიჩად ქცეულიყო. მამულის მმართველი და პერი თითქმის დამეგობრდნენ. პერი სიამოვნებით ატარებდა ნასადილევს დასვენების დროს მმართველის ოთახში, განცალკევებულ ფლიგელში. ოთახის ერთი ფანჯრიდან მოჩანდა სადღვებელი, სადაც ქობააკეცილი შველაგები თუნუქის ვედროებით დაფუსფუსებდნენ, მეორე ფანჯარა ეზოს კუთხეში გადიოდა, აქ, ნაკელის გროვასთან. ძროხებს უზარმაზარ კერსხოლმელ მედალოსან ხარებთან აგრილებდნენ.

პერი კბილებში სიგარას გაიჩრიდა, სავარძელზე გაწვებოდა და ერთობოდა აქეთურ-იქეთურზე უბრალო სოფლური საუბრით, ან შავ პუდელს — მმართველის ძაღლს და მის ლეკვებს ეთამაშებოდა. მმართველი აუღელვებელი იუტლანდიელი გახლდათ, იმ ადამიანთა ჯურისა, ვინაც მიუხედავად იმისა, რომ გული კეთილი აქვს, უყვარს ძვირის თქმა იმაზე, რასაც სხვები პატივს სცემენ. ვიზეც არ უნდა ჩამოვარდნილიყო ლაპარაკი, მმართველი მაშინვე მასხარად აიგდებდა და ეს ავგულობით კი არ მოსდიოდა, არამედ იმიტომ, რომ მოსწრებული სიტყვის თქმა სურდა. პერს სიამოვნებდა მასთან ყოფნა, უდარდელი ლაქლაქი ამ სოფლურ ფუსფუსში დარდიან ფიქრებს უფანტავდა.

საოცრად მომხიბლავი იყო მდინარეც, მისი წყლები ხომ აქედან სულ რაღაც ორმოცდაათი-სამოცი კილომეტრის მოშორებით პერის მშობლიური ქალაქის ნავსადგურის დამპალ ხიმიწებებს შხაპუნით

ასკდებოდა, მისი ფარული ჰანჯრობები და გაუვალი შამბნარი ხომ პერის ბავშვობის წლების სიამაყე იყო. ერთხელ პერმა ნაპირზე ჩარდახქვეშ ნავი აღმოაჩინა და ძველებურად მოუნდა თევზის ჰერა. მმართეელის დახმარებით პერმა შეაგროვა აუცილებელი სათევზაო იარაღები და იმ დღიდან მოყოლებული ყოველ დღე, ანკესებით შეიარაღებული, რამდენიმე საათს მდინარეზე ატარებდა.

მაგრამ დღეები გადიოდა, ხოლო რელიგიური გარდატეხა, პერი რომ ასე მღელვარებით ელოდა, არ დამდგარა. მთელი ყუათი, იმ სამახსოვრო დამეს გემის გემბანზე რომ დააგროვა, უზრუნველი ცხოვრებისაგან უკვალოდ გაქრა. ჰოფეჰერმეისტერის მეუღლეს რელიგიური ტრაქტატები ხელუხლებლნი ელაგა თაროზე. პერი მთელი დღე ფეხზე იდგა, საღამოთი შინ რომ ბრუნდებოდა, ანთებდა ლამპას, რათა წიგნს ჩაჯდომოდა და მხოლოდ რამდენიმე სტრიქონს თუ გადაავლებდა თვალს, მაშინვე ტკბილი თელემა მოერეოდა და აიძულებდა დასაძინებლად დაწოლილიყო.

პერს ცოტათი კიდევაც მოენატრა იაკობა. ნავში რომ იჯდა, ან მზეს ეფიცებოდა, ან ჩრდილში თავის საყვარელ ადგილას ტყის პირას ისვენებდა, დროდადრო მოუნდებოდა, ისიც გვერდით ჰყოლოდა და ზაფხულის დღეების ნეტარება გაეზიარებინა მისთვის. იაკობას უმკველად არგებდა ფილტვების გაწმენდა ნაპირის ქვიშიანი მტერისაგან, ამ ბოლო დროს ქალს ძალიან ავადმყოფური შესახედაობა ჰქონდა. მეორეს მხრივ, ეს რომ შეეთავაზებინა, იაკობა ალბათ უარს იტყოდა. ჰკუაში არ დაუჯდებოდა პერის ცხოვრება ბალახზე თავქვეშელებამოდებული კოტრიალი, ღრუბლების ფეხდაფეხ ცის უძირო. სილურჯეში აზრებით თავისუფალი ცურვა, იმის. შეგრძნება, თითქო, უსასრულობაში ითქვიფები, — ეს სიამოვნება იაკობას არასოდეს არ ესმოდა. პერს გაახსენდა, რომ იაკობამ ერთხელ მისწერა, ზღვასავით მოუსვენარი სულის პატრონი ვარო. მართალს ამბობდა.

კარგ განწყობილებას დიდად უწყობდა ხელს ძალდაუტანლობა, რითაც აქაური ცხოვრება გამოირჩეოდა. ეს თავისუფლება ჩაცმულობაშიც იგრძნობოდა. ჰოფეჰერმეისტერი დიდიდან სანადირო ჩექმებით დახეტიალობდა ოთახებში და სადილადაც კი არ იცვლიდა ტანსაცმელს. თვითონ ჰოფეჰერმეისტერის მეუღლე შინ დიდად არ ზრუნავდა თავის მორთულობაზე. ამ სოფლურმა თავისუფლებამ პერის გული მთლად მოინადირა, რადგან მეტად უმძიმდა პედანტური ეთიკეტის

დაცვა და ტანსაცმლის გამუდმებული გამოცვლა, როგორც სიმამრის ოჯახში, ისე მოგზაურობის დროს.

...ერთ ნათელი ზაფხულის დღეს, როცა მხარზე ანკესებგადაგდებული პერი შინ დაბრუნდა, ჰოფეჰერმეისტერის მეუღლესთან ვილაკ ქერათმიანი ქალიშვილი ნახა. ქალს ბაცი ფერის ლურჯზოლებიანი კაბა ეცვა. ისა და ჰოფეჰერმეისტერის მეუღლე გრძელ ალვის ხის ხეივანში მიდიოდნენ, მდელიდან პარკისკენ მთავარი შენობის წინ რომ მიემართებოდა. ხელგადახვეულნი მოსიერობდნენ და შეყვარებულ წყვილს ჰგავდნენ.

— კოპენჰაგენელი იჩინერი სიღენიუსი, — ფრიოკენ ბლომბერგი, — ნაჩქარევად გააცნო ერთმანეთს ჰოფეჰერმეისტერის მეუღლემ და დაუმბატა, თვით პასტორ ბლომბერგი ახლა ჩემს მეუღლესთან ზის და უეჭველად მოხარული იქნება პერის გაცნობისო.

პერმა პარკის გავლით თავის ოთახში რომ მიდიოდა, ერთი მაგრად შეიკურთხა. გადაწყვიტა, ახლა კი მორჩა ჩემი უშფოთველი დღეებიო. წინასწარ ვერ იტანდა პასტორს, ვისაც, ეტყობოდა, ამ ოჯახში ძალიან დიდ ანგარიშს უწევდნენ. მხოლოდ მერე მიხვდა პერი, ვინც იყო ის. პერს გაზეთებში წაკითხული ჰქონდა, რომ ბლომბერგი თანამედროვე ეკლესიის მრავალრიცხოვან მიმართულებათაგან ერთერთი მიმართულების ნიჭიერი წარმომადგენელი იყო. ბუნდოვნად გაიხსენა ისიც, რომ ბლომბერგის მოღვაწეობა კამათის საგნად იქცა მათ ოჯახში, რადგან მისი ძმა თომასი, ქორეპისკოპოსი, მეტისმეტად ცხარედ იცავდა ბლომბერგის თეორიას, მამას კი ეს ჰკუთხა არ მოსდიოდა.

სიამოვნებით მოიცილიდა თავის ოთახში პასტორის წასვლამდე, მაგრამ ჰოფეჰერმეისტერის მეუღლემ თუმცა ალერსიანად, მაგრამ ისეთი ტონით უთხრა პასტორი მოხარული იქნება გაგიცნოსო, პერი მის ნათქვამს ვერ გადავიდოდა.

პერმა მართლაც ჰოფეჰერმეისტერთან მიუსწრო პასტორს. ერთმანეთის პირდაპირ მაგიდას მისხდომოდნენ, ყავას შეეჭქეოდნენ და თან თამბაქოს აბოლებდნენ. გამოჩნდა თუ არა ყმაწვილი კაცი, ლაპარაკი შეწყდა, აშკარა იყო, მის მოსვლამდე სწორედ პერზე საუბრობდნენ.

ბლომბერგის გარეგნობამ პერი პირველად ცოტა არ იყოს, გააკვირვა; მას იმდენი რამ უთხრეს კერსხოლმში ეკლესიის დიდ რეფორმატორზე და მისი ბრძოლის შესახებ იმის თაობაზე, რასაც ღვთაებრივ მოვლენებზე ადამიანური შეხედულება ჰქვია, რომ პასტორი სკანდინა-

ვიის მოციქულად, ქრისტიანულ ვიკინგად წარმოედგინა, ამის მაგიერ კი დაინახა პატარა, ფუნჩულალოყებიანი ჩასუქებული კაცუნა, ვინც შესახედობით არაფრით არ განსხვავდებოდა რომელიც გნებავთ დანიელ გულკეთილ და მასლაათისმოყვარულ მღვდლისგან. წვერები და ძენძით თმა ჩაჩრისავით შემორტყმოდა დიდ სახეზე. ნათელი ცისფერი თვალები წყლის წვეთებივით უციმციმებდა და შიგ ცის თალი ერეკლებოდა. მაგრამ ბლომბერგის ტანსაცმელსა (შავი ლასტიკის მოკლე ქურთუკი ეცვა) და იმაში, რომ სავარძელში თავისუფლად გადაწოლილი აბოლებდა დაღეჟილ სიგარას, გამოსჰვიოდა აშკარა სურვილი, უარეყო იმ „წმინდაობის“, ღირსების ყველა ნიშანი, რის აბუჩად აგდების ნებასაც, მის კოლეგათა დიდად სამწუხაროდ, თავს აძლევდა, და მაინც ვინც არ უნდა დაკვირვებოდა ამ კაცს, მაშინვე მიხედებოდა, რომ სასულიერო პირთან ქონდა საქმე. ბლომბერგის მთელი გარეგნობა თითქოს ასხივებდა პატრიარქალურ გულდაჯერებულობას, რაც ისევე დამახასიათებელია თვითეული ეკლესიის მსახურისთვის, როგორც ობის სუნი ყველა ეკლესიისთვის, მიუხედავად ბოლო დროს გამოგონილი გასათბობი და სავენტილაციო საშუალებებისა.

პასტორი ბლომბერგი გაჭირვებით წამოდგა პერის შესახედრად და სოფლური გულთბილობით ჩამოართვა ხელი.

— მაშ ასე, — თქვა მან და მოუჩრდიებლად აათვალიერა ჩაათვალიერა პერი. — კეთილი იყოს თქვენი მობრძანება ჩვენს მხარეში, ბატონო ინჟინერო.

პასტორმა ეს სიტყვები ისეთი მფარველური თუ, უფრო მეტად, თანამგრძობი ტონით წარმოთქვა, პერმა უნებლიედ ყური ცქვიტა.

— სიდენიუსის სახელი, ცხადია, ჩემთვის ცნობილია, — განაგრძო პასტორმა. — თუ აღარაფერს ვიტყვით პირადად თქვენზე, მამათქვენი ჩვენს წოდებაში ფრიად პატივსაცემი პირი იყო. თუმცა ჩვენ ამდენი წლების განმავლობაში, თუ შეიძლება ასე ითქვას, მეზობლები ვიყავით, მაგრამ მე მას პირადად არ ვიცნობდი. ჩვენ ეკლესიის სიკეთენი სხვადასხვანაირად გვესმოდა, მაგრამ მე მაინც დიდად ვაფასებდი განსვენებულს. დაუღალავი, მშრომელი კაცი იყო.

პერმა არაფერი უპასუხა. პასტორი ხელახლა დაჯდა და წუთით ყველა დადუმდა. მერე პასტორი ჰოფეპერმეისტერს მიუბრუნდა და ლაპარაკი აქაურ ამბებზე ჩამოაგდო.

პერი ფანჯარასთან დაჯდა და სიგარა გააბოლა. თანამოსაუბრეები-

სადმი ნახევრადპირმობრუნებული იჯდა და სახლის წინ დიდ გაზონს გასცქეროდა, რომლის შუაგულს მოოქვრილი მზის საათი ამშვენებდა.

პერმა დაინახა ჰოფეჰერმეისტერის ცოლი და ისევ ის ქალიშვილი; ქალები ხეივნიდან გამოვიდნენ და გაზონის მეორე მხარეს, ტოტებგაშლილი წიფლის ჩრდილში, სკამზე ჩამოსხდნენ. ჰოფეჰერმეისტერის მეუღლემ ქოლგა დაკეცა, ხოლო მისმა თანამგზავრმა თავისი ფართო-ფარფლებიანი ჩალის შლიაპა გვერდით დაიდო სკამზე და შუბლიდან კულული გადაიგდო.

პერმა გადაწყვიტა კარგად დაეთვალე რებიან პასტორის ქალიშვილი. ასე იტყოდით, თერამეტ-ცხრამეტი წლისა იქნებაო და ქერა თმის გარდა არაფრით არ გავდა მამას. ეს გახლდათ მაღალი, ოდნავ აწოწილი, მაგრამ კარგი ტანადი ქალიშვილი. პერმა ასე შორიდან ვერ მოახერხა მისი კარგად დათვალე რება, მაგრამ ძალზე მიმზიდველი კი ეჩვენა. ქალი ოდნავ წინ წახრილი და ფეხიფეხზე გადადებული იჯდა ხის ჩრდილში, ხელში მოწყვეტილი ყვავილი ეჭირა და დროდადრო ყნოსავდა. ძალიან მეოცნებე შესახედაობა ჰქონდა. ჰოფეჰერმეისტერის გაფუებული მეუღლის გვერდით, მაღალ მკერდზე ფოლადის ჭავშანივით რომ შემოჰკვეროდა პრიალა რუხი ფერის აბრეშუმში, ჰაეროვანკაბიანი ქალიშვილი თითქმის უსხეულო ჩანდა.

პერმა გაიფიქრა, ვილაცას მაგონებს ეს ქალიშვილიო. ამ აზრმა ჯერ კიდევ მაშინ გაუელვა, ხეივანში რომ შეხვდა ქალს. შველივით ტანად მხრებდაბალ ყმაწვილ ქალს თითქმის ვერცხლისფერი თმა დაზვიონდა თავზე. პერს მოეჩვენა დიდი ხანია ამ ქალს ვიცნობო და დაღონდა.

ამასობაში პასტორი ადგა და წასასვლელად მოემზადა. თქვა, მეზობლად ავადმყოფი მყავს სანახავი, ჩემს მრევლში ერთ მწყემსს გამძვინვარებულმა ხარმა ურქინაო. უკან დაბრუნებისას გამოვეუელი ქალიშვილისო.

გამოთხოვებისას მან ისევ მიამიტად აათვალე რა-ჩაათვალე რა პერი და უთხრა, თუ ბესტრუბში ჩემს კარმიდამოსთან გავლა მოგიხდეთ, ძალიან მოხარული ვიქნებოდი თქვენი ნახვისაო.

— მე ვიცი, — გაბედულად დაუმატა მან, — რომ კოპენჰაგენელი ახალგაზრდები ჩვენს დროში ეკლესიას ბნელეთის ტაძრად თვლიან, ხოლო პასტორის სახლს — მის კარიბჭედ. მაგრამ, იქნებ არც ისეთი ცუდები ვიყოთ, როგორებიც თქვენს კოპენჰაგენის პრესას და ლიტერატურას სურს გამოგვსახოს. თუმცა, თავად განსაჯეთ.

პასტორის მფარველური ტონის მიუხედავად, პერმა ახლა კი საკი-
როდ ჩათვალა მისთვის ხელის ჩამორთმევა და მადლობის სიტყვებიც
ჩაიბურღლუნა. ქალიშვილი მოეწონა და უნებლიედ ამ თავდაჯერებუ-
ლი კაცის მიმართაც სიმპათია იგრძნო.

ჰოფეჰერმეისტერმა პასტორი გააცნო. პერმა კი იტალიიდან ჩამო-
ტანილი ჩალის ქუდი დაიხურა და აივანს გაჰყვა. აივნის საფეხურებზე
შეჩერდა და თვალი გაუშტერა ცას, თითქოს ეპკადაც არ იცოდა, ქალები
რომ იქ იყვნენ.

ჰოფეჰერმეისტერის მეუღლემ დაუძახა პერს.

— აბა, გამოიცანით ვის გავხარო, ფრიოკენ ბლომბერგის
აზრით? — ჰკითხა მან.

ყმაწვილი ქალი ცეცხლივით წამოენთო და შეეცადა ჰოფეჰერმეის-
ტერის მეუღლისათვის პირზე თავისუფალი ხელი მიეფარებინა, — მეო-
რე ხელი მუხლებზე ედო.

— სულიკო, რატომ არ შეიძლება ვუთხრაო? ჩემის აზრით, ეს ძა-
ლიან მოსაწონია. ფრიოკენ ბლომბერგი ამბობს, რომ თქვენ ნაბობს
გავხარო. მართალს ამბობს, დღეს თქვენ მართლაც რალაცნაირი ევზო-
ტიკური შესახედაობა გაქვთ.

— ნაბობს? — გაიმეორა პერმა და თვალი შეავლო თავის ბაც ყვი-
თელ თივთიკის კოსტუმს. ეს კოსტუმი პერმა იტალიიდან ჩამოიტანა
და რაკი ძალიან ცხელოდა, დღეს პირველად ჩაიცვა. — თქვენ, ცხადია,
გინდათ მაამოთ. ვაი რომ, მილიონები მაკლია, თორემ მთლად ნაბობი
ვიქნებოდი.

— მილიონები გექნებათ, — ცოტა არ იყოს სინანულით მიუგო ჰე-
ფეჰერმეისტერის მეუღლემ.

ეს სიტყვები მას თითქმის უნებლიედ წამოსცდა. მაშინვე ინანა
ნათქვამი და საუბრის თემა გამოცვალა, თავაზიანად მოიწვია პერი თა-
ვიანთ გვერდით, — ბალახში მერხთან სწორედ გასაშლელი სკამი იდო.

პერისთვის ეს გადაკრული სიტყვებიც საკმარისი იყო, რომ განწყო-
ბილება გაფუჭებოდა. მიხვდა, რომ მის მოსვლამდე ქალები პერის ნიშ-
ნობაზე ლაპარაკობდნენ და რომ მათ, ცხადია, არ დაავიწყდებოდათ
მისი სიმამრის ფულების დათვლა. როგორც ჩანდა, ხალხი ამ ფულებ-
სა და პერის ნიშნობას ერთიმეორისგან არ ანცალკეევებდა. გაიფიქრა,
ფრიოკენ ბლომბერგმა რომ ნაბობს შემადარა, ამით სულაც არ
უთქვამს ჩემთვის ქათინაურით.

პერი მახლობლად ჩამოჯდა და თვალიერება დაუწყო ყმაწვილ ქალს. ახლა, ახლოს ყოფნისას, შეეძლო უფრო დაკვირვებოდა და მცოდნეს თვალთ შეეფასებინა მისი გარეგნობა. თუმცა ნაკლი ძალიან ცოტა მოუძებნა. მიუხედავად იმისა, რომ ცუდ გუნებაზე იყო, პერს გულწრფელად გაუკვირდა, რატომ თავიდანვე ვერ შევნიშნე, რა ლამაზია ეს ქალიშვილიო. მერე რა ნათელი და უმანკო თვალები ჰქონდა! რა ლამაზი, ნაზად მოხაზული პირი, იქნებ ოდნავ პატარა და უფერული, მაგრამ სამაგიეროდ ყვაველივით სუფთა და ქორფა.

ლაპარაკი ჩამოვარდა იმ უბედურ შემთხვევაზე, ახლახან რომ აცნობა პასტორმა. ქალიშვილი ლაპარაკში ისეთ გამოთქმებს ხმარობდა, რომ საეჭვოდ მოგაგონებდათ მამამისის სტილს. ქალი ყვებოდა „ულრმესი სიბრაღის ღირს ადამიანზე“, ვისაც ისე ჰქონდა დაჭრილი მუცელი, რომ ექიმს მისი გადარჩენის იმედი დაეკარგა. მაგრამ პერი უყურადღებოდ უსმენდა, მას უცებ გაახსენდა, ვის აგონებდა ქალიშვილი; რა თქმა უნდა ფრანცისკას, მის ნიუბოდერელ შეყვარებულს. „ღმერთო ჩემო! — გაიფიქრა მან და გული სინაზით აევსო — რამდენი წელი გავიდა მას შემდეგ“.

მანდილოსნები განაგრძობდნენ გაცხოველებულ საუბარს. პერი ერთ ხანს მთლად მოგონებებში ჩაეფლო. თანაც თვალს არ აშორებდა პასტორის ქალიშვილს, თუმცა ამ უკანასკნელს ერთხელაც არ შეუხედავს მისთვის, და თითქოს ვერც კი ამჩნევდა, რომ ათვალიერებდნენ.

„კი — ფიქრობდა პერი თავისთვის, — საოცრად ჰგავს. ისეთივე მაღალი და წარმოსადგეია, მაგრამ ფრიოკენ ბლომბერგს უთუოდ უფრო თხელი სახის ნაკვთები და უფრო მოყვანილი ტანი აქვს, ეს ქალიშვილი, ასე ვთქვათ, გაუმჯობესებული ფრანცისკაა, მიმიკითაც ფრანცისკას მაგონებს: როცა იღიმება, ენის წვერს ზედა რუჩზე ისვამს, თითქოს ილოკავს ღიმილს“.

— აგრილდა, მეგობარო, ხომ არაფერი მოგახსოვთ მხრებზე? — ჰკითხა პოფეჰერმეისტერის მეუღლემ ქალიშვილს.

მზე პარკის ზეების უკან დაიმალა. აქ, ხშირი ფოთლების ქვეშ, მიწის ნესტი დატრიალდა.

— სრულებით არ მცვივა, ისე მყუდროდ მოვეწყე, — უპასუხა განარებულმა ქალიშვილმა, რადგან პოფეჰერმეისტერის მეუღლემ ხელზე გადაუსვა ხელი.

— მინც არ იქნებოდა ურიგო, შალი წამოგესხა. ალბათ, სასტუმრო ოთახში დატოვე, არა?

პერი წამოდგა.

— მე მოვიტან, — თქვა მან.

მაგრამ ყმაწვილი ქალი წამოხტა.

— თქვენ ვერ იპოვით, — მიაძახა ქალიშვილმა და თითქოს შიშობდა, პერი არ დამედევნოსო, ხელად გავიდა პატარა მინდორზე.

— ხომ მართლაც საყვარელი გოგონაა? — ჰკითხა ჰოფეპერმეისტერის მეუღლემ, ქალიშვილი რომ თვალს მიეფარა და პერი ისევ თავის ადგილზე დაჯდა.

— ძალიან ლამაზია, — მოკლედ მიუგო პერმა.

— რა თქმა უნდა. ხასიათი ხომ მართლაც მშვენიერი აქვს. ალალია და პირდაპირი. მაგრამ, სამწუხაროდ, ჯანზე ვერ არის.

— ნუთუ ავადაა?

— მთელი ზამთარი ტიფით იყო ავად. ასე ამბობს, სამი თვის განმავლობაში სიკვდილთან უფრო ახლოს ვიყავი, ვიდრე სიცოცხლესთანო. განა არ ეტყობა?

— რა თქმა უნდა, არაამქვეყნიურს კი ჰგავს, მაგრამ ავადყოფური შესახედლობა აქვსო, ვერ იტყვი....

— კი, მადლობა ღმერთს, საშიშროებამ გაიარა, ხოლო დანარჩენს — ზაფხული დააბოლოებს. საყვარელი ბავშვი ისეთი ნუგეშია ყველა ჩვენთაგანისთვის და თავადაც ისეთი მადლიერია, რომ ცოცხლობს ამ ქვეყანაზე, ასე მადლიერი შეუძლია იყოს ის, ვინც ახალგაზრდობისას კინაღამ გამოეთხოვა სიცოცხლეს და ამასთან ვისაც უნარი აქვს, სიცოცხლე უდიდეს ღვთის წყალობად ჩათვალოს. ასე გახლავთ, ბატონო სიდენიუს.

პერმა თვალი აარიდა. ბოლო დროს, ჰოფეპერმეისტერის მეუღლე რომ რელიგიაზე წამოიწყებდა ლაპარაკს, პერი დაირცხვენდა ხოლმე.

— ფრიოკენ ბლომბერგი, როგორც ჩანს, ძალიან დაახლოებულია თქვენთან, — შენიშნა მან, რადგან უნდოდა საუბრის თემა შეეცვალა.

— დიახ, საყვარელ ბავშვს უყვარს ჩვენთან ყოფნა. ამბობს, კერს-ხოლმში კარგად ვგრძნობ თავსო. ცხოვრება მისი მშობლების სახლში, მე მგონია, ცოტა არ იყოს ერთფეროვანია ასეთი ახალგაზრდა ქალიშვილისათვის. საერთოდ კი კარგია მაგათთან ყოფნა. თქვენ როდისმე

უნდა შეიაროთ პასტორ ბლომბერგთან. უეჭველად ძალიან ესიამოვნება თქვენთან საუბარი.

ბილიკზე მებაღე გამოჩნდა, მოვიდა და სკამიდან რამდენიმე ნაბიჯის დაშორებით გაჩერდა.

— რა მოხდა, პეტერსენ? — ჰკითხა ჰოფეპერმეისტერის მეუღლემ.

მებაღემ თავიდან ქული მოიგლიჯა და ცოტა ახლოს მივიდა. თურმე მას უნდოდა მისი კეთილშობილებებისთვის ეთხოვა, როცა მოიცლიდა წყალობა მოედო და ერთი წუთით შეეხედა ბოსტანში.

— ახლავე მოვალ, — მიუგო ჰოფეპერმეისტერის მეუღლემ. მებაღეს ისე დაელაპარაკა, ეტყობოდა, ამ ქალს საკუთარ მსახურთა გარდა თავის ქრისტიან ძმებად მიაჩნდა ყველა.

ცოტა ხნის შემდეგ ჰოფეპერმეისტერის მეუღლე ადგა და წავიდა. ამ დროს ყმაწვილი ქალი დაბრუნდა და საშინლად ეწყინა, რაკი ნახა, მარტო დატოვეს პერთან. აკანკალებული ქალი ორივე ხელით ჩააფრინდა სკამს, გაწითლდა კიდევაც, გაფითრდა კიდევაც და ბოლოს, ვიდრე ჰოფეპერმეისტერის მეუღლე თვალს მოეფარებოდა, დაასწრო და დაუძახა — ნებართვა სთხოვა, მეც წამოგყვებითო.

ჰოფეპერმეისტერის მეუღლემ პირის გაღებაც ვერ მოასწრო, რომ ქალიშვილი წამოხტა და გამოუდგა.

— შენი სირბილი ხომ არ შეიძლება, — შეაჩერა ჰოფეპერმეისტერის მეუღლე.

პერმა თვალი გააყოლა ქალს და ჩრდილმა გადაუარა სახეზე.

ქალიშვილის უცნაურმა შიშმა სევდიანი მოგონებები გაუღვიძა. აი, ასევე გაუბრუნდნენ მასთან მარტო დარჩენას მისი ძმები და დები, განსაკუთრებით იმ დღეებში, როცა მამა დილის ან დღის ლოცვისას ტუქსავდა. ასევე მოხდა სულ ახალახანაც, ტყუპები რომ შემოხვდა, — ძმები ძალიან შეკრთნენ და თავის მალლა აწევაც ვერ გაბედეს.

ნაბობი! დიდი პატივისცემის გამო არ უწოდებია ამ გოგონას მისთვის. ისე გაიქცა, თითქოს პერი ადამიანი კი არა, წყვილადის მეუფე იყო. მერე რა მოხდა? განა ღირს სერიოზული აღელვება იმის გამო, რას ფიქრობს მასზე ვიღაც პასტორის ქალიშვილი? როდის იყო, პერს ირგვლივმყოფთა აზრი აინტერესებდა? როდის მოასწრო ასე დაცემამ? თუ სხვა რამ არის ამის მიზეზი? განა პერს თავად არ რცხვენია, გამუდმებით დაუღალავად რომ ეძებს ბედნიერებას?

მაგრამ არა ღირს ამგვარ ფიქრებს აპყვეს. რაც შეიძლება მალე

უნდა გათავისუფლდეს ზედმეტი მგრძობიარობისაგან, ამ ბოლო დროს ისედაც მთლად განწყობილებათა ახირებულ ცვალებადობის ტყვეობაშია. დროა, ბოლო მოუღოს უსაქმობას და ხელახლა შეუდგეს მუშაობას. თუკი რაიმე შესცოდა ხალხის ან საკუთარი თავის წინაშე, თავისი ბრძოლით, უანგარო გულმოდგინებით და თავის სიცოცხლის განმავლობაში რაც შეიძლება მეტი სიკეთის და სარგებლობის მოტანის დიდი სურვილით შეეცდება გაიმართლოს თავი, თუკი დიდი გამარჯვებების მოპოვება არ უწყერია.

სახლში ფანჯარა გააღეს.

ალბათ ბარონესამ გაიღვიძა ნასადილევს ხანგრძლივი ძილის შემდეგ. ცოტა ხნის მერე აივანზე გამოვიდა ბარონესა. არშიიანი მანტილია თვალწარმტაცად წამოეხურა და ესპანურ ყაიდაზე უკან დაემაგრებინა თმისთან. სახეზე ბლომად მიეყარა პუდრი, ამას სჩადიოდა მუდამ საღამოს, რათა დღისით სახეზე გამოსული წითელი ლაქები დაეფარა.

პერი მაშინვე დაიმალა. არ უნდოდა მარტო დარჩენილიყო ნახევრად გიჟ ქალთან, ნელ-ნელა გავიდა პარკიდან და მინდვრების და მდელოების გასწვრივ ტყისკენ მიმავალ შარავზას დაადგა.

წყნარი და ნათელი ზაფხულის საღამო იდგა, ერთ-ერთი იმ მშვიდ საღამოთაგანი, მაინც რომ ავისმაუწყებელნი არიან. ჩამქრალი, უმთვარეო და უვარსკვლავო ცის ქვეშ მდუმარე, უდაბური, უჩრდილო ვაკე გაშლილიყო. შეუმჩნეველად ჩავიდა მზე და ჰორიზონტზე მხოლოდ მოწითალო ბოლი დარჩა. ცაზე ერთი ღრუბელიც არ იყო, რომ ჰორიზონტს მიღმიდან ამდგარი სხივები დაეჭირა და წამავალ დღის უკანასკნელი საღამევით გადაეტყორცნა დედამიწაზე. მხოლოდ ბორცვებზე აქა-იქ გამოჩნდა შუქი ფანჯარებში — და მეტი არაფერი.

მაგრამ მზე ჩავიდა თუ არა, მდინარის ველმა თავისი იღუმალის ცხოვრება დაიწყო. მდელოები რუხმა წყვდიადმა მოიცვა და მალე ვრცელი ველი ნისლის ზღვაში ჩაიძირა. გეგონებოდათ, დაღამების გამო რაღაც იღუმალის ძალით ამოძრავებულნი ფიორდი ძველ კალაპოტს დაეუფლათ. მკრთალი ნისლი ბორცვებს შორის მოჩვენებით ზღვასავით გაქრა.

მერე უცებ ყველაფერი გამოცოცხლდა, ნისლიდან რქიანმა თავმა ამოყვინთა და დაიღმუჟლა. მის გვერდით ნისლში ადამიანის ტანის ზედა ნაწილი გაჩნდა, ქვევით ტანი მხეცს მოგავგონებდათ და აწეული კუდიით ბოლოვდებოდა. მალე პერს რქიან თავთა მთელი გროვა შემოერთყა

გარს. ცხოველები კისრებს იჭიმავდნენ და ნესტოებიდან ორთქლი გამოსდიოდათ. ადამიანი თავს ზემოთ რაღაცას იქნევდა და ხრინწიანი ხმით ყვიროდა. უნებლიედ მოგაგონდებოდათ კენტავრის ბრძოლა ზღვის ურჩხულებთან. სინამდვილეში კი სამასძროხიანი კერსხოლმის ჯოგი შინ ბრუნდებოდა და მას მხარზე მათრახგადავდებული მწყემსი მოერეკებოდა. გზიდან ისე ჩანდა, თითქოს ძროხები კი არ მოდიოდნენ, მოცურავდნენ. მხოლოდ მათი თავები და ზურგები ირხეოდა მოჩვენებით ზღვაზე.

პერი დასასვენებლად გზისპირა რუსთან ხის ქვეშ მდგარ სკამზე ჩამოჯდა, ხელები თავქვეშ ამოიღო და თვალები ჯოგს გააყოლა, სანამ ნისლში არ მიიმალა. ტყისკენ მიმავალმა ყვავების გუნდმა გადაუფრინა თავს. სიხარულით ჩხაოდნენ და თავიანთ ბუდეებს თავს დასტრიალებდნენ. სადღაც ახლოს ბაყაყი ყიყინებდა. მეტი არაფერი არღვევდა სიჩუმეს.

პერი სიმარტოვის გრძნობამ აიტანა. გაახსენდა საღვთო წერილის სიტყვები: „მელთა ხურული უჩნს და ფრინუელთა ცისათა საყოფელი“. მას კი მთელ დედამიწაზე არა აქვს ადგილი, ტკბილი ან ცოცხალი მოგონებები რომ აკავშირებდეს მასთან. და მომავალ მოგზაურობაზე რომ ფიქრობდა, მიხვდა, მისთვის სულ ერთი იყო, სადაც იქნებოდა. ატლანტის ოკეანეში თუ სამხრეთ ამერიკის პრერიებში არა ნაკლებ მართლებლა იქნება, ვიდრე აქ, თავისი სამშობლოს გულში.

ახლა მოაგონდა სხვა ნათქვამიც და ჟრუანტელმა დაუარა, მთელ ტანში. ეს გახლდათ ბიბლიური კრულვა, ოდესღაც მამამ რომ დასწყევლა: „განდევნილი ყარიბად იხეტიალებს ქვეყნად ის, ვინც ღვთის ნებას გადავა“.

მამის სიტყვები ახდა. მისმა ვაჟმა კაენის ბედი გაიზიარა.

პერს ზელახლა თვალწინ წარმოუდგა ფრანცისკას მომჯადოებელი სახე, ნიუბოდერის ყვითლად შეღებილი სახლები და მწვანე ბალები გაფისულ მესერებს გადაღმა. აბა, ერთი კარგად გაიხსენოს, როგორ უყვარდა ფრანცისკა. განა ისე ადვილი იყო მისი გაზაფხულივით ნორჩ სიყვარულზე უარის თქმა! რასაკვირველია, პერმა კარგად იცოდა ეს და არც არაფერი წაუგია. იაკობა განუზომლად უფრო მეტად საინტერესო ადამიანია და პერის განვითარებაში უაღრესად დიდი როლი შეასრულა, მაგრამ იყო კი მათ ურთიერთობაში თუნდაც ერთი მოკლე წამი, როცა ისინი განუყოფლად ეკუთვნოდნენ ერთმანეთს არა მარტო სხეულით,

არამედ სულითაც? როცა შედარებისთვის პერმა გაიხსენა, რა უდარდელად დასეირნობდნენ ისა და ფრანცისკა ნავით ოქროსფერ ტბაზე ან ის სევდიანი წუთები, ესტერვოლესთან ხეებით დაჩრდილულ ხეივანში რომ მხიარულად გამოეთხოვენ ერთმანეთს, მოეჩვენა, რომ სწორედ მაშინ გაიარებინა მისი მშფოთვარე და უსიხარულო სიკვამილის ყველაზე ბედნიერმა დღეებმა. ნეტავ თუ გათხოვდა ფრანცისკა? მერე ფრანცისკაზე მეტად ვის ეკუთვნის კარგი ქმარი? იქნებ ახლა, სწორედ ამ წუთას, სადმე მიყრუებულ ადგილას — ბედნიერი მეუღლე და დედა — მკერდში იკრავს ბავშვს? პერმა გაიფიქრა, რომ ნიუბოდერში შეიძლება გაიგოს, ცხოვრობს თუ არა ფრანცისკა ძველებურად თავის მშობლებთან კიერტემინეში და საერთოდ რა ბედი ეწია. თუმცა ძველი სახლი ხიერტენსფრიუდსპადეზე უკვე დაცარიელდა: ქალბატონმა ოლუფსენმა თავისი ბოცმანი „უკანასკნელ რეისზე“ რომ გააცილა, თავადაც უკან გაჰყვა ამ შემოდგომაზე. თუმცა იქ, ალბათ, მაინც იპოვის პერი ვინმეს და გაიგებს ფრანცისკას ამბავს.

პერს ხელახლა ყვავების გუნდმა გადაუფრინა თავზე და აღფრთოვანებული ჩხავილით მიიშალა ტყეში. კერსხოლმის მხრიდან მაშინვე ბორბლების ჭრიალი და ჩლიქების კაკუნი მოისმა. თავგადახურული ეტლი, რომელშიც ორი მადლარი ლურჯა ცხენი ება, აღიოდა იმ ბორცვზე, სწორედ პერის სკამის მახლობლად რომ აღმართულიყო.

პერი მიხვდა, ალბათ პასტორი ბლომბერგი მიდისო, ადგა სკამიდან და ეტლის მიმართულებით წავიდა. იმედი ჰქონდა, ზურგიდან პასტორი ვერ მიცნობსო.

მაგრამ მოტყუვდა. როგორც კი ეტლი გაუსწორდა, პასტორმა მეეტლეს შეჩერება უბრძანა და აღერსიანად დაუქნია პერს ხელი.

— არა, ერთი ნახეთ! დადის ბატონი მეოცნებე და საღამოს სიჩუმეში მომავალზე ფიქრობს! ლამაზი ადგილია, არა? მე და ჩემი ქალიშვილიც სწორედ ამას ვამბობდით ახლა. ტყუილად კი არ არის, რომ ძველ ხალხურ თქმულებებში — მათში კი თვით ბუნების ხმა ისმის, — ყველანაირ საზღაპრო არსებას შეხვდებით. დღეის მსგავსი საღამოები ნამდვილად ჯადოსნური, ასე ვთქვათ, მისნურია. როგორც ჩანს, ჩვენ, ადამიანებს, დღემდე არ დაგვიკარგავს ბუნების იდუმალებისადმი მისწრაფება, თუკი თანამედროვე ინჟინერი ჩვენს მოწინავე და პროზაულ საუკუნეში მისი მომაჯადოებლობით არის გატაცებული.

პასტორი ისე ეშმაკურად ილიმებოდა, მთლად გამოისყიდოდა თავის, ცოტა არ იყოს, უხეშ პირდაპირობას. პასტორი მიუბრუნდა ყმაწვილ ქალს. (მამის გვერდით ის აშკარად უფრო მტკიცედ გრძნობდა თავს და პერს ისე უცქეროდა, უპირატესობის გამომეტყველება ეხატა სახეზე), და განაგრძო:

— გამიგონე, შვილო!.. ამ ინჟინერმა მეც მაცდუნა. მეც მომინდა ფეხების გამართვა. შენ ხომ მაინც მელუქნისაგან ჩვენი ნავაჭრის წამოღებას აპირებდი, წადი წინ და მერე დამიცადე. იმედი მაქვს, თქვენ არ გეწყინებათ, ცოტა ხნით რომ შემოგიერთდეთ?

პერმა „ღმერთმა დამიფაროს“ მსგავსი რალაც წაიბურტყუნა და პასტორი გაჭირვებით გადმოვიდა ეტილიდან.

— ჩვენ ორთქლის თავბრუდამხვევ საუკუნეში ძალიან ცოტა დროს ვუთმობთ ჯანმრთელობისთვის ესოდენ სასარგებლო მოციონს. — ამ სიტყვებით პასტორმა მტკიცედ გააწვია წინ, თითქოს უნდა გამოეღვიძებინა თავის არსებაში მთვლემარე ახალგაზრდა ძალები. — ჩვენი რკინიგზები, მე რომ ასე ძალიან მომწონს, გვაიძულებენ ვულაღატოთ ბუნებას, გვაყრუებენ, რათა არ გავიგონოთ მისი დედობრივი ძახილი. როცა ვხედავ, როგორი სტვენითა და შიშინით სერავს ეს შავი ურჩხული მიწის მწვანე გულს, ყოველთვის უნებლიედ მახსენდება სამოთხის გველი. უწინდელ დროს, ქალაქში საქმეებზე წასვლა თუ მჭირდებოდა, ხშირად ჩემი ორი ფეხის დახმარებით მივდიოდი, რათა არ მეჭენავეებინა არენდატორის ცხენები დღეში ოცი კილომეტრი იქით, ოციც უკან. და არასოდეს დრო ისე არ გაზღაზნულა ჩემთვის, როგორც ახლა, მატარებელს რომ რალაც ნახევარ საათში მივეყავარ ხოლმე. როგორც კი რამდენიმე წუთით დაიგვიანებს, პირდაპირ მოთმინება მეკარგება. წინათ აღმაიანებმა არ იცოდნენ წარამარა საათის ჯიბიდან ამოღება და დროს მზის მიხედვით იტყობდნენ, მზეს კი სეკუნდების ისარი არა აქვს. სამაგიეროდ, რა სასიამოვნოა თივის ძნის ქვეშ ან გზის პირას საუზმობა, როცა სიცივეში ათიოდ კილომეტრს გაივლი. თანამედროვე ახალგაზრდები ვერასოდეს ვერ გაიგებენ, რა განუმეორებელი, მე ვიტყვოდი, სულიერი სიამოვნებაა — ერთი ნაჭერი ყველის და პურის შექმა ბუნების წიაღში, ტოროლის, შოშის და პრანწიას აკომპანიმენტით. თუმცა მე ზღუნძი გავხდი სიბერისას, მაინც დროდადრო სევდა ამიტანს ხოლმე სასოფლო გზების გამო. თუ კარგა ხანს იჯდები შინ, შენთვის კუთხეში მიყუყულა, წიგნებისა და გაზეთებისაგან გადარეული — რა კარგია

ამის მერე გავლა და პაერზე გამზეურება! გრძნობ, როგორ მალღდება შენი სული იმ ადამიანივით, საშინელი სიზმრიდან რომ გამოერკვა და ფანჯრიდან დაინახა, რომ გარეთ მზე ბრწყინავს და ჩიტებიც გალობენ. ერთი უსმინეთ, — უეცრად წამოიძახა მან, შეჩერდა და პერს მხარზე ხელი დაადო. — უსმინეთ. გესმით ტოროლას ხმა? ის ჩასული მზის საპატივემლოდ მღერის. — მთელი ერთი წუთი პასტორი უძრავად იდგა და სიამოვნებით უგდებდა ყურს, — რა მშვენიერებაა! გეგონებათ, ქალი მღერის, რომ შეყვარებულის წასვლის შემდეგ არ ატირდეს. შენიშნეთ თუ არა, ბატონო ინეინერო, რაოდენ ღრმა სიბრძნეს გამოხატავს ამ ერთიციცქნა მომღერლის გალობა? ტყუილად კი არ ვუსმენთ მის სიხარულს და ნაღველს. პატიოსნურად ვაღიარებ, რომ ტოროლას უბრალო გალობა ჩემს გულს უფრო მეტს ეუბნება, ვიდრე ჩემი წიგნების თაროზე ყოველივე სისულელით სავსე ფოლიანტები. მაგრამ პირობა მომეცით, რომ ამას არავის ეტყვი, — უეცრად დაუმატა მან ღიმილით და პერს მხარზე ხელი დაჰკრა, — ჩემი საყვარელი კოლეგები არასოდეს არ მაპატიებენ ასეთ აბდაუბდას.

პასტორმა გადაიხარხარა საკუთარ ხუმრობაზე და გზა განაგრძო.

პერს ესიამოვნა პასტორის ასეთი იღუმალი ტონი და მისი პიროვნებით მოიხიბლა. სწორი იყო ჰოფეჰერმეისტერის მეუღლე, პასტორი ბლომბერგი სრულიად არა ჰგავს ჩვეულებრივ მოძღვარს, სავსებით თვითმყოფადი კაცი, რომ ამტკიცებდა.

რამდენიმე ნაბიჯის გავლის შემდეგ პასტორი ხელახლა შეჩერდა და პერს მათ წინაშე გადაშლილ პეიზაჟზე მიუთითა. საღამო მთლად შევიდა თავის უფლებებში. მომწვანო ლურჯ ცაზე აქა-იქ პირველი ვარსკვლავები აკიაფდა.

— იქნებ, ბატონო ინეინერო, პატიოსნურად და გულახდილად მიპასუხოთ ერთ შევითხვაზე: ასეთ კარგ საღამოს ჩვენი მშვენიერი მწვანე მიწის ცქერით რომ ტკბებით, შეგიძლიათ თუ არა სერიოზულად მოინდომოთ, რომ ბოლმა და ჰვარტლმა წაბილწოს ის? მე გავეცანი ჩვენი ნაციონალური იდილიის განადგურების თქვენს პროექტს. პირდაპირ ვაღიარებ, თავად ჯერ არ წამიკითხავს თქვენი შრომა, მაგრამ ქალბატონმა ჰოფეჰერმეისტერის მეუღლემ გამაცნო თქვენი იდეები, რაც ჩვენი დროისათვის მეტად დამახასიათებელი მეჩვენა. ამიტომაც მინდა გკითხოთ, ნუთუ სერიოზულად ხართ დარწმუნებული, რომ ჩვენი მდი-

ნარე უფრო სასიამოვნო დასანახი იქნება, თუ მასზე ორთქლის ურჩხულები იცურავენ, ხოლო მის მწვანე ნაპირებზე ფაბრიკები აბოლდებიან? მერწმუნეთ, მხოლოდ სილამაზეზე არ ვლაპარაკობ. მე უნიადაგო მეოცნებე არა ვარ და შესანიშნავად მესმის, რომ წმინდა ესთეტიკური მოსაზრებები პრაქტიკულ მოთხოვნებს უნდა დავუქვემდებაროთ. მაგრამ აქ, მე მგონია, უფრო ძვირფასი რამ იწირება... ხედავთ პატარა სახლს ბორცვზე? აი იმას, მილიდან ბოლი რომ ამოდის? იქ ჩემი ნაცნობები ცხოვრობენ. ისეთივე ღარიბი ხალხია, როგორც ჩვენს ქვეყანაში მილიონის მეოთხედი იქნება. შემოსავალი ჰამაზე და ტანსაცმელზე ძლიერ სწვდებათ — და მაინც, ახლოს რომ გაიცნოთ, შეგშურდებათ, ისეთი ხალისიანი ხალხია. ცოლ-ქმარი მინდორში მუშაობს ერთად. ბავშვები მთელ დღეს სუფთა ჰაერზე დარბიან. ერთი მოხუცი ჯაგლაგი აბადიათ და ერთი ძროხა და თავს მდიდრებად თვლიან. ნუთუ თქვენ გულწრფელად გასურთ აიძულოთ ის კაცი, დაზავსთან წელში გაწყდეს, 'ხოლო მისი ცოლი და შვილები სადღაც მუშათა ყაზარმის მეშვიდე-მერვე სართულზე შერეკოთ? მიპასუხეთ, მხოლოდ გულწრფელი იყავით.

პერი თანდათან გაანერვიულა პასტორის ჩაცმებულმა შეკითხვებმა. თანაც, თავადაც ამ ბოლო დროს ექვემდებარდა თავის მიერ დასახული ზნის სისწორე და ყველაფერ ამის გამო, ცოტა არ იყოს, გამომწვევი ტონით უპასუხა:

— არ მესმის რა მნიშვნელობა შეიძლება ჰქონდეს პირადად ჩემს ან ვისიმე სურვილებს? პროგრესი თავისი გზით მიდის, ის ჩვენს თანხმობას არ კითხულობს და გვინდა თუ არა, ჩვენი ცხოვრების ნირი და ჩვევები მის მოთხოვნებს უნდა შევუგუოთ. ამის წინააღმდეგობა დროისა და ძალების ამოვლად ხარჯვას ნიშნავს.

— დიახ, თქვენ საკმაოდ კატეგორიულად პასუხობთ, მაგრამ თქვენი იდეები სამართლიანიც რომ იყოს, თავის დროზე მაინც მოვასწრებლით ვზიარებოდით ამ ნაქებ პროგრესს.

— არა მგონია. მე ვფიქრობ, სწორედ ახლა დადგა ნამდვილად ამის დრო და, რომ მერე ძალიან დაგვიანდება. სტატისტიკური გამოანგარიშებანა უცილობლად ამტკიცებენ, რომ ჩვენი ქვეყნის კეთილდღეობა წლიდან წლამდე სულ დაბლა ეცემა. იმ იდილიისადმი, თქვენ რომ დაგვისახეთ, ბატონო პასტორო, როგორც გასურთ, ისე განეწყვეთ, მაგრამ

ერთი რამ ნათელია: თქვენი იდილია ძალიან მერყევ საფუძველზეა აგებული, რის გამოც, სინამდვილეში, აღარც არის იდილია.

— ასეა, ასე, — ორჭოფულად მიუგო პასტორმა და კვლავ გზა განაგრძო. — ალბათ, მართლაც არახელსაყრელი დრო დაუდგა ჩვენს სოფლის მეურნეობას, მაგრამ მაინც...

— სრულიადაც არა, ევროპის მიწათმოქმედებისთვის უკეთესი დრო არ დადგება. უბრალოდ, ეს საქმიანობა თავისთავად მოძველდა ცივილიზებული ქვეყნებისთვის. გავა ცოტა დრო და სიტყვა „გლეხი“ ევროპულ ენებზე საერთოდ მოძველებულ მცნებად იქცევა.

— აბა, როგორ შეგიძლიათ ასე ილაპარაკოთ? მე ეს შეშლილის ბოდვასავით ჩამესმის. სწორედ ჩვენი ქვეყნის სოფლის მეურნეობის მაღალი დონე აღაფრთოვანებს მთელ მსოფლიოს. ამაზე თითქმის ყოველდღე წერენ ჩვენი გაზეთები.

პერმა შემწყნარებლური ჩაცინებით უპასუხა:

— მართალია, მაგრამ ამ აღფრთოვანებაში შურის ნატამალიც კი არ ურევია. ხოლო არავისთვის საიდუმლო არ არის, რომ ჩვენს საკუთარ ქვეყანაში — ჩვენს მშვენიერ, მწვანე ქვეყანაში, როგორც თქვენ ბრძანეთ, ბატონო პასტორო, — მის შინაურ ფრინველებისთვის განკუთვნილ შენობებთანად სიმდიდრის მხოლოდ ნახევარი ძლივს გვეკუთვნის. მეორე ნახევარი კი უკანასკნელი ოცი წლის განმავლობაში ინდუსტრიალურ სახელმწიფოთა საწარმოო კაპიტალის, ძირითადად გერმანიის ხელში გადავიდა. სამწუხაროა, მაგრამ ფაქტია, რომ მთელს ქვეყანაში ვერ იპოვი, ან თითქმის ვერ იპოვი კარმიდამოს ან საერთოდ საწარმოს, რომლის უდიდესი ნაწილი უცხოელებს არ ეკუთვნოდეთ, ჩვენმა ბანკებმა და აქციონერულმა საზოგადოებებმა ნაჭერ-ნაჭერ მიჰყიდეს. ქვეყანა უცხოელ კაპიტალისტებს, თანაც ისე, რომ, როგორც ამას ჩემს წიგნში ვწერდი, უნებლიედ მაგონდება ქრისტიფორე მეორის მმართველობის სამარცხვინო ეპოქა.

— აბა, აბა! მხოლოდ წყნარად, — შეაწყვეტინა პასტორმა და ძალბრუნებით გაიღიმა. — მიკერძოებულობას ძალიან შორს მიჰყავხართ, ახალგაზრდავ!

— სრულიადაც არა! საკმარისია აიღოთ ხელში რომელიც გნებავთ გერმანული გაზეთი და თვალი გადაავლოთ ბირჟას ბიულეტენებს, რათა დარწმუნდეთ, რამდენად მნიშვნელოვანია გერმანული კაპიტალის ინტერესები ჩვენს ქვეყანაში და რა ფხიზლად ადევნებენ თავის კაპი-

ტალღებანდებებს თვალყურს გერმანელები. მე ჰეშმარიტად შიშმა ამიტანა, როცა ახლახან, გერმანიაში ყოფნისას, ერთხელ გავშალე გაზეთი და დავინახე, რომ ბირჟის ბიულეტენში გამოცხადებულია მონაცემები იუტლანდიის ყველა სააქციონერო საზოგადოების და ყველა შემნახველი სალაროს შესახებ, თვით უმცირესისაც კი. ეს ვის არ დააფიქრებს.

— რას მეუბნებით! ნუთუ მართლა ასე შორს წავიდა საქმე?! — წამოიყვირა პასტორმა მცირე ხნის სიჩუმის შემდეგ, რაც იმას ნიშნავდა, რომ ნათქვამი მას განსაკუთრებულად დიდი ყურადღების ღირსად მიაჩნდა. — თქვენ, მაშასადამე, მიგაჩნიათ, რომ დანიელი ხალხის მატერიალური კეთილდღეობაც კი დრომოკმულ დოგმებზე და წარმოდგენებზე განისვენებს, რაც მას ძირს უთხრის? მართლაც, ნამდვილად, სულიერ განთავისუფლების გვერდით ეკონომიურ პროგრესისთვის ბრძოლა უნდა მიმდინარეობდეს. ჰეშმარიტად მშვენიერი აზრია! მაგრამ მაშინ ნამდვილად არ იქნება საჭირო, თქვენს მოწყალებას ვუხმოთ. მე სრულიადაც არ მეშინია გრილი ქარისა. უნდა მსხვერპლად გავიღოთ ის, რაც უკვე აღარ ემსახურება ცხოვრებას, რაც არ უნდა ძვირფასი იყოს ჩვენთვის. გარდა ამისა, სანუგეშოდ გერჩება იმის ფიქრი, რომ ყველაზე გრანდიოზულ, ყველაზე ყოვლის შემცველ გარდაქმნებს არ ძალუბთ გაანადგურონ ჰეშმარიტი და წარუვალი ფასეულობანი. უკვე აღარაფერს ვამბობ იმაზე, რომ ორთქლის ძრავათა ზეიმის პირქუშ ეპოქაში, ჩვენ, სულ ერთია, ჩვენი ღმერთის შეილები ვართ მაინც, — განურჩევლად იმისა, ვალიარებთ მას თუ არა. თანაც მთელი ჩვენი საიდუმლო გრძობები გარეგნულ ცვლილებებზე არ არის დამოკიდებული. მადლობა ღმერთს, სიცოცხლეს შეუძლია გადაიფურჩქნოს რომელიმე სხვენის ბნელ სენაკშიც. სიყვარულის ბედნიერება, ოჯახური ცხოვრების სიხარული ადამიანს უკანა ეზოებშიც თან სდევს, რაც არ უნდა ჭუჭყიანი იყოს ეს ეზოები. ხოლო ყოველივე, რაც ხდება, მხოლოდ დეკორაციების გამოცვლაა სამყაროს უსასრულო მოქმედებაში. დაბოლოს, თავად ჩვენც უცვლელნი ვრჩებით ყველა დროსა და ყველა ეპოქაში.

პასტორმა ისეთი დაჯერებული ტონით წარმოსთქვა თავისი მონოლოგი, პერს თანაგრძნობით გაეღიმა. მშვენიერად ესმოდა, რომ პასტერი ცდებოდა. ის საკმარისად ადევნებდა თვალყურს ცივილიზაციის მსვლელობას, რათა გაეგო, რომ გარემოს ცვლილებანი, „მანქანათა ბორბლების რახარახი“ რომ იწვევს ადამიანის საჭიროებისთვის, თანდათანობით თვით ადამიანის ბუნებასაც ცვლის.

მან უამბო პასტორს არსებობისთვის იმ თავგანწირული ბრძოლის შესახებ, მსხვილი საწარმო ქალაქების მოსახლეობა რომ დღითი დღე ეწევა; იმ ბრძოლის შესახებ, რომლის თვალყურის დევნებაც შესძლო მთელი თავისი მოგზაურობის დროს და, განსაკუთრებით, ბერლინში.

მან უამბო დაქირავებული მუშების — მამაკაცების და ქალების მონეტიალე არმიის შესახებ, ვისთვისაც სიტყვები „ოჯახური კერა“, „ოჯახი“, „უზრუნველყოფა“, „სიმყუდროვე“ მოკლებულნი არიან ყოველგვარ აზრს; ადამიანების შესახებ, ვისაც ამ თვალუწვდენელ ცხოვრების ზღვაში სადღაც აქვთ თავიანთი ხუხულა, სწორედ იმისთვის რომ კმარა, რათა მძინარე ადამიანი დაეტიოს შიგ. მუშაობისგან თავისუფალ მთელ დანარჩენ დროს ისინი ქუჩაში ატარებენ სალუდეში ან სხვა ასეთივე სახის დაწესებულებებში და თავიანთ ცხოვრებას უსახელო ჩრდილებივით, საავადმყოფოს საწოლზე ამთავრებენ რომელიღაც ნომრით.

მაგრამ პასტორი უკვე აღარ უსმენდა პერს: მან იგრძნო, რომ საუბარი მისთვის არახელსაყრელად შემობრუნდა. პასტორი კი მუდამ, როცა კამათში ისეთ ადამიანს შეეჯახებოდა, ვინც მასზე უფრო ჩახედული იყო საქმეში, აღარ უსმენდა ხოლმე თავის თანამოსაუბრეს.

მცირე ხნის დუმილის შემდეგ პასტორი შეჩერდა და უთხრა პერს, არ მინდა სახლიდან ძალიან შორს წაგიყვანოთ, სწორედ საზღვრამდე ვართ მისული და უკვე დროა, ერთმანეთს გამოვეთხოვოთო.

განმორებისას პასტორმა განმეორებით მიიპატიჟა პერი თავისთან.

— იქ განვაგრძოთ ჩვენი საუბარი, ახლა კი იჩქარეთ, რათა ვახშამს მიუსწროთ. ალბათ უკვე შენიშნეთ, რაოდენ დიდ ყურადღებას აქცევს ჰოფეჰერმეისტერი საქმლის ჭამას, ხა-ხა-ხა!

თ ა მ ი X X

მთელი ერთი კვირა, კერსხოლმში რომ გაატარა, პერს იაკობასაგან არავითარი ამბავი არ სმენია. თუმცა თვითონ ყოველდღე წერდა წერილს და დაწერილებით აღუწერდა თავის ამბავს, იაკობა მაინც დუმდა.

ეს უმიზეზოდ არ ხდებოდა. იაკობა მისი პირველი წერილის მიღებისთანავე მიხვდა, რომ პერს ველარასოდეს ნახავდა. ქალმა თავის თავს ჰკითხა, იქნებ კიდევაც გვიჯობდეს ორივეს, ერთხელ და სამუდამოდ

შეეწვიტოთ ურთიერთობაო. იაკობა საშინლად დაქანცა ამ უცხო, ფარულ, გამოუცნობ ძალასთან ბრძოლაში. ამ ძალამ ბევრჯერ გამოსტაცა იაკობას პერი იმ წამებშიც კი, როცა მისი აზრით, მტკიცედ ჰყავდა შებოჭილი სიყვარულით.

იაკობამ არც კი იცოდა, მოიპოვებდა კიდევ თუ არა პერს. ქალა აღარ სჯეროდა, რომ პერს ჰქონდა უნარი, წინ აღდგომოდა მტრულ ძალას. იაკობა პერს ისეთად ხედავდა, როგორც ნამდვილად იყო. პერსის პიროვნების ის მხარე, რომლის შეცნობაც იაკობას შეეძლო, ქალმა ზედმიწევნით შეისწავლა და შეეყვარებულ ადამიანთათვის დამახასიათებელ ლტოლვას, რომ სინამდვილე შეელამაზებინა და აემალლებინა — ვეღარ აყვებოდა. იაკობა კარგად ხედავდა პერსის მდიდრულ ბუნებას, მიუხედავად იმისა, რომ ქალის აზრით ვაჟს რაიმეთი გატაცება არ შეეძლო და არც თავდაცვის ინსტინქტი ჰქონდა. ანდა, უფრო სწორად, პერს გატაცების მხოლოდ ნეგატიური, ჩრდილოვანი მხარეები გააჩნდა: სიჭიუტე, ეგოიზმი, თავქეიფობა, ხოლო გრძნობის სიღრმე და ძალა, ყოვლისმშთანთქმელი სვედა თუ სულიერი ცეცხლი, გამომწართობი და განმწმენდი ალი — არ იცოდა რა იყო.

მერე, თუ ასეა, განა ღირს ბრძოლის განგრძობა? ამ დღეებში იაკობას ბევრჯერ მოაგონდა, როგორ შეადარა პერმა ნახევრად ხუმრობით თავისი თავი ზღაპრულ ჯუჯას, ადამიანებს შორის ცხოვრება რომ მოინდომა და თხუნელას სოროდან დედამიწაზე ამოძვრა, მაგრამ მზის სინათლე ვერ აიტანა და კვლავ მიწას მიაშურა. მხოლოდ ახლა გახდა იაკობასათვის ნათელი, რომ ეს შედარება გაცილებით ღრმა იყო, ვიდრე ქალი ფიქრობდა, უფრო სწორად, ვიდრე სურდა ეფიქრა.

ღიახ, პერი სულ სხვა სამყაროს არსებაა. იმ სამყაროში სულ სხვა მზე ანათებს. თავის თანამედროვეებისაგან ჭეშმარიტი თუ მოჩვენებითი სხვაობის მიუხედავად, მთელი თავის თვითმყოფადობის მიუხედავად, პერი თავისი ქვეყნის ნამდვილი შვილია, დანიელი ხალხის ცივისსახლიანი შვილი, თვალგამომშრალი და ვულწშიშარა. ისინი ყველანა ჯუჯები არიან, მზის შეხედვისთანავე რომ აცემინებთ და მხოლოდ დაბინდებისას გამოცოცხლდებიან ხოლმე, როცა თავიანთ ბორცვზე აღიან, რათა ადამიანის აძრწოლებული სულის სასიხარულოდ და სანუგეშოდ ვიოლინოს, ან ეკლესიის ზარების ხმებზე სინათლის იღუმალი თამაშუ გააჩაღონ ნისლმობურულ მდელიოზე გაწოლილ სადამოს ღრუბლებთან... ჯუჯა ხალხი, ბრძენის დიდი თავი რომ აბიათ და ბავშვის სუსტი ტანი

აქვთ... ღამეული ხალხი, ვისაც ესმის, როგორ იზრდება ბალახი და როგორ ოხრავენ ყვავილები, მაგრამ მამლის პირველი ყვილისთანავე კვლავ მიწისქვეშ ძვრება.

ბოლოს იაკობას ღუმილმა პერი შეაწუხა. მას ესმოდა, რომ იაკობას უფლება ჰქონდა გაჯავრებულიყო, ამდენ ხანს როგორ არ დაბრუნდაო. შინ დაუბრუნებლობის საბაბი კი, უნდა ითქვას, პერს ამჟამად სულაც არ ჰქონდა. პერი უხსნიდა, ფულის საქმეები მაქვს მოსაგვარებელი და იმან დამაკავაო. ყოველ დილით იგი თავის თავს პირობას აქლევდა, აი, დღეს კი მოველაპარაკები ან ჰოფეჰერმეისტერის მეუღლეს, ან თავად ჰოფეჰერმეისტერსო, მაგრამ როგორც კი საქმე საქმეზე მივიდოდა, არ იცოდა საიდან დაეწყო. იგი მეუღლეებს უყვებოდა თავის გეგმებს, ისინიც თითქოს გულწრფელად იყენენ დაინტერესებულნი ამ გეგმებით. მაგრამ ფულის სესხებაზე მაინც ვერაფერს უბედავდა. ეშინოდა, ამ თხოვნით ვაითუ ვაიძულო ისინი, ზედმეტი ყურადღება მომაქციონ. რაკი გაუჭირდებათ გაიგონ ის გრძნობები, რაც ხელს მიშლის სიმამრსაგან ავიღო ფულიო.

ამიტომაც ეს საქმე წასვლამდე გადადო, ხოლო წასვლას კი ყოველდღე მეორე დღისთვის სდებდა. პერი კერსხოლში ჯანზედაც მშვენივრად გრძნობდა თავს, ხოლო იმას რომ გაიფიქრებდა, მალე დედამიწის სხვა მხარეს უნდა გავემგზავროო, ორჯერ უფრო მეტად ეძნელებოდა ამ ადგილებთან განშორება.

თითქმის მთელ დღეს სუფთა ჰაერზე ატარებდა. ირგვლივ ბევრი რამ იყო ახალი და ყურადღებამისაქცევი, ბევრიც — დიდი ხნის ნაცნობი, მაგრამ ახლებურად საინტერესო.

მას ძალიან შეუყვარდა თევზის ჰერა და სულ მდინარის პირას იქდა ანკესით ხელში — იმდენად თევზის ჰერა კი არ აინტერესებდა, ეს საქმიანობა უფრო მეტად სიამოვნებას ანიჭებდა. სიჩუმეს არაფერი არ ღვევდა, ნავის ქვეშ დამამშვიდებლად მირაკარაკებდა წყალი, წყალმცენარეთა მოყანგისფრო მწვანე ფართო ფოთლები წყნარად და მსუბუქად თრთოდნენ ნაკადში, — მოჭადოებელი სამყარო იყო, გაუგებარი, შეუცნობელი სიცოცხლე, თითქოს შფოთიან ძილში რომ ჩაფლულიყო. პერს ზშირად ახსენებებოდა პასტორ ბლომბერგის სიტყვები. პასტორი ამბობდა, ბუნებაში ცხოვრებისეული სიბრძნეა ჩადვრილი და ტორილის უბრალო გალობის მოსმენითაც კი ჩაწვდება ამ სიბრძნეს კაციო. მართლაც, ასეთ წუთებში პერი უნებლოედ რაღაც იღუმალ კავშირს

გრძნობდა ყოველ მიწიერ არსებასთან. ბუნებასთან ეს ვნებიანი შერევა ანაყოფიერებდა მის გონებას. უფრო ცოცხლად მუშაობდა ფანტაზია, ებადებოდა ახალი იდეები. თითქოს ცხოვრების პირველქმნილი ძალა ოქროს ცხოველმყოფელ წვიმად ნაზად და ალერსიანად ეღვრებოდა ახალ-ახალ შმაგ აზრებს.

იქნებ ასე იმიტომ ხდებოდა, ფიქრობდა პერი, რომ ბუნების ხმებს მარადისობის ამბავი მოაქვთ ჩვენს ყოფიერებაში. იქნებ მთელი ხალხები ამოწყვეტილიყო კიდევ და ქალაქები გამქრალიყო, წყალი კი ნავის ქვეშ მთლად ისევე რაკრაკებს, როგორც რაკრაკებდა დედამიწის პირველი ბინადრის პატარა ნავქვეშ. რაკრაკებდა და მარადისობის დამლევამდე ირაკრაკებს არა მარტო დედამიწაზე, არამედ ყველა ციურ სხეულზე, სადაც კი არის წყალი და არსებობს ყური, მის რაკრაკს რომ აღიქვამს. ჰემმარიტად, ბუნების ხმას აზრით პირდაპირ ცხოვრების სათავეებთან, თვით მარადისობასთან მივყავართ.

პერისთვის ყოველივე ეს იყო მშვენიერი სულიერი ზეშთავგონება. მან გაიხსენა, რომ ერთხელ უკვე განიცადა მსგავსი გრძნობა. ეს მაშინ იყო, შვეიცარიაში რომ იმოგზაურა და პირველად დაინახა ალპები. მზით მოფენილი ქათქათა მთაგრეხილი სამყაროს დილის ათინათივით აღმართულიყო პორიზონტზე. მაგრამ მაშინ ამ სანახაობამ რალაც გაუჩრკვეველი მღელვარება აღუძრა. პერს ჯერ არ აღმოეჩინა თავის თავში „მეექვსე გრძნობა“, ადამიანს მარადიულობის სიღრმეებთან რომ ანათესავენ. სამაგიეროდ ახლა, უძრავად რომ იჯდა ნავში და მთლად მინდობილი სწრაფლმდინარი წამის ნებას, მოწითალო ნაკადების თამაშს უცქეროდა, საკუთარ სხეულს ველარ გრძნობდა და ახლა პირველად გაიგო ისეთი სიტყვების აზრი, როგორიცაა „ცათა სასუფეველი“ და „ნეტარება“. თითქოს მისი სული ყოველივე მიწიერის დაგმობის შემდეგ ყოფიერების ყველაზე მაღალ, ყველაზე სუფთა საფეხურზე აღიოდა.

რაოდენ საბრალოდ და არარაობად ჩანდა ასეთ წუთებში ადამიანთა ყველა საზრუნავი და მისწრაფება. რა უბადრუტად და ამაოდ გამოიყურებოდა ყველაფერი ბუნებასთან შერევის ამ მშვენიერი გრძნობის წინაშე! ხოლო მიწიერი ცხოვრება — „ბედნიერების“ გაშმაგებული ძიება — კარგავდა ყოველგვარ აზრს, უცებ რაღაცნაირი ყალბი და მოჩვენებითი ზღებოდა, — ცხოვრება კი არა, უსხეულო ჩრდილების თამაში იყო!

ივენისაგან წერილი მოვიდა: იაკობას მიუცია მისთვის პერის მისამართი. ცოლისძმა ატყობინებდა პერს, მეტად მოუთმენლად ველი შენს დაბრუნებას, რადგან ყველაფრის მიუხედავად, ხელახლა მომეცა საქმის ხელსაყრელად დამთავრების იმედებით. აღვოკატი ხასელაგერი და კომერსანტი ნერეხავე მხოლოდ ამით არიან დაკავებულნი, კოპენჰაგენის პროექტით უკმაყოფილება კი უფრო და უფრო დიდ გასაქანს იღებს, განსაკუთრებით კი — პროვინციაშიო. მერე ივენი ურჩევდა პერს, ხელიდან არ გაეშვა შემთხვევა და თავისი პროექტის თაობაზე მთელი რიგი მოხსენებებით გამოსულიყო იუტლანდიის დიდ ქალაქებში. ეს სწორედ რომ დროული იქნებოდა ახლა, რადგან როგორც გამოირკვა, იღუმალი ინჟინერი სტიენერიც მოგზაურობს ამჟამად იუტლანდიაში და მეწარმეთა ადგილობრივ გაერთიანებებში განგაშს სტეხს თავისი პროექტის შესახებო.

ივენის წერილმა თითქოს იარაზე დააჭირა პერს ფეხი. მისთვის ბოლოს ნათელი შეიქნა, რომ იქ, სადაც რომელიმე იღვის პრაქტიკულ განხორცილებაზეა ლაპარაკი, ის პირველ აღმომჩენად არ გამოდგება. მაქს ბერნარდთან ატეხილი აურზაური შემთხვევითი არ იყო. პოლკოვნიკ ბერეკრავთან მომხდარი შეტაკებაც ფრიალ ყურადსაღები იყო ამ გაგებით. საინჟინრო პრაქტიკის წმინდა ორგანიზაციული მხარე მისთვის მუდამ უცხო გახლდათ. ის, პერი, — გამომგონებელია, ტექნიკოსი, — ყველაფერია, რაც გნებავთ, მხოლოდ საქმოსანი ვერ არის.

იმავე დღეს, საღამოს, პერმა წერილი მისწერა იაკობას, სადაც დაწვრილებით მოუთხრობდა თავის შეხედულებებს ამ საგანზე. ამავე დროს პერი ატყობინებდა, ახლანდელი გარემოების გამო უფრო გონივრულად მიმაჩნია მოშორებით ვიყო კოპენჰაგენიდან, ვიდრე ორკვირიანი ვადა არ გავა, რაც აუცილებელია მომავალი ქორწილისათვის ყველა საბუთის გასაფორმებლადო.

„რაც შეეხება არხისა და ნავსადგურის აშენების ჩემს კომბინირებულ პროექტს, პირადად მე მისგან გაენთავისუფლდი, — სწერდა პერი. — დანიელ ერს უფლებას ვაძლევ გამოიყენოს ის თავისი შეხედულებისამებრ, მე კი მთელ ჩემს ძალეებს წარვმართავ მორიგი ამოცანის გადასაწყვეტად, ქარისა და წყლის ძრავათა შემდგომ სრულყოფისთვის, რაც, აგრეთვე, პროფესორმა პფეფერკორნმა მირჩია და, რაშიც ძალიან დამეხმარება მომავალი გამგზავრება ამერიკაში. იქნებ წინანდებურად ისევ დამიწყო დარწმუნება, ესოდენ უპატივეცემლო დამოკიდე-

ბულება ფულის ძალისადმი შენთვისვეა საზიანო. ახლა ეს ველარაფერს შეცვლის. პირდაპირ გამოგიტყდები, საკმარისად დიდებისმოყვარე ვერა ვარ, უფრო სწორად, პატივმოყვარე ვერა ვარ და ამიტომ ძნელად თუ შეეძლებ თავის მორევას ამ საკითხში. ეს ნაკლია, ცხადია, მაგრამ არც თუ ისე საშიში. თუმცა ხვალ დილითვე მივწერ შენს ძმას და ოფიციალურად მივანდობ მას ჩემი ინტერესების დაცვას ჩემი მანდ არყოფნის განმავლობაში. მაგაზე მეტად სანდო ადამიანს აბა სად ვიპოვნის!”

ამჯერად იაკობამ უპასუხა. ერთი სიტყვითაც არ შეხებია ამდენი ხნის დუმილის მიზეზებს, ერთხელაც არ უხსენებია მოსალოდნელი ქორწინება და მოგზაურობისთვის მზადება, მაგრამ გესლიანად კი იხსენიებდა გადაწყვეტილებას, სადამდეც პერი თავისი „განვითარების“ განმავლობაში მივიდა.

„შენ თავადვე ამბობ, დიდებისმოყვარე არა ვარო, — სწერდა იაკობა წერილის დასასრულს. — მუშტს იცემ მკერდში და ხოტბას ასხამ გამჩენს იმაზე, რომ არ გვევებარ ჩვენ, ცოდვილებს. ღმერთო ჩემო, ნუთუ ჩვენი ღიათაყის ეს საცოდავი ნარჩენებიც უნდობლობას აღგიძრავენ? ოდესღაც თავადაც მტრულად ვიყავი განწყობილი ამისადმი; მაგრამ დროთა განმავლობაში გამოვფხიზლდი. ასეა საჭირო. საერთოდ რომ ვთქვა, თანდათან უფრო და უფრო მეუფლება ძველმოდური შეხედულება ადამიანებზე. ავიღოთ თუნდაც ისეთი მოძულეებული რამ, როგორიც ორდენები და ტიტულებია, — მე ახლა ვიწყებ იმის მიხვედრას, თუ რა ბევრს ნიშნავს მსგავსი სისულელეები ადამიანის კეთილდღეობისთვის, ჰკუთას ასწავლის კაცს იმაზე დაკვირვება, თუ რაოდენ გამრჩე ხდება ვინმე ლენჩი, როცა ჩაინდის ჯვრის ორდენის შოვნის შესაძლებლობა გაუჩნდება. დანიის ხალხს ჯერ კიდევ ნება არა აქვს შეეღიოს „ძალის ზრდის“ ერთ სტიმულსაც კი — ეს გახლავს გამოთქმა, რომელსაც ფრიად ხშირად ხმარობდი წინათ და რომელიც მე ახლა მეტად მარჯვედ მეჩვენება. ჩვენთან სკოვბაკენში ერთხელ ერთი ლოთი მებღაღე მუშაობდა, როცა მას იმედი მიეცა, მხოლოდ სუსტი იმედი — დაეკავებინა თავმჯდომარის პოსტი სიფხიზლის ადგილობრივ საზოგადოებაში, თავი გაანება სმას. ამას კი ვერც მუქარით მიაღწევდა, ვერც დაპირებებით. ნათქვამიდან შეგვიძლია დავასკვნათ, რომ ისეთი საქმე ველი ნაკლი, როგორიც დიდებისმოყვარეობაა, ზოგჯერ ხელს უწყობს ზნეობრივ სრულყოფას. მე რომ პოეტი ვიყო, ოდებს დავწერდი დიდებისმოყვარეულების სადიდებლად. მღვდელმსახური რომ ვიყო, სულ ერ-

თია, ანათორა მეცმებოდა თუ ნაოჭიანი საყელო მეკეთებოდა — ადამიანთა ცოდვების სიიდან დიდებისმოყვარულობას ამოვიღებდი: ისედაც საკმაოზე მეტი ცოდვა ადევს კაცს!"

პერმა, ვიდრე დაწერილის აზრში გაერკვეოდა, რამდენჯერმე გადაიკითხა ბარათი. ველარ ეცნო იაკობა. რა უცნაური ტონი ჰქონდა ქალს! ყველაზე უფრო ის სწყინდა, რომ ეს სწორედ ახლა მოხდა, როცა სიხარულის შვეებას განიცდიდა, რაკი გარკვეულიყო საკუთარ თავში და თავისი ბუნების იმ მხარეებში, მასაც და მის ირგვლივ მყოფთაც ამდენი მწუხარება რომ მიაყენეს. ჯერ იყო და, პერი ისე გაბრაზდა, გადაწყვიტა დაუყოვნებლივ ჩაჯდომოდა საპასუხო წერილის წერას და ერთი კარგად შეეხურებინა იაკობა. მერე გადაიფიქრა. თუმცა რელიგიურად ისე აგზნებული აღარ იყო, მაგრამ ახალი გონება-განწყობის კვალი მაინც უმკლავდებოდა ხან იმაში, რომ უჩვეულოდ უწყინარი იყო ხოლმე, ხან კიდევ იმაში, რომ სულ ის სურდა, რაც შეიძლება მკაცრი სიმართლით განესაჯა საკუთარი თავი. იაკობასთან მომხდარი შემთხვევა ამის ყველაზე უფრო ნათელი მაგალითი იყო. პერმა თავის თავს უთხრა, იაკობას მიმართ განსაკუთრებით შემწყნარებელი უნდა იყო. მან ბევრი სიამე გაუკეთა ქალს, ძალიან ხშირად უსამართლოდ ექცეოდა და ახლა უნდა გამოესწორებინა დანაშაული. პერს მხოლოდ უნდა გახარებოდა, რომ საბაბი მიეცა, საქმით დაემტკიცებინა ქალისთვის გამოსასყიდი მსხვერპლის გაღებისთვის თავისი მზადყოფნა.

* * *

რამდენიმე დღის შემდეგ მას მერე, რაც პასტორი და მისი ქალიშვილი კერსხოლმში იყვნენ, ჰოფეჰერმეისტერის მეუღლემ პერს ნასადილევს ბესტრუჰამდე გასეირნება შესთავაზა, რათა პასტორისთვის საპასუხო ვიზიტი გაეკეთებინათ. პერს არ ჰქონდა პასტორის მონახულების დიდი სურვილი, მაგრამ უარი არ უთქვამს. ჰოფერმეისტერმაც მოისურვა მათი თანხლება, მაგრამ ეტლი რომ მოართევს, უეცრად გადაიფიქრა. კვლავ მელანქოლიის მორიგი შეტევა დაეწყო. მისმა მეუღლემ რა აღარ იღონა, უნდოდა როგორმე გაეჩარვებინა შთაბეჭდილება, რომ მისი ქმარი ავგული და ჭირვეული გახლდათ.

მმართველთან საუბრების მერე პერს თითქოს არ უნდოდა გაჰკვირვებოდა მასპინძლის ახირებულობა, მაგრამ მაინც ვერაფრით ვერ აეხ-

სნა, რად გადმოხედავდა ხოლმე ზოგჯერ ალმაცერად ჰოფეპერმეისტერი. იქნებ ეს იმას ნიშნავდა, რომ მან, პერმა ბოროტად გამოიყენა მასპინძლების სტუმართმოყვარეობა? პერმა ისარგებლა შემთხვევით და სეირნობის დროს ამაზე სიტყვა ჩამოუგდო ჰოფეპერმეისტერის მეუღლეს. მაგრამ ქალმა პირდაპირ განუცხადა, თუ ახლა წახვედი, მეცა და ჩემი ქმარიც ვიფიქრებთ, რომ არ მოგეწონა კერსხოლმში ყოფნა და ძალიან ვინანებთ, რომ ჩვენთან მოგიწვიეთო.

პერი ძალიან გაახარა ამ აღსარებამ, რადგან ყველა ყველა და, ამით იაკობას თვალში მართლდებოდა.

კერსხოლმიდან ბესტუპამდე ხუთი-ექვსი კილომეტრი იყო. გზა ცერად აღიოდა ბორცვებზე და ძველი კალაპოტის ყველა კლაკნილს იმეორებდა. წყნარი ამინდი იდგა, ცაზე აქა-იქ შექუჩულიყო ღრუბლები, ისე, რომ, მზე თვალებს არ ჭრიდა. ერთ მხარეს მწვანე ველი და დაკლაკნილი პატარა მდინარე მოჩანდა, მეორე მხარეს — აქა-იქ მიმოპნეული ქალები, თავს რომ ყვავების გუნდები დასტრიალებდა.

პეიზაჟის სილამაზით აღტაცებულმა ბარონესამ უცებ ლექსების კითხვა დაიწყო:

აბა, დახედეთ ფრინველთა გუნდი,
როგორ მოედო სივრცეებს წუთით;
როგორ მართავენ ცაში ირაოს
ასე ნარნარად, ასე უვნებლად,
ქვეყნის დიდებას და სილამაზეს
როგორ მღერიან დაუსრულებლად!

მალე ისინი გაცდნენ პატარა სიფველ ბორუპს და მის ეკლესიას, კერსხოლმელ ბატონთა სამრეკლო ეკლესიად რომ ითვლებოდა. ბორუპსაც თავს დასტრიალებდა ფრინველთა გუნდები, რაც ნიადაგის არაჩვეულებრივ ნაყოფიერებაზე მეტყველებდა. ბელურათა მთელი ურდოები ფუსფუსებდნენ გზის მტვერში, შოშიათა გუნდები ხის წვეროებს შემოხვეოდნენ.

გზის გასწვრივ ჩალისსახურავიანი ქონძახები ჩამწკრივებულიყო და აღმაშფოთებელ სილატაკეს შლიდა თვალწინ. მათ უკან მწკრივად იდგა გლეხების ბებერი ვაშლის ბაღების სიმწვანეში ჩაფლული სახლები, ყოველი სახლის სახურავზე ყარყატს დაედო ბუდე: პერი ამ სოფელს სიგრძე-სიგანით იცნობდა. ყოველდღე მოდიოდა აქ სეირნობისას

და ზოგჯერ ხალხთან სამასლაათოდ შეჩერდებოდა ხოლმე. პირველად იყო, რომ პერი ასე ახლოს შეხვდა სოფლის მცხოვრებთ და ძალიან აინტერესებდა მათი ნაამბობი თავიანთი ცხოვრების შესახებ. გლეხებს, მისდა გასაოცრად, სულაც არ აკრთობდათ იმისი ფიქრი, რომ მათი კარ-მიდამო დაგირავებული და გადაგირავებული იყო. ისე კმაყოფილები უჩვენებდნენ თავიანთ სამფლობელოებს, თითქოს ფიქრადაც არ მოსდიოდათ, რომ მთელი ეს ბარაქა, სინამდვილეში, დიდი ხანია, მათ აღარ ეკუთვნოდა. ბევრ მათგანს ზომ ჰყავდა წინაპარი, ვისაც ზანდუკის ფსკერზე მრავალი ათასი ვერცხლის ტალერი ჰქონდა დამალული, ახლაც ი აქ მხოლოდ იმაზე ლაპარაკობდნენ, ვის რამდენი ვალი ედო.

ცოტა მოშორებით, ფერდობზე, იქ, სადაც კვლავ მინდვრები იწყებოდა, დაბრეცილი ღობის იქით კიდევ ერთი კარ-მიდამო მიყუჟულიყო. გზიდან მხოლოდ სამი შებოლილი მილი მოჩანდა და ხის წვეროები. აქ ცხოვრობდა პასტორი ფიალტრინგი, უკვე ხანშიშესული კაცი, ვისაც კერსხოლმში ფრად ზიზღით იხსენიებდნენ. ჰოფეჰერმეისტერის მეუღლე პირდაპირ აცხადებდა, თუ პასტორის ცხოვრების ნირისა და ქცევის შესახებ ვიმსჯელებთ, მაშინ, უბრალოდ რომ ვთქვათ, ეს კაცი „თავის ჭკუაზე არ არისო“. ადგილობრივ მცხოვრებთა უმრავლესობაჰ კერსხოლმელი ბატონებივით ბლომბერგის მრევლში ყოფნა არჩია.

პერმა საუბარი ჩამოაგდო ფიალტრინგზე, უკვირდა, რომ ერთხელაც არ შეხვედრია მოხუცი სეირნობის დროს. მაგრამ ჰოფეჰერმეისტერის ცოლმა უპასუხა, აქ საკვირველი არაფერია. პასტორი ფიალტრინგი დაბინდებამდე ძალიან იშვიათად სტოვებს თავის სოროს, ბუსავით ეშინია სინათლის, ეს კაცი სიბნელის სულია და არავის არ უყვარსო.

— არასაკმაოდ ღვთისმოშიში კაცია? — სიტყვა შეაპარა პერმა. — რამდენადაც მახსოვს, პირიქით უნდა იყოს, ამბობენ უკიდურესად ორთოდოქსალურიო.

— დიახ, კათედრაზე კი არის ორთოდოქსალური, მაგრამ სულით — განდგომილია და ღვთისმგმობელი. ერთხელ ვიდაც თავის მრევლის წევრთაგანს უთხრა: „მე ერთნაირად მწამს ღმერთიც და ეშმაკიც, მხოლოდ ვერ გადამიწყვეტია, რომელი მათგანი უფრო მეზიზღებაო“. გაგიგონიათ ამის მსგავსი რამ?

— როგორ შეუძლია ასეთ კაცს ღვთისმსახურება?

— სწორედ ეს არის ყველაზე მეტად აღმაშფოთებელი. თუმცა, ჰყოფნის ჭკუა, თავისი საძაგელი საუბრების დროს უცხო მოწმეები არ

დაისწროს. ქადაგებით კი ძალზე მართლმორწმუნედ ქადაგებს, თუმცა წარმოუდგენლად მოსაწყენად და უხამსად.

ჰასთან მდგომმა ქალებმა გულითადად დაუტყრეს მათ თავი. ჰოფე-ჰერმეისტერის მეუღლემ, შემთხვევას რომ არ გაუშვებდა, რათა უბრა-ლო ხალხისადმი თავისი სიყვარული აშკარად გამოეხატა, მეეტლეს უბრძანა გაჩერებულიყო და ქალებს რამდენიმე შეკითხვა მისცა, რო-გორა გყავთ ბავშვებიო. მერე გზა განაგრძო.

სოფლის იქით გზა ხელახლა ფერდობით წავიდა, ცხენებმა მხიარუ-ლი ჩორთით გასწიეს და ათი-თხუთმეტი წუთის შემდეგ წინ ბესტრუ-პის სახლები გამოჩნდა, წარმტაცად რომ გაბნეულიყო ტყიანი ბორცვის ძირში.

პასტორის მთელი ოჯახი შეკრებილიყო ბალის უკან მინდორზე, სა-დაც ახალგაზრდებისთვის სპორტული მოედანი იყო მოწყობილი. ათი-თექვსმეტი წლის სამ ქერა ბიჭუნას ქურთუკები გაეხადა და ბურთაობ-დნენ. პასტორი ხელმძღვანელობდა თამაშს და ყოველ მარჯვე დარტყმისას ყველაზე ხმამაღლა ყვიროდა. აქვე იდგა მისი ცოლი, პატა-რა გოგონასთვის ჩაეკიდა ხელი. ფრიოკენ ინგერი, ყველაზე უფროსი პასტორის შვილებს შორის, გუბურასთან იჯდა და წიგნი მუხლებზე გა-დაეშალა.

არავის გაუგია მათი მისვლა. ჰოფეჰერმეისტერის მეუღლეს არ უბრძანებია მის შესახებ მოეხსენებინათ, ეტილიდან გადმოვიდა და პირ-დაპირ მინდვრისკენ გაემართა, რათა სიურპრიზი მოეწყო მათთვის.

პირველად ისინი ფრიოკენ ინგერმა დაინახა და სიხარულის კივი-ლით შემოეხვია კისერზე ჰოფეჰერმეისტერის მეუღლეს. მთელი ოჯახი სიამოვნებით იყო განცვიფრებული და გულითადად შეეგება სტუმ-რებს.

პასტორმა პერს მხარზე ხელი დაარტყა და უთხრა: „კეთილი იყოს თქვენი მობრძანებაო“.

— სპორტით თუ ხართ გატაცებული, ბატონო ინჟინერო? — ჰკითხა მან, მერე მოიხადა ჩალის დიდი ქუდი და ცხვირსახოცი თუბლიდან ოფლი მოიწმინდა. — დიდებული საქმეა! ამ მხრივ ჩვენ, მოხუცებმა ბევრი რამ დავკარგეთ. ახლა კი მეტისმეტად მოხუცი ვარ, რათა, რო-გორც საჭიროა, ისე მოვკიდო ხელი სპორტს. მაყურებლის როლით დაკმაყოფილებას ვკერძობი. ესეც კი ძალზე კეთილნაყოფიერად მოქ-

მედებს. თითქოს კუნთები მიმკერძვდება, როცა ვუცქერი, როგორ ანცობს ახალგაზრდობა. ველარც კი გავძლებ უამისოდ.

პატარა კაცუნამ მხნედ გაიციხა და საზოგადოებას ბალისკენ გაუძღვა. წინ თვითონ მიაბიჯებდა. თეთრი ტილოს ხალათი ეცვა, შარვალა ძლივს სწვდებოდა კოჭებამდე.

ყველანი ჩამოსხდნენ. ზოგი მერხზე, ზოგიც სკამებზე სახლის ჩრდილში ტერასის კართან; აქვე გააწყეს მაგიდა, რათა ბუნების წიაღში მიერმიათ სპილენძის მბზინვარე ყავადანში დასხმული ყავა და ქაღებიც შეეიტანებინათ. ფრიოკენ ინგერი ძალიან მოხდენილად ფუსფუსებდა მაგიდასთან. პერმა გაიფიქრა, ქალი ალბათ თავადაც კარგად გრძნობს ამასო.

ქალები რომ სოფელურად თავისუფლად მოიყრიან თავს სამასლაათოდ ერთ ფინჯან ყავაზე, საუბარი მალე გადავა ხოლმე ყოველგვარ შინაურ საქმეებზე. ასე მოხდა ახლაც. პასტორმაც კი გამოთქვა რამდენიმე შენიშვნა ხუმრობით მურაბების მოხარშვისა და ნამცხვრების დამზადების თაობაზე, სანამ სახლში არ დაუძახეს: ვილაც მოსულიყო მასთან.

გამოირკვა, რომ დღევანდელი ფუნთუშები პირადად ფრიოკენ ინგერის გამომცხვარი ყოფილა. ბარონესამ და ჰოფეპერმეისტერის მეუღლემ ყმაწვილი ქალი ცაში აიყვანეს, ხოლო პასტორის მეუღლემ მწყალობლურად მოისმინა ქება, ქალიშვილს ლოყაზე ხელი მოუთათუნა და ჰკვიანი უწოდა.

ქალიშვილი გულგრილად უსმენდა ამ ხობას, ხოლო დედის მოფერება ცოტათი კიდევაც იწყინა. პერმა გაიფიქრა, ეს ქალი ალბათ მეტისმეტად გაანებვირესო. მაგრამ, მიუხედავად ამისა, ინგერი ძალიან მომხიბლავი იყო. დღეს პერს უფრო მიმზიდველი ეჩვენა ქალი. ვიდრე პირველად, კერსხოლმის სევდიან პარკში რომ ნახა. ახლა, დღის სინათლეზე, თეთრი წინსაფარი რომ ეკეთა და ყავას ასხამდა, ყმაწვილი ქალი სულაც არ ჰგავდა არაამქვეყნიურ არსებას. აღარც ფრანცისკას მოაგონებდა კაცს.

პერის ხათრით ჰოფეპერმეისტერის მეუღლე რამდენჯერმე შეეცადა საუბრის თემის შეცვლას და სიტყვა კოპენჰაგენზე ჩამოაგდო. მაგრამ პერი დღეს გუნებაზე არ იყო, ხოლო პასტორის მეუღლე ცოტა არ იყოს, დემონსტრაციულადაც კი, მაშინვე კვლავ შინაურ საქმეებს უბ-

რუნდებოდა. ინგერის დედა მაღალი, ტანადი ქალი იყო, არისტოკრატული დახვეწილობის ნაკვალევი ემჩნეოდა. ძნელი არ იყო მიხვედრა, რომ გარეგნობით ქალიშვილი მას ჰგავდა. პერს ის, თვით პასტორისგან განსხვავებით, მეტად თავშეკავებულად შეხვდა. უზრდელობა არ გამოუჩინია მის მიმართ, მაგრამ სიტყვაც არ უთქვამს პერსისთვის. ამიტომ ჰოფეჰერმეისტერის მეუღლეს სურდა არასასიამოვნო შთაბეჭდილება გაექარწყლებინა და ყოველნაირად ცდილობდა ყმაწვილი კაცის საუბარში ჩაბმას.

მერე, დიასახლისის წინადადებით, ყველანი აიშალნენ და დიდი, კარგად მოვლილი ბაღის დასათვალიერებლად წავიდნენ. პერიც ადგა, თუმცა ერჩია, სადაც იყო, იქ დარჩენილიყო. უჭირდა ამ საზოგადოებაში ყოფნა და შინ დაბრუნება ეჩქარებოდა.

სამი მანდილოსანი გაცხოველებით საუბრობდა. პერი მათ მისდევდა ფრიოკენ ინგერთან ერთად და ვერ მოეფიქრებინა, რაზე ჩამოეგდო სიტყვა. ჩვეულებრივად ასეთ მჭევრმეტყველს, სწორი ტონი ვერ მოეძებნა ამ პროვინციულ ქალიშვილთან საუბარში. ყმაწვილ ქალს კი, პირიქით, თავის სახლში გაცილებით თავისუფლად ეჭირა თავი. თითქოს აქ ხანიც მოემატაო, დიდ ქალს ჰგავდა. ამ ახალ ვითარებაში, როგორც ჩანს, თავს მოვალედ თვლიდა თავაზიანი საუბარი გაება, რასაც დიდი ღირსებით ასრულებდა.

— ალბათ ხშირად ხართ კერსხოლმში, არა? — თქვა პერმა, რათა რაიმე ეთქვა.

— გაცილებით იშვიათად, ვიდრე მე მსურს. კერსხოლმი საქმოდ შორს არის, ხოლო ეტლი კი ყოველთვის არ არის ჩემს განკარგულებაში.

— ძალიან გიყვართ ჰოფეჰერმეისტერის მეუღლე?

— დიახ. — მოუჭრა ინგერმა.

ალბათ ქალიშვილს ეუხერხულა ნაკლებად ნაცნობ კაცთან ამ თემაზე ემსჯელა.

— ჰოფეჰერმეისტერის მეუღლე იტალიაში გაიცანით? — შეცვალა ქალმა საუბარი.

— დიახ, იტალიაში.

— საინტერესოა, ალბათ, ასეთი მოგზაურობა — შენიშნა ქალიშვილმა და უამბო, დიდი ხანია მეც ვაპირებ მშობლებთან ერთად შეეიტარიში გამგზავრებას, მაგრამ მამას დრო არასდროს არა აქვს, მრევლს

დიდი ხნით ვერ ტოვებს, ის კი არა და, ერთხელ ძლივს გაუშვეს კუპენპაგენში ერთი კვირითო.

პერმა შენიშნა, რომ ინგერი თითქოს სიმაღლეში იზრდებოდა, როცა მამაზე ლაპარაკობდა. ამაზე პერს თავისი და სიგნე ახსენებოდა და თავადაც არ იცოდა რად გავლიდა.

უცებ პერმა ბილიკთან მდგარ ხის ტოტზე კაცის სიმაღლეზე მიკედებულ რკინის წითელ კავს მოჰკრა თვალი.

— ეს რისთვის მიუჭედებიათ? თავის ჩამოსახრჩობად? — პერი შეჩერდა კავთან და თვალიერება დაუწყაო.

ფრიოკენ ინგერს თავისდაუნებურად გაეცინა და უჩვენა გრძელი ბაწრით ხიდან ბილიკის მეორე მხარეზე ჩამოკიდებული რკინის რგოლი. თურმე არსებობს ასეთი თამაში. მოთამაშემ რგოლი კავზე უნდა ჩამოაცვას.

პერმა, თავისი ძალის გამოცდა მოინდომა: „დროს მაინც მოვკლავ აბით“, — გაიფიქრა.

მაგრამ ბედი არ წყალობდა.

— აქ პრაქტიკაა საჭირო, — თქვა პერმა, რამდენჯერმე რომ ააცდინა და ფრიოკენ ინგერს სთხოვა ეჩვენებინა, როგორ უნდოდა ამის გაკეთება. — თქვენ, ალბათ, დახელოვნებული ხართ.

ინგერი დაიბნა, მაგრამ თავის გამოჩენის ცდუნება მეტად დიდი იყო. მისი ხელით გასროლილმა რგოლმა შემოხაზა ლამაზი რკალი, ნარნარით დაეშვა ძირს და მიაღწია მიზანს, — ასე ახალგაზრდა ქალიშვილი მიჰქროს დაჭერობანას თამაშის დროს პირდაპირ თავის შეყვარებულთან ჩასახვევად.

პერს ძალიან მოეწონა თამაში. მან ხელახლა გადაწყვიტა, ბედი ესინჯა. მაგრამ კვლავ არაფერი გამოუვიდა.

— არა, არ გამოდის. აბა, ერთხელ კიდევ მიჩვენეთ, — თქვა მან და რგოლი გაუწოდა.

ინგერი ხელახლა დაემორჩილა. მის თხოვნას, თუმცა უკვე რამდენჯერმე გაიხედა მანდილოსნების მხარეს, ამასობაში საკმაოდ რომ დაშორებოდნენ. ამან შეაკრთო თუ სხვა რამ მიზეზი იყო, ამჯერად ინგერს სიმტკიცემ უმტყუნა. ისროლა და ააცდინა. ინგერი გაწითლდა, დიდხანს უმიზნებდა და ხელმეორედ ისროლა, კვლავ ააცდინა.

პერმა დაინახა, რა ახლოს მიიტანა გულთან ქალიშვილმა თავისი მარ-

ცხი და აშკარა ზეიმი ვერ გაბედა. როცა ინგერმა მეოთხედ, ხოლო მერე მეხუთედ ააცდინა, პერს აღარაფერი უთქვამს.

თუმცა ინგერმა ეს შემწყნარებლობა მიიღო, როგორც ახალი დამცირება, პერმა თავისი ღუმლით მის გულში მაინც მოიპოვა პატარა კუნძული. და რაკი რგოლი კვლავ მიზნის მიწმა ფრენდა, ინგერმა გაიცინა, თავის თავს მოუხეშავი ბრიყვი გოგო უწოდა და უფრო მეტად შევიდა აზარტში.

... ამ დროს მანდილოსნებიც დაბრუნდნენ. არც პერს გაუგია და არც ინგერს მათი მოსვლა. ქალები მათ უკან შეჩერდნენ.

— ინგერ; — საქმაოდ მკაცრად მიმართა პასტორის მეუღლემ. — წაღო, ნახე რას შვრებიან პატარები, და მერე სხვებს მიმართა: — ჩვენ კი, ვგონებ დროა, შინ შევიდეთ.

კართან პირში ყალიონგაჩრილი პასტორი ბლომბერგი შეხვდათ.

— ა, ბატონო ინეინერო! სწორედ თქვენს მოძებნას ვაპირებდი ახლა. ალბათ მოგწყინდათ, მოსაწყვეი რომ არ გქონდათ. წავიდეთ ჩემთან. იქ არ ავადლევათ ქალებს ნაირ-ნაირი სიბრძნეებით, — თქვა მან, მკეირცხლად შემობრუნდა და მხიარულად ახითხითდა.

ბლომბერგის კაბინეტში რომ შესულიყვნენ, მთელი სახლი გაიარეს და პერმა მოასწრო ღირსეულად შეგფასებინა აქ გამეფებული სიმყუდროვე. თვალწინ გადაეშალა დანიელი პასტორის ნამდვილი ბინა, სიმყარისა და სიმტკიცის სიმბოლო. წითელი ხის, მძიმე, ვეებერთელა, საშვილიშვილოდ ნაკეთები ავეჯი მუქი ღოდებევით აღმართულიყო კედლებთან. ფრუ ბლომბერგი ფრად შეძლებული მოხელის ოჯახიდან იყო. მის მოდგმაში ერთი მთელი ოლქის უფროსი კამერპერიც კი ეერია და ქალს ყოველ მოხერხებულ შემხვევის დროს უყვარდა ამ გარემოების გახსენება. რაც შეეხება თვიფ პასტორ ბლომბერგის საგვარტო-მლო ნუსხას, ამის თაობაზე აქ არ ეხალისებოდათ ლაპარაკი, ხოლო თვით პასტორი სხვაზე უფრო ნაკლებად ახსენებდა. მრევლმა მხოლოდ ის იცოდა, რომ ბლომბერგის მამა სადღაც მიყრუებულ პროვინციაში მასწავლებლობდა, თანაც პასტორის ლაპარაკის კილოთი შეიძლება მიხვედრალიყავით, რომ ეს კაცი წარმოშობით კუნძულებიდან იყო.

პასტორის ოთახი სახლის მეორე მხარეს მდებარეობდა, ეს „მოაზროვნე ღვთისმეტყველის“ ნამდვილი კაბინეტი იყო. კედლების გასწვრივ წიგნებით სავსე კარალები ჩაემწყკრივებინათ, რაც დიდად უწყობდა ხელს ეკლესიის ავტორიტეტის გაძლიერებას უბრალო ხალხს შორის.

თუმცა მეტწილად ისინი მლალადებული უვიცობის დასათარჯედ გა-
მოიყენებიან.

მაგრამ აქ საქმე სულ სხვანაირად იყო. ცხადია, პასტორ ბლომბერგს
ნასწავლ კაცს ვერ უწოდებდით, მაგრამ ბევრს კითხულობდა და მწიგ-
ნობრული სიბრძნე გაცილებით მეტად იზიდავდა; ვიდრე ამას თვით
აღიარებდა. ის თავის პატივის საქმედ თვლიდა თვალყური ედევნებინა
ახალ აზრთა ყველა მიმართულებისთვის, მაგრამ მხოლოდ იმას ითვი-
სებდა, რაც მის გონებას რწმენის შეურყეველად გაამდიდრებდა. ამ სა-
კითხში იეზუიტურა იყო. როგორც მთელი საეკლესიო მიმართულება,
რომელსაც ის ეკუთვნოდა, ბლომბერგიც იღუშალად უსინჯავდა გემოს
თანამედროვე მეცნიერების ნაყოფს, მაგრამ თავის მოვალეობად მი-
აჩნდა მრევლის თვალში მისი გაბიადრუება. თანაც აზროვნების ლოგი-
კურად ნათელი და თანმიმდევრული წყობა მისთვის უცხო იყო. ეს
გახლდათ გრძნობის ადამიანი და რაკი მისი ცხოვრება ძალ-
ზე პარმონიულად აეწყო, საბაბი არ ჰქონდა საკუთარი თავი მკაცრად გა-
ნესაჯა. ახალგაზრდობაში გაბეზრებული იყო ლუქმპაურზე ზრუნვით,
მერე რამდენიმე მნიშვნელოვანი ბიძგით სამსახურებრივ კიბეზე წაიწია
და თუმცა მრევლი მასზე ლოცულობდა და თავადაც ცნობილი კაცი
გახდა — ბლომბერგს დაუქმყოფილებელი პატივმოყვარეობა სტანჯავ-
და. მაგრამ უფრო სერიოზული გამოცდის წინაშე ცხოვრებას იგი არ
დაუყენებია, ხოლო ისეთი ბედნიერი თვისებების კაცი იყო, უსიამოვნე-
ბებს, მას რომ უშუალოდ არ ეხებოდა, ადვილად აიცდენდა ხოლმე.

სწორედ ამ აღუშფოთველმა გულარხეინობამ შეუქმნა მას დიდება
მორწმუნე დანიელთა შორის, ახლა რომ მშფოთვარე დრო დაუდგათ.
ის ქარიშხალი, ის ღვთიური რისხვა, ბიბლიის უახლესმა კრიტიკამ რომ
წამოუტკრა ბევრ მოაზროვნეს, მას სულაც არ შეხებია; ისე ცოტათი
იზიარებდა რელიგიის მომხრეების ყველა შიშსა და მღელვარებას, რომ-
ლითაც ისინი ბრძოლას აწარმოებდნენ მეცნიერების წინააღმდეგ, რომ
ავადმყოფურ მოვლენად და უბრალო მოჩვენებითობადაც კი თვლიდა
ამას. მისი საკუთარი რელიგია ქრისტიანობა იყო, გარემოებას რომ
ეგუებოდა; ქრისტიანობა, მხოლოდ გულის ხმას და ხალხის სიბრძნეს
რომ ენდობოდა; თავის კრედოდ მან განწყობილების პოეზია აირჩია და
დიდი სიახლეც შეიტანა მასში.

პერი დივანზე ჩამოჯდა და სიგარის გაბოლება ვერ მოასწრო,
რომ ფანჯარასთან სავარძელში მოკალათებული პასტორი ალაპარაკდა.

მან რამდენიმე თავშესაქცევი ისტორია უამბო პერს თავისი მრევლის შესახებ. პერს, ისევე როგორც ამასწინათ, ეამა პასტორის გულწრფელობა და პირდაპირობა: ეს კაცი თანატოლით ესაუბრებოდა.

მაგრამ პერმა არ იცოდა, რომ პასტორი ასე ჰოფეჰერმეისტერის მეუღლესთან შეთანხმებით იქცეოდა, თორემ ნაკლებად ესიამოვნებოდა მისი გულახდილობა. მისიონერული აღგზნებით აღელვებულმა ჰოფეჰერმეისტერის მეუღლემ პერს ყურადღება მიაქცია, როგორც ადამიანს, ვინც „ყრუ არ იყო რელიგიის ხმისადმი“. ამიტომ, დრო რომ მუქთად არ დაეკარგა, პასტორი ხელახლა დაუბრუნდა მათ პირვანდელ საუბარს, რაკი მაშინ ვერ შესძლო მისი დასრულება ერთერთი მხარის არასაკმარის მომზადების გამო.

.. დღეს პასტორი თავით ფეხებამდე შეიარაღებული გახლდათ. ჯერ იყო და, იკითხა, როგორ მოხდა, რომ პერმა, ასე ახალგაზრდამ, მოკიდა ხელი ისეთ პრაქტიკულ და უტილიტარულ ამოცანების შესრულებას, როგორც ქვეყნის ეკონომიური პირობების გაუმჯობესებაა. პერმა ხალისით უამბო, პატარაობიდანვე მიზიდავდა ეს საკითხები, ეს წარმოიშვა ომის შემდეგ და, უპირველეს ყოვლისა, მშობლიური ოჯახიდან გამოტანილი შთაბეჭდილებებით იყო ნაკარნახევი. მერე, როცა სერიოზულად დავიწყე ამ საკითხების შესწავლა, დეტალურად გავეცანი შრეწველობის და ტრანსპორტის განვითარებას სხვა ქვეყნებში, ხოლო შედარებანი კი თავისთავად მებადებოდა.

.. — დიახ, მართალია, — თქვა პასტორმა. — პატარა სამშობლოსა და დიდი სამყაროს სასწაულებს რომ ერთმანეთს შევადარებთ, ახალგაზრდობაში ხშირად დავნადვლიანდებით ხოლმე. თუმცა ვფიქრობ, რომ ამ შემთხვევაშიც, ისევე, როგორც პროგრესით გატაცებულ ადამიანთა უმრავლესობისათვის, ნათანის შრომებმაც შეასრულეს თავისი როლი. განა მართალს არ ვამბობ?

.. პერი შეეცადა შეპასუხებოდა. ნათანი ხომ წმინდა წყლის ესთეტიკა ეს ფიგურა ამთავრებს ცივილიზაციის განვითარებაში განსაზღვრულ პერიოდს და თუკი ნათანს ახალი დროის შემქმნელთ მივაკუთვნებთ, მხოლოდ იმ გაგებით, რომ მან ამისათვის ნიადაგი შეამზადა. გაგება კი ახალი დროისა ნათანს არ შეუძლია.

— მაშ, აი თურმე როგორ ფიქრობთ თქვენ! ჰმ, ჰმ! — პასტორმა ძლიერ მოქაჩა ყალიონი და დადუმდა. ის რომ, ნათანის მოქალაქეება განვლილ ეტაპად შეიძლება ჩაითვალოს, მისთვის მთლად მოულოდნელი

ამბავი იყო და თავგზა აუბნია. თუმცა ძალიან უნდოდა ამაზე ესაუბრა, მაგრამ საჭიროდ ჩათვალა, წვრილმანებით არ დინტერესებულყო, რადგან ეშინოდა, კიდეც რაიმე ახალი მოულოდნელი ამბავი არ გაეგონა.

— მაშასადამე, თქვენ მაინც აღიარებთ, რომ ნათანს უდიდესი გავლენა ჰქონდა თანამედროვე ახალგაზრდობის განვითარებაზე? — განაგრძო პასტორმა საუბარი წინასწარ დასახული გეგმის მიხედვით. — მე, ჩემის მხრივ, ყველაზე მეტად, ცხადია, საქმის რელიგიური მხარე მაინტერესებს. ასე, მაგალითად, მე ვფიქრობ, რომ თქვენც კი რამდენადმე განუდევით ეკლესიას, მიუხედავად იმისა, რომ პასტორის შვილი ხართ და რომ ნათანს ამაზე გარკვეული პასუხისმგებლობა აკისრია.

პერი არ შეკამათებია, მაგრამ გაიმეორა, რომ ნათანის შრომებმა მხოლოდ განუმტკიცეს ის შეხედულებანი, რომელთა ჩამოყალიბებაც მას ჯერ კიდევ მშობლიურ სახლში დაეწყო.

— ერთი უყურეთ! ნუთუ ასე ადრე ჩამოსცილდით ღვთის ფარას?

— სწორედაც! — გამომწვევად მიუგო პერმა. პასტორმა სევდიანად გადაიქნია თავი.

— ახ, ახ! მით უარესი, მით უარესი. როგორც ჩვენი პირველი შეხვედრისას გითხარით, თქვენს განსვენებულ მამას პირადად არ ვიცნობდი, მაგრამ კარგად ვიცი, რომ მას, ისევე, როგორც ძველი წრთობის ყველა ლუთერიანელს, ცოტა არ იყოს, ვიწრო და ცალმხრივი შეხედულება ჰქონდა მრავალ სასიცოცხლო მოვლენაზე. რა ცუდია ცუდად გაგებულ მართლმორწმუნეობა, მძიმე კოშმარად დააწვა ის ეკლესიას და ადამიანის საღვთს. მრავალ მგზნებარე და მშვენიერ ახალგაზრდა მოაზროვნეს მოაკლდა მის გამო სულიერი თავშესაფარი. როცა ნათანის მსგავსი ნიჭით დაჯილდოებული და მჭევრმეტყველი ადამიანი თავისი წიგნებით არწმუნებს ახალგაზრდობას, რომ ღვთის ეკლესია ხავსმოკიდებული ტაძარია, საქმე გარდუვლად ყოველივე ჭეშმარიტის უარყოფით და დამხობით მთავრდება. ახ, რა მშვენივრად მესმის ეს!

პერმა არაფერი არ უპასუხა. მაინცდამაინც არ მოსწონდა ამ საუბრის მიმართულება, მაგრამ პასტორი კვლავ ალაპარაკდა ნათანზე და ამჯერად ძალზე მოწიწებით. პასტორი მხოლოდ იმას წუხდა, რომ ასეთმა ნიჭიერმა, ასეთმა განათლებულმა კაცმა ქრისტიანობისადმი მძაფრად მტრული პოზიცია დაიკავა. ამაში დიდი ბრალი მიუძღვის ფანატიზმის უკიდურეს გამოვლინებას აქაც და საზღვარგარეთაცო.

— თუმცა. — განაგრძო პასტორმა, — ნათანი თავადაც არ არის

უცოდველი, ისიც იზიარებს დანაშაულს, რაკი მცდარი შეხედულებისაა ქვეყნიერებაზე არსებულ ძალათა შორის ყველაზე უდიდეს სულიერ ძალაზე. ასე ემართება ყველას, ვინც ცდილობს ქრისტიანობა მეცნიერული პოზიციებიდან გააკრიტიკოს: თვითონ ვერ გათავისუფლებულან ცალმხრივობისაგან და უარყოფისას დოგმატიზმისკენ. ექანებიან. მათი უბედურება იმდენად იმაში კი არ არის, რომ ისინი აღიარებენ, თავი და თავი ჰკუა არისო, რამდენადაც იმაში, რომ არც ერთ თავიანთ პოსტულატს ლოგიკურ დაბოლოებამდე არ ვარაუდობენ. მაგალითად, როდესაც თანამედროვე მეცნიერება თავის თავს ნატურალისტურად აცხადებს, ანუ, სხვა სიტყვებით, რეალურად არსებულად აღიარებს მხოლოდ იმას, რაც ცალკეულ ცნობილ ფიზიკური და ქიმიური თვისებების მქონე ატომებად იხლიჩება, მაშინ ის მეტისმეტად არასრულ წარმოდგენას იძლევა ბუნების შესახებ და ეფარება შკოლიარულ ტერმინოლოგიას, რაც არავის არაფერს არ უხსნის. ჩვენ ჰემმარიტად ბუნებაში და ბუნებასთან ვცხოვრობთ და არაფრით არ შეგვიძლია მივიღოთ აზრთა ასეთი ვიწრო წყობა, რადგან ვიცით და ბევრჯერ დავრწმუნებულვართ საკუთარი გამოცდილებით, რომ ბუნებას თავისი სული აქვს, რომ ხილვად საგნებს და მექანიკურ ძალებს უკან, ჩვენს გრძნობებზე რომ ზემოქმედებენ, იმალება ბუნების სული, რომელიც ასე ბევრ რამეს ეუბნება ჩვენს გულს. რაკი ჩვენმა ყურმა ბუნების ხმის აღქმა ისწავლა, უკვე აღარაფერი გვესმის მის გარდა, ის ჩვენამდე აღწევს ქარიშხლის მრისხანე ღრიალშიც, ნიავის მსუბუქ ქროლვამიც. თანაც, არა მარტო გვესმის ბუნების ხმა, მისი ენის გაგებასაც ვიწყებთ, რადგან ბუნების პირით მარადიულობის სული გველაპარაკება, თვით ჩვენში რომ ცოცხლობს. ტყეში რომ ვსეირნობთ და მგრძნობიარე ყურით ვიჭერთ ფოთლების შრიალს ან ნაკადულის ჩუხჩუხს ვუგდებთ ყურს, დაე მაშინ უახლესმა მკვლევარებმა მეცნიერული ახსნა მოგვცენ ამ ბგერებისა, დაე ახსნან ისინი ბგერითი ტალღების გავრცელებით, ან წყლის წვეთის ვარდნით სიმძიმის ძალის ზეგავლენით, — როგორც ნებავდეთ, მაგრამ თუ ამ დროს ეგონებათ, თითქოს რაიმე აგვიხსნეს, პასუხად ვეტყვი: „არა, მოითმინე, ძვირფასო! ახსნის დროს რაღაც გამოგჩა, მთავარი რამ. მთელ შენს გამოთვლებს არ შეუძლია ახსნას ენით უთქმელი გულითადობა, თითქმის დური ალერსი, მარტოობის დროს მოჩუხჩუხე ნაკადულის ბუტბუტში რომ გვესმის“. ხომ არ გვეშინია, ასეთი გარეგნულად უსულო საგნები უეცრად თავის ენას რომ პოულო-

ზენ: სულაც არა ვართ შეურაცხყოფილნი, თუ მხიარული წყარო უეცრად უბოდიშოდ მოგვემართავს „შენობით“, პირიქით, ბუნებასთან შეერთების გრძნობაში არის რაღაც დამამშვიდებელი და ახლობელი; მაგრამ ხომ არ წარმოადგენს ნათქვამი იმის საუკეთესო მტკიცებას, რომ ხილვადი სამყაროს მთელი ნაირფეროვნების იქით იმალება რაიმე მთლიანი, საგნებისა და მოვლენების რომელიღაც საერთო საწყისი? და რომ მშვენიერი მეოცნებე გრძნობა, ასეთ წუთებში რომ გვეუფლება, ხომ არ არის მხოლოდ სევდა სამშობლოზე? მაგრამ თუ ის სწავლული ფიზიკოსი ისევ შეეცდება ამ გრძნობის გაყოფას და მის გამოსახვას მექანიკურ ან ქიმიურ ძალთა ერთიანობად, როგორც ასეთი, პირველადი მატერიის გამოვლენად, მე ხელახლა ვეტყვი მას: „თავი დაანებე შენს წიგნებს, დატოვე შენი ლაბორატორია და ცოცხალ ბუნებიდან ისესხე სიბრძნე“. დაე მანაც მოისმინოს, როგორ ჩუხჩუხებს ნაკადული ტყეში. დაე, გულზე წუხილი თუ მოაწვება, წავიდეს სადმე საღამოთი და თუ ცოცხალი გრძნობები ჯერ მთლად არ ჩაზნობია, ნაკადულის სიმღერაში უეჭველად დაინახავს გზას უსასრულობის სიღრმეებისაკენ, კიბეს, რომელიც აწმყოს მარადიულობასთან, წოლო უსულო ნეშტს უხრწნად სულთან, სიკვდილს განახლებასთან აკავშირებს. ის მიხვდება, რომ ჯერ კიდევ არ გაჭრილა ჰიპლარი მასა და ყოვლისშემქმნელს შორის, რომ სწორედ იმის მეოხებით, ჩაფიქრების დროს, ლოცვის საათებში მოედინება ჩვენთან მაცოცხლებელი ძალა სიცოცხლის მარადიული წყაროდან, ვისაც ჩვენ, ქრისტიანები, ჩვენს ღმერთსა და მფარველს, ჩვენს მოწყალე მამას ვუწოდებთ.

პერს სიტყვაც კი არ წამოსცდენია. მას აღიზიანებდა პასტორის მეტიხმეტად დამრიგებლური ტონი, მაგრამ ვერ მოახერხა შეპასუხება, თანაც ზოგიერთ რამეში პასტორმა მხოლოდ ნათლად გამოხატა მისი, პერსის საკუთარი და აქამდე ბუნდოვანი გრძნობები — ბუნებასთან განახლებული სიახლოვის შედეგი.

ამასობაში ბლომბერგი განაგრძობდა:

— მაგრამ ის, რაც სამართლიანია ბუნების სულის მიმართ, სამართლიანია ისტორიის სულის მიმართაც — რაც ჩვენი შემეცნების მეორე ძლიერი წყაროა. ისტორიაც ასევე განამტკიცებს ჰემმარიტ ქრისტიანში იმედს და რწმენას, თუკი ის, ზოგიერთი არქივის ვირთხის მსგავსად, არ ჩაიფლობა წვრილმანებში და დაკარგავს პერსპექტივას. იმ ყბადაღებულმა კრიტიკამაც კი, ეკლესიის მამათა უძველესმა შრომებმა ისტორი-

ული და წმინდა ენობრივ- თვალსაზრისით რომ განიცადეს, ამ კრიტიკამაც კი, ერთი შეხედვით რომ ასე დამამცირებელი გეჩვენებოდით, მხოლოდ განამტკიცა რწმენა ადამიანებში, მათში, ვინც სწავლების იქით ხედავს ცხოვრებას, ხოლო ასოს იქით — სულს. ხოლო თუ ეკლესიაში ამ გზით მეტი სინათლე და ჰაერი შეაღწევს — მერე რა, მით უკეთესი ეკლესიისთვის; გაზაფხული სწორედ ასე იწყება. მთელი ეს დოგმატიური სქემა მხოლოდ გარეგნობაა, მხოლოდ გარსი, და თუ ის გასკდა, მის ქვეშ რწმენის ქეშმარიტი ბირთვი გამოჩნდება. ასეა ყველფერში. ჩვენ; ქრისტიანებს, მეცნიერებისა არ უნდა გვეშინოდეს; უფრო მეტიც, თამამად შეგვიძლია ვიწინასწარმეტყველოთ, სწორედ ამ მხრიდან მოვა ჩვენთან ქეშმარიტებისთვის ბრძოლაში მხარდაჭერა. სხვანაირად არც უნდა იყოს. საითაც არ გაიხედავ... ავიღოთ თუნდაც ფიზიკოსების მიერ ახლახან დამტკიცებული თეორია იმის შესახებ, რომ ბუნებაში უკვალოდ არაფერი, არც ერთი ატომი არ იკარგება (თუმცა ძალიან ხშირად მზად ვართ პირიქით ვიფიქროთ), არამედ უბრალოდ, სხვა მდგომარეობაში გადადის. მოვიყვან მაგალითს. მინდორში კოცონი ანთია. ჩვენ გვგონია, თითქოს ფიჩხის მთელი გროვა არაფრად იქცევა და მისგან მხოლოდ ერთი მუჭა ნაცარი დარჩება. სინამდვილეში კი ყველაფერი სულ სხვანაირად ხდება. ცეცხლის მეოხებით საწყაი სხვა ფორმას იღებს, რომელსაც ადამიანის თვალი ვერ ხედავს. განა არ არის ეს სულის უკვდავებაში ადამიანის რწმენის საუკეთესო მტკიცება? ავიღოთ სხვა მაგალითი — მემკვიდრეობის უახლესი თეორია. გავიხსენოთ ექიმების მტკიცება, რომ განსაზღვრული დაავადებები გადაეცემიან თაობიდან თაობას და შევადაროთ ეს საღვთო წერილის სიტყვებს: „დაისაჯონ, ბავშვები შამების დანაშაულისთვის მესამე და მეოთხე მუხლამდე“ კიდევ ერთი მაგალითი ეკონომიური და პოლიტიკური მეცნიერებების დარგიდან, მივმართოთ სოციალ-დემოკრატიული პარტიის დევიზს: თავისუფლება, თანასწორუფლებიანობა და ძმობა! მაგრამ ხომ ამასვე ღაღადებს ქრისტიანული საზოგადოების პირველი კანონები, რომელთა უცოდველობა კიდევ ერთხელ მტკიცდება ამ მეცნიერებით. ყველგან, სადაც სერიოზული ძიებანი მიმდინარეობს, ჩვენ ხელახლა აღმოვაჩინებ ქეშმარიტებას, რასაც ათასი წლების წინათვე თაყვანს სცემდნენ მორწმუნენი. ეს ხომ არ გვაძლევს უფლებას, ვილაპარაკოთ ღვათიურ წინასწარხედვაზე. და ხომ არ იქნება გადაჭარბება ითქვას, რომ ქრისტეს შვილები რჩეულებივით ისხდნენ ღმერთის ფერხით და თა-

ვისი ბავშვური გონებით ადვილად წვდებოდნენ სიბრძნეს, სადამღისაც ჩვენი ღრვის უდიდესი მოაზროვნენი მხოლოდ დიდი გაჭირვებით მივიდნენ მრავალი ძიებისა და საბედისწერო შეცდომების შემდეგ?

პასტორს უნდოდა განეგრძო სიტყვა, მაგრამ კარს უკან მოისმა ნაბიჯების ხმა, ოთახში ინგერმა შემოიხედა და აცნობა, ბარონესა და ჰოფეპერმეისტერის მეუღლე შინ წასასვლელად ემზადებიანო.

— მაშ, დღეისთვის კმარა, — თქვა პასტორმა და სავარძლიდან ადგა. მან პერს მხარზე დაადო ხელი, თან მეგობრულად დაუმატა: — ჩვენმა საუბარმა ჭეშმარიტი სიამოვნებით დამატკბო. ვიმედოვნებ, კვლავ შეეძლებოთ მის გაგრძელებას... ჩვენი შეხედულებანი, როგორც ახლა მეჩვენება, იმდენად არ განსხვავდება, რომ საერთო ენის გამოძებნა ვერ მოვახერხოთ.

მაგრამ, როგორც კი სასტუმრო ოთახში შევიდნენ, სადაც მათ მანდილოსნები ელოდნენ, სახლს ვილაცის ეტლი მოადგა.

— აჰ, მრჩეველი მოვიდა, — განუცხადა მათ ფანჯარასთან მდგარმა ინგერმა. — ლიზა და ჰერდაც მოჰყვნენ.

იუსტიციის მრჩეველი კლაუსენი, ბესტრუპის ახლო მდებარე გრაფის მამულის მმართველი, მთელ ოლქში ბლომბერგის ყველაზე უფრო თავგამორღებული თაყვანისმცემელი და თანაც ჰოფეპერმეისტერის მეუღლის ერთ-ერთი უახლოესი მეგობარი იყო. ამიტომაც, როცა გამოირკვა, მრჩეველი თავისი ოჯახით მთელი საღამოს გატარებას ბლომბერგთან აპირებდა, ბარონესა და ჰოფეპერმეისტერის მეუღლე დამორჩილდნენ თხოვნას და გადაწყვიტეს გადაედოთ გამგზავრება. პერსაც სთხოვეს დარჩენა და მანაც ვერ გაბედა უარის თქმა, თუმცა ამჯობინებდა, დაუყოვნებლივ გამგზავრებულყო. მეტისმეტად აელეღვებინა პასტორთან საუბარს. პასტორს ახალი კი არაფერი უთქვამს, მაგრამ მისმა ტონმა, იდეისადმი ერთგულებამ და მისთვის დამახასიათებელმა სულიერმა აღფრთოვანებამ ღრმად ააღელვა პერი და აღრინდელი ფიქრები აუშალა.

მრჩეველი დაგვალული კაცი აღმოჩნდა. დიდი ქილვაშები ჰქონდა და ოქროს სათვალე ეკეთა. სამაგიეროდ მეუღლე ჰყავდა ვეება, სახლში მისი შემოსვლის შემდეგ თითქმის მთელი საათი გავიდა, ეს ქალი კი კვლავ ქოშინებდა. ქალიშვილები ინგერის ტოლა გოგონები იყვნენ.

ბალში ვახშობდნენ. მაგიდასთან გაცხოველებული საუბარი გაიბა. სიტყვა ჩამოვარდა პასტორ ფიალტრინგზე. მრჩეველმა ახალი, მთლად

არაჩვეულებრივი ამბავი მოიტანა ამ მღვდელმსახურის შესამოსელიან განდგომილზე და ღვთისმგმობელზე; გარდა იმისა, რომ სამარცხვინო ცხოვრებას ეწევა ლოთ ქალთან, როგორც ყველა ამბობს, ისეთი მერყევი და სუსტი ხასიათისაა, თავადაც ვერ გარკვეულა, სინამდვილეში რა სწამსო.

— და აი, ერთ-ერთმა ზედმიწევნით ღირსეულმა ახალგაზრდა კაცმა, პასტორ ბლომბერგის მომხრემ, — განაგრძო მრჩეველმა, — ახლახან რაღაც საქმეზე რჩევისთვის მიმართა ფიალტრინგს. მათ ისაუბრეს და ფიალტრინგმა ურჩია, ამქვეყნიური სიამოვნება არაფერში არ მოიკლოო. „თქვენ უფრო მეტი უნდა შესცოდოთ, — პირდაპირ ასე მოუჭრა. — თუ ასე იცხოვრებთ, როგორც ახლა, ვერასოდეს ვერ გახდებით ქრისტიანიო“.

აღშფოთებულმა მანდილოსნებმა ოხვრა-კენესა მორთეს, პასტორმა ბლომბერგმა კი დინჯად გაიქნია თავი და თქვა:

— ძალიან უბედური კაცია.

ამ დროს თეთრ სამრეკლოზე, ბალის უკან საღამოს აისის წითელ ათინათზე რომ მოჩანდა, ზარმა დაჰკრა. ყურთასმენის წამლებმა ხმამ შეაშინა სტუმრები, რომლებიც არ იყვნენ მიჩვეულნი ზარის რეკვის ასე ახლოდან მოსმენას. პასტორ ბლომბერგს აშკარად არ სურდა ლაპარაკის გაგრძელება ფიალტრინგზე. მან გაიცინა და თქვა, რომ ზარის რეკვაც, კაცმა რომ თქვას, მეტად უპასუხისმგებლო ამბავია და ჯანმრთელობის დაცვის კომისია ამას უნდა კრძალავდესო.

ამაზე ჰოფეჰერმეისტერის მეუღლე შეეპასუხა, შორს მანძილზე საღამოს რეკვა ძალიან ლამაზად ჟღერს და მაღალ მიზნებს ემსახურება, ის თითქოს მოგვიწოდებს თავი მოვეუყაროთ ჩვენს აზრებს დღის ფუს-ფუსის შემდეგო. მაგრამ პასტორი ვერ იტანდა შეპასუხებას, განსაკუთრებით თავისი მიმდევრებისაგან. თუმცა ზარების თაობაზე მან ისე, სხვათაშორის თქვა, მოსწრებულ სიტყვად, ლიუთერის წაბაძვით ზოგჯერ უყვარდა თავისი ლაპარაკის მოსწრებული გამოთქმებით შემოკობა, მაგრამ ჰოფეჰერმეისტერის მეუღლეს მაინც მკვახე პასუხი გასცა.

მას მსგავსი გახსენებანი არ სჭირდება. ლოცვად დაღვომად ბრძანებაზე — მორჩილი მონაა! ამაში არის რაღაც კათოლიკური; რაღაც მისთვის ღრმად ანტიპათიური. თითქოს ღმერთს ექიმებივით ან ადვოკატივით მიღების საათები ჰქონდეს. რაც შეეხება სიმბოლიკას, ეს, ცო-

ტა არ იყოს, ბავშვურად უღერს, მაგალითად, როცა მზეს ღმერთის ოქროს საათს ეძახიან. ეს, თუ გინდათ იცოდეთ, თითქმის შებილწეაა.

რაკი ჰოფეჰერმეისტერის მეუღლის შეხურება სურდა, პასტორმა კარგა ხანს ილაპარაკა: სიტყვა ისე გაუგრძელდა, უმნიშვნელო საკითხი მსოფლიო მნიშვნელობის პრობლემად გაიზარდა — ადამიანის ღმერთსადმი სწორი დამოკიდებულების პრობლემად.

ამასობაში ვახშამს თითქმის მორჩნენ. ქალიშვილები სუფრადან წამოიშალნენ და ბაღში წავიდ-წამოვიდნენ. კლავსენის ორივე ქალიშვილი ლამაზი, ქორთა, მაგვრემანი გოგონები იყვნენ. განსაკუთრებულ უფროსი გახლდათ მომხიბლავი — ნამდვილი ევას ნაშიერი იყო. გამოწვევი, ცეცხლოვანი თვალები ჰქონდა.

სუფრას რომ ალაგებდნენ, ბლომბერგმა შესთავაზა, ვიმღეროთო. ბალიდან ქალიშვილები მოიყვანეს, ხოლო პასტორის მეუღლე ტერასაზე გავიდა და როიალს მიუჯდა.

მინდვრად სიმშვიდე და სიწყნარება,
ეშვება ღამის ფარდა ცახცახით,

ბალიდან შრიალი მოისმა. თხილნარში თავისი სიმღერა წამოაწყობაშვმა, ბუნების ხმა ადამიანების არეულ სიმღერას შეერა.

ღრუბლებს უცინის ლალი მთვარე და
სადღაც ვარსკვლავი ვარსკვლავს გასძახის,

ბაცი ფერის კაბებში გამოწყობილი ქალიშვილები ყათარის საფეხურებზე ჩამომსხდარიყვნენ; გამომწვევად წკრიალებდა მათი მაღალი ხმები, ხოლო პასტორი და მრჩეველი ბანს აძლევდნენ. მრჩეველს ხელები გულზე დაეკრითა, წარბები შეეკრა და თევზით დაელო პირი. მანდილოვნები მაგიდას უსხდნენ და სიმღერას ურევდნენ. სამაგიეროდ პასტორის მეუღლეს ძლიერი და კარგად დაყენებული ხმა აღმოაჩნდა და მან ითავა წამყვანი პარტია.

ზღვათა სივრცენი დავსერე ჩქარად,
გულს ჩავიხვიე მისი ლაყვარლი.

მხოლოდ პერი არ მონაწილეობდა სიმღერაში, თუმცა არც ერთი ამ მომღერალთაგანი არ ლელავდა მასავით. მას გაახსენდა, რა ვითარებაში მოისმინა ეს სიმღერა უკანასკნელად. ის იდგა სხვისი ბაღის ცოცხალ

მესრის გადაღმა და ძალიან უნდოდა იქ შესვლა. ახლა ის, ასე ვთქვათ, შევიდა მესერს იქით, მაგრამ ძველებურად თავს დაუპატიუებელ სტუმრად თვლიდა. ეს ისტორია მუდამ მეორდება. ყველგან, სადაც კი სიღწიუსური სახლის სული სუფევს, თავს განდევილად გრძნობს.

სიმღერა დაასრულეს, პასტორმა სალოცავად დაიკრიფა ხელები და „მამაო ჩვენო“ წაიკითხა, მერე კიდევ რამდენიმე სიმღერა იმღერეს და ეტლებიც ჩამოდგნენ სახლის წინ.

ყველანი რომ წავიდნენ, პასტორმა ჩიბუხი მოსწია, ცოლთან ერთად ტერასაზე ჩამოჯდა და თავიანთ ღღევანდელ სტუმრებზე ჩამოაგდო ლაპარაკი. აქვე იყო ინგერიც. მან უკვე უსურვა მშობლებს ღამე მშვიდობისა და ის იყო დასაძინებლად უნდა წასულიყო, მაგრამ პერის სახელის გაგონებაზე თავი ისე მოაჩვენა, ვითომ ნოტებს არჩევდა.

პასტორმა ბლომბერგმა დიდი მოწიწებით მოიხსენია პერი და მისი ნიჭი, ფრიად შეაქო მისი გარეგნობაც, მაგრამ უეცრად პასტორის მეუღლე აღელდა:

— აქ რას აკეთებ, შვილო?.. დროა დაიძინო.

მთელი გზა პერს ზმა არ გაუღია, ჰოფეჰერმეისტერის მეუღლე მიხვდა ამ ღუმლის მიზეზს და არ შეუწუხებია, თავის დას ოჯახურ საქმეებზე ელაპარაკებოდა.

ბორუჰს რომ გასცდნენ, მაღალი, გამხდარი კაცი შეხვდათ, გზის პირას მოდიოდა. პერს არ შეუნიშნავს, მაგრამ ჰოფეჰერმეისტერის მეუღლემ დას ხელი სტაცა:

— შეხედე, აი პასტორი ფიალტრინგი!

პერმა ეტლიდან გამოიხედა და სიბნელეში მაღალი ტანის კაცი დაინახა.

— ეს არის გიჟი პასტორი? — იკითხა მან.

— ჰო, ახლა სწორედ მისი დროა, ამბობენ, ხანდახან მთელი ღამე სეირნობს სოფლის გზაზეო.

პერი კვლავ დადუმდა. გზის პირას ნანახი მარტოხელა, მოუსვენარი ადამიანის გახსენებაზე შიშისაგან შეამცივნა. სახარებიდან აღებული წყევის ავისმომასწავებელი სიტყვები: „განდევნილი ყარიბად დაეხეტებოდლე ქვეყნადო“, მამის მბრძანებლური ზმით ხელახლა აუქედრდა ყურებში. პერს მოეჩვენა, თითქოს საკუთარ მომავალში ჩაიხედა.

მეორე დილით პერმა გადაწყვიტა ბოლოს და ბოლოს სერიოზულად მოეკიდა ხელი იმ წიგნებისთვის, ჰოფეპერმეისტერის მეუღლემ რომ მოამარაგა. პირველად ამოაჩინა პასტორ ბლომბერგის ქადაგებათა კრებული „გზა ღმერთისაკენ“ და მიუხედავად იმისა, რომ ქარიანი ამინდი იყო, წიგნიანად წავიდა ტყეში. ტყის პირას. თავისი საყვარელ აღგილას ისე ჩამოაჯდა, რომ ზურგს უკან ხეებს დაეცვათ ქარისაგან. თვალწინ მდინარე და მდელოები გადაშლოდა, პირისპირ კი ბუჩქნარით დაფარული დამრეცი ნაპირი მოჩანდა.

გარემო ძალზე შესაფერისი იყო არჩეული წიგნის წასაკითხად. პასტორ ბლომბერგის ქადაგებებში ბევრი რამ მოგაგონებდათ სწორედ ასეთ ჭეშმარიტად დანიურ პეიზაჟს: სუფთა ჰაერიან გრილ დღეს, ლურჯ ცას, მზით განათებულ ღრუბლებს, ფრინველების გალობას, ზოგჯერ რომ გზააბნეული ხბოს ღმუილი ჩაერთვის. ირგვლივ კი — მძაფრი სიმწვანე, რბილი, მსუბუქი ხაზები და სივრცე, სწორი, ერთფეროვანი პორიზონტი. თავის ქადაგებებში პასტორი ბლომბერგი მოხერხებულად სარგებლობდა როგორც ლიტერატურული, ისე ხალხური მეტყველებით. ამ გაგებით ის მთლიანად ეკუთვნოდა იმ ეკლესიურ მიმართულებას, რომელიც აღზრდილი იყო გრუნდტიგიანულ ფსალმუნებზე და ამიტომ არასოდეს არ კარგავდა პოეტურ ხასიათს.

მაგრამ ყველაზე მეტად პერი გადმოცემის მანერას კი არ მიუზიდავს; მხატვრული მეტყველების სილამაზე არ აღელვებდა მას, რადგან მათემატიკის და საზოგადოებრივ მეცნიერებათა დახვეწილ ენას იყო მიჩვეული. ლამაზ სიტყვებს მიღმა ყოველთვის ეძებდა ზუსტ მტკიცებებს, თვალყურს ადევნებდა აზრის განვითარებას, რათა ჩასწვდომოდა ცხოვრების დიდ საიდუმლოს, რადგან ბოლო დროს საშინელი ბურუსით მოცული და ბუნდოვანი ეჩვენებოდა.

პასტორთან ორმა საუბარმა წარმოდგენა მისცა პერს ბლომბერგის ქრისტიანობაზე; ეს კი სრულიად არ ჰგავდა იმ რწმენას, რომლითაც ის აღზარდეს. მან მხოლოდ ახლა დაიწყო მიხვედრა, რა შორს წავიდნენ თვით სასულიერო პირნი წარსულის ბნელი ორთოდოქსალური ბიდან, მართლმორწმუნეთა რელიგიისგან, რომლებიც შეაჩვენებდნენ ადამიანის სხეულს და ჯვარს აცვამდნენ ადამიანის გონებას, სულს შუასაუკუნეობრივად აწამებდნენ და მას სანუგეშოდ უტოვებდნენ

მხოლოდ ბუნდოვან ოცნებას სამოთხის ბედნიერებაზე. არა, ახალ რელიგიაში არ იყო არაფერი აზრის დასაფრთხობი, ან გულის აღსაშფოთებელი, არაფერი არ იმალებოდა ფიქრში ან გაურკვეველ წინაგრძობაში. და, უპირველეს ყოვლისა, აქ არ გპირდებოდათ არავითარი წინააღმდეგობის გადალახვა. ყოფიერების საიდუმლოება შესამოწმებლად უბრალო და ნათელი გახლდათ. ყველაფერი თავის ადგილზე იყო, ყველაფერი ერთმანეთიდან გამომდინარეობდა და რაც მთავარია — ყველაფერი შესანიშნავად ეწყობოდა თვით ადამიანის სულიერ მოთხოვნილებას. ეშმაკი, როგორც ბერების ავადმყოფური ფანტაზიის ნაყოფი, სრულიად მშვიდად მოისროლეს შორს, საკუჭნაოში. მოძღვრება მარადიული შეჩვენების შესახებ და პირველჩენილ ცოდვაზე გამოაცხადეს ბარბაროსულ და საზიზღარ მოძღვრებად, რადგან ეწინააღმდეგებოდა ქრისტიანულ წარმოდგენას ღმერთზე, როგორც ყოვლადკეთილ მამაზე. ცდილობდნენ, იმკვეყნიურზე რაც შეიძლება ნაკლები ელაპარაკათ რაც მთავარია, ამ მოძღვრების მიხედვით ადამიანს მშვიდობიანად და ღვთისმომშივად უნდა ევლო დასახული გზით, შეენარჩუნებინა ბავშვური რწმენა ღვთიური მამის გულმოწყალებისა.

ყოველივე ეს პერისთვის სასიხარულო აღმოჩენა გახლდათ. იძულებული გახდა დათანხმებულიყო, რომ ჰოფეჰერმეისტერის მეუღლე სწორი იყო, როცა ამტკიცებდა, ბლომბერგის ქადაგებებზე დამამშვიდებელი არაფერი ვიციო. გუშინდელ საღამოს აქეთ გული ჰქონდა დამძიმებული და ძილშიც იტანჯებოდა, ახლა კი შეება იგრძნო.

ბოლოს პერმა წიგნი დახურა, თავქვემ ხელები ამოიღო და მდებლობისა და მინდვრების ჰერეტით გაერთო. ის ახლა იმასვე გრძნობდა. რასაც ადამიანი, სულ ახლახან უცნობ ქვეყანაში წასასვლელად აბო-ბოქრებულ ზღვაზე მძიმე და სახიფათო ღამის მოგზაურობის მოლოდინი რომ გადაიტანა. თითქოს ამ ადამიანმა გამოიღვიძა დილით და ნახა, რომ მოგზაურობა დამთავრებულა, ქარიშხალი ჩამდგარა და მზით განათებული და ტყეებით ამწვანებული უცხო ქვეყნის ნაპირები ალერსიანად შეეგებნენ. პერი თავს გამოუტყდა, თუ ამ ბოლო დროს ზნეობრივი კრიზისის მოახლოვებას ებრძოდა, ამას იმდენად მოსალოდნელი სინდისის ქენჯნის შიშით კი არ აკეთებდა, რამდენადაც იმის შიშით, ასეთი სულიერი გადატრიალების შემდეგ ახალ, უჩვეულო პირობებში მოეხვდებო. ახლა დამშვიდდა: აქ ადამიანისაგან უპირველეს ყოვლისა,

მოთხოვნენ იმ მკაცრ და თანმიმდევრულ თვითარულყოფას, რაშიაც პერი უკვე კარგა ხანია თავისი ნებით ვარჯიშობდა.

საუზმეზე ჰოფეჰერმეისტერის მეუღლემ უამბო, ტყეში დიდი სახალხო სეირნობა იმართება და პასტორი ბლომბერგი იქადაგებს, მე ეუსტიციის მრჩეველთან და პასტორის ოჯახთან შეთანხმებული ვარ, რომ იქ შევხვდე მათ, ალბათ ბარონესაც წამოვა და ხომ არ გინდა შენც იქ იყო.

პერმა უპასუხა სიამოვნებით მოვუსმენ პასტორ ბლომბერგსო და მართლაც ასე იყო. ის, რომ ქალიშვილების ნახვაც ეამებოდა, პერს არ უთქვამს, თუმცა ეს თავადაც ახლა მოაგონდა. გუშინდელი საღამოს შემდეგ პერს არ გახსენებია ქალიშვილები, გუშინაც თითქოს სულაც არ დაინტერესებულა იმათით, მაგრამ თავისდა შეუმჩნეველად პერი სულ მათზე ფიქრობდა. როგორც პერის თვალეები მისდაუნებურად მიშტერებოდა ბაცი ფერის კაბებში გამოწყობილ სამ მოყვანილ ყმაწვილ ქალს, ხელიხელჩაკიდებულნი რომ დახეტილებდნენ მწვანე კორდზე, ისევე მისი სული სადღაც თავის კუნჭულებში ცოცხლად ინახავდა ამ სურათს, თუმცა, თითქოს მხოლოდ საკუთარი თავი ახსოვდა.

ოთხი საათისთვის სახლის წინ ლანდო ჩამოდგა და ცოტა გაჯანჯლები შემდეგ, რაკი ბარონესას, ჩვეულებისამებრ, ვერაფრით მოეთავებინა მზადება — გზას გაუდგნენ. ბოლო წუთს ჰოფეჰერმეისტერმაც გადაწყვიტა მათთან ერთად წასვლა და გზაში ყოველნაირად ცდილობდა იქ მყოფთათვის დაევიწყებინა ბოლო დღეებში ჩადენილი თავისი ცოდვები.

დაახლოებით ერთი საათის შემდეგ მივიდნენ ისინი სეირნობის ადგილზე — ქარს მოფარებულ ღრმა ხევში მდებარე კორდზე. რამდენიმე ასეული გლეხი — კაცი და ქალი — შეკრებილიყო დროშებით მორთული ტრიბუნის წინ. ფსალმუნების სიმღერაც დაეწყით. დიდგვაროვანთა გამოჩენამ ფრიად დააინტერესა დამსწრენი, თუმცა ამ ინტერესში არ ერია არავითარი მოწიწება, პირიქით: როცა სანადირო ქურთუქში გამოწყობილმა აყლაყულმა ჰოფეჰერმეისტერმა, შლიაპაში რომ როქოს ფრთა ჰქონდა გარკობილი, თავისი მანდილოსნები ტრიბუნის წინ მდგარ რჩეული მრევლისთვის განკუთვნილ სკამებამდე მიაცილა, აქაიქ სიცილიც კი გაისმა.

პერი ოდნავ ჩამორჩა თავის თანამგზარებს. ცოტა არ იყოს, შე-

აკრთო ამოდენა ბრბოს დანახვამ, თანაც არ უნდოდა შიგ შუაგულში შესვლა. ჯერ კიდევ შორიდანვე დაინახა მრჩეველი: ალერსიანად ესალმებოდა ახლადმოსულთ. იქვე, მეზობლად აღმოაჩინა ბლომბერგის ყავისფერი ფეტრის შლიაპა და ქედმალღურად მოღერებული პასტორის მეუღლის თავი. ხოლო ინგერი და მისი მეგობარი გოგონები პერმა უცხად ვერ იპოვა. როცა დაინახა ჰოფეჰერმეისტერის მეუღლე ვიდაცას ესალმებოდა, პერმა თვალი გააყოლა მისი მზერის მიმართულებას და ტყის პირას საზაფხულო კაბებში გამოწყობილი სამი ყმაწვილი ქალი დაინახა. აი, შეწყდა სიმღერა და ტრიბუნაზე პასტორი ბლომბერგი ავიდა. ქადაგება პასტორმა მშობლიური ენის ქებით დაიწყო, თქვა, ეს ენა, უცხოურ ენათაგან განსხვავებით, რომლებსაც შეუძლიათ მხოლოდ ადამიანთა ურთიერთობას ემსახურონ და მეტი არაფერი, თვით გულის ენა გახლავთო. თუ მშობლიურ ენას დედის ძუძუს შევადარებთ, ჩვენს გონებას რომ კვებავს, შეგვიძლია თამამად ვთქვათ, რომ დედის რძესთან ერთად ვწოვთ თვით ერის სულს. ხალხის ენაშია თავმოყრილი ჩვენი მამებისა და პაპების მიერ დაგროვილი ხალხის სულის მთელი საუნჯე. მათ ჩვენამდე თაობიდან თაობაში გადმოაღწიეს და წინაპრების მაგალითით და მათ მსგავსად გვზრდიან. ამიტომაც პატრეს უნდა ვცემდეთ მშობლიურ ენას და ხელმეუხებლად ვინახავდეთ მსგავსად იმისა, წყაროს რომ შემოვგარავთ ხოლმე, რათა არაფერმა წაბილწოს წყალი, რითაც სხეულის წყურვილს ვიკლავთ, ასევე — და უფრო მეტადაც უნდა დავიცვათ იმ წყაროს სისუფთავე, ჩვენს სულს რომ ასაზრდოვებს, დავიცვათ სიტყვის სიწმინდე. მაგრამ თუ ყურს დავუვდებთ ყოველდღიურ ხალხურ მეტყველებას, დავინახავთ, რომ ძალიან დანაგვიანებულია, ბევრი უშუალოდ სიტყვა ურევია შიგ: სოფლის მცხოვრების მეტყველება დიდად არ სჯობნის ქალაქელის მეტყველებას. საკმარისაა მან პირი გააღოს, რომ მაშინვე ორაზროვანი და ბინძური ნართაულები გადმოაფრქვიოს მსგავსად ყველასათვის ცნობილი ზღაპრისა, მეფის ქალიშვილს პირიდან რომ გომბეშოები სცვიოდა. აქ ჩვენს წინაშე წამოჭრილია დიდი და, იქნებ დიდებული ამოცანაც კი ჩვენი დროისა. უპირველეს ყოვლისა ის, პასტორი, ახალგაზრდობას მოუწოდებს, ახალგაზრდობას ხომ ჯერ კიდევ ისე ღრმად არ გასჯდომია ავეციობის დამლუბველი ჩვეულება, საჭიროა შეიქმნას მთელი მოძრაობა, რომელიც გამოუმუშავებს ხალხს გემოვნებას, ასე ვთქვათ, სულის ჰიგიენისადმი, რადგან ის ნაკლებ კი არა, უფრო მეტადაც კია მნიშვნელოვანი ადა-

შიანისათვის, ვიდრე ზრუნვა სხეულზე და მის მოთხოვნებზე. ხალხის მთელი საუკეთესო ძალები უნდა გაერთიანდნენ, რათა დაიხსნან ახალგაზრდობა სიტყვით გახრწნისაგან, რაც დღედაღამ ემუქრება მას.

პირველად პერი გულმოდგინედ უსმენდა, მაგრამ მერე, პასტორი რომ მეტისმეტად დამრიგებლური ტონით ალაპარაკდა, ყურადღება გაეთანტა. ამაში თავისი როლი შეასრულა ყმაწვილი ქალების დაწერებამაც და საერთოდ სიახლემ ყოველივე იმისა, რაც იქ ხდებოდა. პერი წინათ არ ყოფილა სახალხო თავყრილობებზე და ამიტომ მსმენელები მას არანაკლებ აინტერესებდა, ვიდრე ორატორი: ათხალერებდა მკიდროდ შეჭგუფებულ ადამიანთა რიგებს. ყველას სახეზე ცოცხალი ყურადღება და გულწრფელი ინტერესი ეწერა და პერა შიხვდა; როგორ სულიერ მოძრაობას გადაჰყარა ბედმა. პერს ბევრჯერ სმენია საუბარი გრუნდტივიგიანურ აღორძინებაზე მეცნიერების სპერთაშორისო ხასიათის საპირისპიროდ ღრმად ხალხური და ეროვნულ კულტურის იდეით, მაგრამ რამდენადაც თვით მცნება „გლეხი“ მოძველებულად ეჩვენებოდა, დროის დაკარგვად თელიდა გრუნდტივიგიანელობასთან გაცნობას; მიუხედავად ამ მოძრაობის ფართო გასაქანისა. დედაქალაქის წრეებში, სადაც პერი ტრიალებდა, გრუნდტივიგიანელობაზე შემწყყარებლური ღიმილით ლაპარაკობდნენ.

პერმა უნებლიედ შეადარა დანიელი გლეხები ავსტრიელ და იტალიელ გლეხებს, ვინც ბლომად ნახა თავის მოგზაურობის დროს და იმ დასკვნამდე მივიდა, რომ მისი თანამემამულენი სამარცხვინონი არ იყვნენ. როგორ არ წააგავან ეს ცნობისმოყვარე; გულწრფელად დანიერებსებული მსმენელები ტიროლის ნამძინარევი გლეხების ბრბოს; კვირაობით მღვდლები ცხვრის ფარასავით რომ ერეკებიან სალოცავად მთელ დრეზაკზე. თვით წინანდელ დანიელ გლეხებთანაც, პერს რომ ბავშვობიდან ახსოვდა ბაზრობის დღეებში ქალაქში ჩამოსულები, ახლანდელების შედარებაც კი არ შეიძლება. იგარნობა უეჭველი განვითარება, ასე ვთქვათ, სულიერი განთავისუფლება, რაც მისი საკუთარი განვითარების გვერდით მიმდინარეობდა და ასეთი ბედნიერი შედეგით დასრულდა.

მხოლოდ აქ გაიგო პერმა იმ საკვირველი სიმშვიდის ფასი, ეს გლეხები რომ ინარჩუნებდნენ მიუხედავად იმისა, მრავალრიცხოვანი გირავნობის ტვირთი აწვათ და ეს ტვირთი თანდათან მატულობდა: მატერიალურ ფასეულობათა ნაცვლად მათ მიიღეს განუზომლად უფრო

მალა სულიერი ფასეულობანი. ხოლო იმ მისწრაფებიდან, რომ დროის რაობის წინააღმდეგ წასულიყვნენ და თავიანთი თავი ერის წამყვან ძალად განემტკიცებინათ, წარმოიშვა მკიდრო კავშირი, ერთობის გრძნობა, რაც მათ ძლიერ დამოუკიდებელს ხდიდა.

პასტორი ბლომბერგი ქადაგებას რომ მორჩა და შეკრებილთ კიდევ რამდენიმე ფსალმუნი იმღერეს, ტრიბუნაზე დღესასწაულის განმკარგულბელი, გლეხის ქერა ბიჭი ავიდა და ღიმილით გამოაცხადა ნახევარსაათიანი შესვენება სადილისთვის, შემდეგ კი სიტყვით გამოვა სკოლის გამგე ბროაგერიო.

გლეხები მინდორზე გაიშალნენ. ქალიშვილებს უნდოდათ დანარჩენებს შეერთებოდნენ, მაგრამ პერმა შესთავაზა, შესვენების დროს ტყეში გავისეირნოთო. კლაუსენის ორივე ქალიშვილი მაშინვე დაეთანხმა, მაგრამ ინგერი დაიბნა. მან გაუბედავად გაიხედა ტრიბუნისკენ, სადაც დედამისი ჰოფეჰერმეისტერის მეუღლეს ესაუბრებოდა. ინგერი დედას ჰგავდა მარტო გარეგნობით კი არა, წვრილმანი მისწრაფებითაც, რათა ყველაფერში დაეცვა გარეგნული ზრდილობა, ამით კი მუდამ გამოირჩეოდა პროვინციელი თავად-აზნაურობა. ამ დროს უფროსმა დამ კლაუსენმა, გაფუებულმკერდიანმა პერდამ ბეჭითად გაუყარა ინგერს ხელი, მეორე მხრიდან თავისი უმცროსი და ამოიყენა და ორივენი თან გაიყოლა.

უნდა ითქვას, რომ ფრიოკენ პერდას ცოცხალი თაფლისფერი თვალები სულ პერს უთვალთვალებდნენ. მის მოჩვენებით მამაკაცურ სიტლანქეში წმინდა ქალური აღტაცება იმალებოდა.

პერდას დას, ჯერ კიდევ ბავშვს, უნებლიედ გადაედო დის განწყობილება და ცელქი მოსწავლესავით სიცილით ჩაებლაუჭა მის ხელს.

მაგრამ პერს მხოლოდ ინგერი აინტერესებდა. დები ახლოს გაცნობისას ფრიად ვულგარული პიროვნებანი აღმოჩნდნენ და პერი თითქმის დარწმუნებული იყო, რომ ინგერს რცხვენოდა მათ გამო. ყოველ შემთხვევაში, ინგერი თვალებდახრილი მიდიოდა და მეგობრები რომ ახალ-ახალ სისულელეებს სჩადიოდნენ, უფრო და უფრო დუმდა.

პერმა ჯერ კიდევ ამასწინათ შენიშნა, რა კეთილშობილური ტანადობისა იყო ინგერი მრჩეველის ქალიშვილებთან შედარებით, რა ქალური სინაზით და ღირსებით ეჭირა თავი, თითქოს სურდა ყოველივე ჭუჭყიან და უხეშ ქვენა გრძნობაზე მალა დამდგარიყო. ახლა მიხვდა, რომ პირველი შეხვედრისას ინგერმა მას იმდენად გარეგნობით არ მოაგონა

ფრანცისკა, რამდენადაც უმანკო სიქორფის საერთო შთაბეჭდილებით. ქალის არსება ისეთ სიფაქიზეს გამოასხივებდა, ველის ვარდის არომატს რომ მოგაგონებდათ. პერს ჯერაც არ დავიწყებია, რომ ფრანცისკა სქეს-თა შორის ურთიერთობაზე უბრალო გადაკრული ლაპარაკის დროსაც კი წამოენთებოდა ხოლმე, მაშინ როდესაც იაკობა... ჰო, ცხადია, მისთვის ყოველივე ეს სხვანაირად გამოიყურებოდა. პერს მუდამ ხასიათს უცვლიდა ის, რომ იაკობას სიმორცხვე აქლდა. იაკობას სიყვარულის დაუოკებელი ვნება პერს არ მოსწონდა.

ამასობაში ისინი ტყიდან გამოვიდნენ. წინ ვეებერთელა შიშველი, ქვიანი ბორცვი აღმართულიყო, აქა-იქ სიმწვანით და ზოგან მანანას ბარდებით დაფარული. ეს იყო ცნობილი როლსკის ბორცვი, ყველაზე მაღალი წერტილი მთელს ოლქში; აქედან იუტლანდიის, სულ ცოტა, მეოცედი ნაწილი მაინც მოჩანდა.

თუმცა კლაუსენის ქალიშვილები ნელ-ნელა მიხვდნენ, რომ აქ ზედმეტნი იყვნენ, მაგრამ არაფერი გამოუმეტლავნებიათ და მცირედი წყენაც კი არ შეუშინებიათ. პირიქით, როგორც ჭეშმარიტი იუტლანდიელი ქალები, უყურადღებობისათვის შურს მოურიდებელი სითამამით იძიებდნენ.

— აბა, ვინ იქნება პირველი? — წამოიძახა ჰერდამ და ბორცვზე აირბინა, მას უმცროსი და მიჰყვა. ქარმა შლიაპა მოსტაცა და ორივენი გასწრებაზე დაეშვნენ მის დასაჭერად.

ინგერს უნდოდა მათ გამოსდგომოდა, მაგრამ პერს გაახსენდა, როგორ ეხვეწებოდა ჰოფეჰერმეისტერის მეუღლე, არ ირბინო და ეცადა ქალისათვის გადაეთქმევინებინა სურვილი:

— ნუ დაგავიწყდებათ, ფრიოკენ ინგერ, რომ სულ ახლახან ავად იყავით და თქვენი გადაღლა არ შეიძლება.

ეს გულთბილი მზრუნველობა დაეხმარა პერს — თუმცა თავად ვერ გრძნობდა ამას — კიდევ ერთი კუნჭული მოეპოვებინა ინგერის უკარება გულში. ქალა უკვე იმდენად მომჯობინდა, სიამოვნებდა კიდევ, უფრო სუსტი რომ ჩანდა, ვიდრე სინამდვილეში იყო. მან განაცხადა, ბორცვზე ასვლა მსურსო და, როცა პერმა შესთავაზა, მის ხელს მაინც დაყრდნობოდა, ამის მოსმენაც კი არ ისურვა; შესანიშნავად ვგრძნობ თავს და საშიში არა არის რაო.

მიუხედავად ამისა, პერი ფეხდაფეხ მისდევდა, რომ თუ ქალი წაიბორძიკებდა, მაშინვე მიშველებოდა. იქ, სადაც აღმართი ძალზე ცი-

ცაბო იყო, ინგერი დაეყრდნო შეთავაზებულ ხელს. დიდი ხნის ფიქრის შემდეგ მან გადაწყვიტა, ეს არ იქნება ურიგო საქციელი, მით უფრო, რომ პერი დანიშნულიაო. გარდა ამისა, ინგერს ნამდვილად მოეწონა. რომ პერის დახმარებით მსუბუქად, ბუმბულივით აფრინდა ციცაბო ფერლობზე.

პერი სულ იმას ლამობდა, ეთქვა ინგერისათვის, მთელი დილა მამაშენის ქადაგებებს ვუჯექი და დიდი კმაყოფილებაც მომანიჭა ამანო. მაგრამ შიშობდა, იქნებ ინგერმა ჩემი სიტყვები ზერელე თავაზიანობად ჩათვალოსო და ამიტომაც აღარაფერი თქვა. მხოლოდ ის უთხრა, ჩემთვის სასიამოვნო იყო თქვენთან სტუმრობაო. ინგერმა ეს ისე მიიღო როგორც თავისთავად ცხადი ამბავი.

ქალს ქოშინი აუვარდა და სულის მოსათქმელად შეისვენა. შლიაპა ხელში ეჭირა, წმინდა ქერა თმა მბრწყინავი შარავანდელივით ადგა თავზე. „ზედ გამოჭრილი ფრანცისკაა, — კვლავ გაიფიქრა პერმა, — გაკეთილშობილებული ფრანცისკა“.

დები კლაუსენები ამასობაში კარგა ხანია სულ მალლა ასულიყვნენ. ერთმანეთის გვერდით იდგნენ, ხელებით შლიაპები ეჭირათ, ქარი ქვედატანებს უბერავდა, თითქოს უნდოდა ტანსაცმელი შემოეხია ქალიშვილებისთვის. როცა დანიახა, რომ ინგერი და პერი ხელახლა დაიძრნ ადგილიდან, უმცროსმა თქვა:

— ერთი უყურე, როგორ მოჩანჩალებენ.

— ხათბალაა ეს ინგერი, — მიუგო ფრიოკენ ჰერდამ, — საკმარისია ვინმემ ოდნავ მეტი ყურადღებით შეხედოს, მაშინვე გაიპრანჭება ხოლმე.

— სამაგიეროდ, პერი ძალიან ლამაზია, ვერაფერს იტყვი, — შენიშნა უმცროსმა.

— ლამაზი? ჩემის აზრით, მახინჯია.

— ტყუი, გუშინ ხომ ამბობდი...

— მე? ხომ არ გაგიჟდი ჯერ მაგის თვალებს შეხედე — ჭრაქებს მიუგავს!

ბოლოს ინგერმა და პერმაც მიაღწიეს მწვერვალს და ოთხივე ტბებოდა მათ წინ გადაშლილი განთქმული სანახაობით. მერე ქალიშვილებმა სამრეკლოების დათვლა დაიწყეს ყველაზე უფრო მოწმენდილ ამინდში აქედან ოცდათხუთმეტი სამრეკლო უნდა გამოჩენილიყო. დებმა

კლასესენებმა იცოდნენ, რა ერქვა თვითეულ მათგანს. მაგრამ პერი უცქეროდა მხოლოდ იმ სამარეკლოებს, ინგერი რომ უჩვენებდა.

— აი-აი-აი! მაშ ეს თებერუპია? რაო, როგორ? თებერუპი, არა? როგორ თქვით? ჰო, რამლევია! — პერი ისეთი ტონით ლაპარაკობდა, თითქოს ეს სახელები ძვირფას მოგონებებს უღვიძებდნენ.

დები მალულად ერთმანეთს მუჯღუგუნებს ჰკრავდნენ, თუმცა ამ ქარში ხეირიანად არც კი ესმოდათ, ვინ რას ამბობდა. ამიტომაც ძალიან მალე გადაწყვიტეს ისევ ძირს ჩასულიყვნენ. ქალიშვილები მოსაკობტავებლად შეჩერდნენ. ქარს უმოწყალოდ აეჩეჩა თმა მათთვის. განსაკუთრებით ინგერა გაეწეწა. ინგერმა ხელთათმანებიც კი გაიხადა და ცდილობდა ცოტათი მაინც გაესწორებინა თმა. შლიაპის ქინძისთავი პირში ჩაიდო, ხოლო ხელთათმანები პერს დააქერინა, რადგან ამხანაგები საკუთარი თმების მოვლით იყვნენ გართულნი. ამ დროს ინგერს არავითარი განზრახვა არ ჰქონია, მაგრამ დებმა მაშინვე ერთმანეთს გადახედეს, ხოლო შემდეგაც, გზაში, წამდაუწუმ ნიდაყვს ჰკრავდნენ ერთმანეთს.

კორდამდე რომ მიადწიეს, იქ უკვე მეორე განყოფილება მიმდინარეობდა. ტრიბუნაზე მაღალი, შავთმიანი და შავწვერულევაშა, დარბაისლური გარეგნობის კაცი იდგა. ეს იყო ბროაგერი, მახლობელი უმაღლესი სახალხო სკოლის გამგე და პასტორ ბლომბერგის მეტოქე ხალხის, განსაკუთრებით ახალგაზრდათა სიყვარულის მოპოვებაში.

ქალიშვილები ჩუმად მიიპარნენ თავიანთ ადგილზე ხეებს ქვეშ და ინგერმა აღმაცერად გადახედა დედას. გასეირნებას უფრო მეტ ხანს მოუწოდნენ, ვიდრე ეგონა, და ეს აშფოთებდა. საბედნიეროდ დედას, მგონი, არც კი შეუნიშნავს მისი იქ არყოფნა, წყნარად იჯდა თავის ადგილზე, როგორც ჩანდა, მთლიანად ბროაგერის გამოსვლაზე ჰქონდა ყურადღება მიპყრობილი.

სინამდვილეში ასეც აღმოჩნდა. პასტორის მეუღლე ფხიზლად იცავდა თავისი ქმრის, როგორც აღიარებული ორატორის, ავტორიტეტს. თუმცა არაფერს იმჩნევდა, მუდამ ძალიან ღელავდა, თუ ვინმეს, განსაკუთრებით კი სკოლის გამგის მოხსენებას ისმენდა. აი, რატომ მოხდა, რომ ამ ქალს, მიუხედავად იმისა, რომ პერიც იქ იყო, სულ დაავიწყდა ქალიშვილისთვის ყური ეგდო.

იგივე გრძნობები აღელვებდა თვით პასტორ ბლომბერგსაც. ის, ცხადია, დიდ აღფრთოვანებას გამოხატავდა სხვა ორატორების სიტყვა-

თა მოსმენისას და, რა თქმა უნდა, ყველაზე ხმამაღლა იცინოდა თითოეულ მათ გონებამახვილურ სიტყვაზე, მაგრამ სისხლი მუხანათურად აწვებოდა ლოყებზე, როცა ამჩნევდა, რომ მის გარდა კიდევ სხვის გამოსკლასაც ჰქონდა წარმატება.

მერე ისევ იმღერეს რამდენიმე ფსალმუნი და ამით დამთავრდა ზეიმი. ვიღრე ტყეში მოშორებით მდგარ ეტლებს მოართმევდნენ, ჰოფეჰერმეისტერის მეუღლე და ინგერი ხელიხელჩაკიდებულნი განზე გადგნენ. ჰოფეჰერმეისტერის მეუღლემ უთხრა:

— მე დაგინახეთ, ბატონ საიდენიუსთან სასეირნოდ რომ იყავით.

— დიახ, ჩვენ როლსკის ბორცვამდე გავიარეთ. განა ეს ცუდია? — ინგერმა შიშით შეხედა თავის მოსაუბრეს.

ჰოფეჰერმეისტერის მეუღლემ გადაიხარხარა.

— არა, რა არის აქ ცუდი.

— მით უფრო, რომ ის დანიშნულია.

— რასაკვირველია.

— საოცარია, სულაც არ ემჩნევა, თუ დანიშნულია.

— ჰო, ამ ნიშნობას მაინცდამაინც დიდი მნიშვნელობა არა აქვს.

ინგერი შედგა და ელდანაკრავივით შეხედა ჰოფეჰერმეისტერის მეუღლეს.

— რას ბრძანებთ?!

— რა თქმა უნდა, დაწვრილებით არაფერი არ ვიცი, მაგრამ, მე მგონია, პერი თავადაც არ არის მოხარული, რომ თავის საცოლეს დაუკავშირდა. ის ქალი ხომ ებრაელია.

ინგერი გაყუჩდა. ადრე მაინც სცოდნოდა! უცბად ძალიან შერცხვა, გაახსენდა, რა თავისუფლად იქცეოდა პერთან.

ამ დროს მათ დაუძახეს, რადგან ეტლები მოართვეს. პასტორი და მისი მეუღლე უკვე ისხდნენ თავიანთ ღია ეტლში და პასტორს აშკარად ეტყობოდა, მეტი მოცდის თავი აღარ ჰქონდა, ისე რომ, დიდი დრო არ მოუწოდებიათ გამომშვიდობებისათვის.

ინგერი მშობლებს მიუჭდა გვერდით და უნდოდა ხელთათმანება ჩაეკვა, მაგრამ ვერაფრით ვერ იპოვა და უცბად ელდა ეცა იმის გახსენებაზე, რომ დაავიწყდა პერისთვის ხელთათმანებას გამორთმევა, მაჰკი ალბათ, არც გახსენებია, უნებლიედ ჭიბეში ჩაიწყო.

ჰოფეჰერმეისტერის მეუღლის ეტლი ჯერ არ ოსულიყო და ჯერ

კიდევ შეიძლება ხელთათმანების მოკითხვა, მაგრამ ინგერი ისე დამნაშავედ გრძნობდა თავს, პირის გაღებაც კი ვერ გაბედა სიტყვის სათქმელად, რომ დედას ეკვი არ აელო. გამოთხოვებისას თვალციკი ვერ გააპარა იმ მხარეს და გზაში ხელებს ეტლის ტყავის გადასაფარებელს ქვეშ მალავდა.

კორდი ჯერ არ გაეცლოთ, რომ მეუღლემ პასტორს უთხრა:

— ჩემის აზრით, დღეს ბროაგერი გუნებაზე არ იყო.

— ჰო, მეცოდება. სულ არ იყო გუნებაზე, — მიუგო პასტორმა და თავი გადააქნია, ხოლო რამდენიმე წუთის შემდეგ გაიმეორა: — არა, არა, არ იყო გუნებაზე. — თუმცა უკვე სულ სხვა რამეზე ლაპარაკობდნენ.

პერმა გზაში დიდი ქებით მოიხსენია ნახული თუ მოსმენილი. ინგერზე კრინტიც არ დაუძრავს. ჰოფეპერმეისტერის მეუღლემ ეს შენიშნა და დაუყოვნებლივ გამოიტანა ზოგიერთი დასკვნა. საჯდომის ზურგზე მოხერხებულად გადაწოლილი ქალი ტკბილ ოცნებებს მიეცა.

მზე ჩავიდა. შინ რომ მივიდნენ, მთლად ბნელოდა.

ჰიშკრის წინ პატარა ხივზე ბორბლები არახრახდა. პერი კარგად იცნობდა ამ ხმას და სტუმართმოყვარულად განათებული ფანჯრების დანახვისას უცნაურმა, უჩვეულო გრძნობამ აიტანა.

ამ წამს — პირველად თავის ცხოვრებაში — მას მოეჩვენა, რომ ბოლოს და ბოლოს იბოვა ადგილი, მშობლიური სახლის მაგივრობას რომ უწყევს. თითქოს ამ სიტყვების დასტურად მას მმართველის ძალი შეეგება. ძალმა ხტომა დაიწყო პერის ირგვლივ და სიხარულით ულოკავდა ხელს. საბრალოსათვის ლეკვები წაერთმიათ და მთელი თავისი სიყვარული ყმაწვილკაცზე გადაიტანა. გულაჩვილებული პერი დაიხარა და ძალს მიუაღერსა.

მაგრამ მის სიხარულს მაშინვე ჩრდილი მოეფინა. სევლით გაახსენდა მოსალოდნელი განშორება. ახლა ვერ წარმოედგინა, როგორ შესძლებდა აქედან წასვლას, მაგრამ ვერაფერს გააწყობდა, უნდა გამგზავრებულიყო და თანაც. რაც შეიძლება, მალე. ისედაც თითქმის ორი კვირაა, რაც აქ არის.

ოთახის კარი რომ გაიღო, პერი შეკრთა. მაგიდაზე წერილი იდო. პერს შეეშინდა, რადგან წერილი იაკობასაგან ეგონა. ამიტომაც არ ჩქარობდა გახსნას. მხოლოდ მაშინ ამოისუნთქა შვებთ, ივენის ნაჯღაბნი

რომ იცნო, თუმცა გულზე მაინც მძიმედ აწვა რაღაც. ცოლისძმის ხელნაწერმა უმოწყალოდ მოაგონა, რომ ფულის საკითხი ჭერაც არ მოეკვარებინა. ეს უსიამოვნო აზრი ისედაც ილაჯს უწყვეტდა, განსაკუთრებით საღამოობით, ძილის წინ.

პერმა მაინც არ გახსნა წერილი — საქმეები დილამდე დაიცდისო. ას იყო სასტუმრო ოთახში გასასვლელად მოემზადა, რომ უეცრად ჯიბეში პატარა ღია ნაცრისფერი გუნდა იპოვა. ეს იყო ინგერის რბილი, თითქმის უხმარი ნატის ხელთათმანები.

პერს, ამ ხელთათმანებს რომ იტოვებდა, ფარული აზრიც ედო გულში: უცნაურ სიხარულს ჰგვირავდა ინგერის კუთვნილი ნივთის ხელში ჰერა, ხოლო როცა აჩქარებით გამოემშვიდობნენ ერთმანეთს, აღარც კი ახსოვდა ხელთათმანები.

პერმა ფრთხილად გაშალა ხელთათმანები, დიდხანს, დიდხანს ათვალიერებდა, მერე სახესთან მიიტანა, ხარბად ჩაისუნთქა არომატი და სევდიანად გაიღიმა. აი, სასურველი საბაბი, რათა ხვალ კვლავ სტუმრებოდა ბლომბერგებს... ან იქნებ არ ღირს? იქნებ, გაცილებით გონივრული იყოს ყველაფერი ისევე დატოვოს, როგორც არის? თუ ზშირად შეხედება ინგერს, იქნებ მართლაც შეუყვარდეს ყმაწვილი ქალი. პერმა ხელახლა იგრძნო თავი ადამის ღირსეულ ძედ. ვთქვათ შეუყვარდა, მერე? მას არა აქვს ახალი სიყვარულის უფლება. მისთვის მინიჭებული ყველა ცხოვრებისეული სიხარული უკვე მოთავდა, — თუ დასაშვებად მივიჩნევთ, რომ მან ოდესმე შეიცნო ეს სიხარული.

თ ა მ ი XXI

დადგა ის დრო, როცა სააგარაკო ცხოვრება კოპენჰაგენის მიდამოებში, ზუნდის ნაპირზე, დღითი-დღე უფრო და უფრო მიმზიდველი და წარმტაცი ხდება. მძინარე მდგომარეობა, რომელშიც იმყოფებიან ზაფხულის გვალვით ილაჭგაწყვეტილი „დათვის კუთხეთა“ მცხოვრებნი, აქაურ ადგილთა ბინადართათვის უცნობია. გვერდით ვეებერთელა ქალაქის მაჯისცემაა, რომელსაც იტაცებენ რკინიგზები და უსულო ბუნებას გადასცემენ. წამღაუწუმ ნაპირს მოადგებიან ხოლმე ცოცხალი ტვირთის სიმძიმით ცალ მხარეზე გადახრილი დიდი გემები. თითქმის

კილომეტრის სიგრძის მატარებლები ყოველ პატარა სადგურთან ჩერდებიან და ხალხის ნაკადს ამოიტყორცნიან, ხოლო ხალხს — ზოგს ბორბლებით, ზოგს ფეხით — დედაქალაქის ხმაური ჩრდილოეთ ზელანდიის დაბურულ ტყეებში გადააქვს.

მხოლოდ სკოვბაკენში დაესაღვურებინა სევდას. ფილიპ სალამონს და ფრუ ლეას გული ვერ ეჭვრებინათ თავიანთ შვილებზე საუბრით. ვერ ჰქონდათ მაინცდამაინც სასიამოვნო ლაპარაკი.

მარტო იაკობას ბედი კი არ აწუხებდათ, ნანის უსაქციელობაც სტანჯავდათ ამ ბოლო დროს.

პერისგან უარყოფილ ამ მომხილავ არსებას თავმოყვარობა შეელახა და გადაწყვიტა თავის ძველ თაყვანისმცემელ ხანსენ ივერსენთან ეპოვა ნუგეში. და რაკი აუცილებლად უნდა დაევიწყებინა თავისი მარცხი, ძალიან სარისკო ფლირტი წამოიწყო და დიდადაც გაიტაცა ამ საქმემ. მაგრამ სამწუხაროდ აღმოჩნდა, რომ გადამღარი ულვაშა კავალერისტი არც ისეთი ნებისყოფიანი პიროვნება ბრძანებულა, როგორც კაცი იფიქრებდა. მოკლედ, ერთ მშვენიერ დღეს, ნანისგან წამოსული შინ მივიდა და შუბლში ტყვია იხალა. მან დატოვა წერილი, სადაც მთელ ქვეყანას უხსნიდა თავისი სიკვდილის ნამდვილ მიზეზს და საქვეყნოდ წყევლიდა ნანის. მხოლოდ დიურინგის თვალსაჩინო თანამდებობის წყალობით გახდა შესაძლებელი საქმის მიფუჩჩეება. ყოველგვარი ჭორებისთვის ბოლო რომ მოეღო, დიურინგი ყველგან, სადაც კი შეიძლებოდა, სანიმუშო მეუღლესავით ნანისთან ხელიხელგაყრილი დადიოდა და კერძო საუბარში ღიმილით წუწუნებდა, ახლა ძალიან საშიშია ისეთი ცოლის ყოლა, ვისი თვალებიც არა მარტო გარეგნულად წააგავენ დამბახის ლულას, არამედ სინამდვილეშიაც შეუძლიათ კაცს იქვე გააფრთხილებინონ სულიო. შინ, სადაც მოწმეები არ ესწრებოდნენ, სასტიკად დაკითხა თავისი ცოლი და ბოლოს ერთი კარგი სილაც გააწნა, რასაც ნანი საკმაოდ მორჩილად შეხვდა. ქალმა გადაწყვიტა, ის კი არა და, იოლადაც გადავრჩიო, რადგან პირველ ხანებში ამ ისტორიამ საშინლად შეაშინა; უფრო მეტიც — თავისდა უნებურად აღგზნებით შეუყვარდა მეუღლე, ცოტა ხნით მის მორჩილ მონად იქცა და რაკი ახლა უკვე კარგა გამოცდილი ქალი იყო, ყოველგვარ ახირებულ სურვილს უკმაყოფილებდა.

მაგრამ დიურინგი გარშემო მყოფებს პირს ხომ არ აუხვევდა! სულ ახალ-ახალი ხმები ვრცელდებოდა ივერსენის თვითმკვლელობის მი-

ზეზებზე ხან აქ, ხან-იქ. კომუნისტური კორი, საზაფხულოდ რამე ქალაქგარედ გასულიყო, მეტისმეტად იყო დაინტერესებული ივერსენის ბოლო წერილით. ახლა, ფილიპ სალამონი სადამოობით ცოლთან ერთად ჩვეულებრივ რომ დასეირნობდა ნაპირზე თავისი ჭეშმარიტად მეფური ეტლით და მეგობრებსა და არაკეთილმოსურნეებს ესალმებოდა, მის ზურგს უკან გაცხოველებული ჩურჩული ატყდებოდა ხოლმე. ზოგიერთებს ვერაფრით ვერ ეპატიებინათ ნანისთვის, ასე ლამაზი რომ იყო და უკვე მხოლოდ ეს მიზეზიც კმაროდა, რომ ნანის სათნოებაში ბრედჰადეს ჩაკეტილ სამყაროს დიდი ხალისით შეეეტანა ექვი. ბრედჰადეში კი, ისევე როგორც პროვინციულ ქალაქში, ადამიანებმა ერთმანეთის შესახებ ყველაფერი იცოდნენ, ისიც კი არ გამოეპარებოდათ. თუ ვის რა ფერის ქვედა საცვალი ეცვა.

თვით მშობლებმა ძალიან მკაცრად გააკიცხეს ქალიშვილის ქცევა. ფილიპ სალამონმა საჭიროდაც კი ჩათვალა, დიურინგის წინაშე მთელი ოჯახის სახელით ბოდიში მოეხადა. ერთადერთი ადამიანი, ვინც ცდილობდა ასე თუ ისე დაეცვა ნანი, ძალიან უცნაური კია, მაგრამ იაკობა გახლდათ. წინათ თუ ასე უმოწყალო იყო დის მიმართ, ახლა მხოლოდ მხრებს იჩეჩდა ამ აურზაურის გამო. ის, რაც ნანის თავს გადახდა, სულაც არ მიაჩნდა ასეთ დიდ სერიოზულ ამბად, ცხოვრება — ნამდვილი ცხოვრება — მსხვერპლს მოითხოვს, ამბობდა ის. და თუ იცხოვრებ როგორც საჭიროა, ყოველთვის მზად უნდა იყო სისხლის დასადგრებლად.

საერთოდ, იაკობა ამ ბოლო დროს ძალიან გამოაცვალა. სახეზე უკვე აღარ ეწერა ფარული მღელვარება, ახლა დაქანცულობა და არაბუნებრივი გულგრილობა ეტყობოდა. თუკი ვანმე შეეკითხებოდა, ჯანზე როგორ ხარო, ყოველთვის იმას პასუხობდა, ჩინებულად ვგრძნობ თავსო. თავის საქმროს უფრო და უფრო იშვიათად ახსენებდა, მაგრამ როცა მშობლები ლაპარაკს ჩამოაგდებდნენ მომავალი ქორწილის შესახებ, საწინააღმდეგოს არას იტყოდა. ამავე დროს ლაპარაკობდა, რომ ვფიქრობ ერთხელ კიდევ გავემგზავრო ჩემს ბრესლაველ მეგობარ ქალთანო. ისე რომ, ნამდვილად რას აპირებდა, ვერავის გაეგო.

უფრო სწორად რომ ვთქვათ, აღმოჩნდა ერთი ადამიანი, ვისაც უტათი მაინც ესმოდა იაკობასი, ეს გახლდათ მისი და როზალია. მათი ოთახები გვერდიგვერდ მდებარეობდა. ერთხელ ღამით როზალიამ კედლის იქით გულამოკვნილი ტირილი გაიგონა. იფიქრა, ალბათ ჩემი

და ცუდად არისო და ლოგინიდან წამოვარდა. მაგრამ იაკობას ოთახის კარი დაკეტილი აღმოჩნდა და მან როზალია არ შეუშვა. დილით იაკობამ განაცხადა, შუალამისას საშინლად ამტკივდა კბილებიო. მაგრამ როზალია დიდი ხანია უკვე ბავშვი აღარ იყო, ნანის მიბაძვით ისიც სიყვარულის ნაკრძალებში ნადირობდა და დიდი წარმატებაც ჰქონდა: უკვე მოკლა პირველი ნადირი. სულ ახლახან სიყვარული აუხსნა კანდიდატმა ბალინგმა, როზალიამ კი მის გასამასხარავებლად თავი ისე დაიჭირა, თოქოს ვერაფერიც ვერ გაიგო მისი ლაპარაკისა, რითაც ლიტერატურის ეს აყლახუდა წარმომადგენელი აიძულა შიშითა და გაურკვეველობით დატანჯულიყო.

ყველაზე მეტად იაკობას ის უკლავდა გულს, რომ ვერაფრით ვერ გადაეწყვიტა პერთან საბოლოოდ დაშორება. ეს აზრი ისე სტანჯავდა, თავის მოკვლაც კი აფიქრებინა. დიდი ხანია გაეგო, რაც მომხდარიყო. დიდი ხანია მიხვედრილიყო, რომ საქმეში სხვა ქალი ჩარეულიყო, მაგრამ გადამწყვეტ სიტყვას დღითი დღე სდებოდა. ასეთ დამტკირებამდე, ასეთ თავის მოჭრამდე მიჰყავდა სიყვარულს ქალი — გრძნობას, რომელიც ოდესღაც ყველაზე წმინდა და ნათელი ეგონა.

მხოლოდ ერთი რამ ანუგეშებდა: ის, რომ პერისათვის არ უთქვამს, რა მდგომარეობაში იყო. არ ანდო პერს ყველაზე ძვირფასი საიდუმლო. დაე, ნურაფერი დააბნელებს მის დედობას, დაე, ასცდეს ყველაზე უფრო საშინელი დამცირება: გახდეს პერის შებრალების საგანი.

ახლა დიდხნობით არ პასუხობდა პერს წერილებზე, მათ წასაკითხლაც დიდ ძალას ატანდა თავს. ვილაც პასტორით უცნაურმა გატაცებამ იაკობაში მხოლოდ სიბრალული გამოიწვია, ერთ-ერთ უკანასკნელ წერილში პერმა ისიც კი ურჩია, ამ კაცის ნაწარმოებებს გასცნობოდა (რაც, უნდა ითქვას, იაკობამ დიდი ხანია უკვე გააკეთა ყოველგვარი რჩევის გარეშე), და როდესაც პერმა ისევ ჩამოუგდო სიტყვა პასტორის ქადაგებებზე და აშკარად ეტყობოდა, იმედი ჰქონდა, ამ ქადაგებების წაკითხვის შემდეგ იაკობა ქრისტიანულ მსოფლმხედველობას მიიღებდა. ამან ისე ძლიერ გაანაწყენა ქალი, რომ გადაწყვიტა დაუყოვნებლივ ეპასუხა მისთვის. ძლივს მიეცა შესაძლებლობა თავის დაუმცირებლად გული მოეოხებინა და თუმცა, როგორც წინა წერილებში, ერთი სიტყვიტაც კი არ შეხებია თავიანთ ურთიერთობას, მთელი მისი ტონი, ყველა მისი სიტყვა საბოლოო განხეთქილებას ამაზღვებდა მხოლოდ.

„აქამდე არავითარი სურვილი არ მქონია ავყოლოდი რჩევას, რომელსაც დაჟინებით მაძლევ შენს წერილებში და დავინტერესებულყავი საკითხით, რომელიც, ყველაფრიდან ჩანს, ძალიან გაინტერესებს, სახელდობრ შენი დამოკიდებულებით ქრისტიანობისადმი. ვიმედოვნებ, შენთვის ნათელია, რომ ჩემი ღუმილი სრულიადაც არ გამომდინარეობს იქიდან, თითქოს არასაკმარისად ვარ დავინტერესებული. უბრალოდ, სულ უფრო და უფრო ვრწმუნდები, რომ არსებობს შემთხვევები, როცა ყოველგვარი კამათი უსარგებლოა. ასეთ საკითხებზე, როგორცაა რწმენა, ჩვენზე ჩვეულებრივად შეგონება ააჰ კრის. ჩვენ ვინარჩუნებთ ამა თუ იმ რწმენას გარემოების მიხედვით, რწმენის მიღების ორგანო ისევე ვითარდება ბუნების კანონების მიხედვით, როგორც გული და თირკმელები და ამიტომ ყოველი ცდა მასზე ძალდატანებით გავლენისა და იმის იძულება, მაგალითად, რომ ადამიანმა დედის ძუძუსთან ერთად შეწოვილი რწმენა გამოიცვალოს, მხოლოდ დაასუსტებს მთელ ორგანიზმს.“

შენს უკანასკნელ წერილში სტრიქონთა შორის მე შევძელი ამომეკითხა პირდაპირი შეკითხვა. სწორედ მასზე მინდა გიპასუხო თუნდაც იმიტომ, რომ ჩემი ღუმილი თანხმობის ნიშნად არ მიიღო.

ჩემი პირადი დამოკიდებულება ქრისტიანობისადმი, ისევე როგორც შენი, განპირობებულია ჩემი წარმოშობით და აღზრდით. ჯერ კიდევ სრულიად ბავშვი ვიყავი, როდესაც იმ დევნამ, რომელსაც ჩემი ხალხი განიცდიდა ქრისტიანული ეკლესიისაგან, ჩემში შურისძიების გრძობა გააღვივა და მე მაინც შევძლებდი ამის დავიწყებას, რომ ვხედავდე ეკლესიის სიკეთე მოაქვს სხვა ადამიანებისთვის. მაგრამ, რაც უფრო მეტად ვერკვევი ეკლესიის ათასწლოვან ისტორიაში, კეთილმსახურების ნიღაბქვეშ ვბოულობ ისევ იმ მისწრაფებებს, რომ დესპოტურად და მუხანათურად გაუსწორდეს თავის მოწინააღმდეგეებს და სრულ უნდობლობას იმისა, რომ შეიზღუდოს თავი საშუალებათა ამორჩევაში, ოღონდ კი დაიკმაყოფილოს ძალაუფლების გაუმძლარი წყურვილი. არც ერთი იდეოლოგიური მოძრაობა არასოდეს ასე არ მისწრაფოდა ემოქმედა ადამიანის ბუნების ყველაზე ცუდ თვისებებზე, ქვენა გრძობებზე. ამიტომ — და სწორედ ამიტომ — ასე გავრცელდა დედამიწაზე ქრისტიანობა.

ჩემთვის ერთი რამაა გაუგებარა, და მართლაც, ეს ყველაზე მეტადაა

გაუგებარი: როგორ შეუძლიათ წესიერ აღამიანებს, აღამიანებს, ვისაც ბევრი წაუკითხავს და უფიქრია, არ შეეზიზღოს რელიგია, რომლის ჩრდილს ქვეშ იფურჩქნებოდა საზიზღარი დესპოტიზმი, ბნელით მოცული უპიკრება, ბილწი ბოროტმოქმედება, — იფურჩქნებოდა, ან, ყოველ შემთხვევაში, სარგებლობდა ეკლესიის ნების მიცემით, — მამინ, როდესაც ყველა ჯანსაღი, მამაცი და ამაყი გულისთქმა, რაც კი მოწოდებულია სინათლის, სამართლიანობისა და ბედნიერებისკენ წაიყვანოს კაცობრიობა, რელიგიის სახით ვერაგ, შურიან და დაუნდობელ მტერს პოულობდა. თუკი რეფორმაციამ რაიმე შეასწორა, ამ შესწორებებს დიდი მნიშვნელობა არა აქვს, ხოლო მრავალრიცხოვან რელიგიურ სკოლებსა და სექტებს, ერთი შეხედვით მეგობრული ურთიერთ გაგებას პილწევას რომ ცდილობენ ყველა სხვაგვარად მოაზროვნეებთან, მაინც ღაპანაც ვერ ვენდობი; პირიქითაც კი. პროტესტანტიზმსაც თავისი იეზუიტები ჰყავს, მათ მძიმე დროს თავიანთი შეხედულებები ვითომცდა ვრცლად გამოთქვეს, რათა აღამიანთა ყურადღება აეცდინათ თავიანთი იძულებითი აღიარებებისათვის. ეს პარადოქსი ისევე ძველია, როგორც თვით ქრისტიანობა. ჯერ კიდევ თავის არსებობის გარიჟრაჟზე ქრისტიანობამ მარჯვედ განამტკიცა თავისი გავლენა ყველა ქვეყანაში, იმ წარმართულ ჩევეათა და წარმოდგენათა აღქმით, რომლებსაც ვერ შეეთვისებოდა. ასევე ჩვენს დროშიც, როგორც კი საშიშროების სუნი დატრიალდება, მას შესწევს უნარი, ეშმაკურად მიბადოს დროის მოთხოვნილებებს და მეცნიერების და აღამიანობის მომხრედ გამოაცხადოს თავი. და თუ, მიუხედავად ამისა, ქრისტიანული ეკლესია კვლავ განაგრძობს იმას მტკიცებას, ერთადერთ უცვლელ ღვთით მონიჭებულ ქეშმარიტებას ვფლობო, ეს მხოლოდ თვალთმაქცობაა, რომლის მსგავსიც ჯერ არასოდეს უნახავს ქვეყანას.

მაგრამ მე მაინც ასე თუ ისე ვურიგდები ამას. მინდა მჯეროდეს, რომ შესაძლებელია ურთიერთგაგების მიღწევა, ვინაიდან ქრისტიანობას გააჩნია აღამიანთა კეთილდღეობისათვის უღაოდ დიდად მნიშვნელოვანი მთელი რიგი იდეები. მე შემიძლია ხელი გავუწოლო ეკლესიას მხოლოდ ერთი პირობით: ის უნდა იყოს პატიოსანი და მხოლოდ თავისი საქმეებით დაკავებული. და კიდევ ერთი რამ: მისი გარდაქმნის გულწრფელობა რომ დავიჯერო, ეკლესია უნდა იცავდეს იმ წესებს, რომელთა შესრულებასაც თავისი შეილებისაგან მოითხოვს. „ღაე ძველ-

მა ცოდვილმა დაფაროს სახე თვისი, — როგორც საღვთო წერილშია ნათქვამი, — დაე მთელი ხალხის წინაშე მოინანიოს თავისი ცოდვები“. აი, რით უნდა დაიწყოს! ეკლესიამ! კაცობრიობის წინაშე ვის ნდობასაც ის ასე დიდხანს იყენებდა ბოროტად, მუხლმოყრილმა უნდა მოინანიოს ნამოქმედარი, ქედი მოიხაროს ქეშმარიტების წინაშე, რასაც თრგუნავდა სამართლიანობის წინაშე, თვალს რომ უხვევდა, პატიება მოსთხოვოს თავისი წარსულისა და მხოლოდ მაშინ, და ერთი სეკუნდითაც არა ადრე, — შეუძლია იმედი ჰქონდეს იმათი ნდობისა, ვინც ქეშმარიტად ქმნის ცხოვრებას და იცავს სინათლეს“.



კერსხოლმში დღეები სოფლური ერთფეროვნებით მიიზღაზნებოდა, ასე ცხოვრება კი სწრაფად გარბის, ხოლო სიცოცხლე — მოკლდება. ხელახლა დადგა კვირა დღე, ისევ გადაწყვიტეს ბატონებმა, ჩვეულების თანახმად ბესტრუპში წასვლა და პასტორ ბლომბერგის მოსმენა.

ჰოფეჰერმეისტერის მეუღლეს კარგად ახსოვდა, რაც თქვა პერმა სახალხო დღესასწაულის შემდეგ, სადაც ისინი ერთად იყვნენ და ახლაც იმედი ჰქონდა, ისევ წამოვარო. პერს მართლაც უნდოდა დღესასწაულზე წასვლა, იმედოვნებდა, ერთხელ კიდევ ვნახავ ინგერსო. მაგრამ თავა ვერ აიძულებდა, სრული ფორმით მიეღო მონაწილეობა წირვა-ლოცვაში, ესე იგი, ფსალმუნების სიმღერით, „მამაო ჩვენოთი“ და მრევლის ლოცვა-კურთხევით. სწორედ წინა საღამოს მიიღო იაკობას წერილი და მისმა აღგზნებულმა ტონმა ხელახლა გაუცოცხლა გულში ეჭვები.

ყველანი რომ წავიდნენ, პერმა მეტიმეტრად ეუღლად იგრძნო თავი. ბაღში ინეტიალა, მესერის მახლობლად მიწაყრილზე ავიდა, იქ სკამზე ჩამოჯდა და ქვევით დაიწყო ცქერა.

ირგვლივ, ახლოდან თუ შორიდან, ზარების რეკვა ისმოდა. სიჩუმეში მათი ხმა შორ-შორს აღწევდა. ბესტრუპის ზარის ხმაც კი მოდიოდა აქ. ეს ზარი ამაოდ არ მოუწოდებდა ხალხს. გზაზე, კარმიდამოს გარს რომ უვლიდა, ერთმანეთის მიყოლებით გაიღვებდა ხოლმე კარგად ჩაცმული გლეხებით სავსე ოთხთვალები. ყველანი ბესტრუპში მიდიოდნენ. პერი მისჩერებოდა, ვიდრე ბორუპის ბორცვს მიეფარებოდნენ. ბოლო ოთხთვალამაც რომ გაიარა, მოეჩვენა, თითქოს მთელი

ოლქი, ამოწყდა, ყველა მცხოვრებმა ერთბაშად გადაინაცვლა სხვა ქვეყანაში, თვითონ კი მარტოლმარტო დარჩა აქ.

საკვირაო ფუსფუსი პერს ბავშვობაში ბევრჯერ ენახა, მაგრამ მას მერე მიაღიწყდა, რაც თავისი მომავალი სიმამრის ოჯახში მიიღეს და გაეცნო სამყაროს, სადაც ზარების რეკვა მხოლოდ ფუქი ხმა იყო. მაგრამ მაინც არ სურდა ახლა პერს, სკოვბაქენში ყოფილიყო. გული ემღვრებოდა, მხიარული, უკანასკნელ მოდაზე ჩაცმული მაღალი წრის ქალებისა და ბატონების ქრელი ბრბოს მოგონებაზე, კვირა დღეს ასე საღღესასწაულო ელფერს რომ აძლევდნენ თავიანთი იქ ყოფნით.

ზარები ერთმანეთის მიყოლებით ჩუმდებოდნენ. პერმა მარტოობა უფრო მწვავედ იგრძნო. საღდაც შორს ფორანი არახრახდა და ეს ხმა ისე დაუჯერებლად შეესმა ყურებში, თითქოს სხვა სამყაროდან მოეღწიოს. ასე ეგონა, უკვე მოვკვდი, ჩრდილთა სამეფოში ვარ და ჩემს საფლავზე ცოცხალ ადამიანთა ხმაური მესმისო.

ისევე გაახსენდა იაკობას წერილი. ახლა პერმა იცოდა, რა უნდა ეპასუხა. საკვირაო შუადღის საზეიმო ღუმილი იღგა, გლეხები საღღესასწაულოდ იყვნენ გამოწყობილები, ოთხთვალეები მოერთოთ. აბა რამდენი ათასი კაცი ტოვებდა ამ წუთს მშობლიურ კერას, რათა იმედით შევედრებოდა ეკლესიას, მხოლოდ მას ერთს შეუძლია გარდმოუყვლინოს ამ ხალხს ახალი ძალები, რათა შეეძლოთ განაგრძონ ყოველდღიური ბრძოლა არსებობისათვის, — სწორედ ეს არის თვით ცხოვრების ყველაზე დამაჯერებელი პასუხი იაკობასადმი. დაეუშვათ (ასე მისწერს პერი), ეკლესიას მართლაც აწევეს თავის სინდისზე მძიმე ცოდვები (უნდა ითქვას, რომ ისიც ასე ფიქრობს), მაგრამ განა მან ერთიორად არ გამოისყიდა მთელი თავისი ცოდვანი იმ სიკეთით, ადამიანებს რომ გაუწია? როგორც პასტორმა ბლომბერგმა მოსწრებულად თქვა თავისი საკვირაო ქადაგების დროს ტყეში, სკანდინავებს და საერთოდ გერმანელებს აქვთ განსაკუთრებული საფუძველი, პატივი დასდონ ქრისტიანულ რელიგიას, რადგან სწორედ მან გამოიყვანა ისინი ბარბაროსობის მდგომარეობიდან. მან, ასე ვთქვათ, აკვნიდანვე განსაზღვრა მათი სულიერი წყობა, ის იყო ამ ხალხისათვის, ხატოვნად რომ ვთქვათ, დედის რძე, სამუდამოდ რომ შეერია მათ სისხლში.

თუმცა, რა საჭიროა მთელი ეს ისტორიული ექსკურსი და დამოწმება. ჯერ კიდევ იმ ღამით, გემის ქიმიზე რომ იჯდა და დედის ცხელარს

აცილებდა, პერი მიხვდა, რომ ქრისტიანობა იყო ადამიანთა ძალის ნამდვილი წყარო, რაკი მან შესძლო და მისი მოხუცი ავადმყოფი დედა ასეთი უღრეკი სულით დააჯილდოვა. მაშინაც კი, თუ მშვენიერ ოცნებად ჩავთვლით, გვწამდეს ჩვენი ზეციური მამის გულმოწყალები მმართველობა, უნდა ვალიაოთ, რომ ათასეულ და კიდევ ათასეულ შემთხვევაში ამ რწმენამ უკვე შეასრულა თავისი დადებითი როლი კაცობრიობის საკეთილდღეოდ. მერე როგორ შეიძლება ამაში ეჭვის შეტანა? განა ის შესძლებდა, ამდენხანს შეენარჩუნებინა სიცოცხლის ნება და სასიცოცხლო ძალები იმქვეყნიურ მხარდაჭერის გარეშე? განა ჩვენი ყოველდღიურად არ ვგებულობთ ამბავს, რომ წინანდელი განდგომილნი ხელახლა უვარდებიან ფეხქვეშ ჩვენს ზეციურ ნუგეშისმცემელს?

წიგნებსა და ჟურნალებს შორის, რომლებითაც რეგულარულად ამარაგებდა პერს ჰოფეპერმეისტერის მეუღლე, ხელთ მოხვდა პოულ ბერგერის „იაკობის ბრძოლა“. პერს ბევრი რამ გაეგონა ამ წიგნზე ჯერ კიდევ კოპენჰაგენში, მაგრამ მისი წაკითხვა ვერ მოახერხა. ამ პოეზია-ადიარებამ, ასე ოსტატურად რომ იყო სტილიზებული ძველი აღთქმის ყაიდაზე, პერზე ძლიერი შთაბეჭდილება მოახდინა. ერთ-ერთ სომღერაში, სადაც ავტორი აშკარად გამოდიოდა ნათანის მიერ საზღვარგარეთადან შემოტანილი იდეოლოგიური მიმართულების წინააღმდეგ, ის ამ მიმართულებას გაზაფხულის წვიმას აღარებდა, რადგან გაზაფხულზე ნაწვიმარზე ბალახიც კი იზრდებოდა, რომელიც ნაყოფს არ ისხამს. მხოლოდ ეს არის, მწირ ქვიშიან შინდორს უხემოსავლიანად მოგაჩვენებს.

„და აი, დგება ზაფხულის გვალვა, ახლოვდება მოსავლის აღება სად ხართ თქვენ მაშინ, უფესვებო აღმონაცენებო, ყველა გზის გასწვრივ რომ იყავით გამწვარივებულნი, მიწას ნაირ-ნაირი საღებავებით რომ აფერადებდით და ადამიანს სამოთხისეულ სიკეთეს პირდებოდით? საკუთარმა ცარიელმა თავთავებმა გაგყიდეს. იგივე მზე, რომლის სხივებქვეშაც დიდებულად ხარობენ ჯანმრთელი ყლორტები, გაქცნობთ თქვენ; ჯერ კიდევ შემოდგომის დადგომამდე კარგა ხნით ადრე ქარიშხალი მიმოგაპნევთ, რადგან ცოდვილის ერთადერთი ჯილდო სიკვდილია, მაგრამ კეთილდღეობა ელის მას, ვინც გაზაფხულის აყვავებისას მორჩილებით ჩასწვდება ფესვებით მიწის წიაღს, სადაც მარადიული ცხოვრების წყარო მოსჩქეფს“.

სწორედ ამ სიტყვებმა გააოცა ყველაზე მეტად პერი, მან ისანი ზეპირადაც კი დაიხსომა. როცა პირველად წაიკითხა, მოეჩვენა, თითქოს საკუთარი საფლავის წარწერას კითხულობდა. სწორედ ასეთი სულიერი ჰკნობა აწუხებდა მას ამ ბოლო წლებში — ნელა და დაუბრუნებლად ეცლებოდა ძალა და ელეოდა უნარი, თუმცა თავის თავსაც არ უტყდებოდა ამავში.

„ამგვარად, მშვიდობით, უნაყოფოდ დახარჯულო დროვ, უდაბხო უკან დარჩა, ხეტიალის წლები დამთავრდა. ჩემი წინაპრების სამოთხის სავანე გამეღო; ქუჩის შუქით დაბრმავებული, ვედრებით და სინანულით ვიყრი მუხლს მის კართან“.

პერმა ხელებში ჩამალა სახე და რამდენიმე წუთს უძრავად იჯდა. თავს ეკითხებოდა: სიამაყის ყალბი გრძნობა ხომ არ მიშლის ხელს, ჩემს მამათა ღმერთს შევეურიგდეთ? იქნებ გამბედაობა არ ჰყოფნის ქედლი მოიხაროს ძალის წინაშე, ოდესღაც თვითონ რომ უარჰყო? მორჩილება ერთ-ერთი მძიმე ბიბლიურ სიტყვათაგანია, ამ სიტყვების უდიდეს მნიშვნელობაში ჩაწვდომას პერი მხოლოდ ახლა ახერხებს; იყო მორჩილი — აი, უდიდესი გამოცდა, აი, ზეცის მიერ დაწესებული ფასი სულიერი სიმშვიდისთვის.

პერმა თავი ასწია და ყური მიუგდო, ბერუბში ისევ რეკდა ხარი, ბერუბის ეკლესიამდე ორი კილომეტრი ძლივს იქნებოდა, მაშ კიდევ მიუსწრებდა ქადაგებას.

მეგრამ პერი მაინც აყოვნებდა, მერე წამოხტა და გაბედულად დაადგა გზას, ბაღს რომ გარს უვლიდა. მან მართლაც მოასწრო ეკლესიამდე მისვლა, ვიდრე პასტორი კათედრაზე ავიდოდა. ღია კარიდან სიმღერა ისმოდა. პერი ზღურბლზე შედგა და ყური მიუგდო. ისეთმა უცნაურმა მოკრძალებამ აიტანა, არ შეიძლებოდა ეს ღვთისმოსაობის გამო მოსვლოდა, უფრო ძნელად თუ დააბრალებდა ამას მორჩილებას. კარის სახელურზე ჩელჩაკივებული იღვა და არ იძროდა. ბოლო წუთში თავის თავზე დიდი ძალდატანება დასჭირდა. ბოლომდე უნდა ებრძოლა, რათა სავსებით და საბოლოოდ მოქცეულიყო.

პერი ბოლო სკამზე, კარის მახლობლად ჩამოჯდა; როგორც იქნა, ადგილი დაიკავა, ხოლო შეკრებილთ დაიკმაყოფილეს თავიანთი ცნობისმოყვარეობა — რამდენჯერმე გააპარეს თვალი მისკენ. მალე პერა მთლად დამშვიდდა.

თანაც აქ ისეთი ხალხი არ იყო შეკრებილი, ვის დანახვაზეც შეიძლებოდა აღელვებულყოფიერებას. თვით პასტორი საკურთხეველის წინ იდგა და ლაზათიანად იხოცდა ცხვირს, ამ მიზნით მან მრევლს ზურგი შეაქცია. მრევლი შედგებოდა ათიოდე გონებაჩლუნგი შესახედაობის მოხუცი ქალისა და მამაკაცისაგან. განსაკუთრებით ძუნწად იყო აქ წარმოდგენილი ძლიერი სქესი. სიმღერაც ვერ აათრთოლებდა კაცს მოკრძალებით. მხოლოდ რამდენიმე მოხუცი ქალი აკანკალებული ხმით აწვრილებდა ფსალმუნს. თვით ეკლესიაც დაბალი, სარდაფივით შენობა იყო. კედლებზე ნესტის ლაქები ეტყობოდა და ობი მოსდებოდა მწვანედ. პაერში თეთრას მომჟაო სუნი იდგა. პერის ცხვირწინ, პიუბიტრზე სქელ ფენად იდო კირის მტვერი.

აი, მღვდელი კათედრაზე ლურჯ ჩარდახქვეშ ავიდა და მხოლოდ ახლა მიხვდა პერი, რომ ყბადაღებულ პასტორ ფილიატრინგის ქადაგებაზე მოსულიყო. ეს გახლდათ წარმოსადეგი, ფერმკრთალი მამაკაცი, სწორი სახის ნაკვთები და ვერცხლისფერი, უკან სადაღ გადავარცხნილი თმა ჰქონდა. მის გარეგნობაში პერმა დემონური ვერაფერი შენიშნა. სუფთად გაპარსული სახე, ცოტა დიდი, მაგრამ ლამაზად მოხაზული პირი ჰქონდა, დიდრონი შავი თვალები. საერთო სასიამოვნო შთაბეჭდილებას აგვირგვინებდა ღირსებით სავსე წარმოსადეგი გარეგნობა და მტკიცე, დინჯი მიხრა-მოხრა; ეს იყო მხოლოდ, რომ ზოგჯერ პასტორს სახე უნებლიედ — და, ალბათ, მტკიცეხელად — ეღმიჭებოდა.

მოკლე შესავალი ლოცვის შემდეგ მან კათედრიდან სახარება აიღო, რომ საკვირაო ტექსტი წაეკითხა. ამ დროს პერი შენიშნა, გაჩუმდა და აშკარა გაკვირვებით შეათვალიერა, მერე კვლავ კითხვას შეუდგა.

ამას მოჰყვა ქადაგება, რომელიც თითქმის მთელ საათს გრძელდებოდა. ქადაგება წყლის ორი წვეთივით ჰგავდა ყველა სხვა კანონიკურ ქადაგებას, მასში ლაპარაკი იყო ცოდვაზე და მადლზე, გამოსყიდვაზე და ხელახლა ცოდვასა და ჯოჯობის სამუდამო ტანჯვაზე. პერი მოწყონილობით კვდებოდა. მთლად გაუფუჭდა გუნება. ახლა მისთვის ნათელი გახდა, რომ რაკი ბერუბოში არ წავიდა, შინ უნდა მჯდარიყო.

ამიტომაც ძალიან გაუხარდა, როცა წირვა დასასრულს მიუახლოვდა და მაშინვე გამოვიდა ეკლესიიდან. დარცხვენილმა, საკუთარ თავზე გაჯავრებულმა პერმა შინისკენ ფეხს აუჩქარა. ამგვარად, მისი პირველი

შესვლა ეკლესიაში ფრიად სავალალოდ დამთავრდა. პერმა თავს სიტყვა მისცა, არავისთვის არაფერი ეამბნა ამაზე.

მასპინძელთა დაბრუნებამდე დრო რომ მოეკლა, პერი მმართველთან ჩიბუხის მოსაწვევად გაეშურა. სოფლურ ჩვევათა შორის, პერმა კერს-ხოლმში რომ შეიძინა, გრძელტარიანი და დიდთავა ჩიბუხების გაბოლუ-ბაც გახლდათ: შეიძლება კაცმა ერთხელ დატენო და თითქმის ნახევარი დღე აბოლო. თავისი ჩიბუხი პერმა მმართველის ოთახში ჩამოკიდა და ხშირად შერბოდა იქ დღისით.

— მითხარით, რას უჩივით, კაცმა რომ თქვას, ბლომბერგს? — ჰკითხა პერმა, აქეთურ-იქითურზე საუბარს რომ მორჩინენ.

— მე?

— ღიან, თქვენ. მახსოვს, ერთხელ რაღაც ცუდს ამბობდით მასზე. მმართველმა აჩეჩილ წვერში ჩაიღიმა.

— არა, დმერთმა დამიფაროს ცუდი სიტყვის თქმისგან მათ უცოდ-ველ უწმინდესობაზე. ჯერ არ გავგიყებულვარ.

— მაგრამ, კარგად მახსოვს, რომ რაღაცას ამბობდით.

— ჰო, დიან, ალბათ ის თუ მიკვირდა, როგორ შეუძლია აიტანოს, რომ მისი მშობელი მამა შიმშილით კვდება.

— განა კიდეც ცოცხალი ჰყავს მამა?

— აბა რა, საღდაც ზელანდიაში ცხოვრობს მათხოვარზე უარესად. ტილები დასევია და მუნი მოსდებია, ეს არის და ეს; მე მგონია ბლომ-ბერგს ცოდვა არ გაუდიდდება, რომ მოხუცი თავისთან წამოიყვანოს და სიბერეში მოუაროს.

— არა, აქ რაღაც სხვა ამბავია. იქნებ ის კაცი ლოთია? ან იქნებ პასტორს ფული არ ყოფნის, რომ მამას დაეხმაროს?

— არა, არ შეიძლება ითქვას, თვითეული შილინგი დათვლილი აქვსო. კარგად იცის, სად შეიძლება გამორჩენა, როცა ფული ელევა. აქაური გლეხები ისე დასდევენ, როგორც პატარა ბავშვები დედას.

— მერე, როგორ უნდა გამორჩეს?

— სრულიად უბრალოდ, აი, შარშან დასჭირდა თავისი ეტლის გა-მოცვლა. ისროლა ანკესი, აღარ შემიძლია აქ. დარჩენა, შეილების გუ-ლისთვის უფრო მდიდარი მრეველი უნდა მოეძებნო. ხალხს ძალიან შეეშინდა; მორიგდნენ ერთმანეთში ისე, რომ ეტლისთვისაც ეყოთ ფუ-ლი და ცხენებისთვისაც. პასტორს კი მადლობაც არ უთქვამს. მიაჩნია,

რომ ასეც უნდა ყოფილიყო. იცით, რას უძახის მას პასტორი ფიალტრიინგი?

— არა, არ ვიცი.

— დიდ ვაჭარს.

— რატომ?

— თავადაც არ ვიცი, მაგრამ, ჩემის აზრით, ზედგამოჭრილი სახელი კი დაარქვა.

პერი დუმლით აყოლებდა თვალს თავის ყალიონის ბოლს.

— როგორ მოგწონთ მისი ქალიშვილი? — ჰკითხა მან მცირეოდენი პაუზის შემდეგ.

მმართველს კვლავ ჩაეცინა.

— მშვენიერი ქალიშვილი ჰყავს.

— მხოლოდ ეს არის?

— და ლამაზიც.

— ერთი სიტყვით, პირველი ხარისხისაა. ვგონებ, ეს თქვენი საყვარელი გამოთქმაა, არა?

— სწორი ხართ, მაგრამ მეტისმეტად მალა იწევს უკანა ნაწილს.

პერმა უნებლიედ შეიკრა წარბები. დღეს მმართველის ტონი აღიზიანებდა. ეს ყმაწვილი თურმე ანგარიშში არ მოტყუვდება და გაცილებით უფრო ავი კაცია, ვიდრე პირველი შეხედვით შეგიძლია ივარაუდო. პასტორ ბლომბერგს კი, როგორც ჩანს, ცილი დასწამა.

ამ დროს ეტლის თვლები კაკუნი გაისმა. პერი ადგა და ოთახიდან ისე გამოვიდა, მმართველს არც კი დამშვიდობებია.

ჰოფეჰერმეისტერის მუხლზე აღფრთოვანებული ელოდა პერს.

— ახ, ბატონო ჩიდენიუს, ბატონო სიდენიუს! რა ბევრი დაკარგეთ! პასტორმა ბლომბერგმა დღეს თავისთავს გადააჭარბა.

მაგრამ პერს უკვე აღარაფერი ესმოდა, რადგან ამ ქალის გვერდით ინგერს მოჰკრა თვალი და ისე დაიბნა და გაუხარდა, ყმაწვილივით გაწითლდა.

— ახლა კი სუფრასთან გთხოვთ! — მიიპატიჟა ჰოფეჰერმეისტერის მუხლემ და ინგერს წელზე მოხვია ხელი. ამ დროს მან პერს გადახედდა, თითქოს უნდოდა აეეჭვიანებინა, — ჩემი ქმარი უკვე სასადალო ოთახში გველოდება.

ამჯერად ინგერს, თავისი ჩვეულების საწინააღმდეგოდ, არაფრით არ უნდოდა კერსხოლმში წასვლა. იმ ყბადაღებული დღესასწაულის შემდეგ, ტყეში რომ გაიმართა, პასტორის მეუღლე ქალიშვილს მოელაპარაკა. დედა დაჟინებით აფრთხილებდა, პერთან ახლო ნაცნობობას ერიდეთ. მისთვის რომ არ ეწყენინებინა, ინგერი კერსხოლმში წასვლაზე დათანხმდა იმ პირობით, თუ მასპინძლები საღამომდე არ გააჩერებდნენ. გადაწყდა, რომ ბლომბერგები თვითონ შეუვლიდნენ ქალიშვილს ნასადილევს.

ინგერმა კერსხოლმის მონახულება პერს გამგზავრებამდე მხოლოდ ხელთათმანებას გულისთვის გადაწყვიტა: ვისიმე გაგზავნა მან ვერ გაბედა, ხოლო ხელთათმანების უკან დაბრუნება, რადაც არ უნდა დასჯდომოდა, უნდოდა. ქალიშვილი იტანჯებოდა იმის ფიქრით, რომ საიდუმლო გაუჩნდა ამ უცხო კაცთან და რომ მისი ნივთი ამ კაცს ჩაუვარდა ხელში; იქნებ სადმე მაგიდაზე გდია ახლა ჩემი ხელთათმანებო. ან სულაც ჭიბეში უღვევს პერს სუვენირივითო.

ნასაუზმევს, როგორც კი მარტონი დარჩნენ, ინგერმა ხელთათმანები მოსთხოვა.

პერმა მაშინვე არ უპასუხა. გუნებაში იმედი ჰქონდა, ინგერი ნებას მომცემს, ეს ძვირფასი საწინდარი სამახსოვროდ დავიტოვოო, მაგრამ ამის თქმას ვერ ბედავდა. ქალიშვილს მეტისმეტად სერიოზულად ეჭირა თავი და, როგორც აღრევე შენიშნა პერმა, მის გარეგნობაში იყო რაღაც ისეთი, ენაზე მომდგარი საალერსო სიტყვები პირზევე რომ შეეყინებოდა კაცს.

ამიტომაც პერმა ღუმლით დაუქნია თავი და ხელთათმანების მოსატანად წავიდა.

როცა დაბრუნდა, ინგერი ისევ მარტო დახვდა — ჰოფეჰერმეისტერის მეუღლე ნასაუზმევს მაშინვე საღლაც გაქრა. პერმა ამჯერად გაბედა და ქალიშვილს შესთავაზა, ცოტა გავისეირნოთ ბაღშიო. ინგერმა იფიქრა, იფიქრა და გადაწყვიტა, რომ უარის თქმა უზრდელობა იქნებოდა. მხოლოდ იმას ცდილობდა, აივანს არ მოშორებოდა, რომ ჰოფეჰერმეისტერის მეუღლეს დაბრუნებისთანავე დაენახა ისინი.

ნამდვილი მასლაათი მათ არ გაუბამთ. ორივენი თავიანთ ფიქრებში იყვნენ ჩაფლულნი. დღეს პერმა, როგორც კი დაინახა ინგერი, მაშინვე

მიხვდა, რომ უყვარდა ეს ქალი. ამიტომ გულჩათხრობილი იყო და ცოტა უხეშადაც კი ეჭირა თავი. ინგერი კი იმაზე ფიქრობდა, ეს რა მითხრა ჰოფეპერმეისტერის მეუღლემ გზაშიო. ქალმა უთხრა, ბატონი სიდენიუსი ამ ბოლო დღეებში ძალიან დაღვრემილია და ეს ამბავი, ალბათ, მის ბედუკუდმართ ნიშნობასთან არის დაკავშირებულიო. ინგერმა საუზმის დროსვე რამდენჯერმე მალულად თვალი შეავლო პერს და შენიშნა, რომ ის მართლაც ცუდად გამოიყურებოდა. გულის სიღრმეში ქალიშვილს კიდევაც შეეცოდა პერი. მას იმაზე უარესი ვერ წარმოედგინა, ვიდრე ისეთ კაცთან დაკავშირება, ვინც არა თუ არ გიყვარს, პატივსაც კი არ სცემ.

— იქნებ მინდორში უფრო გრილოდეს? — ჰკითხა პერმა და ბაღის პატარა კიშკართან შეჩერდა. — დღეს ხეებქვეშ ძალიან შეხუთული ჰაერია, კლოებიც გაწუხებენ როგორც ვხედავ.

პერი მართლაც ამბობდა და ინგერმა საწინააღმდეგო ვერა უთხრა რა. მან ხელი ჩაიქნია ჰოფეპერმეისტერის მეუღლეზე, უკეთ რომ ვთქვათ, უბრალოდ, აღარც კი აგონდებოდა. ამასთან, პერმა ისე ძალდაუტანებლად და ცივი თავაზიანობით გააღო კიშკარი და წინ გაატარა ქალიშვილი, ინგერმა უარი ველარ შეკადრა.

გავიდნენ პატარა მინდორზე, დამრეცად რომ ეშვებოდა ველზე. ამოვარდა ქარი და მტვრის კორიანტელი დააყენა. ღრუბლები გაიფანტა, მაგრამ ჰაერი კვლავ ჩახუთული და მძიმე იყო.

— ხომ არ დაიღალეთ? — ჰკითხა პერმა — თუ გინდათ, დაეჯდეთ. ბალახი მთლად მშრალია და აქ ნიავეი მაინც უბერავს.

ინგერმა იგრძნო, რომ მართლაც დაღლილიყო, ამიტომაც, ცოტა ყოყმანის მერე ფერდობზე ჩამოჯდა, ხოლო ფეხები გულმოდგინედ შემალა ქვედატანის ქვეშ.

ამ სიმორცხვემ პერზე ისე იმოქმედა, როგორც ქარის დაბერვამ, პატარა აღს ხანძრად რომ აქცევს. მხოლოდ ახლა მიხვდა ყმაწვილი კაცი, რა ძლიერი იყო მისი გრძნობა, რა ღრმად ჩაბეჭდოდა გულში ინგერის წმინდა სახე. ინგერი ჩაფიქრებული ღეჭდა ბალახს და ველს დასცქეროდა. მან ჩამოუშვა თავისი დიდი ჩალის შლიაპის მოქნილი ფარფლები და ყურებზე ისე მიიჭყლიტა, თავსაბურსავით მოიხვია, რომ შლიაპა ქარს არ მოეტაცა, თანაც მშვენივრად იცოდა, რომ ასე დახურული შლიაპა უხდებოდა. მამამისმა ერთხელ ზუმრობით უთხრა, ამ შლიაპასთან მხოლოდ ყვავილებით მოწნული კვერთხი და პატარა კრა-

ვილა გაკლია სადავით და მწყემსი გოგოს ტანსაცმელში გამოწყობილი ნამდვილი პრინცესა იქნებოდიო.

ამგვარი ქათინაურები ინგერს არ ავიწყლებოდა.

პერი შორიახლო ჩამოჰდა. განგებ აიძულებდა თავს, სხვა მხარეს ეტკირა.

„დიახ, დროა გავემგზავრო, — უთხრა მან თავის თავს, — და რაც უფრო მალე გავემგზავრები, მით უკეთესია. არ ღირს თავის გამასხრება და ამ პატიოსანი ხალხის წინაშე ცალმხრივი სიყვარულის მსხვერპლის წარმოსახვა“.

როგორც კი დასხდნენ, საუბარიც გაუწყდათ. ეს სულაც არ მომხდარა იმის გამო, რომ პერთან მარტო დარჩენისას ინგერს შეეშინდა. ქალიშვილს სინდისის ქენჯნა დიდი ხანია აღარ აწუხებდა, ხოლო დედის გაფრთხილება რომ მოაგონებოდა, სწყინდა კიდევაც პერის მაგიერ — ყმაწვილ კაცს თავი ისე თავაზიანად ეპირა, ვერ დაძრახავდი. მაგრამ ქალს თავისი მდგომარეობა ისე სარისკოდ ეჩვენებოდა, ასე ეგონა, მიწა მეცლება ფეხქვეშო.

პერმა დაუწყო მოყოლა, როგორ შემოიარა მთელი ქვეყანა. როცა არ იცოდა რაზე ელაპარაკა, ეს თემა ხშირად შველოდა, მაგრამ ინგერი არ უსმენდა, მას ახლავდა გაახსენდა ჰოფეჰერმეისტერის მეუღლის სიტყვები: ქალი უმტკიცებდა, პერი ფრიალ ქალებისმოყვარული ახალგაზრდაა და ამ გატაცებამ დიდად ავნოო. ინგერმა ჰოფეჰერმეისტერის მეუღლის სიტყვები თავისებურად განმარტა. მან გადაწყვიტა, რომ პერის საცოლე მარტო მდიდარი კი არა, ლამაზიც არის, თუმცა, ჰოფეჰერმეისტერის მეუღლესთან საუბრამდეც ასე ფიქრობდა. თვითაც არ იცოდა რატომ, მაგრამ ვერ წარმოედგინა, რომ პერს შეეძლო მხოლოდ ფულის ხათრით შეერთო ცოლი.

პერმა კვლავ მალულად გააპარა ინგერისკენ თვალი. ქალიშვილი კვლავ ბალახს ღეჭდა და ყვავილებით დაფარულ ველს დასცქეროდა. ოდნავ წინ წახრალიყო და ცალი მუხლიც ოდნავ ზემოთ აეწია, რომ ხელით ზედ დაყრდნობოდა. მზე სახეში აჰყვებდა და თვალებს ჭურბავდა.

— თავი ხომ არ მოგაბეზრეთ? — ჰკითხა პერმა მცირე ხნის ღუმი-ლის შემდეგ.

მისი ხმის გაგონებაზე ინგერი ოდნავ შეკრთა და გაწითლდა.

ამ დროს ორივემ გაიგონა, რომ ეზოში ეტლი შემოვიდა.

— იმედია. თქვენს წააყვანად არ მოსულან? --- შეეშინდა პერს.

— ცხადია, ჩემს წააყვანად მოვიღენენ. --- მიუგო ქალმა და ადგა. ---
წასვლის დროა.

თუმცა მაინცდამაინც არ აჩქარებულა. კიშკართან ლამაზი გვირილე-
ბი შენიშნა და თაიგულის შეკვრას შეუდგა.

ყმაწვილი ქალის ამ ქცევაში ფარულად დედის გამოწვევაც იყო, მა-
გრამ უწინარეს ყოვლისა ასე იმიტომ იქცეოდა, რომ წესიერი ხასიათი-
სა იყო: რაკი თავს სულაც არ გრძნობდა დამნაშავედ, არ უნდოდა
მშობლებისაგან დაემალა, თუ ვისთან სეირნობდა.

პერი არ გაპყვა ქალიშვილს. ახლა სულაც არ იყო მასლაათის ხასი-
ათზე, აივანთან ისინი ერთმანეთს გამოეთხოვენ და ყმაწვილი კაცი
ცალკე შესასვლელით თავის ოთახში შევრდა.

აქ პერმა დაიწყო ბოლთის ცემა, რომ აზრი მოეკრიბა და ცოტა
დამშვიდებულყო. სასწრაფოდ უნდა გაემგზავროს, მაგრამ სად? განა
იშის შემდეგ. რაც მოხდა, შეიძლება იაკობასთან დაბრუნება? განა პერი,
როგორც პატიოსანი კაცი, ვალდებული არ არის პარდაპირ უთხრას
იაკობას, რომ სხვა შეუყვარდა? მერე რაღა იქნება?

აქვს თუ არა პერს უფლება, გაწყვიტოს ურთიერთობა იაკობასა და
მთელ მის ოჯახთან? მას ხომ ფული სჭირდება, უფრო მეტიც, ვიდრე
სჭირდებოდა. დაე ისინი ათვალწუნებული, ქუჭკიანნი და საძაგლები იყე-
ნენ — სულ ერთია. აქაური მასპინძლებისაგან სესხებას პერი აღარ
აპირებდა. თუმცა აშკარად არ უთხოვია მათთვის, ფული მათეხებოთ,
მაგრამ გამწარებულმა ერთხელ ისე გადაუკრა სიტყვა თავის უფულო-
ბაზე, პოფეპერმეისტერი, რომ ნდომოდა, გაიგებდა.

პერი ფანჯარასთან მივიდა. ზურგზე ხელებშემოწყობილი მისჩერე-
ბოდა, როგორ თამაშობდა მზის სხივი წაბლის სქელ და მუქ ფოთ-
ლებში.

ასე თუ ისე, პერი ვალდებულია კოპენჰაგენში დაბრუნდეს. კარგი,
ეთქვათ, დაბრუნდა, მაგრამ მხოლოდ ახლა მიხვდა, რომ იქ მის ურთი-
ერთობას იაკობასთან სხვა საშიშროება მოელოს. კოპენჰაგენში პერი
ხელახლა შეხვდება ნანის და ვინ იცის, რით დამთავრდება ეს შეხვედრა.
აქ, კერასლომში, იშვიათად თუ მოაგონდებოდა ნანი, მაგრამ დავიწყებით
მაინც არ დავიწყებია. ბევრჯერ გამოლვიძებია შულამისას ფრიად გა-
საგები სიზმრებისაგან და, თავისდა სამარცხვინოდ, მუდამ აღმოჩნდე-
პოდა ხოლმე, რომ სწორედ ნანის ხვეწა დაესაზმრა.

ჰერ კიდევ სისხლს უმღვრევდა კოცნა, ნანიმ რომ აჩუქა მამინ ნამდვილი მსუბუქი ყოფაქცევის ქალივით და პირობას ვერ მისცემდა თავს, რომ მომავალში შევძლებ თავის შეკავებასო. როცა წარმოიდგენდა, როგორ გამოემართებოდა მის შესაგებებლად ნანი თავისი ულამაზო, ბაჯბაჯა სიარულით, გვერდების გამომწვევად, დედაკაცური ქნევით, და მაცდური ღიმილით, როგორ აღმაცერად მიაჩერდებოდა თავის აღერსზე უფრო ურცხვი გამოხედვით, — ყოველივე ამას რომ წარმოიდგენდა, პერს ნანის აბრეშუმის ქვედატანების შრიალი ესმოდა ყურში და ეჩვენებოდა, თითქოს ეს ქსოვილი კადნიერი გულახდილობით ჩასჩურჩულებდა, სწორედ აქ უნდა ეძებო იმ ახალი სიყვარულის დავიწყება, რომლის აღიარებას ვერასოდეს გაბედავო.

პერმა თვალებზე ხელი აიფარა. თვალწინ მოჩვენება აესახა: მომავალი დღეები შავი ტალღებით მოიწვევენ აქეთ და, აქაფებულნი, მის თავზე იყრიან თავს...

პერი ფანჯარას მოშორდა და ხელახლა შეუდგა ნაბიჯებით ოთახის გაზომვას — წინ და უკან, წინ და უკან. ხელები ისევ ზურგზე შემოიწყყო, თავი დახარა — დადლილ, წელშიმოხრილ. სევდიან საგნად იქცა.

მაგიდაზე გადაშლილი წიგნი იდო. ეს იყო პოულ ბერგერის პოემა. წიგნი, რომელსაც პერი ახლა ხშირად კითხულობდა მძიმე წუთებში, რადგან. ეჩვენებოდა, რომ მას ყოველთვის შეეძლო გაერკვია, რა ხდებოდა მის თავს. პერმა აიღო წიგნი, დიდ სავარძელში ჩაეშვა და დანიშნულ ადგილზე გადაშალა.

„მე ვგავარ მშვიერს, საკმელს რომ გაუბრის, ავადმყოფს, მკურნალს რომ არ უხმობს. შეხედე, უკვე მოსალამოვდა და ყველა ქარი ჩადგა, მაგრამ ჩემი გული კვლავ ვერ დამშვიდებულა.“

მე ვზივარ მწვერვალზე და ვუყურებ, რა ნელა ეშვება მზე ზღვაში. ოქროს საათივით ჩამოეკიდა იგი ლურჯი ცის თაღს და ჰაერი გავისო მისი რეკვით. გესმის, არა, რეკვა ციდან? ეს საათების რეკვა კი არ არის, ანგელოზები მღერიან! მაშ რად არ ვიხრი თავს? რად არ დამიკრებია ხელები სალოცავად? რად არ მოვიყრი მუხლს, რად არ მოვუხმობ: „მამაო!“? იმიტომ, რომ არ ვიცი ლოცვა. და მანც მჭერა, არა. მჭერა კი არა, მტკიცედ ვიცი, რადგან ჩემმა სულმა მიკარნახა ეს, — ვიცი, რომ მხოლოდ ღმერთს შეუძლია ნუგეში მაჩუქოს. თუ შენ ხელავ, როგორ უსიხარულოდ და უნაყოფოდ ჰქნება შენი სიცოცხლე; ის — და

მხოლოდ ის მიანიჭებს მას ნაყოფიერებას. თუ შენ გულდაწურული
ოხრავ, ის—და მხოლოდ ის—გამოგასხამს მსუბუქ ფრთებად შენს მძიმე
ულელს მხრებზე“.

* * *

ბლომბერგებს არ ჰქონდათ განზრახული კერსხოლმში დიდხანს
დარჩენა, მაგრამ ჰოფეჰერმეისტერის მეუღლემ ადვილად მოახერხა და-
ეთანხმებინა სტუმრები, რომ ესადილათ. სადილობამდე მთელი კომპა-
ნია მინდორში წავიდა პურის ნათესების დასათვალიერებლად. ინგერიც
წაპყვა მათ და, ჩვეულების წინააღმდეგ, ერთი ნაბიჯითაც არ შორდე-
ბოლა დედას.

პერი სულ არ გამოჩენილა, არც პასტორს არც მის მეუღლეს არ
მოუკითხავთ ის.

მაგრამ არც მისი არსებობა დავიწყებიათ. იმან, რომ პერს კერსხოლ-
მში, ცოტა არ იყოს, გაუგრძელდა სტუმრობა, უკვე ატუნა ოლქში
ნაირ-ნაირი ჭორები. დადიოდა ხმები, თითქოს ამ ახალგაზრდამ დიდი
უფლებები მოიპოვა კერსხოლმის ბატონებზე — არა მარტო ორივე მან-
დილოსანზე, არამედ თვით ჰოფეჰერმეისტერზეც.

ამ ჭორებში ჭეშმარიტებაც ერია. საქმე ასე გახლდათ:

ჰოფეჰერმეისტერი მრავალი წლის განმავლობაში წვალობდა ბორც-
ვებს შორის მდებარე მისი მიწის მოზრდილი ნაწილის დაჭაობიანებუ-
ლი დაბლობის ამოშრობაზე. ერთხელ ნასადილევეს ყავაზე მან თავისი
გეგმები პერსაც გაუზიარა და უთხრა, დროა სერიოზულად მოკვიდოთ
ხელი საქმეს, მინდა მიწისმზომელი გამოვიძახო, რათა ნაკვეთი მოვნიშ-
ნო და საჭირო გაანგარიშებანი ვაწარმოო. ხანგრძლივი უსაქმობით
მოდლილმა პერმა, რომელსაც ამავე დროს სურდა რითიმე მადლობა
გადაეხადა მათი სტუმართმოყვარეობისათვის, თავისი სამსახური შეს-
თავაზა, ხოლო ჰოფეჰერმეისტერმა, —სულით ნამდვილმა გლახმა—რაკი
უყვარდა, სადაც შეიძლებოდა, მუქთად გამოსულიყო, განსაკუთრებით
მაშინ, როცა გროშებზე იყო ლაპარაკი, სიამოვნებით მიიღო მისი წი-
ნადადება.

საჭირო მიწის საზომი ხელსაწყო აღმოაჩნდათ და რაღაც ორი-სამი
დღის განმავლობაში საკმაოდ დიდი გაანგარიშებანი გააკეთეს.

მაგრამ მუშაობის დროს პერს ახალი იდეა დაებადა: რა იქნება
მთლად გადავგეგმო წყლით მომარაგება არა მარტო კერსხოლმის მი-

წებზე, არამედ მთელ ოლქში, რაც რამდენიმე ათას დესეტინას შეადგენსო. ნახევრად ხუმრობით, ნახევრად სერიოზულად — გულში იმას ფიქრობდა, ამ საბაბით შეიძლება ფულიც დავესესხო (თუმცა აქედან არაფერი არ გამოვიდა)—პერმა ერთ ზალამოს თავისი ჩანაფიქრი ჰოფე-ჰერმეისტერს გაანდო, ხოლო ის, თუმცა დიდად მოსაზრებული კაცი არ გახლდათ, მაინც მიხვდა, რა სიკეთესაც პირუბოდა ამ გეგმების განხორციელება. იმ დაუშრეტელი გამომგონებლობის წყალობით, პერის ნიჭიერების ყველაზე უფრო ბრწყინვალე მხარეს რომ წარმოადგენდა და აღმაფრენის წუთებში ჰემმარიტი გენიოსის ძალას ანიჭებდა, პერმა გაიანგარიშა, როგორ შეიძლებოდა ეშმაკურად ჩაფიქრებული „მდინარის, კალაპორტის გადაგემვის“ დახმარებით რამდენიმე დღეში ნიადაგქვეშა წყლების დონის დაქვეითება და ამით შედარებით მცირე ხარჯით, უვარგისი, დაჭაობებული დიდი მიწის ნაკვეთების აყვავებულ, ნაყოფიერო ყანებად ქცევა.

წმინდა მეწვრილმანური ეშმაკობით ჰოფეჰერმეისტერმა პირველად თავი ისე დაიჭირა, თითქოს ამ იდეაში სახარბიელოს ვერაფერს ხედავდა, მაგრამ სინამდვილეში ისე გაიტაცა ამან, რომ საღამოობით ახლა დიდხანს ვეღარ იძინებდა. რაც მეტს ფიქრობდა პროექტზე, მით უფრო ნათელი ხდებოდა მისთვის, რა დიდს ნიშნავდა ეს პროექტი არა მარტო კერსხოლმისთვის, არამედ მთელი ოლქისთვისაც. ყველაფერზე მეტად მას იმის ფიქრი აამებდა, რომ სწორედ ასეთივე იდეა — ახლა ის ამაში სრულიად დარწმუნებული იყო — მოუვიდა ოდესღაც თავში თავად მასაც, ისე რომ, აღმოჩენის პატივი შეეძლო სრული უფლებით თავის თავისთვის მიეწერა.

ზუსტად ექვსზე, წუთის გადაუცილებლად, გონგმა სადილად უხმო მათ. თუ არად ჩავთვლით ამ პუნქტუალობას, აქაურ სადილებსაც დაუდევრობის ის დიდი ესვათ, რაც კერსხოლმის მთელ ცხოვრებას. კვირადღისა და იმის მიუხედავად, რომ სტუმრები ჰყავდათ, სუფრაზე დაააჯღომად გამოსულ მასპინძელს თავისი სანადირო ქურთუკი და თითქმის ყელამდე შებნეული ჟილეტი ეცვა. მის მეუღლეს, თუმცა ნაოჭასხმული აბრეშუმის კაბები ეცვა და ზედ მრავალი არშია და ბაფთიცი მოეკერებინა, მაინც ყველა მიხვდებოდა, რომ ქალი ძველ საგარეო კაბას შინ იმიტომ ატარებდა, აქაოდა, გავცვითოო. არც მაგიდა იყო გაწყობილი ფუფუნებით და არც სუფრა ბრწყინავდა სისუფთავით. მაგიდაზე ერ-

თადერთი ყვავილებიანი ლარნაკი იდგა და იაფფასიანი ჭურჭელი ელაგა.

პირველი თავი კერძის დროს ჰოფეპერმეისტერი ძალიან ცოტას ლაპარაკობდა, სამაგიეროდ დიდი გულმოდგინებით ილუქმებოდა და სვამდა. გარდა ამისა, ერთი მიაშიტური თავშესაქცევიც მოიფიქრა თავისთვის: როგორც კი ბლომბერგი გაერთობოდა, მაშინვე ვერაგულად უმატებდა ღვინოს მის ჭიქაში. ეს იმით დამთავრდა, რომ ორივეს ჩირაღდნებით აენტოთ სახეები, ხოლო როცა თავად ბარონესაც, აბსოლუტურ თავშეკავებას რომ ქადაგებდა ხოლმე, მაგრამ ჯერ კიდევ სადილობამდე კარგა ხნით ადრე საექვოდ კი წამოწითლებულიყო სახის მათეთრებლის სქელი ფენის ქვეშ, — ერთი სიტყვით, როცა თვით ბარონესაც, „მოექცა შეგონების გავლენას ქვეშ“ და რამდენიმე ჭიქა შერი გამოცალა, საუბარი მაგიდასთან ფრიად გამოცოცხლდა.

ამ გამოცოცხლებით პერს არავინ უშლიდა, თავის სევდისმომგვრელ ფიქრებს მისცემოდა. მხოლოდ ინგერმა შენიშნა, რომ პერი უცნაურად დაბნეული იყო. ინგერს (თუმცა სულაც არ სურდა) შეხვდა პერის გვერდით ადგილი და იძულებული გახდა მხოლოდ პერის საზოგადოებას დაჭერებულიყო, რადგან მეორე გვერდით მამა უჯდა.

მაგიდის მეორე მხარეზე დედა იჯდა და ჩუმ-ჩუმად ადევნებდა თვალყურს თავის ქალიშვილს და პერს. სანამ ქმრის მიერ ატეხილმა მხიარულებამ არ აიძულა, დაკვირვების ობიექტი შეეცვალა.

პერის დაბნეულობა ინგერს ძალიან ართობდა. ქალიშვილი, რა თქმა უნდა, ვერც კი ხვდებოდა, რად მოიღუშა უეცრად პერი და წმინდა ბავშვური გულუბრყვილობით ერთობოდა, როცა ხედავდა, როგორ უჭირდა ყმაწვილ კაცს აზრის მოკრება სულ უბრალო თხოვნაზე, ვთქვათ, სამარტივ მომაწოდე, ან კიდევ — ლაბიანი თეფში გამომართვიო. სადილობას რომ შეუდგნენ, ინგერი ძალიან მხიარულად იყო და ზედა ტუჩზე ენის წვერს ისვამდა წამდაუწუმ: ღიმილის დროს მუდამ ასე იცოდა ხოლმე.

მერე ქალიშვილს აზრად მოუვიდა, ალბათ პერმა ამ ხნის განმავლობაში, რაც ერთმანეთი არ უნახავთ, რაიმე უსიამოვნო ცნობა, იქნებ წერილიც კი მიიღო საცოლესგანო. ეს რომ გაიფიქრა, ენის წვერ კარგა ხნით დამალა.

უეცრად, ის იყო სადილს უნდა მორჩენოდნენ, რომ პერმა ყველას გასაოცრად, თავისი ჭიქა ააწყარუნა და წუთით დამსწრეთა ყურადღება

მოითხოვა: მე მინდა ვისარგებლო შემთხვევით და მადლობა გადავუხადო მასპინძლებს იმ სტუმართმოყვარეობისათვის, რომლითაც ასე დიდხანს, ძალიან დიდხანს ვტკბებოდი აქ, კერსხოლმშიო.

— ნუთუ წასვლას აპირებთ? — შიშით წამოიძახა ჰოფეჰერმეისტერის მეუღლემ და თვალი შეავლო ინგერს.

— არ მინდა, მაგრამ რას ვიზამ! ბოლოს და ბოლოს, ხომ უნდა წავიდე იქ, საითაც მოვალეობა მიხმობს, — ატლანტის ოკეანის მეორე ნაპირზე. გარდა ამისა, ისედაც თავაზიან მასპინძელთა მოთმინება ძალიან დიდხანს გამოვიყენე ბოროტად.

— რა სისულელეა! როგორ არ გრცხვენიათ! არადაც არ წახვალთ! — აღელდა ჰოფეჰერმეისტერის მეუღლე. ღვინით გაბრუებული ქმარიც ექოსავით აძლევდა ბანს.

პერმა მსუბუქი თავის დაკვრით მადლობა გადაუხადა მათ და განაგრძო:

— თუმცა ძალიან მიჭირს კერსხოლმის დატოვება, ჩემთვის რომ მშობლიურ სახლად იქცა, მაინც უნდა გამოვეთხოვო მას. მაგრამ არ შემიძლია ისე წავიდე, თუ გამგზავრების წინ არ განვაცხადე, რომ კერსხოლმიდან მიმაქვს ჩემთვის ყველაზე ძვირფასი მოგონებები, და — თუ ნებას დამრთავენ — მინდა დიდი მადლობა გადავუხადო ბესტრუპელ პასტორსაც. ნება მიბოძეთ, ბატონო ბლომბერგ, სულით და გულით გითხრათ მადლობა თქვენი ფრიალ ჰკუსის სასწავლებელი საუბრებისთვის! მე აქ დაწვრილებით არ მოგიყვებით, რა დიდი მნიშვნელობა ჰქონდა ამ საუბრებს ჩემთვის, მაგრამ გჯეროდეთ, არასოდეს არ დავივიწყებ ამას.

პერის თავაზიანობის მიუხედავად, ჰოფეჰერმეისტერის მეუღლე ძალიან აღელდა. არა, საქმის ასეთ დაბოლოებაზე სულაც არ უოცნებოა მას. ყველაფერი უნდა იღონოს, რომ არსად არ გაუშვას პერი. კიდევ მოელაპარაკება ცალკე. ხელიდან არ გაუშვებს შემთხვევას, დატკბება ბლომბერგის მოძღვრების ზეიმით, ასე დიდხანს და ასე გულმოდგინედ რომ ამზადებდა. მხოლოდ მაშინ დაკმაყოფილდება, პერის სრულ მოქცევას თუ მოახერხებს.

ხოლო ჯილდო პერის მოქცევისთვის მას უკვე მზადა აქვს — ამის გაფიქრებაზე ჰოფეჰერმეისტერის მეუღლემ ნაზად შეხედა ინგერს.

პერის სადღეგრძელომ პასტორის ოჯახზე ძალიან სასიამოვნო შთაბეჭდილება მოახდინა. პასტორის შეუღლებული მეუღლეც კი მოღბა.

ახლა, რაკი იცოდა, სულ ერთია, პერი მალე წავიდოდა, უნებლიედ უფრო გულმოწყალე გახდა მისდამი.

ინგერს შეეშინდა, როცა პერი ადგა. „ნეტავ რა მოხდა?“ — გაიფიქრა ქალიშვილმა. პერი რომ პირქუშად ჩაფიქრებული იჯდა, ამან თანდათან შეაწუხა, რა მოაპყენებს ალბათ ადამიანს, ვინც გატენილი ზარბაზნის გვერდით დგას. როცა ინგერი მიხვდა, რომ პერს სადღეგრძელოს თქმა უნდოდა, გულზე მოეშვა, რადგან მისი აზრით, ამით აიხსნებოდა სწორედ, თუ რატომ იჯდა პერი სუფრაზე ისე, თითქოს ფიქრით სხვაგან იყო. მაგრამ მალე ახალი საშფოთაფი გაუჩნდა. როგორც კი პერმა ლაპარაკი დაიწყო, ინგერი ძალიან აღელდა, შეშინდა, ზედმეტი რამ არ წამოსცდენოდა, მაგრამ რაკი შენიშნა, თუ პერი რა გემოვნებით და ტაქტიკით არჩევდა თვითეულ სიტყვას, შევებით ამოისუნთქა.

თვით პერის განცხადებაც ინგერს მოულოდნელი არ ეჩვენა. დიდი ხანია იცოდა, რომ დღეს თუ არა ხვალ ყმაწვილი კაცი უნდა წასულიყო. მაგრამ ახლა ინგერი საბოლოოდ დარწმუნდა თავის ადრინდელ ვარაუდში: უეჭველად წერილი მიიღო საცოლესგან და სწორედ ამან აიძულა წასასვლელად აჩქარებულიყო. იქნებ ისიც კი მოსწერეს. დაუყოვნებლივ დაბრუნდი კოპენჰაგენშიო. ეს ებრაელის ქალი, ალბათ, ისე ატრიალებს, როგორც სურს. საბრალო, საბრალო პერი! რომ შეხედავ კაცი, ვერაფრით ვერ იტყვი, რომ გაგიყვებით უნდა თავის საცოლეს ნახვა. ინგერს ისე შეებრალა ყმაწვილი კაცი, კინაღამ აცრემლდა. თუმცა, მეორეს მხრივ გაუგებარია, როგორ შეეძლო ასე შეეკრა თავისთვის ხელ-ფეხი, თუ იცოდა, რომ დარღის მეტს ეს არაფერს მოუტანდა. აქ შეიძლება მხოლოდ ერთი მიზეზი იყოს. მისი საცოლე არა მარტო ლამაზია და მდიდარი, არამედ შეუძლია მამაკაცების ისევე მოხიბვლაც, როგორც ეს მათნაირ ქალებს ეხერხებათ. ჰოფეპერმისტერის მეუღლე ერთხელ ყვებოდა, პერი ამ ქალს თავისი სურვილის გარეშე დაუკავშირდაო. ადვილი შესაძლებელია, პერი ხომ ასეთი მიმნდობია!

მერე სტუმრებმა მადლობა გადაუხადეს დიასახლისს, მან თქვა: „ღმერთმა შეგარგოთო“ და ყველანი სუფრიდან აიშალნენ.

პერმა ცერემონიულად დახარა თავი ინგერის წინაშე; ყმაწვილმა ქალმა კი საპასუხოდ დაუდევრად დაუკრა თავი. მაგრამ უეცრად კისერზე მოეხვია მამას და, არასოდეს არ უქნია ეს, ყველას თანდასწრებით, მაგრად ჩაკოცნა.

ნასადილევს საერთო სიმხიარულეში ამ მოულოდნელმა ქალიშვილური სინაზის გამოვლენამ შეუმჩნევლად ჩაიარა. მამამ გულთბილად მოუთათუნა თმაზე ხელი და უთხრა: „ჰო, ჩემო გოგო!“ მხოლოდ პერს ჩასწყდა გული და რამდენიმე წამით თვალთ დაუბნელდა.

აქამდე წამათაც ვერ ბედავდა გაეფიქრა, რომ შეიძლებოდა სიყვარულის იმედი ჰქონოდა. ინგერის მოულოდნელმა ქცევამ გაურკვეველად ამედები გაუღვიძა და უეცრად გააღო მის წინაშე სამოთხისა და ჯოჯოხეთის კარიც.

ბალში ყავისთვის სუფრა გაშალეს, მაგრამ საქმე ისე შეტრიალდა, პასტორის ოჯახი იძულებული იყო წასვლა დაეჩქარებინა. ჰოფეპერმეისტერმა, საუბედუროდ, კონიაკისა და ლიქიორის მიტანა ბრძანა და თუმცა პასტორმა, თავისდა საწყენად, შენიშნა, რომ ისედაც ზომავზე მეტი გადაეკრა და გადაჭრით უარზე იყო ღვინის დაღევაზე, ჰოფეპერმეისტერმა მაინც შეუვსო ორივე სიარჩა და ბლომბერგს ვერაგულად დაუდო სინზე. ცოტა ხნის შემდეგ მან დაინახა, რომ სირჩები ცარიელი იყო და სიხარულით კინაღამ ჩაიფრუტუნა. სიმთვრალით ვერ შენიშნა, რომ ლაპარაკში გართულმა თავად დალია ერთიც და მეორეც. ჰოფეპერმეისტერი ისე აღფრთოვანდა, თავი ვერ შეიკავა და ხმამაღლა ჩაიხითხითა, უფერული თვალეებით გაჭირვებით ეძებდა პერს, რათა ასეთი ტრიუმფის თანამგრძნობი მოწმე ეშოვნა. მაგრამ პერს თავისი ჭიჭისათვის პირიც არ დაეკარებინა, ვერაფერს ხედავდა და არც არაფერი ესმოდა.

ბლომბერგმა ცხენების შებმა ბრძანა და ჰოფეპერმეისტერის მეუღლემ, რომელიც გულმოკლული იყო თავისი ქმრის საქციელით და იცოდა, რითაც დამთავრდებოდა ყოველივე, აღარ დააკავა სტუმრები. პასტორი ნამდვილად გაბრაზდა. თუ არ შეიმჩნია, მხოლოდ იმიტომ, რომ ერთხელ და სამუდამოდ წესად დასდო არ შეემჩნია ზოგიერთი ხარვეზი ჰოფეპერმეისტერის მორალურ სახეში. ჰოფეპერმეისტერის მეუღლის ხათრით იქცეოდა ასე და იმიტომაც, რომ ფხიზელი და ანგარიშიანი კაცი იყო და არ შეეძლო არ სცოდნოდა, რა დიდი მნიშვნელობა ჰქონდა მისთვის, თუ მრევლი კერსხომელ ბატონთა საიკეთის განგებად მას მიიჩნევა.

მსახურმა მოახსენა, ეტლი მორთმეულიაო.

სუფრიდან ჭერ ქალები ადგნენ. ინგერმა უარი თქვა ყავაზე. ის ბალში შევიდა, დედას უთხრა, ოთხფურცლიანი სამყურის პოვნა მინდაო.

სინამდვილეში კი არავისთან ლაპარაკი არ სურდა და ველარ ითმენდა, ისე ელოდა წასვლას.

თუმცა პერმა ჩასვა ეტლში, ინგერს არც შეუხედავს მისთვის, ხოლო გამოთხოვებისას ხელიც არ ჩამოუერთმეფია, მისი მშობლები კი პერს ძალიან გულითადად დაემშვიდობნენ.

გასამგზავრებლად რომ ფუსფუსებდნენ, ჰოფეპერმეისტერი კიბის ზედა საფეხურზე იდგა და ქანაობდა. სტუმრებს ცხვირსახოცს უქნევდა და ნიშნის მოგებით კრეკდა კბილებს, რაკი დარწმუნებული იყო, პასტორი ისე მთვრალია, ფეხზე ძლივს დგასო.

პერი თავის ოთახში წავიდა. მღელვარებისაგან თავბრუ ესხმოდა და იძულებული იყო შესვლისთანავე ჩამომჯდარიყო. ოთახში თითქმის მთლად ბნელოდა. დაისის ჩაბუტული მეწამული შუქი წაბლის ხეებს შორის გამომძვრალიყო და ჰერსა და კედლებზე მისი ათინათი კიაფობდა.

პერი დიდ სავარძელში მაგიდასთან იჯდა, სახე ხელებში ჩაემალა. საშინელ, დღემდე უცნობ ძრწოლას აეტანა. ჭერ იყო და, ცდილობდა დაერწმუნებინა თავი, თითქოს ვერაფერი გაიგო და ყოველივე ავადმყოფური წარმოსახვის თამაში იყო მხოლოდ. მაგრამ სიმშვიდე არ უბრუნდებოდა. იმისი გაფიქრებაც კი, რომ შეიძლება მის სიყვარულს სიყვარულითვე უპასუხონ, აგიჟებდა. თითქოს ცის შუქმა გაიელვა მის წინაშე სწორედ იმ წუთში, როცა მუდმივ წყვილიდს უნდა შთაუთქა.

პერმა თვლებზე ზელი მიიფარა და ცდილობდა ცრემლები შეეკავებინა. აი, დადგა სამაგიეროს მოზღვევის საათი. ღვთის სამართალმა დაამარცხა ის, კენის ავი ბედი, უდაბნოში მარტოდმარტო ხეტიალი იქნება ამიერიდან მისი ხვედრი. და ის ვერც კი დაიჩივლებს რამეზე. სრულ გონებაზე მყოფმა, ისე რომ კარგად ახსოვდა ყველაფერი, მიწიერ სიკეთეზე გაყიდა თავისი სული. ბედნიერებასთან გარიგება, მას რომ წილად ხვდა, თვით ჰატანასთან დადებული კავშირი აღმოჩნდა. და სატანამ პატიოსნურად შეასრულა შეთანხმების პირობები. ოქრო, პატივისცემა, ხორციელი სიყვარულის სიხარული — ყველა ამქვეყნიური განცხრომა მის ფერხითი იყო დამხობოლი. საკმარისია დახრილიყო და აკრეფდა თუ სურდა.

პერი წამოხტა და თავზე იტაცა ხელი. არა, ტყუილია, ამას ღმერთი არ დაუშვებს. ნუთუ ასე ძლიერ შესცოლდა? დიახ, ჰქონდა მას შეც-

დომები, მაგრამ მზად არის დამსახურებული სასჯელი მიიღოს. ცივ ანგარიშით გაყიდა მან სულიერი სიმშვიდეც, დედობრივ სიყვარულს, მამის ლოცვა-კურთხევაც, სამშობლოც, პატივისმოყვარეობის სისხლით დასერილ საკუთხველზე დაღო მან თავის მიწასთან, თავის ხალხთან და თავის თაობასთან სულიერი ერთობა. და ეს ერთადერთი მსხვერპლი არ არის! აჩრდილის გაშმაგებულ გამოდევნებაში მან დასევდიანა სხვა ადამიანების ცხოვრებაც, მან მხოლოდ დარდი მოუტანა თავის მშობლებს; მხოლოდ საზრუნავს მატებდა ძმებს და დებს, თავის მოჭრა და გულისტკენა იყო თავისი მეგობრებისა და კეთილმყოფელთათვის და მერე როგორ მოატყუა იაკობა!..

პერი აღარ შეეძლო შეწინააღმდეგებოდა სინდისის მტანჯველ კიცვას, მძიმედ დაეშვა ლოგინის ნაპირზე და ქვითინით ჩამალა სახე ხელებში.

„ღმერთო, ღმერთო! მე დავიმსახურე შენი სამართლიანი რისხვა ყველაფერი დავიმსახურე, ყველაფერი!“

• • •

ამ ღამით პერმა გადაჭრით და სამუდამოდ გაწყვიტა წარსულთან კავშირი და თავი თავის მამა-პაპათა ღმერთის განმგებლობას მიანდო. მთელი ღამე იწვა და რული არ ეკიდებოდა, გონებაში მთელ თავის ცხოვრებას აანალიზებდა და საკუთარი დანაშაულის შეგნება უფრო და უფრო აწუხებდა. იმის შეგრძნებამ, რომ ცოდვილი იყო, მორჩილი გახდა. ამ საღამომდე პერი კიდევ არ იყო საკმაოდ მორჩილი. მორჩილება ლოცვად გადაიქცა.

პერი მხოლოდ გათენებისას დაწყნარდა ცოტათი და მსახურმა რომ ჩაი შემოუტანა, ღრმად ეძინა.

გალვიძებისთანავე გაახსენდა, რომ წერილი უნდა მიეწერა იაკობანთვის. წუხელის მიღებულ ერთერთი დასკვნა იყო იმის გადაწყვეტილება, რომ დაუყოვნებლივ გაეწყვიტა კავშირი იაკობასთან, რაკი მას ორივე მხარისთვის უბედურების მეტი არა მოჰქონდა რა. ვრცელი განმარტებების მიცემა არ დასჭირდება. იაკობას ბოლოდროინდელი წერილები დამაჯერებლად ამტკიცებენ, რომ ქალი მზად არის დაშორებისთვის და თავადაც ეს სურს.

ჩაიკვა თუ არა, პერი მაშინვე მაგიდას მიუჯდა და საწერი მოწყობილობა ამოალაგა. ყოველივე მოტიქრებულის ქალაღღზე გამოხატვა არ აღმოჩნდა მაინცდამაინც ადვილი. იმის თაობაზე, თუ როგორ მოიპოვა ღმერთი პერმა, როცა საქმე საქმეზე მიდგა, ვერ გაბედა დაწვრილებით მიწერა: ეს ახალი, მისთვის უჩვეულო გრძნობა იყო და წმიდად ინახავდა. პერმა მხოლოდ რამდენიმე ზერელე შენიშვნა გააკეთა იმაზე, რომ სხვადასხვა მსოფლმხედველობისანი ვართ; უამისოდ კი წარმოუდგენელია ბედნიერი ოჯახური ცხოვრებაო. პერი არწმუნებდა იაკობას, გულდამძიმებული, დიდი ბრძოლის შემდეგ ვწყვიტ ჩემთვის ესოდენ ძვირფას კავშირსო.

პერმა რამდენჯერმე გადაწერა წერილი, სანამ, ბოლოს და ბოლოს კმაყოფილი არ დარჩა. იმის ცდაში იყო, იაკობა დაუქმსახურებლად არ დაემციოებინა, ამიტომ დიდი გულმოდგინებით არჩევდა თვითნებულ სიტყვას და იმ შეცდომის დანაშაულს, ერთდროს რომ შეჰყარა ისინი, მთლიანად თავის თავზე იღებდა.

დღისით, წერილის გაგზავნის შემდეგ, პერი ტალავერში ისვენებდა, ჰოფეპერმეისტერის მეუღლეც იქ იჯდა საქარგავით ხელში. ქალმა მთხოვა, ძათის შულო დამიკავეო, საუბარი ერთხანს უინტერესო საგნებს ეხებოდა. მაგრამ პერს უეცრად მოესურვა, ყველაფერი გულახდილად ეამბნა მისთვის და უთხრა, ჩემი დანიაკობას ნიშნობა ჩაიშალაო.

ქალმა ბედნიერება უსურვა პერს და უთხრა, ყოველთვის მოველოდი ამასო.

— ახლა რას აპირებთ? — ჰკითხა მან ცოტა ხნის სიჩუმის შემდეგ. — ამით ხომ თქვენ, რამდენადაც ჩემთვის ცნობილია, უარს ამბობთ კარგა დიდ თანხაზე?

პერმა უპასუხა, ეს გარემოება უდაოდ გავლენას იქონიებს ჩემს მდგომარეობაზე და მაიძულებს ცხოვრების ნირი შევიცვალოო. კერძოდ, გადავწყვიტე ცოტა ხნით მაინც გადავდო ამერიკაში გამგზავრებაო.

— ძალიან გონივრულია თქვენის მხრივ, — უთხრა ჰოფეპერმეისტერის მეუღლემ. — ამ გამგზავრებით არასოდეს არ ვიყავი მაინცდამაინც აღფრთოვანებული. საკმაოდ ბევრი ინეტიალეთ ბოლო წლებში. იცით რა მინდოდა შემომეთავაზებინა? თქვენ ხომ ჩემს ქმარს ესაუბრეთ სარწყავი სისტემის გარდაქმნებზე, იმის თაობაზე, რომ მდინარე ახალ კალაპორტში გადავუშვათ, თუ რა ვიცი, როგორ ეწოდება ამას თქვენებურად... რამდენადაც ჩემთვის ცნობილია, ჩემი ქმარი ძალიან

დანიტერესდა თქვენი აზრით, მეც, პარადად შესაძლებლად მომეჩვენა მისი განხორცილება და რაკი ეს ასეა, იქნებ თქვენთვის ღირდეს, აქ დამკვიდრდეთ და სააღმშენებლო საქმეებს უხელმძღვანელოთ, სანამ თქვენთვის უფრო მეტად შესაფერისი რამ მოიძებნება. ხომ მოგწონთ აქ ყოფნა, თანაც აქ გყავთ... მეგობრები. ისინი მოხარულნი იქნებიან, თუ კერსხოლმში დიდხანს იცხოვრებთ.

პერს თვალის გულზრწყინდა. ეს სიტყვები ისე გაიგო, თითქოს ჰოფეჰერმეისტერის მიუღბლო უნებლოედ წამოსცდენოდეს ნართაული ინგერის გრძნობების შესახებ. მისდამი. ინგერი ხომ ყველაფერს უზიარებდა ამ ქალს და ჰოფეჰერმეისტერის მეუღლე ამ საუბარს არ წამოიწყებდა, თუ დაწმენებული იქნებოდა, რომ ინგერს პერთან შეხვედრა აღარ უნდოდა.

საერთოდაც ჰოფეჰერმეისტერის მეუღლის წინადადება მას მოეწონა. სწორედ ასეთი განმარტობებული ცხოვრება უნდოდა ახლა, რათა წონასწორობა აღედგინა. ცოტაოდენ ფულს თუ იშოვნოდა, არც ეს იქნებოდა. მისთვის დიდი ცოდვა. პატიოსნების საკითხი იყო, რომ მალე გაესტუმრებინა ფილიპ სალამონის და ივენის ვალი.

— თუ საწინააღმდეგო არაფერი გაქვთ, — განაგრძობდა ჰოფეჰერმეისტერის მეუღლე, — ამაზე დღესვე მოველაპარაკები ჩემს ქმარს. თქვენთვის უკეთესია არაფერში არ ჩაერიოთ, სანამ დანიტერესებულნი მხარეები. არ შეთანხმდებიან და ამიტომაც, შეგიძლიათ მანამ დამშვიდებით აარიდოთ საქმეს თავი. ეიმედოვნებ, უთანხმოებანი ძალიან მალე მოწესრიგდება და მაშინ ჩვენ ხელახლა გიხილავთ.

პერმა გადაწყვიტა მეორე დღეს გამგზავრებულყო.

პირდაპირ კოპენჰაგენში კი არ აპირებდა წასვლას, უნდოდა გზად თავის სამშობლოში შეეგლო და, ახალი ცხოვრების დაწყების წინ, თაყვანი ეცა ძვირფასი საფლავებისთვის, რათა საკუთარი თავსთვის დამემტკიცებინა, რომ მისი მოქცევა ნამდვილად გულწრფელი იყო. პერმა მიიღო გადაწყვეტილება სხვა საკითხზედაც, ამ ბოლო დროს რომ აინტერესებდა. მეტად საწყენი კი იყო, მაგრამ აქამდე ნამდვილი დიპლომატი არ ჰქონდა. კარგად ახსოვდა, მშობლებს ყველაზე მეტად სწორედ ის სწყენდათ, რომ მან განათლება არ დაასრულა. ყველა, ვისაც კი გამოელაპარაკებოდა, როგორც კი გაიგებდნენ, ინკინერიაო, მაშინვე იმას ეკითხებოდნენ, პოლიტექნიკური ინსტიტუტი თუ დაამთავრეო ახლა თავადაც შეიგნო, რომ ოფიციალური ატესტაციის უქონლად გაუ

ჭირდებოდა მუდმივი და კარგხელფასიანი ადგილის შოვნა, რომ შეს-
ჯლებოდა მშვიდად განეგრძო თავისი ძიებანი. განსაკუთრებით ახლა,
როცა მის პიროვნებას სალამონის მილიონების სინათლის ანარეკლი
ალარ აშუქებს, ველარ შეეღევა იმ რესპექტაბელობას, დიპლომის ქონა
რომ იძლევა.

ხელიდან გაშვებულის რაც შეიძლება მალე ანაზღაურების სურვი-
ლით პერმა გადაწყვიტა ჩაებარებინა გამოცდები მიწისმზომელობის
პროფესიაზე. ან, უფრო სწორად, დამატებით ჩაებარებინა გამოცდა,
რაც საჭირო იყო დაუმთავრებელი პოლიტექნიკური განათლების მქონე
ადამიანისთვის, რათა მიწათმოწყობის საოლქო ინსპექტორის ადგილზე
დაენიშნათ. მთელ მომზადებას, თუ როგორც საჭიროა ისე იმუშავებს,
ნახევარ წელზე მეტი არ დასჭირდება, ხოლო საარსებო სახსრები შეიძ-
ლება ან ისესხოს, ან ავანსის სახით ხასელაგერისგან აიღოს, ან კიდევ
ვინმე სხვა საქმოსნისგან, ვინც ამის პროექტს განხორციელებით არის
დაინტერესებული.

ნასადილევს პერმა განიზრახა დიდხანს ესეირნა, რათა გამოთხოვებო-
და ამ ადგილებს. უკვე რამდენიმე დღეა სიცხის ბული იდგა და ქვეა-
ქუხილს ელოდნენ. ცა ღრუბლებით იყო დაფარული, ჩრდილო-დასავ-
ლეთით შავ ღრუბლებს შორის მზის მეწამული ბურთი ენთო, თითქოს
სიბნელეში აკვამლებული სანთელი ღვეთავდა.

შორცის მწვერვალზე; საიდანაც ბესტრუპის ეკლესია და პასტორის
ბაღი მოჩანდა, პერს წვიმამ მოუსწრო. რამდენიმე მძიმე მსხვილი წვე-
თი დაეცა მის ქულს. პერმა თავი ასწია. ლურჯმა ელვამ წამით გახია
ღრუბლების ფარდა და მიწა შეაზანზარა. იმავე წუთში პერს წყლის
ნიაღვარი დაესხა თავს. გაქცევას აზრი არ ჰქონდა: პერი ძალიან შორს
იყო წამოსული კერსხოლმიდან. ამიტომაც გადაწყვიტა დამალულიყო
ლია ფარდულში, წინა კედელი რომ არ ჰქონდა, და სადაც თიბვის დროს
თივას თუ მიხვეტავდნენ ხოლმე. პერი ქარმა გააქროლა და ფარდულს
სწორედ იმ წამს მიადწია, როცა კვლავ ისე დაიქუხა, კინაღამ დაყრუ-
და.

თურმე მარტო პერი როდი ეძებდა აქ თავშესაფარს. ფარდულის
ბინდებულში მან გაარჩია მაღალი გამხდარი კაცი, გრძელკალთებიანი
რუხი ფერის სერთუკი ეცვა და ძველმოდური ფართოფარფლებიანი
შლიაპა ეხურა. ეს კაცი პასტორი ფიალტრინგი გახლდათ.

პერი დაბნეულად მიესალმა, მერე კი რამდენიმე სიტყვა უთხრეს

ერომანეთს ჰქევა-ქუხილის თაობაზე. პასტორს აშკარად ეტყობოდა, სულ არ განხარებია ეს შეხვედრა. ოდნავ მიბრუნდა, ნიკაპზე ხელი ჩამოისვა — ასე იქცევა უნებლიედ კაცი, რომელსაც რცხვენია, პირგაუპარსავი რომ არის. მართლაც, როცა პერმა სიბნელეს თვალი შეაჩვია, შენიშნა, რომ პასტორს ნიკაპი და ლოყები სქელი ჭაგრით დაფარვოდა და საერთოდაც ყველასაგან მიტოვებულ და გაველურებულ კაცს ჰგავდა. მაგრამ ყველაზე მეტად პერი ფიალტრინგის თავმა გააოცა: თავზე მოხვეული ჰქონდა შავი აბრეშუმის ფულარი, რომლის ბოლოებიც შლიაპის ფარფლებზე ეკიდა. ამის გამოც ძალიან რცხვენოდა ალბათ, ყოველ შემთხვევაში, მან მხოლოდ ოდნავ ასწია ქუდი პერთან მისამებობას, თუმცა სხვაფრივ მეტისმეტად თავაზიანად ეჭირა თავი.

დასავლეთით კვლავ ელვამ გააპო ცა და ხელახალა. ძლიერმა ქუხილმა შეარყია მიწა.

— ვშიშობ, რომ სადღაც ბესტრუპის მახლობლად დაეცა მეხი, — აღელდა პერი.

— როგორც ვხედავ, მთლად უცხო არა ხართ აქ, — მიუგო პასტორმა.

— დიახ უკვე რამდენიმე კვირაა აქ ვცხოვრობ.

— მითხარით, ვცდები, თუ თქვენ ნამდვილად იყავით ერთხელ ბერუპის ეკლესიაში?

ახლა კი პერი გამოეცნაურა და უამბო, რომ კერსხოლმში სტუმრად არის ჰოფეპერმეისტერის მეუღლესთან.

— მგონი, რაღაც გამიგონია თქვენზე. თქვენ ხომ იწყინებთ ხართ, მართლაც არ ვამბობ?

პერმა თანხმობის ნიშნად თავი დაუქნია.

— დიახ, ჩვენ ისეთ დროში ვართ, როცა ცხოვრების მეპატრონეებად ტექნიკის აღამიანები ხდებიან, ანუ, თავისუფლად თუ ვთარგმნით, ყველაფრის ოსტატები, — ხელახლა წამოიწყო ფიალტრინგმა ცოტა ხნის დუმილის შემდეგ. — პირდაპირ შიში აგიტანს კაცს, როცა ხედავ, როგორ აკლიან ჩვენს პლანეტას გემები და მატარებლები ყოველგვარ მნიშვნელობას ჩვენს საკუთარ თვალში. მანძილი ქვეყნებს შორის თანდათან უფრო და უფრო მცირდება, ხოლო ერთ მშვენიერ დღეს ის, ალბათ, საერთოდ გაქრება.

— ადვილი შესაძლებელია ასეც მოხდეს.

— იქნებ დადგეს ისეთი დღე, როცა მანქანები დაგვაკავშირებენ

თვარესთან და ვარსკვლავებთან. ფიზიკის თვალსაზრისით ეს სახსენით დასაშვებია და მაშინ ჩვენ ისევე კარგად გვეცოდინება სამყაროს აიდუმლოებანი, როგორც ის, თუ რა გვიდევს ჯიბეში. მაგრამ აი, მანილი ცხვირიდან პირამდე კი უცვლელი დარჩება, აქ ადამიანი ერაფერს გააწყობს, — დაუმატა პასტორმა ცოტა ხნა სიჩუმის შემდეგ.

პერს უნებლიედ გაეცინა. მას უეცრად შეებრაღა პასტორი, რადან ის აშკარად არ იყო გონებაზე.

ხელახლა ილაპარაკეს ამინდზე, იმაზე, თუ რა უეცრად ატყდა ექვა-ქუხილი, ბარომეტრის მაჩვენებლებზე და ამის მსგავს ამბებზე. ოდესაც ეს თემა ამოიწურა, ხოლო წვიმამ მიანიც არ გადაიღო, პასტორმა ხელახლა ჩამოაგდო სიტყვა ტექნიკის ბატონობაზე ჩვენს დროში.

— აქ ერთ დროს რკინიგზის გაყვანას ფიქრობდნენ. ჩვენს დროში უფრო არ იქნებოდა, თვითუფლ ეზოს რომ რკინიგზის შტო უდგებოდეს. რამდენადაც ჩემთვის ცნობილია, ეს გეგმა დღემდე არ დაიწყებიათ.

პერმა მოკლედ უპასუხა, მიმოსვლის გზების ყოველმხრივი განვითარება ჩვენი დროის სასიცოცხლო მნიშვნელობის პირობააო.

პასტორი ჩაფიქრდა. კვლავ სადღაც განზე, წვიმის ირაბი ნაკადისკენ იყურებოდა.

— სასიცოცხლო მნიშვნელობის? — გაიმეორა მან დამილით. — რა ათვლება ახლა არასასიცოცხლო მნიშვნელობისად? ექიმი და ინჟინერი, სასწავლებლები და სამხედროები — თითოეული თავის აზრს იცავს. ნეტა აპოკალიფსიური აგებულების ადამიანების ზეედრი კი არ გვერგოს და ისინი ხომ, როგორც ცნობილია, სისხლჭარბობით კვდებან.

— უშუალოდ დანიელებს ძნელად თუ ემუქრება ასეთი საშიშროება. ჯერ ის უნდა ავინაზლაუროთ. რაც სამოცდაათში დავკარგეთ.

— ანაზლაურება, — გააკვიანურა პასტორმა სიტყვა ისე, კვლავ არ ეტყერდა პერს და მის თვალეზში ლურჯმა ცეცხლმა იელვა იმ ელვის ათინათივით, ჯერ რომ ისევე ავლებდა კვალს ჰორიზონტის დასავლეთით.

— მე კი მგონია, დღემდე ის სულიერი ძალები გვეკებავენ, ხალხში უბედურების წლებში რომ წარმოიშვებიან. იყო წამი, როცა თითქმის ყველამ შევიგნეთ, რომ გარდა ღვთის წყალობისა, ქვეყნად არაფერი არ არის სასიცოცხლო მნიშვნელობისა.

პერმა დარცხვებით უპასუხა ძველი თქმულებით: „ღმერთის იმედი გქონდეს, მაგრამ ნურც თავად დაგემართება მარცხიო“. ამაზე პასტორმა მხოლოდ თავი გადაიქნია.

— მაგრამ ღვთის დახმარებას ვერ უწოდებ დახმარებას სიტყვის ჩვეულებრივი მნიშვნელობით.

— კი მაგრამ, ხომ დავაღწიეთ მაშინ თავი დაშლას?

— მერე ვინ თქვა, რომ ღმერთმა გვიშველა? თუ შედეგებას მიხედვით ვიმსჯელებთ, მაშინ მომხდარ ამბავში თითქოს ეშმაკის ხელი უნდა ერიოს.

პერმა გადაწყვიტა, არ ღირს კამათი ასეთ გიჟთანო. მაგრამ პასტორის მიერ ახალი დროის გაკიცხვა მას ეხებოდა, როგორც ამ დროის წარმომადგენელს. ამიტომ პერმა საკუთარ მოვალეობად ჩათვალა, თავი დაეცვა. მან თქვა, ღვთიურმა შიშმა, დანიის ხალხს უბედურების დროს რომ შველოდა და სუსტებს გმირებად აქცევდა (ამ დროს პერს კვლავ გული აუძგერა დედის მოგონებამ), ამ შიშმა არ მიატოვა ხალხი მშვიდობის დღეებშიც და სწორედ მას უნდა ვუმაღლოდეთ ქვეყნის აღორძინებას — ყოველ შემთხვევაში, დედაქალაქს ვაერთო.

მაგრამ პასტორმა მოურიდებლად შეაწყვეტინა პერს სიტყვა და შენიშნა, სიტყვები „ღვთიური შიში“ საერთოდ არ ესადაგება ჩვენი დროის ქრისტიანებს, რადგან ახლა მიღებულია ღმერთისთვის ძმობიჭურად ხელის გაყრა, ანდა, სულაც ბავშვური გატაცებები სიყვარულით კისერზე ჩამოკიდებაო. ამჟამად ბლომბერგს გულისხმობდა, როცა გესლიანად ახსენა „ვარტის სამლოცველოს მყუდრო ქრისტიანობა“, ის ქრისტიანობა, მალე ქვეყნის ჭეშმარიტ რელიგიად რომ გადაიქცევა, ვინაიდან თავისი, თითქოს ბავშვების ოთახში მოსმენილი ლექსიკონით, თავისი პოეტური ჩიფჩიფით სწორედ ისეთი ხალხისთვის არის შექმნილი, როგორც დანიელები არიან, ხალხისთვის, რელიგიაშიც კი იღილის რომ დაეძებებს და რწმენის უქმარისობას ლირიკით ანაზღაურებს.

— აი, თქვენ ომის წლებზე ლაპარაკობდით. მაგრამ ძალიან ახალგაზრდა ხართ იმისთვის, რომ ეს დრო გახსოვდეთ. ასე რომ არ იყოს, ზოგჯერ დაუბრუნებელ წარსულს, დიად გამოცდათა წელს სინანულის ოხვრით მოგონებდით. ვინც ომი გადაიტანა, ვინც მოწმე იყო დიადი მამაცობის, თავდადებული თავგანწირვის, ადამიანების ყოველგვარი მსხვერპლისათვის, ყოველგვარი ტანჯვისათვის მზადყოფნის — ყველა თვისების, საერთო უბედურების დროს სულიერად სუსტებსაც რომ

აღმოაჩინდებოდათ ხოლმე — მან გაიგო... ან უბრალოდ იგრძნო, როგორ შეიძლება ამაღლდეს ხალხის სული. შეიძლება მხოლოდ ის ინანოს კაცმა, რომ მაშინ ჯერ არ იყო დამთავრებული ეროვნული ენის მოსპობა. ახლა მხოლოდ ისღა დაგვრჩენია ვცადოთ, როდის მოსპობს ღმერთი თავისი ღვთიური მოწყალებით ეროვნულ საზღვრებს გერმანელი რასის შიგნით და ჩვენც თანდათანობით მთლად ავითქვიფებით მასში, ვინაიდან ერის ბედი ცალკეული ადამიანის ბედის მსგავსია: მისი სული თავისუფლებას მხოლოდ სიკვდილის შემდეგ მოიპოვებს.

იყო დრო, როცა რჩეულ ზალხად ბერძნები ითვლებოდნენ და ღმერთი მათი პირით ღაღადებდა. შემდეგ ჩვენ ვეძებდით ღვთიურ ზეშთაგონებას იზრაელის მწყემსური ტომების უბრალო სიბრძნეში. დადგება დრო, როცა ჩვენ, ჩრდილო-გერმანელი რასა, ჩვენი ლუთერანული ბარბაროსობით მარადიულობის საფარველს შევეხებით.

პერმა გაკვირვებით შეხედა და როცა პასტორმა ეს მზერა დაიჭირა, ნახევარ სიტყვაზე შეწყვიტა ლაპარაკი, თითქოს შეეშინდა, ან უბრალოდ ინანა, ასეთი გულახდილობა რად გამოვიჩინეო. ის დადუმდა, თუმცა წვიმას კვლავ არ გადაეღო, საჩქაროდ დაუკრა თავი პერს და ფეხაჩქარებით წავიდა.

ვანშამზე პერმა, ჯირ კიდევ ამ შეხვედრის შთაბეჭდილების ქვეშ რომ იყო, ჰოფეპერმეისტერის მეუღლეს დაწვრილებით გამოჰკითხა ფილტრინგის ამბავი. გარდა ყველაფრისა, პერს ისიც ძალიან აინტერესებდა, რატომ ჰქონდა პასტორს თავი შეხვეული.

— კისრის საშინელი ტკივილი აქვს, — აუხსნა ჰოფეპერმეისტერის მეუღლემ. — ფარდა ამისა, დარწმუნებულია, ტვინში სიმსივნე მაქვსო, რაც არ უნდა იყოს, მაინც საცოდავი კაცია.

თ ა ვ ი XXII

იაკობა ჩაიკეტა თავის ოთახში. სუკრეტერთან იჭდა, თავით ხელს დაყრდნობოდა და ჩაფიქრებული მისჩერებოდა, როგორ ირხეოდა ქარისაგან ხეების კენწეროები. დიდრონი თვალები აღზნებით უელვარებდა, მკერდი მძაფრად ეწეოდა მალლა. წინ პერის წერტილი ედო (დილის ფოსტით მოიტანეს) — კალიგრაფიული ხელწერით ოთხ გვერდზე ფაქიზად დაწერილი უსტარი, სუფთაწერის ხელოვნების შედეგრი.

იაკობამ წერილი სულ ორჯერ წაიკითხა, მაგრამ უკვე ზეპირად ისწავლა.

იაკობამ არ იცოდა, რა უფრო მეტად შესცოდებოდა: საოცარი ძალის დატანება თავზე, აშკარად რომ დაუხარჯავს პერს ამ ფერად-ფერადი გამოთქმების შერჩევისას თუ თვალთმაქცობა, რის შემწვობითაც ყმაწვილი კაცი ცდილობდა, როგორც იაკობასთვის, ისევე საკუთარი თავისთვისაც დაეფარა მათი განხეთქილების ქეშმარიტი მიზეზი. ხომ უნდა შეგეძლოს, უკანასკნელ წუთამდე გამოავლინო ასეთი უნებნისყოფობა, სიმართლისთვის თვალგასწორების ასეთი უცოდინრობა! რას არ გაიღებდა იაკობა, ოღონდ პერი ახლა მინც, ერთად-ერთხელ ყოფილიყო ბოლომდე პატიოსანი და გულახდილად ელიარებინა, რომ სხვა შეუყვარდა. მაგრამ არა! ჩანს ეშმაკური გაქნილობა მაგრად აქვს სისხლში გამჟღარი. აბა, რას იზამ, როცა კაცს დღის სინათლისა ეშინია. ეს მემკვიდრეობით აქვს მიღებული სიდენიუსებისგან. ის არ ცნობს ბუნებრივ გრძნობებს შეუფერადებელი სახით. წინათ კაცობრიობის მომავალზე და მშობლიური მხარის აყვავებაზე ზრუნვა ფარავდა ყველაზე ჩვეულებრივ თავმოთნეობას, ახლა რელიგიამ უნდა შენიღბოს სულმოკლეობა და სამშობლოზე ნაღველის მსგავსი რაღაც საცოდაობა.

მაგრამ, კმარა! იაკობა ადგა და ხელეში თავზე შემოიწყო. რა აზრა აქვს უნაყოფო ფიქრით თავის დატანჯვას!

ისედაც დიდ ხანს ფიქრობდა მასზე — დროა დაისვენოს. იაკობას ფიქრები აღარ უნდა დაყიალებდნენ იმ დამყაყებულ ჰაერში, რომლითაც პერი სუნთქავს. იაკობა თავისუფალია. გულის ყველა მღელვარებას შეიძლება ჭვარი დაესვას, საცოდავი უფერული რომანი დამთავრდა.

აი, მხოლოდ ისლა დარჩა, რომ მშობლებს გაანდოს და მერე შორს წავიდეს აქედან! დაყოვნება არ შეიძლება. როგორც ჩანს, პერი კოპენჰაგენში აპირებს ჩამოსვლას. თავის საქმეების მოსაწესრიგებლად. იმის გაფიქრებისაც კი ეშინია, თუ რა დიდ რისკსა სწევს, იქნებ სადმე, ქუჩაში შეეჩხოს. გარდა ამისა, დღითი დღე უფრო და უფრო უჭირს თავისი მდგომარეობის დაფარვა. ადვილი შესაძლებელია, დედა ხვლებოდეს რაღაცას, იაკობას კი ურჩევნია ახსნა-განმარტებებს თავი აარიდოს. ყოველ შემთხვევაში, ახლა ასე სურს. ამიტომაც აღარ უნდა გადადოს გამგზავრება. ყველაფერი უკვე მზად აქვს გზისთვის, გაჩერება აღარ ღირს.

იაკობას გაახსენდა, რომ სწორედ ამ დროს უფრო ადვილად ნახავდა

დედას მარტო. როზალია და პატარები ბანაობენ, ხოლო მამა და ივენი, დიდი ხანია, ქალაქში წავიდნენ.

დედა სასტუმრო ოთახში საკერავ მანქანას უჯდა, მთასავით ერტყა გარს შემოსატეხი საზეწურე ტილო.

— სულ საქმიანობ, დედიკო, — დაიწყო იაკობამ და შუბლზე აკოცა. — ხან ანგარიშებს უზიხარ, ხან კიდევ რას არ მოიგონებ.

მისმა ტონმა დედას ყურადღება მიაპყრობინა. მაგრამ იაკობას მან არაფერი აგრძნობინა, ხელი ლოყაზე მოუთათუნა და უთხრა:

— კი, ჩემო გოგონა. ჩემს დროს მუშაობა იყო ერთადერთი საშუალება, ცხოვრების გატარებაში რომ გვეხმარებოდა. თუმცა სხვა საშუალება, ჩემის აზრით, დღემდე არ მოუგონიათ.

ფრუ ლეამ ხელახლად დაიწყო მანქანის ტრიალი.

ფრუ ლეა ამ ბოლო დროს მუშაობისას სათვალეს ხმარობდა და, საერთოდ, ამ ბოლო წელს ძალიან მოტყდა.

იაკობამ მდუმარედ გაიარა ოთახში, აიღო მაგიდიდან გაზეთი, მერე ისევ უკან დადო, მერე კი დედის მახლობლად სავარძელში ჩაჯდა.

— დედა, — უთხრა მან, — ერთხელ გითხარი, იქნებ კიდევ მომესურვოს ბრესლავეში რებეკასთან სტუმრობა-მეთქი და აი, ზწორედ ახლა მომინდა. მაგრამ წელს ძალიან ადრე გამითავდა ფული. ხომ ვერ სთხოვიდ მამას, დაემატებინა ჩემთვის ცოტა თანხა?

— რატომაც არა, — ყოყმანით მიუგო დედამ. — როდის ფიქრობ წასვლას?

— რაც შეიძლება მალე. თუნდაც ხვალ.

დედამ მანქანა შეაჩერა და შვილს თვალებში შეხედა.

— მაშასადამე, მარტო წახვალ?

— დიახ.

-- მერე, ქორწილი?

იაკობამ თავი დახარა. ვერ გაუძლო დედის მზერას — სათვალის შუშაში ძალზე დიდი და შავი თვალები მოუჩანდა მას.

— იცი რა, — იაკობა დაიბნა და თავის ხელებს დააშტერდა, — იცი რა, რახან სიტყვამ მოიტანა, შემიძლია გაცნობო, რომ ჩემი ნიშნობა ჩაიშალა.

ხანგრძლივი დუმილი გამეფდა.

— აი თურმე რატომ იყო, რომ ეს სამი დღეა, ახლოს ვერ მოგვეკარებოდა კაცი!

— მართლა ასე იყო? მაშინ მაპატიე, დედა.

ფრუ ლეა ადგა, იაკობასთან მივიდა, სახეზე ხელები მოკიდა და თავი მალლა ააწვევინა.

— სხვა საიღუმლო ზომ არა გაქვს, შვილიყო?

— ამაზე არ უნდა მკითხო, — მიუგო თვალცრემლიანმა იაკობამ. — შენ ზომ თავად მასწავლე, სიყვარულის ამბები არ უნდა მოყვეო.

დედა, ცოტა არ იყოს, დაიბნა, მერე ხელი გაუშვა იაკობას და წავიდა.

— რამდენი დაგჭირდება ფული? — ფრუ ლეა ოთახის მეორე ბოლოში მივიდა და მაგიდაზე რალაცის გადალაგება დაიწყო. იაკობას სიტყვების შემდეგ თითქოს უჭირდა ერთ ადგილას ჯდომბა.

იაკობამ საკმაოდ დიდი თანხა დაასახელა. დედამ კვლავ შეხედა.

— მაშასადამე, დიდი ხნით მიდიხარ?

— დიახ, ზომ გესმის, რომ ახლა შინ ყოფნა მიჭირს. ჩაშლილი ნიშნობა მუდამ ჭორებს იწვევს ხოლმე. ვწუხვარ, რომ ამდენ უსიამოვნებას გაყენებთ შენც და მამასაც, მაგრამ, თუ შეიძლება მაპატიეთ.

— ჩვენ შენი ნიშნობა მაინცდამაინც არასოდეს არ გვახარებდა. მაგრამ გვეგონა... — ფრუ ლეამ შენიშნა შვილის მოუთმენლობა და ნახევარ სიტყვაზე შეწყვიტა ლაპარაკი. ამ წუთიდან მხოლოდ წმინდა სამეურნეო საკითხებზე ლაპარაკობდნენ — რა უნდა წაეღო გზაში იაკობას და რა არ წაეღო.

როგორც კი თავის ოთახში დაბრუნდა, იაკობა მაშინვე შეუდგა ჩემოდანში ბარჯის ჩალაგებას და იმის შენახვას, რისი თან წაღებაც არ უნდოდა. თუმცა, მზადება უამისოდაც თითქმის მორჩა.

იაკობა უკვე დიდი ხანია ემზადებოდა გასამგზავრებლად, იქნებ უკანასკნელად გასამგზავრებლადაც მშობლიური სახლიდან. მან ფაქიზად დააწყო მეგობრების წერილები, შეკრა და დალუქა, ზემოდან გამომგზავნების სახელები დააწერა, რომ არ აერიათ, თუ მართლაც ვეღარ დაბრუნდებოდა შინ. ასევე გააკეთა პერის წერილებზე. როცა შეკვრას წააწერა „სიდენიუსი“, მიუხედავად იმისა, რომ გუნებაზე არ იყო — გაეღიმა. ჭეშმარიტად, ღმერთმა იხსნა: აღარ დასჭირდება ამ ბარბაროსული გვარის ტარება.

სადილობამდე ცოტა ხნით ადრე იაკობას მამასთან უხმეს, მამა კარებჩაკეტილ ბიბლიოთეკაში უცდიდა. დაინახა თუ არა იაკობა, შუბლზე

აკოცა და მაშინვე საქმის ფინანსურ მხარეზე დაუწყო ლაპარაკი. პერი არც უხსენებია.

— როგორ ფიქრობ, რამდენი დაგჭირდება? — ჰკითხა მან და ჯიბიდან უბის წიგნაკი ამოიღო.

იაკობამ გაცილებით ნაკლები თანხა დაუსახელა, ვიდრე დედასთან საუბარში ახსენა. შეეშინდა, მამაც დამიწყებს გამოკითხვას, ღიღი ღიღით მიღიხარ თუ არაო.

მაგრამ მამას არაფერი უკითხავს, მან უხმოდ ჩაინიშნა უბის წიგნაკში თანხა, ორჯერ მეტი ჩაიწერა, ვიდრე იაკობამ უთხრა.

— ხვალ გამზადებულ აკრედიტივს მოგიტან.

სადილზე იაკობა, რაც შეიძლება ცდილობდა, ძალიან გამოცოცხლებული გამოჩენილიყო, თუმცა სინამდვილეშიც ფაცილებით მზიარული და დამშვიდებული გახლდათ, ვიდრე ამ ბოლო დროს. გაურკვეველობის სულის შემსუთავი ნისლი გაიფანტა. ამასთან ერთად რომ შესძლებოდა თავიდან ამოეღო იმის ფიქრი, სიკვდილის შესახებ ვერაფერად მივდივარო, თითქმის ბედნიერი იქნებოდა.

მაგრამ სიკვდილზე ფიქრმა აიტანა მთელი მისი არსება. შიშისაგან სისხლი ეყინებოდა ძარღვებში. ამიტომაც ვერ გადაწყვიტა დედის წინაშე რაიმეს აღიარება. დედაც აღელდებოდა. იაკობას იმედი ჰქონდა, თავისი მოჩვენებითი მზიარულებით მისი ეჭვები გაექარებინა.

მშობლებს ძალიან მშვიდად ეჭირათ თავი. სამაგიეროდ ივენი მთლად მკვდარი იყო. ჩვეულებრივად ივენი ყოველ ლუკმას გრძელობდა მოაყოლებდა ხოლმე, ახლა კი სადილზე კრინტიც არ დაუძრავს.

წასადილევს ივენი მაშინვე ბიბლიოთეკაში გავიდა. მამა უკვე იქ იჯდა და რაღაცას წერდა.

— ხელს ხომ არ შეგიშლი?

— არა, სწორედ რომ დროზე მოხვედი. სწორედ ახლა მინდოდა დამეძახა შენთვის. რაიმე უსიამოვნება ხომ არ შეგხვედრია?

— მეც ის მაწუხებს, რაც შენ. ჰიდენიუსის წერილი მივიღე, სულ რამდენიმე სიტყვა მოუწერია, — შენთან თავის ფინანსიურ ურთიერთობის შესახებ მწერს. მთხოვს გაცნობო, რომ აპირებს ვალი უკანასკნელ ერემდე დაგიბრუნოს და მხოლოდ იმას იხვეწება, ცოტა მადროვეთო.

ფილიპ სალამონმა არაფერი უპასუხა. ვერ აიძულა თავი, პერის სახელი წარმოეთქვა.

— არა, ამიტომ არ გექანდი, — უთხრა მან ივენს და მაგალიდან ახლახანს დაწერილი ბარათი აიღო.

— ძალიან გთხოვთ, წაიღო ეს და დაუყოვნებლივ წახვიდე ქალაქში. ეცადე, რაც შეიძლება მალე დაბეჭდონ. როგორც ხედავ, ეს არის შეტყობინება ჩვენი ნაცნობებისთვის. გზაში იანგარიშე, რამდენი ეგზემპლარი დაგკირდება. მაგრამ ნუ დააყოვნებ. ხეალ სალამოს მიანიც უნდა დავგზავნოთ ფოსტით.

აი რა ეწერა ბარათში: „ფილიპ სალამონი და მისი მეუღლე გატყობინებთ, რომ ჩაიშალა ნიშნობა მათ ქალიშვილ იაკობასა და ინჟინერ ბატონ, პ. სიდენიუსს შორის“.

სწორედ იმ სალამოს, ეს ამბავი რომ სალამონების ნაცნობთა ფართო წრეში გავრცელდა, პერი, მშობლიურ ქალაქში ერთი დღე და ღამის სტუმრობის შემდეგ, კოპენჰაგენში გაემგზავრა.

სამშობლოში ის ვერაფერ იცნო, არც თავად მოუძებნია არავინ და მთელი დრო სევდიან ფიქრებში გაატარა. ამჯერად ქალაქი პერს სრულიადაც არ შეხვდა ისე, როგორც მამის სიკვდილის დღეს. მაშინ ამ პროვინციული ართვალის ქალაქის მუდრო ქუჩები თუ უბანდრუკი დუქნები პერს თითქოს სასაცილოდ ეჩვენებოდა და თანაც სიბრაულს აღუძრავდა. იმ დღის შემდეგ განვლილი წლების განმავლობაში პერმა შეიგნო, რომ მისი სულიერი კავშირი მშობლიურ ქალაქთან არასოდეს არ შეწყვეტილა და რაც უფრო მეტ ადგილს იკავებდა მის სულიერ ცხოვრებაში ბავშვობის მოგონებანი, გრძნობა, მშობლიური ადგილები-საღმი რომ განიცდიდა, სალოცავ თაყვანისცემად ექცეოდა. ბერლინიდან და ტიროლიდან, რომიდან და კოპენჰაგენიდან ფიქრებით დედაამის ამ კუთხეში ჩამოდიოდა სალოცავად, სადაც მისი ბედის უხილავი ძაფები ჭვარედინდებოდნენ, მერე ვარბოდნენ და უსასრულობაში იკარგებოდნენ. მალალ ბორცვებს შორის ჩაკარგული მდელოებით გარშემორტყმული პატარა ქალაქი მისთვის იქცა კარად, რომელშიც უნდა გაეელო გზას ყველა საგნისა და მოვლენის საწყისისაკენ.

პერმა მიანიც კარგა ზანს იყოყმანა, ვიდრე ნაცნობ ადგილებს მოინახულებდა. ყველაზე მეტად სიდემჰადესთან მომავალი შეხვედრა აშინებდა, ამ ქუჩაზე მათი სახლი იდგა. მორჩილებისათვის გულწრფელად

მზადყოფნის მიუხედავად, წარსული ჯერ კიდევ ძალიან დიდად ბატონობდა პერის სულზე. თავიდან ვერ ამოეგდო სევდიანი მოგონებანი, ამ დიდ, ბნელ, ციხისკედლებიან შენობასთან რომ იყო დაკავშირებული. სასაფლაოზეც კი, მშობლიურ საფლავებთანაც, გული ჭეშმარიტი მამა-შვილური მადლობის გრძობით არ აღვსებია. მიძიმე საფლავის ქვის დანახვისას, საზოგადოებამ რომ დაადგა მამის საფლავს, წინანდებურად კვლავ აუმბობდა სული.

თუმცა პერი ახლა აღარავის ადანაშაულებდა იმაში, რომ ბავშვობიდან მის ცხოვრებას წარსულის ჩრდილები აბნელებდა, მაგრამ ტვინს დაეინებით უხვრეტდა აზრი: რა კარგად შეიძლებოდა მოწყობილიყო ყველაფერი, დედა და მამა რომ ასე შებოჭილნი არ ყოფილიყვნენ თავიანთი დროის ცრუ რწმენებით რელიგიისა თუ სხვა საკითხებში. რამდენ შერცხვენას და სამარცხვინო დაცემას გადაჩეგბოდა, ბავშვობაშივე რომ შეეცნო ის ადამიანური სათნო აღქმა ღმერთისა, ახლა რომ გაალო მისი გული ადამიანთათვის მისაწვდომ გრძობათაგან ამ უდიდეს გრძობისათვის.

ყველაფერზე უარესი კი ის არის, რომ დანაკარგს ვეღარ დაიბრუნებს. მარტოობის და სულიერი სიღატაკის გრძობა, ახლა რომ სტანჯავს, კუბოს ფიცრამდე არ მოსცილდება. დაე, მისი მომავალი აწი თუნდაც ბედნიერი იყოს, დაე, კიდევაც განხორციელდეს მშვენიერი ოცნება სიყვარულზე, ბესტრუპიდან რომ გამოჰყვა, სულ ერთია, გულის იმ კუთხეში, სადაც სხვები ნათელ მოგონებებს ინახავენ, მაინც სიცარიელე დარჩება. რადგან მხოლოდ ის არის ჭეშმარიტად ღატაკი, ვისაც მოგონებაც არ გააჩნია უღრუბლო ბავშვობაზე.

სალამოთი, პერი სასტუმროში რომ დაბრუნდა და ბუტერბროდებიან ყავას შეეჭკეოდა, მოულოდნელი ამბავი მოხდა.

განსამთან ერთად კელნერმა პერს გაზეთებიც მოუტანა, მათ შორის ერთი ადგილობრივი გაზეთიც ერია, რომლის სახელწოდება ბავშვობიდან ახსოვდა და ამიტომ გადაწყვიტა გადაეთვალეირებინა. განყოფილება „ამბები დედაქალაქიდან“ გაზეთის პირველ სვეტში თავის მკითხველებს ატყობინებდა კოპენჰაგენელთა ცხოვრებაში მომხდარ ბოლოდროინდელ მოვლენებს. აქ ეწერა სამეფო კარის ახალი ამბები, თეატრალური ქრონიკა, ჭორები ტივოლისა და ცირკის ცხოვრებიდან. ამ დომხალს შორის პერი წააწყდა წერილს „მალალი საზოგადოების

ერთერთი წარმომადგენლის თვითმკვლელობის შესახებ, რაც დიდად გახმაურდა“.

დიდი მომავლის მქონე ახალგაზრდამ, გადამდგარმა კავალერიის ოფიცერმა, თავი მოიკლა ფრიად რომანტიკულ გარემოებაში. მას, ასე ეწერა ვაზეთში, ვილაც უყვარდა და დარწმუნებული იყო, რომ სიყვარულითვე პასუხობდნენ. მისი სიყვარულის საგანი ახალგაზრდა, ახლახან გათხოვილი, ებრაული ფინანსური არისტოკრატიული ოჯახიდან გამოსული ქალია. ახალგაზრდამ გამოარკვია, რომ მისი იმედები აშაო იყო და პაემანიდან დაბრუნდა თუ არა, ტყვია იკრა შუბლში.

პერი ხან წითლდებოდა, ხან ყვითლდებოდა, ამას რომ კითხულობდა. თუმცა ვაზეთი სახელებს არ ასახელებდა და პერსაც არაფერი სმენია კავალერისტ ივერსენის სიკვდილის შესახებ, მაგრამ მაშინვე მიხვდა, რომ ლაპარაკი მასზე და ნანიზე იყო... სწორედ იმ ნანიზე, ვისი შიშველი მკლავებიც სულ რამდენიმე კვირის წინ მის კისერზე იყო შემოხვეული! მან ყველაფერი ბოლომდე წაიკითხა, თუმცა დროდადრო ეჩვენებოდა, თითქოს ზურგზე ყინულივით ცივი გველი მიეკლავებოდა. ვაზეთი მეტისმეტად დაწვრილებით აღწერდა თვითმკვლელობის ყოველ დეტალს. კეთილსინდისიერად შედგენილი წერილი არ ინდობდა თავის მკითხველებს: ვრცლად და ხატოვნად აღწერდა ფურთხით მოსვრილ ჭუჭყიან იატაკს, რომელზეც ეგდო მკვდარი, საეარძელს, რომელზედაც ის გადაიტანეს, სუფრას, რომელსაც ტუჩი მისხმორდა და დაელაქა. თუმცა თვითმკვლელის წერილის შინაარსი მთლიანად არ იყო მოტანილი, მაგრამ ნართაულები ჰარბად ეწერა, რათა ბრბოს ცნობის-მოყვარეობაც დაეკმაყოფილებინა და თანაც კერძო ცხოვრების ხელშეუხებლობაც არ დაერღვია, რასაც კანონი უზრუნველყოფს.

ამის შემდეგ პერს უკვე ლუკმა არ გადაუვიდა ყელში და თავის ნომერში დაბრუნდა. ბევრი იარა წინ და უკან ოთახში, მაგრამ მტანჯველი ფიქრები ვერ ამოიგდო თავიდან! თვალთ უზნელდებოდა იმის ფიქრზე, რომ კინალამ ამ ქალის მახეში გაება, რომ შეიძლებოდა ივერსენი კი არა, თავად გამხდარიყო ახლა სკანდალებისმოყვარულ მკლბანელთა მსხვერპლი, თუ არა...

დიახ, სწორედ რომ — თუ არა!

ამ სიტყვებზე პერი შეჩერდა, მისი სულის რომელიღაც კუნძულის კარი გაიღო და სინათლის ნაკადმა, იქ რომ ჩაიღვარა, წარსულის მო-

ჩვენებითი, დავიწყებული სურათები გააშუქა. აი, პერა ხედავს თავს იმ ღამით, როცა ფრუ ენგელჰარდის ლოგინიდან გაქცევის უშველა თავს აუტანელი ზიზღით მოცულმა იმ სიხარულისადნო, სინდისგარეცხილი ქალები რომ აჩუქებენ ხოლმე მამაკაცს. მოაგონდა სხვა შემთხვევაც უფრო შორეული წარსულიდან, როცა ის, ჯერ კიდევ ბიჭი, რიისაგერებთან მცხოვრებ პატარა მათხოვრის შავმა თვალებმა შეიტყუეს. მაშინაც გადამწყვეტ წუთში სირცხვილის გრძობამ გადაარჩინა, გაფუჭებული გოგოს საჩაგელმა სიტყვებმა და სხეულის თამაშმა რომ აღუძრა. და კიდევ ბევრჯერ, ბევრჯერ შეეძლო მას გამხდარიყო მანკისა და სიბილწის მსხვერპლი, თუ არა... დიახ. სულის სიდრამეში ცოდვის წინაშე ინსტინქტური ქვეცნობიერი შიში რომ არ ჰქონოდა. თუ თავის მშობლების, და განსაკუთრებით მამის — უძველესი პასტორის ჩამომავლის — მეშვეობით შეკრული არ ყოფილიყო ცხოვრების მხსნელ ძალებთან, თუმცა ამპარტავნობის გამო ამის უარყოფას ცდილობდა. სიდენიუსთა სულიერი მემკვიდრეობა, პერა მთელი თავისი ცხოვრების წყევლად რომ თვლიდა, სწორედ ის გადამრჩენი ავგაროზი, მადლის ის ნიშანი აღმოჩნდა, რომელმაც ძღუემალად შეიწყნარა პერი. სწორედ მას უნდა უმადლოდეს, რომ უფრო მეტი უბედურება არ დაატყდა თავს.

მაგრამ ეს თანდაყოლილი ნება თავისუფლებისა, თავის გადარჩენის ეს წყურვილი, ყველა რელიგიურ მოძღვრებისაგან დამოუკიდებლად რომ მოქმედებს, ხომ არ არის თვით ღმერთის სუნთქვა, ბიბლიური „წმიდა სული“, ქრისტიანული მფარველი ანგელოზი, უხილავად რომ მზრუნველობს მასზე, მუდამ იჭერდა მას უფსკრულის პირას და უუნებლად გადაათანინა ყველა ცხოვრებისეული გამოცდა?

პერი წყნარ, უკაცრიელ შესახვევში გამავალ ფანჯარასთან დაჯდა. თავი გადაყო ფანჯარაში და ათვალეირებდა სახურავეებს და თეთრი მილების გროვას, ჩამავალი მზის სხივები რომ ანათებდა. მხოლოდ ახლა გაუგო ბოლომდე საკუთარ თავს, მიხვდა, რაც ხდებოდა მის თავს ამ ბოლო დღეებში. პერმა უკვე კერსხოლში იგრძნო თავისი თავც ქრისტაანად, მაგრამ იქ მან დაუნდობელი სინდისის წინაშე უფრო მოიხარა ქედი, ვიდრე გონებისა და გულის წინაშე. მხოლოდ ამ წამს შეიწყნარა ის რწმენამ, როგორც შემეცნების სინათლემ, ეჭვის ღრუბელთა გამრეკავმა. ხელზე თავდაყრდნობილი საღაშოს ოქროსფერ-მეწამულ ცან

რომ უცქეროდა, პერის სულში დიდი სასწაული მოხდა: ეს სასწაული დიდი ხანია თანდათან მზადდებოდა, — მასში ახალი ადამიანი დაიბადა.

მამასადამე, ის მაინც მემკვიდრე პრინცია! ყოფიერების გვირგვინი, მამა-შვილური ერთობა მუდმივ და უცვლელ ღმერთთან დაბადებიდანვე ნაბოძები აქვს; ყველა ამქვეყნიური ნამდვილი ფასეულობანი: გულის სიმშვიდე, გონების ჰარმონია, ცხოვრების სიხარული, სიკვდილის სიძულვილი — ყოველივე ეს მემკვიდრეობით ერგო.

დილით, როცა ხელახლა წავიდა სასაფლაოზე, წარსულის ჩრდილები უკვე აღარ უღობავდა გზას. სწორედ გულის იმ კუთხეში, მას რომ ცარიელი და გაუხარელი ეგონა, ახლა მემკვიდრეობითი სიმდიდრის ოქროს ქვიშრობები, რწმენის საუნჯენი ამობრწყინდნენ, ღვთის მოშიშმა პაპებმა რომ შეკრიბეს, მერე კი გულმოდგინედ გაუფრთხილდნენ, თაობიდან თაობას გადასცეს და გაკვირების წლებში საკუთარი ნების ძალით გაამრავლეს.

პერი საფლავის გვერდით პატარა სკამზე დაჯდა. საფლავის ქვაზე ბრწყინავდა ოქროს ასოებით ამოკვეთილი მამის სახელი — „იოჰან სილენიუსი“. აგვისტოს მშვენიერი დილა ღდგა, წყნარი და მზიანი. ის აქ სრულიად მარტო იყო. ვრცელ, მაღალი კედლებით შემოღობილ სასაფლაოზე კაცი არ ჰკანებდა.

ჰაერში ობობას ქსელის ძაფები გაჭიმულიყო — ნაგვიანევი ზაფხულის მაუწყებლები, მათ ვერცხლი შემოაწნეს ბუჩქებს და ხეებს, ყვავილის თითოეულ ჯამზე, თითოეულ ბალახზე ნამის მძიმე ოქროს წვეთი ეკიდა. ბებერი პირამიდული ალვის ხეების კენწეროებს ოღნავ აშრიალებდა ქარი. ფართო ხეივანში, ქვემოთ, თვით საფლავებთან, ფოთოლიც კი არ ირხეოდა. ისეთი სიჩუმე იდგა, თითქოს მარადიულობას წარმოეშვას იგი.

საათზე მეტ ხანს იჯდა პერი, არავინ აწუხებდა, მზიარული, საზეიმო განწყობა ჰქონდა, მთლიანად წაეღო დამოშმინებისა და შინაგანი სიმშვიდის აქამდე უცნობ გრძობას. ინგერზე ფიქრიც კი ამ წუთებში უკანა პლანზე გადავიდა. სამაგიეროდ იაკობა მოაგონდა ბევრჯერ. ახლა, ხსნის გზა რომ იპოვა, არ შეეძლო მათზე არ ეწუხა, ვინც თავის განცდათა გამოსავალს ვერ ხედავს. თუმცა იაკობას იმედიც აღარ დარჩა. ის იმ ჭურის ხალხს ეკუთვნის, ვინც თავისი განდგომილება და უარყოფა სასიცოცხლო პრინციპად აქცია, მაგრამ გზას აცდენილი დანიელი ახალგაზრდობისთვის ხსნის საათი ახლოს არის. მასაც მოწყა-

ლებით მოხედავს იგივე ნათელი, მზიური მსოფლშეგრძნება, ახლა რომ პერის ყოფიერება გაანათა. პერს გაახსენდა წინასწარმეტყველური სიტყვები პოულ ბერგერის აღსარებიდან.

„ღამემ გაიარა, წყვილიდი გაქრა; ღვთიური დღე ხელახლა მოსვენებას და ბედნიერებას ანიჭებს ყველას, ვისაც ლოცვა უნდა. როგორც გარეული იხვები, ფრენისას კისერს რომ წაიგრძელებენ, თუ უნაყოფო მთებს იქით ზღვის სივრცეებს მოჰკრეს თვალი, როგორც მზით დამწვარი, გზის მტვერით დაფარული, მთელი დღის სიარულით მოქანტულა ქარისკაცები მივარდებიან წყაროს, რათა შესვან მაცოცხლებელი წყალი, — ისევე შენც, ო, კაცობრიობავ, მოიკლავ წყურვილს მადლის ხელახლა მოპოვებულ წყაროსთან“.

* * *

იაკობასა და მის საქმროს შორის განხეთქილებამ ძალიან ააღელვა მათი დიდძალი ნაცნობები. ბირჟაზეც კი ამ ამბავზე მსჯელობდნენ. პერი ხელმეორედ გახდა კორების საგანი სალამონების ოჯახთან თავისი კავშირის გამო. ხალხი ერთმანეთს ეკითხებოდა: ნეტა რა ჩაიდინა ამ ახალგაზრდამ, სალამონებმა რომ საჭიროდ ჩათვალეს მასთან კავშირია გაწყვეტა? მთელი კვირა პერის სახელი ყველას პირზე ეკერა, ერთ დროს სწორედ ამაზე ოცნებობდა.

ნანი, ივერსენის თვითმკვლელობამ რომ ერთ დროს კარგა შიში აკამა, ახლა უკვე მთლად გაიშრათა წელში და ძალ-ღონეს არ იზოგავდა, რომ ხალხი გაეთვითცნობიერებინა. ქალი ხელად მიხვდა, რაც ზღებოდა და სიამოვნებით უყვებოდა ყველას და თითოეულს, რა სულ-მდაბლად მოატყუეს საბრალო იაკობა. ნანის მშვენიერი საზაფხულო კაბა ეცვა, რომელსაც უტოდველობის სიმბოლოსავეით თეთრი გაზის სახელოები ჰქონდა, შლიაპა ანგელოზისებური ფრთებით მოერთო, ოჯახიდან ოჯახში დაფრინავდა და თან დაჰქონდა დიდი საიდუმლოება: ყველგან ასე ამბობდა: „ვიმედოვნებ, ეს საიდუმლო ამ კედლებიდან არ გავაო“, ყველას გააგებინა, რომ მისი დის საქმრო — ახ, ის არამზადა! — ამერიკაში წასვლის მაგიერ, ვილაც გლეხის გომბიოს გაუარშიყდა. აბა, ვინ იფიქრებდა ამას! თურმე უბრალო მეძროხე ყოფილა! ნანი თვალებს მალა აღაპყრობდა და მოთქვამდა:

გადაიწყა დარდი და თრთოლა,
ბედნიერებად იგი თვლის სტომაქს.

რალაც გზით ამ ხმებმა პოლკოვნიკ ბერეგრავეამდისაც მიაღწია. ძველმა მეომარმა თითქმის გადაწყვიტა, პერისთვის მხარი დაეჭირა მისი გრანდიოზული ჩანაფიქრების განხორციელებაში და, თუ საჭირო იქნებოდა, პირადადაც გამოსულიყო პერის დამცველად და კოპენჰაგენის პროექტის მოწინააღმდეგედ. დღეები გადიოდა, მას კი არავინ არაფერს ეკითხებოდა და პოლკოვნიკს ისევ შეეპარა ეჭვი. მას აღშფოთებდა პერის უგუნურება, ბრძოლიდან რომ გამოვიდა და საქმეს განუდგა სწორედ მაშინ, როცა მისი მონაწილეობა ამ საქმეში ყველაზე მეტად იყო საჭირო. პირველად პოლკოვნიკმა პერს ეს ჰაბუკუკრ ქედმაღლობადაც ჩაუთვალა, მერე კი იფიქრა, ალბათ გაცილებით სერიოზული მიზეზია. ამაშიო, მაგრამ ნიშნობის ჩაშლა რომ გაიგო, ძალიან შეწუხდა.

ამასობაში იაკობამ უხმაუროდ დატოვა მშობლიური სახლი. პერი ჯერ არ ჩამოსულიყო კოპენჰაგენში, რომ ის უკვე ბერლინისკენ მიემგზავრებოდა. სკოლადაც წავიდა ხანგრძლივი, ტყვეობის მსგავსი მარტოობის შემდეგ მოსაწყენი მგზავრობაც კი საინტერესოდ მოეჩვენა. ხოლო საღამოთი, შტეტინის სადგურიდან ოტელ ცენტრალში რომ მიდიოდა და უზარმაზარი ქალაქის ხმაურმა მოქცევის ტალღასავით გადაუარა, სიხარულით აუძგერდა გული. ფრიდრიხშტრასეს გამოცოცხლებულმა ბრბომ, ელექტროფარნების შუქმა, ეტლების გრძელმა რიგმა, ცხენის ჩლიქების კაკუნმა ასფალტზე, ვაგონების რახრახმა მალლა, და ბოლოს, სასტუმროს ვეებერთელა შენობამ, სადაც ადამიანები ისე დაფუსფუსებენ, როგორც ფუტკრები სკაში, სადაც კიბეებზე და დერეფნებში მსოფლიოს ყველა ენაზე გაიგონებ ლაპარაკს, — ყოველივე ამან იაკობას დატანჯული გული სიცოცხლის ავადმყოფური წყურვილით აანთო.

ქალს ეჩვენებოდა, როგორც იქნა დაუბრუნდი მშობლიურ ქერსო. აქ, ადამიანთა ამ აბოზოქრებულ ზღვაში, ის სრულიად უშიშრად გრძნობდა თავს. ცხადია, თუ რაოდენ სიბოროტეს ფარავდა მისი პირქუში სიღრმეები, რა ბევრმა განიცადა მარცხი, დაეშვა ფსკერზე და ლამით დაიფარა. კარგად იცნობდა უმწეო ღარიბების ვეებერთელა არმიას, ურომლისოდაც არც ერთი დიდი ქალაქი არ არსებობს, სიღატაკის ნაცრისფერ სახეს და. გამოღამებულ თვალებს, რასთან შედარებითაც ჩასუქებული და წითელლოყება სოფლური სიღატაკე თითქმის სიმდიდრედ მოგეჩვენება. მაგრამ იაკობას რა, მერე!.. დიდი ქალაქის გან-

კიცხულთა საცოდავი უსახლკარო არსებობაც კი მას ახლა ათასჯერ უფრო მდიდრულად და სრულფასოვნად ეჩვენებოდა, ვიდრე გლენხის უშინაარსო სიცოცხლე და მშვენიერად ესმოდა, რატომ ებღაუქებიან ეს ადამიანები, შიმშილისა და გაჭირვების მიუხედავად, ქალაქის ქვაფენილს, სანამ თვით სიკვდილი არ გააშვებინებს ხელს. დიდი ქალაქისთვის ზღვის მშვენებაა დამახასიათებელი, ხოლო ზღვის ტალღათა ბობოქრობა ადამიანთა სიცოცხლისთვის ბრძოლის, ფუსფუსის, დაცემისა და მალა ფრენის უწყვეტი ჭაჭვის მსგავსია, როცა ადამიანებს უკანასკნელ წუთამდე უსაზღვრო, განუცდელი შესაძლებლობანი ეჩვენებათ.

იაკობა ისევ და ისევ ბავშვზე ფიქრობდა. ქალი იმედოვნებდა, რომ თუ ბავშვი თავის ჩრდილოელ წინაპრებს დაემსგავსება, სულაც არ იქნება იმ შავშიწა, თავის ღობეზე მიჯაჭვეულ ადამიანთა ნაირი, ვისთვისაც ეს ქვეყანაც და ბედნიერებაც იქ თავდება, სადაც მშობლიური კერის კვამლი თვალს ეფარება. იმედი ჰქონდა, რომ მისი ბავშვი ზღვის ქემბარიტი შვილი იქნებოდა, თავისუფალი ვიკინგი, ბრძოლის წყურვილით შეპყრობილი, ისეთივე მოუსვენარი, მისი საკუთარი ებრაული სისხლისთვის რომ არის დამახასიათებელი, ისეთივე მუდმივი ტრფიალი მოგზაურობისა, იმ მოუღლეი, მიზანდასახული გულისთქმის ადამიანი, რამაც მისი გვარის ბევრი კაცი და ქალი კაცობრიობის იდეურ ბელადად აქცია.

იაკობას დღითი დღე უფრო კარგად ესმოდა მიწიერი სიბრძნის საბოლოო დასკვნა: ბედნიერება მხოლოდ ბრძოლით მოიპოვება, თუნდაც იმიტომ, რომ ბრძოლა ყველაზე ღრმა თავდავიწყებით გვაჯილდოვებს. ცხოვრება ომს წააგავს: ვინც ბრძოლის შუაგულშია, ის ყველაზე ნაკლებად ფიქრობს საშიშროებაზე, მას ყველაზე ნაკლებად ეშინია სისხლისა. მხოლოდ მხდალებს უკანკალებთ მუხლები, მხოლოდ დამრბევთ აწერიათ გაფითრებულ სახეებზე ბრძოლის შიში.

თ ა შ ი XXIII

კობენჰაგენში ჩასვლისთანავე პერი შეუდგა ბინისა და ფულადი საქმეების მოგვარებას, რათა მერე დამშვიდებით ჩაჯდომოდა სამუშაოს. მან გადაწყვიტა ათასნახევარი ესესხა უმაღლესი სასამართლოს ადვოკატ ზასელაგერისგან — ეს, სულ ცოტა, ერთ წელს მაინც ეყოფოდა.

თუმცა არ უნდოდა ფული იმ ადამიანებისთვის გამოერთმია, ვისი ცხოვრების ნირი და გამდიდრებაზე გამუდმებული ზრუნვაც ახლა ასე სძაგდა, მაგრამ სხვა გამოსავალს ვერ ხედავდა. თანაც, დროც არ ჰქონდა. მოთმინება აღარ ყოფნიდა, ისე უნდოდა, კვლავ საქმისთვის მოეკიდა ხელი.

ვალის უზრუნველსაყოფად პერი აპირებდა შეეთავაზებინა თავისი ორი პატენტი ქარის და წყლის ძრავების მოდელებზე, ბოლოს და ბოლოს რომ მიიღო — ერთი აქ, ხოლო მეორე — საზღვარგარეთ. თუმცა ამ გამოგონებათა შექმნის მსურველები ჯერ არ გამოჩენილიყვნენ და თავად პერიც არ მალავდა, რომ დიდი მნიშვნელობა მათ არ ჰქონდათ. ის კონსტრუქციას მხოლოდ სანახევროდ დამთავრებულად თვლიდა, მაგრამ იმით ხელმძღვანელობდა, რომ ხასელაგერი, ეს საკმაოდ გაიძვერა და ეშმაკი კაცი, ვინც კარგად ხედებოდა მისი პროექტის მთელ მნიშვნელობას, შესძლებდა როგორმე ხელიდან არ გაეშვა თავისთვის სასარგებლო საქმე და ფულადი დახმარება გაეწია.

მართლაც, ხასელაგერმა მეტად თავაზიანად მიიღო, მაგრამ ფრიად თავშეკავებულად იქცეოდა, რადგან ნიშნობის შეწყვეტის აშბავი წინა დღით გაეგო. ისაუბრეს პერის გეგმებზე, პერსპექტივებზე, კერძოდ. მისი გამოგონების შემდგომ სრულყოფაზე და პერმა თავის მოვალეობად ჩათვალა სრულიად გულახდილად ლაპარაკი, მაგრამ როდესაც ბოლოს აშკარად სთხოვა ხასელაგერს, ფული მასესხეო, ამ კაცმა უეცრად მოიწყინა და ჰეშმარიტი კოპენჰაგენელის გულისმომგები ზრდილობით დაიჩივლა, არა მგონია შეეძლო თქვენი თხოვნის დაკმაყოფილება, რაკი პრინციპულად არავის ვაძლევ სესხად ფულს საკმაო გარანტიის წარმოდგენის გარეშეო. ეს, ასე ვთქვათ, საქმიანი წესია, რაც თვითელმა იურისტმა განუზრებლად უნდა დაიცვას, თუ არ სურს ეჭვი შეიტანონ, ნებადაურთველ ხრიკებს აწყობსო.

მაშინ პერმა ჰკითხა, ღირს თუ არა მოესინჯო ბედი სხვებთან, ვინც დაინტერესებულია ჩემი პროექტით, მაგრამ არ აბრკოლებს მსგავსი მოსაზრებანიო; ხასელაგერმა მცირე ხნის ფიქრის შემდეგ, როგორც მოსალოდნელიც იყო, მიუგო, რომ ასეთი ადამიანები რამდენიც გსურთ იმდენი მოიძებნებაო. ეს ბრგე, ჰისხლსავსე, ქერათმიანი დანიელი სიმარჯვეში დიდი წარმატებით ბაძავდა მაქს ბერნარდს და არ ეშინოდა თვით სარისკო ფინანსური ოპერაციებისაც კი, მაგრამ თუ საქმე სისტლისღერამდე მივიდოდა, ის, რაკი ანემიური მაქს ბერნარდივით

უშიშარი არ გახლდათ, საბოლოოდ ჩასაკლავად სხვას უთმობდა მახვერბლს. ამ შემთხვევაში მან დაუსახელა მიწათმოქმედი ნერეხავე. ვისთანაც პერი მისი ჩჩევის გარეშეც წავიდოდა. მეორე დღესვე გაეშურა პერი ფრედერიკსბერგში, სადაც პატრონის შემოსავლისა და გემოვნების შესაბამისად მოწყობილ ვილაში უბრალო მხვინელ-მთესველის ნიღაბით ცხოვრობდა აფერისტი და საქმოსანი.

ჩასხმულმა და მოუხეშავმა იუტლანდელმაც მოჰკრა ყური ნიშნობის შეწყვეტის ამბავს, მაგრამ არ უნდოდა თავისი ყურებისთვის დაეჯერებინა, ამიტომ პერი უთავაზიანესი ღიმილით მიიღო და დიდხანს ანჯღრევდა მის ხელს თავისი თბილი და წებოვანი ხელით. მაგრამ როგორც კი პერმა თავისი სათხოვარი უხსენა, ნერეხავე მაშინვე დადუმდა; მისი წვრილი ღორის თვალები პერის მარჯვენა ხელზე მალულად დაეძებდნენ ნიშნობის ბეჭედს. რაც უფრო მეტ ხანს ლაპარაკობდა პერი, მით უფრო მედიდურად იშხლართებოდა ნერეხავე თავის მოოქვირლ. სავარძელში. ბოლოს გულზე ხელები გადაიჯვარედინა და ისეთი ტონით განუცხად: პერს, წინააღმდეგობა ამაო იყო — გთხოვთ, ამ საქმეში ნუ ჩამრევთო.

პერს მოთმინება ეკარგებოდა. მან შეახსენა თავის თანამოსაუბრეს, გასულ გაზაფხულზე ხასელაგერთან ერთად თქვენი მზარდაქტერა ისეთ ფორმაში შემომთავაზეთ, ამან გამაბედვინა მეფიქრა, რომ სრულიად ბუნებრივი და კანონზომიერი იქნებოდა, დღეს თქვენთან ამ სათხოვართ მოვსულიყავიო. მაგრამ მიწისმფლობელმა აულელვებლად გადაიქნია თავი და თავისი პროვინციული კილოთი გაიმეორა:

— მე ამ საქმეში ნუ ჩამრევთ, არ არის საჭირო!

პერი არ დააკმაყოფილა ასეთმა პასუხმა და განმარტება მოითხოვა. სოფლური მოურიდებლობით, რაზედაც იმედს ამყარებდა ხასელაგერი, მიწათმფლობელმა ნერეხავემ მიუგო, რომ „სიტუაცია“ (ნერეხავეს საყვარელი სიტყვა) ძირფესვიანად შეიცვალა მას შემდეგ, რაც პერი — ამაში ახლა ეჭვი აღარ ეპარება — აღარ არის ფილიპ სალამონის მომავალი სიძე. ამავე დროს მან გაკვირვებაც გამოთქვა ასეთ მდიდრებთან პერის განხეთქილების გამო და მიზეზების გამოძიებასაც შეეცადა. მაგრამ ამ სიტყვებზე პერი წამოდგა, სახეზე ისეთი გამომეტყველება ჰქონდა, ნერეხავემ თავისი დაკითხვა ნახევარ სიტყვაზე შეწყვიტა.

პერმა პირდაპირ მიახალა:

— მოკლედ რომ ვთქვათ, უარს მეუბნებით ფულის სესხებაზე?

მიწათმფლობელი ისევ შეყოყმანდა. პერის მტკიცე ტონმა ძველი

პატივისცემა გაუღვიძა ამ კაცის მიმართ, მაქს ბერნარდთან ლირსსახსროვარი თავყრილობის შემდეგ რომ იგრძნო. მან მუცელზე შემოიწყო თავისი მსუქანი ხელები და ცერები აათამაშა. ხოლო გოქის პატარა თვალებით მანამ მონათვაობდა გამომცდელად პერს, სანამ ამ თვალების პატრონი თავისთვის ამ წამოწყების „დაღებით“ და „უარყოფით“ ასწონ-დასწონიდა.

— არა, — თითქოს გაისროლა მან მცირე ხნის ფიქრის შემდეგ. — არც მინდა ვიცოდე რაიმე.

არც კი დაეშთავრებინა სიტყვა, რომ პერმა თავის ქულს ხელი წამოავლო და საჩქაროდ გარეთ გავარდა.

ქუჩაში ცოტა დაწყნარდა. თუ გონივრულად განსჯიდა, არავითარი საფუძველი არ ჰქონდა, რომ დაეჩივლა. პერი ოქროს კერპის გარშემო გამართული ველური ცეკვის მონაწილე იყო. რაღა გასაკვირია, თუ კერპმა, დიდი ხანია მსხვერპლი რომ არ მიუღია, რქენა დაიწყო?

მაგრამ რა ქნას ახლა? ფული სიციოცხლედ უღირს. ნაღდ ფულად ასიოდე კრონს თუ მოაგროვებს სიმწრით.

პერი პარკში წავიდა. იქ დიდხანს იჯდა სკამზე და თავს იმტვრევდა გამოსავლის ძებნით. გამომგონებლობამ, რისი ნიჭითაც ბედნიერად იყო დაჯილდოებული, როგორც ინჟინერი, ამ მძიმე ვითარებაშიც არ უმტყუნა. ერთი საათის შემდეგ, პერი რომ აღგა და შინისკენ გაემართა. თავში უკვე მომწიფებული გეგმა ედო. სულ უბრალოდ მივა პოლკოვნიკ ბერეგრავეთან. ის ხომ დღემდე არ სწევია საპასუხო ვიზიტით ამ კაცს. პერი არ აპირებდა ფულის თხოვნას თვით პოლკოვნიკისთვის: პოლკოვნიკმა მხოლოდ სიტყვა უნდა გადაუქრას მის შესახებ სამოქალაქო მრჩეველ ერიკსენს, ცნობილ მეცენატს, ვისაც პერი ხვდებოდა ხოლმე სალამონების სახლში. წინათ ერიკსენი, რამდენადაც პერისთვის იყო ცნობილი, ხალისით ეხმარებოდა ასეთი სპეციალობის ადამიანებს. პერი, თვითონაც მიმართავდა ერიკსენს, მაგრამ არ შეეძლო ამის გაკეთება სწორედ იმიტომ, რომ მათ ყოფილი სიმამრის სახლში გაიცნეს ერთმანეთი. თანაც ხეირიანად არც კი იცნობდა ამ კაცს და ფულის სესხება მისგან ეჩითირებოდა.

ნაშუადღევს პერი უკვე იჯდა პოლკოვნიკ ბერეგრავეის კაბინეტში იმავე მოწულ სავარძელში, სადაც სამი წლის წინ ანუ მგზნებარედ უხატავდა მის პატრონს თავის გეგმებს. პოლკოვნიკი ოდნავ გადაწოლილი იჯდა საწერ მაგიდასთან და ჭათვალის ზემოდან პერს თან თან-

გრძნობით და თან გამომწვევად ათვლიერებდა. თავის ძმისწულ დიუ-რინგისგან ბერეგრავს უკვე ყური მოეკრა, პერი და მისი საცოლე ვერ შეთანხმდნენ რელიგიის საკითხებშიო. თუმცა ის — სხვანაირად არც შეიძლებოდა! — ამ მიზეზს ფრიად და ფრიად საპატიოდ თვლიდა, მაინც პერი უბედურებისაგან ჰკუაზე შერყეულად მიაჩნდა.

პერმა იმით დაიწყო, რომ ბოდიში მოუხადა პოლკოვნიკს, ასე და-გიგვიანეთ საპასუხო ვიზიტით, მაგრამო, — უთხრა პერმა, — პირად? მიზეზები მქონდა, რის გამოც მსურდა ერთხანს კოპენჰაგენიდან მოშო-რებით ვყოფილიყავით.

პოლკოვნიკი ისე კეთილგანწყობით დუმდა, ეტყობოდა, პერის გან-მარტებამ დააკმაყოფილა.

ამის შემდეგ პერმა პირდაპირ დაიწყო ლაპარაკი თავის ფულად გაჭირვებაზე და უამბო ბერეგრავს, რა გზით აპირებდა ამ მღვდმარეო-ბიდან გამოსვლას. საფუძველი გამაჩნია ვიფიქრო, რომ ბატონ პოლ-კოვნიკის შემწეობით შემიძლია იმედი ვიქონიო სამოქალაქო მრჩეველის ერიკსენის მხარდაჭერაზე, მით უფრო, რომ ერიკსენს სხვა წყაროებიდანაც გაუგონია ჩემი ამბავი და წინასწარვე კეთილგანწყო-ბილია ჩემს მიმართო.

თუმცა პოლკოვნიკს თავისთვის უკვე საბოლოოდ გადაწყვეტილი ჰქონდა, არ ჩარეულიყო ამ საქმეში, მიუხედავად ამისა, მაინც განაცხა-და მზადყოფნა პერს დახმარებოდა, გაეგო ყოველივე და მერე კი პერი-სთვის ეცნობებინა. ფიქრობდა, აშკარაა, პერი ჰკუაზე ვერ არისო და ამიტომ სჯობს არ შევედავოო. პერი საოცრად აღგზნებული იყო და უზომოდ ბევრი იყბედა. ბოლო დღეთა მღელვარებამ და საკუთარი სა-ხეცვლილების სიხარულმა გულუბრყვილო სურვილი მოჰგვარა, ვინმეს-თვის გული გადაეშალა. მარტო ამ მხრივ არ შეცვლილა პერი. მას ფერი გაუკრთა, ჩამოხმა და თვალები ამოულამდა. თანაც მან ჯერ კიდევ? კერსხლომში მოუშვა წვერი და თმაც გაიზარდა, ხოლო ისეთი ტანსაც-მელი ეცვა და საუბარშიც ისეთი კილო ჰქონდა, ეტყობოდა. ცდილობდა სახარებასავით ხალხური ენით ელაპარაკა.

როცა ყმაწვილი კაცი წავიდა, პოლკოვნიკი ერთ ხანს ნაღვლიან ფიქრებს მიეცა. „აი საბრალო, — ფიქრობდა პოლკოვნიკი, — მისი წირ-ვა გამოსულია, მერე რა ნიჭი ჰქონდა! ნიჭიერი კი არა — გენიოსი იყო!“ თუმცა პოლკოვნიკს გულში უხაროდა, რომ ის გარდაქმნანი, თავის ღროზე მან რომ ვერ მოახერხა, სხვასაც არ გამოუდიოდა. მაგრამ თუ

სამშობლოს ინტერესების თვალსაზრისით განსჯიდა, გასახარი არაფერი იყო. პოლკოვნიკი პერზე დიდ იმედებს ამყარებდა. ის მასში ხედავდა დანიის ერის შავმიწიან, პირველქმნილ ძალთა ახალი აყვავების მაუწყებელს და ელოდა, რომ პერის მსგავსი ადამიანები გაათავისუფლებდნენ ქვეყანას ებრაელებისა და სხვა ნახევრადგერმანელთა ძალადური გავლენისაგან, რომელთაც ისარგებლეს იმით, რომ ხალხი ომმა დაღალა და ხელში ჩაიგდეს ქვეყნის ძალაუფლება.

აქ ბერეგრავს თავისი ძმისწული გაახსენდა, ახლახან მორიგი ოინი რომ ჩაიდინა. იმისათვის, რომ დიურინგის გაზეთის მხარდაჭერა ჰქონოდათ, ერთერთი უმსხვილესი სააქციონერო საზოგადოების მმართველობამ ოტო თავის წევრად აირჩია. ეს მას საშუალებას აძლევდა ყოველწლიურად უზრუნველად მიეღო რამდენიმე ათასი კრონი. ყმაწვილი საცა არის რიგსდაგშიაც გაძვრება. ეს საოცარი ბედის წყალობა ზოგჯერ ბერეგრავს აიძულებდა ეჭვი შეჰპარვოდა უმალესი სამართლიანობის არსებობაში. ადამიანი, ვინც არ იცოდა რა იყო სამშობლოს სიყვარული, ვისაც არაფერი სწამდა და ნამდვილი შრომის უნარი არ შეაწევდა შეუჩერებლად მიიწევდა მალა აღიარების, წარმატებისა და დიდების კობეზე, მაშინ როცა ჰეშმარიტად ღირსეულ ადამიანებს, ასე ვთქვათ დაბადებით ბელადებს, ვისაც ძალაც გააჩნდა და ჯანმრთელი, სამშობლოს ერთგული იყო, კაცი არ იცნობდა. თუმცა, დანიაში მუდამ ასე იყო. თაობა თაობაზე იზდებოდა გაფურჩქნილი, ნათელთვალებიანი თავისუფლებისმოყვარული და ძლიერი ადამიანებისა. თაობა თაობაზე ჩადროდა კუბოში მოტეხილი, წელში მოხრილი, დამარცხებული. თითქოს იღუმალი სენი ხრავდა ერის ძალას, აუძლოვებდა ახალგაზრდობის საუკეთესო ნაწილს და ქვეყანას უმწეოდ ტოვებდა მტრის შავდასხმის წინ.

* * *

პერმა ერთი მოხუცებული ქვრივი ქალის სახლში წყნარ, პატარა ქუჩაზე ფრედერიკსბერგის პარკის უკან დაიჭირავა ოთანხი. ქალაქის განაპირა უბანში მარტო იმიტომ კი არ დასახლდა, რომ უმალესი სასოფლო-სამეურნეო სკოლასთან ყოფილიყო ახლოს, სადაც აპირებდა

ლექციების კურსის მოსმენას, არემედ იმიტომაც, რომ უნდოდა, რაც შეიძლება იშვიათად გამოჩენილიყო ბრედჰადელზე და სხვა დანარჩენ ადგილებში, მისთვის უსიამოვნო მოგონებებთან რომ იყვნენ დაკავშირებულნი. მოხუცმა ქალმა მიაქირავე მას პატარა ლატაკად მოწყობილი მანსარდი და პერს, როგორც წესი, თითაც არ გაუნძრევია, რათა ოდნავ მაინც მყუდრო გაეხადა თავისი ბინა. იგი მხოლოდ ერთ რამეზე ფიქრობდა: მომზადებულაყო გამოცდისთვის, ჩაებარებინა და უკანვე გაბრუნებულყო.

რაკი ეპვიც არ ეპარებოდა, რომ პოლკოვნიკი თავის სიტყვას შეასრულებდა და ფულად საქმეებს ასე თუ ისე მოაგვარებდა, პერმა მოითხოვა გამოეგზავნათ მისთვის სასტუმროდან ყველა წიგნი, ნახაზი და სხვა ავლა-დიდება, რაც იქ ინახებოდა მისი აქ არყოფნის დროს. მაგრამ იძულებული გახდა წიგნები და ნახაზები ხელახლა შეენახა: მას არაფრის გაკეთება არ შეეძლო, გარდა ლექციების მოსმენისათვის მზადებისა, ხოლო ლექციები პირველ სექტემბერს იწყებოდა. აი, გამოცდებს რომ ჩააპარებს და კერსხოლმში ამოსაშრობ სამუშაოთა პროექტს მორჩება, ამ პროექტს კი ცხოვრებაში მალე განხორციელება უწერია, — ო, მაშინ ნამდვილად მოკიდებს ხელს საქმეს. პერს უკვე დაეხადა რამდენიმე კარგი აზრი წყლის და ქარის ძრავათა შემდგომი სრულყოფის თაობაზე. ასეთ სამუშაოს უდიდესი უპირატესობა აქვს მაგალითად, არხის პროექტისგან განსხვავებით. ის შეგიძლია განახორციელო მარტო, შეინარჩუნო სრული დამოუკიდებლობა, არავის არაფერი არ ესესხო, და რაც მთავარია, არ დაუკავშირდე ისეთ პიროვნებებს, როგორნიც მაქს ბერნარდი ან ნერეხავე არიან. სოფელში პერს დანამდვილებით ექნება პრაქტიკული გამოცდას წარმოების საშუალება, რასაც შემდგომში ვერ შეელევა საჭირო იქნება რამდენიმე საცდელი მოდელის აგება... თუმცა, ჭერ ამიზე ფიქრი ნაადრევია. ერთ-ერთმა პროფესორმა, ვისაც პერმა მიმართა, რათა მისი დახმარებით დაესახა მეცადინეობის გეგმა, უთხრა, მომზადებას არანაკლები წელიწადნახევარი დასჭირდებაო, მაგრამ პერმა გადაწყვიტა, ნახევარ ვადაში ჩავეტევიო. ამისთვის მან ხელახლა წამოაყენა ახალგაზრდობისდროინდელი მგზნებარე ლოზუნგი: მე ასე მსურს.

და აი, ის ხელახლა ზის ღარიბულ პატარა სენაკში და ხელახლა იბრძვის ცხოვრებისა და მომავალი ბედნიერებისათვის. სწორედ ასე დილაადრიან დგებოდა პერი ნიუბოდერში და მამლის მაგიერ ფაბრი-

კის საყვირი აღვიძებდა; ხოლო სინათლე მის ფანჯარაში მაშინაც არ ქრებოდა, როცა მთელ წყნარ გარეუბანს უკვე დიდი ხანია მაგრად ეძინა. და თუმცა პერს ძველებურად გრანდიოზული მიზანი ჰქონდა დასახული, ხოლო ამ მიზანს აღარ გააჩნდა თავისი ადრინდელი ზღაპრული შარავანდელი. მაინც არაჩვეულებრივი მგზნებარებით და შეუპოვრობით შეუდგა მუშაობას. ახლა მას ხელს აღარ უშლიდა სულმოკლეობის უეცარი მტანჯველი შეტევები. ის არ მოელოდა დიდ მოგებას თავისი გამოკონებისაგან და საერთოდ არ ფიქრობდა ფულზე. საკმარისი ჯილდო იყო მისთვის ფიქრი იმისა, რომ კაცობრიობის სასიკეთოდ შრომობდა. პირადად თავისთვის მას მხოლოდ ერთი რამ უნდოდა: ამ მუშაობის მეშვეობით შესაძლებლობა ჰქონოდა ალაღმართალი, ჯანსაღი, მშრომელი ცხოვრებით, სიყვარულით და თანხმობით ეცხოვრა მასთან, ვისზეც ნაღვლობდა მისი გული.

მაგრამ ჯერ ვერ ბედავდა აეგო რაიმე გეგმა, რაც დაკავშირებული იყო მის ინგერისადმი სიყვარულთან. როცა მისი აზრები ბესტრუჰისაკენ წარიმართებოდა, ცეცხლისმახვილიანი ანგელოზი უღობავდა მას გზას. უნდა დაეცადა, პერი ჯერ არ იყო ღირსი სამოთხის ნეტარებისა. ახლა, როცა სავესებით შეიციწო, რაოდენ დაცემულიყო, პერს ხშირად ეჩვენებოდა, რომ საერთოდ არ ჰქონდა ბედნიერების უფლება. ის ვერ გაბედავს სახეში შეხედოს უმანკობას და სისპეტაკეს — ასეთი სასჯელი დაიმსახურა. მან ხალხის თვალს ისე უნდა დაუფაროს თავის იმედება, როგორც მძარცვევი მალავს თავის საიღუმლო ფარანს. ის უნდა იყოს ბედნიერი მხოლოდ ინგერის ქვერტით. კერსხოლმიდან გამომგზავრების წინ ჰოფეჰერმეისტერის მეუღლემ ჰკითხა, ხომ არ გასურს, ჩვენთან ერთად გაატარო საშობაო დღესასწაული და მერე გამამხნევებელი ღიმილით დასძინა, ბლომბერგებსაც გაუხარლებათ ალბათო.

კომენჰაგენში თავისი ჩამოსვლის პირველსავე კვირა დღეს პერა ვარტოვის სამლოცველოში გაეშურა. ნათელი მზიანი ამინდი იყო და ადრე გამოვიდა შინიდან, რომ გზის ფული არ დახარჯვოდა. მაგრამ, როცა შეერია ხმაურიან და მხიარულ ადამიანთა ბრბოს, ბუნების წიაღში კვირა დღის გატარებას რომ აპირებდნენ, მაინც გადაწყვიტა, ტრამვაით წასულიყო.

ლენჰანსტრედემდე რომ მიალწია, წირვის დაწყებას მეოთხედი საათი აკლდა, მაგრამ პატარა ეკლესია უკვე მთლად გაჰქედლილი იყო. ეს

გრუნტივიანიური თემის უბრალო სამლოცველო სახლი მუდამ სავსე გახლდათ ხალხით, მაშინ, როდესაც ქალაქის ყველაზე დიდი ეკლესიაც კი ნახევრად გამოცარიელებული იყო წირვის დროს, მართალია, დიდი ხანია გავიდა ის დრო, როდესაც აქ ეკლესიის დიადი მამის, თვით გრუნდტივიგის ხმა უღერდა, მაგრამ მისი სული კვლავ დასტრიალებდა აქ სახლს და მორწმუნენი აქ ქვეყნის ყველა კუთხიდან იყრიდნენ თავს, როგორც წმინდა ადგილთან, სადაც ღმერთი, გადმოცემის მიხედვით, გამოეცხადა თავის ხალხს.

პერმა ძლივს მოძებნა დასადგომი ადგილი კედელთან. ფანჯარათა გრძელი რიგიდან მოპირდაპირე კედელზე სინათლის ფართო ზოლები ეცემოდა და გასასვლელის გასწვრივ მახდომთა თავებს შარავანდედით ევლებოდა გარს. ამ განათებული თავებიდან ერთერთი წამდაუწყუმ ბრუნდებოდა პერისკენ, მაგრამ ის ამას ვერ ამჩნევდა. მერე ფსალმუნის სიმღერა რომ დაიწყეს, პერმა მხოლოდ მაშინ იგრძნო ეს მაშტერებული მზერა, დანახა ცისფერი თვალები, მუქი გადაბმული წარბები და შეკრთა, როცა თავისი და, სიგნე იცნო. სიგნეს გვერდით უსხდნენ უმცროსი ძმები — ტყუპები. ერთმანეთს მკიდროდ მიკროდნენ და საერთო ლოცვანში იხედებოდნენ. მათ, როგორც ჩანდა, ჯერ არ შეენიშნათ პერი.

სისხლი სახეში მოაწვა პერს, ვერც კი შესძლო, მაშინვე გაეცა პასუხი დის მისალმებაზე. აზრადაც არ მოსვლია, თუ აქ ვინმე შინაურს შეხვდებოდა. და საერთოდ, მთლად დაავიწყდა, რომ შესაძლო იყო ვინმე ნაცნობს მოხვედროდა თვალში. სიგნეს, პირიქით, თავი ისე ეპირა, თითქოს არაფერიც არ მომხდარიყოს. სიმღერა არც შეუწყვეტია, მშვიდად დაუკრა თავი ხელმეორედ და ისეთი სახე ჰქონდა ამ დროს, თითქოს კვირიდან კვირამდე ელოდა, როდის ნახავდა ბოლოს და ბოლოს პერს აქ მოსულს.

თუმცა პერი კომენჰაგენში ჩამოსვლის მეორე დღესვე გაემგზავრა კუნჰევეიზე თავისიანების მოსანახულებლად, მაგრამ როცა შინ არავინ დაუხვდა, დიდი შვება იგრძნო და ხელმეორედ აღარ უტდია იქ მისვლა. არ იცოდა, როგორ ეთქვა მათთვის, რომ ნიშნობა ჩაეშალა და საერთოდ, როგორ აეხსნა ყოველივე, რაც ამ ხანში თავს გადახდა. ეშინოდა, მათ თვლებში გამარჯვებულთა ზეიმი არ ამოეკითხა. სწორედ ამ ზეიმს ეძებდა ახლა დის სახეზე.

გალობა დამთავრდა, პასტორი კათედრაზე ავიდა. მაგრამ პერი უკ-

ვე ვეღარ იკრებდა აზრს. ეკლესიაში მეორედ გასვლა ბორჯუბში პირველად გასვლაზე უფრო წარმატებით არ დამთავრებულა მისთვის. თუმცა პერა ძალიან ცდილობდა აზრები მოეკრიბა, მაინც არაფერი გამოსდიოდა და გონება ეფანტებოდა.

თანაც უეცრად ცუდად იგრძნო თავი. ამ ბოლო დღეებში საერთოდ არ იყო კარგად. ხელახლა იგრძნო ტკივილი გულის კოვზთან, კვლავ მოუსვენრად ეძინა და ღამით კოშმარი აწუხებდა. ხალხით გაჰედლიო სამლოცველოს დახუთულმა ჰაერმა, თვალისმომპკრელმა მზემ, ფეხზე დიდ ხანს დგომამ. სიგნესთან და ძმებთან გარდუვალმა შეხვედრამ — ყოველთვის ამან ისე იმოქმედა პერზე, წაშით მოეჩვენა, საცაა გონებახ დავკარგავო. წირვის გამოსვლის შემდეგ თავისიანებს ეკლესიის კართან რომ შეხვდა, პერი ნამდვილად ცუდად იყო. სიგნემ ეს მაშინვე შენიშნა და ჰკითხა, რა დაგეშართათო. უეცრად პერს ყველაფერი აერია თვალწინ, ძლივს მიატანა მეკარის სენაკამდე და გულშეღონებული დაეცა.

გონს რომ მოვიდა, ძმებმა ეტლამდე მიიყვანეს. პერმა გაიგონა, სიგნემ მეეტლეს რომ კუნძვევიზე, მათ ბინაზე წასვლა უბრძანა და არც ეს შეცდილა შეწინააღმდეგებას. ის საშინლად დაიძალა, ძალამ უმტყუნა და ეჩვენებოდა, რომ კვლებოდა. როგორც კი ლოგინში ჩააწვინეს, მაშინვე დაიძინა.

რამდენიმე საათის შემდეგ რომ გამოეღვიძა, პერმა თავისი თავი ერთფანჯრიან, ფარდაჩამოფარებულ ნახევრადბნელ დაბალ ოთახში დაინახა. მაშინვე ვერ მოისაზრა, სად იმყოფებოდა და შეშინებული აქეთ-იქით იყურებოდა. აი, დედამისის წითელი ხის სეკრეტერი, კლიტის ყოველ ჰურჭუტანასთან მრგვალი თეთრი ფირფიტები რომ აქვს; ფირფიტები გაკვირვებული თვალებით იჭყიტებიან. აი მოწულა სკამი, ოღესღაც მომაკვდავი მამის ლოგინთან რომ იდგა. აი დასაჯლომზე ხელით მოქარგული პუფი, დედა მას ძალიან უფრთხილდებოდა. თაროზე კი სარკის ქვეშ წინანდებურად დევს დიდი აფრიკული ნიჟარა, შავნიდან რომ ბაცი წითელი ფერისაა. ზღვის ნაღვლიან სიმღერა ისმის მისგან... საიდუმლო, მოჩვენებითი ხმაური... ჯერ კიდევ ბავშვობისა რამდენჯერ მიუტანია პერს ეს ნიჟარა ყურთან და გაოცებით მოუსმენია უცნაური ბგერები. იქნებ სწორედ მაშინ ჩაესახა პირველად ოცნება შორეული შეუცნობელი ქვეყნების საზღაპრო სიმშვენიერზე.

პერს სიხარულით გულს მოეშვა და ღრმად ამოისუნთქა. აი, ის შინ არის. მორჩა აუხდენელი სიზმრების უგუნურ გამოდევნებას. პერი სი-

ნამდვილის სამეფოში დაბრუნდა და ფეხქვეშ ხელახლა სამშობლოს
მყარ ნიადაგს გრძნობს.

მეზობელი ოთახის კარი შეღებილი იყო და იქიდან ჩუმი ლაპარაკი
ისმოდა. შინაურულად ლაპარაკობდნენ. სასაღილოში ძველმა საათმა
დარეკა... ვერცხლად დაიღვარა სამი მკაფიო, სუფთა დარტყმა. რა
ნაცნობი ბგერებია! თითქოს დროის გრძელი გრავნილიდან ამოცურდა
და გაიშალა ბავშვობის აუზღვრეველი სურათი. პერს გაახსენდა, ჯერ
ისევე მთლად პაწაწინა იყო, მოკრძალებით რომ უგდებდა ყურს საათის
რეკვას; ამ დაკვრით ეს საათი კეთილსინდისიერად აცილებდა სამუდამოდ
გამქრალ ყოველ საათს, ვითარცა ეკლესიის ზარი რეკავს განსვენებულის
ნეშტზე. მერე, როცა წამოიზარდა, პერი ფიქრობდა: ამ ვერცხლივით ნათელ
ბგერებთან ცაში განვლილი საათის სულიც ხომ არ აღისო? დიდი—დიდი ხნის მერეც, როცა მისი აზრები ცის მიღმა სი-
მალღეებიდან მიწაზე დაბრუნდა, საათის განზომილი, გამაფრთხილებე-
ლი რეკვა მუდამ კარგ განწყობაზე აყენებდა. არმყოფობაში მიმავალ
დროისადმი თავყანასცემის გრძნობა არასდროს მოშორებია. ახლაც,
უკვე დიდი აღამიანი პერი, საათის რეკვას თვით მარადიულობის სასი-
კეთო ცნობასავით აღიქვამდა.

უეცრად დედის დანატოვარი წერილი გაახსენდა. მთელი ზაფხულს
განმავლობაში არ ამოსვლია ის თავიდან და გულს მღელეარე მოლო-
დინით უვსებდა. ვერ გაუბედა მიწერა, რომ წერილი გაეგზავნათ მისთ-
ვის და თანაც ძალიან უნდოდა მისი წაკითხვა. ახლა უკვე საკმაოდ მოზ-
ზადებულად თვლიდა თავს და გადაწყვიტა წერილი დისთვის მოეთხოვა.
პერი მიხვდა, რომ დედისგან გაიციხვის მოსმენის შიში იღუმლად ხელს
უმართავდა მას ბნელ ძალებთან ბრძოლაში. დედამ კუბოლან გამოუ-
წოდა მას დახმარების ხელი, დაეხმარა ხსნისაკენ პირველი; ყველაზე
ძნელი ნაბიჯის გადადგმაში, იმ ნაბიჯის გადადგმაში, თავზე ასე დიდ
ძალისდატანებად რომ უღირდა.

პერს უნდოდა სიგნესთვის დაეძახნა, მაგრამ შემოსასვლელში ზა-
რი გაიშმა და მეზობელი ოთახიდან მაშინვე ებერხარდის ხმა გაიგონა.

პერი ერთხანს ჩუმად იწვა და ყურს უგდებდა ძმის ხმას, უცნაურად
აგონებდა მამის ხმას. ლაპარაკისას ძმა ოთახში ბოლოთას სცემდა; ამასაც
მამასავით აკეთებდა. ისე რომ, პირდაპირ საშინელება იყო. პერმა გაიგო-

ნა, როგორ უყვებოდა მას სიგნე მომხდარ ამბავს და თუმცა ორივენი ჩუ-
მად ლაპარაკობდნენ, პერმა მანც გაარჩია ზოგი სიტყვა. ებერხარდი
გაჯავრებული უწყრებოდა დას, ასე რად მოიქეციო. „სჯობდა საავად-
მყოფოში დაგეწინა, — უთხრა მან. — როცა არ იცი დანამდვილებით,
რითია კაცი ავად, საავადმყოფო ყველაზე გონივრული გამოსავალია.
იქნებ რაიმე გადამდები ავადმყოფობა ჰქირს, ხოლო რაკი აქ მოიყვანეთ,
მაშინვე ექიმში უნდა გამოგეძახებინათ“.

პერმა გვერდი იცვლა: უნდოდა უფრო მეტი გაეგონა. პროტესტის
გრძნობამ სძლია მის უწყინარ და შემრიგებლურ განწყობილებას. მაგ-
რამ მერე თავის თავს უთხრა, ებერხარდი მართალიაო. ასეა თუ ისე,
თუ შერიგებაა, საბოლოოდ უნდა შერიგდნენ. ან ახლა — ან არასო-
დეს. დადგა დრო, როცა საქმით უნდა დაამტკიცოს თავისი მონანიების
სიწრფელე.

— ებერხარდ! — დაუძახა პერმა.

ძმა შემოვიდა მასთან. მას სიგნე შემოყვა და საწოლთან გაჩერდა

— მე ვფიქრობ, თქვენ არაფერი გაქვთ ასალეღვებელი, — თავზე
ძალის დატანებით, აჩქარებით უთხრა პერმა, — საშიში არაფერია
მჭირს, უბრალოდ, ამ ბოლო დროს გადავიღალე. ახლა ისევ კარგად
ვარ.

— მართლაც კარგად გამოიყურები, — უთხრა ებერხარდმა მეგობ-
რული და თანამგრძნობი ტონით და პირველმა გაუწოდა ხელი. — მაგ-
რამ გულის წასვლა — როგორც გინდა თქვი და, სერიოზული ამბავია.

— არა, არა, უბრალოდ, ცუდად ვიყავი, მეტი არაფერი. თანაც,
თითქოს საბედისწეროდ, მზე პირდაპირ თვალებში მაჭყეტდა, მე კი ამას
ვერ ვიტან. ახლა თავს ისევ მშვენივრად ვგრძნობ.

— მე მანც დაუინებით მოვითხოვ, ექიმში გამოვიძახოთ. თუ შინ
არის, რამდენიმე წუთში აქ გაჩნდება.

— თუ თქვენ ეს დაგამშვიდებთ, ცხადია, თანახმა ვარ. მაგრამ უკვე
გითხარით, ჩემს ცუდად გახდომას ნამდვილ ავადმყოფობასთან არავი-
თარი კავშირი არა აქვს-მეთქი. ყველაფერში მზეა დამნაშავე... ან, იქ-
ნებ, დახუთული ჰაერის ბრალია...

— მოდით, ჩვენ ნუ გამოვძებნით ამის მიზეზს, — ორჭოფულად მი-
უგო ებერხარდმა, — გინდა მართალსაც ამბობდე, ექიმში მანც ჩვენზე
უკეთ გამოარკვევს ყველაფერს.

თუმცა გულში ცუდი არაფერი ედო, პერმა ჩუმად, ალმაცერად გა-

ხედა ძმას, მოელოდა, რომ მას გამარჯვებულის იერი. ექნებოდა და ამისი ეშინოდა ყველაზე უფრო მეტად. მაგრამ ებერხარდი სინათლის-კენ ზურგით იღგა და თანაც მისი ძალზე ფართო ქვედაყბიანი სახე სიგნეს სახეზე უფრო მეტად მოგაგონებდათ გაშეშებულ ნილაბს. სიცოცხლე მხოლოდ თვალებში ეტყობოდა.

პერმა გაიმეორა, თქვენი ნება ჩემთვის კანონიაო და ერთ რამეს გთხოვთ მხოლოდ: მოიყვანოთ პროფესორი ლარსენი, ვინც ერთხელ უკვე გამსინჯა ავადმყოფობის დროსო.

მაგრამ ორივემ, ებერხარდმაც და სიგნემაც ქვა ააგდეს და თავი შეუშვირეს. და-ძმამ ერთმანეთს გადახედა და ებერხარდმა თქვა:

— ჩვენ გყავს შინაური ექიმი. ის, თუმცა პროფესორი არ არის, მაგრამ საესებით ვენდობით.

— დედასაც ის მკურნალობდა, — ჩაუბოძო სიგნემ.

პერი მაშინვე ვერ მიხვდა, მან გაიმეორა, რომ ჩემთვის ძალიან არასასიამოვნო იქნება, თუ სხვა ექიმი დამიწყებს გასინჯვას და არა ის, რომელმაც უკვე მნახა და ამიტომ უფრო უკეთესად შეუძლია ჩემი მდგომარეობის განსჯაო.

მაგრამ ებერხარდი შეუწყნარებელი იყო.

— შენი ურთიერთობა პროფესორ ლარსენთან — ეს შენი საქმეა. მაგრამ ჩვენთვის უბრალოდ უხერხულია ჩვენს ექიმს ავუაროთ გვერდი, მით უფრო, რომ არავითარი მიზეზი არა გვაქვს უნდობლობისა. გარდა ამისა, შენი პროფესორი ამ საათებში, ალბათ, არც ღებულობს არავის, გარდა თავისი მუდმივი პაციენტებისა. ასე რომ, თუნდაც ამიტომ...

მხოლოდ ახლა მიხვდა პერი, რომ და-ძმა ფიქრობდა, თითქოს პერი უადგილოდ იბღინებოდა და უნდოდა მაღალი წრის კაცისთვის დამახასიათებელი ჩვევებით ეტრაბახა. ამ ექვმა გული ატკინა. პერმა თქვა, თუ ასე არ გესიამოვნებათ პროფესორ ლარსენის დანახვა, ავდგები და წავალო.

ებერხარდი მიხვდა, რომ პერი არც ფიქრობდა დათმობას და უკმაყოფილო გავიდა ოთახიდან, რათა მოსამსახურე პროფესორთან გაეგზავნა.

სიგნესაც უნდოდა გასვლა, მაგრამ პერმა შეაჩერა.

— ყური მიგდე, სიგნე, — უთხრა მან, — შენ გაქვს ის წერილი, — დედამ რომ დამიტოვა?

— ახლა მოგცე?

— მომეცი, გეთაყვა. საოცარიც კია, რომ საშუალება მაქვს იქ წავი-
კითხო, სადაც დაიწერა.

სიგნემ დუმილით ამოიღო გასაღებების აცმა, გამოაღო სეკრეტე-
რის ერთი უჯრა და დაბრუნდა დაბეჭდილი წერილით და პატარა პაკე-
ტით, რომელშიც მამის საათი იღო.

პერმა წერილის გახსნა მხოლოდ მას შემდეგ გადაწყვიტა, როცა სი-
გნე გავიდა. ყველაფერი აერია და თვალწინ, ნაცნობი ხელწერა, დედის
აქანკალებული, მთრთოლვარე ხელით გაკეთებული წარწერა რომ დაი-
ნახა: „ჩემს შვილს პეტერ ანდრეასს — დაე, მან წაიკითხოს ეს სტრი-
ქონები, როცა დამშვიდებული იქნება“. პერმა ბეჭედი გატეხა და
კითხვას შეუდგა:

„იესო ქრისტეს გულისათვის, იდიდოს მისმა სახელმა. ჩემო შვილო,
მე გწერ შენ, ალბათ, უკანასკნელად მანამდე, სანამ თვალებს სამუდა-
მოდ დავხუჭავ. გწერ, რათა მოვუხმო შენს გულს, რომელიც აარიდე.
არა მარტო შენს დედას, არა მარტო შენს გასვენებულ მამას, არა მარ-
ტო შენთვის მახლობელ ყველა აღამიანს, არამედ თვით ჩვენს განმგე-
ბელ ღმერთს, ყოვლად კეთილს და ყოვლის შემძლეს. მე გწერ შენ,
თუმცა არ ვიცი, სადა ხარ და როგორა ხარ. შენ მუდმივ გვემალები.
ალბათ გაქვს საამისო მიზეზი. შენი ძმები და დები მუზნებიან, თითქოს
ახლა საფრანგეთში თუ ამერიკაში ხარ. მაგრამ სადაც არ უნდა იყო, არ
ადგახარ ღვთის გზას — მე ეს მტკიცედ ვიცი. შენ ამჯობინე სამქვეყნო
საქმეთა ტვირთქვეშ მოხრა, ხოლო სამღვთო წერილში კი ნათქვამია.
რომ მისთვის, ვინც ცოლვასა და ურწმუნობაში გაგულქვეავდა, სახარე-
ბის სიბრძნე სიცოცხლის ბოლო დღეებამდე დაფარულია.

ერთერთ თავის ქადაგებაში მამაშენმა ერთხელ დახატა ურწმუნოს
ცხოვრების სურათი და შეაღარა ის ბნელ მიწისქვეშეთში პატიმრობას,
სადაც სინათლის ერთი სხივიც კი არ აღწევს და სადაც არ არის გასა-
სვლელი იმ კარს გარდა, გამცემლურად რომ ვაპყავხარ უძირო უფს-
კრულისაკენ. ჩემო უბედურო შვილო! იქნებ ამ სურათის ჭეშმარიტებამ
აგაღელვოს და გაგახსენოს შემდეგი სიტყვების ნამდვილი აზრი: თუ
ჩვენ მხოლოდ ჩვენი ხორცისთვის ვცხოვრობთ — სასიკვდილოდ ვართ
განწირულნი, ხოლო თუ შევძელით ხორცის მოკვლა სულისათვის, მაშინ
მარად ვიცოცხლებთ. თუკი შენ უნარი შეგწევს შეგზაროს საკუთარქმ
დაცემამ, მაშასადამე კიდევ არის იმედი, მაშასადამე კიდევ შეგიძლია

იბოგო ხსნის გზა, განუდგე ბოროტებას და სთხოვო ღმერთს შეწყალება ქრისტეს მიერ დაღვრილი სისხლის სადიდებლად.

მე კიდევ ბევრის თქმა მინდოდა შენთვის, ჩემო შვილო, მაგრამ ხელი დამეძალა და თვალიც აღარ მიჭრის. მოისმინე დედაშინის უკანასკნელი სიტყვა, ნათქვამი ამ სწრაფად მიმავალ ცხოვრებაში. მორჩილებით დაიჩოქე ჩვენი მალალი ღმერთის წინაშე და ჩვენი ძვირფასა მხსნელის იესო ქრისტეს ნებით წმინდა სული მოგვევლინება, მოწყალე მოიღებს შენსკენ ყურს და აგცდება საშიშროება — საშინელი განკითხვის დღეს, სასიკვდილო ძილისგან აღმდგარს, მოესმის სიტყვები, რომელთა უარესიც არაფერია ქვეყნად: „განვედ ჩემგან, უწმინდურო, მე შენ არ გიცნობ“.

ნახევარი საათის შემდეგ ოთახში ებერხარდმა შემოიხედა, რომ პერიისთვის პროფესორის პასუხი გადაეცა. პერი ისევ იწვა და ხელში დედის წერილი ეჭირა. ძმის მოულოდნელი გამოჩენით შემკრთალმა პერმა ბარათი საჩქაროდ შედო საბანქვეშ.

ებერხარდი მაინც კარებში შეჩერდა.

— მაშ მე მართალი აღმოვჩნდი, — აცნობა მან საზეიმო ტონით. — ეოზეფინა იყო პროფესორთან და მან ბრძანა, თუ ვინმე განსაკუთრებით მძიმე ავადმყოფის პატრონი არ მომაკითხავს, დღეს ვიზიტებზე არ წავალო, ხოლო ხვალ, თუ საჭირო ვიქნები, სიამოვნებით გინახულვართო.

პერმა დუმილით დაუკრა თავი. ის არ უსმენდა ძმას და ვერც მიხვდა, რაზე ელაპარაკებოდა. ვერც მაშინვე მიხვდა ებერხარდის სიტყვების ფარულ აზრს, ძმას რომ ამკარად სურდა, პერს უარი ეთქვა პროფესორზე. როცა ებერხარდი ფიცხლად შემოტრიალდა და გაბრაზებით მიიჯახუნა კარი, მხოლოდ მაშინ მოვიდა პერი გონს.

პერს თავადაც ვერ გაეგო, რატომ დააყენა ასეთ ცუდ გუნებაზე დედის წერილმა. მან წინასწარ იცოდა, რომ შიგ მკაცრ, დაუნდობელ გაკიცხვას წაიკითხავდა და ამიტომაც თვით წერილის აზრს სულაც არ აუღელვებია. კიდევაც ნანობდა, რომ ეს გამოსათხოვარი ბარათი ხელში ჩაუვარდა.

თუმცა, თავის გულგატეხილობაში მხოლოდ საკუთარ თავს ადანაშაულებდა. საყვედურობდა თავს, რომ არ შეასრულა მინაწერში მოცემული მითითება. მანამ არ უნდა წაეკითხა წერილი, სანამ ებერხარდთან და სიგნესთან პატარა შეხლა-შემოხლის შემდეგ არ დამშვიდდებოდა.

წერილი სადმე შორს უნდა გადაემალა და ხელმეორედ წაეკითხა, როცა მარტო იქნებოდა შინ, „როცა დამშვიდებული იქნებოდა“. აქ მას ხელ-
უშლიდა სიგნეც და ერთ-ერთი ტყუპის ცალიც: ისინი წამდაუწყუშ
ეჭვრიტებოდნენ ოთახში, აშკარად სურდათ დაენახათ, როგორ იმოქმე-
დებდა მასზე ამ წერილის წაკითხვა.

სასტუმრო ოთახში საათმა ოთხი დარეკა. პერმა აღელვებით გაიფიქ-
რა, ნეტავი როგორ დამთავრდება ეს დღეო. თუმცა სიგნეც და ტყუპე-
ბიც ნასადილევს, რაც შეეძლოთ, სულ იმის ცდაში იყვნენ, რომ მას
კარგად ეგრძნო თავი და არ მოეწყინა, მაგრამ პერს მაინც შინ, თავის
სენაკის წყნარ სიჩუმეში ყოფნა მოუნდა.

სალამოს ერთხელ კიდევ მოვიდა ებერხარდი. ის ცალკე ცხოვრობდა
და ოჯახს დღეში ერთხელ, დაახლოებით სამი საათისთვის მონიხალებ-
და ხოლმე, ასე დაწესდა დედის სიცოცხლეშივე. პერს გული აუჩვილა
იმან, რომ მიუხედავად მათი უთანხმოებისა, ძმამ მაინც გადაწყვიტა
კარგა გრძელი გზა გამოეელო კრისტიანსხაივიდან აქამდე საგანგებოდ
იმისთვის, რათა გაეგო, როგორ გრძნობდა პერი თავს.

მაგრამ გულთადი საუბარი მაინც არ გამოუვიდათ. პერმა ვერაფ-
რით ვერ გაარკვია, რა იცოდნენ მათ მისი განხეთქილების შესახებ იაკო-
ბასთან. თუმცა რამდენჯერმე შეეცადა, დაეკაკლინებინა სიგნესთვის,
მაგრამ აშკარად შემკრთალი სიგნე მაშინვე სხვა საგანზე გადაიტანდა
ხოლმე საუბარს. პერს ისეთი შთაბეჭდილება შეექნა, თითქოს ძმაც და-
დაც, მიუხედავად იმისა, რომ ასე ზრუნავენ მასზე, მაინც ფრთხილობენ
და მზად არიან ყოველი მისი, თუნდაც მთლად ალალი გულით ნათქვამი
სიტყვაც ისე ახსნან, თითქოს ძმა თავისი წარსულით და მაღალი წრის
ხალხთან ნაცნობობით ტრაბახობდეს.

ასეც იყო.. არც ებერხარდს, არც სიგნეს მაინცდამაინც არ სჯეროდათ
მისი გარდაქმნის გულწრფელობა, მათ ძმა არასაკმარისად მოთვინიე-
რებული ეჩვენებოდათ. ყური მოეკრათ, მდიდარი ებრაელის ქალთან
ნიშნობა ჩაშალაო და დიდ იმედებს ამყარებდნენ ამ ნაბიჯზე, მაგრამ
რა მოხდა და რატომ, — კარგად არ იცოდნენ, სიგნეს კი არც უნდოდა
რაიმე ცოდნოდა, რადგან მას ძმის ცხოვრებაში არაფერი არ აინტერე-
სებდა გარდა იმისა, რაც მათ საშინაო საქმეებს და მისი რწმენის საკი-
თხებს არ ეხებოდა.

მეორე დილით ვიზიტზე მოვიდა პროფესორი. პატარა, გაწამებული
და უსუფთაო გარეგნობის კაცუნა პირველად გუნებაზე არ იყო და

უპატიჟოდ იქცეოდა. მას სულაც არ ეპრიანებოდა გაეხსენებინა, რომ უკვე იცნობდა პერს და მოსვლისთანავე განაცხადა, მე თვითონ ავად ვარ და შინიდან არ უნდა გამოვსულიყავიო. სახეზე ისეთი მიწისფერი ედო და თვალებიც ისე ამოღამებოდა, ეტყობოდა, მართალს ამბობდა.

გასინჯვას რომ მორჩა, უფრო თავაზიანი გახდა. ლოგინთან ჩამოჯდა და თქვა:

— რა გინდათ, კაცმა რომ თქვას, გაიგოთ ჩემგან? თქვენ ძალიან ბევრს ჭამთ, სისხლის მიმოქცევა კი არ გივარგათ. ამის თაობაზე მე უკვე გითხარით მაშინ.

პერმა გამოთქვა მოსაზრება, რომ ასეთ უეცარ შეტევებს, ალბათ რაიმე კონკრეტული მიზეზი უნდა ჰქონდესო. ავად თავს არ ვგრძნობ და აღნაგობითაც — რა დასაძალია, კარგი და ძლიერი აგებულობისა ვარო.

— ძლიერი? თქვენ მხედველობაში გაქვთ შავმიწა ძალა?.. თუმცა, თუ ასე გინდათ... მაგრამ მე თქვენ გირჩევდით არ წაგეყენებინათ მაინცდამაინც მაღალი მოთხოვნანი თქვენი შავმიწა ძალებისადმი. ის ვერ აიტანს. ესეც უკვე ნათქვამი მაქვს. ჩვენ, დანიელები, ისეთი კუჭების პატრონები ვართ, ძველთაგანვე რომ უხვი ფაფებითა და წვნიანებით არის გაწელილი და ფეხს ვერ ვუწყობთ დროის სწრაფ რბოლას. ჩვენ გლუხების ცხენებს წავაგავართ — მათ ის მაინც შეუძლიათ, რომ ძველებურად ჩოროთით ირბინონ და კუდიტ ბუხები იგერიონ, მაგრამ ნამდვილი დოლისთვის არ გამოდგებიან. დღეს, უპატივემუღესო, მნიშვნელობა არა აქვს მხრების სიგანეს თუ თქმოს მოყვანილობას. დღეს ჩვენ გვჭირდება რკინა სისხლში და ფოსფორი — ტვინში. კიდევ საჭიროა ისეთი ნერვები, ჭერ რომ მთლად არ მოსდებიან ქონი, ჩემო ძვირფასო. საზოგადოდ, როგორც უკვე გითხარით, ნუ გექნებათ თქვენი აგებულების იმედი: მაინცდამაინც სატრაბახო არაფერი გაქვთ!

— მე კი სწორედ ახლა მჭირდება მაქსიმალური შრომისუნარიანობა, — უთხრა პერმა და სთხოვა პროფესორს, დაენიშნა მისთვის ყველაზე უფრო შესაფერისი საშუალებები ჯანის გასამაგრებლად.

მაგრამ პროფესორმა სევდიანად გადააქნია თავი.

— ჯანის გასამაგრებელი? ასეთი არაფერი ვიცი.

— კი მაგრამ, ამასწინათ რომ გესაუბრეთ, თქვენ მირჩიეთ ტანვარჯიში, ცივი შხაპი, მოკლედი — ორგანიზმის ყოველმხრივი გაკაჟება.

— კი გირჩიეთ... ხომ უნდა გამომეწერა რაიმე. მით უფრო, ის წამალი

არ გაწყენდათ, თუმცა თქვენთვის გაცილებით უმჯობესი იქნებოდა: ასე თქვენს პატრივეტულ პაპებსა და პაპის პაპებს გაეკაჟებინეთ. რადგან ახლა ჩვენ ჩვენი ძვირფასი მიცვალებული წინაპრების ცოდვებისთვის ვასწორებთ ანგარიშს — ბუმბულის ლეიბებისათვის, მთელი წლის გამოუცვლელ ოფლიან, შალის თეთრეულისთვის, თქვილის წვნიანბი კერძებისთვის, საყნოსავ თამბაქოსათვის და მთელი მათი წიგნის ჭიკბინით კარჩაკეტილი ცხოვრებისათვის. თქვენ ხომ, ცხადია, პასტორის შვილი ხართ. მე კი პირადი გამოცდილებით ვიცი, რით კვებავენ მრავალრიცხოვან შვილებს და შინაურებს ამ იდეალურ ოჯახებში. სადაც ხორცის მაგიერ კაცს ხშირად ლოცვას მიართმევენ ხოლმე. აბა, ცოცხალს თუ ივლებთ მაინც რეგულარულად?

პერმა მოიმიზეზა, ამ ბოლო დროს ისეთ პირობებში ვიყავი, სისტემატური გაკაჟების საშუალება არ მქონდა.

— უმჯობესია პატიოსნურად აღიაროთ, რომ ცივი წყლისა გეშინიათ. ეს შემძლია გაგივოთ. სულაც არ არის სასიამოვნო ცივი წყლის გადავლება, თუ ბავშვობიდან არა ხართ შეჩვეული ამას. ახლა კი, უპატრივეტულღესო, პირის დაღება ინებეთ, ყელს გაგისინჯავთ.

პერმა პირი გააღო.

— ასეც ვიცოდი, უკანა კბილების ნახევარი აღარაა გაქვთ. თქვენ, ალბათ, ფრიად მოწითულობის დროს გაეცანით ცივილიზაციის ისეთ პროდუქტს, როგორცაა კბილის ჯაგრისი. მეც ოცი წლისა ვიყავი, როცა ის ვინხარე. მანამდე კი, რაკი მამის კვალზე მივდიოდი, დილით პირში „მამაო ჩვენოს“ კარგ ულუფას ვივლებდი ხოლმე. თუმცა, ნუ გავინსენებთ ძველ ცოდვებს, — შეწყვიტა მან ნახევარ სიტყვაზე, დაიღრიჯა და მარცხენა გვერდზე მიიღო ხელი.

პერი სერიოზულად გაბრაზდებოდა ამ ტირადაზე, თავიდანვე რომ არ მიმხვდარიყო, ჩემს წინაშე დგას დატანჯული, ძალზე დაავადებული ადამიანი, ვისაც თავდაც არ ესმის; რას ამბობსო. ამიტომაც მაინცდამაინც არ შეშინებია პირქუში პროგნოზებისა; კარგად ხედავდა, რომ პროფესორი საკუთარ მდგომარეობაზე უფრო მეტს ფიქრობდა, ვიდრე თავის პაციენტისაზე.

მაგრამ მაინც მისცა პერმა კიდევ ერთი უკანასკნელი შეკითხვა. უთხრა, ასე შეჩვენება, ქალაქში ცხოვრება უნდა მგნებდესო. და აი ხომ არ ფიქრობს პროფესორი, რომ მომავალში პერისათვის უფრო სასარგებლო იქნებოდა სოფელში დასახლება?

— რა თქმა უნდა! ცხადია, გადასახლდით ბალახზე. და რაც შეიძლება მაღე! მხოლოდ იქ ვართ ჩვენ შინ. ქვაფენილები ჩვენი თაობისათვის არ არის და იქნებ ჩვენი მომავალი თაობისათვისაც არ გამოდგეს. ახლა კი ერთი-ორი დღე იწეკით და დაიმშვიდეთ ნერვები. შემიძლია გირჩიოთ კიდევ ბრომიანი კალიუმი, სუფრის კოვზით მიიღეთ ძილის წინ. საერთოდ კი, უბედურებაში ძვირფასო თანამომძმევ, მოდით, უფრო მოთმინებით მოვეპყროთ ჩვენი გაჭიმული ნაწლავების ყოველგვარ მოძრაობას. როცა იმ ქვეყნად წავალთ, თავს ველარ მოგვაბეზრებენ.

• • •

პერს არ უნდოდა დიდხანს წოლილიყო ლოგინში; მეორე დღითვე ადგა, ხოლო ერთი დღის შემდეგ შინ დაბრუნდა. მეცადინეობის დაწყებამდე დღეები დათვლილი ჰქონდა და კვლავ მუშაობას შეუდგა.

თუმცა ექიმის რჩევას, უფრო მეტად გაეწია ანგარიში თავისი ჯან-პრთელობისთვის, უქმად არ ჩაუვლია. პერი უწინდებურად შვიდ-რვა საათს მუშაობდა, მაგრამ დროს უფრო გონივრულად ანაწილებდა: ყოველდღე დასეირნობდა და უცოლშვილოდ დაბერებული კაცივით, ამით ერთობოდა, რომ ინტერესით ადევნებდა თვალს ქუჩის ცხოვრებას. თუმცა, ფრედერიკსბერგის საზღვრებს მხოლოდ კვირაში ერთხელ თუ გასცდებოდა — კვირა დღეს, როცა ეკლესიაში მიემგზავრებოდა. ამასთან, ცდილობდა არ მოხვედრილიყო ქალაქის აღმოსავლეთ ნაწილში, რომ არ შეხვედროდა ვისმე თავის მეგობართაგანს, ან უბრალოდ ნაცნობთაგანს. ერთხელ ტრამვაიში სწორედ პირდაპირ დაუჯდა კლასის ამხანაგი, ეს კაცი დიდხანს ათვალიერებდა ეჭვნარევი ღიმილით და, როგორც ჩანდა, აშკარად ცდილობდა მოეგონებინა, სად ენახა. პერს შეეშინდა არ მიცნოსო და ტრამვიდან რამდენიმე გაჩერებით ადრე გადმოვიდა, ვიდრე საჭირო იყო. უმადლესი სასოფლო-სამეურნეო სკოლის ახალ თანაკურსელებთან მას ნაცნობობა არ გაუბია. ზოგჯერ ნახულობდა ახლობლებს, ერთხელ მასთან საპასუხო ვიზიტით ებერხარდმაც შეიარა, მაგრამ ნამდვილად ვერ დაუახლოვდნენ ერთმანეთს; რაკი ახლა პერი თავადაც გაურბოდა ამას. სიფრთხილის გამო ის ახლა ვარტოვის სამლოცველოში აღარ დადიოდა, ეძებდა ისეთ ეკლესიას, სადაც ხალხი უფრო ნაკლებად იყო, რომ წირვის დროს კვლავ ფეხზე დგომა არ დას-

ჭარვებოდა. ამასთან თავს წმინდა „გრუნდტიგიანელად“ არ თვლიდა. და ხეირიანად არც კი იცოდა, რას ნიშნავდა „გრუნდტიგიანლობა“ რელიგიის მიმართ, — ისე რომ, აქაც მარტოხელა მაჩვენებლად რჩებოდა. დედის წერილი კი, რომელსაც პერი ხან კარგ გუნებაზე კითხულობდა და ხან ცუდზე — მხოლოდ უფრო აფიქრებდა და აფრთხობდა. უსიამოვნო გრძნობა, ამ წერილის პირველად წაკითხვამ რომ აღუძრა, არ უქრებოდა. ბოლოს პერმა აიძულა თავი, მთლად დაევეწყებინა ეს უსტარი, რათა კვლავ ეჭვების მსხვერპლი არ გამხდარიყო.

დაღვა შემოდგომა. გარეულმა ყურძენმა მეწამულაისფრად შემოსაქალაქგარეთა ვილების კედლები, არხების დაბინდულ წყალზე წითელი და ყვითელი ფოთლები ირხეოდა. პერს ძალიან მოსწონდა ეს წყნარი, მღუმარე პარკი; მისი ბინა ამ პარკთან ძალიან ახლოს იყო. ყველაზე მეტად დილაობით პარკში სეირნობა უყვარდა, სანამ ბრბო აავსებდა მის ხეივნებს. დამის სიგრილე ასდიოდა ნათელ კორღებს, ნამო ბალახს ვერცხლისებური ობობას ქსელივით მოსდებოდა, თეთრი გედები ჯადოქრული ზღაპრების მოჭადროებული პრინციესებივით წყნარად დაცურავდნენ არხის მუქ წყალზე.

მერე პარკის ხეივნებს მოსეირნენი აესებდნენ და შეკეძლოთ აქ მთელი დღე საინტერესო სცენებისთვის გეცქირათ; სცენები სცენებს სცელიდა და ადამიანის მთელი ცხოვრების პატარა სურათს ქმნიდა. პარკი დილაადრიან მარტოხელა მანდილოსნებითა და ბატონებით ივსებოდა. ეს უმთავრესად ხნიერი ხალხი გახლდათ, ვინც, როგორც სახაი გამომეტყველებაზე ეტყობოდათ, სრულიადაც არ სეირნობდნენ საკუთარი სიამოვნების გამო. ეს გახლდათ წყნარი ჰერეტის დრო, როცა აპოპლექსურკისრიანი კომერსანტი ანგარიშს ასწორებდა გუშინდელა ბარაქიანი სადილისა და ზედმეტად ნაყლურწი შამპანურისათვის, როცა ნერვიული მანდილოსანი უძილო დამის შემდეგ თავის თავს ფიცს აძლევდა, გულიდან ამოეგდო თავისი დანაშაულებრივი სიყვარული, რას გამოც მიუხევედრელმა შინაურმა ექიმმა მას კარლსბადში გაძლიერებული მკურნალობის კურსი გამოუწერა. მერე პარკი ერთბაშად გამოცოცხლდებოდა ხოლმე. ყველა სახლებიდან გამოდიოდნენ სკოლის მოსწავლეები და ბილიკებს და მთავარ ხეივნებს მოედებოდნენ. საათის მორიგ დარეკვაზე სურათი კვლავ იცვლებოდა. ნასაუზმევს ქვაფენილზე მოაბიჯებდნენ მოხუცი პენსიონერები, უახლეს კვარტალში რომ ცხოვრობდნენ. ყველაზე მოხუცი ან დაძაბუნებულნი ბორბლებიანი სავარძ-

ლებით დადიოდნენ. ამავე დროს ბავშვებიც გამოჩნდებოდნენ ხოლმე. ყველაზე პაწაწინები — საბავშვო ეტლებში იწვნენ. ის საათი, როცა პარკის ხეივნებში ბავშვობა და მოხუცებულობა ღიმილით ეგებებოდა ერთმანეთს, ასე ვთქვათ, იდილიური მწვერვალი გახლდათ სურათთა უსასრულო ცვლისა. ზოგჯერ მოსეირნენი პატარა ეკლესიის გარშემო იკრიბებოდნენ. დაკრძალვა თუ ნათლობა — ყველაფერი ერთნაირად აინტერესებდათ. შუადღისას მოსეირნეებს ახალი გასართობი გამოუჩნდებოდათ — ქორწინებები. როგორც კი პატარძალიანი თეთრცხენებშებმული ეტლი ხეივნის ბოლოს გამოჩნდებოდა, ყველაზე უფრო დაჩაჩანაკებული მოხუცებიც მიცუხცუხებდნენ ეკლესიისკენ. მაგრამ როცა ხმაურიანი საქორწინო მაყრიონით სავსე ეტლები ქალაქისკენ გაეშურებოდა, მათ სულ სხვა ეტლები სცვლიდა — ჩუმი და ფერწასულსტუმრებიანი. ეს იყო დაბალი, მთლად დახურული შავი კატაფალკები, რომლებსაც დაბინდებისას ქალაქის დასავლეთ განაპირას სასაფლაოს სამლოცველოებისკენ განსვენებულთა გვამები მიჰქონდათ. უწყვეტი რიგით მიედინებოდნენ ისინი საავადმყოფოებიდან, კერძო სახლებიდან, ხანდახან ყოველგვარი გამცილებლების გარეშე, ხან კი ერთადერთი ეტლის თანხლებით. ამავე დროს სასაფლაოს გრძელი თეთრი ღობის გადაღმა კაშკაშა სინათლეებით ენთებოდა მეორეხარისხოვანი ქალაქგარეთა ბაღები და გამამხიარულებელ დაწესებულებების მწკრივები. იღებოდა კაბარეების კარები, გრიანობდა სასულე ორკესტრები, ტრიალებდა კარუსელი, ხოლო ტრამეები და ომნიბუსები სიკვდილის კილვატერში ღვრიდნენ ხმაურიან, მხიარულ კოპენჰაგენელთა ხროვას, ახალგაზრდებს და სიცოცხლის ხარბებს. მხოლოდ გვიან შუალამეზე ჩუმდებოდა ყველაფერი. ხეივნებში შუქი ქრებოდა, ბოლო ეტლი მოგვიანებული წყვილით ქალაქისკენ მიემგზავრებოდა. ახლა უკვე აღარაფერი არღვევდა სიჩუმეს, გარდა ეკლესიის უანგიანი საათის ხრინწიანი რეკვისა. და კიდევ ზოოლოგიური ბაღიდან დროდადრო მოისმოდა სევდიანი ღმუილი: უბედურ ღომს რკინის მოაჯირს იქით მშობლიური უდაბნო ესიზმრებოდა. ეს დაკვირვებანი ძალიან ართობდნენ პერსსეირანობისას. მარტოობამ საოცრად ამთვისებელი გახადა. ყოველღიური ცხოვრების წვრილმანი, წინათ რომ ყურადღებიდან უსხლტებოდა, ახლა არ გამოეპარებოდა ხოლმე და ცოცხლად ეუფლებოდა მის წარმოდგენას და აზრს.

ამასობაში დღეები დღეებს მისდევდა, ბერეგრავისაგან კი პასუხი არ იყო. ამან პერი შეაწუხა. ფული აღარ ჰქონდა. იძულებული იყო, ზოგი ტანსაცმელი დაეგირავებინა, რათა ლექციების მოსმენის საფასური გადაეხადა. თავისი არსებობა რომ შეეხსენებინა, პერმა წერილი მისწერა ბერეგრავს და მეორე დღეს მიიღო პასუხი, პოლკოვნიკი მოკლედ ატყობინებდა, კარგად მოფიქრების შედეგად შესაძლებლად არ მიმაჩნია იმ თხოვნის შესრულება, რომლითაც მომმართეთო.

პერს წერილი ხელში გაუშეშდა. მაშინვე ვერ მიხვდა, რომ გააცუტრეს. მერე ქალაღი გვერდზე გადადო. კაცმა რომ თქვას, პოლკოვნიკზე ვერც გაჭავრდებოდა. რასაც დასთეს, იმას მოიმეკი. ის მხოლოდ საკუთარ თავს ლანძღავდა, რომ სიამაყის გამო თავის მაგავრად სხვას აგზავნიდა. რა თქმა უნდა, აბა ვის ესიამოვნება ფული სთხოვოს უცნობ ადამიანს, ხოლო მისთვის კი, ვინც ოდესღაც ოცნებობდა, თავის თანამედროვეთა განმგებელი და მბრძანებელი გამხდარიყო, პირდაპირ საშინელება იყო ასე მათხოვრად სიარული. მაგრამ პერმა დაიმსახურა ასეთი სასჯელი. ღმერთმა არ აპატიო ღვთისმგმობელობა. ღმერთს არ უნდოდა აეცილებინა მისთვის დამამცირებელი სილატაკე. მან მთლიანად უნდა გამოისყიდოს ძველი ცოდვები.

სამოქალაქო მრჩევლის, ერიკსენის კანტორა ხეიბრუპლადსზე მდებარეობდა, არხზე გამავალ დიდი კუთხის სახლის მეორე სართულზე. პერი დიდხანს დადიოდა სადარბაზოს წინ, რათა მოეფიქრებინა, რით დაეწყოს საუბარი ან საერთოდ როგორ დაეჭირა თავი ერიკსენთან. ზემოთ რომ ავიდა, კვლავ შეჩერდა. ნახევრადხეულ დარბაზში, რომლის კუთხეც კარადით იყო გადატიხრული, მაგიდებთან ოციოდე ადამიანი მუშაობდა. პერთან მიიბრინა კანტორის ახალგაზრდა მოსამსახურემ და ჰკითხა, რა გნებავთო. პერმა მიუგო სამოქალაქო მრჩეველ ერიკსენთან მოლაპარაკება მსურსო.

კანტორის მოსამსახურემ განცვიფრებით ახედ-დახედა.

სამოქალაქო მრჩეველი ახლა არ გახლავთ. ბატონი მრჩეველი საზღვარგარეთ გაემგზავრა და მხოლოდ რამდენიმე თვის შემდეგ დაბრუნდება. იქნებ მე, კანტორის მოსამსახურემ, შეეძლო რაიმეში გამოგადგეთო?

მაგრამ პერი უკვე კარისკენ გაეშურა. თავისი გვარის დასახელება რომ არ დასჭირვებოდა, ახსნა-განმარტების მიუცემლად წასვლა იჩქარა ქუჩაში რომ გავიდა, პერმა გაიფიქრა: „რალა ვქნა ახლა?“

მის თვალწინ სექტემბრის მზის უხვ სხივებქვეშ ყვავილებითა და ხილით სავსე ბაზარი აჰრელებულიყო. ამაგერელ გამყიდველ ქალებმა ყურებიანი თავსაბურები ეხურათ, ჩამსხდარიყვნენ კალათებს შორის და მყიდველებს ეპატიებოდნენ. მებაღეები თავიანთი ურიკებიანად რიგში ჩამწკრივებულიყვნენ; ამ ხმაურში, ყვირილში და კამათმა ცოცხალი ვაჭრობა იყო გაჩაღებული. შემოდგომის სიუხვის ამ სურათთან დანახვისას პერს გულს მოაწვა აქამდე შეუცნობელი შიშის გრძნობა — შიშისა არა სულიერი, არამედ ხორციელი ტანჯვის წინაშე, ყოველდღიური ცხოვრების გასაჭირის — შიმშილის, სიცივის, ქუჭყის წინაშე. ფიქრად გაივლო, ტანსაცმელი რომ გაეყიდო, ათ-თორმეტ კრონს ძლივს მომცემენ შიგო. ეს ერთ კვირას ეყოფოდა; ვთქვათ, ორ კვირასაც. მერე რა უნდა ექნა?

ძალის დატანებით აიძულა პერმა თავი, ადგილიდან დაძრულიყო და შინისკენ გასწია. მაშასადამე, სხვა გამოსავალი უნდა ეძებოს, აბა, სულით ხომ არ დაეცემა.

რა სიძნელეებიც არ უნდა ელოდეს, რა დამცირებაც არ უნდა აიტანოს, პერა არაფერს არ ნანობს და წინანდებურად არ სურს ქედი მოიხაროს ჩვენი სამყაროს მეუფის წინაშე. მისთვის ხომ ახალი ამბავი არ არის, რომ ღმერთთან მისვლა შეიძლება მხოლოდ ტანჯვით განწყობილად შემდეგ; ამაზე ბევრი სმენია ჯერ კიდევ ბავშვობისას, როცა დედის საწოლთან პატარა სკამზე იჯდა ხოლმე. თუ ახლა მაინც შეძრწუნდა რწმენისათვის ნამდვილი ტანჯვის პერსპექტივის წინაშე, ეს მხოლოდ იმიტომ მოხდა, რომ მუდამ ასე ეგონა, ტანჯვის შესახებ მხოლოდ იმიტომ ლაპარაკობენ, რომ იმპვერმეტყველონო. ამ შეცდომაში სიმართლის ნაწილიც ერია. ტყუილად ხომ არ პოულობს პასტორი ბლომბერგი ასეთ გრძნობიერ და მგზნებარე გამოთქმებს, როცა ღმერთის შემწეობით მოპოვებულ ცხოვრებისეულ სიკეთეზე და სიხარულზე ქადაგებს, მაგრამ როგორც კი ლაპარაკი მსხვერპლზე და ტანჯვაზე ჩამოვარდება, მპვერმეტყველება დალატობს. დროა გავიგოთ, რომ ეკლიანი გზისა და ჰრილობიანი ფეხების შესახებ ლაპარაკი გაზვიადება არ არის. პერს არ ეშინია, მომავალში თუ კარგად ვერ იცხოვრებს, რადგან შეიგნო, რომ მხოლოდ ასე შეიძლება ღმერთთან მიახლოება, მხოლოდ ასე შეიძლება ჩასწვდეს ჭეშმარიტებას, ამეამად რომ დაფარულია მისთვის და სწორედ თავისი მიუწვდომლობით არის საშიში.

მაგრამ გინდ ასე თქვი, გინდ ისე, ცხოვრების სახსრები სადმე უნდა

აწოვო. წამით პერს ფონ პრანგენის ოჯახი მოაგონდა. არა, არ გამოდგება. ვინც გინდა იყვენ, ოღონდ ისინი კი არა, მაინცდამაინც თავშეკავებული ხალხი არ არის და აუცილებლად ინგერსა და მის მშობლებს მიუვია ამბავი. აბა, რას იფიქრებენ ბლომბერგები, თუ გაიგებენ, რომ პერმა ვერ გამონახა სხვა საშუალება ჰოფეჰერმეისტერის სტუმართმოყვარეობისათვის მადლობის გადახდისა, გარდა იმისა, რომ ფული მოსთხოვა სესხად? და მეორეც, აკი ეცადა ერთხელ და არაფერი გამოუვიდა; ეს უდაოდ ამტკიცებს, რომ თხოვნა უსარგებლოა მანამ, სანამ საბოლოოდ არ მიიღებენ მის ამოსაშრობ სამუშაოთა პროექტს და სანამ მას არ დაამტკიცებენ ინსპექტორის თანამდებობაზე. მაშ რა ქნას? ერიკსენისთვის წერილის გაგზავნას აზრი არა აქვს, ხოლო კოპენჰაგენის რომელიმე ტექნიკური ბიუროსთვის ორი თავისი პატენტის დათმობა უკვე სცადა, მაგრამ უშედეგოდ.

ამიტომაც პერმა გადაწყვიტა, ღრთა განმავლობაში ყველაფერა როგორმე მოგვარდებო, ხოლო ახლა საჭირო იყო გაეყიდა ან დაეგარავებინა ზედმეტი გარდერობის ნარჩენები და ზოგი ფუფუნების საგანი, ურომლისოდაც შესანიშნავად გაძლებდა. იმედოვნებდა, რომ მის ჰროექტს სულ ახლო მომავალში მიიღებდნენ და მაშინვე ავანსს მოითხოვდა. როცა სტუმართმოყვარეობისთვის წერილობითი მადლობა შეუთვალა ჰოფეჰერმეისტერის მეუღლეს, ქალმა წერილითვე უპასუხა, სადაც, თუმცა გაკვირთ ახსენებდა პერისთვის შეთავაზებულ თანამდებობას, ატყობინებდა, ამ მხრივ ძალზე სასიხარულო იმედები მაქვსო და განმეორებით საშობაოდ ეპატიებოდა კერსხოლში.

გავიდა რამდენიმე კვირა. უკვე ოქტომბერი იღა და არავითარი ხსნის იმედი არ იყო. მაგრამ პერი გულს არ იტეხდა და უწინდებურად ბედის წყალობის იმედი ჰქონდა. უბრალოდ ვერ დაეჯერებინა, რომ ღმერთი მოინდომებდა მის უფრო მეტად გაცამტვერებას. რათა ფული სწავლისთვის უფრო მეტ ხანს ჰყოფნოდა, პერი ჰამითაც ცოტას ჰამდა. მთავარი ახლა ის იყო, რომ თუნდაც გამოცდების ჩაბარებამდე გაეძლო როგორმე. მაშინ შესძლებდა სადმე მაინც მოწყობილიყო ან კერძო-პრაქტიკიანი მიწისმზომელი გამხდარიყო და დაეცადა, როდის დადგებოდა მისი ჯერი. მაგრამ უდიდლომოდ, უფულოდ და გავლენიანი ნაცნობების გარეშე მხოლოდ შიმშილით სიკვდილი შეეძლო, ან შავ მუშად დადგომა.

პირქუში, ავღრიანი შემოდგომის დღეები მღელვარებაში და დაძა-

ბულ მოლოდინში გადიოდა. დილაობით ფოსტას რომ არიგებდნენ, პერი ფანჯარას არ შორდებოდა იმის მოლოდინში, ფოსტალიონის წითელი ფორმა ხომ არ გამოჩნდაო. ხსნას იუტლანდიიდან ელოდა. ახლა ის რეგულარულ მიწერ-მოწერაში იყო ჰოფეპერმეისტერის მეუღლესთან. ამ ქალმა უდიდესი კმაყოფილებით იკისრა შუამავლის როლი პერსა და პასტორის სახლს შორის ბესტრუპში. თუმცა ერთხელაც არ შემოუთვლია მოკითხვა ინგერისაგან, მაგრამ სამაგიეროდ ნათლად აგებინებდა, არ დაგვეწყებინხართ და მე და ეს ქალიშვილი ხშირად გიგონებთო. ამოსაშრობ სამუშაოთა პროექტზეც იწერებოდა ყოველ წერილში, მაგრამ თანდათან სულ უფრო და უფრო თავშეკავებულად კი ახსენებდა ამ პროექტს. იქ შედგა თურმე მონაწილეთა ორი სხდომა და მისმა ქმარმა გულმოდგინედ მოკიდა ხელი საქმეს. „მაგრამ დასანანია, რომ მათ ერთსულოვნებას ვერ მიაღწიეს, — იტყობინებოდა ბოლოს ჰოფეპერმეისტერის მეუღლე, — ისე რომ, ჯერჯერობით ფრიად არახელსაყრელი პროგნოზებია“.

და, თითქოს ყველა უბედურების დასაბოლოოვებლად, პერმა ამის შემდეგ მაშინვე მიიღო მეორე, შეკვეთილი წერილი; ეს ბარათი დიდხანს უგზო-უკვლოდ დახეტიალობდა თურმე პერის ძებნაში და კერახოლმშიაც კი მისულა. წერილი რომიდან იყო, იმ ახალგაზრდა მოქანდაკისგან, ბარონესას შეკვეთით მის ბიუსტს რომ აქანდაკებდა. მოქანდაკე იტყობინებოდა, ბიუსტი შესრულებულია მარმარილოთი, უკვე მზად არის და როცა გნებავთ, მაშინ გადმოგიგზავნითო. მერე მოქანდაკე პერს სწერდა, სწორედ ახლახან ვაცნობე ეს ამბავი ბარონესას და თავაზიანად გადაუუკარი სიტყვა დაპირებული ჰონორარის თაობაზე, მაგრამ ჩემდა დიდად გასაკვირად, ბარონესას მამულების მმართველმა შევციაში უკანვე დამიბრუნა ეს ცნობა, ზედ მიუწერია, რომ მისმა მოწყალემაჲ ვერაფრით ვერ გაიხსენა, მისცა თუ არა მსგავსი დაკვეთა ვისმეს და საერთოდაც მას არ ჰქონდა ამის უფლება თავისი მეურვეების თანამობის გარეშეო. ყოველივე ზემოაღნიშნულის გამო მოქანდაკე სთხოვდა პერს, დახმარებოდა მისთვის მეტიმეტად საჭირო ფულის მიღებაში.

ამ წერილმა პერს გუნება აუმღვრია იმდენად იმის გამო კი არა, რომ ფულს სთხოვდნენ, არამედ იმის გამო, რომ ამან მოაგონა ის დრო, რომელიც თავისი უაღრესი დაცემის ხანად მიაჩნდა. პერი სირცხვილიაჲ წამოენთო, როცა წარმოიდგინა ეს ბიუსტი, ალბათ მბრძანებლის თავნადი და არაბუნებრივი გამომეტყველება ეწერა სახეზე. ოჰ, როგორ

ძალიან უნდოდა პერს, საშუალება ჰქონოდა პირადად გაესწორებინა ანგარიში მოქანდაკისთვის, რათა მერე ეთხოვა მისთვის, დაემტკიცა: „ხელოვნების ნაწარმოები“ წვრილ ნატივებად და ნამტკრევეებით, როგორც ღორღით, მოეკირწყლა გზა, — ესე იგი რაიმე საქმეზე მანაც გამოეყენებინა. მაგრამ სამწუხაროდ იძულებული გახლდათ, ეს თავაზიანი წერილი ჯერჯერობით უპასუხოდ დაეტოვებინა; ამის თაობაზე ჰოფეჰერმეისტერის ან მისი მეუღლისთვის მიმართვა საშიში იყო, — ამას შეეძლო ევნო იმ საქმისთვის, რომლისგანაც ამჟამად დამოკიდებული იყო მთელი მისი კეთილდღეობა. მათ შეეძლოთ ცუდად გაეგოთ ასეთი ჩარევა ბარონესას საქმეებში, მით უფრო, რომ ჰოფეჰერმეისტერის მეუღლეს ერთხელაც კი გულაზდილად არ უხსენებია პერთან, რომ მისი და გონებასუსტი იყო.

გავიდა კიდევ რამდენიმე კვირა. ნოემბრის ბოლოს პერი კატასტროფის პირას აღმოჩნდა. მისი გარდერობიდან ნივთი ნივთზე ქრებოდა, წიგნების უმეტესი ნაწილი უკვე გაყიდული ჰქონდა. ბრილიანტის საკინძებიც, რუდესლაც იაკობამ რომ აჩუქა, მის უკან დაბრუნებას პერა პირველსავე მოხერხებულ შემთხვევაში აპირებდა, იძულებული იყო ჩალის ფასად გაეყიდა. მოახლოვდა ბინის ქირის გადახდის დრო, პერს კი ისედაც მეღუქნის ვალი ედო.

აფორიაქებული რომ იყო, ეს მუშაობაშიც ხელს უშლიდა. გარდა ამისა, მუდმივი შიმშილით ქანცი ჰქონდა გაწყვეტილი. რაც თავი ახსოვდა, პირველად იყო, რომ ლოყებზე სიდაყდაის ნასახიც აღარ ეტყობოდა. თავისიანებთან არ დადიოდა. თავადაც იცოდა, რომ ძალიან ცუდად გამოიყურებოდა და ეშინოდა, გამოკითხვებით გული არ გაეწყალებინათ მისთვის.

მამინ პერმა ხელახლა გადაწყვიტა, ბედი კვლავ სამოქალაქო მრჩეველ ერიკსენთან მოესინჯა, მაგრამ მრჩეველი, როგორც გამოირკვა, გზაში გაციებულიყო და შობაზე ადრე ვერ დაბრუნდებოდა. დარჩა უკანასკნელი საშუალება — მეევანშისთვის მიემართა. პერმა ყველა გაზეთი გადაათვალიერა, მოძებნა მათში რამდენიმე ერთნაირი, წვრილი შრიფტით დაბეჭდილი განცხადება, რომელთა საშუალებითაც კაცობრიობის ეს ქველმოქმედნი ყოველდღიურად ახსენებდნენ ხალხს თავიანთ არსებობას. პერი შეჩერდა ვინმე სენდერგორზე; ამ გვარს ენდობოდა, რადგან მათ ქალაქში ოდესლაც ცხოვრობდა ძალიან წესიერი ნამცხვრებით მოვაჭრე მოხუცი ქალი და მასაც აგრეთვე სენდერგორს

ეძახდნენ. იცოდა, რომ ეს ხალხი უფრო მეტად სადამოკებით არის ხოლმე შინ, დაბინდებისას, ამიტომ ექვსი საათისათვის მოემზადა და ქალაქში წავიდა.

ბატონი სენდერგორი, ვინც თავს ფინანსურ ოპერაციათა მომრიგებელს უწოდებდა, ცხოვრობდა ტაძრის მახლობლად, ერთერთ იმ წყნარ ქუჩაზე, დღეში ასჯერ რომ გადასჭრიან ხოლმე საქმის ხალხი გზის შესამოკლებლად, თუმცა თითქმის არავინ იცის, რა ჰქვია ამ ქუჩას. პერმა რამდენჯერმე ჰკითხა გამვლელს გზა და იძულებული იყო, წარწერებიც წაეკითხა, სანამ მისთვის საჭირო ქუჩას მიაგნებდა. ეს გახლდათ ვიწრო უდაბური შესახვევი. შესახვევში ერთადერთი ფარანი სწორედ იმ სახლის პირდაპირ ენთო, რომელსაც ყმაწვილი კაცი ეძებდა. მაშინ პერი მეორე მხარეს გადავიდა და შეხედა მეორე სართულის ფანჯრებს, სადაც, მისამართის თანახმად, ბატონი სენდერგორი ცხოვრობდა. მთელი სართული სამი ფანჯრისაგან შედგებოდა, ფანჯრებში სინათლე ენთო. მაშასადამე, პატრონი შინ იყო.

კარი ექვსი-შვიდი წლის წითურმა გოგონამ გაუღო. კი არ გაუღო, ოდნავ გამოაღო ჯაჭვის მოუხსნელად და ლურჯი, დედოფალანსანირი თვლებით ჰუჭრუტანაში გამოიჭვრიტა. რადგან ვერ გაარკვია, რა უნდოდა პერს, მან მთლად ბავშვურად შესთავაზა, სჯობს მამაჩემს მოელაპარაკოთო. მერე თითის წვერებზე დადგა, გააღო კარი და შეუშვა პერი მთლად ჩვეულებრივ მეშინაურად მოწყობილ სასტუმრო ოთახში. ასეთი სასტუმრო ოთახებით სავსეა კოპენჰაგენი: მაგიდის ქვეშ ხალიჩაა, გაფენილი, კედლებზე სურათები ჰკიდია, დევეს ალბომი და თაროებზე იაფფასიანი სამშვენისები აწყვია.

პერი განცვიფრდა და თანაც გაუხარდა: აქ ყველაფერი ძალიან მყუდროდ, შინაურულად გამოიყურებოდა. საწერ მაგიდაზე ფანჯარასთან იდგა ლამპა და პაპიროსის ქაღალდის წითელი აბაჟური ეფარა. დივანის თავზე დაკიდებულ მრვალრიცხოვან პორტრეტებს შორის პერმა დაინახა სრული შესამოსელით მოსილი პასტორის პორტრეტი და სოფლის ეკლესიის სურათი. ამ დროს მეზობელი ოთახიდან თვით ბატონი სენდერგორი გამოჩნდა. ეს გახლდათ მალალი, ჩასხმული მამაკაცი, ფართო მწითური წვერი ჰქონდა, შიგ აქა-იქ ჰქალარა გარეოდა. პირველად, ცოტა არ იყოს, ფრთხილად ეჭირა თავი, რადგან აშკარად ვერ შესძლო ერთი შეხედვით განესაზღვრა, რა კაცი მოვიდა მასთან, რაკი პერი ნახევრად სიბნელეში იდგა კართან. პერმა თავადაც იცოდა, რომ მისი

ტშირი შავი წვერი და გრძელი ლაბადა აქ, ცოტა არ იყოს, უცნაურ შესახედობას აძლევდა მას. ბოლოს ბატონმა სენდერგორმა დაჯდომა შესთავაზა და ჰკითხა, რით შემოიძლია გემსახუროთო. ორივე დაჯდა.

ბატონ სენდერგორს, როგორც ჩანდა, ახლახან ევახშმა. მთლად არც კი დაედევა ბოლო ლუკმა და ყველის სუნით ყარდა. პერმა მაშინვე ჯიქურ მიახალა რამდენი ფულიც სჭირდებოდა, შეეხო თავისი მომავლის გეგმებს და გარანტიებს, რისი წარდგენის საშუალებაც ჰქონდა, გარდა ამისა, რადგან აღნიშნული გარანტიები ორი პატენტით ამოიწურებოდა, გადაწყვიტა დაეზღვია თავისი სიცოცხლე იმ თანხით, რაც სესხის ოდენობას შეესაბამებოდა. ბატონი სენდერგორი ღუმდა. მაგიდასთან სავარძელში იჯდა და ახლა, ლამპის შუქზე რომ კარგად დააკვირდა პერი, მიანცდამიანც სასიამოვნო კაცად არ მოეჩვენა. სახეზე წითელი ლაქები აჩნდა, მოფამფალებული ლოყები თითქოს ჩამოჰკიდებოდა და უცნაური მოყვითალო თვალებით გამგმირავად, გამომცდელად იყურებოდა. ალბათ ძალიან მადიანად თუ ივახშმა: ისე მოუხრდებლად აბოყინებდა, ვეებერთელა მუცელი უთახთახებდა. მაგრამ ეტყობოდა, ამის გამო სულაც არ გრძნობდა თავს უხერხულად.

სენდერგორის ღუმილი პერს კარგ ნიშნად ეჩვენა და შეუდგა სესხის პირობების გამოკვევას, მაგრამ იმის მაგიერ, რომ მისთვის პასუხი გაეცა, სენდერგორმა უეცრად ჰკითხა, შეგიძლია თუ არა თავმღებები იშოვო.

— თავმღებები? განა უთავმღებებოდ არ შეიძლება?

პერის მიამიტობაზე ბატონმა სენდერგორმა უნდობლად ჩაიცინა.

— მაშასადამე, თქვენ არც კი ვიფიქრიათ ამაზე. თუ ნამდვილად ასეთი დიდებული მომავალი გაქვთ, როგორც მეუბნებით, ალბათ, არ გაგიჭირდებათ ერთი-ორი სახელის შოვნა... რამდენი გინდოდათ გესესხათ?

— ათასი.

— რა ვადით?

— მე ვფიქრობდი ერთი წლით. ერთ წელიწადში დანამდვილებით შეეძლებ ამ თანხის დაბრუნებასაც და პროცენტებისასაც.

— პროცენტები წინასწარ უნდა გადაიხადოთ, — დაუდევრად მიუგო ბატონმა სენდერგორმა და მაგიდიდან დიდი წიგნი აიღო. ეს იყო კოპენჰაგენის სამისამართო ცნობარი.

ამასობაში წითელთმთიანი გოგონა, სწორედ ის, პერს რომ კარი გაუღო, ოთახში შემოვიდა. თან დედოფალას მოათრევდა. გოგო მამამისს

მიეკრა, იმანაც ამაყად მოუთათუნა თავისი მსუქანი ხელი ცეცხლივით წითელ კულულებზე. მერე გაუშვა გოგონა, რათა ცნობარში კარგად ჩაეხედა, მაგრამ გოგო მაშინვე მუხლებზე აუხობდა და პერს განებივრებული ბავშვის თვითკმაყოფილი და თავხედი მზერით შეხედა.

— ვერ ვიპოვე აქ თქვენი სახელი, — თქვა სენდერგორმა და გადაფურცლა ცნობარი.

— მე ამ ბოლო წლებში საზღვარგარეთ ვცხოვრობდი, — აუხსნა პერმა.

— მაშ ასე, საზღვარგარეთ ცხოვრობდით.

ყვითელი თვალები ეჭვით მოწყდა წიგნს, მერე კი ხელახლა დაამტერდა მას.

— აქ არის რომელიღაც ბ. სიდენიუსი, ყოფილი პასტორი. თქვენ ნათესავი ხომ არ არის?

— არა.

— აი კიდევ ერთი — ფ. სიდენიუსი, ბუხჰალტერი, ეს?

— არა.

— შემდეგ არის ე. სიდენიუსი, სამეფო რწმუნებული. არც ეს არის თქვენი ნათესავი?

პერი ცოტა დაფიქრდა.

— ჩემი ნათესავია.

— ალბათ, ახლო ნათესავია?

— ძმა არის ჩემი.

— ნუთუ თავდებად არ დაგიდგებათ? მაშინ ყველაფერი რიგზე იქნება.

— არა, არ შემიძლია, — მიუგო დაბნეულმა პერმა.

— ჰო, — ჰო, მამსასადამე არ შეგიძლიათ. — ყვითელმა თვალებმა ხელახლა გამოიხედეს წიგნის კიდედან — თქვენ, ალბათ, არც თუ ისე ახლო ურთიერთობა გაქვთ აღნიშნულ ბატონთან.

— ახლო ურთიერთობა მაქვს თუ არა, ასეთ სამსახურს მე მას ვერ ვთხოვ.

— ვერ თხოვთ? მაშ რა ვქნათ, მაშინ ჩვენი საქმე არ გამოვა, — უკვე სულ სხვა ტონით თქვა ბატონმა სენდერგორმა და ცნობარი დახურა.

მცირე ხნით დუმილი ჩამოვარდა. პერი კვლავ იჯდა. ეშინოდა, იმედგადაწყვეტილი წასულიყო აქედან. ქუჩის სიბნელე და მარტოობა ლატა-

კურ სენაკში ჯოჯობეთის დაღებულ ხახასავით დაუდგა თვალწინ. მაგრამ სულერთია, ებერხარდის თხოვნა... არა, არაფრის გულისთვის! ამის არ იზამს.

პერმა უთხრა სენდერგორს, რომ მზად არის დაეთანხმოს ხუთას კრონზე, უფრო ნაკლებზეც კი და ბედ დარჩენილ ტანსაცმელსა და წიგნებს დაუტოვებს. მაგრამ ბატონმა სენდერგორმა უკვე თავი ამ მდგომარეობის სრულ ბატონ-პატრონად იგრძნო. მან სიტყვა შეაწყვეტინა ყმაწვილ კაცს და სრულიად მოურიდებლად წაიბურტყუნა რალაც ადამიანებზე, ვინც ფიქრობს, რომ მათ ისე, ლამაზი თვალების ხათრით მისცემენ ფულს. მერე, რა დიდი ამბავიც მომავლის იმდებია! ესლა აკლდა! ასე ყველა გამოცხადდება პირდაპირ ქუჩიდან და ფულს მოითხოვს. აი, მოიყვანეთ პირიანი თავმდებები, ან საიმედო ბე დატოვეთ და — კი ბატონო! არა და, სალაპარაკოც არაფერია.

პერი იძულებული გახდა წასულიყო. შინისკენ გული არ მიუწევდა. არეულ-დარეული ფიქრები უფუთფუთებდა თავში. რა იქნება ახლაწ საშინელი ბრძოლა მიმდინარეობდა პერის სულში. სიამაყე მოუწოდებდა: „აღრტინდი!“ მაგრამ მეორე მბრძანებლური ხმა უპასუხებდა: „სამართლიანი სასჯელი დაგატყდა თავს. შენ უნდა გამოგესყიდა შენი ცოდვები, მაშ გამოისყიდე. დადგა განკითხვის საათი, აი, ნემსის ყუნწი. გაძვერი შიგ და შენი სული სიმშვიდეს მოიპოვებს“.

ფეხებმა პერი თავისთავად გაიყვანა კუნგენს ნიუტორგზე. ტალახისა და ნისლიანი ამინდის მიუხედავად აქაურობა ახმაურებული და გამხიარულებული იყო. აუარებელი ეტლი სერავდა მოედანს ყველა მიმართულებით. თეატრის ლოკებიდან სინათლის ნაკადები მოედინებოდა. მოედნის მეორე მხარეზე სასტუმრო „ანგლეტერიც“ შუქით იყო გაკაშკაშებული, მაღაზიების ვიტრინები და ქუჩის ფარნები სველ ქვაფენილზე ოქროსფრად ელვარებდა. მთლად გადაჩვეული იყო ქალაქის ფულფულს თუ ნერვები მეტისმეტად დაძაბული ჰქონდა, პერი წამით გაშეშებულივით შეჩერდა. მიწა ერყეოდა ფეხქვეშ, ყურებში თითქოს ტყვია ჩაესხათ მისთვის. ის გამოარკვია შეძახილმა: „ფრთხილად!“ რომელიც ეტლმა ისე ახლოს ჩაუარა, რომ ბორბლებით მისი ლაბადის კალთებს შეეხო და ტალახი შეასხა. ფარნის სინათლეზე ეტლში მან გამოპრანჭული წყვილი დანახა. ქალს ცისფერი აბრეშუმის კაბა ეცვა, ყურებზე ბრილიანტები უბრწყინავდა. კაცი მუნდირში იყო გამოწყობილი,

მკერდზე ორდენები ებნია. მეორე კარეტამ მოპირდაპირე მხრიდან ჩაიქროლა. იქ მზიარული ახალგაზრდა წყვილი იჯდა.

პერი სულ უფრო და უფრო შორდებოდა თავის სახლს. თითქოს მაცდურის ხელი უხილავად იზიდავდა ნებისყოფაგამოცლილ სხეულს, ზტურე კუნძენსპადესკენ, მერე კი უფრო შორს, — იქით, სადაც მისი ყოფილი სიამბოძე ცხოვრობდა. შინაგანი ხმა მოუხმობდა: „დაბრუნდი უკან! შეჩერდი, სანამ გვიან არ არის! საკუთარი დაღუპვის შესაგებებლად მიდიხარ!“ პერი კი მანც მიდიოდა და მიდიოდა.

აი უკვე შეუხვია კუთხეში, აი უკვე გავიდა წყნარ ქუჩაზე, სადაც ნაცნობი „პალაცო“ იდგა. აი უკვე დგას ჩრდილში სახლის პირისპირ. სალამონებს, როგორც ჩანს, მიღება ჰქონდათ: აბრეშუმის მძიმე ფარდებში ჭაღების შუქი გამოკრთოდა.

ვინმეს ყურადღება რომ არ მიეპყრო, პერმა ცოტა მოშორებით ბრედპადეზე გაიარა, ხოლო მერე უკან დაბრუნდა. ხელახლა ამბობდა მისი სული ღმერთის წინააღმდეგ და ხელახლა ჩასძახა შინაგანმა ხმამ: „აი, რა მსხვერპლი გავიღე შენთვის! უსახლკარო ძალღივით ვდგავარ, გათოშილი, ქუჩის ტალახში, ხოლო შენ ახლაც კი არ გასურს გადმომავლინო შენი მოწყალება“.

პერი უფრო მჭიდროდ აეკრა კედელს. „პალაცოში“ კარი გაიღო და იქიდან ვიღაც ქოლგიანი კაცი გამოვიდა. ნეტა ვინ უნდა ყოფილიყო? ეს ივენი არ არის. მან ჩქარი სიარული იცის, იქნებ ეიბერტია, იაკობან უწინდელი თაყვანისმცემელი? სასაცილო, გაუგებარმა ეჭვმა აიტანა პერი. უეცრად სინათლის სხვიმა სიბნელიდან ამოიტაცა კეხიანი ცხვირი, ჭაღარა თხის წვერი, დიდრონი, ტერფმოქცეული ფეხები. ეს ხომ არონ იზრაელია!..

თითქოს ელვამ გაუნათა გონება პერს! აი, საიდან მოვა ხსნა! არონ იზრაელი უშველის! როგორ არ მოაგონდა აქამდე! „არონ იზრაელი თვით სიკეთეა, ადამიანის სახით ხორცშესხმული“. მისთვის მნიშვნელობა არა აქვს, რომ პერი ფილიპ სალამონის სიძე აღარ არის. ის ნიშნობამდეც დიდი თანაგრძნობით ექცეოდა პერს და გულწრფელად სჯეროდა მისი გეგმების. ამ კაცს შეიძლება მთელი სიმართლე უამბოს.

პერი პატარა კაცუნას ფეხდაფეხ მისდევდა ზტურე კუნძენსპადეზე. სინდისის ხმა ადრინდებურად მბრძანებლურად მოუწოდებდა: „წადი შენთვის! ვერ გიშველის სხვისი სიკეთე. ახლა ხომ იცი, რაც სურს შენგან ღმერთს. შეასრულე წინასწარ დასახული მიზანი. თავს ნუ არიდებ.“

დღითილღე თანდათან უფრო და უფრო დაეინებით იეღერებს შენს ყურებში ღვთის ნება. ან უნდა შეასრულო ის ან ხელახლა გაიქვაგო გული. სხვანაირად ვერ მოისვენებ. ნუ გადაღებ აღსრულებას შენი სიამაყის გულისთვის, ასე რომ უფრთხილდები, — მხოლოდ შენი სიამაყის გულისთვის ნუ დანებდები ახალ ცოუნებას! აჩქარდი! ღმერთი იცდის!»

პერმა ნაბიჯი შეანელა. კუნძენს ნიუტორვზე რომ გავიდა, აღარ მისდევდა არონ იზრაელს. სიკვდილმისჯილის თვალებით აცილებდა პატარა კაცუნას — ის შევიდა სინათლის ზოლში, კოშკის დიდი საათისგან რომ იღვა, გაიარა ის და გრენეჰადეს კუთხეში მიიშალა.

მაშინ კი პერი ნელა წანჩანჩაღდა შინისკენ, ფრედერიკსბერგში. მეთე საათი იყო, შინ რომ მივიდა. სინათლე არ აუნთია. არც დაწოლილა. ღრმა სიბნელეში მაგიდას მიუჭდა და, სახეზე ხელემაფარებული, შუალამემდე გაუნძრევლად იჯდა.

მეორე დღით პერი ებერხარდთან მივიდა. ძმამ არაფრით არ შეუმსუბუქა მას მტანჯველი აღსარება. ებერხარდს მკაცრი სახე ჰქონდა და დუმილით უსმენდა. ყოველი წვრილმანი დააკაკლინა. სამაგიეროდ არც შევლაზე უთქვამს უარი. თუმცა არაერთარ თავმდებობაზე ლაპარაკი არ დაუწყია და საერთოდ მოსთხოვა, ცოტა მადროვე, ყოველივე ავწონდაეწონო და შინაურებს მოველაპარაკო, რადგან თუ ყველა ერთად გასესხებთ ფულს, ეს იქნება სწორედ განსვენებული მშობლების ნების აღსრულებაო.

პერი არ შეცდილა შეპასუხებას. უეცრად მისთვის ყველაფერი სულ ერთი შეიქნა. რატომღაც არ უგრძენია არც მოსვენება, არც ნეტარება, რომელთა მოპოვებასაც ამ დამცირებით ოცნებობდა. პირიქითაც. არასდროს არ განუცდია ასეთი დამჩაგვრელი სიცარიელე, არასდროს ჯერ არ მოსჩვენებია, რომ სიკეთის ყველა ძალამ უმტყუნა.

თ ბ ვ ი XXIV

როცა ბესტრუჰამდე მიადწია ხმებმა, პერმა ჩაშალა თავისი ნიშნობა კოპენჰაგენის მდიდრის ქალიშვილთანო, პასტორის მეუღლე სერიოზულად აფორიაქდა. მან შეიტყო, რომ პერი საშობაოდ კერსხოლმში აპირებდა ჩამოსვლას და ერთ საღამოს, ლოგინში, გულახდილად გაანდო ქმარს თავისი შიში. ურჩია, იმ დროისთვის ინგერი საღმე გავგზავნოთო.

მაგრამ პასტორს ამისი გაგრძელება არ სურდა. მასაც, ცხადია, სულ არ იზიდავდა თავისი ქალიშვილის გათხოვების პერსპექტივა ასეთი წარსულის მქონე კაცზე, მაგრამ, როგორც ამბობდა, ცოდვად ჩაეთვლებოდა განგების როლში გამოსვლა. ამასთან, ამ ახალგაზრდამ შეიგნო თავისა შეცდომები, ზოლო იმაში დარწმუნება, რომ მისი გარდაქმნა გულწრფელია, ძნელი არ არის: ტყუილად ხომ არ მოიტანა მატერიალური კეთილდღეობა მსხვერპლად, რათა სული ეხსნა.

— ჩვენ არ გვაქვს უფლება, რწმენის საკითხში ძალა გამოვიყენოთ. სიყვარული კი იგივე რწმენაა. თუმცა მე ვაპირებ ინგერთან მოლაპარაკებას. დაე, იცოდეს, რომ ჩვენ არ ვაიძულებთ მას, თავის გულს ძალა დაატანოს. ეს მის პასუხისმგებლობის გრძობას აამაღლებს.

პირველად ინგერი ვერ მიხვდა, რომ ჩაშლილ ნიშნობას მასთან რაიმე კავშირი ჰქონდა. თუმცა ძალიან კარგად იცოდა თავისი ფასი, ამჯერად მომხდარი ამბავი მთლიანად იმას მიაწერა, რომ პერი მამამისს იცნობდა, მერე უკვე ინგერს მეგობარმა გოგონებმა, კლაუსენის ქალიშვილებმა გააგებინეს, რაც მოხდა და მას შემდეგ იმის გახსენებაზე, თუ რა სიმდიდრე უარჰყო პერმა მხოლოდ მისი გულისთვის, სიამოვნებით უღელავდა გული.

საკუთარი გრძნობები კი ინგერს ვერ გამოეცნო. ყოველ შემთხვევაში, პერის მიმართ მგზნებარე სიყვარულს ქალიშვილი არ განიცდიდა. როცა მასზე ფიქრობდა, მხოლოდ პერის თვალებს ხედავდა, რადგან პერის ბესტრუპში პირველად ჩასვლისას მამამისმა თქვა, ამ ახალგაზრდის თვალები კაცს მოაგონებს ზღვის გაშლილ ნაპირს, სადაც მზით გაბრწყინებული თოლიები ქვიშაში ღრმად ჩაფლულ გემის ნამსხვრევებს დასტრიალებენ თავს, „ზამთრის წყვილია და გაზაფხულის ბუნობის ქარიშხალებს რომ მოგვაგონებენო“. მაშინ ამ შედარებამ ინგერი გააოცა, რადგან მისი აზრი ვერ გაეგო. მაგრამ ახლა, როცა მიხვდა, სულ ამ ზღვაოსნის დაბინდულ, სევდიან თვალებზე ფიქრობდა. და მაინც, ამ თვალელებში მოჩანდა პერის წარსული, ეს კი გადაუღალბავი ზღუდე იყო ყმაწვილი ქალის გრძნობებისთვის. შეიყვარო კაცი, ვინც უკვე ვიღაცაზე იყო დანიშნული! არა, ეს ინგერს შეუძლებლად ეჩვენებოდა. თუმცა არასოდეს არ ენახა პერის ყოფილი საცოლუ და, გარდა ამისა, იცოდა, რა უბედური და გაწამებული იყო პერი, სანამ ნიშნობას ჩაშლიდა. ეს ამბავი კი, ცოტა არ იყოს, საქმეს სხვანაირად ატრიალებდა.

ინგერი დარწმუნებული იყო, რომ მოსწონდა პერი, მაგრამ არ იყო-

და, შესძლებდა თუ არა ნამდვილად მასთან შეთვისებას, შესძლებდა თუ არა მის შეყვარებას, — არ იცოდა, რადგან ძალზე ბუნდოვანი წარმოდგენა ჰქონდა სიყვარულზე. თუმცა მეგობრები დაუზარებლად ცდილობდნენ მის განათლებას. გაფუებული ჰერდა მუდამ მზად იყო გაეზიარებინა მისთვის საკუთარი გამოცდილებაც და სხვებისაგან ნასესხი ცოდნაც სიყვარულის საიდუმლოებებისა. მაგრამ ინგერი ყურს არ ათხოვებდა ზოლმე მის ლაპარაკს, ქალიშვილი ძალიან შორს იყავი ამისგან.

მით უფრო ძლიერ გაუკვირდა, რომ ერთ მშვენიერ დღეს, შობამდე ორი კვირით ადრე, მასთან მარტო დარჩენილმა მამამ უეცრად ლაპარაკი ჩამოუგდო პერზე და მის მოსალოდნელ ჩამოსვლაზე მათთან.

— ალბათ, უკვე იცი, შვილაკო, რომ ბატონმა სიღენიუსმა ჩაშალა თავისი ნიშნობა და მე მინდა პირდაპირ გკითხო: გავითვალისწინოთ ასე, თუ როგორ შეაფასებს ხალხი შენს ნაბიჯს და მითხარი, ხომ არ გიჯობს, საერთოდ მოერიდო მასთან შეხვედრებს ჩვენს სახლში? მხოლოდ სრული სიმართლე მიპასუხე.

მამის შეკითხვა ინგერს ჩუმ მაჰანკლობად მოეჩვენა. იფიქრა, ალბათ მშობლებმა პერისგან წერილი მიიღესო და ამის ფიქრმა ისე დააბნია, საერთოდ ვერაფერი უპასუხა.

მაგრამ პასტორ ბლომბერგისთვის ინგერის დუმილი და უეცრად ავიზგიზებული ლოყები საკმარისი პასუხი იყო. სალამოს თავისი აღმოჩენა ცოლს გაუზიარა და კვლავ გაიმეორა: „ნურავითარ ძალას ნუ დავატანთ გოგონას. იმედი ვიქონიოთ, რომ ღმერთი დალოცავს მისი გულის არჩევანს, დალოცავს და გააბედნიერებს“. ცოლის ნათქვამზე, პერს არავითარი თანამდებობა არ უჭირავს, არა აქვს მომავალი და ვერ შესძლებს ოჯახის რჩენასო, პასტორმა მხნედ მიუგო, ღმერთი არც ამ მხრივ გასწირავს მათო; მას მხედველობაში ჰქონდა მდინარის კალაპოტის დასახული გადაგეგმვა, რაც პერს უდავოდ კარგა დიდ შემოსავალს მისცემდა.

სინამდვილეში კი პერსპექტივები ამ მხრივ ფრიად საეკვო გახლდათ. შემოდგომის განმავლობაში ჰოფეჰერმესიტერმა რამდენჯერმე შეკრიბა მომავალი მოწილეები, მაგრამ შეთანხმებას მაინც ვერ მიაღწია. სულ ორი-სამი ასეული წერილი თუ მსხვილი მეპატრონე იყო, ვის ინტერესებსაც ეხებოდა ეს პროექტი, ხოლო მათი ერთსულოვანი თანხმობის გარეშე ნაბიჯსაც ვერ გადადგამდა. თუმცა თვითიული მოწილე გულში

დარწმუნებული იყო, რომ შეთავაზებული გადაგეგმვა კარგ მოგებაა პირდებოდა, ის ან პროექტის წინააღმდეგ გამოდიოდა, ან, უკეთეს შემთხვევაში, თავს არიდებდა ამ საქმეს, იმის შიშით, ვაითუ ჩემი ძმა, მეზობელი, ან სიძე მეტად გამდიდრდეს, ვიდრე მე, ან ნაკლები ხარჯი გაიღოსო. თანაც მეპაიეებს არ უნდოდათ, ასეთი მნიშვნელოვანი წამოწყების პატივი ჰოფეპერმეისტერს რგებოდა. ამიტომაც მდიდარმა გლეხებმა საერთოდ შეწყვიტეს კრებებზე სიარული და ამით გეგმა საბოლოოდ დასამარდა.

მაგრამ მაშინ, ყველასთვის მოულოდნელად, საქმეს თვით პასტორმა ბლომბერგმა მოკიდა ხელი. რაკი შესაშური უნარი გააჩნდა, თავისი პირადი მოთხოვნების დაკმაყოფილება მთელი მრევლის პირველხარისხოვანი მნიშვნელობის საქმედ მიეღო, მან გადაწყვიტა, (ასე უთხრა თავის მეუღლეს), ძირფესვიანად ამოეთხარა ეს შხამიანი ჭინჭარი, სამწუხაროდ მტკიცება იმისა, რომ თავისუფალ საზოგადოებაშიც კი, სულის ძალით გასუფთავებულ საზოგადოებაშიც შეიძლება ისე მოხდეს, რომ უნდობლობისა და ურთიერთმტრობის სარეველებმა გაიხარონ. პირველად პასტორი ჩუმ-ჩუმად ცდილობდა გაეჩარხა საქმე მათთან, ვის თანხმობაზეც იყო უწინარეს ყოვლისა დამოკიდებული ამ საქმის ხელსაყრელად დაბოლოება. როცა წინააღმდეგობას წააწყდა, გააფთრდა და უკვე აშკარა შეტევებზე გადავიდა. მორწმუნეთა დიდ ყრილობაზე, სადაც მთელმა მისმა მრევლმა მოიყარა თავი, პასტორმა მგზნებარე სიტყვა წარმოთქვა, შეეხო პროექტს, მერე კი ძლიერი და ხატოვანი გამოთქმებით გაანადგურა წვრილმესაკუთრული თავმოთენობა, რაც ელობება საყოველთაო კეთილდღეობისაკენ მიმავალ პროგრესს და ამით გზას უკრავს ჭეშმარიტად ღვთისსათნო ცხოვრების, ჯანსაღი, ბედნიერი და პატიოსანი ცხოვრების გაფურჩქნას.

მისმა გამოსვლამ დამსწრენი გააოცა, ხოლო ბევრი მათგანი ძალიან გაანაწყენა: ჯერ ერთი იმიტომ, რომ ისეთი სიტყვები მორწმუნეთა კრებაზე შეუფერებელი იყო; მეორეც იმიტომ, რომ ზოგიერთის ყურამდე უკვე მიეღწია ხმას ინგერისა და აღნიშნული პროექტის ახალგაზრდა შემქმნელის მომავალი შეუღლების შესახებ. ბლომბერგს კი თავი ისე ეჭირა, ვითომც აქ არაფერი ყოფილიყოს. პირველი შემთხვევა არ გახლდათ, როცა მეტისმეტად გაბედული გამოსვლით თავისი მრევლის რისხვას იმსახურებდა. ბლომბერგი გრძნობდა, რა გავლენაც

ჰქონდა მრევლზე და არ უშლიდა მათ, რამდენიც უნდოდათ ებუზღუნათ. სულ ერთია, მან შესძლო თავისი მიზნის მიღწევა. გააცოცხლა ის საქმე, რომელზეც მისი შეხედულებით, ახლა მთელი ოლქის კეთილდღეობა იყო დამოკიდებული. გლეხთა კარმიდამოებში და მოაჯარადრეთა ქოხებში პასტორის გამოსვლაზე იყო სჯა-ბაასი, ამით კი კვლავ განახლდა მსჯელობა პროექტზე.

• • •

შობის წინა დღეს პერი კერსხოლმში ჩავიდა. იქ ყველაფერი ძველებურად იყო, მხოლოდ ბარონესა წასულიყო და ჰოფეჰერმეისტერის სახეც ახლა უფრო მოგაგონებდათ ნეკერჩხლის დამკვანარ ფოთოლა. იხეც იხეც მოდიოდა სამზარეულოდან ტორფის ბოლის სუნი და ეს სუნი პერს უსაზღვროდ მშობლიური და ახლობელი ეჩვენა.

ჰოფეჰერმეისტერის მეუღლეს მაშინვე თვალში ეცა ყმაწვილ კაცში შომბდარი ცვლილება. პერი ქალის თვალში მხოლოდ გარეგნულად არ შეცვლილიყო. ის მიხვდა, ალბათ რაიმე სერიოზული სიმძნელები შეხვდა გადასალახავი, მაგრამ მიუხედავად იმისა, რომ დედობრივი თანაგრძნობით ცდილობდა დაწვრილებით ეთქმევიანებინა ყველაფერი, პერი ჯიუტად დუმდა და ამით ბოლოს და ბოლოს კიდევაც აწყენინა ქალს.

შობის პირველ დღეს პერი მასთან ერთად ბეტრუჰის ეკლესიასკენ გაეშურა. ჰოფეჰერმეისტერი ავად გახდა და ამიტომ შინ დარჩა. როცა ეკლესიას მიადგინა, მრევლი უკვე ფსალმუნებს მღეროდა. სერთუკისა ჩიბეში ხელებჩაწყობილი პასტორი ბლომბერგი გასასვლელში ბოლთას სცემდა. ძლიერი ხმით მღეროდა ფსალმუნს და თან მეგობრებს და ნაცნობებს ესალმებოდა. დროდადრო ქანდარისკენ მიმავალ კიბესთან ჩერდებოდა, მწყალობელი თვალით გადახედავდა სავსე ეკლესიას და გრძნობამორეულს სახე სიხარულით უბრწყინავდა.

პერმა თვალის ერთი გადავლებით მოძებნა ინგერი. ქალიშვილი გასასვლელის მეორე მხარეს იჯდა, თავისი დედის გვერდით. შავი კაბა ეცვა და მის ნაზ, დახვეწილ გარეგნობას თვალწარმტაცს, მშვენიერს ხდიდა. ინგერს ერთხელაც არ მოუშორებია თვალი ლოცვანიათვის. მაშინაც კი, აბრეშუმის შრიალმა ჰოფეჰერმეისტერის მეუღლის მოსვლა რომ აუწყა მათ, ფრუ ბლომბერგი მიბრუნდა და თავი დაუქრა

ახლადშემოსულთ, ინგერი კი კვლავ ლოცვანში იყურებოდა, მაგრამ ლოყები წამოუწითლდა. პერს პატარა საფუძველი ჰქონდა ეფიქრა, რომ ინგერი მიხვედრილი იყო მის აქ ყოფნას, თავის გამარჯვების ნიშნად ჩათვალა ეს ამბავი და მღელვარებით აუქახკალდა გული.

როგორც კი წირვა გამოვიდა, პერი, ჰოფეჰერმეისტერის მეუღლე და ეკლესიაში მყოფი რამდენიმე კაცი პასტორთან ყავაზე მიიპატიყეს. ასეთი მიპატიყებები პასტორისაგან აქაურ ჩვეულებად იქცა, მრევლი უმკაცრეს აღრიცხვას აწარმოებდა ვის, როდის და რამდენჯერ დასდეს ეს პატივი. პასტორთან პერი შეხვდა ოთხ გლეხს თავიანთი მეუღლეებითურთ. სახეზე ყველას, თუმცა კი სხვადასხვანაირად, ის ეწერა, რომ ერთსა და იმავეს ფიქრობდნენ: თავიანთ მრევლში ისინი ყველაზე საპატიო, ცნობილი და მდიდარი პირები არიან. პერს აზრადაც არ მოსვლია, თუ ეს ხალხი პასტორმა ბლომბერგმა საგანგებოდ მისთვის დაპატიჟა. თუმცა პასტორი დიდი მონდომებით ცდილობდა სწრაფად გაეცნო ისინი ერთმანეთისთვის, მაგრამ მდინარის კალაპოტის გადაგეგმაზე არავის კრინტი არ დაუძრავს და „ყავის სმის“ მთელმა ცერემონიამაც ნახევარ საათს ძლივს გასტანა: პასტორს რიგგარეშე სადღესასწაულო ღვთისმსახურებაზე ეჩქარებოდა და თავად გადაუკრა სიტყვა სტუმრებს, წასვლის დროაო.

ჯერ გლეხები წავიდნენ, შემდეგ ჰოფეჰერმეისტერი და პერი. ინგერმა კვლავ შვებით ამოისუნთქა.

ქალს მთელი ამ ხნის განმავლობაში ეშინოდა პერთან მარტო დარჩენის, რადგან რატომღაც თავში ჩაეჭედა იმის ფიქრი, თითქოს პერმა წერილი მისწერა მის მშობლებს და წინასწარ მიიღო მათგან თანხმობა. თუმცა თავისთვის ჯერ კიდევ ვერ გადაეწვივითა წყეული საკითხი: უყვარდა პერი თუ არა, უფრო ზუსტად, თავისი გამოცდილებით ვერ გარკვეულიყო, შეიძლებოდა თუ არა სიყვარული ეწოდებინა იმ გრძნობისთვის, პერისადმი რომ განიცდიდა. მას მოსწონდა, რომ პერი სხვებს აოჰგავდა. ის, ვისაც მისი ქმრად გახდომა უწერია, არაფრის გულისთვის არ უნდა ჰგავდეს სხვებს. მერე, ეჭვი არ ეპარებოდა, რომ პერი ბუნებით ძალიან კეთილი ადამიანი იყო და მასზე იზრუნებდა. თანაც, აბა, საკუთარ თავს ხომ ვერ დაუმალავდა, რომ პერის ჩამოსვლის მოლოდინში მთელი ღამეები უძილოდ გაატარა. ჯერ კიდევ დღეს, ეკლესიაში წასვლის წინ, მღელვარებისაგან მუცელიც კი ასტივდა, მაგრამ ჩაითვლება თუ არა ყოველივე ეს სიყვარულად, კაცმა არ იცის.

სანამ პერი მათთან იჯდა, ინგერი თითქმის დარწმუნებული იყო, რომ სულაც არ უყვარდა ეს კაცი. პერი ძალიან გამოცვლილიყო გარეგნულად და თუმცა ეს შეენოდა კიდევ, ვერაფერს იტყოდით, -- უცხო და უცნაური გამხდარიყო. მაგრამ როცა პერი წავიდა, სახლში მოწყენილობამ და სიცარიელემ დაისადგურა და დღის დანარჩენი დროის განმავლობაში ინგერმა მოსვენება ვერ პოვა. ქალიშვილი ოთახიდან ოთახში დადიოდა, ხან ერთ სკამზე ჯდებოდა, ხან მეორეზე და მწარედ ნანობდა, ნეტავ სულ არ გამეცნო პერიო. აქამდე არასოდეს არ დაჰკარგვია მოსვენება. ბოლოს თავის ოთახში მიიკუნწა, მიუჯდა ფანჯარას, სევდიანად გაჰყურებდა, როგორ ჩადიოდა მზე და წითლად ღებავდა თრთვილით გათეთრებულ ხეებს. ის ფიქრობდა რომანტიულ, ლეგენდარულ გმირზე; პერმა გაუცოცხლა მესხიერებაში ეს გმირი და ქალიშვილი ვეღარ განთავისუფლებულიყო ამ შთაბეჭდილებიდან. გულჩათხრობილი და მღუპარე, ფერმკრთალსახიანი პერი, შავი გრძელი წვერი და რაც მთავარია, ზღვაოსნის საოცარი თვალები რომ ჰქონდა, „მფრინავ პოლანდიელს“ წააგავდა, იმ ოპერის გმირს, ინგერმა ერთი წლის წინ რომ მოისმინა კოპენჰაგენში. მას განსაკუთრებით დაამახსოვრდა ჩინებული პროლოგი, როცა წყევლით დევნილი მრავალტანჯული მოხეტიალე-მეზღვაური, ვინც მთელი თავისი ცხოვრების განმავლობაში არ იცოდა მშობლიური ბუდე, ცდილობდა ნორვეგიის კუნძულოვან ნაპირებზე დამალვოდა ქარიშხალს. მერე, დაფდაფები ყრუდ აგრიალდნენ, მან კი თავი შეაფარა მეთევზის ღარიბ ქოხს, სადაც მასპინძლის ახალგაზრდა ქალიშვილს შეხვდა. ქალი მარტოდმარტო იჯდა, ართავდა და თან მღეროდა. ეს რომ მოაგონდა, ინგერმა თავი ხელეებზე ჩამოიყრდნო და გაიფიქრა, რომ შეყვარებული ვარ, ცხადია შეყვარებული ვარ, თუმცა სიყვარულმა ბედნიერება არ მომიტანაო.

ინგერს იმედი ჰქონდა, რომ მეორე დღეს ყველაფერი გადაწყდებოდა. ის მშობლებთან ერთად კერსხოლმში მიიპატუიეს და ისიც იცოდა, რომ მეტ სტუმარს არ ელოდნენ. მაგრამ დილაადრიან კერსხოლმიდან შიკრიკმა მოირბინა და აცნობა, დაპატიჟება ჩაიშალა, რადგან პოფეჰერმეისტერი მძიმედ გახდა ავად, შუალამისას კუჭის ძველმა დაავადებამ შეუტიაო.

დღისით პერის თანხლებით მათთან პოფეჰერმეისტერის მეუღლე მოვიდა, რათა ბოდიში მოეხადა მომხდარი ამბის გამო. მან ახსენა ოთხი გლეხის გუშინდელი სტუმრობა და თქვა, ახლახან განახლდა მოლაპარაკ-

კება იმ პირთა კიდევ ერთხელ შეხვედრის შესახებ, ვინც მდინარის კალაპოტის გადაგვეგმით არის დაინტერესებული და გულით მიხარია ეს ამბავი.

— ამით საქმე მოგვარდება. ჩვენ კი მომავალშიც დაეტკბებით ბატონ სიდენიუსის საზოგადოებით.

ამ საუბრის დროს პასტორი ბლომბერგი ზურგზე ხელებშემოწყობილი მშვიდად დადიოდა ოთახში. ჰოფეპერმეისტერის მეუღლის ბოლო სიტყვებზე უცებ შეჩერდა. სახე მეტისმეტად სერიოზული ჰქონდა.

— თქვენ მართალი ხართ, — თქვა მან, — არც მე ვკარგავ იმედს, რომ ამ საკითხში ბოლოს და ბოლოს გაიმარჯვებს ურთიერთგაგების სულისკვეთება.

პასტორის მეუღლე დუმდა. სამაგიეროდ ჰოფეპერმეისტერის მეუღლე არ აჩერებდა ენას. როგორც ჩანდა, ამ ქალს უმცირეს დეტალზეამდე აეწონ-დაეწონა პერის მომავალი.

— ზომ გახსოვთ; სადგურის მახლობლად რა მშენებელი კარმიდამოა. პასტორ პეტერსენის ქვრივი გარდაიცვალა და ახლა იქაურობა დაცარიელებულია. ბატონი სიდენიუსისთვის უკეთეს საცხოვრებელ ბინას ვერც მოიფიქრებს კაცი. გარედან მშენებელი შესახებდავია, თანაც დიდებული ბაღი და ყოველგვარი სათავსოც გააჩნია. ახლა რა კარგად არის განლაგებული!

ინგერი ადგა. ჰოფეპერმეისტერის მეუღლის ლაპარაკმა ააღელვა. შესანიშნავად ესმოდა, რა მიზნითაც იყო ეს ნათქვამი და, საერთოდ, ამ ბოლო დროს ძალზე გაუცივდა გული თავისი მეგობარი ქალის მიმართ. ჯერ ერთი მიხვდა, რომ ჰოფეპერმეისტერის მეუღლე უკვე დიდი ხანია ყველანაირად ცდილობდა ინგერი პერისთვის მიეთხოვებინა. მეორეც, იმასაც ხვდებოდა, რომ პერის კეთილდღეობაზე ასე გულმოდგინე ზრუნვა მართო კარგი დამოკიდებულებით არ იყო გამოწვეული, რადგან ღროლადრო ეს ქალი მეტისმეტად უზომოდ აქებდა ყმაწვილ კაცს.

ყავის სმას რომ მორჩნენ, მთელი საზოგადოება სასიეროდ გავიდა. ბაღის გავლით მოშორებით, ბორცვებისკენ აიღეს გეზი, მაგრამ პერმა ნაინც ვერ მოახერხა ინგერთან განმარტოებით ლაპარაკი. პასტორის მეუღლე თვალს არ აცილებდა მათ, ხოლო როცა შინ დაბრუნდნენ, პარმალთან უკვე ეტლი იდგა. ჰოფეპერმეისტერის მეუღლეს ავადმყოფ ქმართან მიეჩქარებოდა. პერს კი დარჩენა არავინ შესთავაზა.

გამოთხოვებისას ჰოფეპერმეისტერის მეუღლე მოეხვია ინგერს და

უნდოდა მისთვის ტუჩებში ეკოცნა, მაგრამ ინგერმა პირი აარიდა და ყური მიუშვირა. ალერსი, წინათ რომ ასე ახარებდა, ახლა მხოლოდ ზიზღს ჰგვრიდა.

გავიდა კიდეც რამდენიმე დღე, შეყვარებულების შეხვედრა ვერ მოხერხდა. ჰოფეჰერმეისტერის მეუღლე ავადმყოფი ქმრას ლოგინს იყო მიჯაჭვული და მის გამო პერიც იძულებული გახდა უარი ეთქვა საშობაო მხიარულებაზე. თუმცა, ყმაწვილ კაცს მხოლოდ ერთი რამ აღონებდა — ინგერთან შეხვედრა რომ არ შეეძლო. მან იცოდა, რომ ინგერი, როგორც პირველი მზეთუნახავი და პასტორ ბლომბერგის ქალიშვილი, ყოველთვის ახალგაზრდების კამპანიის ცენტრში აღმოჩნდებოდა. ხოლმე, რომ ის იყო შობა დღის. უცვლელი დედოფალი და ძველებური ცეკვების ზღაპრული პრინცესა, რაც — პერმა ბევრჯერ მოჰკრა ყური ზაფხულში, — აქ ხელახლა შემოდრიოდა მოღაში. და თუმცა პერმა ისიც იცოდა, რომ ახალგაზრდა კაცები აქ თითებზე ჩამოსათვლელი გახლდათ, და ვინც იყო, ისინიც ან სოფლელი დონდლოები გახლდნენ — მდიდარ ფერმერთა ვაჟები, ან ახალგაზრდა სტუდენტები, მაინც ძალიან დელავდა და დრო მისთვის მტანჯველად ნელა მიიზღაზნებოდა. წვეროსანმა მმართველმა ბევრჯერ მიიპატიჟა, სანადიროდ წავიდეთო, მაგრამ ნადირობა პერს უკვე აღარ აინტერესებდა. პერი თითქმის სულ არ გამოდიოდა შინიდან და იღუმალად იმედოვნებდა, იქნებ ინგერი სტუმრად მოვიდეს ჩვენთანო. მას თითქმის არც ჰოფეჰერმეისტერის მეუღლის გეგმები აღეღებდა იმის თაობაზე, თუ როგორ მოეწყობოდა მისი მომავალი, არც განახლებული მოლაპარაკება პროექტზე, უფრო სწორად — აღეღებდა მხოლოდ იმდენად, რამდენადაც ამით შეეძლო ინგერის სიყვარულის იმედი ჰქონოდა.

მის ოთახში ისევე, როგორც პირველად ჩამოსვლისას, თარო ეყიდა. მასზე მკვიდროდ იყო ჩამწკრივებული წიგნები. მარტობის დროს ამ წიგნებს მიაშურებდა ხოლმე პერი. მაგრამ ამჟამად გასართობი ლიტერატურის კითხვას ამჯობინებდა — რომანების, პიესებისა და მოთხრობებისა — კითხულობდა, რომ დრო მოეკლა და სევდა ჩაეხშო. გარდა ამისა, მას შემდეგ, რაც იძულებული გახდა თავისიანებთან მუხლმოყრილი მოსულიყო, რათა ძველი ცოდვები გამოესყიდა, პერს ეშინოდა რელიგიური ზასიათის წიგნებისა. იმ დმერთს, რომელიც პერმა ამ შემოდგომაზე შეიცნო, არაფერი ჰქონდა საერთო ყოვლადკეთილ, მოწყალებულ ნუგეშისმცემლის მომჯადოებელ ხატებასთან, როგორადაც ის

ბლომბერგის შრომებში იყო წარმოდგენილი. თუმცა პერმა რამდენჯერმე ჩაიხედა შიგ, მაგრამ ამ წიგნებმა ისევე გაუტეხეს გული, როგორც პასტორის საშობაო ქადაგებამ. მისი აზრები უკვე ვერ პოულობდნენ შვებას ასეთ გამართულ და მკვერამეტყველურ, მაგრამ ამავე დროს გაცვეთილ მსჯელობებში სიცოცხლისა და სიკვდილის, ცოდვისა და მადლის შესახებ. ღმერთის ძიებაში პერმა გადააბიჯა იმ საფეხურს, როცა ადამიანს მსგავსი მსჯელობები აკმაყოფილებს. ასეთი მსჯელობები გულს კი სწედება, მაგრამ გონებას არაფერს აძლევს. ახლა გონების საზრდო სწყუროდა, ჰეშმარიტებას ეძებდა, ბლომბერგი კი მას არსობის პურის მაგიერ ყვავილებს სთავაზობდა. ამიტომაც პერმა გადაწყვიტა, შეესვენებინა თავისი აზრები. დაღალა უნაყოფო ძიებამ. საჭირო იყო პატარა ხნით დაეხურა იმკვეყნიური სამყაროს კარი და ეფექტა მხოლოდ მისთვის განკუთვნილ ხვედრზე, რადგან ამაზე იყო დამოკიდებული მთელი მისი ბედი და მთელი ბედნიერება ამ სწრაფმდინარ ცხოვრებაში.

წინათ პერი იმაზე ფიქრსაც ვერ გაბედავდა, რომ ინგერისთვის მანამ გაეკეთებინა წინადადება, სანამ გამოცდას ჩააბარებდა და კარგ აღვილს იშოვნინა, ან იმის იმედი მაინც თუ არ ექნებოდა, რომ უზრუნველყოფილად, გაუპირვებლად იარსებებდა. მაგრამ ახლა, როცა ყოველ წუთს მის გამოჩენას მოელოდა და ეპკით და სევდით იტანჯებოდა, მასში უეცრად წინანდელმა გაბედულობამ გაიღვიძა და გადაწყვიტა, როგორც კი დაიმარტოხლებდა ქალს, მაშინვე მიეღო მისგან პასუხი.

ბოლოს, ახალი წლის წინა დღეს, პერმა შესძლო ბესტრუპში წასვლა. მან იცოდა, რომ იქიდან რამდენჯერმე გამოგზავნეს კაცი ჰოფე-პერმისტერის ჯანმრთელობის ამბის შესატყობად, და რაკი დილით ჰოფეპერმისტერმა მოიკეთა, პერმა საუზმეზე თქვა, იქნებ წავსულიყავი ბესტრუპში და სასიხარულო ახალი ამბავი შემეტყობინებინა პასტორის ოჯახისათვისო.

ჰოფეპერმისტერის მეუღლემ ღიმილით მიუგო:

— დიდხანს კი იგონებდით საბაბს, — ეს ისეთი ორაზროვანი კილოთი უთხრა, რამაც პერი ბევრჯერ აიძულა, სიტყვა შუაზე გაეწყვიტა.

ნასაუზმევს პერი მაშინვე წავიდა. მან იცოდა, პასტორის ოჯახში სამ საათზე სადილობდნენ და ზუსტად გამოიანგარიშა, რომ პირველიდან ორ საათამდე ყველაზე უფრო ადვილად ნახავდა ინგერს მარტოს სასტუმრო ოთახში. ამ დროს დედა სამზარეულოში ფუსფუსებს, მამა თ-

ვის კაბინეტში ზის. თუმცა პირველიდან ორ საათამდე ინგერი მუსიკას მეცადინეობს. ჰოფეპერმეისტერის მეუღლე ამბობდა, ამას ინგერი მოვალეობის გულისთვის სჩადის, მთელი წლის განმავლობაში ერთ დღესაც არ გამოტოვებს, რომ არ იმეცადინოს, გარდა დიდი საეკლესიო დღესასწაულებებისაო.

რათა შეუმჩნევლად მისულიყო, პერმა შეთავაზებულ ეტლზეც კი უარი თქვა, ამასთან, ამინდიც შესანიშნავი იყო, გზა კარგი, და ამდენი ხნის შინ ჯდომის შემდეგ უნდოდა სუფთა ჰაერი ესუნთქა. ზამთრის მზეს გაყინული მიწა გრძელი ჩრდილებით დაესერა, მინდორში აქა-იქ მაკე ცხვრები მოჩანდა, გამხმარ ბალახს წიწკნიდნენ. პერი ძალიან მშვიდად გრძნობდა თავს, იმდენად მშვიდად, რომ თვითონაც უკვირდა. საოცარი, თითქმის მოკრძალებული გულაჩვილებით უგდებდა ყურს საკუთარი ფეხის ხმას გაყინულ მიწაზე — მოგუგუნე, განზომილი, სი-დენიუსური ნაბიჯების ხმას. თითქოს რაღაც იყო ამ ხმაში ისეთი, რაც მას დაუბრუნებლად გამქრალ დროსთან აკავშირებდა, საიდანაც უხილავი გზებით სხეულში ძალა ესხმება, აზრში — სიმშვიდე, სულში კი — იმედი.

რა თქმა უნდა, ყველაფერი ისე არ მოხდა, როგორც პერი ვარაუდობდა. ვერც კი მოასწრო პატარა ჭიშკრის გაღება, რომ უეცრად ფრუბლომბერგი დაინახა; ეზოს შუაგულში იდგა და ქათმებს საკენკს უყრიდა. ქალმა მეტისმეტად თავდაპირილად გადაუხანდა მადლობა კარგი ამბის მოტანისათვის და შინ შეიპატიჟა. ინგერი მართლაც სასტუმრო ოთახში როიალს უჯდა, მაგრამ დედამ ისინი წუთითაც არ დატოვა მართო და ამიტომ მხოლოდ და მხოლოდ ჰოფეპერმეისტერის ავადმყოფობაზე საუბრობდნენ. შემდეგ თვითონ პასტორი გამოჩნდა შავ სამუშაო ქურთუკში გამოწყობილი და მაშინვე გააბა მასლაათი. პერი მიხვდა, რომ ისევ ხელცარიელი უნდა წასულიყო. მაგრამ ამ დროს ეზოში ჩლიქების კაკუნის მოისმა და კარს ძველებური ეტლი მოადგა. მეზობელი მრევლის პასტორი მეუღლითურთ საშობაო ვიზიტით მოსულიყო. დღინო და ნამცხვარი ადრევე შემოიტანეს, ახლა ყავა და შოკოლადიც დაუმატეს და ინგერი დედას სუფრის გაშლაში მიეხმარა. პერი ის იყო შინ წასასვლელად გაემზადა, რომ პასტორმა ბლომბერგმა სთხოვა ჩვენთან ისადილეო და მანაც ბევრი აღარ ახვეწინა. მერე მოხუცი სტუმრები წავიდნენ და იმ რამდენიმე წუთში, ვიდრე ბლომბერგები მათ ეტლამდე მიაცილებდნენ, ინგერი და პერი საცოლუ და საქმრო გახდნენ.

როცა ფრუ ბლომბერგი სასტუმრო ოთახში დაბრუნდა, მაშინვე შენიშნა, რალაც ვერ იყო რიგზე. ინგერი ფანჯარასთან იდგა და სახე ყვა-ვილებში ჩაემალა, ხოლო გვერდით პერი ამოდგომოდა.

— რა ხდება აქ? — თითქმის უხეშად იკითხა პასტორის მეუღლემ.

პერმა ნაბიჯი წინ გადადგა, თავი დაუქრა და თითქოს მობოლიშებით უთხრა:

— ქალბატონო, მე თქვენს ქალიშვილს წინადადება მივეცი.

მაგრამ ამ დროს გამოჩნდა თავის მოკლე ქურთუკში გამოწყობილი პასტორი. როცა გაიგო რაც მომხდარიყო, სახეზე შეშფოთებული გამომეტყველება აესახა. ჭერ იყო და, ამ შემთხვევის შესაფერისი რამდენიმე სენტენცია წარმოთქვა, მაგრამ მერე, რაკი, თუ ვინმე მისი გულია აჩვილებას მოახერხებდა, დამყოლი კაცი გახლდათ, გაიღიმა, ინგერი გულში ჩაიკრა, პერს ძვირფასი შვილი უწოდა და თვალცრემლიანმა დალოცა ისინი.

როგორ მოხდა, კაცმა რომ თქვას, ყოველივე ეს, პერი თვითონაც ვერ მიხვედრილიყო. შემდეგში მან ინგერს სთხოვა, მიაშე რა მოხდა მაშინო. ინგერმა ცოტა არ იყოს კომიკურად წარმოადგინა ყველაფერი მან თქვა, მეც მინდოდა მშობლებთან ერთად გამეცილებინა სტუმრები, მაგრამ შენ მაგრად ჩამკიდე ხელი და გზა გადამიჭერიო.

— კინალამ დავიყვირე. ვერც კი იგრძენი, როგორ მეტკინა ხელი.

ამას რომ ამბობდა, ინგერი სულაც არ იბრანჭებოდა, არც კეკლუ-ცობდა. მართლაც გულწრფელად სურდა დაეჩვილა. საერთოდ კი პირველ ხანებში ინგერი თვითონ პერით იმდენად არ იყო დაინტერესებული, რამდენადაც იმ ბედნიერებაზე ფიქრით, მან რომ პერს აჩუქა. მაგრამ პერი ვერ გრძნობდა, თუ მათ შორის რაიმე ზღვარი დაინგრა; შენიშნა, რომ ინგერი გაურბოდა მასთან მარტო დარჩენას. იმის შიშით, უარი არ მითხრასო, პერმა წასვლის წინაც კი, როცა ბოლოს და ბოლოს მარტონი დატოვეს, ვერ გაბედა კოცნა ეთხოვა ქალიშვილისთვის. მაგრამ ინგერის თავდაჭერილობა სულაც არ სწყინდა პერს. სწორედ ამ ამაყმა მორაცხვობამ მიიზიდა ასე თავიდანვე და მან პირობა მისცა თავს, მოეთმინა და ხელის განძრევითაც კი არ მიეყენებინა მისთვის შეურაცხყოფა.

ოჯახურმა თათბირმა, პასტორის კაბინეტში რომ შედგა, დაადგინა, ნიშნობა საიდუმლოდ შეენახათ, სანამ პერი გამოცდებს არ ჩააბარებდა, განსაკუთრებით მოითხოვდა ამას ფრუ ბლომბერგი და პერიც უდრ-

ტინველად დაემორჩილა მათ. მას აგრეთვე უთხრეს, პოფეპერმეისტერის მეუღლისთვის ჯერ არაფერი შეეტყოზინებინა. ამას დაეინებით მოითხოვდა ინგერი. მაგრამ ეს კი ველარ მოახერხა პერმა. კერსხოლმში რომ დაბრუნდა, სახის გამომეტყველებამ მაშინვე გასცა.

— თქვენ უკვე დაინიშნეთ! — წამოიძახა პოფეპერმეისტერის მეუღლემ.

პერმა იძულებული იყო ყველაფერი ელარებინა და ქალმაც ისე დაატანა ძალა, უფრო მეტი დააკაღინა, ვიდრე სურდა.



პერი ერთხელ კიდევ დარწმუნდა, რომ სიხარული, ისევე როგორც უბედურება, ერთმანეთს წაეწყობა ხოლმე.

რამდენიმე დღის შემდეგ მასთან მოულოდნელი სტუმრები მივიდნენ: ორი იმ გლეხთაგანი, პასტორთან რომ ყავას შეექცეოდნენ, გამოცხადდა კერსხოლმში და ითხოვეს მასთან მოლაპარაკების ნებართვა. ესენი იყვნენ ბრგე, მხარბეჭიანი ვაჟკაცები, შინნაქსოვი ტანსაცმელი ეცვათ და დიდი ღირსებით ეჭირათ თავი. პერმა შინ შეიპატიჟა ისინი, სთხოვა დამსხდარიყვნენ და მიუხედავად იმისა, რომ მათი ვიზიტი მოულოდნელი იყო მისთვის და არც გლეხებთან საუბრის გამოცდილებამ გააჩნდა, რამდენიმე საათს იმასლაათეს. სტუმრებმა თავიდანვე განაცხადეს, აქ არავის გამოვუგზავნივართ, ჩვენით მოვედით, რადგან „ყური მოვკარით“, თითქოს თქვენ მდინარის კალაპოტის გადაგვემვას და ოლქის ყველა წყალსატევებში წყლის დონის დაწვევას აპირებთო. თუ ხმები, რამაც ჩვენს ყურამდე მოაღწია, მართალია, მაშინ პირადად გვინდა უფრო ახლოს გავეცნოთ საქმესო. თვითველ მათ სიტყვაში ანგარიშიანი სიფრთხილე და წვრილმანი უნდობლობა გამოსკვივოდა და ეს სულ არ ესადაგებოდა ამ ამაყ, წარმოსადეგ ხალხს. თუმცა იმ შეკითხვით, პერს რომ დაუსვეს, ცხადი იყო, მათ ზედმიწევნით შეესწავლათ საქმის როგორც იურიდიული, ისე ტექნიკური მხარე, თავი მაინც ისე ეჭირათ. თითქოს პროექტს მხოლოდ ზოგადად იცნობდნენ და როცა ერთერთმა მათგანმა შემთხვევით ახსენა, იქნებ სჯობდეს, კიდევ ერთხელ მოვიწვიოთ დამფუძნებელი ყრილობაო, მეორემ დაუყოვნებლივ ეჭვი შეიტანა ამ წამოწყების რეალობაში, ხოლო პირველმა

ერთხელ ზღოთმებრ გვებთან... მინიშნა, რომ ყველანა
რალაცდით მეშფოთებულნიმ იფენენ. სიმაჟინ თანის ვაბინეტი იქდა...
... და დედა სასტუმროს კოთახში ხელსაქმენ სუსტნენ და მოხეიძე სა-
ხეები: პქლდათ უმცროსთ ბავშვებნი წყნარად და გაუბეღავად ფუსფუ-
სებდნენ სახილლო ოთახში: რაცა-მერი და ინგერი მარტო დარჩენს,
ქალმა უამბო პერს, რომ ურთერთ ჩემი შმა, "სარჩვეტი" წლის ნილსი
ტყუილში: დავიპირეთ და თუშეთ: მამის ხელთ პქონდა აქვარს სწულით
იმისა, რომ ნილსმა იკრუთიბივი მანერ ფიურტან უხარსილდა შანის წა-
ნაშაუდსა მამინ მამამ მიწვივა: ყველა ბავშვნი და წარმონტქვა მამრულ-
ვებელდა ქადაგებუ: რის შემდრეც პატარა ცრდერლმა ყველანფერსა ჩამ-
რა ახლა ბივი სასტუმრო ოთახში და ჩავეტოლო და სამობანი წარდებუ-
ბის დამთავრებამდე ვერძალულოაქვს: ვინდან ვამეკვო. ...
... პქონდა ცოტა არ ფუას; დიარცხინაოცს სამბუგო რომ მინსმინა შა-
აქიმდე ბრ დავიწუხბინდა მხგანსი რაცენა მამობროსკო: ახში, ხაღილად.
როცა ვაიგვსა ქამლებს: დამარავსო: ამ სახაგელო სკენის მოგონებებმა
მთელი ბავშვობა ჩაუშინა და ახლაც მის გზინენებაზე: მწარე უბეკრებ
აუფუთფუთდა თავში. ფს: მამინ განცდილურ მარტუსტის გარძობის და
შურისძიების წყურვილიც დამრძახადლი: იყო დშირუმიც. პერი: მამინვე
შეეცადა და პრაკისხვა საგანზე გადევნა და ძაღლინ გაუხარდა, რომ
ინგერის დედა დაბრუნდა და საუბარამც სხვიმამართლები შილდა.
... სიღრღობა ურთავრთობაც: თანდათანობით ამოგუარდა: ინგერის
ხათრით პერი ყოველმხრივ ცდობდა მის დეგული მოეგო და კიდევაც
მონახეხდა პერმა შენამინა, რომ ამ ქალს ძალიან უყვარდა: თუ გვრვის
დროს ერთობდნენ, მაგალითად: ნამიშალო: უჭითხედნენ ჯაიმი წიგნს.
ამიტომაც ყოველ დღე ნახადილწეს ნამიშალო: კთხულობდა ამ სახლში
მეტად შიშულარულ განმინათლებელი რუმინების მოფელ: თავებს და
თუმიც: დედა კთხვა არავდარსად მოვებებს არ ბევრი და ხელ-ხედა მუ-
ერვად რამეფლავაც სიმოწმებდა: რს წყნარ ბავშვები, როცა ხან მისი შმა
განამოდა, ხან ძაღლს შიდალი: დიხან შიშის და მამიგედებელი ციკცხი.
— ნათლისღების მერტო: დღეს: პერი კოპნაგენში წავიდა: უსკდაც
დარბანს. პქონდა შიტირებულნი: ქმეუშაი: თანაც პლემქემეისტიერის
ავადმყოფობა: გავილენით: ყველა სერობულნი ვლმონდა ვდრე ვა-
რავლდობდნენ და მოფლოდნელად ძალიანაც გართულდა. უკანასკნელი
დღე მერმა მთლიანად ბლომებრ გებთან გაატარა. მთელი მათი ურთიერ-
ობის განმავლობაში პირველად მოხდა, რომ გამოთხოვბინას ინგერი

ძალიან აღელდა, თვალეზე ცრემლები მოადგა და დიდხანს უჭერდა პერის ხელს ხელს, თითქოს ეშინოდა თავის ხელიდან მისი გაშვება. პერის წასვლისას სიმამრი, სიდედრი და ინგერის ყველა პატარა და-ძმა პარშალზე გამოტყვივდა და მანამ უქნევდნენ ცხვირსახოცს, სანამ თვალს არ მიეფარა. ინგერი კი ბაღში გადავიდა, აძვრა ღობის ქვედა კაღონზე და იქიდან კიდევ დიდხანს უქნევდა ცხვირსახოცს.

და მაინც პერს, ცოტა არ იყოს, გული გაუტყდა. სულ ბოლო წუთამდე იმედი ჰქონდა, ინგერი მშობლებს სთხოვს ნებართვას, სადგურამდე გამაცილოსო, რათა ცოტა ხანს მაინც ყოფილიყვნენ მარტო. თუმცა ცივი და ქარიანი ამინდი იყო, პე რს მაინც გაუკვირდა, რომ ინგერს ეს ფიქრადაც არ მოსვლია. ეტლის კუთხეში რომ მიიყუთა და თავის გვერდით, ცარიელ ადგილს გახედა, პერს უნებლიედ იაკობა გაახსენდა, გაახსენდა, როგორ ამცნო ქალმა თავისი სევდა ერთერთ წერაღწევაში. „მონათული ვიქნებოდი სამჯერ შემომეველო მთელი ქვეყნისთვის, რათა ერთადერთი წუთი გამეტარებინა შენთან“, — სწერდა ის. მაშინ ეს სიტყვები პერს მაღალფარდოვანი და ისტერიული ეჩვენა ახლა კი, როცა თავად იყო შეყვარებული, კარგად ესმოდა.

ნახევარი საათის შემდეგ სადგურის შენობები გამოჩნდა, მერე ვიღვავა პატარა სახლმა, რომელშიც ჰოფეჰერმეისტერის მეუღლე მათა სიყვარულის ბუდის აშენებას აპირებდა. ეს სახლი გზის მიღმა ბორცვის ძირში იდგა, აგარაკის სტილში იყო აგებული და კარგი ბაღი ერტყა გარს. ახლაც კი, შუა ზამთარში, შიშველი ხეები ძალიან მყუდრო და მიწზიდველ შესახედობას აძლევდა. პერი გამხიარულდა. ნუთუ შესაძლოა, რომ ეს სახლი მისთვის მშობლიური გახდეს, რომ ეს მყუდრო საფანე მისი ბედნიერების მოწმე შეიქნეს? ნუთუ შესაძლოა, რომ: იხ, კისაც ყველა კეთილი სული განერიდა, ამ უფარდო ფანჯრებთან იჯდეს, გვერდით ინგერი ჰყავდეს, ხოლო სიკეთის ძალები, ვისდავამც პერი ასე არაგონივრულად სცოდავდა ხოლმე, მის სიმშვიდეს იცავდნენ? ნუთუ შესაძლოა, რომ ერთხელაც აქამად უდაბუფ და მიტოვებულ ბაღში მისი ბავშვების სიცილი ან ტირილი გაისმას? ბორცვზე კი, სახლს უკან — დიახ, სწორედ ბორცვზე — პერი ააშენებს საცდელ წისქვილს და ერთ მშვენიერ დღეს იქნებ ქვეყანას დიდი გამარჯვებაც აუწყოს.

გულაჩვილებულმა პერმა გაუღიმა თავის აზრებს და გაიფიქრა, ღმერთი არა მარტო მრისხანე მოსამართლეა; მკაცრად, დაუნდობლად

დაც კი რომ სჯის განდგომილებს, არამედ მოწყალე მამაც. მეფურად რომ აჯილდოვებს ალალმართლებსო.

მატარებელი სადგურიდან გავიდა, პერმა თავის კუბეში ვილაც კადარა მოხუცი შენიშნა. მან მაშინვე იცნო პასტორი, საშობაო ვიზიტით რომ მოვიდა ბლომბერგებთან სწორედ მისი ნიშნობის წინ. პასტორი მხნე და ენაწყლიანი ბატონი გახლდათ, მანაც იცნო პერი და მშვენივრად იმასლაათეს.

— თქვენ სოპ, მგონი განავენებული იოჰან ჰიდენიუსის ვაჟი ხართ, ასე არ არის? მამათქვენს მე კარგად არ ვიცნობდი, მაინცდამაინც არ სწყალობდა თავის კოლეგებს და განმარტოება ყველაფერს ერჩია, სამაგიეროდ, დედათქვენს ახალგაზრდობაში ძალიან კარგად ვიცნობდი. მე და ის ერთ ქალაქში დაიბადეთ და გავიზარდეთ, ორივენი ვაილედან ვართ და თითქმის ერთი ხნისანი ვიყავით. თქვენ, სხვათა შორის, ძალიან წაგავებხართ. ჯერ კიდევ ძვირფას ბლომბერგებთან რომ გნახეთ, მაშინაც სულ იმას ვფიქრობდი, ნეტა ვის მაგონებს—მეთქი. მაგრამ დედათქვენი ქალიშვილობის გვარი აღარ მახსოვდა. მერე კი მივხვდი, რომ ტორსენებს გავხარო სახით. როცა გიყურებთ, ბაბუათქვენი მიდგას თვალწიხ თქვენ, ალბათ, მას არც იცნობდით. შესანიშნავი ადამიანი იყო, მთელი სიცოცხლე გაჰყვა მხიარული და ხალისიანი ხასიათი. მუდამ დიდი ინტერესით აღევნებდა თვალს, თუ რა ხდებოდა ქვეყნად. მისი სტუმართმოყვარე სახლი ჩვენი პატარა ქალაქისთვის ნამდვილი მადლი იყო, ხოლო დედათქვენი კი ადგილობრივი ახალგაზრდობის მემიტი გართობათა სული და გული გახლდათ. ახ, რა ბედნიერი დრო იყო, რა ბედნიერი დრო, მახსოვს, ერთხელ საშობაო არაღვეგებზე ერთმა მიწათმფლობელმა, ჩვენი ქალაქიდან კარგა მოშორებით რომ ცხოვრობდა, მასკარადი გამოართა. მთელი ახალგაზრდობა მიიწვიეს. აუწერელი სიხარული იყო. და სწორედ ისე მოხდა, რომ საღამოს საშინელი ქარიშხალი ამოვარდა. ისეთი ქარბუქი იდგა, სახლიდან ცხვირს გამოყოფას ვერავინ ბედავდა. ყველას საშინლად ეწყინა. ვსხედვართ და ვწუხვართ. უეცრად ქუჩიდან ზარების წკარუნნი, კავეპის ჰრიალი და მათრახის ტლაშუნა მოგვესმა!

მივევარდით ფანჯრებს — და იცით ვინ დავინახეთ? აჰა, ვინ იქნებოდა თუ არა ქრისტიანა ტორსენი? ძალზე მშვეილად მიემგზავრებოდა მეჭლისზე და ყურიც არ ათხოვა რჩევას, ამ ამინდში შინ დარჩენა სჯობსო. ბოლოს განაცხადა, თუ არავინ წამიყვანს, პირდაპირ ფეხით წავალ ჩემი

ატლასის ტუფლებით, მაშინ ყველა გაგულდადდა ეს საჩივრო საქმე დიდი წარმატებით დაბოლოვდა.

მაშინვე დატყვევდა. შეაწუჭტინა პენკა. მაგრამ თქვენ აღბეჭდეთ ცდებით. აქვე შეიძლება ეს საქმე შეგონდეს და დასრულდეს. მაშინვე დატყვევდა, თქვენ განსვენებული იოპან სიღენიუხსს შევილი ბარა

ბარა? შევილი ვარ. დედამთქვენს ქრისტიანობა და საბაბლოეტიმის, ვიღუღებ ბარა ტორსენის ქალიშვილი იყავით. აქვე შეიძლება და დასრულდეს. დიან.

მაშინვე მკურთხევა და დასრულდა. დიან. მაშინვე მკურთხევა და დასრულდა. დიან. მაშინვე მკურთხევა და დასრულდა. დიან.

მაშინვე მკურთხევა და დასრულდა. დიან. მაშინვე მკურთხევა და დასრულდა. დიან. მაშინვე მკურთხევა და დასრულდა. დიან.

მაშინვე მკურთხევა და დასრულდა. დიან. მაშინვე მკურთხევა და დასრულდა. დიან. მაშინვე მკურთხევა და დასრულდა. დიან.

მაშინვე მკურთხევა და დასრულდა. დიან. მაშინვე მკურთხევა და დასრულდა. დიან. მაშინვე მკურთხევა და დასრულდა. დიან.

მაშინვე მკურთხევა და დასრულდა. დიან. მაშინვე მკურთხევა და დასრულდა. დიან. მაშინვე მკურთხევა და დასრულდა. დიან.

სიღვწის პატარა ქალაქ ხირშბერგში, ბრესლავლის მაზლობლად, სადაც იაკობა სიჩუმესა და განმარტობაში ატარებდა ორსულობის ბოლო თვეებს, ცხრა იანვარს ღამით, ვიდრე ათი იანვარი გათენლებოდა, მძიმე განსაცდელი დაუდგა. ეს ამბავი დილაადრიან ტელეგრამით აცნობეს მის ბრესლაველ მეგობარ ქალს — ერთადერთ ადამიანს, ვისაც იაკობამ თავისი საიდუმლო გაანდო. დღისით ასევე ტელეგრამით გამოიძახეს ექიმი.

გაიარა იმ მტანჯველმა ღლე-ღამემ, რასაც შემდეგში იაკობა ძრწოლით იხსენებდა, განა ისე კი აკლდა განცდები? ბავშვი ცოცხალი დაიბადა, მაგრამ მაშინვე მოკვდა. იაკობასათვის არც უჩვენებიათ: დედის საცოცხლის გადასარჩენად იძულებული იყვნენ ბავშვი დაესახიჩრებინათ.

მთელი თვე იწვა იაკობა ლოგინში. როცა წამოდგა, დაიწყო სახლის წინ პატარა ბაღში გამოსვლა, სადაც პლედმოხვეულს შეეძლო დამტკბარიყო თოვლიან მწვერვალთა მთაგრეხილის ცქერით, გარს რომ შემორტყმოდა მინდვრის ქორფა ბალახს. უკვე შუა გაზაფხული იდგა. მაგრამ ეს სილამაზე იაკობას გულს არ უხარებდა. ისე გლოვობდა ბავშვის სიკვდილს, ისე განადგურებულად გრძნობდა თავს, ისეთ უსარგებლო და ზედმეტ ადამიანად ამქვეყნად და თანაც ისე უმწეოდ, რომ მის თვალზე ცრემლი არ შრებოდა. ბოლო თვეებში მშობიარობის წინ ბავშვზე ფიქრით აივსო მისი გონება, თვით მის განუყოფელ ნაწილად იქცა და ახლა ისეთი შეგრძნება ჰქონდა, თითქოს თავად დაღუპულიყო. არც კი უფიქრია იმაზე, რომ ბავშვის სიკვდილმა მას ააშორა მძიმე ჯვარცმა, სახელის გატეხა, დამციარება, მშობლების დარდი, ნაცნობებისაგან შებრალება — ყველაფერი, რასაც წინათ შეეძლო დაეტანჯა. არად იყო ჩასაგდები იმ სიხარულის ხათრით, იაკობა რომ თავისი ბავშვისაგან ელოდა, იმ იმედების გულისთვის, ამ ბავშვზე რომ ამყარებდა, — ახალი ცხოვრების დაწყების იმედებისთვის.

ღედა და მამა დარწმუნებულნი იყვნენ, იაკობა კვლავ ბრესლავლში ცხოვრობსო და რეგულარულად სწერდნენ ყოველ შინაურ ამბავს. მათგან გაიგო იაკობამ, რომ ეიბერტმა ჩვიდმეტი წლის გოგონა შეირთო, რომ მისი სიძე დიურინგი რიკსდაგში გავიდა, რომ ნანი სამეფო კარის

მეკლასზე ერთ-ერთ პრინციპთან წარუღანეს. მაგრამ ყოველივე ეს სულაც არ აინტერესებდა. იჭდა თავის პატარა ბაღში, თავიქვეშ ბალიშ-ძოვლო, ფეხქვეშ პატარა სკამი შეედგა და თვალს აყოლებდა ბავშვებს. მან მახლობლად ბოლიჯზე რომ დარბოდნენ.

უმთავრესად ეს ბავშვები ღარიბი ოჯახის შვილები იყვნენ, ფერ-მკრთალნი, გამხდარნი, საცოდავნი, ბუზებივით რომ ირევიან საფაბრიკო დაბებში, სოფლური ტიპის ყველაზე პატარა დაბებშიც კი, სადაც გაზაფხულობით გზის გაყოლებით კვლავ მწვანე ბალახი ამოწვერილა. დღეში ორჯერ ჩაივლიდნენ ხოლმე ისინი ხმაურითა და ღრიანცელით იაკობას სახლას წინ — სკოლაში წასვლისას და უკან დაბრუნებისას. იაკობას განსაკუთრებით მოეწონა ერთი ათი წლის ავადმყოფური, ფერმკრთალსახიანი ბიჭუნა, ლოყებზე და ცხვირქვეშ მუწუკები რომ ჰქონდა გამოყრილი. ის ყოველთვის ბოლოს მიჩანჩალებდა, ილიიის ქვეშ ასპაღის დაფა ჰქონდა ამოღებული და მოხუცებულავით მიაფრატუნებდა ხის ფეხნაცმელებს. როცა იაკობა საკმაოდ მომაგრდა და შეეძლო ბაღიდან მარტო გამოსვლა, ერთხელ შეაჩერა ეს ბიჭი და ალერსიანად გამოელაპარაკა. შეცბუნებულმა ბიჭუნამ შიშით შეხედა სევდიან-ნაღურჯი თვალებით, არაფერი უპასუხა და გზა განაგრძო. ორმოცდაათიოდე ნაბიჯის შემდეგ შიშით უკან მოიხედა და, როცა დაინახა, იაკობა. „წინდელ ადგილზე იდგა და მას გასცქეროდა, თავი მზრებში ჩაიძვრინა, თითქოს ეშინოდა, უკნიდან არაეინ დასხმოდა თავს. „საცოდავი ბუთხუზა“ — ხმამალა გაიფიქრა იაკობამ და გზა განაგრძო; დაშინებულმა ბიჭმა, პატარაობიდანვე ასე რომ უფრთხოდა უცხო ადამიანებს. იაკობას დედობრივი სინაზე გაუღვიძა.

რამდენიმე დღის შემდეგ იაკობა უკან გაპყვა ამ ბიჭს, უნდოდა ენახა სად ცხოვრობდა. მან შორიდან მოჰკრა თვალი, რომ ბიჭი გრძელ დაბალ ბარაკში შიშმალა, უამრავი კარი რომ ჰქონდა — ყოველი ორისამი ფანჯრის შემდგე მისი კარი პირდაპირ ქუჩაზე გამოდიოდა. მან მეზობლებს გამოჰკითხა და გაიგო, ვინ იყვნენ ამ ბიჭის მშობლები და რა პირობებში ცხოვრობდა მისი ოჯახი. იაკობას თვალწინ გადაეშალა „ფაბრიკელთა“ უცვლელი ტრაგედია. დედ-მამა მუშაობს, ბავშვები კ ბედის ანაბარა არიან. შინ მათ შიმშილი ელოდება, სკოლაში — ცემ. ქუჩაში — პოლიციის ფხიზელი თვალი. ასეთ პირობებში ბავშვები ან ვულქვანი ხდებოდნენ ან — გონებაჩლუნგნი; ან ბოროტმოქმედებად იქცეოდნენ, ან — არარაობად.

ნა, მაინც) არსებობის ბირობები. ამ ცარიელი ოთახიდან; მშობლიური
სახლი რომ ეწოდება, სადაც იშვიათად არიან დედა და მამა, საბრალო
ბავშვებს სკოლისავე ერეკებიან, მათი უზრავლესობისთვის გამოძახაწო-
რებელს დაწესებულებას რომ წარმოადგენს და უმთავრესად პრაქტიკით
განსხვავდება მისგან. ისინი ნდობით უნდა უფურცდნენ საზოგადოებას,
როგორც თავიანთ ძალზე საიმედო საყრდენს და დამცველს, მაგრამ სა-
ზოგადოება მათ წინაშე ჩვეულებრივ უბადრუცი სახით დგას, უტულო
მასწავლებლის, მეცადინე პოლისმენის, ლარიებისაღმდეგ მზრუნველობის
კომიტეტის მოკაბუზრებელ მოღვაწეთა და მღვდელმსახურთა ხინით,
ვინც უმადრტაეს მათ, რა არის სიკვდილი; ხაშრელი; სამსჯავრო და გო-
ჯონების წამება, საიდან უნდა. პქტნდეთ მათ საზოგადოებრივ გარდ-
ბებზე წომელოთაგანაც დროთა განმავლობაში შევიძლება დამური: დანი-
მოქალაქეობის გარდობები. განვიხილოთ უფრო გათიშულ ოჯახის გან-
მტყიცებაზე ხომ ლაპარაკი შედგება; მშობლიური სახლი, ოდესღაც
რომ საზოგადოების საფუძველს შეადგენდა, თხლავრება, ეს არის გან-
ვიფარების განგლილი ტაპა შავრამირა უნდა შევთავაზოთ. მათ სამ-
გადერად? ეს საყობი ამ ბოლო დროს ისე მაინტერესებს, ძილშიაც კი
მანსკოს უფროსებზე საზოგადოებამ უყვე-ბრუნა. მისცა მათ უკლე-
სიებზე, ვადრეტი, საყრდენულ-დაბაზები და ლუღხანები; თეატრებზე და
სამლოცველო სახლებზე. მაგრამ ბავშვებში რა ქნან? მითხარი, გეთყვა.
საიდან ეძებონ დახმარება ამ საბრალოებში. მე მხოლოდ ერთადერთ
გამოსავალს ვხედავ: სკოლამ მათ თანდათანობით უნდა შეუცვალოს
მშობლიური სახლი. მაგრამ თავისთავად ცხადია, ამისთვის საჭიროა
სკოლის ხანგრძლივი და შეუპოვარი გარდაქმნა, ის უნდა დაუბრუნდეს
პირვანდელ მდგომარეობას, გახდეს ის რაც ოდესღაც ყურ მონასტრე-
ბი — თავშესაფარი ყოველთვის და ყველასათვის — კარლია, საიმედო
ბინა. გარდა ამისა, სკოლაში უნდა იყოს რაღაც თვისობრივად ახალი
რამ თვით მისი შესაქმნელია, რაღაცების მოძულეობა, სწავლების მე-
თოდები უნდა უქმნიდნენ ბავშვებს ოჯახური სიმყუდროვის და საზღე-
მთ განწყობას. სწორედ ამ უნდა ვუჩიარავდეთ ბავშვებს ცხოვრების
სასიხარულო და ნათელი აღქმის საფუძველს, რაც მათ მომავალში და-
ეხმარება, არსებობისთვის ბრძოლაში უფრო გამძლეს გახდის, ვიდრე
წინანდელი (ზოგჯერ კი თანამედროვეც), მონასტრებში მიერ აღზრილი
სახლგაზრდობა იყრ; ის აწარმოებდობა; ვინც პირველ გულგატყნი-
ლობისთანავე კარავდა სიხოცლის რქმენასაც, ბედნიერების იმედსაც

და როგორც პატარა ბავშვი, ძველი, კეთილი ძიძის --- ეკლესიის კალთის ქვეშ აფარებდა თავს.

მაგრამ მე შენს სახეზე დაუფარავ გოცებას ვხედავ. „როსთვის მიუვება ნეტავ ყოველივე ამას?“ — იკითხავ შენ. რას იზამ, ეს მართებულ კითხვაა და მეც მთელ სიმართლეს გადაგიშლი. აქ, მარტოობაში, თითქოს ჩემს წინაშე ახალი სამყარო გადაიშალა და თავდაც ჭერ კიდევ გაბრუნებული ვარ ამ აღმოჩენით. იცოდე, სერიოზულად ვაპირებ ზემოთ გადმოცემულ აზრებას ცხოვრებაში განხორციელებას. მე დამებადა შმაგი იდეა, კობენჰაგენში ღარიბების შვილებთათვის ისეთი ნიმუშის სკოლა გავხსნა, როგორიც შენ დაგიხატე. ამას შევალევ მთელ ჩემს სამემკვიდრეო წილს. მაგრამ, აბა, ამაზე უკეთესად რაში გამოვიყენებ მას, განსაკუთრებით, თუ გავითვალისწინებ, რომ არავინ მყავს. ვისაც დაეუბრებდი ჩემს წილს. ცხადია, ასეთ საქმეს ორ დღეში ვერ გააკეთებ. კარგად უნდა გადავხედო ყველა ცდას, რაც კი ამ მხრივ მომხდარა და, საერთოდ ძირფესვიანად შევისწავლო სასკოლო საკითხი. მახსოვს, საღდაც ყური მომიკრავს თუ წამიკითხავს, რომ ამერიკაში უკვე იყო ამ სახის მოძრაობა, ამიტომაც ნუ გაგიკვირდება, თუ ერთ მშვენიერ დღეს მიიღებ ცნობას, რომ მე ვაპირებ ატლანტიკს ოკეანის გადასერვას. მანამ კი ვრჩები ჩემს მეურვეობაში მყოფებთან. თანაც აქაურ სასაფლაოზე ერთი პატარა საფლავის მიტოვება არ შემიძლია, ისე რომ, მგონი მალე ვერ მიხილავ“.

* * *

ამავე გაზაფხულზე პერმა ბრწყინვალედ ჩააბარა გამოცდები, მაგრამ მისი სიზარტული ზანგრძლივი არ გამოდგამ: იძულებული იყო თითქმის საგამოცდო მაგიდიდანვე ყაზარმაში წასულიყო და ჯარისკაცის მუნდირი ჩაეცვა. ახლაც — უკვე მერამდენედ — სამაგიერო უნდა მიეზლო ძველი ცოდებისათვის. აგერ ზედიზედ რამდენიმე წელი იყო, ყველა ღონისძიებით ცდილობდა, როგორმე გადაეგადებინა სამხედრო სამსახური, სულდგმულობდა იმ იმედით, იქნებ ფილიპ სალაჰონის დახმარებით შესძლებოდა მთლად აერიდებინა თავი გაწვევისთვის. და აი. ახლა წაიყვანეს არმიაში და აიძულეს მთელი ზაფხული მოედანზე ფეხები ებაკუნებინა, სანგრები ეთხარა და ფიჩხკონები ეწნა-რამდენიმე

ასეულ ახალგაზრდასთან ერთად, პერი რომ ცინგლიან ბიჭებად თვლი-
და. იმდენად ფიზიკური დაღლილობა არ აწუხებდა, თუმცა სულ არ იყო
მიჩვეული გადაღლას, რამდენადაც ის რაღაცნაირი სულიერი ძილი,
გამოტვივება, საითაც უქვევლად მიიყვანს კაცს ყაზარმაში ცხოვრება-
მან თან მოიტანა რამდენიმე წიგნი, იმედოვნებდა, მოცილობისას წა-
ვიკითხავო, მაგრამ სამწყობრო სიარულის შემდეგ მხოლოდ ყველაზე
აუცილებელ მოთხოვნილებათა დაკმაყოფილებისათვის ჰყოფნიდა დრო.
დასვენებისა და გამოძინების მეტი არა სურდა რა. გარდა ამისა, ისე
მიეჩვია ბრძანებაზე ყველაფრის გაკეთებას, რომ ძალზე უცნაურად ერ-
ვენებოდა თავისი ნებით გაეკეთებინა რაიმე.

მაგრამ სულიერ ძილად მივიარდნა მხოლოდ შემოდგომამდე გრძელ-
დებოდა. მერე პერს კვლავ წარმატება არგუნა ბედმა: პირველი ვადის
სამსახურს რომ მორჩა, პერმა კენჭის ყრის დროს ისეთი იშვიათი ნო-
მერი ამოიღო, მთლად განთავისუფლდა არა მარტო ზამთრის გაწვევი-
საგან, არამედ საერთოდ არმიაში სამსახურისგან. სექტემბრის ბოლოს
სულიერად და ხორციელად დასვენებული პერი იუტლანდიაში გაემ-
გზავრა და იქ საზეიმოდ გამოცხადდა მისი ნიშნობა. ჰოფეპერმეისტერი
მისი იქ არყოფნის დროს გარდაცვლილიყო, მაგრამ ამან არამც თუ არ
შეაჩერა მოლაპარაკების მსვლელობა, პირიქით, კიდევაც დააჩქარა და
მზალემა ისე შორს წავიდა, რომ პერს, თავისდა სასიხარულოდ, შეეძლო
დაუყოვნებლივ ხელი მოეკიდა სამუშაოსთვის.

უპირველეს ყოვლისა, პერი დასახლდა სადგურის დაბის განაპირა
პატარა ვილაში, სწორედ იმაში, ჰოფეპერმეისტერის მეუღლემ რომ შე-
არჩია მისთვის ჭერ კიდევ შობამდე და რომელიც აქამდე არავის დაეკა-
ვებინა. სახლში ხუთი ოთახი იყო სამზარეულოს გარდა და ორი ოთა-
ხიც მეზონინზე. ჭერჭერობით პერმა მხოლოდ ორი ოთახი მოაწყო ქვე-
მოთ და ისიც ფრიად ღარიბულად. პერს რომ სიმყუდროვის შექმნის
უნარი სულ არ გააჩნდა, ეს თვალში მოგზვდებოდათ ყველგან, სადაც
არ უნდა ეცხოვრა მას, დანიაში იქნებოდა თუ საზღვარგარეთ, და აქაც
გამოჩნდა მისი ეს თვისება. აუქციონზე, სადაც გაკოტრებული მელუქ-
ნის ქონება იყიდებოდა, მან შეიძინა ორი შეღებილი მაგიდა, მუშა-
ბაგადაკრული ღივანი, რამდენიმე სკამი და სხვა ასეთივე ქონება. თუ
პერი ხალისით კმაყოფილდებოდა ამ ხარახურით, ეს მხოლოდ წმინდა
ფინანსიური მოსაზრებით კი არ ხდებოდა, როგორც მას ეგონა, არა

მარტო იმის გამო, რომ სურდა რაც შეიძლება მაღლა გადაეხადა შინაურებისა და ფილიპ კალამონის ვალი, არამედ იმიტომაც, რომ მას, როგორც ქვემარტ სიღვინუსს, - შუა საუკუნეებში მორჩილნი ტყვეებში გაიხდა და იღვწოდნენ იზიდავდა ცხოვრების ხეკეტური. ნირი და შიგნით ხეჩეულები. სიღვინმა უშოვა მოხუცი მნექალი, ოდესღაც მათთან რომ ცხოვრობდა ბესტრუში და აქტივობა მორგორც კი შემოდგომამ ზაფხულის მეგვიდრობის უკანისკნელი ნარჩენები ჭარხააქანა, ბოლოსდაბლოს დადგა დღე, როცა პერა პირველად მიუჯდა საკუთარ საწვრმაგიდს.

თვით პატარა ქალაქი — მას, რომელთა ტრეკაა წყლის ორდ წვეთით ჰგავდა: ყველა ახალ დაბას, რომლებიც თვალის დაბახამებამდე და ამიტომაც ყოველგვარი გეგმის გარეშე, მკიდროდდასახლებულად გოლებში რკინიგზის სადგურების გარშემო შენდებიან, როგორც წესია, აქიყო სამიკიტნი, რეალური სასწავლებელი, აფთიაქი, რამდენიმე დუქანი, რამდენიმე სახელოსნო, სამაგიეროდ არც ეკლესია ჰქონდათ, არც პასტორი ჰყავდათ. სადგურის უკან მდინარეზე აგებული იყო საკმაოდ სიამელო ხიდი და ვაგონების მოუფუნე კაქუნა ხიდზე. აქედან თვით კერსნოლმამდე ისმოდა, ერთ დროს პერამაც მოისმინა ექსკაქუნა ოცე კილომეტრის დაშორებით ხალხი საათს მატარებლების მიხედვით ასწორებდა.

ხიდის ორივე მხარეს მდებარეობდა მისა შემოქმედების არცა მდინარის გასწვრივ — ერთი ნაპირიდან ათ კილომეტრზე, ხოლო მეორედან ხუთზე — რომალტის ბესტრუშის და ბორუშის მრეველებში, სალაქავი მინდვრების ჩათვლით. ყოველ დღით გადიოდა პერა თავისი საკუთარი მსუბუქი ორთვალათი, რათა ადგილის გეგმა, აქლო, ჩამოდიგების ტრასა დაენიშნა, დაედგინა გეზი და ა. შ. ამ მუშაობის დროს ის კეთილდთან გაეცნო ადგილობრივ მცხოვრებლებს და მინცდამაინც არ მოსწონებია. ცალ-ცალკე ისინი სულ სხვანაირები იყვნენ და იმდენად კარგ მთაბეჭდილებას არ ახდენდნენ, როგორსაც მაშინ ზაფხულში, ტყეში, სახალხო ზეიმზე. გარდა ამისა, რაჟარ ჰქონდა შესაძლებლობა შეეცაქებინა თვითეული შათგანი, პერს ყველანაჟ ერთნაირები ეჩვენებოდა ყველგან მხოლოდ საერთო წოდებრივ თვისებებს ამჩნევდა: ანგარების მოწყვარებას, წვრილმანობას, სხვის საქმეში ცხვირის ჩაყოფნა მოუტრდნებელ ზეეჭლებას, — ერთი სიტყვით, იმ ნაკლებ სასაამოვნო ტყისებნებს, მუდმივი გაქირების ზეგავლენით რომ იტურჩქნებთან ხოლმე ჩა

საგარეო პოლიტიკის საკითხებზე, როგორც აქ, იუტლანდის პროვინციულ სამიკიტონში. სასწავლებლის დირექტორი ითვლებოდა, ანუ ვთქვათ, კლუბის სულიერ ბელადად. ეს იყო ორმოცდაათი წლის კაც. საკმაოდ ჰკვიანი, ფრიად ფართო, თუმცა ფრაგმენტული განათლება გააჩნდა მეცნიერების სხვადასხვა დარგში და გონივრულად იყენებდა ამ ცოდნას ნებასმიერ საუბარში. ოდესღაც სტუდენტი ყოფილყო. უნივერსიტეტიდან ფილოსოფიის კანდიდატად გამოსულიყო, პოლიტიკურ არენაზე გასვლის წარუმატებელი ცდის შემდეგ პროვინციაში დასახლებულიყო და ორმოც მოსწავლიან ვაჟთა სასწავლებლის ხელმძღვანელობა ეტვირთა. სიამეს ეს კაცი მხოლოდ იმაში ხედავდა, რომ კალავდა და სახელს უტეხდა ყოველივეს, რაც ქვეყნად რიმალტს იქით ხლებოდა; სამხედრო პერიპეტივებზე, ჩრდილო პოლუსის ექსპედიციებზე, მნიშვნელოვან მეცნიერულ აღმოჩენებზე, ხელოვნების გამოჩენილ მოვლენებზე, პროფკავშირების ზრდაზე, მუშათა მოძრაობის გაქანებაზე — ყოველივე ამაზე შემწყნარებლური ათვალწუნებით ბჭობდა. ტექნიკური პროგრესის სასწაულებსაც კი, გლეხებში რომ ბავშვურ აღტაცებას იწვევდნენ, ბატონ დირექტორს მაინცდამაინც არათფერი სწამდა.

— შერე რა დიდი ამბავი ეგ არის, — თქვა მან ერთ საღამოს, მას შემდეგ, რაც გაზეთში წაიკითხა, ტელეფონი გამოიგონესო, ხოლო პერმა მოკლედ აუხსნა შეკრებილთ ტელეფონის მოწყობილობა და მისი გამოყენების ხერხი, — დიდი ამბავი, გასაკვირი მხოლოდ ის გახლავთ, რომ ტელეფონი მრავალი წლის წინ არ გამოიგონეს. მხოლოდ სასაცილოა, რომ არ შემძლია აქ მჯდომმა საუბარი გაეუბა ჩემს მეგობარს ჩინეთში, თანაც არა მარტო ველაპარაკო, არამედ დაეინახო კიდეც, შეეცხო, მოვეხვიო. და ასეა ყველაფერში. ევროპიდან რომ ამერიკაში ჩახვიდე შვიდი დღე-ღამეა საჭირო. თავის მოჭრაა, მხოლოდ თავის მოჭრა! ასეთ სასაცილო მანძილს სულ ბევრი შვიდი საათი უნდა სჭირდებოდეს. სხვანაირად რომ ვთქვათ, ამდენი დრო უნდა მოვანდომოთ იმას, კოპენჰაგენში საუზნობა რომ შევძლოთ და ნიუ-იორკში სადილობა. როცა კაცობრიობა ამას შესძლებს, მხოლოდ მაშინ და მანამდე არც ერთი სეკუნდით არაადრე, მზად ვარ მოვიხადო ქუდი მეცნიერების მიღწევების წინაშე.

შეაფთხაქესაც უყვარდა საკუთარი ხმის ჟღერით დატკობა, თუმცა ზოგჯერ სიტყვა გაუწყდებოდა ხოლმე და აღარ იცოდა როგორ დაებო-

ლოვებინა ლაპარაკი. სადგურის უფროსი, გადამდგარი ოფიცერი, უფრო მეტად თავის კიჩას ესაუბრებოდა, ხოლო ორი ნეგოციანტი მოწიწებით უსმენდა განათლებულ ბატონთა სიტყვებს.

პერს ეს ყრილობები მაინცდამაინც არ იზიდავდა და ამიტომ მხოლოდ ზოგჯერ თუ შეიხედავდა ხოლმე სამიკიტნოში. ყოველ საღამოს ბესტრუპში ყოფნაც არ შეეძლო — ბესტრუპი ძალიან შორს იყო რიმალტთან, ცხენს კი დასვენება სჭირდებოდა; მაგრამ თუ მას სურდა ცუდ ამინდში და ტალახში გაევიღო ფეხით რვა კილომეტრი იქით და რვა უკან დამქანცველი სამუშაო დღის შემდეგ, ამას, ცხადია არავინ აუკრძალავდა. შინ მარტოხელა იყო და მოწყენილი. თუმცა შეეძლო წიგნები ეკითხა; სწორედ წიგნები შეადგენდა მის ერთადერთ გართობას დღეებზე გაცილებით გრძელი ზამთრის საღამოებში. გამოგონებაზე მუშაობის გაგრძელებაც არ შეეძლო პერს: აზრებისათვის თავი ვერ მოეყარა, უამისოდ კი აბა რა გამოვიღოდა. მისი აზრები საგნიდან საგანზე გადახტოდნენ და წამდაუწუმ ბესტრუპში გადაჰყავდათ. მხოლოდ მაშინ, როცა ნამდვილი სახლი ექნება, ხოლო ინგერი ლილინით იელის ოთახებში, მხოლოდ მაშინ შესძლებს ნამდვილ, რეგულარულ მუშაობას შინ.

პერმა ჭერ კიდევ შობის შემდეგ ისროლა ანკესი ქორწილის თაობაზე. სიმამრს და სიდედრს ამის გაგონებაც არ უნდოდათ. ინგერი ჭერ ძალიან ახალგაზრდაა და პერის მომავალიც არასაკმაოდ უზრუნველყოფილი. თვით ინგერიც წინააღმდეგი იყო ასეთი აჩქარებისა, მაგრამ მთელი რიგი ხანგრძლივი, ზოგჯერ ფრიად დამამცირებელი მოლაპარაკებების შემდეგ პერმა მაინც თავისი გაიტანა. გადაწყვიტეს ქორწილი მაისში გადაეხადათ.

გარდა იმისა, რომ მარტოხელა გახლდათ და ნამდვილი საოჯახო კერაც ენატრებოდა, იყო კიდევ მესამე მიზეზიც, რაც პერს აიძულებდა ასე დაეჩქარებინა ქორწილი, თუმცა ამ მიზეზს პერი არ ახსენებდა. საქმე ის გახლდათ, რომ ვერაფრით ვერ ურიგდებოდა თავის სიმამრს. განუხრელმა სულიერმა განვითარებამ პერი ისე შორს წაიყვანა სამყაროს ბლომბერგისეული აღქმიდან, რომ პასტორი უკვე ზიზღს ჰგვრდა. წარმოდგენა ღმერთზე, როგორც წესიერ ბურჟუაზე, ვინც ყველას თანხმობით მართავს სამყაროს უმრავლესობის მიერ აღიარებულ პრინციპების საფუძველზე; ახლა პერში მხოლოდ სიცილს იწვევდა. განწყობი-

ლებათა მშფოთვარე ცვლაში, ბოლო წლებში პერის გონებას რომ აძრწუნებდა, პერი უფრო ძლიერ ნებას და უფრო გრანდიოზულ მიზანს შეიცნობდა ხოლმე. აქ, მრევლში ახალ ადამიანებთან ურთიერთობასაც, ამის გამო ცხოვრების უფრო ღრმა გაგებასაც სულ უფრო და უფრო შორს მიჰყავდა კეთილ ღმერთში ბლომბერგისეულ რწმენისაგან. ღარიბთა ქოხების საშინელი გაჭირვება, უეცრობითა და ავადმყოფობებით გამოწვეული საზარელი გაპარტახება, მთელი მლადადებელი — თუ ადამიანურად ვიმსჯელებდით — უსამართლობა ამქვეყნიურ სიკეთეთა განაწილებისას აიძულებდნენ რელიგიაში ახალი გზები ეძებნა, ცდილიყო უფრო ღრმად ჩაწვდომოდა ყოფიერების მიუწვდომელ, იღუმალ ლოგოკას და რაკი ეს აზრთა მერყეობა სიმამრის შორსმჭვრეტელ თვალს არ ეპარებოდა, ხშირად ჰქონდათ ხოლმე უთანხმოებანი. შემწყნარებლობის მიუხედავად, როცა საქმე ეხებოდა მრევლის დამოკიდებულებას ღმერთისა და არსებული სამყაროს წესრიგისადმი, პასტორ ბლომბერგს ფრიად ახლოს მიჰქონდა გულთან ის ამბავი, თუ რას ფიქრობდნენ და ამბობდნენ ადამიანები თვით მასზე; რადგან დაჩვეული იყო თავისი მიმდევრებისაგან მხოლოდ საკუთარი აზრების გამოძახილის მოსმენას, ყოველგვარი წინააღმდეგობის ცდას ისე ლებულობდა, როგორც მუხანათურ ურჩობას. ეს ადამიანი, ვინც არასოდეს არ უწევდა ანგარიშს სხვის შეხედულებებს და თავს ნებასაც კი აძლევდა დაეცინა სხვისი რელიგიური რწმენისათვის, როგორც კი მას ვინმე პირადად შეეხებოდა, ეკლესიის მთელ ავტორიტეტს მოუწოდებდა დახმარებისთვის, ხოლო სიდენიუსს სხვაზე. ნაკლები არ ხვდებოდა მისგან. პერს უფრო და უფრო ხშირად ახსენებოდა იაკობას სიტყვები, წერილში რომ მოაწერა თუ საუბარში წამოსცდა იმის თაობაზე, რომ თავის მოტყუებით აღსაქვე გულმოდგინეობის შემწეობით ღვთის მოშიშობის დროშით დაფარული ეკლესია უხსოვარი დროიდან მიისწრაფოდა, დაეცხრო ძალაუფლების უზომო წყურვილი.

ასეთი წყაროებიდან და ასეთი ადამიანებისაგან არ ეძებდა პერი ზამთრის მარტოობის დროს თავისი გონების საზრდოს, აქ არ სწავლობდა ის ცხოვრების საიდუმლო ენის ღრმა გაგებას.

წლების განმავლობაში პერი მგზნებარე წიგნისმოყვარული გახდა. რომელიმე დიდტანიანი წიგნის დანახვა სასიამოვნოდ ელაშუენებოდა მის თვალს. როგორც კი გლეხის სახლის ზღურბლს გადააბიჯებდა, მა-

შინვე თვალებით წიგნის თაროს ეძებდა და თითქმის ყოველთვის პოულობდა. მან წესად შემოიღო მუდამ გადაეთვალაიერებინა ყველაფერი, რაც იქ იყო და ყოველთვის თითქმის ერთი და იგივეს პოულობდა: ბიბლიას, ინგემანის რამდენიმე ისტორიულ რომანს, ხოლბერგის პიესებზე რალა-რალაც მეცნიერულ-პოპულარულ ბროშურებს, გლეხ ავტორთა წიგნებს, სასკოლო კომედიებს, რელიგიურ ლექსებს, საერო ლირიკას და კიდევ ზნეობრივი მოძღვრების ლიტერატურას ეს უკანასკნელი უმთავრესად ბლომბერგის ქადაგებების სახით იყო წარმოდგენილი. ზოგჯერ შეხვდებოდით უძველეს დროთა საეკლესიო ლიტერატურის შემთხვევით შენახულ ნიმუშებს — პატარა ფორმის სქელ წიგნაკებს, მეტად უცნაური სათაურები რომ ჰქონდა. ერთს, მაგალითად, ეწოდებოდა „ღვთის მირონცხება“, მეორეს — „ოქროს ყუთი“, მესამეს — „ოთხი წიგნი ქრისტეს მიმდევრებზე“, ხოლო მეოთხეს სულაც: „იესოს სისხლიანი ჭრილობები და და წყლულები, როგორც ძალზე საიმედო თავშესაფარი გასაჰირში ჩავარდნილ ცოდვილთათვის“. წიგნთა მფლობელები, ცოტა არ იყოს, იბნეოდნენ, როცა მათთან გაუნათლებელ საუკუნეში შექმნილ ღვთისმეტყველურ ტრაქტატებს პოულობდნენ და, რაკი ამ წიგნებშიც მართლაც დიდი ხანია აღარავინ იყურებოდა, პერისთვის დიდ სიძნელეს არ წარმოადგენდა, ეთხოვა თავისი ბაბილონთეიკისთვის ზოგიერთი უფრო მეტად საინტერესო ეგზემპლარა. ასე, უფრო მეტად, თავშესაქცევად იქცეოდა, მაგრამ როცა ერთ საღამოს უსაქმურობის დროს ერთი წიგნი გადაფურცლა და გულმოდგინედ მოძებნა ის ადგილები, რომლებსაც უფრო მეტად ედო სიძველის დადი, აღმოაჩინა, რომ უძველეს ხალხურ პოეტთა გულუბრყვილო, ხან უბეში, ხან მალაღფარდოვანი ჰანგები, ესე იგი იმ თვისებებისანი, მას რომ მუდამ ზიზღს ჰკვირიდა, რალაც მიუწევდომელი სახით უფორააქებდა სულს.

რაც შორს მიდიოდა, მით მეტად ხვდებოდა ამგვარი ადგალები. საკუთარ თავში საბოლოოდ ჩაწვდომის, ის კი არა და თვით თავის სწრაფწარმავალ გრძნობებში გარკვევის დაუღალავი მისწრაფებით აღგზნებულმა პერმა გადაწყვიტა ძირფესვიანად შეენსწავლა იმ პერიოდის რელიგია, რომელსაც იმ წიგნების უმრავლესობა ეკუთვნოდა. მან სულ თავიდან, კრისტიან VI მართვიდან დაიწყო, შემდეგ განათლების დროს ჰერნგუტერების გავლით მიაღწია საუკუნის დასაწყისამდე, ერის-

კაცთა ღელაგულთ მოთხოვნიდეს, საიდახაც, თუმცა არა მაშინვე აღმოცენდა ჩვენი დღეების რელიგიური აღორძინება. ფიუნელ და იუტლანდიელ გლეხთა და სოფლის ხელოსანთა სახეებმა, წარსულ წელთა გონივრული ორთოდოქსალურობის წინააღმდეგ მათი შეუპოვარი, გააფთრებული ბრძოლის სურათმა დაატყვევა მისი გული. ესენი თითოთითოდ, მოციქულუბივით დაეხეტებოდნენ მხარედან მხარეში. ბრბო დასცინოდა მათ; წინასწარმეტყველების უნარისათვის ეკლესია ჯდევნიდა, მთავრობა ციხეებში ამწყვდედა. გარეშე სამყაროს მოწყვეტილი პაწაწინა ევანგელიკური თემები, — ეს განა თვით საღმრთო ისტორია არ არის, მშობლიურ ნიადაგზე გადატანილი?

წაკითხულის ცოცხალ მტკიცებას პერი თავის საკუთარი სიმამრას მრევლში შეხვდა. ბესტრუპის განაპირას, ფაქიზ, სუფთად შეთეთრებულ პატარა სახლში სახლობდა ხარაზი თავისი ოჯახით. კარჩაკეტილ ცხოვრებას ეწეოდნენ და დაბის სხვა მცხოვრებლებთან ურთიერთობას არ ეპებდნენ. თვით ხარაზი წელიწადში ერთხელ ან ორჯერ მიდიოდა ქალაქში თავისი ნაკეთობით დატვირთული ურმით და იქ ყიდდა ფეხსაცმლის დუქანში. დანარჩენ დროს საკუთარი სახლის სახურავს ქვეშ ატარებდა, რომლის კარზეც ეწერა: „სახლი ჩემია და მე თვით ღმერთის მსახური ვარ“.

ერთხელ, როცა პერი ზაფხულისთვის ფიჩხკონების გამოცდილ დამწწნელებს აგროვებდა და მთელ ოლქს უვლიდა, მოულოდნელად წააწყდა ზარაზის საწლს და მასთან შეიხედა. პირველ ოთახში აკვანთან ახალგაზრდა ქალი იჯდა, ორი ბავშვი თავისთვის იატაკზე თამაშობდა. სახელოსნოს კარი ღია იყო, იქ, დაზგაზე შემომჩქდარიყო თვით პატრონი და ტყავს კრიდა. პერი რომ დაინახა, დარცხვენილი შემოეგება. ეს იყო შუახნის მაღალი, ოდნავ წელში მოხრილი კაცი. პერს არ მოეწონა მისი ფერპკრთალი უწვერული სახე და ქვეშ-ქვეშა გამოხედვა. არც დიასახლისი მოუხედა თვალში, თითქმის მტრულად, აღმაცერად რომ გამოსცქეროდა თავისი კუთხიდან. მასპინძელმა თუმცა კი შესთავაზა დაჯდომა, მაგრამ საკმაოდ ცივად. მან დაუფიქრებლად და გადაჭრით უარი თქვა ზაფხულში დამწწნელად მუშაობაზე. მეტი თხოვნა უსარგებლო იყო. მაგრამ პერი მაშინვე არ წავიდა. მასპინძელთა გულცივი მიღებას მიუხედავად ამ მყუდრო ოჯახურმა სურათმა ააღელვა. ოთახი სისუფთავით კრიალებდა, ამას კი ხშირად ვერ შეხვდები გლეხთა სახლებში, და საერთოდ აქაურობას ისეთი იერი ედო, თითქოს ოჯახის პატრონე-

ბი წუთი-წუთზე მოელოდნენ საპატიო სტუმრების მოსვლას. აქ კეშმჟ-რაიტად ღვთის მოშიში ხალხი ცხოვრობდა — ისეთი კი არა, დღესასწაულის ხათრით რომ ხდებიან ღვთისმოშიში, არამედ ისეთები, ვისაც ღვთის შიში დაეხმარა, ძირფესვიანად გარდაექმნათ საკუთარი ბუნება. ისიც კი, თუ როგორ დაისვა მუხლებზე მამამ ბავშვი ლაპარაკის დროს და მას ხელით მოხოცა ცხვირი, იყო უჩვეულო, ცოტა. არ იყოს, სიხარულით სავსე სიწაზე, რაც სრულიადაც არ მოგეჩვენებოდათ სასაცილოდ.

ბლომბერგებთან პერს უამბეს, რომ ხარაზის ოჯახი შედიოდა რელიგიურ სექტაში, მისი წევრები თავიანთ თავს „წმიდანებს“ უწოდებდნენ. ამ ბოლო დროს მეტისმეტად გაიზარდა ეს სექტა. სიმამრმა მოურიდებლად უწოდა მათ პირმოთნეები და განაცხადა, მათი აქ ყოფნა მთელი თემისთვის თავის მოკრავს.

ამიერიდან, ყოველთვის, როცა პერი კითხულობდა ხარაზის ქაზალ ოლე ხენრიკ სვანის ან ფიუნის კუნძულელ კრისტენ მასენის შესახებ, ან რელიგიური აღორძინების ეპოქის სხვა ერისკაც მკადაგებელზე, თვალწინ წარმოუდგებოდა პატარა, წყნარი, თითქოს სტუმართა მისაღებად გამზადებული სახლი ბესტრუპის განაპირას. იმ ღვთისმსახურთა უმრავლესობას, ვისი სახელებიც უფრო ხშირად ხვდებოდა წიგნების ფურცლებზე, პერი იცნობდა ჯერ კიდევ მამის ნამშობობით, ორი მათგანი შორეულ ნათესავეებადაც მოხვდებოდა. ამის გამო წიგნის ფურცლები თითქოს ცოცხლდებოდნენ მის თვალწინ, ხოლო ლიტერატურულ სახეებს სისხლ-ხორცი ესხმოდა.

ამავე დროს პერი სამწუხარო დასკვნამდე მივიდა. როცა ამ აღამიანების ურყევე რწმენას უზენაესის სათნო ნებისადმი აღარებდა თავის რწმენას თავი არანამდვილ ქრისტიანად ეჩვენებოდა! უფრო მეტიც ახლა მას აღარ უნდოდა კეშმარატი ქრისტიანი ყოფილყო.

მას საერო სიკეთეთაგან ასკეტური ხელის აღება სრულიადაც არ აშინებდა. შესანიშნავად ესმოდა, რა სიხარულის მოგვრა შეეძლო კარჩაკეტილ, ყოველივე მიწიერისაგან განრიდებით ცხოვრებას. მაგრამ მათ ლოცვითა გაშმაგებული აღგზნებულობა, მათი ფიქრები და საოცება მისთვის უცხო იყო. ბოლო წლებში თავადაც შეეჩვია ლოცვას. და თუმცა ლოცვა სულის გასაწმენდად და განსამტკიცებლად სჭირდებოდა, საყოფაცხოვრებო სისამაგლის ჩამოსაბანად, კარგად ესმოდა მათი ცვისაც ეგონა, თითქოს ლოცვას სასწაულებრივი ძალა, უბედურების თა-

ვიდან აცილების და სახიფათო წუთში დახმარების უნარი კქონდა. მაგრამ ისინი, ვის შესახებაც პერი კითხულობდა, ჩუმად ოხრავდნენ მოწამეობრივ გვირგვინზე. ისინი ისე გაუბრუნდნენ საერო ფუსფუსს, ისე ეშინოდათ ცთუნებისა და ისე მტკიცედ სჯეროდათ, რომ ჭეშმარიტი ქრისტიანის ცხოვრება არის მუდმივი, დაუღალავი მომლოცაობა, თვითონ ადგამდნენ თავიანთ თავს ყბას.

„გამძლე მე ცრემლიანი პურით, მასვი ცრემლები საკმარისად. ხელთ გაძლევ ჩემს თავს და ყოველივეს, რაც ჩემია, რათა გამკიცხო და დამარიგო. დეე მეწიოს შენი სასჯელი, შენი შოლტი დაე ჩემთვის ჭკუის სასწავლო იყოს. რადგან არ არსებობს იმაზე დიდი სიხარული შენი შონისთვის, ვიდრე მძიმე ტანჯვის ატანა შენდამი სიყვარულის გამო. დაილოცოს ღმერთო შენი სახელი, რომ ჩემი ცოდვანი არ მაპატიე და მთლიანად მაზღვევინე თვითეულისათვის“.

როცა პერმა ეს სიტყვები წაიკითხა, ტანი აებურძგლა; სწორედ ისე, როცა დედის უკანასკნელ წერილს კითხულობდა. ეს მგზნებარე რწმენა, რომელიც თრგუნავდა ყველაზე ოდინდელ ხორციელ მოთხოვნებს, უნებლიედ აღელვებდა.

„ჭეშმარიტად უდიდესი ლანძღვაა ადამიანისათვის დედამიწაზე ცხოვრება, — წერდა თომას კემპსი თავის წიგნში ქრისტეს მიმდევართა შესახებ. — ჭამა, სმა, მღვიძარება, ძილი, დასვენება, შრომა — ერთი სიტყვით, სხეულის სრული მონობა — ეს უდიდესი ლანძღვა და ტანჯვაა ჭეშმარიტი მორწმუნისთვის. ო, ადამიანო, რომ შეგეძლოს შენ ღმერთის დიდება და არ იცოდე სხვა საზრუნავი, რამდენად ბედნიერი იქნებოდი მაშინ, ვიდრე ახლა, როცა თვითეული შენი მოთხოვნილებათაგანი საკუთარი სხეულის მონად გხდის“.

მაგრამ ყველაზე მეტად ამ გამოკვლევათა მსვლელობაში პერი შეაკრთო იმ აზრმა, ერთი წლის წინ რომ დაებადა პლატონის „ფედონთან“ შემთხვევით გაცნობისას. პერს უფრო და უფრო ცხადად ესმოდა, რომ ქრისტიანობა მოველინა ჭეყვანას გაცილებით ადრე, ვიდრე თვით ქრისტე. ზოლო ქრისტე კი უბრალოდ ყველაზე მეტად სრულად გამოხატავდა მის იდეებს, ისიც განსაზღვრულ ისტორიულ პერიოდში. ვერ დაამშვიდებდა ის ფაქტიც, რომ თუ არა სახელმწიფოს მხრივ და ამა ჭეყვნის ძლიერთაგან დახმარება, რომელთაც სურდათ საკუთარი გაშორჩენის მიზნით ქრისტე თავისი დროის სულიერ ბელადად ექციათ, ის დარჩებოდა შემთხვევით, წარმაველ მოვლენად რელიგიის ისტორია-

ში. სამაგიეროდ ქრისტიანობა, ალბათ, წარმოშვა ადამიანის თვით პირველბუნებამ, გამოზარდა ინსტინქტმა, რასაც არაფერი ჰქონდა საერთო ხორციელ ჩემსთან და ყველგან სჯაბნიდა მას, სადაც კი შეხვდებოდა.

„ვინაიდან სხეული გვიჩენს ათას საზრუნავს, წარმოშობს მოუსვენრობას და ძრწოლას, გვალელებს და მისი მიზეზით არ გვძალუძს განვკვირიტოთ ჰეშმარიტება. ჩვენს ცხოვრებაში შემეცნებას მხოლოდ მაშინ ვუახლოვდებით, როცა არ ვფიქრობთ ჩვენს სხეულზე და იმაზე მეტ დროს არ ვუთმობთ მას, რაც საჭიროა ყველაზე აუცილებელ მოთხოვნათა დასაკმაყოფილებლად, — ესე იგი, როცა არ ვაძლევთ საშუალებას დაეუფლოს ჩვენს გულის ზრახვებს“.

ასევე ამბობდა თვით სოკრატე. ან ავიღოთ ბუდა! პერს გონებაში სამულდამოდ ჩაებეჭდა ბუდისტური გამონათქვამი, და როცა სული დაუწყვედიადღებოდა, ეს სიტყვები ცეცხლოვანი ასოებით ენთებოდა მის წინაშე:

„ვისაც არაფერი უყვარს. არაფერი არ სძულს, არაფერი არ სურს ამქვეყნად, მან და მხოლოდ მან არ იცის არც ბორკილები, არც შიში.“

საითაც გაიხედავ, პასუხი ერთია! ყველა დროში მოთხოვნა ერთია: დაივიწყე შენი თავი, დათრგუნე შენი „მე“, რადგან ბედნიერება მხოლოდ გმობაშია. ცხოვრება კი ეპასუხება: დაამკვიდრე შენი თავი, შეიყვარე შენი თავი, შენი სხეულის ძალა, შენი გონების სიძლიერე, რადგან ბედნიერება მხოლოდ ფლობაშია. ამ უფესკრულზე ჭერჯერობით ხიდი არავის გაუდგია. უნდა იზეიმოს ან სულმა, ან სხეულმა, მესამე გზა არ არსებობს. თვითეული ვალდებულება არჩევანი გააკეთოს, თუკი არა ფლობს პასტორ ბლომბერგის და მის მსგავსთა თავის მოტყუებებს და ლირიული ნისლის ღრუბლით ჰორიზონტის დაფარვის საშურველ უნარს. უნდა განამტკიცო საკუთარი თვალსაზრისი, გადაწყვიტო ვის მხარეზე ხარ, ან ჭვარს შეჰფიცო ერთგულება, ან შამპანურის ჰიქას — დაუყოვნებლივ, შიშით კი არა, თავდადებული სიმტკიცით, აღტაცებით.

ამგვარად პერი მეორედ მივიდა რელიგიასთან, როგორც ერთადერთ ძალასთან, ჩვენს არსებობას რომ ამაგრებდა და ამართლებდა. ოღონდ მას უკვე აღარ გააჩნდა უწინდელი სასიხარულო ნდობა არც მიწისა და არც ცისადმი. მას არ სურდა დამსგავსებოდა ეპიკურელებს, ხოლო ქრისტიანთა შორისაც უცხოდ რჩებოდა. მაგრამ ყველაზე აუტანელი იყო პასტორ ბლომბერგის წმინდა უბრალოებისადმი დაბრუნება; პერს

უკვე აღარ შეეძლო ბავშვივით მშვიდად მოეკრიფა ყვავილები უფსკრულის პირას ისე, რომ არ შეეგნო იმ დემონიური მიზიდულების ძალა, უფსკრულში რომ იმალება.

* * *

ერთ ავღრიან გაზაფხულის დილას, მარტის დასაწყისში, პერს კარზე ორთავალა მოადგა. პერს თავისი ფარდულერ არ ჰქონდა, ამიტომაც ეტლი სამიკიტნოსთან ეყენა და დღეს იქაურმა მსახურმა მოართვა. მსახური ორთავალასთან იდგა და იწყევლებოდა, მხრებზე ხელები შემოეხვია, რომ ცოტათი მაინც გამთბარიყო. საბრალო თხუთმეტ წუთს მაინც იცდიდა. ბოლოს, როგორც იქნა, გამოვიდა განიერლაბადმოსხმული ნამძინარევი პერი, უსიტყვოდ ავიდა კოფოზე, მსახურს სადავეები გამოართვა და ცხენი დასძრა. მან, ჩვეულებისამებრ, ნახევარი დაჟეკითხვაში გაატარა, ხოლო რომ დაწვა, ფიქრები მოეძალა და მხოლოდ გათენებისას ჩაიძინა. მაგრამ განთიადის სიგრილემ მაშინვე გამოაფხიზლა, ეტლიც ისეთი იყო, არ დაეძინებოდა: ძველი, ბევრის მნახველი, იმდენად დანჯღრეული, რომ მგზავრს ყოველ ხრამზე და ღრანტებზე ისვრიდა. სამაგიეროდ, ცხენი იყო კარგი — მაგარი ჩორვეგიული ცხენი. მხოლოდ ერთი ცუდი თვისება ჰქონდა — ყოველთვის, როცა გზა მთის ძირში მიდიოდა, ფრთხილობდა და ფეხარეული მიჩაქჩაქებდა გზის ერთი პირიდან მეორემდე. საოცარი თვალეები ჰქონდა ამ ცხენს, ნამდვილი ხუროს თარაზო: უმნიშვნელო დაღმართიც კი არ გამოეპარებოდა. პერს მეეტლური თავმოყვარეობა შეეღაბა, ჯერ მათრახით უნდოდა მისი ჰკუთაზე მოყვანა, მაგრამ მერე შეეჩვია ამ საიმედო მუშა ცხოველს, ყოველ დღე, ყოველგვარ ამინდში რომ დაატარებდა მთელ ოლქში და ნება მისცა ისე ეტარებინა, როგორც მას მოესურვებოდა.

შედლებისდაგვარად პერი ისეთ მარშრუტს ირჩევდა, რომ ბეტრუპისათვის ჩაველო და ინგერს გამოლაპარაკებოდა. იცოდა, რომ ინგერა დილით ბაღში გამოდიოდა ხოლმე და მას უცდიდა. ამიტომაც დილის გამგზავრების დროს განსაკუთრებით კარგ გუნებაზე იყო. თვით სიგრილეში მგზავრობაც დილაადრიან, როცა გაჯირკვებული ღრუბლები დაბლა დაცურავენ დელამიწაზე და ყვავების გროვა ყვირალით მიფრინავს ქარში — მას დიდ სიამოვნებას ჰკვირიდა. მისი სული ბუნებით ტყებოდა. პერს უკვე აღარ ეჩვენებოდა, რომ ბუნება აღსავსეა

საიდუმლო ზეშთაგონებით, როგორც წინათ, როცა კერსხოლმში ცხოვრობდა და მთელი დღეები მდინარის პირას იჯდა ანკესით ხელში.

პერს კვლავ დაუბრუნდა კმაყოფილების რაღაცნაირი ფიზიკურა შეგრძნება, რასაც ბავშვობაში განიცდიდა, როცა ცაზე ღრუბლების რევას და ქარისაგან ზის კენწეროების ღუნვას უცქეროდა. ამის ყურებისას კუნთები იძაბებიან, სასწრაფო სწრაფად მოძრაობს ძარღვებში და გეჩვენება, თითქოს თვით ბუნების ძალა გერწყმის.

პერი შეეცადა გაეხსენებინა, რატომ იყო, კაცმა რომ თქვას, მთელი ღამის განმავლობაში რომ ვერ მოხუჯა თვალი და რატომ იქცევა საერთოდ ასე, თითქოს უფლება არა ჰქონდეს დამშვიდებული იყოს, ვიდრე არსობის საკუთარ გამოცანას არ ამოხსნის; ამაზე გაეცინა კიდევ. ამ წუთს, როცა დღიურ საზრუნავში ჩაფლული მისი აზრი თვლემდა, პერს თავის სულს კვლავ ანდობდა ცხოვრების ზღვასა და მის საცდუნებლებს. ცხოვრების ყველა ბნელი და გაურკვეველი მხარე გათენებანთან ერთად არარაობად მოჩანდა და ქრებოდა იმ უღაო ფაქტის წინაშე. რომ ის ახალგაზრდა, ჯანმრთელი და ძალ-ღონით სავსე იყო და საკუთარი ეტლით თავის შეყვარებულთან მიდიოდა, რათა დღის დადგომა ნაზი კოცნით ეკურთხებინა. მან მადლი შესწირა უფალს, რომელიც თითქმის აღარ სწამდა, ქება უძღვნა სიხარულით, ზრუნვითა და შრომით: სავსე ცხოვრებას. რა საჭიროა თავის ტეხვა? ყველა მოგონილი ტანჯვა მხოლოდ ეშმაკის მზაკვრობაა. ხომ წმინდა წყლის ფარისევლობაა — არ დაგაკმაყოფილოს იმ ჭეშმარიტმა საზრუნავმა, ცხოვრება რომ საჭიროებს. ორთვენახევრის შემდეგ მისი ქორწილია. ოც მაისს — ინგერის დაბადების დღეს, ყვავილებით მორთული ახალდაქორწინებული ქალი გადააბიჯებს მისი სახლის ზღურბლს. სევდიან მარტობას ბოლო მოეღება.

დღეს პერი ბოლოს და ბოლოს აპირებდა ვიზიტს, რომელსაც აქამდე ყოველ დღე სდებდა. იმ ნაკვეთების ორი ნაჭერი მიწა, რომლებზედაც მდინარის ახალ კალაპოტს უნდა გაევიღო, ბორუპის პასტორს ეკუთვნოდა. სწორედ მასთან აპირებდა მისვლას პერი. იმ ჭექა-ქუხილის დროს მინდორში შემთხვევით შეხვედრის შემდეგ უკვე წელიწადნახევარი გავიდა. პერმა რამდენჯერმე ჩაუარა პასტორს, როცა ის მარტო დასეირნობდა ბინდში უკაცრიელ ბილიკებზე და ყოველთვის ესალმებოდა მას, მაგრამ პასტორი, როგორც ჩანდა, ვერ ცნობდა. პერის ყურამდე კი აღწევდა ჭორები პასტორზე და მის ბედუქულმართ ოჯახურ

ცხოვრებაზე. მეტად დაუჭერებელ ხმას ავრცელებდნენ პასტორის ცოლზე: მთლად გალოთღაო, უფრო მეტიც, ახალგაზრდობაში მეტის-მეტად გარყვნილ ცხოვრებას ეწეოდაო. ამას მიუმატეთ მისი დაუდევრობა და სიზარმაცე და ყველასთვის ნათელი გახდება, რატომ განიცდიდა პასტორი ხშირად მეტად სერიოზულ ფულად გაჭირვებას. ყოველივე ამის გამო პერს შეებრაღა საცოდავი პასტორი. თუკი ის, მიუხედავად ამისა, დღითი დღე სდებდა თავის ვიზიტს, მხოლოდ იმიტომ, რომ შიშობდა, ცუდად არ მიეღოთ, რაკი ბლომბერგის ნათესავი იყო, რადგან ბლომბერგმა არა მარტო თავის ეკლესიაში მიიზიდა ფიალტრინგის მრევლის უმრავლესობა, არამედ წაართვა ფრიად მნიშვნელოვანი ნაწილი მისთვის მეტად — ღმერთიც ხედავდა, თუ რამდენად — საჭირო შემოსავალსა.

ბესტრუჰისაკენ დაღმართზე გზა რკალს ხაზავდა. ამ დროს სიხარულმა გაუნათა პერს სახე. ბაღში, მწვანე ფოთლებს შორის ინგერი დაინახა. მხარზე შალმოხურული ქალი უთვალთვალებდა, პერი ხომ არ მოდისო.

— ახ, შე ძილისგუდა! — შორიდანვე მიაძახა ქალმა, — სად დაიკარგე აქამდე?

— მე გელოდი?

— ოი, პირდაპირ გავითოშე.

— ჩემო საბრალო!

პერი ისე მიეკრო მესერს, რომ მათი ტუჩები ერთმანეთს შეეხო, ხოლო ასკილის ბუჩქმა ისინი დაფარა.

— დილა მშვიდობისა, გენაცვალე!

— დილა მშვიდობისა. სად მიხვალ?

— ისე, საქმეებზე. ძალიან მეჩქარება.

— პირდაპირ აუტანელი ხარ. სულ რაღაცა საქმეები გაქვს. კარგი, წაღი, რახან ასეა. საღამოს მოხვალ?

— მოვალ.

კიდევ ერთი კოცნა, და კიდევ ერთი, და კიდევ ერთი, სულ უკანასკნელი, „სართად“, როგორც პერმა თქვა.

— ახ, შე საძაგელო ბიჭო! ნახვამდის.

— ნახვამდის.

— ნახვამდის, მხოლოდ ადრე მოდი.

— კარგი, მოვალ!

— ნახვამდის, ძვირფასო!

— ნახვამდის.

მერანი მოუთმენლად აჩაქჩაქდა, ისინი კი კვლავ ჩახვეულენი იდგნენ და ერთმანეთს არ უშვებდნენ, ასე რომ ცხენმა პირდაპირ ერთმანეთს მოგლიჯა. კიდევ ერთი „ნახვამდის“, „ნახვამდის“! ორივემ ხელსაზოცი დაიქნია და ორთვალა კუთხეს მიეფარა.

პერმა რამდენიმე საათს წაიმუშავა მიწის საზომი ინსტრუმენტებით. შუადღისას კი უკვე ბორუპის პასტორის კარმიდამოში იყო.

პასტორი ფიალტრინგი შინ დახვდა. მან პერი თავის კაბინეტში მიიღო. ეს იყო დიდი, ნახევრადბნელი ოთახი, უფრო სწორად, ოთახი კი არა, დარბაზი. ორი ბრუტიანი ფანჯარა ჰქონდა. რალაც ავეჯი კი ელაგა აქ, მაგრამ ოთახი ისეთი დიდი იყო, თითქმის ცარიელი ჩანდა. ფანჯრებს შორის იაქთალში მალალი საწერი მაგიდა იდგა, ზედ გადაშლილი წიგნი იდო; როგორც კი სტუმარი დაინახა, იღუმალი განდევნილი წამოდგა და მის შესაგებებლად გაემართა.

ჯერ კიდევ მაშინ, ეკლესიაში რომ ნახა პასტორი, პერი გააოცა ამ კაცის გამომეტყველებამ: ცნობისმოყვარეობა, დამორცხეება და ღიოსება ერთდროულად ეხატებოდა პასტორს სახეზე. ახლაც ეს ეცა თვალში პირველად. პასტორი მისგან მოშორებით შეჩერდა და მეტად თავაზიანად დაუკრა თავი, თუმცა ზურგიდან ხელები არ ჩამოუღია. იცნო პერი თუ არა, ძნელი სათქმელი იყო. როცა პერმა თავისი სახელი უთხრა, პასტორმა ხელით მიუთითა დივანზე, თავად ცოტა მოშორებით სავარძელში ჩაჯდა და ჰკითხა, რით შემიძლია გემსახუროთო.

პერმა მოკლედ აუხსნა თავისი მოსვლის მიზეზი. საქმე პასტორის მიწის ნაკვეთზე მდებარე რამდენიმე თხრილის გაფართოებას ეხებოდა. პასტორმა უთხრა, საერთოდ მე რა უფლება მაქვს სახაზინო მიწებზე. მაგრამ რაკი ასეთ წვრილმან რამეს მთხოვთ, კი ბატონო, მზად ვარ ამაზე პასუხისმგებლობა ვითავოო. ერთს კი გთხოვთ მხოლოდ: იქნებ ოდესმე გასამართლებელი საბუთები შეიქნეს საჭირო და აუცილებელ სამუშაოთა წერილობითი სია შემიღგინეთო. ამაზე პერი სიამოვნებით დათანხმდა.

საქმე რამდენიმე წუთში მოგვარდა, მერე ამას ხანგრძლივი დღემდე მოჰყვა. პასტორი თავის ხელებს დაშტერებოდა და აშკარად ელოდა. როდის აღებოდა სტუმარი და წავიდოდა. მაგრამ, როგორც კი პერმა ნამდვილად დააპირა წასვლა, პასტორს, ალბათ, შეეშინდა. ვინ იცის, იქ-

ნებ უზრდელად მოვიქეცი ამ კაცთანო და ჰკითხა პერს, როგორ მოგწონთ აქაური ადგილები, ან სად ცხოვრობთო, ხოლო როცა გაიგო პერი სადგურის მახლობლად დასახლებულიყო, უთხრა, მაშასადამე არ მოგეწყინებათო. სადგურ რიმალტის მახლობლად ხომ თანდათანობით პატარა ქალაქი გაშენდა. იქ ცხოვრობენ სასწავლებლის დირექტორიც, მეფთთაქეც და სხვებიც. ბლომბერგები და საერთოდ ბესტრუპი არც უხსენებიათ.

პერს პასტორზე ფრიად ნათელი მოგონებანი შემორჩა ჰექა-ქუხილის დროს სამახსოვრო შეხვედრიდან, ამ გაცვეთილმა ფრაზეზმა კი გული გაუტეხა. ამას გარდა, ისიც ეწყინა, რომ ასე უბრალოდ ააღეს და ამ ყბაღაღებული კლუბის წევრების გროვაში მოაქციეს. მით უფრო, რომ თვით პასტორი, თუ მისი ტონის მიხედვით ვიმსჯელებდით, ძალიან დიდად არ აფასებდა მათ. ამიტომაც პერმა თავის პასუხში ხაზი გაუწვა იმას, რომ ქალაქში არავითარი ნაცნობობა არ ჰქონდა, ფრიად კარჩაქეტილად ცხოვრობდა და თავისი წიგნების საზოგადოებით კმაყოფილდებოდა.

პასტორმა ოდნავ ასწია თავი. არც ახლა უცქეროდა პერს, მაგრამ სულ რაღაც ერთი წამის განმავლობაში მისმა მოყვითალო-ფერმკრთალმა სახემ გამომცდელი და ღაინტერესებული გამომეტყველება მიიღო.

— ცხადია, — თქვა მან, — იღეთა სამყაროში განმარტოებულ ცხოვრებასაც შეუძლია ადამიანს კმაყოფილება მოჰგვაროს. ის კი არა და სიხარულიც, და მგონი, ბედნიერებაც.

მერე ჩაიღიმა და დაუმატა, რომ მარტობა ზოგჯერ ძალიან საინტერესოა, რადგან, თუ დაკვირვებით ჩაიხედავ საკუთარ „მე“-ში, ზოგჯერ დაგებადება მატყუარა გრძნობა, თითქოს შენში ვიღაც გარეშე ადამიანი ზისო.

ამ შედარების სიზუსტით განცვიფრებულმა პერმა დაუმატა, რომ ასეთი უცხო კაცი ჩვეულებრივად აუტანელი ადამიანია, შეუგუებელი და ის ჩვენ ხშირად გვაწუხებს და ბევრ უსიამოვნებას გვაყენებსო.

ამჯერადაც გოცებულ-გამომცდელმა გამომეტყველებამ გაიღვა პასტორის სახეზე. თუმცა მიკიბულ-მოკიბული ლაპარაკი არ დაუწყია და ყოველგვან ნათქვამი დაასრულა სიტყვებით, რომ ადამიანები სხვების აზრებს რომ ეფარებიან, ხშირად ამით თავიანთ საკუთარ აზრებს გაურბიანო და არაფერი ისე არ ართობს, კაცს, როგორც წიგნების

კითხვა. წიგნებში გამოთქმული დაკვირვებანი უფრო ხშირად დამამ-
შვილებლად მოქმედებენ ხოლმეო.

ხელახლა ჩამოვარდა ღუმილი. ალბათ, პასტორი უნებლიედ შეეხო
თემას, რომლის დაწვრილებით გარჩევაც მას არ უნდოდა ადამიანთან,
ვისაც კარგად არ იცნობდა. პერმა იგრძნო, რომ ის სულ დაძაბული იყო
და მათ გულახდელი საუბარი, სულ ერთია, არ გამოუვიდოდათ. ამი-
ტომაც წამოღგა. პასტორსაც აღარ დაუკავებია. მაგრამ ეს 'სულაც არ
მოსვლია არათავაზიანობის გამო. გამომშვიდობებისას ფიალტრინგმა
ცხელი ხელი გაუწოდა და ფრიალ ზრდილობიანად მოიბოღიშა, გამკო-
ლი ქარების შიშით წინაკარამდე ვერ გაცილებთ სტუმარსო.

თუმცა ეს შეხვედრა წუთიერა იყო, მაგრამ პერზე დიდი შთაბეჭდი-
ლება მოახდინა. სალამოს, ბლომბერგებთან ვახშმად რომ იჭდა, სიტყვა
ფიალტრინგზე ისეთი ტონით ჩამოაგდო, მასპინძლებს ჰკუაში არ
დაუჭდათ. პერი მიხვდა, რომ წინდაუხედავად მოიქცა და დაღუმდა,
ხოლო სიმამრმა საქმის გამოსასწორებლად იგივე თქვა, რასაც ყოველ-
თვის ამბობდა, თუ საუბარი მის კოლეგაზე ჩამოვარდებოდა ხოლმე.

— ახ, საცოდავი, აბა, რა მეთქმის! ისე ძალიან მებრალება, ძალიან
მებრალებს. რა ძალა ადგა, რად უნდოდა პასტორობა!

მეორე დღეს პერი დილიდანვე ჩაუჭდა იმ გასამართლებელი საბუ-
თის შედგენას, რაც პასტორმა ფიალტრინგმა სთხოვა. დიდხანს იწვალა,
მერე აიღო ქაღალდის დიდი ფურცელი, ყველაფერი გადაათეთრა და,
ამას გარდა, პასტორის კარმიდამოს გეგმაც დახაზა.

ერთი კვირის შემდეგ, კვლავ ბორუშთან ჩავლისას, პერმა შეიარა
პასტორთან, რათა თავისი ნაშრომი ჩაებარებინა. პასტორი იმდენად
ნაკლებად იყო ყურადღებას მიჩვეული, ძალიან შეაქართო ამან და გუ-
ლითადი მადლობა გადაუხადა პერს. ხოლო რაკი პერმა მაშინვე დააპი-
რა წასვლა, მასპინძელი ნამდვილად სასოწარკვეთილებაში ჩავარდა და
ბოდიში მოიხადა, ამას წინათ ჩვენი შეხვედრისას ალბათ საკმაოდ თა-
ვაზიანად ვერ მოგექეცითო. მან ძალით დასვა პერი დივანზე და ამჭერად
შათ შორის ძალიან მალე გაიმართა გულითადი საუბარი.

ამომავალ პუნქტად პერის მიერ შედგენილი საბუთი იქცა. პერმა
აცნობა, რომ პასტორის ნაკვეთზე იყო ტორფის ფრიალ მნიშვნელოვანი
ბუდობი. თუმცა ერთობ ღრმად და მისი ამოღება სულაც არ არის
ადვილი, მაგრამ სწორედ ამიტომ ეს ტორფი საუკეთესო ხარისხით გა-
მოირჩევა. ის, პერი, დარწმუნებულია, რომ კარგი იქნება პატარა ტუმ-

ბოს დადგმა, რათა სისტემატურად ამოშრეს კარიერი და დაყალიბდეს ბრიკეტი.

პასტორი ფიალტრინგი მის წინ ვიწრო ფეხსაფენზე შეჩერდა, ოთახის შუაგულში რომ ეგო და ავადმყოფური ღიმილით თავი გადააქნია.

— დაე, ამას ჩემმა მემკვიდრემ მოკიდოს ხელი, — თქვა მან. — მე ისეთი ჯანისა არა ვარ, რომ მოშავლის გეგმები ავაგო. გარდა ამისა, — დაასრულა მან, — თუ კიდევაც სიკვდილი პატარა განვადებას მომცემს, მე არ ვიცი, დიდხანს დამრთავენ თუ არა ნებას საეკლესიო მმართველობა და ჩემი მუყაითი კოლეგები, ცარიელ სკამებს ვუკითხო ქადაგებანი.

პერი წამოწითლდა და უნდოდა თავაზიანობის გამო რაიმეს შეპასუხებოდა, მაგრამ პასტორმა პირის გაღებაც არ აცალა.

— არა, მე არავითარ ილუზიებს არ ვაგებ. ჩვენმა დრომ რელიგია საბაზრო საქონლად აქცია; არ არის გასაკვრი, თუ აღამიანები უფრო ხალისით მიდიან იქ, სადაც მისი ყიდვა იაფად შეუძლიათ.

პერმა თავი დახარა. ამის საწინააღმდეგოდ ძნელი იყო რაიმე პასუხის მოძებნა. მაგრამ ინგეროს ხათრით ის თავის მოვალეობად თვლიდა ზიმაში დაეცვა. მან თქვა, რომ უახლესი რელიგიური მიმდინარეობანი, მიუხედავად მათი ზერელოებისა, ხალხში სულიერ მოთხოვნებს აღვიძებენ და ამით ამზადებენ ახალი პერიოდის დადგომის კულტურის ისტორიაში. ოლქში თავისი მიმოსვლის დროს მას ბევრჯერ შეუშინებია, რომ დანიელი გლეხები იქ, სადაც საქმე სულიერ ცხოვრებას და აღქმის სიმწვავეს ეხება, რამდენიმე თავით მაღლა დგანან თავიანთ საზღვარგარეთელ თანამომკმეებზე, განასაკუთრებით — კათოლიკურ ქვეყნებში. ამაზე პასტორმა ფიალტრინგმა უპასუხა, რომ ასეთი კეთილი, ნახევრადმფარველური ან უბრალოდ ცნობისმოყვარე განწყობილება ყოფიერების უდიდესი საკითხებისადმი, მისი შეხედულებით, უარესია, ვიდრე რაიმე დამოკიდებულების სრული არქონა. რწმენა — ეს გატაცებაა, იქ კი, სადაც ეს გატაცება აღარ არის, ჩვენ მხოლოდ ვეთამაშებით უფალ ღმერთს და მეტი არაფერი. ხელოვნური გზით სულიერი ცხოვრების მოჩვენებითობის შექმნა ხალხში სრულიადაც არ ნაშნავს გულწრფელ და სერიოზული რწმენისთვის ნიადაგის შემზადებას, ან, უკიდურეს შემთხვევაში, უბრალოდ სერიოზული ეკვისთვის, — უფრო პირიქით, ეს კლავს ყველა და ყველანაირ აღმონაცენს ღმერთი-

სადმი ნამდვილი დამოკიდებულებისა, რაც უკვე აღამიანშია მოცემული.

პასტორმა რამდენჯერმე გაიარა ვიწრო ფეხსაგებზე და ოთახის ბოლოში შეჩერდა. ის თითქოს არიგებდა საკუთარ თავს, რომ არაფერი წამოცდენოდა. მაგრამ სამწუხაროდ, ძალზე გვიან იყო უკვე — დაუძლეველი სურვილი თავისი აზრის გამოთქმის, მარტოობის ხანგრძლივ საათებში ნაფიქრი ყველა აზრი მოაწვა და თავი ველარ შეიკავა.

მან პირდაპირ უთხრა პერს, ტექნიკის ძალაღუთვი გავლენა ნაწილობრივ დამნაშავეა იმაში, რომ თანამედროვე აღამიანა განწირულია იყოს ზერელე და გამოცარაელებული არსება. მრეწველობის თავბრუდამხვევმა განვითარებამ რელიგია გზიდან ჩამოიცილა. ცხოვრების ყველა დარგში აღამიანები მიეჩვივნენ ენერჯის რაც შეიძლება ნაკლები დახარჯვით თავიანთი მოთხოვნილებების დაკმაყოფილებას, ამასვე მოითხოვენ ისინი რწმენისგანაც. მან უნდა შეიწყნაროს ისინი ისე, რომ არც დრო წაართვას, არც ენერჯია. მათ კი, ვისაც ხალხში ღვთის სიტყვა მიაქვს — იქნებიან ისინი სასულიერო ღირსების მქონე პირნი, თუ უბრალოდ ერისკაცნი, — ზშირად არ ჰყოფნით ნებისყოფა, წინ აღუდგნენ ამ მოთხოვნას. ჩვენ სიამაყით ვუჩვენებთ მთელ ქვეყანას ჩვენს უმაღლეს სახალხო სკოლებს, დროთა განმავლობაში ისეთ ოფიციალურ დაწესებულებად რომ იქცნენ, სადაც თქვენ — სამოთხ თვეში შეგიტხზავენ გამზადებულ მსოფლმხედველობას თავმდებობით. შესახედავად ეს სასწაულია, საქმით კი — მხოლოდ მოტყუება. აუცილებელი სისადავისა და სიიათის მისაღწევად რელიგიას ცვლიან პოეზიით, ყოფიერებას პოეტურ ნისლში ზვევენ, მოტყუებითი ლაქით ფარავენ. მისი, ფიალტრინგის შეხედულებით, უკანასკნელი წლების ეგრეთ წოდებულ რელიგიურ-სახალხო აღორძინების შედეგად დანიაში გამოცხადდა სწორედ ასეთი გალაქული მატერიალიზმი.

პასტორის ცხარე ტონმა პერი დაანადვლიანა, მით უფრო, რომ ეს კაცი მის საკუთარ აზრებს გამოთქვამდა. მაგრამ მერე უკვე აღარავითარი შესაძლებლობა აღარ იყო პასტორის დამშვიდებისა.

— აღამიანის სულის, მისი გაფურჩქნისთვის აუცილებელი პირობების შესახებ ჩვენს სამარცხვინოდ მცირე რამ ვიცით; მაგრამ მთელი ისტორია, ისევე როგორც ცალკეულ აღამიანთა დამოწმებანი, უცილობლად ამტკიცებენ, რომ სულის განვითარებისთვის, თუმცა იმევე, როგორც ყველანაირი განვითარებისთვის, — საჭიროა დრო და წინააღ-

მღეგობის გაწევა. შემდგომ ცნობილია, რომ ბედნიერება ამ სიტყვას მიწიერი გაგებით, ადამიანს სულიერად უნაყოფოს ზღის. ადამიანის სულის მშობლიური სტიქია დარდია, ტკივილი და გმობა. სიხარული - ეს მხეცის ხმაა, რომელიც ჩვენში ცხოვრობს. ამიტომ ხომ არ არის, რომ წარმატებით აღტაცებულობისას ადამიანები ასე ხარბნი არიან ყოველგვარი მანკვისა და ღორობისადმი, მაშინ, როცა უბედურების ყამს, საკუთარ „მე“-ს სიღრმეში რომ ჩაიხედავენ, იქ, სადაც ღვთაებრივის წმინდა წყაროები მოედინებიან, ღმერთმა რომ ყოველ ცოცხალ არსებაში ჩანერგა, ჩვენ ვხედავთ ადამიანის აუშლვრეველ სახეს? დაე. ქრისტიანობა სამყაროს კეთილცნობასავათი მოეველინა, მაგრამ თუ ამ გამოთქმას სიტყვა-სიტყვით გავიგებთ, კაცობრიობა დაიბნევა გადუწყვეტელ წინააღმდეგობებში. რელიგიამ, რომელმაც გამოაცხადა მშვიდობა, მოსვენება და მწყალობლობა, ამოავსო სულის მკვებავი წყაროები, ჩაახშო სულიერი ცხოვრების გულისთქმა, თავიდან აიცილა ავადმყოფობა ავადმყოფის მოკვდინების გზით. თვით სამოთხის იღუა, როგორც ყოველგვარი სრულყოფილების ერთგვარი იმქვეყნიური სათაესისა, ძალიან ძნელი შესათანხმებელია რელიგიის ახლანდელ გაგებასთან. სიტყვები: „აქ შემომავეალს ნულა გექნება რაიმეს იმედი“, დანტემ რომ ჭოჯონებითი კარზე წააწერა, უფრო მეტი საფუძვლით და უფრო საშიში გაგებით უნდა წაგვეწერა ცათა სასუფეველის კარზეც, სადაც ადამიანს შემდგომი განვითარების შესაძლებლობა წართმეული აქვს. დიახ, ადამიანის დაზულ გონებას აუცილებლობად წარმოუდგენია ხანგრძლივი წლების განმავლობაში მსჯავრდადებულთა შორის ყოფნა, ან სამუღამოდ, ან რაიმე ვადით, რათა სულის სიწმინდეს, უბიწოებას და ჭეშმარიტ ნეტარებას მიადწიოს, თუ ამას რელიგიურ ზეშთაგონებად აღვიქვამთ.

მაგრამ, შესაძლოა, ჩვენ უბრალოდ ვერ ჩავწვდით ფარულ აზრს, რომელიც ღმერთმა გამოგვიცხადა სახარებაში. და თუ ასეა, მაშინ ვასაგებია, ქრისტიანობამ მთელი ორი საუკუნის განმავლობაში ძალაღფარდოვანი სიტყვებისა და საზეიმო ფიცის მიუხედავად რატომ მეტი ვერაფრის გაკეთება ვერ შესძლო ადამიანის სულიერი განვითარებისათვის. ზოგიერთი ღვთისმეტყველი პირწმინდად უარყოფს ქრისტეს ღვთიურ წარმოშობას. და მართლაც, ნათესაურ კავშირს ქრისტესა და ძველი აღთქმის ღმერთს შორის უცბად ვერ მიხვდები. დიდი გადაჭარბება არ იქნება თუ ვიტყვით, რომ პირველი წარმოადგენს მეორის სრულ წინააღმდეგობას, მე ვიტყვოდი, მის პაროლიას. მაგალითად, ებ-

რაელებს ქრისტე ზიზღს ჰგვრიდა. მაგრამ თუ ის ღმერთის შვილი არ არის, ვინ იქნება თავდები, რომ ღმერთმა განგებ არ გააჩინა, გადაატანინა ტანჯვა და მოკლა საშინელი სიკვდილით, ოღონდაც კარგად დავეშინებინეთ?

ამ გაცხარებულ ლაპარაკში პასტორი ფილტრინგი უეცრად გაშეშებულღვით შეჩერდა, თითქოს საკუთარი სიტყვებისა შეეშინდა. შუბლზე წითელი ლაქები დააჩნდა. მხრები და სახე ნერვიულად აუცახცახდა.

— თქვენთვის, იმედია, გასაგებია, რომ მე ამას ხუმრობით არ ვამბობ. ვფიქრობ, თუ ქრისტეს სახეს და მის ისტორიულ მისიას გულმოდგინედ გავანალიზებთ, — ხოლო ამის დრო კი უთუოდ დადგა, — ეს უნდა გაკეთდეს საფუძვლიანად და წინასწარ შექმნილი აზრის გარეშე. დაე თუნდაც ამის გამო იძულებული გავხდეთ, სულის ხსნა საალალბედოდ ვაქციოთ.

პერმა არ იცოდა რა ეპასუხა, ხოლო თვით პასტორი, ალბათ ვერც კი გრძნობდა, რა შორს გადაუხვია პირველდაწყებული თემიდან. ვერც ის შენიშნა, რომ მის ზურგს უკან კარი გაიღო და ოთახში მისი ცოლი შემოვიდა. მხოლოდ როცა პერი ადგა და გამოემშვიდობა, პასტორმა მაშინ დაინახა ქალი და სიტყვა პირში გაუწყდა.

პერმა გუნებაში გაიფიქრა, ხალხი სულაც არ სცოდავს და არ ტყუის, პასტორის მეუღლის გარეგნობაზე ასეთი მითქმა-მოთქმა რომ არისო. ეს გახლდათ უფორმო, გასუქებული ქალი, ლოთის შეშუპებული სახე და უძრავი, გადმოკარკლული, თითქმის უფერული თვალები ჰქონდა, სახეზე მეწამული ფერი ედო. ქალი ეტყობოდა ცდილიყო, კარგად გამოწყობილიყო, მაგრამ ამით უფრო აშკარად გეცემოდათ თვალში მისი ფეთხულობა. სიჩქარეში თმაც კი დაესველებინა, რომ უკეთესად დაეგარცხნა და საკმაოდ კარგი კაბა ჩაეცვა, მაგრამ ყურზე ჩამოჩაჩულ თავსაბურიდან დაკვირტებული თმა უჩანდა, ხოლო საგარეო კაბის ქვემოდან — მოღრეცილი და დიდი ხნის გაუწმენდავი ფეხსაცმელი.

როცა ფილტრინგმა პერი თავის ცოლს წარუდგინა, ქალმა თავაზიანად გაუღიმა.

— იქნებ ბატონმა სიდენიუსმა უარი არა თქვას ჩვენთან ერთად საუზმობაზე? საჭმელი უკვე მორთმეულია.

პერმა არ იცოდა, როგორ მოქცეულიყო. ისე შეებრაღა ეს ხალხი, გული ეტყინა.

ხალისით უპასუხებდა „არას“, მაგრამ ეშინოდა, ვაითუ ვაწყენინოდა ამიტომ სტუმრად დარჩა მათთან.

პერს ეუცნაურა, რომ პასტორი ფიალტრინგი ცოლს ისე ექცეოდა, სულაც არ ეტყობოდა, თუ რაიმეთი უკმაყოფილო იყო. თუმცა პასტორს ეტყობოდა, თავს უხერხულად გრძნობდა და სახეზედაც ისეთი გამომეტყველება აღბეჭდვოდა, თითქოს ფიქრებით სხვაგან იყო, თავი მაინც ისე ეჭირა, როგორც მზრუნველ მეუღლეს შეეფერება. ყურადღებიანი იყო მის მიმართ და შეიძლება ითქვას, თავაზიანიც, მისი ცოლი კი, როგორც ჩანდა, სულ ვერ გრძნობდა თავის შერცხვენას. მაგიდასთან უმთავრესად მხოლოდ ის ლაპარაკობდა — კოპენჰაგენის შესახებ არეულ-დარეულ მოგონებებს ჩრდილო ზელანდიურ მოგონებებში ურევდა, იქ მამამისი პასტორად იყო. გარდა ამისა, ამ ქალს საერთოდ არ ჰქონდა ჩვევად მოესმინა, რას პასუხობდნენ თანამოსაუბრენი, ამიტომ ბოლოს მაგიდასთან მხოლოდ მისი ხმა გაისმოდა. ნასადილევის კაბინეტში რომ დაბრუნდნენ, პერმა მაშინვე იგრძნო, რომ შეწყვეტილი საუბარი აღარ განასლდებოდა. თუმცა არც მასპინძელი აცაგებდა. სამაგიეროდ გამომშვიდობებისას პერი პარმალამდე მიაცილა, კიდევ ერთხელ გადაუხადა მადლობა მზრუნველობისთვის და უთხრა, თუ აქეთ გამოვლა მოგიხდებათ, მუდამ მოზარული ვიქნები თქვენი სტუმრობისო.

პერმა სიამოვნებით ისარგებლა ამ დაპატიჟებით და შემდეგ დღეებში განგებ იჩენდა ისეთ საქმეებს, რომ თითქოს შემთხვევით შეეველო პასტორთან. მერე უკვე ყოველგვარი საბაბის გარეშე დაიწყო მასთან სიარული და ყოველთვის გულთბილადაც ღებულობდნენ. მაგრამ ბორუბის ეკლესიაში წირვას პერი არასოდეს არ ესწრებოდა და ამასაც მხოლოდ სიმამრის ხათრით აკეთებდა. პერი ერთხელ უკვე დაესწრო ფიალტრინგის ქადაგებას და ეს საკმაო იყო, რომ მეორედ აღარ მისულიყო. კათედრაზე პასტორი ფიალტრინგი ძალზე წააგავდა ჯამბაზს. ბუნებით სიმართლის მძებნელი კაცი იყო, ადამიანის სულას სიმებზე ვერ ითამაშებდა, ხოლო ჭეშმარიტების საქვეყნოდ გამოცხადება სულ არ შეეძლო. ვისაც უნდოდა ფიალტრინგს ჩასწვდომოდა, მის განმარტობაში უნდა შეედწია. მაგრამ თუ უეცრად თავს წაადგებოდნენ ამ განმარტობაში, დაბნეულობისგან სიბნელიდან უეცრად სინათლეში გამოფრენილ პეპელასავით აქეთ-იქით მინასკდებოდა. იქნებ თავისი ჩაც-

მულობის გამო დელავდა, ასე გარეშე პირთ ვერ მიიღებდა, თუ ის აწუხებდა, რომ აკვიატებული ჰქონდა; ავად ვარო, — ღმერთმა უწყის, მაგრამ მაშინვე სკამიდან სკამზე გადაჯდომას იწყებდა, ანდა მიიყუყუებოდა კუთხეში, შეხვეულ თავს ხელებზე დაინდობდა და იჯდა იქ მოკრუნჩხული. თუმცა პერს მალე შეეჩვია და მისი გამოჩენისას ჩვეულებრივ მორიდებული ადარ იყო, ხოლო როცა თავის მოკრძალებას დასძლევდა ხოლმე, შეეძლო მთელი საათობით დაუღალავად ელაპარაკა.

ბლომბერგებს პერი არაფერს უყვებოდა, რომ ამ ერეტიკოსთან ნაცნობობა გააბა. არც მოხუცებს და არც ინგერს. მან იცოდა, რომ ინგერი უთუოდ შეურაცხყოფილად ჩათვლიდა თავს თავისი მამის ხატრით, ვინაიდან მას, როგორც შვილს, სჯეროდა, რომ მამამისი უცოდველი იყო. პერს უნდა დაეცადა იმ დრომდე, ვიდრე ისინი ერთად იქნებოლხნენ, სულ მთლად ერთად. ზოგჯერ, როცა პერი მომავალ სიმამრს მაინც შეეკამათებოდა ხოლმე რწმენის საკითხებზე, ინგერი ძალიან ბრაზობდა პერზე და აგებინებდა, ჩვენს სახლში ასეთ კამათს ჩვეულებრივ ყმა-წვილური ამპარტავნობით თუ ახსნიანო, — მაშ აბა რომელი დარბაისელი ადამიანი ჩათვლის თავს სეროიზულად თვით პასტორ ბლომბერგზე უფრო ჭკვიანად.

რაკი პერი იძულებული იყო დაემალა, ფიალტრინგთან დავდივარო. მასთან შეხვედრის შთაბეჭდილებებმაც საიდუმლო ელფერი ვიილო. ფიალტრინგის განსაკუთრებული და მრავალმხრივი შემეცნებაც მისტიციზმით იყო შეფერადებული. ფიალტრინგის დახმარებით გაეცნო პერი შუასაუკუნეების ღვთისმეტყველებას. ის საზეიმოდ შეიყვანეს სქოლასტიკური აზრის ბიზანტიურ ტაძარში, აზიარეს რეფორმამდელ პერიოდის ფანტასტიკურ-მეოცნებეთა გოთიკურ ოცნებებს, გააცნეს ისეთი ადამიანები, როგორიცაა მესტერ ეკარტი, იოჰან ჰაულერი, რაისბროკი და ჰერხარდ გროტი, ამ ადამიანებით დაინტერესებულმა პასტორმა ფიალტრინგმა ძირფესვიანად შეისწავლა ისინი. ფიალტრინგისთვის უცხო არ იყო არც ერთი რელიგიური სკოლა, წარსულის თუ აწმყოს არც ერთი მიმდინარეობა. ის ერთნაირად იგებდა და ღებულობდა კიდევაც შერყვნილი რელიგიურობის ისეთ ავბედით გამოვლინებებს, როგორიცაა სატანის თაყვანისცემა, როზენკრეიცერთა ორდენი, შავი მესია, ზეპირად კითხულობდა გრძელ ნაწყვეტებს ამ საიდუმლო სექტათა ყოველგვარ თეორეტიკოსთა ნაშრომებიდან.

მაგრამ ყველაზე მეტად პერს აინტერესებდა თვით პასტორ ფიალტრინგის პიროვნება და ღრმად შეეგრძნობილი დამოკიდებულება ყოველივეს მიმართ, რაზეც ის ლაპარაკობდა. ეს კაცი ისე სრულყოფილად სწვდებოდა ადამიანის აზრის თვითეულ მისახვევს, თითქოს საკუთარ თავზე გამოეცადა ყველა ადამიანური სურვილი, ყველა გულსტიკივლი. მაშინაც კი, ჯოჯოხეთზე რომ ლაპარაკობდა, გეჩვენებოდათ, თითქოს თავად იყო იქ ნამყოფი და ახლა მეხსიერება თვალწინ უშლიდა განცდილ ტანჯვებს. ხოლო ბედნიერების წუთებში მის ცოცხალ, დახვეწილ და მოძრავ ნაკვთებში აირეკლებოდა ხოლმე მოგონებანი სამოთხის ნეტარებაზე. ზოგჯერ ფერმკრთალ სახეზე ისეთი გამომეტყველება ჰქონდა, თითქოს ეს-ესაა სფეროთა შორეულ მუსიკას მოჰკრა ყურიო.

ასეთი შეხვედრების შემდეგ პერი თავისი ჩასუქებული სიმამრის ლაქლაქს რომ უსმენდა, უჩვეულო ძალით შეიგრძნობდა ხოლმე, რა იაფად ფასობდა ეს მდარეხარისხიანი გულმხიარულება, ჰეშმარიტ რწმენასთან ან თუნდაც ეჭვთან შედარებით, მაგრამ განცდილთან და მძიმე ბრძოლით მოპოვებულ ეჭვთან. განსაკუთრებით მკვეთრად ეცა პერს ავალში ეს განსხვავება, როცა დაესწრო ერთერთ ეგრეთ წოდებულ არაოფიციალურ ყრილობას, წელიწადში ორჯერ რომ აწყობდა ხოლმე თავისთან ბლომბერგი. აქ მისი ხელმძღვანელობით იკრიბებოდა ეგრეთ წოდებული ოლქის თავისუფლად მონაზროვნე სამღვდლოება, რათა განეხილათ პრობლემები, რაც თანამედროვე ეკლესიას აღელვებდა. პასტორ ფიალტრინგის თვით კადნიერ და უპატიო სიტყვებშიც კი გაცილებით მეტი ჰეშმარიტი ღვთისმოშიშობა იყო, ვიდრე ღმერთთან ლაწირაკულ ძმობილობაში და დაუსრულებელ ლაყბობაში, რითაც თავის იტკობდნენ წმინდა მამები. სავარძლებში მოხერხებულად გადაშლართულებს ვითომც დაბნეული ან მთლად თავდავიწყებული გამომეტყველება ედოთ სახეზე — ყველა მქადაგებლის ეს პროფესიონალური თვისება და კბილებში ყალიონ გარტობილები მსჯელობდნენ ცოდვათა მონანიებაზე, ან იმაზე, თუ რამდენად გულჩამწვდომია ჩვენი ლოცვანი. როცა პერი ხედავდა მათ, როცა ესმოდა, როგორ ცდილობდნენ ისინი, ერთმანეთისთვის ეჯობნათ სამართლიანობისადმი სიყვარულში და დროთა მოთხოვნებისათვის ხელშეწყობის მზადყოფნაში და უნდოდათ ხალხისთვის რელიგია ძალიან დაბალ ფასებში მიეწოდებინათ, ესმოდა, რატომ დადადა ფიალტრინგმა ისინი „მეწვირილმანეთა“ სახელით და რად უწოდა მთელ იმ პოეტურ მგრძნობიარობას „გალაქული მატერიალიზმი“.

სიმაჰრის ხასიათიც პერს უფრო და უფრო ნაკლებად მოსწონდა. ეს სიძულელი განსაკუთრებით მას შემდეგ გაუძლიერდა, რაც დაწვრილებით გაიგო, თუ რა უღირსი დამოკიდებულება ჰქონდა ბლომბერგს მოხუცი მამისადმი, რაზეც ჯერ კიდევ კერსხოლმის მმართველმა გადაუკრა სიტყვა. თურმე ბლომბერგის მამა მართლაც საშინელ გაჭირვებაში ცხოვრობდა სადღაც კუნძულ ფიუნზე, შვილმა კი სამუდამოდ გამოუკეტა თავისი სახლის კარი, რაჟი მან, უკვე მოხუცებულმა, შელახა მეექვსე მცნება და თავის მოახლესთან იყოლია ბავშვი. პასტორი ბლომბერგი, დიდი შემწყნარებლური კაცი რელიგიურ საკითხებში, კლდესავით ურყევი იყო მორალის საკითხში. მთელი რიგი თავისი კოლეგების მსგავსად, ის მიისწრაფოდა იქ, სადაც საქმე ზნეობას ეხებოდა, რათა ამით სამაგიერო მიეზღო იმისთვის; რომ ეკლესია ამ ბოლო წლებში იძულებული იყო გონებისთვის დაეთმო. თანაც პერს გულში ექვად ჰქონდა, რომ მისი სიმაჰრი ალბათ სიხარულით ჩაებლავდა ამ მიზეზს, რათა მხრიდან მოეხსნა საზრუნავი უმწეო და თითქმის ბრმა მოხუცზე. მამა და შვილი არასოდეს არ იყვნენ ძალიან ახლო ურთიერთობაში, ხოლო ბლომბერგი ისეთი არ გახლდათ, რომ თავი მსხვერპლად მოეტანა. თუმცა თავად მდიდრულად ცხოვრობდა და დროდადრო ფრიად მოურიდებლად მოითხოვდა, მრევლს თავისი მისდამი სიყვარული ლითონის ფულით დაემტკიცებინა, მაგრამ სულაც არ გამოირჩეოდა გულუხვობით, თუ სხვებისთვის დახმარების აღმოჩენა იყო საჭირო. არა ერთხელ და ორჯერ სმენია პერს, როგორ ამთავრებდა საუბარს ლტაკებთან, დახმარების სათხოვნელად რომ მიდიოდნენ მასთან, მულამ იმას პირღებოდა, რომ „მთელი გულით ელოცა მათთვის“.

მაგრამ პერი წუთით არ შეეჭვებულა, რომ ბლომბერგის რწმენა გულწრფელი იყო. და ეს გახლდათ ყველაზე საშინელი, ამან შემდგომში განაჩიდა ის რელიგიას, ვინაიდან, იმ შემთხვევათა გამოკლებით, როცა რელიგია გამოაძევებდა ბუნების მიერ ადამიანში ჩანერგილ ყველა ქვენა თვისებას, როგორც მაგალითად, „წმინდანებთან“, ამ სიტყვის სრული გაგებით, ის სრულიად არ ფლობდა უნარს, აემაღლებინა სული და გაეკეთილშობილებინა გონება. ექვს უფრო ჰქონდა ასეთი სასწაულმოქმედი ძალა. როცა პერი თავის თავს ეკითხებოდა, რა მნიშვნელობა ჰქონდა მისთვის პასტორ ფიალტრინგთან მეგობრობას, პასუხი ამბობდა, რომ ფიალტრინგმა გაანთავისუფლა ის მტანჯველი გაორების შეგნებისაგან, თავისი უუნარობის შეგნებისაგან იმ საკითხში, რომ შეექმნა

მკაფიოდ გამოხატული მსოფლმხედველობა, რის გამოც პერი ასე იტან-
ჯებოდა წინათ. რაზეც არ უნდა ელაპარაკა პასტორ ფიალტრინგს, ის
გარდუვალად უბრუნდებოდა ექვს, ვინაიდან ის არის უპირველესი სა-
წინდარი ყოველგვარი რწმენისა, მისი, ასე ვთქვათ, „მარადნაყოფი-
ცივი დედობრივი კალთა“. როგორც დღე იზადება ღამისაგან და თავა-
დაც ბაღებს მას, როგორც მთელი ცხოვრება დედამიწაზე ბნელისა და
ნათელის ამ ცვლიდან წარმოიშვა, ისევე რელიგიაც გარდუვალად აღ-
მოცენდება წინააღმდეგობის სულიდან, რომელიც თავისი სიფიცხით
მოუსვენრობის ცეცხლს ანთებს ადამიანის სულში. რწმენა, რომელიც
მუდმივი ეჭვით არ განახლდება, მკვდარია, — ეს არის ცოცხის ტარი,
ეს ყავარჯენია, რისი შემწეობითაც შეგიძლია ცოტა ხნით დაივიწყო
რომ კოჭლი ხარ, მაგრამ ასეთი რწმენა არ შეიძლება იყოს ჭეშმარიტ-
სასიცოცხლო ძალა.

ერთხელ ფიალტრინგი ხუმრობის გუნებაზე იყო და თქვა:

— თუ დავიჯერებთ, რომ ჯოჯოხეთის გზა კეთილი ზრახვებითაა მო-
ფენილი, მაშინ სამოთხის გზა ავი ზრახვებით უნდა იყოს მოკირწყლუ-
ლი. — და თავისი აზრის განსავითარებლად დაამტკიცა, რომ ის უფრო
ახლოს იყო ჭეშმარიტებასთან, ვიდრე შეიძლება მოგჩვენებოდეთ პირ-
ველ შეხედვისთანავე. — ავილოთ, მაგალითისთვის, ადამიანის სიარუ-
ლი. როგორც ცნობილია, ადამიანის თითოეული ნაბიჯი არის დროზე
შეჩერებული დავარდნა, სწორედ ასევე ჩვენი სულის აღმავლობაც
სრულყოფის სიმალეებამდე არის განუწყვეტელ დავარდნათა ჯაჭვი,
რომელთაგანაც გვაკავებს თავდაცვის სასიკეთო ინსტინქტი, ღმერთმა
რომ მოგვანიჭა.

როცა პერმა თვალი გადაავლო მის მიერ განვლილ გზას, მოეჩვენა,
რომ ეს გზა ფიალტრინგის სიტყვების უთვალსაჩინოესი მტკიცება იყო.
და მაშინ პირველად შესძლო იმედითა და ნდობით შეეხედა სახეში მო-
მავლისათვის.

* * *

ამასობაში ბესტრუპში გაჩქარებული სამზადისი იყო ქორწილის-
თვის. დილიდან დაღამებამდე ჭირჭინებდა საყერავი მანქანა, ხოლო ორ-
შაბათობით პასტორის მეუღლე დილაადრიან მიემგზავრებოდა ქალაქ-

ში, სადაც მზითვის უმეტესი ნაწილი იყო შეკვეთილი. პერს, კარებში გამოჩნდებოდა თუ არა, ყურებში უდგა სიტყვები: ყაკლის ხე, ტაკი. სატინა, დაჩითვა, რეპსი, მუთაქა, ბალიში, ცხენის ძუა, ლეჩაქის ფარდები, ზეწრის ტილო. ინგერის ფოქრებიც უფრო მეტად იყო დაკავებული სირაჯთან და ღურგალთან საუბრით, ვიდრე სიყვარულის მომავალი ზეიმით. პერი ბესტრუპში უფრო და უფრო ზედმეტად გრძნობდა თავს.

თუმცა თვითონაც ნელ-ნელა ამზადებდა თავის ბინას ინგერის მისაღებად. ახლა მას უკვე საკმაოდ კარგი გასამრჯელო ჰქონდა. თავისი ძირითადი საქმის გარდა (ესე იგი მდინარის კალაპოტის გადაგვიწვინა), უფრო წვრალ საქმეებსაც იღებდა, ეს კი რიგაან შემოსავალს აძლევდა. მან უკვე მთლიანად გაისტუმრა შინაურების ვალი და დაიწყო ფულს გადანახვა ფალიპ სალამონის და ივენის ვალის გასასტუმრებლად.

ახლა პერი შეუდგა თავისი მოუვლელი სახლის მოწესრიგებას შაგნიდანაც და გარედანაც. იყიდა ახალი შპალერი, უბრძანა სამზარეულოში ძველმოდური აგურის იატაკი აეყარათ და ფარები დაეგოთ. ბუნებრივი საზრიანობა აქაც დაეხმარა და მთელ რაგ ერთი შეხედვით უმინიმუმ ენელო პრაქტიკულ საქმეებში ძალიან გამოაჯა — პერმა ადვილად მოუწავლა ღუმელს, გადააკეთა წყალგაყვანილობა და სხვა.

პერმა იცოდა, რომ ინგერისთვის არ არსებობდა იმაზე უკეთესი საჩუქარი, ვიდრე ვახლავთ კარგად მოწყობილი სამზარეულო, გრილი საკუჭნაო, ახლად შეთეთრებული სარდაფი და შემოთ სავსე ფარული მოხერხებული მისადგომით. დედისაგან მან მემკვიდრეობით მიიღო სისუფთავისა და წესრიგის სიყვარული. აკოკოლავებული დარეცხილი თევზების ან გაპრიალებული სპილენძის ქვაბის დანახვა ისეთივე აღტაცებას ჰგვრიდა, როგორსაც სხვა ადამიანებში ხელოვნებას ნაწარმოებები იწვევს.

ბუნებრივია, მეურნეობის რომელიმე ერთ დარგში რომ მოაწესრიგებდა საქმეს, ამით პერს თვალი ეხილებოდა და ამკარად ხედავდა მეორე დარგის ნაკლს. ვერ მოასწრო სამზარეულოს მოთავება, რომ თავში მოუვიდა აზრი, ცოდვა არ იქნება სასტუმრო ოთახშიც ხელახლა დავაგო იატაკიო. თავისდა შეუმჩნეველად ჩაეფლო სამეურნეო ფუსფუსში, ბესტრუპში რომ სუფევდა. პასტორ ფიალტრინგთან მისასველად ახლა აღარ ეცალა. რაკი ეშინოდა, ყველაფრის გაკეთებას ვერ მოვას-

წრებო, მანაც ინგერის მსგავსად დაიწყო ფიქრი იმაზე, როგორ გადაედო ქორწილი ერთი-ორი კვირით.

ამ დროს ქალაქიდან შეკვეთილი ავეჯი ჩამოუვიდა და ამან ახალი საზრუნავი გაუჩინა. კარადა ძალიან დიდი გააკეთეს და სადაც უნდოდა დაედგა იქ ვერ თავსდებოდა; სამაგიეროდ თაროები გააკეთეს იმაზე მოკლე, ვიდრე საჭირო იყო. და რაც მთავარია, ინგერი სასოწარკვეთილებლაში ჩააგდო იმან, რომ ახალი შპალერის მოხატულობა მაინდამაინც არ ეხამებოდა ხალიჩის შეფერადებას და ავეჯის გადასაკრავს. როგორც კი პერი ბესტრუპში გამოჩნდებოდა, ინგერი, შეფიქრიანებული გამომეტყველება რომ ედო სახეზე, მის შესაგებებლად გამოარბოდა და კითხვებს აყრიდა იატაკის სიგრძე-სიგანის თაობაზე, ხოლო როცა პერი მიდიოდა, იმდენ დეალებებს აძლევდა, ზოგჯერ გამოთხოვებისას კოცნაც კი ავიწყლებოდა.

ეს ფუსფუსი თვით დიდ მოვლენამდე გრძელდებოდა, უფრო მეტიც, — ქორწილზე ორი დღით ადრე საერთო პანიკადაც კი იქცა. ყველა შეკვეთა მოტანილი იყო. მხოლოდ საწოლები აკლდათ და მათ მიღებას დღე-დღეზე ელოდნენ. მეავეჯესთან კაცს კაცზე აგზავნიდნენ და ისიც პირდებოდა, საწოლებს ვადაზე გამოგიგზავნითო. საწოლები მაინც არა და არ ჩანდა და ბესტრუპში ერთადერთ სალაპარაკო თემად გადაიქცა. პერს ვერ გაეგო, როგორ შეეძლო ასეთ მორცხვსა და უმანკო ინგერს თავისი განცდები გაეზიარებინა არა მარტო მისთვის, არამედ ყველასთვის; ვინც კი ბესტრუპში შეივლიდა. ქარაშხლის ექომ ქალაქამდეც მიადწია, ყველგან მხოლოდ ამ საწოლებზე ლაპარაკობდნენ; ამიტომაც, როცა ქორწილამდე ერთი დღით ადრე ისინი თავის ადგილას დადეს, ყველამ შვებით ამოისუნთქა.

დადგა ფრიად მნიშვნელოვანი დღე. დილიდანვე კაშკაშა მზემ გაანათა დროშებით მორთული ქალაქი. მოხუცი და ახალგაზრდა ქუჩაზე გამოეფინა, როცა საქორწინო კორტეჟი ეკლესიისკენ გაემართა. ინგერი ღია ეტლში იჯდა, წარმოაადგე ზანშიშესულ ბატონთან — თავის ბიძასთან ერთად. ბიძას გაურკვეველი ფერის წვეტიანი წვერი ჰქონდა, ხოლო მისი ფრაკის ღილის კილო ვარდს დაემშვენებინა. ინგერი ლამაზი იყო, მაგრამ სამწუხაროდ, კარგად იცოდა ეს. დეიდები, მას რომ ერთავდნენ, მეგობარი ქალები, ფატა და მურტის გვირგვინი რომ დაახურეს, მოსამსახურეები და მსახურნი, მათ კარმიდამოზე რომ ირე-

ოდნენ, — ყველა ერთხმად აცხადებდა, რომ პესტრუპის ეკლესია! არასოდეს არ ენახა ამაზე უფრო მეტად მომხიბლავი პატარძალი.

სტუმრებს შორის პერის ორი ნათესავიც ერია — ებერხარდი და სიგნე. ქორწილზე მთელი აქაური „უმაღლესი საზოგადოებაც“ გამოცხადდა: იუსტიციის მრჩეველი კლაუსენი, პოფეპერმეისტერის მეუღლე, უმაღლესი სახალხო სკოლის გამგე, რამდენიმე მღვდელი, სოფლის თემის საქმეთა რწმუნებული, რიმალტის ინტელიგენციის ნაღები — ერთი სიტყვით, ორმოცდაათ კაცამდე.

შუადღისთვის პასტორის ბაღი ხალხით იყო გაჰყვდილი. ცნობისმოყვარენი სადღეგრძელოების მოსასმენად ფანჯრების მახლობლად მიჰყვებოდნენ. მერე მათთვის ხეების ქვეშ გაშალეს სუფრა, რათა არავინ წასულიყო გაუმასპინძლებლად, ხოლო ბრბო თანდათან იზრდებოდა და ბოლოს ბაღში ნამდვილი სახალხო სერენობა გაჩაღდა.

მეორე დილით შორიდან ჩამოსული სტუმრების გამგზავრებას შეუდგნენ — პირველად ებერხარდი და სიგნე წავიდნენ, მერე მათ მიჰყვა პასტორის მეუღლის ძმა, ინგერის ბიძა. ძალიან მიშვიდველი კაცი აღმოჩნდა, აშკარად ეტყობოდა, თავგადასაყლები დღად იტაცებდა. თავის დროზე მან საკმაოდ ინებიალა ქვეყანაზე, მერე კი ერთ ადგილზე დაბინავდა და კომერციული დირექტორიც კი გახდა ფიქმის ერთერთი სოლიდური ნაგაშენისა, და იქვე მოეკიდა ოჯახს. ის სიხარულით ჩაებლაუჭა სამშობლოში ყოფნის საბაბს, სადაც მრავალი წლის განმავლობაში არ ეცხოვრა და პესტრუპში ქორწილამდე მთელი კვირა გაატარა მისი უჩვეულო გარეგნობა და უცხოური მანერები აფრთხობდა პასტორის ოჯახს და უჭირდათ ამ კაცთან დაახლოება. განსაკუთრებით თვით ბლომბერგს, რომელიც ცოლის ძმას „ძველ ქარაფშუტას“ ეძახდა. სამაგიეროდ პერს ინგერის ბიძა ხელად შეეწყო. რამდენჯერმე გაჰყვა. როცა ის საქმეებზე დადიოდა. თუმცა მას ტექნიკაში ბევრი არა გაეგებოდა რა, სამაგიეროდ შეეძლო სამუშაოს ხარისხი შეეფასებინა და სრულიად აშკარად, თუმცა საკმაოდ თავშეკავებით გადაუქრა სიტყვა თავის დას და მის ქმარს, თქვენი სიძე ცოდვაა ამ ჭურღმულში იყოს და რუები უთხაროს გლეხებსო.

ფრუ ბლომბერგი, დილიდანვე ძალიან აღელვებული რომ იყო, სტუმრების გამგზავრების მერეც არ დამშვიდებულა. მან ძმა სადგურამდე გააცილა, რომ ბარემ ახალნაქორწინენიც მოენახულებინა.

უკვე ისე აღრეც აღარ იყო, მაგრამ ინგერი და პერი მხოლოდ ახლა

საუზმობდნენ, თანაც სუფრაზე სულაც არ სუფევდა მხნე განწყობილება. პერი შეცბუნებული იყო, ხოლო ინგერი ფერმკრთალი, მღუშმარე და გაბუტული იჯდა. ფრუ ბლომბერგმა თავი ისე მოაჩვენა, თითქოს ვერაფერი შენიშნა. ის მაშინვე მიხვდა, რაც მომხდარიყო და ღიმილი ძლივს შეიკავა. ოცდაორი წლის წინათ თავადაც განიცადა ასეთივე დილა ქორწინების პირველი დამის შემდეგ. ამიტომ წყნარად დალია თავისი ყავა და ნეფე-დედოფალს ქორწილსა და სტუმრების გამგზავრებაზე ემასლაათა. მერე ინგერს საშზარეულოში და საკუქნაოში წაჰყვა რაღაც შინაური საქმეების მოსაგვარებლად, ხოლო პერი თავის კაბინეტში შეძვრა და სიღედრის წასვლამდე არ გამოსულა იქიდან.

პერი ფანჯარას მიუჯდა და ხელებზე თავდაყრდნობილი ღობის იქია ვადაჭიმულ მინდვრებს ათვალიერებდა. მას მშვენივრად ესმოდა, რომ არაფერი საშინელი, კაცმა რომ თქვას, არ მომხდარა და ინგერიც დროთა განმავლობაში აღარ იქნება ასეთი უკარება. მაგრამ წყენამ არ გაუარა და გული მაინც სტკიოდა.

იმ ნათელი წუთების მაგიერ, მისთვის რომ აღბათ ყველაზე ძვირფასი მოსაგონარი იქნებოდა, ისეთი მძიმე და არასასიამოვნო სცენა გამოვიდა, მუდამ სირცხვილით და ზიზლით მოიგონებს.

პერს გაახსენდა სხვა ქორწინების დამე — იაკობასთან გატარებულ პირველი დამე და უნებლიეთ ერთმანეთს შეადარა ეს ორი დამე. მაგრამ უეცრად რაღაცა ავის მომასწავებელი გრძნობა შეერხა შეგრძნების სიღრმეში და შხამიანი გველივით შიგ გულში უკბინა. იქნებ პერა თავად არის ყველაფერში დამნაშავე? იქნებ მან კვლავ უნდა ზღოს წარსულის სამაგიერო?

თ ა ვ ი X X V I

ქორწინებამ პერს სრული ბედნიერება არ მოუტანა. ყოველგვარი იმედი, იმის მიღწევას შეეძლებ, რომ ინგერმა დამოუკიდებელი სულიერი ცხოვრებით იცხოვროსო, გაუნაღარმტვერდა. რაკი ფხიზელი, პრაქტიკული და ანგარიშიანი ბუნებისა იყო და თანაც ირწმუნა, მამაზემი ქრისტიანობის უკანასკნელ ბურჯს წარმოადგენსო, ინგერს აშკარად ვერ გაეგო, რას მოითხოვდა მისგან პერი. თავისი პატივცემული

მშობლის მსგავსად მას მიაჩნდა, რომ პერი დაუახლოვდა პასტორ ფალტრინგს მსოლოდ წინააღმდეგობის უნისა და ორიგინალურობის სურვილის გამო.

ამ გარებულმა ცხოვრებამ, რომლითაც იძულებული იყო ეცხოვრა და სხვადასხვაგვარმა გავლენებმა პერს ისე აურიეს გონება, ხანდახან თითქმის შეშლილს ჰგავდა. ბოლოს თვითონაც შენიშნა, რომ საქმე ვერ იყო კარვად, ძალიან შეშფოთდა და შეეცადა მოეჭებნა რაიმე გამოსავალი.

ეს გამოსავალი პერმა იქ იპოვა, სადაც ბევრჯერ უპოვია წინათაც: ყოფიერების ბუნებრივ მხარეში და ამაში თვით ინგერი დაეხმარა. იქ უკვე თვეში იღვა და როგორც თითქმის ყველა ქალს, ვინც პირველად ემზადება დედობისათვის, სხვა არაფერზე შეეძლო ფიქრი, მოსალოდნელ მშობიარობისა და ამისთვის მომზადების გარდა. მაგრამ ამავე დროს საოცრად იკავებდა თავს. სწორედ ამ სიმშვიდემ, ამ სულეგრძე შეუღრეკელობამ, რომლითაც ინგერი, მთელი თავისი გამოუცდელი ნიჭი დაეხმარა, მოელოდა მშობიარობას, პერი დიდად აღაფრთოვანა და მის გონებასაც მდიდარი საზრდო მისცა.

მერე მოვიდნენ გარდაუვალი მღელვარებანი, ინგერის ტანჯვა, შიში ინგერისა და ბავშვის გამო, მამობის სიხარული, უეცრად გაზრდილი პასუხისმგებლობის გრძნობა — და ყოველივე ამან ერთად აღებულმა მაგრად მიაჯაჭვა პერი დედამიწას.

მაგრამ ბორუტში სიარულზე მთლიანად უარის თქმა არ შეეძლო. დიდი, ბნელი კაბინეტი, სადაც ვიწრო ფეხსაფენები ეფინა და იაქთალში დაბალ ფანჯრებს შორის მაღალი საწერი მაგიდა იდგა, ძველებურად გაურკვეველი ძალით იზიდავდა მას, მაგრამ ახლა პერი იქ რომ მიდიოდა, სინდისი ქენჯნიდა. ასე იღუშალად ლოთი აპარება სამიკიტნოში. ეს ვიზიტები უფრო და უფრო იშვიათი და იშვიათი ხდებოდა, ვიდრე ბოლოს ტრაგიკულმა მოვლენამ, რის შესახებაც ოლქში დიდხანს იყო დაუარულებელი მითქმა-მოთქმა, სულ არ შეწყვიტა.

ერთხელ ავღრიან შემოდგომის დღეს ხმა გავრცელდა, პასტორი ფალტრინგი სახლიდან გაქრაო. ნახევარი წლით ადრე მან მეუღლე დაკარგა, მაგრამ იმის მაგიერ, რომ შვებით ამოესუნთქა, ახლა უფრო ძალიან ეშინოდა ხალხისა და დღის სინათლისა. პასტორი რომ გაქრა, ყველამ იეჭვა, საქმე ცუდად არისო. პერმა დაუყოვნებლივ გააჩაღა ძებნა. მან ყოველ მხარეს დაგზავნა ხალხი — ზოგი ტყის დასათვალი-

ერებლად, ზოგი მდინარის ფსკერისა და ყველა ხევის თუ გამოქვაბულის მოსაჩხრეკად. თურმე პასტორს სხვენზე, ტანსაცმლის ცარიელ კარადაში ჩამოეხრჩო თავი.

ბოლო წლებში პასტორ ფიალტრინგს მხოლოდ პერის ნახვა უხაროდა და მას ელაპარაკებოდა გულახდილად. პასტორის გაქრობამდე ცოტა ხნით აღრე პერი რამდენიმე საათი იჯდა მასთან და პირდაპირ გაოცებას იყო, რა თავდაპყერით და მშვიდად ლაპარაკობდა ის თავის თავზე და თავის მარტოხელობაზე. პირდაპირ დასცინოდა თავის ხორციელ უძღურებას.

— ჩვენ მადლობელი უნდა ვიყოთ ყოველი ტკივილისა, რომელსაც კი განგება გვიგზავნის, — თქვა მან, — რადგან მხოლოდ ის განაახლებს და ამტკიცებს ჩვენს სულს.

თავისი სიტყვების დასამტკიცებლად ფიალტრინგი მოჰყვა სასიერო ისტორიას, ერთხელ იმდენად ღრმად ჩავეფლე პირველშობილ შეცოდებაზე ფიქრში, კინაღამ შევიშალეო.

— მაგრამ ამ დროს კეთილისმყოფი გამჭოლი ქარის მეოხებით, როგორც ტანჯულს შეეფერებოდა, კარგი კბილის ტკივილი ავიკიდე და ყველა პირველჩენილი შეცოდებანი ეშმაკებისკენ გაფრინდნენ! ვილას ახსოვდა შეცოდებანი, მგონი ჩემი ნათლობის მოწმობასაც მივცემდი კბილის ტკივილის დასაამებელ ცხელ საფენში.

ახლა, როცა ფიალტრინგი უკვე ცოცხალი აღარ იყო, როცა თავისი საშინელი სიკვდილით მან კიდევ ერთხელ დაამტკიცა თავისი ფილოსოფიის უნაყოფობა, პერმა თავი იგრძნო ადამიანად, ვინც ბედნიერად აიცდინა სიკვდილის საშიშროება. ზუსტად ასეთი შეგრძნება დაებადა მაშინაც, გაზეთებიდან ხანსენ ივერსენის მკვლელობის ამბავი რომ გაიგო. აგზნებულმა ხელმა შეიყვანა ის პირქუშ, უდაბურ და ავისმომასწავებელ იწროებში, თვით სულის სამეფოში, საითაც უკვე დიდი ხანია იზიდავდა მაცდუნებელი მირაჟები. დაე, ასე იყოს! სულერთია, პერი მარად სიყვარულით და მადლიერებით გაიხსენებს ამ მარტოხელა და უბედურ ადამიანს. თვით სიკვდილითაც ფიალტრინგი მისი დამრიგებელი და მხსნელი იქნება.

ამიტომაც პერს დიდად აშფოთებდა მფარველური თანაგრძნობა მამლარი და ბედნიერი ადამიანებისა, მშვიდად რომ იფურჩქნებოდნენ საკუთარი გულგრილობის მტკიცე მესერს მიღმა და ცხოვრებაში არც ერთხელ არ განუცდიათ ღმერთის გამოწვევის ტიტანური მისწრაფება.

ყველაზე აუტანელი მისი სიმამრი იყო, მოწყალებით რომ იქნევდა თავს.

-- დიახ, დიახ, ეს მოსალოდნელი იყო. მე ამას ვითვალისწინებდი. მაშ, როგორ შეუძლია, ერთი მითხარით, გეთაყვა, დაასრულოს სიცოცხლე ადამიანმა, ვინც საკუთარ თავთანაც ვერ ცხოვრობს შეხმატკბილებულად? როგორც გინდათ თქვით და, მე კი მეცოდება. ახ, საბრალო, საბრალო!

პერს პირდაპირ ენა ექავებოდა, ისე უნდოდა სიმამრისთვის ერთი მკვახე სიტყვა მიეხალა, მაგრამ თავი შეიკავა და კრინტიც არ დაუძრავს. უკვე ბევრჯერ აკეთებდა ამას ინგერის ხათრით.

* * *

შეუმჩნევლად განვლო ერთმა წელმა, მას მეორე მიჰყვა, მერე კიდევ სამამა გაიარა. განსაკუთრებული, შეუმჩნეველი სიჩქარით გაიარბინეს ამ წლებმა. სოფელში ასე გადის ხოლმე დრო, — დღეები აქ ნელ-ნელა მიიზღაზნებიან, ხოლო წლები კი მიჰქრებიან.

იდილიური კარ-მიდამოს ბაღში, რიმალტის მწვანე ბორცვებს შორის უკვე სამი ბავშვი დარბოდა — ხუთი წლის ბიჭი და ორი გოგონა: სამივე ზედგამოჭრილი მამა იყო — ცისფერთვალემა და წაბლისფერკულულებიანები. მდინარის კალაპოტის გრანდიოზული გადაგვეგმა კარგა ხანია წარმატებით დასრულდა და პერი ხშირად ლაპარაკობდა იმაზე, რომ სადმე სხვა ადგილზე გადასულიყვნენ, მაგრამ ინგერს გაგონებაც არ უნდოდა მშობლიურ ადგილებთან გაშორებისა. ის აღმერთებდა თავის ახალ სახლს, როგორც წინათ აღმერთებდა ძველს, და თავისუფალი ღირსების საქმედ თვლიდა სისუფთავის და წესრიგის ნიმუშად მის გადაქცევას.

თუმცა, არც თვით პერს ჰყოფნიდა გამბედაობა, შეჩვეული ადგილი მიეტოვებინა. დღეები მშვიდობიანად გადიოდა, ბავშვები იზრდებოდნენ, ხოლო ინგერი ასე ამაღლელებლად ბედნიერი იყო, ასე მადლიერი იმისა, რომ შეეძლო მშობლებთან ახლოს და ძველ მეგობრებს შორის ცხოვრება. პერი კი, თუ არ ჩავთვლით საკუთარ სახლს, ისევე უცხოდ თვლიდა თავს ოლქში. სამაგიეროდ სახლი, მიწის ნაჭერი და ბაღი მტკიცედ შეეზარდნენ მის გულს და ძნელი არ იყო მისი დაყოლიება, რომ არსად წასულიყო. ამასთან, ბოლო დრომდე ყელამდე ჰქონდა ყვე-

ღანაირი საქმე აქაც, ოლქში, მ-წინამზომელისა და საგზაო სამუშაოე-
ნი თუ ხიდების აგება. გასამრჯელო კარგად ყოფნიდა საცხოვრებლად.
თანდათან პერმა ყველა ვალი გაისტუმრა.

სამაგიეროდ, გამოგონებაზე მუშაობას კვლავ არ შესდგომოდა.
უფრო და უფრო იშვიათად ჰქონდა სერიოზული მეცადინეობის სურ-
ვილა. ხოლო სურვილთან ერთად, თითქოს უნარმაც უმტყუნა.
ოდესღაც ესოდენ ბრწყინვალე მისი გონება უნაყოფო გახდა. გამოგო-
ნებაზე ხელი ჩაიქნია და აღარც დაბრუნებია მეტად. სახლის უკან
ბორცვზე, იქ, სადაც პერი ოდესღაც ახალი ტიპის ძრავიანი საცდელი
წაქვერალის აგებაზე ოცნებობდა, ახლა სკამი დადგეს, რომ მიდამოთა
დაპტებარაყენენ. აქ ხშირად იჯდა საღამოობით ინგერთან ერთად და
ოაზე აღარ საუბრობდნენ, ხოლო ბავშვები მხიარულად ცეკვობდნენ
იქვე ბალახში.

უმთავრესად ინგერი ლაპარაკობდა. პერი, წინათ ასეთი ლაპარაკის
მოყვარული რომ იყო, დროთა განმავლობაში სიტყვაძვირი გახდა.
მხოლოდ იშვიათად, განსაკუთრებით ბავშვებთან თამაშის დროს, ისიც
გაცეკვლებოდა ხოლმე ბავშვივით. ჩვეულებრივად კი პერს ძალიან
ხშირად ეცვლებოდა განწყობილება და თანაც ყოველგვარი აშკარა მი-
ზეზის გარეშე, ეს კი დროდადრო ძალიან აღელვებდა ინგერს. ზოგჯერ
სრულად წყნარი და ყოველდღიური საუბრის დროს პერი უეცრად
დადუმდებოდა ხოლმე, მიაშტერდებოდა ერთ წერიტილს, თითქოს აზ-
რები უეცრად რომელიღაც სხვა საგანს მიაპყრო, რის შესახებაც
ერჩია არავისთან არ ელაპარაკა. ეს უეცარი განრიღებულობა საათო-
ბით გრძელდებოდა, ხოლო ხანდახან დღეობითაც და ამ დროს ვერა-
ფერს გააწყობდი, თუ არა თავის ისე დაჭერა, თითქოს არაფერი
მომხდარიყოს და არ ჩააცივდებოდი შეკითხვებით.

ოჯახური ცხოვრების პირველ წლებში ინგერს, თავისი მშობლების
მიბაძვით მიაჩნდა, რომ მსგავსი მერყეობა პერისა პასტორ ფიალტრინ-
გთან მისი ნაცნობობის შედეგი იყო. მოგვიანებით გადაწყვეტა, რომ
მ-ს მეუღლეს ბედუყუღმართ გამოგონებაზე ფიქრი სტანჯავდა. სანამ
მასზე მუშაობა არ შეწყვიტა, ზოგჯერ ვერაფრით ვერ აამებდი ხოლმე
პერს, ეჩვენებოდა, რომ სახლში არააპმარისი სიჩუმე იყო, ოდნავი
ხმაურიც კი აღიზიანებდა და გამუღმებით წუხდა, რომ საკმარისია
იგრძნოს შემოქმედებითი ენერგიის მოზღვავება, მაშინვე ინგერი სახ-

ლის დალაგებას წამოიწყებს და კაბინეტში მუშაობის სამუალებს აღარა აქვს ხოლმე. ამიტომ ქალმაც თავის დროზე გადაწყვიტა. ქმრის თავიდან ამოეგდო გამოგონებაზე ფიქრი. ახლა კი ინგერი მზად იყო პერიან განწყობილების უეცარი და გაუმართლებელი ცვალებადობა მისი ფიზიკური დასნეულებისათვის მიეწერა, ზოგჯერ რომ შეუტევდა ხოლმე და გაღიზიანებულსა და ენინანს ხდიდა. თუმცა, პერი თავადაც არ ხსნიდა ამას სხვანაირად.

ისევ შემოდგომა დადგა, ბაღში ხილი მწიფდა, ინგერი მთელი დღე მურაბების ხარშვაში და წნილების კეთებაში იყო.

ერთხელ, შუა სექტემბერში, ინგერი ტოტებგაშლილი კაკლის ქვეშ სკამზე იჯდა. ის დაჩვეული იყო ნასადილევს აქ დასვენებას, ამ დროს ბავშვებს მინდორში ძიძის მეთვალყურეობით სასეირნოდ უშვებდა ხოლმე. სიზუსტისადმი სიყვარულის გამო ცდილობდა რამდენადაც შეიძლებოდა დაეცვა დღის მტკიცე განრიგი და ნასადილევს ერთი საათი ყოველგვარ სამეურნეო და საოჯახო საქმეებზე ფიქრისთვის დაეთმო. მან გაიკეთა ლამაზი წინსაფარი და კალთაზე მწიფეალებიანი თიხის ჯამი დაიდგა; გვერდით სკამზე ცარიელი ტაშტი იდო, ინგერი იმაში აგდებდა მარცვალს მარცვალზე, რომელთაც წინასწარ თმის-სარკით კურკებს აცლიდა. ინგერი ისეთივე მოზდენილად მომ-რაობდა, ისე სწრაფად და მტკიცედ, როგორც ყოველთვის, როცა კი საქმიანობდა ხოლმე. მისი თეთრი თითებიდან წვეთ-წვეთად ჩაშლიო-და თვალისმომჭრელი წითელი წვენი. კაკლის დიდებულ გვირგვინს უკვე ეტყობოდა შემოდგომის პირველი ნიშნები — მწვანე ფოთლებს შორის აქა-იქ მკვდარი, გახუნებული ფოთოლი მოჩანდა. მაგრამ თვით ინგერი გაფურჩქვნის ხანაში იყო — მომწიფებული, რომელი მატრო-ნასავით დიდებული, თუმცა მხოლოდ ოცდაშვიდი წელი შეუსრულდა. ფიზიკური სიაუსტე, მის განვითარებას სიყმაწვილეში რომ აფერხებდა, გათხოვების შემდეგ უკვალოდ გაქრა. ინგერი სავსებით ჯანმრთელად გრძნობდა თავს და, თავისდა სასიხარულოდ და საამაყოდ, სამივე შვილს თავად აწოვა ძუძუ.

ინგერი ბედნიერად გრძნობდა თავს ქმართან, თუმცა სულ სხვა-ნაირად, ვიდრე მოელოდა. მერყევი ხასიათის მიუხედავად, პერი მუდამ მოსიყვარულე და მზრუნველი ქმარი და მამა იყო, მაგრამ ისეთ თავა-ზიან რაინდად, ვისზედაც ინგერი ქორწინებამდე ოცნებობდა, მანაც ვერ იქცა. ზოგჯერ ინგერს ძალიან უკვირდა, რატომ უყვარდა ასე პერი.

თუ მის ენინანობაზე ხმას არ იღებდა, ეს მხოლოდ იმიტომ, რომ ეს დედობრივ გრძნობას უღვიძებდა. როცა პერს სევდა და სასოწარკვეთილება ეუფლებოდა, — ხოლო რაც დრო გადიოდა ეს უფრო ხშირად ხდებოდა, — ინგერი მას ავადმყოფივით ექცეოდა, ვისზედაც არ უნდა განაწყენდეს. თანაც მშვენიერად ზედავდა, რომ ამ შეტევებისგან პერს უფრო მეტად იტანჯებოდა, ვიდრე თვითონ.

იმ პერიოდში, რომელზედაც ლაპარაკია, პერს სწორედ მელანქოლიის მორიგი შეტევა დაეწყო. წინააღმდეგობა პატარა ხაგბარტის დაბადების დღე აღნიშნეს და პერი დილიდანვე მშვენიერ გუნებაზე იყო. ალიონს აპყვა, რომ მინდვრის ყვავილები დაეკრიფა და სახლი მოერთო, ხოლო როცა ბავშვები ადგნენ, დიდხანს ეთამაშებოდა მათ ბაღში. ბავშვები ძალზე აღფრთოვანებულნი იყვნენ, თვითონ ინგერიც იცინოდა, საწოლი ოთახის ფანჯრიდან რომ ხედავდა, როგორ დახობავდა ოთხზე დამდგარი პერი ბუჩქებში. მერე ფოსტა მოიტანეს და თამაში შეწყდა. ერთი საათის შემდეგ ინგერი ქმართან კაბინეტში შევიდა და მაშინვე დაინახა, რომ პერი ისეთი აღარ იყო, როგორც დილით. ის იჯდა ფანჯარასთან. ხელში გაზეთი ეჭირა და თვალები ამოღებოდა. ინგერმა კარგად იცოდა, რასაც ნიშნავდა ეს. საზეიმო სუფრაზე პერს, ბავშვების გასაკვირად, კრინტი არ დაუძრავს, ხოლო როცა სადილად მოვიდნენ მშობლები, რათა ბავშვის დაბადება მიელოცათ, გადაუღებელი საქმეები მოიმიზნება, შინიდან წავიდა და საღამომდე არ დაბრუნებულა.

განწყობილებათა ამ მშფოთვარე და უეცარ ცვალებადობაში, შავი მელანქოლიის შეტევებში, პერს რომ ემართებოდა, იყო რაღაცა ავის მომასწავებლად ნაცნობი, განსვენებულ ჰოფეჰერმეისტერს რომ მოგაგონებდათ. იმისი სულის ავადმყოფური ცვალებადობაც ფიზიკურ სნეულებებზე იყო დამოკიდებული, იქნებ კიბოზე, რამაც საფლავში ჩაიყვანა. ინგერმა პირობა დადო, პირველივე შესაძლებლობისთანავე მოლაპარაკებოდა ამის თაობაზე ექიმს.

ინგერი ფიქრიდან გამოარკვია აღფრთოვანებულმა წივილმა, ბორცვიდან რომ მოისმა. ეს ხაგბარტი და მისი უფროსი და ინგებორგი ასულიყვნენ ბორცვზე რათა დაენახათ, ზომ არ მოდიოდა მამა და, შორიდან მისი პეგასი რომ დაინახეს, სიხარულით აკივლდნენ.

ინგერი წამოდგა, ტაშტი აიღო და წავიდა, რათა მოსამსახურისთვის განკარგულება მიეცა, პერს სადილი გაუმზადეო. დღის მტკიცედ დადგენილი რეჟიმი რომ არ დაერღვია, პერმა თითონ ითხოვა, არასო-

დეს არ დამიცადოთ, თუ სადილად დამაგვიანდესო. ინგერმა თავისი ხელით დაუდო პერს ულუფა — დღეს სადილად ტკბილი ფაფა, შინაურული ლუდი და შებოლილი გველთევზა ჰქონდათ ჩაშუშული კარტოფილით. ბლომად მოუტანა საქმელი. პერი დილიდანვე წასული იყო. ჯიბით რამდენიმე ბუტერბროდი ჰქონდა წალებული და ინგერმა იცოდა, რომ სუფთა ჰაერზე გატარებული დღის შემდეგ შინ მგელივით დამშეული დაბრუნდებოდა. ამამიც ჰოფეჰერმეისტერს ჰგავდა პერი: კუშტი განწყობილება არასოდეს არ უფუჭებდა მადას, არამედ პირიქით. მას შესანიშნავად ახსოვდა, ნადველი რომ ძალიან მოერეოდა ხოლმე, ჰოფეჰერმეისტერი საერთოდ ველარ გრძნობდა გაძლომას.

და აი, პერი თავისი პეგასით სახლთან მივიდა. ბავშვები, ძიძა და ქათმები გარს შემოეხვივნენ. მერე მათ მსახური შემოუერთდათ. „ნაბოლარამ“, ძიძას რომ ხელში ეჭირა, მამას ლოყა მიუშვირა საკოცნელად, უფროსები უკვე ანონდნენ ორთვალაზე, თვითელი „საკუთარ“ ბორბალზე. მამის გვერდით მოიკალათეს და მათრახი ატკაცუნეს. ინგერი სამზარეულოში ფანჯარასთან იღვა და დედობრივი სიამაყით ტკბებოდა ამ სცენით.

ბოლოს პერი არც თუ ალერსიანად დაუსხლტა ბავშვების ჩაბლაუჭებულ ხელებს, მსახურს განკარგულება მისცა ცხენის თაობაზე და მიწაზე ჩამოხტა.

პერიც გასუქდა ამ უკანასკნელ წლებში, მხოლოდ სახის ფერი არ ჰქონდა ინგერივით ჯანსაღი და ფართო, ხშირი, ოდნავ გაწეწილი წვერი ძალიან აბერებდა.

— იყო ვინმე ჩვენთან? — იკითხა მან, როცა მაგიდას მიუჯდა, და მაშინვე, არც კი დაუნახავს რა დაუდეს წინ, პირში მოზრდილი ლუქმა ჩაიდო.

— არა, მთელი დღე მარტონი ვართ, — მიუგო ინგერმა. ის იქვე ჩამოჯდა საქსოვით ხელში, რომ პერს უფრო ხალისიანად ესადილა — შენ დღეს წერილები არ მიგიღია?

— არა, მხოლოდ გაზეთები მივიღე.

— რა წერია ახალი?

— არ ვიცი, არ გადამითვალისწინებია.

ორივე გაჩუმდა.

— მითხარი, გეტყევა, გუშინ არ წავიკითხავს გაზეთები? — გაუბეღავად ჰკითხა პერმა უეცრად.

— გუშინ? არა, არ მაგონდება. რაიმე საინტერესო ეწერა?

— როგორ გითხრა, იქ იყო ორხულის ყრილობაზე ინჟინერთა გამო-
სვლის ანგარიში.

— უნდა წახვიდე. ეს ხომ საინტერესოა შენთვის.

— მერე რა დამრჩენია იქ? არავის არ ვიცნობ. თანაც მე ხომ ინჟი-
ნერი არა ვარ.

— განა ასეთ ყრილობებში მიწისმზომელები არ მონაწილეობენ?

— მე მგონია, არა.

— მაგრამ შენ ხომ გაინტერესებს, რაზე ლაპარაკობენ ისინი.

— ოდესღაც მაინტერესებდა.

— რაზეა ლაპარაკი იმ ანგარიშში?

— ისე, მოლაპარაკებაა ღია პორტის და დასავლეთ იუტლანდიის არ-
ხის შექმნაზე ურტინგის ყურეში. ყველა გაზეთებში ეს პროექტი სტეი-
ნერის პროექტად არის მოხსენიებული. თუ გახსოვს, ოდესღაც მეც ვა-
ყენებდი ასეთ იდეას.

— და წიგნიც დაწერე ამაზე?

— ჰო, წიგნიც დავწერე.

— მაშასადამე, ახლა პროექტი საბოლოოდ განხორციელდება?

— არა მგონია. კოპენჰაგენის პროექტი — უკვე გადაწყვეტილი საქ-
მეა. ხოლო ერთი გამორიცხავს მეორეს.

— მაშ რისთვის ჩმაურობენ ისინი აქამდე ამაზე?

— ეს სულ მათი იუტლანდური პატრიოტიზმის წყალობითაა. მეტი
არაფერი. ისე კი, ბატონი სტეინერისთვის ხელსაყრელია, თუ მოლაპა-
რაკება რაც შეიძლება მეტ ხანს გაგრძელდება, მთელი ძალ-ღონით
ცდილობს, რომ ძალიან მალე არ დამთავრდეს. ამბობენ, თითქოს შეკ-
რებილებმა მას ნამდვილი ოვაცია გაუმართეს. საზეიმო სადილზე
შამპანური მდინარესავით იღვრებოდა, ვიღაცამ სიტყვა წარმოთქვა და
სტეინერი დანიელ ლესეპსს შეადარა. ფაფა აღარ დარჩა?

— არა. უჰ, როგორ ვწუხვარ. კიდევ შექამდი? სამაგიეროდ მეორე
თავი საქმელი უფრო მეტი შეგინახე.

— მაშ კარგი, გმადლობ.

— იცოდე, ძალიან ნუ გაძლები. სალამოთი შეაფთიაქესთან ვართ
დაპატიუებულნი.

პერმა შუბლი შეიკრა.

— მართლაც დაპატიუებულები ვართ. სულ დამავიწყდა. მითხარი,

გეთაყვა, როდის შევწყვეტთ ყოველგვარ დაპატუებებზე სიარულს. მიინცდამინც დიდად არ გვეამება ხოლმე ეს.

— კი, განსაკუთრებული მხიარულება იქ, ცხადია, არ იქნება. ჩემო აზრით, შინ დარჩენა სჯობს, მაგრამ ხომ არ შეიძლება ტყუილუბრალოდ ვაწყენინოთ ხალხს. თუნდაც მამაჩემს უნდა გაუწიოთ ხათრი. მას ეს არ მოეწონება. ხალხი ისედაც ლაპარაკობს ჩვენზე, თავი შორს უქირავთო.

პერმა არაფერი უპასუხა და სადილის დანარჩენმა დრომ მკაცრ სიჩუმეში ჩაიარა. მერე კაბინეტში ყავა მოართვეს და პერი და ინგერი იქ გადავიდნენ.

კაბინეტი დერეფნის მეორე მხარეზე მდებარეობდა. ეს იყო ვიწრო, ბნელი ოთახი, რომლის ფანჯარაც უსასრულო მინდვრებზე გადიოდა, ხოლო ფარული კარი — საწოლ ოთახში. თავისი ძველი — დიდი და მზიანი კაბინეტი — პერმა ოჯახის გაზრდასთან დაკავშირებით ბავშვებს დაუთმო. უნდა ითქვას, რომ ამ სადა, წყნარ, განცალკევებულ ოთახში ის სულაც არ გრძნობდა თავს უფრო ცუდად, რადგან ეს აგონებდა ახალგაზრდობისდროინდელ კარჩაკეტილ ცხოვრებას ნიუბოდერში ან ფრედერიკსბერგში. სულაც არ იყო ხოლმე აღფრთოვანებული, როცა ინგერი ცდილობდა როგორმე მოერთო მისი ოთახი და ყვავილებიან ქოთნებს ან ცოცხალი ყვავილების თაიგულებს დგამდა იქ. მათი სუნი-საგან თავბრუს ესხმოდა, თანაც ბუნების კაშკაშა ფერები სრულიად არ ეხამებოდა იმ განწყობილებას, უფრო და უფრო ხშირად რომ ერეოდა ხოლმე.

მთელ ოთახში ერთადერთი მორთულობა იდგა — დიდი მარმარილოს ბიუსტი. ის წიგნების თაროზე იდო და თითქმის ებჭინებოდა დაბალ ჭერს. ბიუსტი გამოსახავდა ლამაზ, ახალგაზრდა მამაკაცს, ხვეული თვა, ფართო შუბლი და ვნებიანი ტუჩები რომ ჰქონდა, პირი კი, — ანტიკური ბიუსტების მსგავსად — ოდნავ გაღებული, რათა უფრო შეტად ჰქონოდა ცოცხლის ელფერი. თავი გვერდზე ისე მიებრუნებინა; მოკრივესნაირი მშვენიერი კისრის მუსკულატურა აშკარად უჩანდა. ნებისყოფის გამომხატველი ღრმა ნაოჭი შუბლს თითქმის გადაბმულ წარბებს შორის სერავდა. გამოხედვა მბრძანებლური ჰქონდა. ღიმილი ახალგაზრდობის, ძალის და გაბედულობის სიჭარბეს ამჟღავნებდა.

ეს ყოველივე ერთად აღებული წარმოადგენდა ახალგაზრდა პერის ძლიერ გაიდევალეებულ პორტრეტს, ბარონესამ რომ შეუყვება მათი

რომში ერთად ყოფნის დროს. ჰოფეპერმეისტერის შეუღლემ საქიროდ ჩათვლა მისი გამოსყიდვა დის ხათრით და ინგერს საქორწინო საჩუქრად მიართვა. მაგრამ ინგერს ამ ბიუსტმა მაშინვე ისეთი ზიზღი მოჰგვარა, რომ გადაწყვიტა დაუყოვნებლივ დამალა სხვენზე. მერე რისხვა მოწყალეებით შეცვალა და ნება დართო მოეთავსებინათ სასაღილოში, სადმე კუთხეში, მაღლა, რომ თვალში არავის მოხვედროდა. სწორედ იქ იდგა, სანამ ერთ მშვენიერ დღეს პერმა მისი თავის ოთახში გატანა არ მოინდომა. თუმცა ინგერი უმტკიცებდა, არ შეგშვენის ოთახში საკუთარი გამოსახულება იქონიო, მაგრამ პერმა არ მოისურვა ბიუსტთან განშორება.

სიბნელემ იმატა. ინგერი და პერი ოთახის მოპირდაპირე კუთხეებში ისხდნენ და ბავშვებზე და ოჯახურ საქმეებზე საუბრობდნენ. პერმა სიგარა გააბოლა, ყავის ფინჯანი აიღო და ფანჯარასთან მივიდა. როგორც ყოველთვის, მხოლოდ ინგერი ლაპარაკობდა, თან შეუწყვეტლივ ითვლიდა თავის საქსოვეში თვლებს. რაღას არ ამბობდა და ისიც ახსენა. როგორ აუგო ძველი ხის ფეხსაცმლიდან პატარა ხაგბარტმა სხვის დაუხმარებლად თოჯინის ეტლი თავის დას. ბიჟუნას მუდამ საინტერესო აზრი ებაღებდა ხოლმე. ყველაფერი გამოუღდის ხელიდან.

პერმა უფრო ინტერესით დაუგდო ყური.

— დიახ, ამ ბიჟისგან რამე გამოვა, — თითქოს თავის თავს უთხრა მან და ხელახლა ჩაეფლო საკუთარ ფიქრებში.

ინგერმა ჩხირი გორგალში გაურქო და საწოლ ოთახში გავიდა, რათა საღამოსთვის ტანსაცმელი გამოეცვალა. გასვლაც ვერ მოასწრო, რომ პერი ადგილიდან აუღდგომლად თავისი მაგიდისკენ გადაიხარა და ის იყო წიგნებისა და ნახაზების გროვიდან ოთხად დაკეცილი გაზეთის გამოღებას აპირებდა, რომ ინგერის ფეხის ხმა მოესმა, საჩქაროდ უკან წაიღო ხელი და ყურადღებით დაუწყო თვალსერიება ჩამავალი მზის წითელ ღრუბლებს.

* * *

მეაფთიაქე მელერი უმსხვილესი გადასახადის გადამხდელი იყო რიმალტში და უყვარდა, თუ შემთხვევა მიეცემოდა, გაეხსენებინა ეს ამბავი, ზოლო როცა სტუმრებს პატიყებდა, მაშინ პატივის საქმედ

თვლიდა ყოველნაირად დაემტკიცებინა, რომ შესანიშნავად იცოდა თავისი მოვალეობა — მდიდარი აღამიანების მოვალეობა მათთან ურთიერთობაში, ვის მიმართაც ბედი ესოდენ მწყალობელი არ აღმოჩნდა. შვიდი საათისთვის ყველა სტუმარმა თავი მოიყარა და მასპინძელმა ისინი პირდაპირ გაშლილ სუფრასთან მიიწვია, სადაც თვითულ ჰურ-ჰელთან სამი სირჩა იდგა და სელის ხელსაწმენდში გახვეული ახლად გამომცხვარი პური იდო. კმაყოფილებით მიუგდო ყური მასპინძელმა აღფრთოვანებულ ხმაურს, რომლიდანაც ცხადად ჩანდა, რომ უკეთესი სუფრა მთელ ოლქში არ მოიძებნებოდა.

ის ნაკლებადმნიშვნელოვანი ამბავი, რომ საკმელებს კულისარის მადგისტრი არ ამზადებდა და ბოთლებშიაც ყოველთვის არ ესხა ისეთი სასმელი, მისი ეტიკეტის დამამშვენებელ ჟღერად სახელწოდებებს რომ შეესაბამებოდა, არავის მადას არ უფუჭებდა. შეკრებილთ შორის არავის არ ჰქონდა დახვეწილი გემოვნება. საკმელებზე ძირითადად მისი მოცულობით მსჯელობდნენ, საესე ლანგარის დანახვა საამოდ ატკობდა მათ თვალს და მთელი ძალღონით ცდილობდნენ ჩაესანსლათ იმდენი, რამდენსაც შესძლებდნენ და ერთი ნამცეცითაც ნაკლები არა.

თავისი ქცევითაც მეთვითაქე მთლიანად ამართლებდა პურმარლიანი მასპინძლის სახელს — განუწყვეტლივ სთავაზობდა სტუმრებს, გადაეღოთ რაც შეიძლება მეტი საკმელი. ჩანგლების ჟღარუნს და დანების კაკუნს მისი რიხიანი ხმა ფარავდა:

— ძვირფასო სტუმრებო! ცოტა ყურადღება მაინც მიაქციეთ ამ დაფარულ მტრედებს. ისინი ნამდვილად იმსახურებენ ამას... ბატონო სადგურის უფროსო, იმედია, მოგეწონათ ეს შატო ბელვილი? რას ბრძანებთ, ჩემო ძვირფასო! სოტერნი — ეს საგანგებოდ ქალების ღვინოა! თქვენ ოღონდ გასინჯეთ!.. ბატონო სიდენიუს! რატომ გაუწყურით თქვენს სირჩას? არაფერს არ სვამთ! ნება მიბოძეთ... ბატონებო. ბატონებო, ერთი წუთით მომაქციეთ ყურადღება ეს ღონღონ კლაბი ათას რეაას სამოცდაცხრამეტი წლის ჩამოსხმისაა, ეს-ეს არის დავისხით და უნდა დალიოთ მოწიწებით, გამიგეთ: მო-წი-წი-ებით. აბა, როგორია, ჰა?

მამაკაცებმა გამოცალეს თავიანთი სირჩები, ჩაიტლოშნეს და ერთხმად აქეს ძალზე გულწრფელად.

— საუკეთესოა! — წარმოთქვა ვეტერინარმა.

— პირდაპირ თავისთავად გადადის ყელში! — საქმის მცოდნის გამომეტყველებით თქვა სადგურის უფროსმა.

— ღმერთების სასმელია! — დაუმატა რეალური სასწავლებლის ახალმა დირექტორმა, კანდიდატმა ბალინგმა, რის შემდეგ აღგა და მასპინძლის სადღეგრძელო წარმოთქვა.

ეს სწორედ ის აყლავუდა ლომისფაფარიანი ბალინგი გახლდათ, ვისაც პერი მრავალი წლის წინათ სალამონების სახლში ხედებოდა. ბოლო დროს ბალინგს თავბრუდამხვევად სწყალობდა ბედი. მას შემდეგ, რაც ვეგმები დაემსხვრა დედაქალაქში, გადაწყვიტა პროვინციაში მოესინჯა ბედი და მალე მიაღწია აღიარებას, დიდი ხანია ასე მგზნებარედ რომ სწყუროდა. აქ მას მეტად მნიშვნელოვან პიროვნებად თვლიდნენ არა მარტო რიმალტში, რომლის მცხოვრებლებიც ამყობდნენ, რაკი თავის წრეში ნამდვილი მწერალი გადაიბირეს, არამედ განაპირა სოფლებშიც, სადაც ის მოხსენებებით გამოდიოდა, როგორც მოციქული ახალი ლიტერატურული მიმდინარეობისა, უმაღლესი სახალხო სკოლის ყაიდაზე ხალხურობისკენ რომ მიისწრაფოდა. ინგერის მეგობარს, მამულების მმართველის, იუსტიციის მრჩეველ კლაუსენის უფროს ქალიშვილს, მკვირცხლ ჰერდას, აფუებული მკერდი და მწველი თვალები რომ ჰქონდა, ბალინგი ერთი შეხედვით შეუყვარდა. ორი კვირის წინ ქორწილი გადაიხადეს. და კიდევ ერთმა პირმა შეავსო რიმალტის ინტელიგენციის მეგობრული ოჯახი. სადგურიდან დაახლოებით ათ კილომეტრზე, გზის გასწვრივ, რიმალტის გავლით ბესტრუპში, ბორუპში და კერსხოლმში რომ მიემართებოდა, მღებარეობდა მამული ბუდერუბლუნდი. მამული სამოქალაქო მრჩეველ ბრუკს ეკუთვნოდა — ფრიად საპატიო ასაკის კაცს, გოლშტინგის მემამულეთა ძველი მოდგმის ჩამომავალს. ის ძალზე მდიდარი გახლდათ და ერთადერთი ვაჟი ჰყავდა, რომელიც დიდხანს ცხოვრობდა საზღვარგარეთ და განათლება მიიღო იქ, ხოლო ახლა კი დაბრუნდა, რათა გამგებლობის სადავეები ხელში აეღო.

შვილი უკვე ოცდაათ წელს იყო მიტანებული. ეს გახლდათ ლამაზი, ძლიერი მამაკაცი, მაგრამ წყნარი და ცოტათი მოკრძალებული, რაც იქნებ მისი ბუნებრივი ნაკლითაც აიხსნებოდა: ცოტა ენას უკიდებდა. პერს ერთი ნახვითვე მოეწონა. მიუხედავად იმისა, რომ სხვადასხვა ინტერესები ჰქონდათ — ბატონი ბრუკი ნადირობის ტრფიალი გახლდათ და მემამულეთა შორის ბევრი მეგობარი ჰყავდა — პერი იმედოვნებდა უფრო დაახლოვებოდა მას რა ძალიან ეწყინა, როცა შენიშნა, რომ

მის სიყვარულს არ თანაუგრძნენ. პერი მალე მიხვდა, რომ ერთადერთი მიზეზი, რის გამოც ბრუკი უცხო, მისთვის არასიმპათიურ ხალხის გარემოში შეეჩხირა, ინგერით გატაცება იყო. ის და ინგერი ბავშვობიდანვე იცნობდნენ ერთმანეთს, მაგრამ ინგერი მას ვერ იტანდა და თავის სიძულვილს დროდადრო პირდაპირ უხეშად ავლენდა. თუმცა ვერ გეტყვოდათ, რად ექცეოდა ასე. პერმა ბევრჯერ ჰკითხა რა მოხდაო. ინგერი კი სულ ერთსა და იმავეს პასუხობდა, სახელდობრ იმას, რომ ბრუკი მას არც პატარაობის დროს მოსწონდა და არც ახლა მოსწონს. დღეს პერმა შენიშნა, რომ ბრუკმა, ინგერის პირდაპირ ირიბად რომ იჭდა, რამდენჯერმე სცადა მასთან საუბარი გაება, მაგრამ არაფერი გამოუვიდა. ინგერი მისკენ არ იცქირებოდა და ყოველთვის რაიმე უმნიშვნელო სიტყვებით იცილებდა თავიდან.

ნავახშმევს, როგორც ეს ძველთაგანვეა მიღებული პროვინციაში, საზოგადოება გაიყო: მანდილოსნები სასტუმრო ოთახში დარჩნენ, ხოლო მამაკაცები მასპინძლის კაბინეტში გადავიდნენ, რათა თამბაქო მოეწიათ და თამამი ლაპარაკით ეჭერებინათ გული. აქ, თავისუფლად რომ იყვნენ, ზრდილობიანობას არას დაგიდევდნენ — ყვებოდნენ უწამაწურ ანეგდოტებს, წრუპავდნენ ლიჭიორს, გემოზე აბოყინებდნენ და შეეძლოთ კუთხეში მიყუყულებს ეხებინათ კიდეც.

პერს ისეთი ადგილი ერგო, საიდანაც შეეძლო დაენახა, რა ხდებოდა სასტუმრო ოთახში. იქ დივანის ახლოს მდგარ მაგიდის თავზე მუქ-წითელ აბაჯურთან ლამაზა ეკიდა. მაგიდის გარშემო, ზანძარივით შუქი რომ სცემდა, მანდილოსნები ისხდნენ, ზოგი საქსოვით ზელში, ზოგი საქარავით. წუთითაც კი არ კუშავდნენ პირს. ერთი შეხედვით შეიძლება იმის მიხედვით, თუ რაზე ჰქონდათ საუბარი. მხოლოდ ისეთ თემებს შეუძლია მანდილოსანთა შორის ამდაგვარი გამოცოცხლების გამოწვევა, როგორცაა ახლანდელი მოსამსახურეები და საოჯახო მეურნეობა. ინგერიც კი, მიუხედავად იმისა, რომ გარეგნულად მშვიდად ეჭირა თავი, მთლად გაწითლებულიყო, ისე იყო აღგზნებული.

პერი თავიდანვე ვერ იყო გუნებაზე და ამ სურათის დანახვასა ბრაზით ტუჩზე იკბინა. აქამდე მას შეეძლო ეამაყა თავისი ცოლით არა მარტო იმიტომ, რომ მისი ცოლი ყველას სჯობდა სილამაზით, არამედ იმიტომაც, რომ თანდაყოლილი ტაქტის და გემოვნების წყალობით მთელი თავით მალა იდგა თავის მეზობელ ქალებზე, მაგრამ, როცა პერი ამჩნევდა, რა ლაღად გრძნობდა თავს ინგერი ამ ჭორიკანებს შო-

რის, მაშინვე ცუდ გუნებაზე დგებოდა. პერი კარგად ხედავდა, რომ ქალი ამ წრეში თავს ისე გრძნობდა, როგორც საკუთარ სტიქიაში. თუმცა ინგერი ყოველნაირად ცდილობდა, ასე არ ეფიქრათ. მხოლოდ მაშინ, თუ საუბარი ისეთ თემას შეეხებოდა, წესიერების საზღვარს რომ სცდებოდა, ინგერი მაშინვე ჩუმდებოდა და აღარ ლებულობდა მასში მონაწილეობას. არ აყვებოდა ზოლმე, ცოტა არ იყოს, ლაზღანდარულ ტონს, რიმალტელ მანდილოსნებში ასე მიღებული რომ იყო. თავშეკავებულობით, თავის დაჭერის მანერით, და შეხედულებებით, რითაც ბავშვობიდანვე ასე გამოირჩეოდა, ინგერი გათხოვების შემდეგ თვალებს ხეჭავდა და ყურს არიდებდა ყველაფერს, რასაც შეეძლო შეურაცხეყო მისი ქალური კდემამოსილება. ამაში იყო რაღაცნაირი, წმიდა ბლომბერგული ფარისევლობა; რის ცოდნაც ინგერს არ სურდა, უბრალოდ, არც კი ესმოდა. რის დაჯერებაც არ უნდოდა, არც სჯეროდა. სწორედ ამიტომ შეეძლო შესანიშნავი ურთიერთობა შეენარჩუნებინა მეაფთიაქის და სადგურის უფროსის მეუღლეებთან, თუმცა ყველასთვის ცნობილი იყო, რომ პირველი მეორის ქმართან ცხოვრობდა და ორივეს თავდავიწყებით უყვარდათ კანდიდატი ბალანგი. სწორედ ამიტომ ინგერს შეეძლო მამის სიტყვების განმეორება და სინდისის ქენჯნის გარეშე ლაპარაკი „შეცოდებებზე და ურწმუნობებაზე, კოპენჰაგენელები რომ ჩაეფლნენ“, თუმცა ის ცხოვრება, მის ირგვლივ რომ იყო, სასაცილო, ძნელად საცნობად დამახინჯებული მსგავსება გახლდათ იმ დედაქალაქური ცხოვრების და ყველგან — მდიდარი გლეხის იდილიურ კარმიდამოში თუ მოიჯარადრის ღარიბულ ქოხში — ფრიად აშკარად ხდებოდა ძალზე ბილწი საქმეები.

ასე ჯახირით მიაღწიეს ათ საათამდე. ათზე ჩაროზი მოიტანეს. პატივცემულ მატრონებს, მაგიდის ირგვლივ რომ ისხდნენ, ამ დროისთვის სახეები გაუფითრდათ და ქუთუთოები დაუწითლდათ, ისინი უკვე აღარ იწუხებდნენ თავს, რომ რიგიანად მოქცეულიყვნენ. ზოგიერთები აშკარად ამოქნარებდნენ და პირზე ხელს იფარებდნენ. ინგერსაც ეხუქებოდა თვალები. მხოლოდ დიასახლისსა და სადგურის უფროსის ცოლსდა ეტყობოდა მოუხვეწრობა. საქმე ის გახლდათ, რომ კანდიდატი ბალანგი და მისი ახალგაზრდა მეუღლე ცარიელ კაბინეტში განცალკევდნენ, სადაც მხოლოდ ერთი ღამის ნათურა ენთო. ისინი თითქმის ორჯერ მოიპატივეს მაგიდასთან, მაგრამ მანც არ გამოდიოდნენ. ბოლოს, როგორც იქნა, გამოვიდნენ. პერდას სახე და თმის ვარცხნილობა ყოველგვარ

სიტყვებზე უფრო მკვერამეტყველურად ლაპარაკობდა, რაც მომხდარი-
ყო. თუმცა პერდას სულაც არ რცხვენოდა.

მალე სტუმრები დაიშალნენ. პატარა ჯგუფებად მიიზღაზნებოდნენ
ისინი მთვარით განათებულ გზაზე, ხან ერთ ჭიშკართან შეჩერდებოდ-
ნენ, ხან მეორესთან და აქ კი ნამდვილად ემშვიდობებოდნენ ერთმა-
ნეთს.

ინგერი აქაურ ექიმთან ერთად მიდიოდა, საკმაოდ ჰკვიან შუახნის
კაცთან. ეს კაცი ბავშვობიდან იცნობდა ინგერს. ოდნავ ჩამორჩენ
დანარჩენებს და სერიოზულად ლაპარაკობდნენ პერზე.

— მითხარით, ექიმო, ხომ არ შეგინიშნავთ, რომ ჩემი ქმარი დღეს
არაჩვეულებრივად მღუმარე იყო?

— ცხადია, შევნიშნე, რა ხან მეკითხებით. რაიმე ხომ არ შეემთხვა?

— არა, ჩემის აზრით, არაფერი. მაგრამ თუ გულასდილად
ვიტყვი — თქვენ, ალბათ იცით, რომ ჩემი ქმარი საკმაოდ გულჩა-
თხრობილი ბუნებისაა. ეს ამბავი მე უკვე მაწუხებს. როგორ ფიქრობთ.
ხომ არ შეიძლება რაიმე ფარული დაავადება სჭირდეს?

ექიმმა ცოტა ხანს იფიქრა და მერე უთხრა:

— ძალიან მოხარული ვარ, რომ თქვენ თვითონ წამოაწყეთ ამაზე
ლაპარაკი. სწორედ იმას ვფიქრობდი, საჭიროა მოველაპარაკო-მეთქი.

შეშინებული ინგერი შეჩერდა და ექიმს ხელი ჩაავლო.

— რა მოსდის? — კინალამ წამოიყვირა მან.

— განსაკუთრებული არაფერი. ღვთის გულისთვის, ნუ შეშინდებით.
სულაც არ მინდოდა თქვენი შეშინება. უბრალოდ, ძალიან ნერვიულა
კაცია, ზოლო თავბრუსხვევა და გვერდში ჩხვლეტა, ზოგჯერ რომ უჩი-
ვის ზოლმე, — შეიძლება, საკმაოდ უსიამოვნო სიმპტომი იყოს. მაინც,
მდეღვარების სერიოზული საფუძველი თქვენ ჯერ არა გაქვთ.

— კი, მაგრამ, რა სჭირს? რაღაც გაუგებრად მელაპარაკებით.

— იცით რა... საქმე ის გახლავთ... ჩემთვის ცოტა უხერხულაა ამას
რომ გეუბნებით... მაგრამ, მითხარით: ხომ არ მიგაჩნიათ, რომ თქვენს
ქმარს ძალიან ცოტა სამუშაო აქვს?

— ცოტა? დილიდან საღამომდე მუშაობს. თქვენც ხომ იცით...

— ცოდნით კი ვიცი, მაგრამ განა აქვს ისეთი საქმე, რომელშიც
მთლიანად ჩაფლული იყოს? რატომღაც მგონია, რომ მისთვის უფრო
მეტი მუშაობაა საჭირო, ასე ვთქვათ, მეტი გასაქმანი. ერთი სიტყვით.

ისეთი საქმე, რომ წუთიც კი არ რჩებოდეს თავისუფალი საკუთარ თავში საქმეად.

— ზეგჯერ მეც ასე მგონია, — უთხრა ინგერმა მცირე ხნის დუმისის შემდეგ, — მაგრამ სად მიბრძანებთ ასეთი საქმის მოძებნას ჩვენს ოლქში?

— სამწუხაროდ, არსად, თქვენ მართალი ხართ.

— უნდა გადავსახლდეთ აქედან რომელიმე დიდ ქალაქში, იქნებ კოპენჰაგენშიაც...

— დიახ, საჭიროა. თუმცა ჩვენ ყველას მოგვენატრებით. მაგრამ სულ ერთია, მე არ მინდა ამ მიზეზით არაგულწრფელი რჩევა მოგცეთ.

— გიმეორებთ, მე უკვე ვიფიქრე ამაზე, — უთხრა ინგერმა. — მაგრამ დარწმუნებული ვარ, რომ ჩემი ქმრისთვის უკეთესია და უფრო დამამშვიდებელიც სწორედ სოფელში ცხოვრება. თავადაც ასე ფიქრობს. თუ მის ჭანმრთელობას გავუწევთ ანგარიშს, მძიმე, დაძაბული შრომა არც შეუძლია.

— მე ძალიან მინდა, რომ შეგეძლოთ თქვენს ქმარზე საღად მსჯელობა. ავადმყოფია ის, თუ არა, ძლიერი ბუნების კაცი კია და უნარიც შესწევს დიდი ტვირთის ზიდვისა. ახლა, რაკი ამაზე ლაპარაკი ჩამოვადღეთ, მინდა ბოლომდე ვთქვა სათქმელი. ბიძათქვენმა, თუ არ ვცდები, რამდენჯერმე უხმო თქვენს ქმარს ფიქმიდან თავისთან და თავის ნაცვალში შესთავაზა ადგილი, რატომ არ შეიძლება გადასახლდეთ ადრიატიკის ზღვის კურთხეულ ნაპირებზე?

— რომ ბანდიტებმა ამოგვბუგონ იქ?

— ჰო, იქ მთლად კარგი პირობები არ არის. სამაგიეროდ, თქვენს ქმრისთვის უკეთეს კლიმატს ვერ იპოვით. მას ძალიან სჭირდება მზე და სითბო. დარწმუნებული ვარ, რომ უცხო მხარეში ორ-სამ წელიწადს ცხოვრება სასწაულს მოახდენს.

ინგერი დუმდა. მან უნებლიედ განზე გაიწია თავისი მოსაუბრისაგან და თავი აღარ აუწევია. მალე ექიმის სახლს მიუახლოვდნენ, სადაც მათ დიდი ხანია ელოდნენ დანარჩენები.

პერი და ინგერი ყველაზე შორს ცხოვრობდნენ და ამიტომაც იძულებულნი იყვნენ ოცჯერ მაინც ჩაეტარებიათ გამოთხოვების ცერემონია. ინგერმა წყნარად გაუყარა პერს ხელი და როცა ბოლოს მარტონი დარჩნენ, მგზნებარედ მიეკრა. უცხოთა შორის გატარებული საღამოს

შემდეგ მონატრებოდათ ერთმანეთი. ინგერმა ნახად მიყარდნო თავი პერს მხარზე. ასე მიდიოდნენ ისინი ნელ-ნელა მთვარის შუქზე და მხოლოდ ერთხელ შეჩერდნენ შუა გზაზე, რათა სიყვარულის საწინდრად ერთმანეთისთვის ეკოცნათ.

მაგრამ, როგორც კი საკუთარი სახლის ზღურბლს გადააბიჯეს, ინგერი მაშინვე საოჯახო საქმეებზე გაიქცა: წასვლის წინ მზარეულ ქალს დაუბარა ცოტაოდენი კიტრი დაემარილებინა და მოვალეობის გრძობამ საშუალება არ მისცა ლოგინში ისე ჩაწოლილიყო, თუ წინა-წარ არ დარწმუნდებოდა, რომ დავალება შესრულებული იყო. ბარემ ბავშვთა ოთახშიც შეიხედა, რათა გაეგო ძიძისგან, როგორ გაიარა საღამომ.

— შენ წარმოიდგინე, ინგერბორგს ისევე ფალარათი აქვს, — ან სიტყვებით შევიდა ინგერი კაბინეტში.

პერმა ამასობაში ლამპა აანთო, მაგიდას მიუჯდა, გადაშალა ხელში მოხვედრილი პირველივე წიგნი და თავი ისე დაიჭირა, თითქოს კითხულობდა.

— რას ამბობ? — გაეპასუხა ის და ფურცელი გადაშალა.

ინგერი ძალიან კარგად იცნობდა ამ ტონს. თანაც პერმა ახალ სიგარას მოუკიდა.

— შენ კიდევ იჯდები ცოტა ზანს? — ჰკითხა ინგერმა.

— კი, რაღაც არ მეძინება.

ინგერი არც შეცდილა მის დაყოლიებას — ასეთ წუთებში — უკვე მიჩვეულიყო ამას — ყველანაირი ხვეწნა ამოიქნებოდა. და რაკი ქალური სიამაყისა და მორცხვობის გამო წყენის გამოხატვას ერიდებოდა, მივიდა პერთან, შუბლიდან თმა გადაუწია და ტუჩებით საფეთქელზე შეეხო.

— ღამე მშვიდობისა, ძვირფასო.

— ღამე მშვიდობისა, — მიუგო პერმა თავის აუწყევლად.

გავიდა თუ არა ინგერი, პერმა წიგნი გვერდზე გადადო და ხელებზე თავდაყრდნობილი ღამპას მიაშტერდა. როცა გაიგონა, რომ ინგერი უკვე დაწვა, წიგნების გროვიდან იქ დამალული გაზეთი ამოიღო და ფრთხილად გაშალა. ეს ისევ ის გუშინდელი გაზეთი იყო — იუტლანდიის ერთი უმსხვილეს გაზეთთაგანი — რომელშიც ორხუსში ჩატარებულ ინჟინერთა ყრილობის ანგარიში ეწერა. პერის თვალმა მაშინვე მოძებნა საჭირო სვეტი და სტრიქონები:

„ძირითადი საკითხი, რომელიც დღის სხდომის დღისწესრიგში იდგა, იყო ინჟინერ სტეინერის ფართოდ ცნობილი პროექტი. ჩვენ მთელი რიგი სტატიებით უკვე გავაცანით მკითხველს ამ პროექტის ძირითადი დებულებები. განსაკუთრებული ინტერესი გამოიწვია დღის სხდომამ იმიტომაც, რომ ის გახსნა თვით პროექტის გენიალურმა შემქმნელმა, რომლის ტრიბუნაზე გამოჩენესაც ხანგრძლივი აპლოდისმენტებით შეხვდნენ. მოხსენების დასკვნითი სიტყვები ოვაციის ქუხილმა შთანთქა“.

პერს საფეთქლებზე ძარღვები დაებერა.

— არამზადა! — ჩურჩულით გამოსცრა კბილებში.

ბოლო წლების განმავლობაში საერთოდ ვერ გაშლილით ვერც ერთ პროვინციალურ გაზეთს, სტეინერის სახელს რომ არ წასწყდომოდით. ანტონ სტეინერი პირდაპირ იუტლანდიის ეროვნულ გმირად იქცა. ის ყველგან იყო, ყველგან მოხსენებებს აკეთებდა, ყველა შემთხვევაში ინტრვიუს აძლევდა და თანდათან არწმუნებდა თავის თაყვანისმცემლებს თავისი „მისიის“ სიწმინდეში.

მძიმე, დანაშაული ტოტი ფანჯრის მინას მოეხეთქა. სასტუმრო ოთახში, ღერეფნის მეორე მხარეზე საათმა თორმეტი დარეკა.

პერმა თვალეებზე ხელი აიფარა და დიდხანს, დიდხანს იჯდა უძრავად. სიღენიუსური მემკვიდრეობა, მთელი მისი ცხოვრების კრულვა! რა სჯობია? უძლურად გაიყინო მეტ-ნაკლებად ასატან პირობებში და მშვიდად აღეწო თვალ-ყური, როგორ ანადგურებს შენს სულს ცხოვრების დაუცხრომელი წყურვილი, თუ ერთი დაკვრით გაუსწორდე უძლურებასაც და უბედურებებსაც და შუბლში ტყვია იხალო, როგორც ეს ხანსენ ივერსენმა ქნა, როგორც ნირგორმა ჩაიღინა? სულ ერთია, ცხოვრება დაიმსხვრა, ძალა დაიხარჯა. პერი ახლა ჰგავს სწათს, რომლიდანაც სათითაოდ ამოალაგეს მთელი მექანიზმი.

ნელა, შიშითაც კი აიხედა მან წიგნების თაროზე, იქ, სადაც ჰერის-ქვეშ ბინდში ბუნდოვნად ბრწყინავდა მარმარილოს ბიუსტო. ახლა ეს ბიუსტი მასში თითქმის მოკრძალების გრძნობას იწვევდა, თუმცა იყო დრო, როცა პერს მისი განადგურება უნდოდა. დღითიდღე პერს უფრო და უფრო უყვარდებოდა თავისი სიქაბუკე. კარგა ხანია, თავს აღარ აბეზრებდნენ იმის მოგონებები, თუ რა უტყინო, შეუპოვარი და თავის მოიმედე ყმაწვილი იყო მაშინ, ზოგ რამეში პირდაპირ სულელი, ზოგში — უხეში და ყოყოჩი და მუდამ — გულცივი კუნძი. დაე, ასე

იყოს, მაგრამ სწორედ ეს გახლდათ თვით ცხოვრება, სისხლში რომ ჰქონდა, მის სიზმრებში რომ იყო. ახლა კი მასში ყველაფერი მღუმარე უდაბნოსავით არის. მხოლოდ ეული სალამური უსტვენს საცოდავად იქ, სადაც ოდესღაც მთელი ორკესტრი გრიალებდა, — ზოგჯერ შეუხმატკბილებლადაც კი, მაგრამ რა ძლიერი მუსიკა იყო!

მისთვის, ვინც მარტოხელა და ყველასგან მიტოვებულია, მისთვის, ვინც მხოლოდ ცხოვრების ჩრდილოვან მხარეებს იცნობს, ცხადია, ძნელია ცხოვრება, მაგრამ სწორედ იმის შეგნება, რომ უსამართლოდ ექცევიან, სჩაგრავენ, უბედურების დროს უდიდეს ნუგეშად შეიძლება იქცეს. ასეთ ადამიანს მუდამ რჩება იმედი, დაბოლოს, რჩება ბრახი, რისი ცეცხლიც ათბობს. ის არასოდეს არ იქნება ისეთი საბრალო, როგორც ის, ვისაც მზის გულზე საფლავისებური სიცივე აიტანს, როგორც ის, ვინც მეფური მასპინძლობისას შიმშილით კვდება, როგორც ის, ვინც ხედავს, როგორ ხორციელდება ცხოვრებაში მთელი მისი ოცნებები, თვითონ კი ყველაფერს უნდა გაეჭკეს. მაგრამ სწორედ ასეთი ზვედრი ერგო მას, პერს!

ოჯახური კერა, სიმშვიდე, მყუდროება — აი ყველაფერი, რაც შერჩა. მთელი სამყაროდან, რომლის დაპყრობაზეც ოცნებობდა ჭაბუკურა ნეტარი ქედმაღლობით, ნამცეცა მიწის ნაჭერი ერგო. ინგერის სიყვარული, სიცოცხლით სავსე ბავშვები, ოჯახური ბუდე — ეს მიიღო ყოველივე დაკარგულის და აღუსრულებელის ნაცვლად.

არ შეიძლება ითქვას, რომ ცხოვრება უსამართლო იყო მისდამი, და ამიტომაც ინგერმა არაფერი არ უნდა იცოდეს იმ ნაღველზე, მას რომ გულს უღრღნიდა, რადგან ქალი არაფერში არ იყო დამნაშავე და ვერ გაუგებდა პერს სწორად. თუმცა, რა არის აქ გასაკვირი, როცა პერს თვითონაც არ ესმის თავის უძლურებისა. კარგი, ვთქვათ მას უყვარა თავილი სახლი, ვთქვათ ინგერს არ უნდა განშორება იმ ადგილებთან, სადაც დაიბადა და გაიზარდა, ვთქვათ პერიც დროთა განმავლობაში თავადაც უფრო მუყაითი გახდა — დაე. ასე იყოს, მაინც ამითაც ვერ ახსნის იმ მიზიდულების ძალას, იმ ილუმალ მეფეებას, რაც მასზე მოიპოვა მიწის ამ ნაჭერმა, თუმცა აქაც მარტოობას გრძნობს.

იმის შიში ზომ არ აჩერებს, რომ ახალ ადგილზე ოჯახს ვერ გამოკვებავს. ინგერის ბიძის მიწვევის გარდა, რაც მართალი რომ თქვას, არასოდეს არ ეჩვენებოდა მიმზიდველად, პერმა მთელი რიგი სხვა, ფრიად მაცოთუნებელი წინადადებები უარყო. გარდა ამისა, პერი ისე

მოწონა ოლქის უფროსს, რომ ყოველგვარი თხოვნისა და გადაკრული სიტყვის გარეშე რამდენჯერმე შეპირდა, შენს შესახებ შინაგან საქმეთა მინისტრს და მორწყვიითი სისტემის გენერალურ დირექტორს მოველაპარაკებო (ორივენი მისი ახლო მეგობრები იყვნენ).

ავადყოფნობა პერს სულაც არ აწუხებს. თუკი ოდესმე დელავდა თავის ჯანმრთელობაზე, მხოლოდ ინგერის და ბავშვების გამო. სიკვდილის შიში, ასე რომ სტანჯავდა ახალგაზრდობისას, როგორც კი ოდნავ ავად გახდებოდა, დიდი ზანია, გაუქრა. როცა ვისიმე დასაფლავებას ესწრებოდა, თითქმის შურით უცქერდა, როგორ ქრებოდა შავ ორმოში კუბო ნეშრით. ზოგჯერ მიწის გორბების ყრუ გრუხუნის, კუბოს სახურავს რომ ეცემოდა, პერს ყველაზე მომხიბლავად ეჩვენებოდა ყველა ბგერათაგან, თითქოს ეს ექო იყო სიკვდილის სამეფოდან, თითქოს პასუხი იყო და საიმედო ნუგეში არარსობიდან.

ზოგჯერ პერი თავის თავს ეკითხებოდა: განა ინგერისთვის უკეთესი არ იქნება თუ მოვეკვდებიო? ის ჯერ კიდევ საკმაოდ ახალგაზრდა და ლამაზია. უნდა ვიფიქროთ, რომ მეორედ გათხოვდება და კვლავ ასეთი გაფურჩქნელი და ბედნიერი იქნება. პერს ბევრჯერ უფიქრია, რომ ახალგაზრდა ბრუკისადმი ინგერის სიძულვილს უკან შესაძლოა იმალება ინსტინქტური, შეუღნებელი შიში, შიში ბრუკის ვაჟკაცური სილამაზისა და ძალის წინაშე. ინგერის არსების ბევრი მხარე ჯერ კიდევ თვლემს, გაუშლელია, მას კი არ ჰყოფნის მოთმინება, ან იქნებ უნარიც არა აქვს, რომ ის გააღვიძოს.



რამდენიმე დღის შემდეგ ინგერი და პერი ნასადილევს კაბინეტში ისხდნენ, ინგერს საკერავი ეჭირა ხელში და დივანზე იჯდა, ხოლო პერი ფანჯარასთან სიგარას აბოლებდა. ცოტა ხნის სიჩუმის შემდეგ ინგერმა ჰკითხა:

— ხომ არ სჯობს წავიდე?

— არა, რატომ?

— ისეთი გამომეტყველება გაქვს, თითქოს მარტო დარჩენა გირჩევნია.

— სულაც არა, მოხარულიც ვარ, რომ აქა ხარ.

— მაშინ მე მინდა სერიოზულად მოგელაპარაკო ზოგიერთ რამეზე.

— რაზე?

— იცი რა, მე ვფიქრობდი, რომ ჩვენთვის უმჯობესია იყო აქედან წასვლა, წასვლა, სანამ ეს აუცილებელი გახდება. თავად ამბობდი, შემოსავალი შემცირდაო. თანაც არა მგონია, აქ ყოველთვის იშვოვო შესაფერი სამუშაო.

პერმა გაკვირვებით შეხედა.

— საიდან მოგივიდა ეს აზრი?

— განა ამაზე ცოტა გვილაპარაკია?

— სწორი ხარ, მაგრამ ამაზე ლაპარაკი სწორედ ახლა რატომ წამოიწყე?

პერი კვლავ გაკვირვებით და უნდობლად უცქერდა მას. მაგრამ ინგერი საკერავზე დახრილიყო და თავს არ იღებდა. რა მოხდა? ამ ბოლო დროს ინგერი რალაც უცნაურად იქცევა, სწორედ იმ საღამოს შემდეგ, მეაფთიაქესთან რომ იყვნენ სტუმრად. იქნებ ბოლოს და ბოლოს მიხვდა, როგორ შიშს ჰგვრის ახალგაზრდა ბრუკი?

— სად უნდა წავიდეთ, შენის აზრით?

— არ ვიცი სად მაგრამ ოლქის უფროსი ხომ შეგპირდა დახმარებას მოწყობაში?

— ვფიქრობ, მხედველობაში ჰქონდა რომელიმე ადგილი კომენაგენის სამმართველოში. ის ხომ შინაგან საქმეთა მინისტრს იცნობს. მაგრამ კომენაგენში შენ არ გასურს.

— მე? მე მხოლოდ ის მინდა, რაც შენ მივაჩნია საჭიროდ. იმასაც ვნანობ, რომ ასე დიდხანს გაკავებდი ერთ ადგილზე, მაგრამ მე ამას უფრო ბავშვებისთვის ვაკეთებდი. როგორც კი გავიფიქრებ, რომ შეიძლება მათ სადმე მეხუთე სართულზე ცხოვრებამ მოუწყობთ და თავი გალიაში ჩასმული ფრინველივით იგრძნონ, მეცოდებიან. მეორეს მხრივ, საშიში აქ არაფერია. ზაფხული შეუძლიათ ჩემს მშობლებთან გაატარიან, დაე, იქ მაგრად გაირუჯონ მზეზე და მაშინ, ღმერთის წყალობით, ქალაქის ჰაერი დანარჩენ დროს ველარაფერს დააკლებს.

— მაგრამ, შენ თვითონ?

— მე? — ინგერმა ისე ალაღალა, გულმართლად შეხედა, პერს გულს მოეშვა. — მე? ჩემზე ნურც იფიქრებ. მე სრულიად ჯანმრთელი ვარ და თუ ჩვენ, განსაკუთრებით პირველ ხანებში, ვიწროდ ვიქნებით — ოთხ ოთახზე მეტს პირველად ხომ ვერ ვიჭირავებთ, — ამას მშვენივრად შევეგუები. ვფიქრობ, ლაურა უნდა დავითხოვოთ. ქალაქში არ გამოდ-

გება, რადგან ძალიან მოუქნელია. უფრო სწორი იქნება, თუ დროებით მაინც ერთ მოსამსახურეს ვიკმარებთ. მე მშვენივრად შემიძლია, ბავშვებთან თვითონ ვისეირნო.

მაგრამ პერი თითქმის აღარ უსმენდა. მან გადადო სიგარა, სისხლი მოაწვა საფეთქლებზე. ახლახან გამოვლილმა შიშმა მთლად გამოაცალა ძალა.

— ერთი რამ მაწუხებს, — მშვიდად განაგრძო ინგერმა.

— რა?

მან მაშინვე ვერ უპასუხა.

— დიდი ხანია მინდა, ამაზე მოგელაპარაკო. მაგრამ ამ ბოლო დროს პირდაპირ ვერ მოგიდექი.

— მე? ალბათ, ერთმანეთში თუ ეგერია ჩემი და შენი სამყოფელი, — გაიხუმრა პერმა. — შენ თვითონ იქცეოდი ასე საეჭვოდ ამ ბოლო დროს. აბა, ამოალაგე რა გაქვს გულში?

— მე მინდოდა შეკითხა, ხომ არ შეგიძლია უფრო მეტი ყურადღებით იყო ბავშვებთან. შესანიშნავად მესმის, რომ შენ გიყვარს ისინი, მაგრამ მაშინვე დაეტყობათ ხოლმე — განსკუთრებით ხაგბარტს, რომ ძალიან დარდობენ, როცა უგულისყუროდ ხარ მათთან.

— რას ამბობ, ინგერ? როდის იყო, რომ უგულისყურობას ვიჩენდი მათ მიმართ!

— მე ვიცი, რასაც მიპასუხებ. თუ კარგ გუნებაზე ხარ, გსიამოვნებს მათთან თამაში. მათაც ძალიან უხარიათ, მაგრამ დანარჩენ დროს შენ მათ პირდაპირ თავიდან იცილებ ხოლმე. მათ კი არ ესმით რა დააშავეს და არ იციან როგორ მოიქცნენ შენთან. თუ კომპენჰაგენში გადავალთ და უფრო იშვიათად იქნები ხოლმე შინ, ბავშვები სულ გადაგეჩვენებენ და შენც გადაეჩვენებ მათ.

— არაფერი არ მესმის. ჩემის აზრით, მე ყოველთვის...

— არა, პერ, შენ თვითონაც ვერა გრძნობ, როგორ ხარ დაკავებული საკუთარი თავით, — შეაწყვეტინა ინგერმა და უნებლიე ოხვრა შეიკავა. — ცხადია ვერ ამჩნევ, რა აშკარად აგრძნობინებ ბავშვებს, რომ გიჭირს მათი ატანა. მაგრამ, დამიჯერე, ბავშვები ამ მხრივ მეტისმეტად მგრძნობიარენი არიან. შენ საკუთარი თავის გამოც უნდა იფიქრო ამაზე. და რაკი სიტყვა ჩამოვარდა, გეტყვი, რა მითხრა ხაგბარტმა სალამოს, თავის დაბადების დღეზე, როცა დიდი ხნით დაიგვიანე და ძილის წინ ვერ გამოგემშვიდობა. თვალებზე ცრემლები მოადგა და საკმაოდ მოუ-

რიდებლად განაცხადა: „ვიცი, რომ მამას მე სულაც არ ვეკითხებიო“. არ გეწყინოს, ეს რომ ვითხარი. მე ისე. მინდა, თუ კოპენჰაგენში ან სხვაგან სადმე გადავსახლებით, მეტი ყურადღება მიაქციო ხოლმე ხაგბარტს. ხანდახან სასეირნოდ წაიყვანო, ელაპარაკო რაღაც-რაღაცეებზე. ის ხომ საზრიანი ბჭია და ეკელაფერი აინტერესებს. შენ, რა თქმა უნდა, გალიზიანებს ეს ბავშვური „როგორ“ და „რატომ“, მაგრამ ასეთი რამეების შეგუება უნდა შეგეჭლოს.

პერმა მაშინვე ვერ უპასუხა. ცოტა ხანს მღუშარედ იჭდა, მერე ადგა და ოთახში დაიწყო სიარული, ასე იქცეოდა ყოველთვის, როცა საუბრის საგანი ძალიან აინტერესებდა. ინგერს სიტყვებში შეაშინა. მისმა უწყინარმა საჩივარმა უფრო მეტად იშოქმედა, ვიდრე ინგერი ვარაუდობდა, რადგან ბავშვობის მოგონებები გაუღვიძა. რის შესახებაც ახლა პერი აღარავის ელაპარაკებოდა.

— ხვალე ვაველ კოპენჰაგენში, — თქვა მან ბოლოს. — ამ საღამოს ოლქის უფროსს წერილს მიეწერ და თავის დაპირებას შეეახსენებ. ტანსაცმელი წესრიგში მაქვს. ლაურამ დილით მზეზე გაკიდოს ჩემი საგარეო კოსტუმი და კარგად ვაბერტყოს. ფრაკიც გამატანე — იქნებ მინიატრთან მიღებაზე მოკვხდე. მართლა, ფეხსაცმელის საქმე როგორა მაქვს?

ინგერი სახტად დარჩა. ასეთ ნაჩქარევ გადაწყვეტილებისა არაფერი სწამდა და ურჩია პერს. კარგად მოიფიქრეო. მაინცდამაინც საჩქარო არაფერია, გარდა ამისა, საჭიროა მშობლებსაც გაუავებინოთო. მაგრამ პერს ამისი მოსმენაც არ უნდოდა. სწორედ ახლა რამდენიმე დღე თავისუფალი ჰქონდა, ხოლო რაც შეეხება მოლაპარაკებას, უკვე ასჯერ ჰქონდათ მოლაპარაკებული მშობლებთანაც და უიმითოდაც.

— მოდი, შევეთანხმდეთ. თუ დაუსრულებლად ვნაყავთ წყალს, ვერასოდეს ვერაფერს გადაწყვეტთ. ახ, ინგერ, ინგერ! დროა ფრთები გავშალოთ. იცოდე, რომ მეც თითქმის ამაზე ვფიქრობდი ამ ბოლო დროს. ახლა აზრი არა აქვს ამის დამალვას. გახსოვს ინჟინერი სტეინერი, დიდი თაღლითი სტეინერი? ხომ გიაბზე მის შესახებ. აბა, როგორი გადასატანია ჩემთვის, რომ ამ აჩამზადამ ისესხა, უფრო სწორად, აილო და მოიპარა ჩემი ძველი იდეები და ამითი წინ წავიდა? წარმოიდგინე, ამბობენ, თითქოს სტეინერმა ორხუსში მოხსენების დროს განაცხადა. პროვინციის დაპყრობის შემდეგ განზრახული მაქვს დედაქალაქის დაპყრობას შევუდგეო. გუშინდელ გაზეთში წავიკითხე ეს. მართლაც.

ის უკვე მიიწვიეს კოპენჰაგენში, რომელიდაც ყრილობაზე, არ ვიცი, ამ კვირას, თუ მომავალ კვირას. მე მინდა ვისარგებლო შემთხვევით და ჰკუა ვასწავლო ამ თავხედს: მივიღე ყრილობაზე და მშვიდად გადავუშალო შეკრებილთ ამ საკითხის წინაისტორია. მე მაქვს ზოგიერთი საფუძველი ვიფიქრო, რომ კოპენჰაგენის საზოგადოების წინაშე ჩემი სიმართლის დამტკიცება არც ისე ძნელი იქნება. ყველამ იცის, რა არამზადაც არის ის, ამას გარდა, ინჟინრებსა და უურნალისტებს შორის ნამდვილად მოიძებნებიან ადამიანები, ვისაც კიდევ ახსოვს ჩემი წიგნი.

— ღირს კი ძველი საქმეების ქექვა? აბა, რად გინდა?

— რად მინდა? აი, ნახავ, — თქვა პერმა, თითები გაატკაცუნა და ხელახლა დაიწყო ოთახში სიარული.

— ყური მიგდე, პერ, დაივიწყე წარსული, არ ვიცი, აბა, რა შედეგი ექნება ასე დაგვიანებით გაპროტესტებას? შენ არც გააკეთებ ამას, ჩემო მგობარო.

— რა შედეგი? ძვირფასო, მე მხოლოდ მინდა დავიცვა ჩემი უფლებები, რომ ეს იდეა პირველად მე დამებადა, მეტი არაფერი. არავინ იცის, როგორ შეიძლება გამოგვადგეს ეს მომავალში.

— მე კი დააწმუნებული ვარ, უსიამოვნების მეტს არაფერს მოგიტანს. ხომ თავად ამბობდი, რომ ის შენი სტეინერი მეტად მიღევა კაცია და არაფერს არ ითაკილებს, ოღონდაც მოწინააღმდეგე გზიდან ჩამოიშოროსო. თანაც, შენ შეჩვეული არა ხარ საჯაროდ გამოსვლებს, მაშასადამე...

— პატარავ! შენ პირდაპირ დაჰკანკალებ შენს ძვირფას ქმარს! — მხიარულად უთხრა პერმა და ღიმილით შეჩერდა მის წინ — მაგრამ ჩვენ კიდევ ვნახავთ! ჰო, სად არიან ბავშვები? ხაგბარტი სად არის?

— ყველანი ბალში არიან.

— დღეს ჩვენ ერთი კარგად უნდა ვითამაშოთ დახუჭობანა.

— ისა სჯობს, ხაგბარტთან ერთად გაისეირნო. მთელი დღე უსაქმოდ დაყიალებს. იქნებ მასენებთან წაიყვანო? მათ ორთქლის ახალი სალენწი მანქანა აქვთ. ბიჭს დააინტერესებს. მოსწონს ამგვარი რამეები.

— კრისტენ მასენთან? იქ უჩვენოდაც ბევრი ხალხია.

— მით უფრო. მაშასადამე, ბიჭს ბევრი სანახავი ექნება. ბარემ მანქანის მოწყობილობაც აუხსენი. თვალი ვერ მოაცილა სალენწ მანქანას. როცა ჩაატარეს. მე კი, ცხადია, ვერაფერი ავუხსენი.

— კარგი ავუხსენი.

პერი საათზე ცოტა მეტი ხნის შემდეგ შინ დაბრუნდა და მაშინვე შეუდგა სამგზავროდ მზადებას. მაგრამ სხვენიდან ჩემოდანი რომ ჩამოჰქონდა, თითქოს უხილავმა ხელმა შეაჩერა. თუმცა, ეს გრძნობა ისევე უეცრად გაქრა, როგორც გამოჩნდა. ის შეიცვალა სხვა, უფრო საშინელი გრძნობით: პერს მოეჩვენა, თითქოს ამ წუთს თავისი ცხოვრების უკანასკნელ გზაჯვარედინთან იდგა. თუ ახლაც ვერ შესძლებს სწორი გზის პოვნას და თავის თავს და თავის დარდს ვერ გაექცევა, რიმალტი მის საფლავად იქცევა.

* * *

უკანასკნელი ექვსი წლის განმავლობაში, იმ დროიდან, სოფელში რომ საბოლოოდ გადასახლდა, პერი მხოლოდ ერთხელ იყო კოპენჰაგენში. ქორწინებიდან ნახევარი წლის შემდეგ მან და ინგერმა გადაწყვიტეს იქ წასვლა და ორი კვირა გაატარეს, მაგრამ პერს ჯერ კიდევ მაშინ მოეჩვენა ქალაქი უცხოდ. ქუჩის ზედახოცვა, ხმაური, სასტუმროთა ვიწრო ნომრები, რესტორნის საჭმელები, ფეხისქირა, ყველაფერი ძალიან მოშორებით, მთელი დღე კეთილი ინებე და საგარეო ფორმას ნუ გაიხდი, ათრიე თან ხელთათმანები, დაივარცხნე პარიკმახერთან, რასაც განსაკუთრებით მოითხოვდა ინგერი, — მოკლედ, რამდენიმე დღის შემდეგ საშინლად მოუნდა დაბრუნებოდა თავის პატარა, წყნარ სახლს, უბრალო სოფლურ ცხოვრებას.

ამჯერად იგივე ისტორია განმეორდა. თუმცა პირველად აინტერესებდა დათვლიერება, როგორ გაზრდილიყო ქალაქი ბოლო წლებში. პირველ დღესვე განთიადზე წამოხტა, რათა დაენახა, როგორ აგებდნენ ახალ პორტს. მერე დაიარა ყველა ახლადწარმოშობილი რაიონი, მერე წავიდა ცენტრში, ძველ ქალაქში და მოძებნა ნაწილობრივ ან მთლიანად გარდაქმნილი კვარტალები, რის შესახებაც ბევრი წაეკითხა გაზეთებში. მაგრამ როგორც კი დაიკმაყოფილა თავისი ცნობისმოყვარეობა, მაშინვე აიტანა იმავე, ყოველი პაროკინციელისთვის ნაცნობმა, დაკარგულობის და სიმარტოვის გრძნობამ, როგორც ჩვიდმეტი წლის წინათ, როცა პირველად დატოვა მშობლიური სახლი და დედაქალაქში ჩამოვიდა.

ახლა კი, თითქოს განგებ, კოპენჰაგენში ყველაზე უფრო ხმაურიანი სეზონი იყო — ზაფხული გადიოდა და ყველგან, საითაც გაიხედავდი, მხიარული გამოცოცხლება სუფევდა. სადამოობით ისევ ფრინავდნენ

რაკეტები ტივოლის თავზე, ისევ გრიალებდნენ ყველა ბალებში და პარკებში სასულე ორკესტრები, მაგრამ უკვე ერთმანეთის მიყოლებით სტუმარმოყვარედ იღებოდა ყველა თეატრის კარი; ჯერ კიდევ ირეოდნენ ყველა კაფეებში ზაფხულის ჩიტუნიები — შვეციიდან და გერმანიიდან ჩამოსული სტუმრები, მაგრამ უკვე დაიწყეს აგარაკებიდან დაბრუნება კაფეების ჭეშმარიტმა მუდმივმა სტუმრებმა და დიდად უკმაყოფილონი დარჩნენ, როცა ნახეს, მათი საყვარელი კუთხეები თავზედ უცხოელებს დაეკავებინათ. ყოველი მატარებელი, ყოველი გემი ამოიტყორცნიდა ხოლმე შინ დაბრუნებულ ხალხის ბრბოს, და თუმცა ზმანალა ყველანი მწარედ ჩიოდნენ, რა მალე გადის ზაფხული, პირდაპირ გამოხედვას ვერ მოასწრებ კაციო, — მაგრამ მათი სიხარული მშობლიური ადგილების დანახვისას ყველა სიტყვებზე უფრო დამაჯერებლად ამტკაცებდა, როგორ მობეზრდათ რომანტიკული ტყისპირებიც და იდილიური მდინარის ყურეებიც. კომერსანტებს და ჩინოვნიკებს, კანტორის მოსამსახურეებს და მოლარეებს, სტუდენტებს და მხატვრებს — ყველას მონატრებოდა ქალაქი და წაღმა-უკულმა ცხოვრება: გაისა მზეზე და ელექტრონის მთვარეზე.

მაგრამ ეს მხიარულება პერს გვერდს უვლიდა, მას არ ეხებოდა, მას ყველგან მომქანცავი ხმაური ესმოდა, მხოლოდ საცოდავ მანკვას ხედავდა. როცა ამ შეფექრიანებულ ადამიანებს უყურებდა, აჩქარებით რომ დარბოდნენ ქუჩებში, ტრამვაებიდან სვლის დროს ხტებოდნენ და მასშიც სვლის დროს სხდებოდნენ, ღია ეტლებით დასეირნობდნენ ქალაქში, რესტორნებში თავს ისე გრძობდნენ, როგორც შინ, გაზეთიდან თვალმოუწყვეტილვ აჩქარებით ყლაპავდნენ საუზმეს, ლუდის ტოლჩასთან საქმეებს ატრიალებდნენ და ძნელად თუ დაუთმობდნენ ერთ-ორ საათს წყნარ ფიქრებს, პერა მიხვდა, რომ შეცდა საკუთარ თავში და რომ ამ ხალხის ცხოვრება აღარასოდეს არ გახდება მის ცხოვრებად. უფრო მეტიც. ამ გამოცოცხლებულ ბრბოში ზოგჯერ მისიონერული ცეცხლით აენთებოდა და უნდოდა გაეფრთხილებინა ისინი, დაეყვირა: „შეჩერდით, უგუნურებო!“

გავიდა ხუთი დღე, მას კი ჯერაც ვერ მოეხერხებინა მიღებაზე მისვლა ვერც შინაგან საქმეთა მინისტრთან, ვერც წყალსარწყავი სისტემის გენერალურ დირექტორთან. როგორც კი წასასვლელად მოემზადებოდა, ყველთვის ფარული, გამაფრთხილებელი ხმა აჩერებდა, ეუბნებოდა, თუ ამ გზაზე დადგები, შენში ყველაფერს კარგს მოკლავო.

„ძვირფასო მეგობარო! — სწერდა ცოლს. — მე ვ-ნდა. აქედანვე მოგამზადო იმისათვის, რომ იქნებ შინ ხელცარიელი დავბრუნდე. წერილში მიზეზს ვერ აგისსნი, ერთს გეტყვი: ყოველდღიურად უფრო და უფრო ვრწმუნდები, რომ ცხოვრების აქაური პირობები ისევე შეუფერებელია ჩემთვის, როგორც შვილი წლის წინათ და უფრო ნაკლებად. მაგრამ ნუ დანაღვლიანდები. ხომ არსებობს ქვეყანაზე ისეთი ადგილი, რომელიც ჩემთვის არის შექმნილი და მეც არასოდეს არ დავიღლები მისი ძეხნით. ისე არ იფიქრო, თითქოს ამ გამომგზავრების დროს სულ ვერაფერი გვაკეთე. მე ახლა ბოლომდე შევიგენი, რომ გრძნობა, რომლის გამოც მე ოდესაღაც — და, თანაც, ფრად განუსჯელად — დედაქალაქის ხმაურს გავექეცი, ღრმად ჩანერგილია ჩემს ბუნებაში. ასეთი აღმოჩენის შემდეგ ჩემი ცხოვრება უფრო აზრიანი მეჩვენა. — და განა ეს ცოტაა? ახლა მე უკვე აღარ ვიფიქრებ მძიმე წუთებში, როგორც წინათ ვფიქრობდი, რომ ჩემს ბედს ბრმა შემთხვევა წარმართავდა. არა, არა შემთხვევამ, არამედ შინაგანმა ძალამ, საიდანაც არ უნდა ყოფილიყო მოსული ის, წარმართა ჩემი ბედის ეტლი საჭირო მხარეს, თუმცა ერთი შეხედვით შეიძლებოდა მოგჩვენებოდათ — და ხშირად მგონებია, რომ ის მხოლოდ სტიქიის საცოდავი სათამაშო იყო. ვიქონიოთ იმედი, რომ თუ მე ამ ძალას შემდგომშიც მივანდობ ჩემი ბედის წარმართვას, იქით მიმიყვანს, საითაც საჭიროა... მაღე ისევ ერთად ვიქნებით. იქნებ მკითხო, რატომ არ მოვდივარ დაუყოვნებლივ, თუკი არ ვანხორციელებ წამოსვლის მთავარ მიზანს. ვაღიარებ: მე პირდაპირ მრცხვენია, იმდენ რამეს შეგპირდი წამოსვლის წინ და პირში ჩალაგამოვლებული კი დავბრუნდები. მაგრამ მჭერა, რომ არ გამკიცხავ“.

თავისი უმიზნო ხეტიალის დროს პერი ხშირად ხვდებოდა ძველ ნაცნობებს სალამონთა ოჯახიდან. გულამტკვრებული მდიოდა ერთხელ ტრამვაის გაჩერებდან თავისი ყოფილი მეგობრის და ცოლისძმის — ივენის უკან. ილიაში პორტფელამოჩრილი ოვენი წინანდელივით, აჩქარებით მიცუბცუხებდა თავისი მოკლე ფეხებით. შეხვდა კიდევ არონ იზრაელს, მაქს ბერნარდს, ხასელავერს და ნათანს. მეტისმეტად გაოცდა პერი. სრულიად არ გამოცვლილიყვნენ. პოლიტექნიკური ინსტიტუტის ყოფილი თანაურნელებიც ხვდებოდნენ (ისინი პერს ვერ სცნობდნენ). ახლა ყველანი გავლენიანები გამხდარაყვნენ და საკმაოდ მაღალი პოსტები ეკავათ. შინ გაზეთების მიხედვით თვალყურს ადევ-

ნებდა მათ კარიერას. მაგრამ ახლა, როცა საკუთარი თვალით ნახა, არავითარ შურს არ გრძნობდა.

ყველაზე მეტად იაკობას ნახვა უნდოდა, თუმცა ეშინოდა ამ შეხვედრის. მან იცოდა, რომ იაკობა აქ იყო, ქალაქში, რომ მან ღარიბთა შვილებისათვის დააარსა მონასტრის სკოლის მსგავსი სკოლა. პრესა ბევრს ხმაურობდა ამის თაობაზე. პერი ყველანაირად ცდილობდა უფრო დაწვრილებით გაეგო, რა სკოლა იყო ეს და რად დასჭირდა ეს იაკობას, მაგრამ იუტლანდიის გაზეთები მხოლოდ იმას წერდნენ, რომ ეს გახლდათ „ცოტა არ იყოს გამოიმწევევი ქინიანობა ებრაელი ჭიბესქელის ქალიშვილისა“, წესიერად კი არაფერს არ უხსნიდნენ მკითხველს.

ერთხელ დღისით, როცა ესტერჰადეს და კუნჰენს ნიუტორვის კუთხეში მდებარე კაფეში ფანჯარასთან იჯდა, პერმა დაინახა დიურინგი. დიურინგიც — საოცარი იყო — სრულიად არ გამოცვლილიყო. ის შუა ტროტუარზე იდგა, და ვიღაც ქალს ელგპარაკობდა, ეტყობოდა, ეს ახალგაზრდა, ლამაზი და ძალიან ელეგანტური ქალი მსახიობი უნდა ყოფილიყო. ქალი განუწყვეტლივ იცინოდა, თითქოს დიურინგის უტიფარი მზერა უღიტინებდა. მათ მისჩერებოდნენ. ყველა, ცოტათ თუ ბევრად კარგად ჩაცმული კაცი, დიურინგს თავს უკრავდა, ქალები კი ერთმანეთს მუჯღუგუნებს ჰკრავდნენ.

მერე დიურინგმა ნაზად ჩამოართვა ხელი მსახიობ ქალს და ღია ეტლში ჩაჭდა, ქვაფენილის პირას რომ უცდიდა. ასეული თვალი აცილებდა მას, სანამ მზით გაბრწყინებულ მოედანზე მიდიოდა, ხოლო პრიალა ცილინდრი ქერათმიან თავზე ხან აიწეოდა, ხან დაიწეოდა — დიურინგი ნაცნობებს ესალმებოდა.

პერს გაახსენდა, რომ გაზეთები ახლახან იტყობინებოდნენ დიურინგის პარიზიდან დაბრუნებას, სადაც საზღვარგარეთის პრესის საგანგებო წარმომადგენლის სახით ესწრებოდა რომელიღაც ოფიციალური დაწესებულების გახსნას, მერე წარდგენილ იქნა რესპუბლიკის პრეზიდენტთან და მისი ხელიდან მიიღო ფრანგული ორდენი. ის საზოგადოებრიობის თვალში იქცა უცვლელ და აუცილებელ წარმომადგენლად ყველა ამგვარ შემთხვევაში. ყველგან, სადაც რაიმე მნიშვნელოვანი მოვლენა ხდებოდა, დიურინგიც ესწრებოდა, ან, უკეთ რომ ვთქვათ, მხოლოდ ის მოვლენა ითვლებოდა მნიშვნელოვნად, რომელზეც დიურინგიც ესწრებოდა. მის წინაშე ყველა კარი ღია იყო, ცხოვრების ყველანაირი სიხარული, ყველა ფაქიზი თუ უხეში სიამოვნებანი უფასოდ

მოერთმეოდა. კაცები და ქალები მას ემლიქვნელებოდნენ. სამეფო კარიც კი, როგორც ამბობდნენ, დროდადრო მიმართავდა მას დახმარებისათვის, როცა რომელიმე საჩოთირო დიპლომატურა დავალების შესრულება იყო საჭირო.

აი, ვის გააჩნდა მართლაც სამყაროს დაუღვევარი დამპყრობის თვისებები, მას მთელი ცხოვრება სულელურ ფარსად ეჩვენებოდა. ღვთაებრივად უზრუნველმა, თავისი დღეები სიამოვნებათა უწყვეტ ჯაჭვად გადააქცია, დაუსრულებელ ტრიუმფალურ სვლად.

დაე, ასე იყოს! პერს ამ ახალი ნიმუშის ალექსანდრე მაკედონელი-საც კი აღარაფერი შურდა.

მაგრამ რა უნდა პერს? საით მიისწრაფვის? და სად არის, ბოლოს და ბოლოს მისი ნამდვილი ადგილი? ახლა მაინც უნდა გაიგოს ეს.

გუშინ, გაზეთების გადათვალიერებისას, პერსმა შემთხვევით წაიკითხა, რომ იუტლანდიის ერთ-ერთ ყველაზე დასავლეთ ოლქში აგერის ნახევარკუნძულზე გაიხსნა გზის ზედამხედველის ეაკანსია. ეს განცხადება თავიდან არ ამოსდიოდა. აი, ახლაც ისევე გაახსენდა. თვითონ სამუშაო კი არ იზიდავს, სრულიადაც არა. თუ აღარას ვიტყვით იმაზე, რომ უმნიშვნელო ხელფასია, ინგერიც, ასე რომ უყვარს მოსვენება, სიჩუმე, სიმყუდროვე — ვერ შეეგუება ამ შიშველ კლდეებს, სადაც მძინვარედ ღრიალებს ჩრდილოეთის ზღვა და მარილიანი ყინულოვანი ზვინები გააფთრებით იმსხვრევა ხოლმე ნაპირზე. რატომ ჩაუვარდა პერს მაინც გულში ეს განცხადება? ამიტომ, რომ თვითონ მას დიუქლევლად იზიდავს ეს მხარე, და — როგორც ახლა გაიგო — სწორედ იმითი, რომ ასეთი უდაბურია, პირქუში, ღმერთისა და ხალხის მიერ დავიწყებული.

პერს არასოდეს ასე გულისყურით არ ჩაუხედავს საკუთარ სულში. მან თითქოს თავისი არსების თვით სიღრმეები დაინახა — და, დანახვისთანავე შეაძრწოლა. თუ ყველა ზილვადი წარმატებების მიუხედავად ვერ მოაპოვა ბედნიერება, მაშასადამე, ბედნიერება არ უწყერია ამ სიტყვის ჩვეულებრივი მნიშვნელობით. აი ახლაც, შინისაკენ ინგერის, ბავშვების ან ოჯახური სიმყუდროვის ხათრით კი არ მიისწრაფის. იმ უხილავი ხელის როლმა, რომელსაც პერსი აქეთ წამოსვლა არ უნდოდა, და მუდამ ყველაზე გადამწყვეტ წუთებში საიდუმლოდ წარმართავდა მის ნაბიჯებს, ქვეცნობიერად დაარწმუნა, რომ მხოლოდ მატრობაში მოიპოვებს მისი სული შევბას და მხოლოდ ტანჯვისთვის და დარდის-

თვის არის განწირული მისი სიცოცხლე. „მაქამე მე პური ცრემლიანი, მასვი მე ცრემლები“.

მხოლოდ ახლა, თითქოს ელვამ გაუნათაო, ჩასწვდა პერი ამ საკვირველი სიტყვების მიმზიდველ და საშინელ ძალას. დიდი ბედნიერება, რასაც ხელის ცეცებით ეძებდა, აღმოჩნდა ის დიდი უბედურება, ის დაუბრუნებელი დანაკარგი, ფიალტრინგმა რომ ხოტბა შეასხა და რჩეულთა ღვთიური ჯილდო უწოდა.

პერმა თავი ასწია, თითქოს მძიმე ძილიდან იღვიძებდა, ხელახლა დაინახა თავის წინაშე მზოთ განათებული მოედანი და კარტებითა და ფეხით მოსიარულეთა მხიარული აურზაური. ცოტა ხნის მერე ადგა და კაფედან გავიდა. ქუჩებში უმიზნოდ ხეტიალის შემდეგ ერსტედოვის პარკში შეუხვია, სადაც ჩამოსვლის დღიდან დილაობით დასეირნობდა, როცა იქ ცოტა ხალხი გახლდათ. ახლა, შუადღისასაც, არ იყო აქ ხალხმრავლობა! ბავშვებიანი ძიძვები შინ წავიდნენ. სკამზე არავინ იჯდა. ფართო ჩრდილებს დაეხაზათ ხეივნები და ბილიკები. ჩამუქებულ ფოთლებს, დროთა განმავლობაში გამწვანებულ ქანდაკებებს შუადღის მზე აკახუნებდა.

პერი ერთ-ერთ მთავარ ხეივანში სკამზე დაეშვა. აქ არავინ უშლიდა. მშვიდად იჯდა და ჯოხით ხაზავდა ქვიშას. უეცრად ისევ გაიფიქრა, რომ თუ მოკვდება, ან როგორმე წავა თავის ოჯახის ცხოვრებიდან, ეს მათთვის დიდი შელავათი იქნება. განსაკუთრებით ბავშვებისთვის. მას გაახსენდა, როგორ ელაპარაკა ინგერი ხაგბარტუ. ბიჭი მართლაც ძალიან გულჩათხრობილი და ეჭვიანი გახდა. ერთხელ პერმა მიუსწრო ბაღში. როცა ჩიტს მისდევდა. — ერთი სიტყვით, ცუდს არაფერს აკეთებდა, უცებ ბიჭმა მამას მოჰკრა თვალი და პერი გაშეშდა, როცა ბავშვის თვალეში გაელვებულა გამომეტყველება შენიშნა. მან თითქოს შორიდან დაინახა თავისი თავი მრავალი წლის წინ, როცა თავისი მამის წინაშე იდგა და ნახევრად თავხედურად, ნახევრად შეშინებულ იგონებდა უაზრო მუხებებს, ოღონდ დაეფარა რომელიმე დანაშაული! არა! ხაგბარტის ნათელი შუბლი არ უნდა დადაღოს კაენის ბეჭედმა! მამის წყევლამ, შავ ჩრდილად რომ დააწვა მთელ მის ცხოვრებას და დევნილად და მონეტიალედ აქცია, არ უნდა უწიოს მის შვილებს. არ უნდა უწიოს ინგერს! ახლა, როცა იგრძნო, რა ღრმად დაეუფლა გარდუღახავი ზიზლი ცხოვრები-

სადმი, პერს უფლება ადარა აქვს აიძულოს ინგერი, გაიზიარო მისი ხვედრი. საბრალო გოგონა! მან ჯერ კიდევ არ იცის თავისი ებედურება. ჯერ ვერ მიხვედრილა, რომ თავისი ბედი 'მაქციას დაუკავშირდა, მიწისქვეშეთის სულს, მზის სინათლე რომ აბრმავებს, ბედნიერება რომ კლავს. და თუ კიდევაც როდისმე სიყვარული სხვისადმი ინგერს თვალებს აუხელს, თავის საიღუმლოს თავისთვის სასაკვდილო ცოდვასაკით შეინახავს, ისე დაქცნება და მოკვდება, ვერ გაბედავს საკუთარ თავსაც კი გაუმხილოს თავის აღმოჩენა.

პერს უნდოდა სკამიდან ამდგარიყო, მაგრამ ამ დროს მისი მზერა ხეივნის მეორე მხარეს მდგარ ქანდაკებას მოხვდა. ეს იყო სოლენი, ყრმა დიონისო ეპირა ხელში. ხის ტოტზე მიყრდნობილი უცქერდა ცელქს მოხუცი სატირი და ძლივს შესამჩნევად იღიმებოდა, მამობრივი სიამაყე უცისკროვნებდა წვეროსან სახეს.

პერი ხელახლა დაჯდა, მზერა ვერ მოაშორა ამ ქანდაკებას, სანამ ცრემლები არ მოაღვა თვალთ. რა კარგად შეიძლებოდა მოწყობილიყო ყოველივე, მისთვის რომ მრავალი წლის წინათ, როცა ბავშვი იყო, ასეთი სინაზით, ასეთი მზიანი ღიმილით ეცქირათ. ფეხის ადგმისთანავე რომ არ ყოფილიყო მისთვის სიცოცხლე მოწამლული სკოლაშიც და 'მინაც — და ყველაზე უფრო მეტად მათ გამო, ვისითაც დავალებული იყო თავისი ამქვეყნად მოვლენით. მაგრამ თვით სიკვდილმა სიცოცხლის ზღურბლზე აღბეჭდა ის თავისი კოცნით. ჯვარის ნიშანი, საფლავის ჯვარისა მას შუბლზე და მკერდზე ჰქონდა დაქუეული სწორედ იმ დღეს, როცა ეს ქვეყანა დაინახა.

თ ა ვ ი XXVII

ერთი დღის შემდეგ პერი შინ დაბრუნდა. ინგერთან ლაპარაკისას მან გაცვრით ახსენა გზის ზედამხედველის ადგილი — მხოლოდ იპიტომ რომ ქალს დაენახა, პერი სამუშაოს ეძებსო, თანაც არა მხოლოდ თვით კოპენჰაგენში, მაგრამ ვერაფერი შესაფერისი ვერ იპოვა, რამდენადაც „ასეთ ადგილზე ლაპარაკიც ზედმეტია“.

კვლავ დღე დღეს მისდევდა ჩვეულებრივი ბედის ტრიალით და ყოველი მათგანი წინა დღეს ჰგავდა. აი, დადგა შემოდგომა, ამინდაც შეიცვალა, როგორც შემოდგომამ იცის ხოლმე. ხან აქ, ხან იქ შოულობდა

პერი მიწისმზომელის სამუშაოს, რაიმე უფრო სერიოზული საქმე ჯერ არ ჩანდა.

ინგერი ამჩნევდა, რომ პერი ძალიან გამოიცვალა. მას მეტისმეტად გაუხარდა შინ დაბრუნება, პირდაპირ გული აუჩვილიდებოდა კაცს. ჩამოსვლის დღეს ბავშვებს ვერ იშორებდა, ყველას საჩუქრები ჩამოუტანა. მაგრამ უცნაურად მოუსვენრად იყო და თანაც საოცრად თავშეკავებულად, გაუბედავადაც კი ექცეოდა ინგერს, ეს კი პერს სულაც არ ჰგავდა. წინათ საათობით შეეძლო ყალიონით ან სიგარით ფანჯარასთან ჯდომა და ღრუბლების ცქერა, ახლა ვერსად პოულობდა ადგილს. ინგერს ესმოდა, როგორ დადიოდა დიდხნობით პერი თავის ოთახში წინ და უკან, თითქოს ჯერ არ დასცხრომოდა აგზნება, გამგზავრებით გამოწვეული. გარდა ამისა, პერი უძილობას უჩიოდა და ყოველ ღამე თხოულობდა მისთვის კაბინეტში დივანზე გაეშალათ ლოგინი, რადგან საწოლ ოთახში პატარა ინგებორგი უშლიდა ხელს: ბავშვი გაცივდა და ღამით ძალიან ასველებდა.

ინგერი ბევრ რამეს მიხვდა. ისაერთოდ პერის გამგზავრებამ ძალიან შეაშფოთა. ერთ-ერთი მიზეზი, რის გამოც არ უნდოდა კოპენჰაგენში გადასვლა, იყო იმის ფიქრი, რომ იქ პერის ყოფილი საცოლვე ცხოვრობდა. შიშობდა, ვაითუ პერი და ის ქალი შემთხვევით შეხვდნენ ერთმანეთსო. ახლა კი იმისი ეშინოდა, რომ ეს ასეც მოხდა და პერი თავად დარწმუნდა, რა ძნელი იქნება მისთვის კოპენჰაგენში ცხოვრება. თუ ინგერი მართალია, მაშინ ძნელი არ არის იმის მიხვედრა, რატომ არ ჩათვალა პერმა საჭიროდ, აეხსნა მისთვის, რად შეცვალა თავისი განზრახვები ასე უეცრად და რად არის ასეთი დარცხვენილი.

მაგრამ რაიმე გამოსავლის პოვნა აუცილებელია. ეს ინგერისთვის დღითი-დღე უფრო და უფრო ნათელი ხდებოდა. რიმალტში მათი დარჩენა არ შეიძლება, თორემ ყელამდე აივსებიან ვალებით. ინგერს უკვე ჰქონდა რამდენიმე წვრილი ვალი და ეს ძალიან აწუხებდა, მაგრამ არ უნდოდა ჯერ პერისთვის მიემართა. მას, საბრალოს, ისეც ბევრი საზრუნავი ჰქონდა! პერის ჩაღვლიანობის მეორე მიზეზად ის თვლიდა მათი მომავლისათვის წუხილს; ყველაზე არასასიამოვნო ის იყო, რომ ინგერს კარგი რჩევითაც კი არ შეეძლო შველა.

ერთხელ დღისით მათ სახლს მხედარი მოადგა და პერთან საუბრის ნებართვა ითხოვა. ინგერი სწორედ სარდაფში ჩადიოდა და არ დაუნახავს სტუმარი, მაგრამ ხმა მაშინვე იცნო. ეს იყო ახალგაზრდა მემამუ-

ლე ბრუკი. „ნეტა რა უნდა აქ?“ — გოცებით, ცოტა არ იყოს, აღელვე-
ბითაც გაიფიქრა ინგერმა.

ბრუქსაც თავის მხრივ, ძალიან გაუქვირდა, როცა გაიგო, პერი შიპ
არ იყო. როცა ინგერი გამოვიდა სტუმართან და სახლში მიიწვია,
ბრუქმა აუხსნა, პერი შემითანხმდა, სამიწათმზომელო სამუშაოებზე მო-
სალაპარაკებლად შემხვედროდაო; ეს სამუშაო მათ თავისთან ბუდე-
რუბლუნდში უნდა ჩაეტარებინათ. პერმა მოისურვა შეედარებინა
თავისი გამოთვლები ძველ გამოანგარიშებებთან და ბატონმა ბრუქსაც
მოუტანა ქაღალდები. ინგერმა ბოდიში იხადა, მაგრამ სხვა გზა არ
ჰქონდა: იძულებული იყო სასტუმრო ოთახში მჯდარიყო და სტუმარი
გაერთო, ამისთვის კი სულაც არ ეცალა, უმთავრესად იმიტომ, რომ
ბავშვების ტანსაცმლის დაუთოვებას აპირებდა და ის-ის იყო უთო
ფილაქურაზე დადგა.

ინგერს წარმოდგენა არ ჰქონდა, სად უნდა ყოფილიყო პერი. —
ნასადილევს ყავა მასთან ერთად დალია, ორთვალა ჩარდახის ქვეშ
იდგა — მაშასადამე, შორს ვერსად წავიდოდა. ყველაზე მეტად ინგერს
ის აკრთობდა, რომ ბრუკი ძალიან უკიდებდა ენას და მეტისმეტად
განიცდიდა თავის ნაკლს. ინგერს კიდევაც შეეცოდა, და ისეთი თვალე-
ბი რომ არ ჰქონოდა, ალბათ აღარ ეძულებოდა. თვალები კი ბრუქს
პატარა, ფოლადისფერი ჰქონდა, მაგრამ გამოხედვა იცოდა. ბავშვობა-
შივე ისეთი მწველი და მბრძანებლური, რომ ინგერს პირდაპირ
ეშინოდა.

გავიდა თითქმის ნახევარი საათი, ბოლოს პერი დაბრუნდა. ისიც
მოჰყვა მობოდიშებას — ეს ბოდიშები ინგერს ძალზე არეულ-დარეული
და არადამაჯერებელი ეჩვენა. მერე მამაკაცები კაპინეტში გავიდნენ.

საუბარი რამდენიმე საათს გაგრძელდა და პერმა ბატონ ბრუქს
სთხოვა, სადამომდე დარჩენილიყო მათთან. გარდა ამისა, ისინი შეთან-
ხმდნენ, რომ პერი ბუდერუბლუნდში ჩავიდოდა პირველ შესაძლებლო-
ბისთანავე, რათა ხელახლა გაეზომათ ზოგიერთი ნაკვეთი. შემდეგ კი
გადაწყვიტეს არ გადაედოთ წასვლა და მეორე დღისთვის დანიშნეს,
თუკი ამინდი ხელს შეუწყობდათ. პერს, როგორც მან თქვა, ძალიან
ეჩქარებოდა ამ სამუშაოს მოთავება.

— ბარემ მინდა თქვენი განთქმული ქათმებიც დავათვალიერო-
ცოლმა ყურები გამომიყრუა მათზე ლაპარაკით. ძალიან უყვარს
ქათმები.

თავისთავად ისე მოხდა, რომ პერთან ლაპარაკის შემდეგ ბატონმა ბრუკმა ვახშმის ღროს ინგერი დაპატიჟა, ქმართან ერთად ჩამოლით ჩვენსაო.

— მე ვფიქრობ, — გაიხუმრა მან, — ჩემი კოხინხინურებს დანახვაზე შურით გული გავისკდებოდა.

ინგერმა ისეთი ტონით გადაუხადა მადლობა, როგორითაც მადლობას უხდნიან მიწვევაზე, როცა მის მიღებას არ აპირებენ.

მაგრამ, როცა მეორე დღეს მან საწოლი ოთახის ფანჯრიდან დაინახა როგორ მოაგორებდნენ ეზოში ორთვალას, უნებლიედ ინანა უარის თქმა. მშვენიერი დილა იყო, ოქტომბრის მზე არემარეს ათბობდა. ბუდერუპლუნდის გზა კი ოლქში ორ ყველაზე ლამაზ პატარა ტყეზე გადიოდა. გარდა ამისა, მან გადაწყვიტა, პერი უფრო გამხიარულდებოდა, თუკი მეც წავეყვებო, — და ბოლოს, ინგერს უბრალოდ მოუხდა კადეკ ერთხელ ენახა ძველი მდიდრული სახლი, სადაც ბავშვობაში რამდენჯერმე იყო მშობლებთან ერთად. და თუკი იმასაც მოახერხებს, რომ თავის პლიმუთროკებს ერთ წყვილ ნამდვილ კოხინხინურზე გადაცვლის, ამით კარგადაც მოიგებს.

ამიტომაც ინგერმა ფანჯარა გააღო და გასძახა პერს, უკვე ორთვალაში რომ ჯდებოდა:

— არ გინდა მეც თან წამიყვანო?

ჯერ იყო და პერი, ეტყობოდა, ვერც კი მიხვდა, რას ეკითხებოდა ინგერი. მის ამოხედვაში ისეთი გაუგებრობა გამოიხატა, რომ ინგერმა მზარულად გადაიხარხარა.

— აბა, რა არის აქ გაუგებარი, სულელო! მეც მინდა წამოგყვე.

პერმა უსიტყვოდ დაუქნია თავი.

ბევასი გამოხანეს და ორთვალა წითელხავერდისსაქლომიანი მსუბუქი ეტლით შეცვალეს, მერე საგარეო აკაზმულობა გამოიტანეს და ნახევარი საათის შემდეგ, როგორც იქნა, გზას გაუდგნენ.

გზა რკინიგზის ხაზს კვეთავდა, შემდეგ ბორცვზე აღიოდა, საიდანაც მოჩანდა მდინარე და სალკვი მდელოები. ბორცვის მეორე მხარეს გზა კერად ეშვებოდა ტყით დაფარულ ზევში. ფერადი ფოთლების აჩუხჩუხებული ზღვა მზეზე ბრწყინავდა. მალე ზეები გარსშემოერთყნენ შათ, თვლები გადარეცხილ ნაკვალევში იფლობოდა და პერმა ცხენი ნაპიჯით წაიყვანა.

ის მთელი გზა დუმდა. სამაგიეროდ, ინგერი შესანიშნავ გუნებაზე

იყო და განუწყვეტლივ ღიღინებდა. თავისთვის, ის ხომ ანე დიდხანს იქნა ოთხ კედელს შუა, ასე გადაიღალა საოჯახო საქმით, ასე გაიტანა ნაღვლიანი ფიქრებით! საკვირველი არ იყო, რომ გამხიარულდა. რა სილამაზეა ირგვლივ! რა ხეებია! რამდენი ფერია! თავს ზემოთ რომელიდაც ფრინველი სულ ჰიკვიკებს. თითქოს მათ მოსდევს. მისი დანახვა შეუძლებელია, მაგრამ ხმა ხან აქეთ ისმის, ხან — იქით, ჩიტი ეშმაკურად იმეორებს თავის დაუსრულებელ „ტია-ტიას“. ინგერი ღრმად სუნთქავდა და თავს საოცრად მსუბუქად გრძობდა, თითქოს ყოველივე, რაც სტანჯავდა და აწვალებდა ამ ბოლო ღროს, უკვალოდ გაქრა. უნდოდა ხმამალა ემღერა, მაგრამ ამ ღროს გაახსენდა, რა ნაღვლიანი იყო დღეს პერი და ამიტომ წყნარად ჩაიღიღინა მხოლოდ.

უეცრად ხელი ჩაჰკიდა პერს და უჩურჩულა:

— ოჰ, ერთი იქით გაიხედე!

მისმა მახვილმა თვალმა ხშირ ბალახნარში შევლი დაინახა — ცხოველს ყურები დაეცქვიტა, თვლები დაეკვიტა და ისე გაშეშებულიყო, თითქოს ნახტომისთვის ემზადებოდა. პერმა ცხენი შეაჩერა. არც შევლი იძვროდა და ისე უცქეროდა მათ, თითქოს იწვევდა. მან ოღნავ შეარხია ყურები და კისერი წაიგრძელა, მაგრამ უეცრად საკუთარი მოძრობით შეშინებულმა ზურგი აქცია მათ და ღიღი ნახტომებით მიიმალა ტევრში.

— ეი, დაიპირე! — უნებურად დაიყვირა ინგერმა და ხელები აიქნია. — ეი, ე-ჰე-ჰეი! — ყვიროდა ის, სანამ ტყეში რტოების ტყაცანი და ფოთლების შრიალი არ მიყურდა.

ნელ-ნელა პერზეც იმოქმედა ბუნების სილამაზემ. მას თითქოს გულზე მოეშვა, ხოლო როცა ინგერი სახელოზე შეეხო, ტანში მსუბუქმა ჟრუანტელმა დაუარა. ძველებურად გაელვია იმედი. მაგრამ მხოლოდ ერთი წამით, როგორც წმინდა ელმას ცეცხლი ენთება. ინგერის ერთმა ფრაზამ ხელახლა გააფუჭა ყველაფერი.

— ოხ, რა დასანანია, რომ მონადირე არა ხარ, ალბათ ეს ძალიან სასიამოვნო საქმეა. ერთი გესინჯა, ჰა? აი ასე, უზრუნველად მინდვრებსა და ტყეებში ხეტიალი... თან ეს ჭანმრთელობისთვისაც სასარგებლოა. როგორ ფიქრობ?

— ზოგისთვის სასარგებლოა, ხოლო ზოგისთვის — არა. ასეთ ამბებს ბავშვობიდან უნდა მიეჩვიო, მე კი განსაკუთრებული მეგობრობა ბუ-

ნებასთან არასოდეს არ მქონია. ალბათ, ამიტომაცაა, რომ ვგრძნობ — მისთვის უცხო ვარ.

— ხომ არ იცი ვისი ტყეა ეს?

— ეს ტყე ბრუკებს ეკუთვნით.

— ერთი უყურე, რა მიწები ჰქონიათ!

— მშვენიერი მამულია. სამოქალაქო მრჩეველი ძალიან მდიდარი ყოფილა.

— კი, მდიდარი კაცია.

მალე ისინი ტყიდან გავიდნენ და თვალწინ თვალუწვდენელი ველი გადაეშალათ, მის იქით კი — მინდვრები. მაგრამ მერე ისევე ტყე დაიწყო, ტყის იქით კი — მეორე ბორცვი, პირველთან შედარებით უფრო მაღალი, ხოლო ბორციდან მშვენიერი სივრცე იშლებოდა, დიდებული ნაყოფიერი ყანა! ქვემოთ, ბორცვის სამხრეთ ფერდობზე, გამოჩნდა დიდი თეთრი შენობა, ორი დაბალი კოშკი რომ ჰქონდა და დიდი პარკიც ერტყა. სწორედ ეს იყო ბუდეტუპლუნდი, ბრუკების მამული.

ინგერი გაშტერდა, ამ მამულს რომ ათვალიერებდა.

— შეხედე ერთი, რა ვეებერთელა ბალი აქვთ! მე ბევრად უფრო პატარა მეგონა.

— ჰო, აი სად უნდა თამაშობდეს ზაგბარტი — უკეთეს ადგილს ვერც მოიფიქრებ კაცი, — შენიშნა პერმა და მოულოდნელად ხმა ჩაუწყდა, თითქოს ძლივს შეიკავა სიცილი. — ჩვენთან ლალად ვერ არის.

— ის მაღალი შენობა რაღაა, აი იქ, უკან... მაღალი სახურავი რომ აქვს?

— ეს ბელელია, ხოლო უფრო შორს — საჯინბოები და ზეთსახდელი. ყველაფერი პირველხარისხოვანია და ტექნიკის უკანასკნელი სიტყვით მოწყობილი. რაც გინდა თქვი, მაგრამ მეურნეობის გაძლოლა გერმანელებმა იციან.

— როგორ ფიქრობ, ხომ არ გაუკვირდებათ, რომ მეც წამოვედი? პერმა სადავეები მოწინადა. ის მზად იყო დაუყოვნებლივ შეეჩერებინა ცხენი.

— შეგვიძლია დავბრუნდეთ, თუ გეუხერხულება.

— არა, მე მგონია, უკვე შეგვნიშნეს. ხედავ, იქ ხეივანში კაცი მოდის? ალბათ ტორვალდი თუა.

— კი, ნამდვილად, ეს მართლაც ბატონი ბრუკი-უმცროსია.

— მაშასადამე, უკან დაბრუნება არაფრით აღარ შეიძლება, თანაც,

პერ, მე ძალიან მინდა წყვილი კოხინხინურის შოვნა. პირობა მომეცი, რომ საქათმესაც ვინახულებთ. შენ მხოლოდ შიგ შემიყვანე და დანარჩენი მე ვიცი.

ინგერა მართალს ამბობდა: ძველ ცაცხვის ხეივანში, შარაგზიდან ბაღისკენ რომ გადიოდა, ტორვალდ ბრუკი დასეირნობდა. შორიდანვე დაინახა მათი ეტლი და იცნო ცხენი, ისე, რომ, როცა ისინი ეზოში შევიდნენ, ტორვალდი უკვე პარმალზე იდგა და სტუმრებს შეეგება.

ლივრეიანმა ლაქიამ პერს სადავეები ჩამოართვა, ხოლო ბრუკმა ამასობაში ინგერს ეტლიდან ჩამოხდომა უშველა და თითქმის მოწიწებით გადაუხადა მაღლობა ჩამოსვლისათვის.

სამოქალაქო მრჩეველი მათ მინებჩასმულ აივანზე შეეგება. ეს იყო მაღალი, შავგრემანი, წარმოსადგეი მოხუცი, სუფთად გაპარსული, მთლად ქალარა, მოკლედ შეჭრილი თმა ჰქონდა, გაფანჩული წარბები და არწივისებური ცხვირი. სამოცდაცამეტი წლის კაცი ისევე წელგამართული იდგა, როგორც მისი შვილი. მაშინვე იგრძნობოდა, რომ მის ძარღვებში მეომართა უძველესი სისხლი ჩქეფდა. შესამჩნევი გერმანული აქცენტით ინგერს რამდენიმე მაღალფარდოვანი ქათინაური უთხრა მისი აყვავებული გარეგნობის თაობაზე, მერე კი მისი შობლების ჭანმრთელობის ამბავი იკითხა. პერს ის, პირიქით, ოღნავ ქედმაღლურად ელაპარაკებოდა.

მოართვეს ღვინო და ხილი, საუბარი გაჩაღდა.

პერი მალე ადგა.

— ახ, თქვენ ზომ მინდვრების შემოვლა გსურთ. ჩემმა ვაჟმა მიაბო. არაუშავს, ჩვენ ვეცდებით გავართოთ თქვენი მეუღლე.

— თქვენ, მგონი, ქათმები გაინტერესებთ, ფრუ სიდენიუს? — ენის ბორძიკით ჰკითხა ტორვალდმა — ნება მომეცით გაგყვით. ბარემ ბუდერუბლუნდიც გაიხსენეთ, იმედი მაქვს, ამით გაერთობით.

პერი კარისკენ გაემართა. ინგერმა მას მუდარით გახედა და აპირებდა შეპასუხებოდა მასპინძლებს, რომ მარტო არ დარჩენილიყო მათთან, მაგრამ სამოქალაქო მრჩეველმა უკვე უბრძანა მსახურებს, საქათმიდან გამოეშვათ ყველა ქათამი.

პერი ორი მსახურის თანხლებით დიდხანს დადიოდა მიწაყრილს გასწვრივ. ისინი მიათრევდნენ ჰოკებს და წყლისსაზომ ჭაჭვს. პერს თავი ვერ მოეყარა აზრებისთვის და ვერ აეძულებინა თავი, რომ საქმეზე ეფიქრა. ისე უცნაურად იქცეოდა, მსახურები აშკარა გაოც-

ბით მისჩერებოდნენ. ახლა პერი მწარედ ნანობდა ნამოქმედარს —
ქვეშარიტად გადაჭარბებით შეათფასა მან თავისი ძალები. ფიქრობდა,
ცხოვრებასთან კარგა ხანია ყოველნაირი ანგარიში გაეკასწორეო,
თურმე ძველებურად კი ებლაუჭებოდა მას.

ამასობაში ინგერი სამოქალაქო მრჩეველთან და მის ვაჟთან ერთად
მამულს ათვლიერებდა. მათ მოიარეს საჯინბოები და გომურები,
შეიხედეს საძაღლეში, მერე მასპინძელმა სამზარეულოება და
საკუჭნაოები უჩვენა და ისტორიული ღირსშესანიშნაობაც —
მიწისქვეშეთი, შუასაუკუნეების სასახლისგან რომ დარჩენილიყო
მის ადგილზე კი ახალი სახლი იყო აშენებული.

პერი რომ დაბრუნდა, სამივენი უკვე აივანზე ისხდნენ.

სამოქალაქო მრჩეველმა, რომელიც აშკარად კეთილად იყო განწყობილი
ინგერისადმი, ისინი სადილზე მიიწვია. ინგერი თქალუბათ შეე-
კითხა პერს, მაგრამ მან გადაჭრით უარი თქვა და მაშინვე — ძაღზე არა-
თავაზიანად, როგორც ინგერს მოეჩვენა, — მოითხოვა ეტლი.

ტორვალდ ბრუკი ცხენით გაპყვა მათ გასაცილებლად. მას ლამა-
ზი წვივმალალი ჭაკი ჰყავდა, ქურანა, გრძელკუდიანი; აშკარად ინგე-
რის პატარისცემად ცხენს შენკელი მოუჭირა და ისიც ისეთნაირად
აცეკვდა. რომ ლაშებზე ქაფი მოადგა. თავად უნაგირზე ჩამოსხმული-
ვით იჯდა, ხოლო მჭიდროდ შემოსალტული ფრანგული საცხენოსნო
კოსტუმი ძაღზე რელიეფურად — მეტისმეტად რელიეფურადაც
კი — ნაკვთავდა მის კუნთებს. ამიტომაც ინგერი მის მხარეს არ
იყურებოდა და დაყინებით ცდილობდა ჩაება პერი ლაპარაკში, თუმცა
მაინც არათფერი გამოდიოდა.

— რაღაც ვერ მალეღებენ ცხენები და ძაღლები, — ასე ახსნა
მან შემდეგ თავისი საქციელი.

ტუის პირას ბრუკი გამოემშვიდობა მათ და გვერდით ბილიკზე
გადაუხვია, რათა გზის შემოვლით დაბრუნებულიყო ბუდერუპ-
ლუნდში. მან მაშინვე ოთხამოღებით გააჭენა ცხენი, ხოლო როცა
კარგა მანძილზე გაშორდა მათ, ინგერმა თვალი გააყოლა.

— ცხენზე ჯდომა უხდება! — თქვა მან.

— აბა, რა! მაგათი მოდგმა სულ სამხედროები არიან. რამდენ-
ადაც ჩემთვის ცნობილია, მასაც ოფიცრობა უნდოდა, და კიდევაც
გაზღებოდა, ასე საშინლად რომ არ უკიდებდეს ენას. ზოგჯერ პირ-
დაპირ ვიტანჯები, მას რომ ვუსმენ.

ინგერმა მაშინვე არ უპასუხა.

— ჰო, საწყალი, თუმცა, დღეს კი საკმაოდ გამართულად ლაპარაკობდა.

— რაო, იშოვნე დაპირებული კოხინხინურები?

ინგერი წამოჭარხლდა. ქათმები სულ არ გახანებია.

— წარმოიდგინე, რა საწყენია. საკმარისი იყო მეხსენებინა და უსათუოდ მომცემდნენ ერთს, ან იქნებ, ორ წყვილსაც კი, სამოქალაქო მრჩეველი თავაზიანობით დნებოდა.

— დიახ, თავაზიანობით დნებოდა. — ბუზღუნით დაემოწმა პერი.

შინ რომ დაბრუნდნენ, ჯერ კიდევ დღე იყო. პერმა თქვა თავი მტკივაო და მაშინვე თავის ოთახში გავიდა. ჩიბუხი გააბოლა და ფანჯარას მიუჯდა, მაგრამ წამსვე აღგა, ჩიბუხი თავის აღგალას დადო და ოთახში ბოლოთა ცემას მოჰყვა. მას თავისი თავი ყველაზე უმაქნის არსებულ ეჩვენებოდა დედამიწაზე, საბრალო და არასრულფასოვან ადამიანად, მხდალად, ვისაც გატაცებით უყვარს ცხოვრება, მაგრამ ვერ ბედავს მის მორევში გადაეშვას, ვისაც ეზიზღება სიცოცხლე, მაგრამ ვერ ბედავს მასთან განშორებას.

კარზე გაუბედავად მიუკაკუნეს. ინგერს ხაგბარტი გამოეგზავნა, რათა მამათვის ღამე შეევიდობისა ესურვებინა.

ხაგბარტს ისეთი გაუბედავი შესახედაობა ჰქონდა, პერს თვალბეზე ცრემლი მოადგა, მაგრამ თავი შეიკავა, სახეზე რაღაც ღიმილის მსგავსიც კი აესახა, უეცრად ატაცა ბიჭი ხელში და მალა, თავი ზემოთ ასწია. ასე იღვწენ ისინი ერთ ხანს სწორედ ისეთ პოზაში, ერსტედოვის პარკში რომ დგას — დამკინავი სილენი ჩვილი დიონისოთი ხელში.

— მითხარი, ხაგბარტ, ხომ არ გეშინია ჩემი?

— ა-არა, — ყოყმანით ჩაილულულა ხაგბარტმა.

— ჩვენ მეგობრები ვიქნებით. შენ როგორ გგონია?

— უხ! — მიუგო ბიჭმა, ამოღო რომ ცდილობდა მამას ხელიდან დასხლტომოდა; კარგ გუნებაზე მყოფი მამა ზოგჯერ უფრო საშიშად ეჩვენებოდა, ვიდრე განრისხებული.

ფეხებით იატაკს შეეხო თუ არა, ხაგბარტი ოთახიდან გავარდა. პერი კი სავარძელში სასოწარკვეთილი მიეგდო და სახეზე ხელუბრა იდგარა.

ერთი კვირის შემდეგ ინგერი და პერი ნასადილევს ბესტრუპში წაასვლელად მოემზადნენ. რაც პერი კოპენჰაგენიდან დაბრუნდა, ჯერ არ ყოფილიყვნენ იქ.

ამ ბოლო წელს პერსა და ცოლ-ქმარ ბლომბერგებს შორის ჩუმა მტრობა დამკვიდრდა და მხოლოდ ინგერის ხათრით იყო, რომ ორივე მხარე ჯერ კიდევ თავს იკავებდა. მაგრამ ამჯერად საქმე ძალიან ცუდად დამთავრდა.

პასტორს ყველაზე მეტად ის აშფოთებდა, რომ პერი გულგრაოდ ეკიდებოდა მის მშვენიერ ქადაგებებს. დაჩვეული იყო თავის ირგვლივ აღფრთოვანებული მსმენელების დანახვას, მოწიწებით რომ უსმენდნენ თვითელ მის სიტყვას და პერის გულგრილობა განზახული, ვერაგული გამოწვევა ეგონა. რაც შეეხება სიდედრს, მას ვერ ეპატიებინა პერისთვის, რომ მისი ქალიშვილი ამ ბოლო დროს ხელვიწროდ ცხოვრობდა, ხოლო ამასთანავე კოპენჰაგენიდან ხელცარიელი რომ დაბრუნდა, ამის გამო კიდევ უფრო შესძულდა სიძე.

ჯერ ვახშობის დროს წაქინკლავდნენ რამდენჯერმე, ხოლო სასტუმრო ოთახში ნამდვილი სკანდალი მოხდა.

თავისმა დაპეჩავენებულმა მდგომარეობამ ამ ბოლო დროს, პერა ფხუიანი და ექვიანი გახადა. როცა სიმამრმა მოურჩდებლად უსაყვედურა, შენი ოჯახის მატერიალურ კეთილდღეობაზე არ ზრუნავო, პერი განრისხდა და უხეშად უპასუხა, ძალიან გთხოვთ გარეშეები ნუ ჩაერევით ჩემს პირად საქმეებშიო. სიმამრმა დატუქსა ამ კადნიერი პასუხისა და უხეში ტონის გამო, მაგრამ მაშინ კი პერმა იფეთქა, მაგიდას მუშტი დაარტყა და თქვა, აღარ მსურს თქვენა მეურვეობაში ყოფნაო.

ბესტრუპში ასეთი სიტყვები არასოდეს არ სმენოდათ. წუთით სამარისებური სიჩუმე ჩამოვარდა. მერე პასტორი აღგა, შეურაცხყოფილი დიდებულების გამოთაყვანებული სახე ჰქონდა, გასწია თავისი სკამი და წარმოთქვა:

— გთხოვთ, მომავალში გაგვათავისუფლოთ მსგავსი სცენებისგან. — მერე ოთახიდან გავიდა და თავის კაბინეტში განმარტოვდა.

მისმა ცოლმა ტუჩი აიბზუა და მას გაჰყვა.

პერმა უბრძანა ცხენი შეებათ და მალე ის და ინგერი შინ წავი-

დნენ. არც სიმაჰრი, არც სიღედრი მათ გასაცოლებლად არ გამოსულა. თითქოს ნინაში გაიღვრა პერას წინაშე ინგერის მკვლარავით ფერ-მკრთალმა სახემ მაგიდასთან, სასტუმრო ოთახში, და ამან აიძულა, გონს მოსულიყო. იმ წუთიდან ერთხელაც ვერ გაბედა მისთვის შეეხებდა. მთელი გზა კრინტი არ დაუძრავთ. პერი ხედავდა, რომ მიუხედავად იმისა, თბილი ტანსაცმელი ეცვა, ინგერს ნერვიულად აცახცახებდა, ისე, რომ ეტლის საჯდომი ინძრეოდა.

შინ ინგერი უფრო დამშვიდდა, ნება მოსცა პერს, მისთვის სამ-გზავრო წამოსასხამი მოეხადა და სთხოვა კიდევ, თავის ადგილას დაკიდევო; შეიხედა ბავშვთა ოთახში, რათა გაეგო ხომ არ უცვლქიათ ბავშვებს, მერე კი ჩვეულებრივად შემოიარა თავისი სამფლობელო, როგორც ყოველდღე აკეთებდა ამას.

პერი აჩქარებით გავიდა თავის ოთახში და ლამა აანთო, მაგრამ შუშა ვერასგზით ვერ დაახურა: ხელები უკანკალებდა. მაგიდას მიუჯდა, აიღო გაზეთი და შიშით სულგანაბული დაელოდა, რა მოხდებოდა ახლა.

ათიოდე წუთის შემდეგ ინგერი შევიდა საწოლ ოთახში, ხოლო ცოტა ხნის მერე შეიხედა მასთან, თანაც, პერისდა გასაოცრად, ნახევრადშიშველი იყო — ქვედა საცვლებზე პენუარი წამოეხსა.

— შენ ისევ აქ გაგიშალეხ, — უთხრა მან და ბალიშები გააბუა — ხომ გინდოდა?

— კი, კი, გმადლობ, — გამოსცრა პერმა ისე, რომ თავი არ აუღია გაზეთიდან.

— იცი რა, ინგეორგი თითქმის აღარ ახველებს.

პასუხი არ იყო.

მაშინ ინგერი ღუმელთან ახლოს სარწეველაში ჩაქდა. ორივე ღუმ-
ლა.

— აბა, პერ, დროა სერიოზულად ვიფიქროთ გამგზავრებაზე! — ხელახლა წამოიწყო ინგერმა.

— რატომ არის დრო?

— განა თავად არ იცი? ის, რაც დღეს საღამოს მოხდა, შემთხვე-
ვითი არ არის. მხოლოდ ახლა მივხვდი, რომ ჩვენი საქმე დიდი ხა-
ნია აქეთ მიემართებოდა.

— იმაზე, რაც მოხდა, მე ყველაზე მეტად შენი და ბავშვების გამო
ვნანობ. მე უფლება არ მქონდა ასე მოვქცეულიყავი თუნდაც თქვე-

ნი ხათრით, მაგრამ, ვთქვათ, ახლა არ შემიძლია და, უნდა გამოვ-
ტყდე, არ მსურს ბესტრუპში მეტად გამოჩენა, ეს სულაც არ ნიშნავს
იმას, რომ ეს აკრძალვა შენზე და ბავშვებზეც ვრცელდება. შენ
თუ ჩემს გამო საკუთარ მშობლებს დაემღობები — ეს სისულელე
იქნება.

ინგერი ოღნავ წინ წახრილი იჭდა და თავი ხელზე დაეყრდნო.
•ატაკს ჩაშტერებოდა.

— როგორ შეგიძლია ზოგჯერ ასე აწყენინო ადამიანს და ვერც კი
შენიშნო ეს. აბა, რამ გაგაბედვინა იმის ფიქრი, რომ მე შემიძლია ვიყო
იქ, სადაც შენთვის არ შეიძლება ყოფნა? თანაც ბავშვებით!

— ის შენი მშობლიური სახლია, ინგერ.

— მით უფრო, მაგრამ საერთოდ რომ ვთქვათ, ჩვენ ორივე აქ ახლა
ველარ ვიქნებით ტკბილად. ცხოვრება ძალიან გაგვიძნელდება.

— მერე, სად წახვიდოდი?

— შენ ხომ ამბობდი რალაცას — გზის ზედამხედველის ადგილიაო
დასაეღეთ სანაპიროზე. სცადე ბედი იქ. და ნუ გადადებ, პირდაპირ
ღღეს ან ხვალ მისწერე.

— მერე, წარმოდგენილი გაქვს კი, რა ადგილია ეს? ჯერ ერთი,
სრულიად უმნიშვნელო ხელფასს იძლევიან, ორ ათასზე ნაკლებს, ხო-
ლო იმ მხარეებში დამატებითი სამუშაო თითქმის არსად არის. მეორეც,
რამდენადაც ჩემთვის ცნობილია, ეს არის დანიის ერთ-ერთი ყველაზე
ნაკლებად დასახლებული ადგილი. იქ მხოლოდ კლდებია, მანანით მო-
ფენილი ტიალი ადგილები, გარშემო რამდენიმე მილის დაშორებით
ერთი სულიერი არ ჭაჭანებს, მეთევზეებისა და ღარიბი გლეხების
გარდა.

— სამაგიეროდ ჩვენ იქ ერთად ვიქნებით, ერთმანეთის ახლოს, იქ-
ნებ უფრო ახლოსაც კი, ვიდრე აქ.

— ინგერ, გენაცვალე, შენ ისე გიყვარს შენი მშობლები, შენი სახ-
ლი, ძველი ნაცნობები, მოსვენება და მყუდროება... არა, ეს მეტად
დიდი მსხვერპლია. მე არ მივიღებ მას შენგან. მერე მწარედ მისაყვე-
ღურებ, თუ ახლა გაგიგონებ და ნამდვილად საფუძველიც გექნებ.
•პისა!

ინგერი იჭდა, სახეზე ხელები აეფარებინა და არაფერს პასუხობდა

— ნეტავი ღმერთი! დამეხმარებოდეს გავიგო, რა გსურს შენ ნამდ-

ვილად, — უთხრა მან და ცრემლები წასკდა. უეკრად თავი კელაო დაიმორჩილა. წამოხტა და დაიყვირა:

— ოჰ, როგორ გამაწამე!

მერე არც გამოშვდილობებია, თავის ოთახში წავიდა და კარი მიჯახუნა.

პერი კვლავ იჯდა და დანისლული თვალებით მიმტერებოდა კარს. ვილა/კა ხელს ჰკრავდა: „აღეჟი, მიდი, მასთან“, — მაგრამ იგივე უხილავი ხელი იჭერდა. არა, არ ღირს წასვლა. დადგა დიდი გადაწყვეტილების საათი. მათ უბედურება ეწვიათ. ინგერის სული გამოღვიძებან იწყება. ის ხომ მაწინსწვევა სული არ არის, ჩვეულებრივი ადამიანია. დაე, დაუბრუნდნენ სიცოცხლეს და სინათლეს ის და ბავშვები. პერი, აბა, რა საფიქრალაა. რაც იქნება — იქნება.

* * *

დადგა მეორე დღის საღამო. ბავშვები უკვე დაწვნენ, ორივე მოსამსახურე სამზარეულოში ტრიალებდა. ინგერმა ლამაზ ანთო სასტუმრო ოთახში, დივანზე დაჯდა და შეუდგა ბავშვების წინდების კემსკვა. ამ დროს კაბინეტიდან პერი გამოვიდა. თუმცა მთელი დღე შინ იჯდა პერი, გუშინდელი საღამოს შემდეგ სატყვაც არ უთქვამთ ერთმანეთისთვის. ინგერმა შენიშნა, რომ პერი რაღაც უცნაურად უტრიალებდა მას და ბავშვებს, მაგრამ არავის ელაპარაკებოდა. ნასადილევს, ბავშვები დასაძინებლად რომ დაწვნენ, ინგერმა ბავშვთა ოთახში წააწრო: ხაგბარტის ლოგინზე დახრილიყო და მძინარე ბიჭს რაღაცნაირი სასოწარკვეთილი, გაურკვეველი გამომეტყველებით დასცქეროდა.

ინგერი მარტო მათ მომავალზე სევდიანმა ფიქრებმა კი არ აიძულა, მთელი დღე უშუად ყოფილიყო, უფრო მეტად გუშინდელი უსიამოვნება აწუხებდა. ცოტა ხნის მერე უკვე თავადაც ველარ გაეგო, რატომ? მოუხდა სცენის მოწყობა, მაგრამ ამის განხილვაზე მანაც სირცხვილით იტანჯებოდა.

პერმა რამდენჯერმე გაიარა სასტუმრო ოთახში, მერე მაგიდანსთან დაჯდა, ინგერას პარდაპირ.

არც ერთს არ უნდოდა პირველს დაერღვია დუმილი.

— აბა, იფიქრე იმაზე, რაზეც ჩვენ გუშინ ვლაპარაკობდით? — ჰკითხა ბოლოს ინგერმა.

— ჰო. უკეთ რომ ვთქვა, მე სხვაზე არაფერზე არ მიფიქრია. მაგრამ სანამ ამ საკითხს დაუბრუნდებოდეთ, ყველა წერტილს ერთ ადგილას უნდა მოვეუყაროთ თავი. მე მხედველობაში მაქვს უსიამოვნება შენს მშობლებთან. შენ თვითონ აღიარებ, რომ ის არ იყო შემთხვევითი, მართალი ხარ. შესაძლებელია, მე ზედმეტი წამომცდა და არც ისე მილაპარაკია, როგორც დამშვიდებულ წუთში ვილაპარაკებდი, მაგრამ მიუხედავად ამისა, უბრალო ახირებულობის გამო არ მითქვამს ის სიტყვები.

— მე ეს დიდი ხანია შევნიშნე.

— ჰო, გუშინ ამბობდი, მაგრამ, ჩემო ძვირფასო, თუ შენ ეჭვობდი მე და მამაშენს ის გვაშორებდა, რომ ჩვენი მსოფლმხედველობა დიდად განსხვავდებოდა, ეს კი მის შინაურებსა და ჩემს შორის განხეთქილებას იწვევდა და ცოტათი მე და შენს შორისაც კი, მაშ როგორ მოხდა, რომ მე და შენ ერთხელაც ვერ მოვიცალეთ ამაზე სერიოზულად მოსალაპარაკებლად? ეს უბრალოდ უცნაური ამბავი კი არ არის, ამას ჰეშმარიტად არა აქვს გამართლება. კარგად მესმის: მთელი დანაშაული მე მაწევს. რაღაცნაირი გაურკვეველი შიშის გამო სიმართლეს გიმალავდი. თუმცა, თვითონაც მხოლოდ ახლახან ჩავწვდი მას მთლიანად.

— არა, პერ, შენ ცდები. მე შესანიშნავად ვიცოდი შენი თვალსაზრისი. ჩემთვის არასდროს დაგიმალა. ძალიან კარგად. მესმის, რომ შენ ისე არა გწამს, როგორც გვწამს ჩვენ, ყველას, და ეს ხშირად მწყინდა. მაგრამ მამა ყოველთვის ამბობდა, რომ მასაც, ვინც ქრისტიანში უბრალოდ ღირსეულ და უძრახველ ადამიანს ზედავს, უფლება აქვს თავის თავს ქრისტიანი უწოდოს და ჰსნის იმედი იქონიოს, ოღონდ გულწრფელი იყოს ღმერთისაღმადამოკიდებულებაში, ოღონდ პატიოსანი და ღვთისმოშიში იყოს ყოველდღიურ ცხოვრებაშიო.

— ინგერ, გაიგე, მე არ მწამს ღმერთი.

— ღმერთი არ გწამს?

ინგერს მუხლებზე დაუეარდა დაუემსავი წინდა და სახე მკვდარით გაუფითრდა, როგორც გუშინ ბესტრუჰში.

— დიახ, არ მწამს. და უკვე დიდი ხანია არ მწამს. ყველგან სადაც ღმერთს ვეძებდი, მხოლოდ საკუთარ თავს ვპოულობდი. ხოლო მას, ვინც თავისი თავი შეიცნო, ღმერთი არ სჭირდება. არაფერი სანუგეშო, არც ჰკუთისასწავლელი არ არის იმაში, რომ გამოიგონო შენი საჭიროებისთვის ასეთი ზებუნებრივი არსება, სულ ერთია რა სახით — მამა იქნება ეს თუ მოსამართლე.

— პერ, გონს მოდი, რას ამბობ! ეს ტყუილა არ ჩაგივლის, შენ ძალიან გაუბედურდები.

— შეიძლება, მაგრამ იცი, რომ არსებობენ ადამიანები, ვისთვისაც უბედურებას მოწაღველობის ძალა აქვს? აი, როგორც ზოგიერთს იზიდავს ქაობი ან ტყის შავი ტბა?

— ალბათ, ეს ის ადამიანები არიან, ვინც დამკაყდა ცოფებში და მხოლოდ მაშინ არიან ბედნიერი, როცა სცოდავენ. ბიბლიაშიც ასეა ნათქვამი.

— მაშ, ასეა ნათქვამი? მაგრამ ეს ყოველთვის არ არის სწორი. არიან ადამიანები, ვისაც უბედურებისაკენ მხოლოდ მათი რელიგიური ინსტინქტი იზიდავს. ისინი ამტკიცებენ, რომ მხოლოდ უბედურებას. გმობას და უიმედობას შეუძლია ხსნას ადამიანის სული. ზომ არსებობენ მცენარეები, ჩრდილში რომ აღმოცენდებიან და სიცივეში, მაგრამ მაინც ყვავიან.

— არა, ასეთი ადამიანები მე არ შემხვედრია.

— ისინი არც თუ ისე იშვიათად გვხვდებიან სწორედ ჩვენში. ამას ამტკიცებს მთელი ჩვენი ისტორია. კეთილდღეობის პერიოდში ჩვენ ღარიბნი ვართ ძლიერი პიროვნებებით, სამაგიეროდ უბედურების დროს „ბედურის კევრცხებიდანაც კი არწივები იჩეკებიან“, ასე ამბობდა პასტორი ფიალტრინგი.

— ფიალტრინგი? მაშ შენ მასზე ფიქრობ?

— ჰო, მასზე, უმთავრესად მასზე.

— მე შენი არ მესმის. მან ხომ თავი ჩამოიხრჩო.

— ღიახ, ჩამოიხრჩო. და ეს ძალიან საწყენია. მე ისე მენატრებოდა ეს კაცი გააუღლი წლების განმავლობაში. აქამდე სწორად ვერ ამიხსნია ჩემი თავისთვის ფიალტრინგის სამწუხარო გარდაცვალების ამბავი, მაგრამ ახლა მგონია, რომ მე მას ამაშიც გაუფგე. თვითმკვლელობის მიზეზი უნდა ვეძებოთ, ჩემის აზრით, ფიალტრინგის დამოკიდებულებაში თავისი ცოლისადმი. იქნებ გახსოვს, მოგიყვები, როგორ ექცეოდა ის ამ მთლად დაცემულ და ადამიანის შესახვედრობა დაკარგულ ქალს. ახლა ვფიქრობ, რომ თავიდან ალბათ ამ ქალს ჰქონდა ისეთი ხასიათი, რომელიც ქმრის ხასიათისაგან მკვეთრად განსხვავდებოდა, — ეს იყო ჭანიანი, სისხლსავსე ბუნების ქალი, შექმნილი სინათლისა და სიხარულისთვის; ქმარმა კი ის გადაათრია ცხოვრების ჩრდილიან მხარეზე, რაც მისთვის სასარგებლო იყო, მაგრამ ქალი კი მთლად ჩაყლა ამან და ამის

გამო ქენჯნიდა ფიალტრინგს სინდისი. ამავე დროს — თუმცა ეს ცოტა უცნაურად ჟღერს — ცოლის დაცემით გამოწვეული სირცხვილი და ღარღი როგორღაც ამათრახებდა ამ კაცს... დროდადრო ტანჯვას რაღაცნაირად არაჯანსაღად განიცდიდა და, როცა ცოლი მოუქვდა, სინდისის ქენჯნა მოერია. მის სინდისს დააწვა ადამიანის სულის თანდათანობითი მოკვლა და ეს ვერ აიტანა. სულ ცოტა დრომ გაიარა მისი ცოლის საკვდილის შემდეგ და თვითონაც თავი მოიკლა.

— მაგრამ რატომ მიყვები ყოველივე ამას? — ჰკითხა ინგერმა და ეკვით შეხედა. — ჩვენ ზომ ამაზე სრულიადაც არ ვლაპარაკობდით.

პერა ჩაფიქრდა და ნელა, სვენებ-სვენებით უპასუხა:

— იმიტომ, ინგერ, რომ ეს ოჯახური ტრაგედია შეიძლება ჩვენი ჰკუთს სასწავლებელ მაგალითად იქცეს და არა მარტო მაგალითად, არამედ გაფრთხილებაც.

— ჩვენთვის?! — წინდა ხელახლა გაუვარდა ინგერს ხელიდან — ჩვენთვის? რა გინდა ამითი თქვა?

მაგრამ პერმა თვალეხი დახარა და არაფერი უპასუხა. ის უეცრად ისე გაფთრდა, რომ ინგერმა შიშისაგან დაიკვივლა.

— პერ, ღვთის გულისათვის, თქვი, რა გემართება? მე გაწყენინებ რითიმე? ან ბავშვებმა? მითხარი, რა მოგდის?

მაგრამ პერს არ შეეძლო ეთქვა საბედისწერო სიტყვები.

ინგერმა ხელი გაუწოდა, თითქოს უნდოდა მოფერებოდა.

— შენ ავად ხარ, ჰო ჰო! თავადაც არ გესმის, რას ამბობ. ამ ბოლო ჯლებში შენ ყველაფერს ძალიან სევდიანად უყურებ. მე კი სწორედ ახლა მინდა გავხედე ბედნიერი და დავივიწყო ყველა უბედურება. რა გტანჯავს? იქნებ ფულადი გაჭირვება?

— არა!

— მაშ რა?

— საქმე გაცილებით უფრო უარესად არის.

— თქვი, ბოლოს და ბოლოს რა მოხდა?

— მე არ შემიძლია... არ შემიძლია... არ ვიცი, როგორა ვთქვა.

— შენ ავად ხარ?

— არა.

უეცრად ინგერს სახეზე დაეტყო, რომ მიუხედა.

— მომისმინე, პერ, პირობას მაძლევ პატიოსნურად მიპასუხო ჩემს შეკითხვაზე?

პო.

— როცა კოპენჰაგენში იყავი, შენ შეხვდი შენს ყოფილ საცოლეს - იმას... ფროკენ სალამონს?

პერმა გაკვირვებით შეხედა ცოლს.

— არა.

ინგერმა არ დაიჯერა.

— ტყუი! -- წამოიძახა მან და ღვიძლიდან წამოვარდა. დაუკემსავრ წინდა მაგიდაზე დავარდა. -- ახლა ჩემთვის ყველაფერი ნათელია. - ინგერმა რამდენჯერმე გაიარ-გამოიარა ოთახში. — შენ შეხვდი ყოფილ საცოლეს და ხელახლა შეგიყვარდა.

— ხომ გეუბნები, რომ ცდები.

— მაშ თუ მას არა, სხვას. სხვანირად არ შეიძლება. ყველაფერი გასაგებია. ახლა კი შენ ჩემს წინაშე საძაგელი კომედია გაათამაშე, რათა ნელ-ნელა მომამზადო. გინდა მე მიმატოვო და სხვა შეირთო. განა მართალს არ ვამბობ? მიპასუხე პატიოსნად.

პერა დაფიქრდა.

მას აზრად მოუვიდა, რომ ინგერისთვის ყველაფერზე უკეთესი იქნებოდა, თუ პერი დაუშოწმებდა ეჭვს და თავს დამნაშავედ ჩათვლიდა. ასეთი სერიოზული მიზეზის გარეშე ის არ დაეთანხმებოდა ოფიციალურ გაყრაზე. პერისთვის ხელსაყრელი იყო, რომ ინგერს შეეძლებინა ის: მით უფრო ჩქარა დაივიწყებდა. მან უკვე ძალიან ბევრ რამეზე თქვა უარი, მაშ ღირს კი, რომ პატიონება დაენანოს?

— პო, შენ მართალი ხარ, — მიუგო მან და მორჩილად დახარა თავი.

ინგერა გაქვავდა. სახე როგორღაც ერთბაშად ჩამოუქვანდა და მხოლოდ ვეებერთელა შავი თვალით გუგები მოუჩინდა. ქალმა გულზელა დაიკრიფა.

— მერე შენ შესძელი, რომ სულმდაბლურად დავემალა ეს ჩემგან მთელი სამი კვირა! მაშასადამე, მაშაჩემი მართალი იყო! მე კი, სულელი, ყოველთვის შენ გიცავდი... აი, თურმე რატომ გაქვს უძილობა, და გამუდმებული თავის ტკივილები! სასაცილოა, რომ მე მხოლოდ იმაზე ვზრუნავდი, როგორმე გამეზარებინე და გამემხიარულებინე! შენ კი ამასობაში სწვაზე ნაღვლობდი და იმაზე ფიქრობდი, როგორ უფრო უკეთესად მოგვიშორებდი თავიდან! რა საძაგელი კომედიაა! რა სიმდაბლეა, რა სიმხდალე!

საბავშვო ოთახის ღია კარიდან პატარას სლუკუნის ისმოდა. ინგერს.

არ ეყურებოდა. მან ხელახლა დაიწყო წინ და უკან სიარული და რა-
ღაცას ამბობდა, მაგრამ უფრო თავის თავს ელაპარაკებოდა. როცა
გოგონა, რაც ძალა ჯა ღონე ჰქონდა, აღრიალდა, მხოლოდ მაშინ წაენ-
და მასთან.

პერი წელში გასწორდა, ხელისგულები თავზე მიიჭირა და აკენე-
და. ამგვარად, საქმე გაკეთებულია! მსხვერპლი მიტანილია საკუ-
თხვევლზე! პერმა თავის თავს სიტყვა მისცა, ბოლომდე გაეძლო.

ინგერი დაბრუნდა და ხელახლა დაუწყო ოთახს ზომვა აჩქარებუ-
ლი ნაბიჯებით. მერე პერს მიუახლოვდა.

— ნუთუ მეტი არაფერი გაქვს სათქმელი? თქვი, რომ ექ ტყუი-
ლია!

მან თავი გადააქნია.

— არა, ინგერ, რა საჭიროა სიტყვები?

ინგერი ცოტა ხანს კიდეც იდგა, მერე ატირდა და საწოლ ოთახში
გავიდა.

პერს კიდეც მოესმა: „რა სიმბდალეა! რა სიმბდალე!“ — მერე კარი
მიჯახუნდა. ცოტა ხნის შემდეგ სახლში ალიაქოთი დადგა. კარებს
აჯახუნებდნენ, ინგერი ჩამამალა აძლედა მოსამსახურეებს განკარ-
გულებებს. ეზოში მსახურთა ხის ფესხაცემელები არახჩახდა. გააღეს
საკარეტოს კარი და იქიდან ეტლი გამოაგორეს.

— დღესვე სურს გამგზავრება“, — გაიფიქრა თავზარდაცემულმა
პერმა.

ბავშვები ლოგინიდან ააყენეს, ინგებორგი ტიროდა. ხავბარტმა
იკითხა, სახლი ზომ არ იწვისო. ყველა ოთახებში ისმოდა ინგერის
მბრძანებლური ხმა. სასტუმრო ოთახში შემოეარდა ფეხშიშველი
ერთ-ერთი მოსამსახურე, მაგრამ პერის დანახვისას შეშინებული უკანვე
გავარდა. შეიხედა იქ თვითონ ინგერმაც, უკვე მთლად მოწყობილი
იყო სამგზავროდ — პალტო ეცვა და შლიაპა ეხურა.

— ყური მიგდე, ინგერ, თუ უამისოდ არაფრით არ შეიძლება.
უმჯობესია მე წავიდე. ან დილამდე მაინც დაიცადე.

ინგერმა არ უპასუხა. სეკრეტერთან მივიდა და იქიდან ფული და რა-
ღაც ნივთები გამოიღო.

— ნებას მომცემ, ბავშვები ვინახულო ხოლმე?

— მხოლოდ დღეს არა. შენ მათი ნახვა ჩემი მშობლების სახლში
შეგეძლება.

ნახევარი საათიც არ გასულა, რომ ეტლი ალყაფის კარიდან გა-
ვიდა. პერი არ განძრეულა. როცა ბორბლების კაჟუნი მიწყდა, მან სა-
ხიდან ხელები მოიცილა და უნებლიედ ცას ახედა.

— აბა, ახლა კმაყოფილი ხარ?

თ ა ვ ი XXVIII

თუ ოღესუნდან ტისტედში მიმავალი გზიდან ჭაობიან და ჭანჭრო-
ბიან დაბა იღბრუს მახლობლად დასაველეთით სუფთა და წარმატე
ქალაქ ვესტერეიგისკენ გადაუხვევთ, სადაც ლიდენ კირსტენის ნეშტი
განისვენებს, ხოლო ვესტერეიგიდან ჩრდილოეთისკენ გაემართებით,
თვალწინ გადაგეშლებათ თვალუწედნი, უნაყოფო ვაკე, სადაც მთე-
ლი წლის განმავლობაში მძაფრი ქარი დათარეშობს, ხოლო ცხვარი
შუა ზაფხულშიც კი იხოცება საძოვარის უქონლობის გამო. საითაც
გინდა გაიხედო, რიყის ქვა და ჭაობებია და არასდროს — არც ზამ-
თარში, არც ზაფხულში — ბარი არ იცვლება; ის შეემოიისფრო
მწვანეა იქ, სადაც მექვიშია იზრდება, ხოლო წაბლისფერი იქ, —
სადაც მანანა ყვავის. მექვიშია და მანანა გახლავთ საფარი მლაშე.
ნიადაგის ამომკმელი ტალღებისაგან. გზა სულ იხლართება: სადაც
გაუვალი ჭანჭრობია ის გვერდზე უხვევს, ხოლო ზოგჯერ რომ მიწყ-
ნარდება, ხანძარივით ბურავს სქელი ნისლი.

აქა-იქ შეგბვდებათ პატარა ფერმა, ან უბრალოდ მანანით გადა-
ხურული ქოხა. მაგრამ ზოგჯერ მათ რამდენიმე კილომეტრი ყოფს,
ხოლო ნამდვილი ქალაქებისა აქ სახსენებელიც არ არის. მხოლოდ
ერთ ადგილას, სადაც ჭაობიდან. სადენია გათხრილი, არის რალაც
დაბისმაგვარი. სადენის ორივე მხარეს ოთხ სახლს შეუფარებია თავი,
რომელთაგანაც ერთი სკოლას უკავია. მეორეში საზოგადოებრივი
მდგელობის ზედამხედველი ცხოვრობს. მესამეში — მეჩქემე, მეოთხე-
ში ახლა აღარავინ არ ცხოვრობს.

სულ რამდენიმე დღის წინ ამ სახლიდან გამოიტანეს კუბო ხნიერა
კაცის ცხედრით. განსვენებულმა მრავალი წლის განმავლობაში
იცხოვრა აქ და მთელ ამ ხანში ირგვლივ მცხოვრებთა ცნობისმოყვა-
რეობას იწვევდა. საიდან იყო არავინ იცოდა, რადგან თავის წარ-
სულს არავის უყვებოდა. არ ითქმის, რომ სიტყვაწუნი იყო, ცოტათი

მკვახე კაცი გახლდათ მხოლოდ. მეგობრებიც ბლომად ჰყავდა, ხოლო მტერი ერთადერთი—აქაური პასტორი. ამ კაცს ოჯახი არ ჰქონდა და თავის დიდ სახლში მარტოხელად ცხოვრობდა, მხოლოდ მოხუცი დიასახლისი ჰყავდა, ბებერა ცხენი და ათიოდე ქათამი. უბრალო კაცი გახლდათ, მაგრამ წიგნები კი ბევრი ჰქონდა. თუმცა დღის უმეტეს ნაწილს წიგნების კითხვაში კი არ ატარებდა, არამედ მუშაობაში — დადიოდა სამსახურის საქმეებზე თავისი ბანჯკვლიანი ცხენით, საბერისაგან თითქმის რომ ველარაფერს ხედავდა, და თავის საფიქრებელს ფიქრობდა. ის გზის ზედამხედველი გახლდათ და არასოდეს აქ გზები ისე კეთილმოწყობილი არ ყოფილა, როგორც მის ხელში.

სრული მარტოობის და სუბტი ჯანმრთელობის მიუხედავად, რის გამოც იძულებული იყო ძალიან ზომიერად ეცხოვრა და უარი ეთქვა ყველა იმ სიამოვნებაზე, რის მეოხებითაც ადგილობრივი მცხოვრებნი ცდილობენ როგორმე შეალამაზონ თავიანთი მოწყენილი ყოფაცხოვრება პირქუშ ბუნებაში, მუდამ მშვიდი და ყველაფრით კმაყოფილი კაცის შთაბეჭდილებას ტოვებდა. ეს აკვირებდა ხალხს და სიმართლე რომ ითქვას, აწუხებდა კიდევ. მით უფრო, რომ ეს უცხო კაცი სულაც არ ეძებდა შვებას რელიგიაში: არამც თუ არ დადიოდა საზიარებლად, საერთოდ არ შეიხედავდა ხოლმე ეკლესიაში და ამიტომაც ადგილობრივმა მღვდელმა ურჯულოთა ჯგუფს მიაკუთვნა, ვისი ხედვრაც მარადიული კრულვაა.

განსაკუთრებით შეუყვარდა ეს კაცი თავის მეზობელს, მასწავლებელს, ახალგაზრდა და მოაზროვნე ადამიანს. მას უყვარდა საღამოობით, თუმცა სინდისი კი ქენჯნიდა, მასთან გასათხოვად შევლა და ბჭობა ყოველგვარ სერიოზულ თემაზე. მასწავლებელი ჯერ ძალიან ახალგაზრდა იყო და აქამდე შერჩენოდა ბავშვური რწმენა სიკეთის საბოლოო გამარჯვებისა და რაკი ამასთან წესიერი და პატიოსანი ადამიანიც გახლდათ, ეგონა, სხვა რომ არაფერი, სასუფეველი ცათა მისთვის უზრუნველყოფილი იყო. მაგრამ თუმცა მას ძალიან კარგი ოჯახი ჰქონდა და შესანიშნავი მომავლის იმედი, ზოგჯერ — ნაკმაოდ ხშირადაც — გამოერეოდა ხოლმე სევდიანი და ავი წუთები და მაშინ თავის თავს ველარ უმაღავდა, რომ მისი მეზობელი — უღმერთო და ბოგანო, ეულად მცხოვრები კაცი — ბევრად უფრო ბედნიერი იყო, ვიდრე თვითონ. ერთხელ გამბედაობა მოიკრიფა და თავისი დაკვირ-

ვებები ზედაპედეველს გაუზიარა, მან წენარად და მოკლელ აუხსნა. რომ, მასასადამე. მას, მასწავლებელს, ჯერ ვერ ეპოვნა ცხოვრებაში მისთვის განკუთვნილი ადგილი, ხოლო უმაღლესი ადამიანური ბედნიერების განცდა „იყო რაც ხარ და შეიქნო საკუთარი თავი“ შესაძლებელია მხოლოდ მაშინ, თუ ამ ადგილს იპოვი. მაგრამ, როცა შემდეგ მასწავლებელმა ჰკითხა, სად და როგორ უნდა მოეძებნა ეს. ზედაპედეველმა მოუგო, რომ ამაში ვერაერთად რჩევა ვერ დაეხმარება და მთლიანად უნდა დაემორჩილოს თვითდაოსტატების ინსტიტუტის ნებას, ბუნებამ რომ ჩაუნერგა ყოველ ცოცხალ არსებას.

მეორედ მასწავლებელი შეეცადა ეთქმევიანებინა, რა ნიშნით შეუძლია ადამიანს გაიგოს, რომ მან მიიღწია „უმაღლეს ბედნიერებასო“. მაგრამ ზედაპედეველმა არც ამაზე მოინდომა ლაპარაკი. „სჯობა. თქვენს პასტორს ჰკითხოთ!“ --- დაცინვით მოუჭრა მან. თუმცა მერე კი დაუმატა, რომ თვითეული ცალკეული ადამიანი თავის მხრივ უხედა შეეცადოს დაამყაროს უშუალო და რაც შეიძლება მკიდრო კავშირი საგნებსა და მოვლენებთან, იმის მაგიერ რომ აღიქვას ისინი სხვისი გრძნობის ორგანოების მეოხებით (ასე, სხვათა შორის, იქცევა ყველა, ვინც ნასესხები წარმოდგენებით ცხოვრობს და თავისი საკუთარი არ გააჩნია). ასეთი ჰეშმარითად ცოცხალი მიღგომა ცხოვრებისადმი აუცილებელია ადამიანისთვის. ვისაც სურს დატყუდებ შემეცნების სუფთა სიხარულით, ნებისმიერი მოვლენა რომ გვაჩუქებს ხოლმე — დიდი, თუ პატარა, ბედნიერი თუ უბედური. და მან, ვისაც არ გამოუცდია, რა ბედნიერებაა, როცა შენს წინაშე იხსნება კიდევ ერთი, — თუნდაც პატარა, თუნდაც უმნიშვნელო — კუთხე აზრის ან ნაშვდელი ცხოვრების ნაკრძალი სამეფოსი, მან საერთოდ არ იცის, რას ნიშნავს სიცოცხლე.

ამ სიტყვებს მასწავლებელი მიქელსენი ბევრჯერ იგონებდა ზედაპედეველის ცხოვრების ბოლო წელს, რადგან ის, სამინელი ფიზიკური ტანჯვის მიუხედავად — კიბოთი კვდებოდა, — არასოდეს სულით არ ეცემოდა და არ ეძებდა მხარდაჭერას ირგვლივმყოფთაგან. ის ცოცხალი ინტერესით სწავლობდა თავის დაავადებას და ეძებდა მის გამანადგურებელ კვალს თავის ორგანიზმში. თუმცა ტკივილის მტანჯველი შეტევის დროს ისეთი კენესა აღმოხდებოდა ხოლმე, მეზობლები ყურებს ბამბით იცობდნენ, მაგრამ, მერე, როცა მასთან შეივლიდნენ, ხედავდნენ ადამიანს, ვისაც თითქოს ღრმა

სიტკობეზა განეცაღა და არასოდეს, წუთითაც კი, ცხვრება აუტანელი არ ეჩვენებოღა: ადამიანები ღარწმუნდნენ ამჟი მისი სიკვდილის შემდეგ, როცა მის უჯრამი დატენილი ჰევოლვერი იპოვეს.

ბოლო დღეებში ის იწვა წყნარად და არავის ნახვა არ სურღა. მაგრამ უკანასკნელ წუთამდე ადამიანის ორგანიზმის დაშლის პროცესზე ფიქრობღა. როცა იგრძნო, რომ უკვე ფეხები უცივდებოღა, მოითხოვღა სარკე მომიატანეთო, რათა თავისი სახის გამომეტყველება დაენახღ.

— მალე ყველაფერი დამთავრდება, — ნაღვლიანად უთხრღ მან მნე ქალს, სარკე რომ დაუბრუნღ. იღ უკვე თითქმის ველარაფერს ხედავღ.

მერე აგონიღა დაეწყო. ეს საღამოთი მოხღა, ავღრის ღროს. სამხრეთ-დასავლეთის ქარი უსახლკარო ქოფაკივით ღმუღოღა და დამსკღარი კარის ქურკუტანებში იჭრებოღა. ფანჯრებში წვიმღა უშხაპუნებღა... ავადმყოფის თავით მადიღაზე სუსტი სინათლე ბეუტავღა და შიშველ კედლებზე ვერცხლის საათი წიქვიკებღა — მამის მეღკვიღრეობღ.

მოხუცმღ მნე ქალმღ მასწავლებელს უხმო: ეშინოღღა მომაკვღადეთან მარტო ღარჩენღ. თუმცღ არავითარღ ღახმარება არ იყო საჭირო, ზეღდამხეღველი უძრავად იწვღ, გონმახღილი და ზმამაღღღა ხრიაღებღა. შუღღღამეღ ცოტღ რომ გადასცღღ, უცბად თავი მხრისკენ გადღეხღრღ. კიღვე ერთი უკანასკნელი, მოკლე ამოსუნთქვღ და ყველაფერი გათავღღ.

ღარიან, უქარო ოქტომბრის ღღეს, ცღ რომ ღურჯი იყო და მზეღ კაშკაშებღღ, კუბო სასაფღაოს ფხვიერ ქვიშაში ჩამარხეს. ოციოღღე კაცმღ მიაციღღღ საფღავამდე. ერთი ფსალმუნი იგაღობეს, საფღავზე სიტყვღ არავის წარმოუთქვამს და გაფისულ ბოძებს შორის ჩამოკიღღებულ ზარსაც ერთი ბგერაც არ გამოუციღღ. ასეთი იყო მიცვღღებუღღის ნებღ. თუმცღ ისიცი მოითხოვღღ, რომ მის საფღავზე ნაღარღ დაეკრათ, მაგრამ პასტორმღ არ მისცღ ამის ნებღ.

ღასაფღავებღზე განსვენებუღღის ორი ძმღ გამოცხადღღ: ღეპარტამენტის ღღირექტორი ებერზარღ სიღენიუსი და ღეკანოზი თომას სიღენიუსი — ორივეს სამოქალაქო ტანსაცმელი ეცვღ. სასაფღაოღღან ღაბრუნებვისას ანღერძი გახსნეს და აქ კღ ძმებმღ თავისღღა გასაოცრად ღღ, აგრეთვე, სამწუხაროღ, გაიგეს, რომ მთელი თავისი ფული განსვენებულმღღ დაუტოვღ „იაკობღ საღამონიღღან ღღარსებულ ღღ ეკღესიისგან

დამოუკიდებელ სკოლას“ ქალაქ კოპენჰაგენში, რასაც, ცხადაა, ვერც ერთი მოიწონებდა და ვერც მეორე. ყველაზე საწყენი ის იყო, რომ სახლას ავეჯეულობის და ნაღდი ფულის მნიშვნელოვანი თანხის გარდა განსვენებულს შემნახველი სალაროს ორი წიგნაკი აღმოაჩნდა. მოკლედ, მთლიანად ათი ათას კრონამდე მოგროვდა. სუსტი ჭანმრთელობისა და ბუნებრივი მიღრეკილების გამო ზედამხედველი ასკეტურ ცხოვრებას ეწეოდა, რამაც საშუალება მისცა წლიური შემოსავლის თითქმის ნახევარი გადაენახა, თუ არ ჩავთვლით შემთხვევით გამომუშავებულს და, კერძოდ, რამდენიმე პატარა გამოგონების ჰონორარებს.

ძმებმა თვალები დაჭყიტეს.

— მაგრამ თანხა გვარიანაა, — ვერ მოითმინა დეპარტამენტის დირექტორმა და კვლავ გაიმეორა: — გვარიანი თანხაა-მეთქი.

პირველად ეს პატივისცემით უღერდა, მეორედ კი ეპვიც ერია ნათქვამში.

— დიახ, მნიშვნელოვანი კაპიტალია, — აღიარა დეკანოზმაც იმავე ტონით.

ძმებმა ერთმანეთს შეხედეს.

— იმედია, ეს ფული პატიოსანი გზით ექნება ნაშოვნი.

-- არავითარი უფლება არა გვაქვს ამაში ეპვი შეგვეპაროს.

• • •

კოპენჰაგენში დაბრუნებისას ბატონმა დეპარტამენტის დირექტორმა გადაწყვიტა სავსებით გასაგები ცნობისმოყვარეობის გამო პირადად ეცნობებინა ფრიოკენ სალამონისთვის მემკვიდრეობის თაობაზე, მის სკოლას რომ დაუტოვეს.

ამიტომაც ერთ მშვენიერ დღეს მან ვასწია ნერებრუზე, სადაც ღარიბებით დასახლებულ კვარტალში ცნობილი „ბავშვთა სახლი“ მდებარეობდა, ამდენი მიიქნა-მოთქმა რომ გამოიწვია. მეკარე ქალმა ხეებით შემორაგულ ბავშვთა დიდ სათამაშო მოედანზე გაატარა. ხეებქვეშ სკამები ელაგა. გამგე ქალი გაკვეთილზე იყო და ბატონმა დეპარტამენტის დირექტორმა, დრო რომ უქმად არ დაეკარგა, — სურვილი გამოთქვა „სასწავლებელი“ დაეთვალეირებინა.

მაშინ მასთან მასწავლებელი ქალი გამოვიდა და შესთავაზა, თუ გნებავთ გიდობას გაგოწევთო.

ვრცელა შენობის ერთ ბოლოში მოთავსებული იყო მაღალი, მორთული, ნათელი სასაძილო. იქ ახლა ერთი წყება საუზმობდა, მეორეს კი ამ დროს მეცადინეობა ჰქონდა. გვერდით სამკერვალო სახელოსნოები იყო განლაგებული, სადაც ყველა მოსწავლე — ბიჭებიც და გოგონებიც — სწავლობდნენ თავიანთ ტანსაცმლის შეკეთებას, წინდების კემსვას, ფეხსაცმლის დაკერებას. შემდეგ მოდიოდა სააბაზანოები და ყოველ სამ დღეში ერთხელ მოსწავლეები აბაზანას ღებულობდნენ. მზე, ჰაერი, წყალი და რაციონალური კვება — აი, ის საშუალებები, რომელთა დახმარებითაც სკოლა მიისწრაფოდა ჩამოეყალიბებინა თავისი მოსწავლეების მორალური სახე და აენახლაურებინა საღეთო სჯულის გაკვეთილების ღანაკლისი.

— ახ, მაშ ასეა, — თქვა ღირექტორმა და მრავალმნიშვნელოვნად ჩაახველა.

ბავშვები სკოლაში არ ცხოვრობენ და ეს არ არის შემთხვევითი. იგულისხმება, რომ სისუფთავის სიყვარული, ჩაცმაში სიფაქიზე და თავდაპირის უნარი მათ თავისებურ მისიონერებად აქცევს, რომელთაც მოსახლეობას უნდა ჩაუნერგონ სიფაქიზე, წესრიგი და ქცევის კულტურა. მაგრამ სკოლის კარი დილაადრიახვე ღიაა, როცა ფაბრიკაში მუშაობა იწყება. ყოველ ამ სიკეთეს ბავშვები იღებენ განსაზღვრულ ფასად. ფასი არც თუ ისე დაბალია, მაგრამ დამოკიდებულია თვითელი ბავშვის მშობელთა ხელფასზე.

„ღიახ, — გაიფიქრა თავისთვის ღირექტორმა, — ყოველივე ეს მშენიერი იქნებოდა. რომ...“

მაგრამ ამ დროს მას აცნობეს, გამგე ქალი მზად არის მიგიღოთო.

იაკობა სალამონი უკვე ორმოცს მიღწეული ქალი იყო და თუმცა უწინდელი ამაყი მიხვრა-მოხვრა შეენარჩუნებინა, თავის ხნოვანებაზე უფროსად გამოიყურებოდა. იაკობას შესახედაობა ყველა სიტყვებზე უფრო მკვერმეტყველურად ლაპარაკობდა, რომ თავისი ნამოქმედარი, რის გამოც ამდენი ენერჯიის დახარჯვა, ასეთი წინააღმდეგობის გადალახვა, ამდენი ცრუ აზრის გაფანტვა დასჭირდა, მარტო ქონების ფასად არ დასჯდომოდა. მებრძოლის მძიმე ხვედრი, ახალგაზრდობიდანვე რომ იტაცებდა, მთლიანად ხვდა მას წილად. მისი სახე, პატივისმცემელნი რომ არწივს ამგვანებდნენ, ხოლო მტრები და მოშურენი—თუთიყუშის მაშხალას, ახლა უდაოდ, გარეული ფრინველის სახედ ქცეულიყო. თითქმის მთლად ჰქადარა თმა, მოყვითალო კანი, ვეებერთელა გადმო-

კარკლული შავი თვალები; გრძელ კისერი და სადა ყავისფერი კაბაც კი, მხოლოდ თეთრი საყვლოთი რომ იყო მორთული, მას კონდორს ამსგავსებდნენ, როცა ეს ფრინველი კლდეზე ზის და დაბლობს მიშტერებია.

როგორც კი ოთახში ღირექტორი შემოვიდა, იაკობა საჩქაროდ წამოდგა თავისი მაგიდიდან.

— ალბათ თავაზიანობა გამოიჩინეთ ჩემს მიმართ და გადაწყვიტეთ პირადად გეცნობებინათ ჩემთვის თქვენი ძმის სიკვდილის ამბავი. მაგრამ მე უკვე გავიგე ეს ნაცნობებისგან, გაზეთში წაიკითხეს ცნობა.

— ეს რომ ჩემი ვიზიტის ერთადერთი მიზეზი იყოს, ალბათ, არ მოგახვევდით თავს ჩემს აქ ყოფნას. მით უფრო, რომ არც ჩემი ძმა, არც მისი ბედ-იღბალი თითქოს თქვენ არ უნდა გაინტერესებდეთ.

— ამაში კი სცდებით. მე უფრო მეტით ვარ თქვენი ძმისგან დავალებული, ვიდრე თავად ფიქრობდა. მისგან მოშორებით მყოფი, რამდენადაც შემეძლო, თვალს ვადევნებდი მის ცხოვრებას. ამ ხნის განმავლობაში ჩვენ ბევრ რამეში დავშორდით ერთმანეთს. მისი სიცოცხლის უკანასკნელი წლების შესახებ სულ არაფერი ვიცი. გთხოვთ, მიახლოთ. დაბრძანდით, გეთაყვა, და მომიყევით როგორ ივადმყოფა და როგორ გარდაიცვალა. უცნაურიც კია, რომ მე არაფერი ვიცი.

მაგრამ ბატონმა ღირექტორმა დაჯდომა არ ისურვა. ამ, ცოტა არ იყოს, საეჭვო რეპუტაციის მქონე ქალის გულახდილობამ აიძულა ტუჩები მოეკუჟა, რის გამოც არაპროპორციულად დიდი ქვედა ყბა უფრო მეტად წამოეწია წინ.

— ვიმეორებ, არ შეგაწუხებდით, თუ არა ერთი მეტად საჩოთირო ხასიათის საქმე, თუშეცა, მოკლედ გეტყვით. თქვენი აზრი იმის შესახებ, რომ ჩემი განსვენებული ძმა არამართო სავსებით დაგშორდათ თქვენ; არამედ, შეხედულებებით და აზრებითაც—ამგვარად, ეს თქვენი მოსაზრება, ჩემდა სამწუხაროდ, (იმედია გამიგებთ, რომ მე, როგორც ძმას არ შემეძლია არ ვწუხდე ამაზე), — არ არის მთლად სამართლიანი. სხვა სიტყვებით რომ ზითხრათ, თავის ანდერძში, რომელიც კიდევ შეიძლება სადაო და სადაო იქნეს, მან დაგიტოვათ თქვენ, უფრო სწორად სასწავლებელს, თუ არ ვიცი, მას რას უწოდებენ, მთელი თავისი ქონება. რამდენადაც განსვენებულს ჰყავდა კანონიერ ქორწინებაში დაბადებული შვილები, ანდერძი ფაქტიურად ბათილია, მაგრამ მე შევეძელი იმის

გამორკვევდა, რომ არც თვითონ მემკვიდრენი, არც მათი მეთურვენი არ იღებდნენ ვაშლი-ნუგუნულს უკანასკნელი წიბის ზუსტად შესრულების წინააღმდეგ. საგზე ესება ათი ათას კრონა. რომელთა წაშრობობა, სამშუსარიოდ, ჩენთვის უცნობია. მე ჩემს მოვალეობად ჩავთვალე პირადად მუცლობინებინა ეს აქვენიოვის და, ამასთან, თქვენი საკუთარი პირივე გაშეგონა, ამირებთ თუ არა ამ საქმურის მიღებას.

იაკობა კვლავ სკანის ზურგზე დაყრდნობილი იდგა. ეტყობოდა, ძალიან იყო აღელვებული. ახალგაზრდობის მოვონებები შემოეჭარა და, თუმცა აქამდე თითქმის არავის ენახა ატირებული, ცრემლები ვერ შეიკავა.

— რატომაც არ მივიღებ? — წყნარად იკითხა მან. — ჩვენ ძალიან განსხვავებულნი ვიყავით, თქვენი ძმა და მე, ზოგჯერ კიდევაც მეჩვენებოდა, რომ არ შემწვევდა უნარი მის ბუნებას ჩაეწვდომოდი. მაგრამ მით უფრო მადლობას ეწირავ მას ამ უკანასკნელი საღმისთვის.

— თუ ნებას მომცემდით, ფრიოკენ საღამოს, მე მიწლოდა ამასთან დაკავშირებით თქვენთვის გამეხსენებინა ერთი ჩვენი საუბარი ამ თქვესმეტი-ჩვიდმეტი წლის წინათ. მე დავახასიათე თქვენი და ჩემი ძმის ურთიერთობა სწორედ იმ სიტყვებით, ახლა თქვენი პირიდან რომ მესმის. მასაც უჭობდა და თქვენც. რომ მაშინ თქვენ ჩემთვის დაგეჭერებინათ. აღამიანებს კარგად ვცნობ.

იაკობამ თავი აიღო და ებერხარდი თავიდან ფეხამდე ჩაათვალიერა.

— არა. ბატონო დირექტორო! ამაში ღრმად ცდებით. მე არაფერს არ ენანობ, პირიქით, ჩემს უდიდეს ბედნიერებად მიმაჩნია, რომ გავიცანი თქვენი ძმა. მან შესძლო ჩემი ცხოვრების ნამდვილი შინაარსით ავსება—სულ ერთია. უბედურება იყო ეს, თუ ბედნიერება. და ის, რასაც თქვენს ირგვლივ ხედავთ, არსებითად არანაკლებად არის მისი ხელით ნამოქმედარი, ვიდრე ჩემით. მთელი ჩემი სიცოცხლე სულითა და გულით მადლობელი ვიქნები მისი.

— ამ საკითხში მე და თქვენ ძნელად თუ შევთანხმდებით. ამიტომაც ჩემი აქ ყოფნით მეტს არ შეგაწუხებთ. ყოველივე კარგს გისურვებთ!

* * *

დასაფლავებიდან ერთი კვირის შემდეგ, ერთ საღამოს, მასწავლებელმა მიქელსენმა და საზოგადოებრივი მდგლოების ზედამხედველმა ნილსენმა, შეთავსებით ოლქის მოსამართლის მოვალეობასაც რომ ასრუ-

ლებდა, გააღეს განსვენებულის დალუქული სახლი, რათა ძმების მოთხოვნით, იქ რომ იყვნენ, საოჯახო ქონების რეესტრი შეედგინათ. ფასიანი ქალაქლები, წერილები და მსგავსი ნივთები ძმებმა ჯერ კიდევ ერთი კვირის წინ წაიღეს. მაგრამ ერთ-ერთ პატარა მაგიდაში, შემთხვევით უჯრით კედლისკენ რომ იყო მიბრუნებული, ჩარჩენილიყო სქელარვეული, სადაც გაურკვეველი ხელით რაღაც ჩანაწერები იყო გაკეთებული.

მასწავლებელმა ვერ მოითმინა და შიგ ჩაიხედა. სანამ მოსამართლე წყნარად დადიოდა სახლში ლამპით ხელში და თავის სიაში აქ დარჩენილ ნივთებს წერდა, ის არ გამოსულა საწოლი ოთახიდან და ბოთლის ყელში ჩარჭობილი სანთლის ნამწვის შუქზე ფურცლადა რვეულს.

ეს იყო რაღაც დღიურის მსგავსი; ზედამხედველი მას ჩამოსვლის დღიდანვე რეგულარულად წერდა. შეჰქონდა შიგ თავისი აზრები და თითქოს საკუთარ თავს ესაუბრებოდა ყოველივე ნახულის და მოსმენილის თაობაზე.

პირველივე გვერდზე მასწავლებელმა გაჭირვებით გააჩია შემდეგი:

„სანამ ახალგაზრდანი ვართ, უზომო მოთხოვნილებებს ვუყენებთ სიცოცხლის მმართველ ძალებს. ჩვენ გვინდა, რომ ერთბაშად მოგვენიჭოს ისინი. იღუმალების საფარი, რომლის ქვეშაც ეს ძალები მოქმედებენ, შეუარაცხოფს ჩვენს გრძნობებს და ჩვენ გვსურს ჩვე-რივით სამყაროს გრანდიოზული მანქანის მუშაობაში და ჩვენი შეხედულებებისამებრ წარვმართოთ იგი. ასაკში რომ შევალთ, მოუთმენლად ვიმზიარებთ კაცობრიობის და ადამიანის ისტორიის მხრისკენ, რათა აქ მაინც გამოვავლინოთ კანონზომიერებანი, შინაგანი კანონები, განვითარების გზები — ერთი სიტყვით, აქ მაინც ვიპოვოთ ცხოვრების აზრი და მიზანი, რისთვისაც ღირს ბრძოლა და ტანჯვა. მაგრამ მერე დგება ისეთი დღე, როცა ჩვენი არსების სიღრმიდან ამოსული ხმა გვაჩერებს, იღუმალი ხმა, რომელიც გვეკითხება: „შეიცანი კი საკუთარი თავი?“ და ამ დღიდან ჩვენ გვიანტიერესებს ერთადერთი საკითხი, ამ დღიდან სფინქსის დიად ამოცანად იქცევა ჩვენი საკუთარი, ჩვენი ქეშმარიტი „მე“, და ჩვენ ამაოდ ვცდილობთ მის გადაწყვეტას. მაგრამ რა არის „ჩემი ქეშმარიტი მე?“ ის ადამიანი ხომ არა, დღეს დღით რომ კოკისპირულ წვიმაში გავიდა შინიდან, გაჯავრებული, პირქუში, ცხოვრებისაგან და მისი სიძნელეებისგან უსასრულოდ დაღლილი? ანდა იქნებ ჩემი „მე“ ეს ის არ არის, ვინც ბინდში ღუმელთან იჯდა და ბედ-

ნიერ შოგრნებებში იყო ჩაფლული სახლზე, ოჯახზე, მოთამაშე ბავშვებზე? იქნებ ეს ის არის, ვინც ახლა მარტოდმარტო ზის ლამპის შუქთან, არც სევდიანი, არც მზიარული, არც მოხუცი, არც ახალგაზრდა, და ვის ხულშიც გამეფებულია სიმშვიდე და მოსვენება — უმაღლესი მოავგენება, რომელსაც მხოლოდ ღამე, მხოლოდ მარტოობა გამოგვივლენს. რას იზამ, ალბათ, სწორედ ეს არის ჩემი ჭეშმარიტი „მე“, ისეთივე, როგორც გამოვიდა დედა-ბუნების ხელიდან, უმწიკვლო და დაუმახინჯებელი! იქნებ თვითელ ამ სახეში არის რაღაც ჩემი „მე“-დან? შესაძლოა ის, რასაც ჩვენ ჩვენს სულს ვუწოდებთ, არის მხოლოდ წარმავალი განწყობილება, სიზმრის გამოძახილი, ღამით რომ ვნახეთ ან იმ სტატიისა; დილის გაზეთში რომ წავიკითხეთ? იქნებ ის დამოკიდებულია ჭარომეტრის ისარზე ან ტორფის ფასზე? იქნებ ჩვენში იმდენი სული ცხოვრობს, რამდენი ფიგურაც არის ბირიულკობანას თამაშში? რამდენიც არ უნდა შეანჯღრიო, ზემოდან ყოველთვის ახალი ფიგურა აღმოჩნდება: ხან სულელი, ხან ჩხუბისთავი, ხან ბუ.

მე ვეკითხები! ვეკითხები!

მასწავლებელი გონს ვერ მოსულიყო. ამ უიმედო სიტყვებში ის ვერ ცნობდა თავის ძველ ნაცნობს, უფრო გვიანი წლების ჩანაწერების ძებნაში, მოულოდნელად ფურცლებს შორის ჩადებულ წერილს წააწყდა. წერილს ეწერა „ბ-ნ გზის ზედამხედველს პ. სიდენიუსს“ და როგორც ფოსტის შტემპელიდან ჩანდა, ორი თვის წინ მოსულიყო:

სინდისის ქენჯნასთან მცირე ხნის ბრძოლის შემდეგ მიქელსენმა წერილი კონვერტიდან ამოიღო. ქალის ხელი იყო. გამომგზავნის მისამართი ზემოთ ეწერა, პირველ გვერდზე: „ბუდერუპლუნდი“.

აი რა წაიკითხა მიქელსენმა:

„ჩემამდე მოაღწია ხმებმა, რომ შენ ავად ხარ, მძიმედ ავად. ამიტომაც მე პირველმა დავარღვიე დუმბილის აღთქმა, შენ რომ მაიძულე, რადგან ვერ მოვისვენებ, სანამ არ გეტყვი, რა უსაზღვრო მადლობელი ვარ შენი ყველა იმ მსხვერპლისთვის, ჩემი ბედნიერებისთვის რომ გაიღე. ახლა მე შენ სავესებით გაგიგე, გაგიგე, რომ ჩვენთვის სიკეთე გინდოდა და სიტყვები არ მყოფნის, რათა შენდამი ჩემი მადლობა გამოვხატო. მოკითხვა ჩვენი სამი შვილისგან, ყველანი ჯანმრთელად არიან და კარგად ცხოვრობენ ისევე, როგორც ჩემი უმცროსები. ისინი მე ორნი მყავს. ხაგბარტი

შევე სტუდენტია, სურს ინჟინერი გახდეს, ყველა ამბობს პრაქტიკულ-
ლებრივი ნიჭის პატრონიაო. თანაც მტკიცე და გამბედავი ბიჭია, ისე
რომ, შესძლებს ცხოვრებაში თავის გატანას. ინგერბორგი შარშან შე-
მოდგომაზე გახდა მირონცხებულა. ის და პატარა ლიზა ჯერჯერობით
ჩემთან ცხოვრობენ. ისინი სრულიად არ გიცნობენ — შენ ასე გასურდა
და იქნებ მართალიც იყავი. კიდევ ერთხელ უდიდეს მადლობას გიხდა
ყველაფრისთვის, ყველაფრისთვის. დაე ჩამოგივლინოს ღმერთმა
ძალები, რათა გადაიტანო ის, რაც მოგელის!

ი ნ გ ე რ ი ა

ჩაფიქრებულმა მიქელსენმა თავი გაიქნია და ფურცელი ისევ კონ-
ვერტში ჩადო.

„რა შეუცნობელი ადამიანი იყო!“ — გაიფიქრა მან.

დლიურის ბოლო ფურცლებზე უმთავრესად ნაწყვეტ-ნაწყვეტი
ჩანაწერები იყო და ბევრი მათგანი ერთნაირი სიტყვებით ბოლოვდე-
ბოდა, რომლებიც აქა-იქ ხაზგასმული იყო: „ბუნება მდიდარია,
ბუნება სიბრძნით და სიკეთით აღსავსეა.“ აქ მიქელსენი ადვილად
სცნობდა თავისი განსვენებული მეგობრის გამოთქმის ხერხსაც და
აზრთა წყობასაც.

აი მაგალითად:

„მუდმივო, ბუნების მიერ ჩანერგილი განუწყვეტელი განვითარე-
ბისადმი მისწრაფების გარეშე, შემოქმედებითი, ცხოველყოფელი
ძალის გარეშე, ადამიანურ ვნებებში რომ ელინდება, იმისდა მიუხე-
დავად, გარეთ არიან მიმართულნი — სინამდვილის სამყაროში,
შიგნით — აზრის სფეროში თუ ზემოთ — ოცნებათა სამეფოში, უდი-
დესი და კანდიერი გამბედაობის გარეშე — დაინახო საკუთარი
თავი ღვთიურ სიშიშველში, ვერავინ ვერ მიადწევს ნამდვილ თავი-
სუფლებას. იმიტომ ვთვლი თავს ბედნიერად, რომ შემთხვევა მომეცა
ისეთ დროს მეცხოვრა, მსგავს მისწრაფებას რომ წარმოშობს და
ასეთ გამბედაობას რომ აძლიერებს. სხვაგვარად მე სიცოცხლის და-
ასრულამდე არასრულფასოვან ადამიანად დავრჩებოდი.“

აი ალაღბედზე სხვა ნაწყვეტი:

„ქრისტეს ცხოვრება და ისტორია მხოლოდ ერთს გვასწავლის
(სწორედ ამაში მდგომარეობს ძველთაძველი სიბრძნე), ის გვასწავლის,
რომ მხოლოდ ვნება დასძლევს ტანჯვას.“

მესამე გვერდზე:

„ჩემი სიჭაბუკის უდიდესი ოცნება იყო — ოცნება დიდებაზე! ბოლოს და ბოლოს მე შევძელი მსოფლიოს დაპყრობა. თითოეული ადამიანის სული დამოუკიდებელი სამყაროა; მისი სიკვდილი არის სამყაროს დაღუპვა მინიატურულად.“

უფრო იქით მიქელსენმა შემდეგი სტრიქონები ამოიკითხა:

„გაზეთები დღეს იტყობინებიან იმის შესახებ, რომ ბატონ სტეინერს სამოქალაქო მრჩევლის ჩინი უბოძეს. როგორ მოგწონთ? მთელი ცხოვრება მოტყუებასა და თვალის ახვევას მონადომა და ყოველივე ამაში მხოლოდ სამოქალაქო მრჩევლის ტიტული? ასე უმადურია ქვეყანა. ახ, ბატონო სტეინერ, საბრალო ბატონო სტეინერ! რომ იცოდეთ, რა მეფურად თავისუფლად ვგრძნობ თავს, ასე შეუმჩნეველი რომ ვარ, რა მიუღწეველი რამ არის, ვინმემ წვრილმანით მაწყენინოს. ეს რომ იცოდეთ, უეჭველად დაჩაგრულად იგრძნობდით თავს. მაგრამ თქვენ არაფერი არ იცით და ამიტომ ბედნიერი ხართ. თქვენ ულოცავთ საკუთარ თავს, ამაყად ცლით შამპანურის ჭიქას საკუთარი თავის ჯანმრთელობისა და დიდების საღვებგებლად. რადგან ბუნება მდიდარია, ბუნება სიბრძნითა და სიკეთით არის აღსავსე.“

შემდეგ — მოკლე სათაურით: „ღმერთის შესახებ“.

„ეოლტერს მიაწერენ ნათქვამს: „ღმერთი რომ არ ყოფილიყო, საჭირო იყო მისი გამოგონებაო.“ ჩემი ფიქრით ეს აზრი უფრო სამართლიანი იქნება შებრუნებული სახით: „ღმერთი ნამდვილად რომ არსებობდეს, უნდა შევეცდილიყავით დაგვევიწყებინა.“ ეს ცუდი ქცევის და მათ გამო გარდაუვალი ანგარიშის გასწორების შიშით კი არა, სულაც არა, არამედ მხოლოდ იმისი სურვილით, რომ აღიზარდოს ადამიანი, ვინც სიკეთეს გააქეთებს თვით სიკეთისა და არა ღმერთის გულისთვის. ვინ შესძლებს, სულთ და გულით გაუწოდოს მოწყალეობა მათხოვარს და ამ დროს ფიქრობს ან სურს იფიქროს, რომ ღმერთი ყველაფერს ზედავს, ყველაფერს მკაცრად აღრიცხავს და ამ სურათის დანახვისას მოწონებით თავს იქნევს?“

იქვე, ამ სიტყვებს ქვემოთ ეწერა სათაური: „ისევ რწმენის შესახებ.“

„ცხოვრებაში ჩვენს ირგვლივ ვიკრებთ მრავალ საგანს, შემთხვევის ძალით ჩვენი საკუთრებანი რომ ხდებიან. ასე, ერთ მშვენიერ დღეს აღმოვაჩინეთ, რომ სიცოცხლედ გვიღირს კომოდი და ვყიდულობთ პირველსავე კომოდს, რომელიც მეავჯეკეს აღმოაჩნდება. პირველად გულგრილად ვუცქერით მას, იქნებ სულაც არ მოგვდის თვალში, მაგრამ მაინც, როგორც კი გადავწყვიტეთ მისი ყიდვა, როგორც კი ის ჩვენი საკუთრება გახდა, ჩვენშიაც და კომოდშიაც საიდუმლო ცვლილებები ხდება. ჩვენ ფრთხილად ვუსვამთ ხელს მის გაპრიალებულ ზედაპირს, სიყვარულით და შიშით ვაცილებთ მას თვალებით, როცა მტვირთავენს ააქვთ კიბეზე და თუ როდესმე მასთან განშორება მოგვიწევს, გვეჩვენება, თითქოს ჩვენი გულის რაღაც ნაწილიც გავაყოლოთ. ასეთია საკუთრების ფლობის გამოცანა. ასეთივე ზომ არ არის რწმენის გამოცანაც?“

უკანასკნელი წლით დათარიღებულ გვერდებზე მიქელსენმა ასეთი სათაური იპოვა: „მრისხანე აჩრდილი.“

„არ მახსოვს ზუსტად სად, კუნძულ მორსზე მრავალი წლის წინათ ასეთი შემთხვევა მოხდა. ერთ მემამულეს ორი პატარა ვაჟი ჰყავდა. უმცროსი ჭიუტი და გაუგონარი ბიჭი იყო და მამას უნდოდა გადაეჩვია სიჭიურისათვის. ერთხელ — პატარა მაშინ მეცხრე წელში იყო — მან ისევ რაღაცა დააშავა და უნდა დასჯილიყო. შეშინებული ბიჭი მაღალ ხეზე აძვრა. გულფიცხმა მამამ, ამავე დროს როგორც იტყვიან ჩოლმე, კარგად გადაკრულშიც რომ გახლდათ (ახალი დაბრუნებული იყო მონადირეთა ქეფიდან), მათრახს წამოავლო ხელი და უბრძანა შეიღს, ჩამოდი ხიდანო. მაგრამ რაც უფრო ხმამაღლა ყვიროდა ის, რაც უფრო მეტად იღანძვებოდა, მით უფრო მაღლა ადიოდა შეშინებული ბიჭი. ბოლოს მთლად კენწეროში გავიდა. უეცრად გაისმა ყვირილი: ტოტი, რომელზედაც ბიჭს ფეხი უნდა დაედგა, მოტყდა და ვეებერთელა სიმაღლიდან

ჩამოვარდნილი ბავშვი მიწაზე დაეცა. ამის შემდეგ ის სამუდამოდ ხეიბარი დარჩა, ხოლო მამა სინდისის ქენჯინსაგან ჭკუაზე შეიშალა და სიკვდილამდე საგიჟეთში იჯდა.

ამასობაში ვაჟები დაიზარდნენ. უფროსი ჯანმრთელი, ლოყა-წითელი ვაჟკაცი იყო, სწორედ რომ დაჟღაჟებდა. მან შეირთო ლამაზი ქალიშვილი, მოამრავლა გამძლე და ჯანმრთელი ბავშვები, მამული სანიმუშო-საჩვენებელ მეურნეობად აქცია, — მოკლედ მოიმოქმედა ამ ქვეყნად ყოველივე, რაც ვაჟკაცს შეეფერება. ძმა კი ამ დროს წყნარად და უძრავად მიწოლილიყო თავის სავარძელში ხეებს ქვეშ. ჩიტები გარს ეხვეოდნენ და მისი ხელიდან კენკავდნენ. თავს უბედურად არ გრძნობდა, მხოლოდ მის ირგვლივ მყოფთა უადგილო სიბრალოლი და მამის საშინელ ხვედრზე ფიქრი სტანჯავდა. მე ვნახე ის. მაშინ თვრამეტი-ცხრამეტი წლისა იქნებოდა. არასოდეს არ დამავიწყდება მისი გაბრწყინებული სახე. თითქოს შუქა აფრქვევდა. დაკარგული ჯანმრთელობის ნაცვლად ბუნებამ მას მეექვსე გრძნობა აჩუქა, რომელიც ერთადერთია, რაც უდიდესი სიამის განცდის უნარს გვანიჭებს. მოუხეშავი ბიჭი, კუშტი გამოხედვა რომ ჰქონდა, მხოლოდ საცოდავი ხეიბარი გახდა, საბრალო არც კაცი იყო, არც ქალი, არც ბავშვი, არც დიდი. მაგრამ სამაგიეროდ ის იქცა ადამიანად, ვის გამოხედვაშიც თვით უსასრულობა აისახა მთელი თავისი აუმღვრველი სიწმინდით, სიღრმით და სიმშვიდით. და მე უნებლიედ გამახსენდა მამამისი, მრახხანე აჩრდილმა — სინდისმა — წყვილიაღში რომ ჩაავდო, იმიტომ, რომ არ გააჩნდა ჭეშმარიტი რწმენა, რწმენა ბუნებისა, რომელიც სიბრძნით და სიკეთით არის მდიდარი და აღსავესე. ყველაფერი ქვეყნად ბუნების ხელთ არის და ის უხვად ანაზღაურებს ერთ რგოლში იმას, რაც გვაკლია მეორეში, და ის...“

მასწავლებელმა ველარ დაამთავრა: ოთახში მოსამართლე დაბრუნდა.

— აბა, მიქელსენ, წავიდეთ, ყველაფერი მზად არის. ეგ რა გიჭირავს?

— რვეულია, უჭრაში იღო. სხვათა შორის, სად წავილოთ ეს რვეული? აქ ხომ მხოლოდ ჩანაწერებია, აუქციონით არ გაევა, ხოლო დახევა — დასაუნანია. როგორ გგონიათ, ნილსენ, მაქვს თუ არა უფლება, დავიტოვო ეს რვეული? ამით რაიმე სახსოვარი მაინც დამრჩება ამ კაცისაგან. მართალი გითხრათ, ძალიან მომაკლდება ეს ადამიანი. აქ კი საკმაოდ ბევრი წერია სწორედ იმის თაობაზე, რაზეც ჩვენ ვმასლაათობდით ხოლმე. წავიკითხავ ზოგჯერ ამ ჩანაწერებს და მომეჩვენება, თითქოს კვლავ მას ვესაუბრე.

— აიღეთ, ღმერთმა მოგახმაროთ. ყოველგვარ ნაჯღაბნზე პასუხს ხომ არ ვაგებთ. ფულადი ღირებულება მას არ გააჩნია.

სანთელი და ლამპა ჩააქრეს. მოსამართლემ ფარანი აანთო. მერე ორივე გამოვიდა დაცარიელებული სახლიდან და ფრთხილად მიიხურეს კარი.

რედაქტორი ელენე გოგოლაშვილი
მხატვარი რომან მახარაძე
ტექნიკური რედაქტორი ნათელა ქავთარაძე
კორექტორი ლეილა არჩვაძე
გამომშვები გიული ბენიძე

გადაეცა წარმოებას 26/V-69 წ. ხელმოწერილია დასაბეჭდად 21/VIII-70
ქალ. ზომა 60X84^{1/16}. პირობითი ნაბეჭდი თაბახი 22,09
სააღრ.-საგამომცემლო თაბახი 19,7
ტირაჟი 20.000 შეკვეთა № 6538

ფასი 1 მან. 00 კაპ.

გამომცემლობა „საბჭოთა საქართველო“
თბილისი, მარჯანიშვილის 5.

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარპოლიგრაფმრეწველობის სტამბა № 5,
ქ. ქუთაისი, ი. ჭავჭავაძის პროსპექტი 11.
Типография № 5 Главполиграфпрома Государственного комитета
Совета Министров Грузинской ССР по печати,
г. Кутаиси, пр. И. Чавчавадзе, 11.